



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

*Մեր կոնտակտները՝*

*Պաշտոնական կայք՝ <http://www.armin.am>*

*Էլ. փոստ՝ [info@armin.am](mailto:info@armin.am)*

ФАНТ ФУУУЧЦЦЦЕРР ФРЦФЦРЦЦ

БИБЛИОТЕКА РУССКОЙ КЛАССИКИ

А.М.ГОРЬКИЙ



**П**И  
**ЗБРАННЫЕ**  
**ПРОИЗВЕДЕНИЯ**

Ե.Ս.ԳՐԿԻ



**Ե**ՍԻՐ  
**ԳՐԿԵՐ**

Կազմեց  
Հարություն Կարապետյանը

**ՄՐՐԿԱՀԱՎԻ ԵՐԳԸ**

Մովի ալեհեր հարթության վրա  
Ամպեր է ահա կուտակում քամին,  
Ահեղ ամպերի և ծովի միջև  
Ճախրում է հպարտ մրրկահավը,  
Թռչում է՝ մի սև կայծակի նման:  
Մերթ ալիքներին թևով դիպչելով,  
Մերթ նետի նման ամպերին հասած՝  
Ճչում է նա չոր—և խինդ են լսում  
Ամպերը խիզախ թռչունի ճիչում:  
Հնչում է ճիչում — փոթորկի ծարավ:  
Եվ զայրությի ուժ, և կրքի հրդեհ,  
Եվ հաղթանակի հավատք են լսում  
Ամպերը նրա այդ ահեղ ճիչում:  
Նվում են ճայերն ամպրոպից առաջ,  
Սուղահավերը նվում են նույնպես,—  
Սուղահավերին անհայտ է հավետ  
Անհուն հրճվանքը կյանքի պայքարի:  
Գոռ որոտներից սարսում են նրանք:  
Հիմար պինզվինը Թաքցընում է խեղճ,  
Գիրուկ մարմինը ժայռերի խորքում...  
Եվ միայն հպարտ Մրրկահավն է  
Ճախրում համարձակ, խիզախ և ազատ՝  
Մովի ալևոր, ճերմակ փրփուրում:  
Ավելի մոայլ ու ծանր են իջնում

Գ 831 Գորկի, Մ.:  
Հնտիր երկեր /Ռուս. թարգմ. Ծ. Չարենցը, Ստ. Շա-  
հումյանը, Ա. Աթայանը և ուրիշ.: Կազմ. Հ. Կարապետ-  
յանը.— Եր.: Սովետ. գրող, 1983.— 624 էջ:  
Ժողովածուն ընդգրկում է ուսու մեծ գրողի «Մայրը» վեպը, «Հա-  
տակում» պիեսը, պատմվածքներ և բանաստեղծություններ:  
4702010200 (1) 22 ԳՄԿ 84 . 07  
701 (01) 83 83 «Տ» Բ2

Ամպերը ծովի հարթութեան վրա,  
Եվ ալիքներն են երգում ու պարում՝  
Թռչելով դեպի որտեղ պայթող:  
Ցամախ փրփուրում որտան է թնդում,  
Ալիքներն են հորդ՝ վիճում քամու հետ,  
Եվ ահա հանկարծ գրկում է քամին  
Ամպերի երամն անդուլ զրկանքով,  
Եվ շարտում է ամեհի թափով,  
Վայրի բարկութեամբ, ժայռերի վրա,  
Փշրում է, ցրում, դարձրնում փոշի  
Նրանց զմրուխտե կույտերն ահագին:—  
Մրբրկահավը ճախրում է ճիշով,  
Կայծակի նման ամպերը ճեղքում,  
Պոկում է թևով փրփուրը ջրի,  
Ճախրում է ահա, ինչպես հզոր դե,  
Սև, անագորույն ոգի փոթորկի,—  
Եվ ծիծաղում է, և խուլ հեկեկում...  
Որտեի ցամախ, վրդովմունքի մեջ  
Նա զգայուն դե—վաղուց է արդեն  
Հոգնություն տեսնում:— Համոզված է նա,  
Որ չեն պարուրի ամպերն արևին,  
Չեն ծածկի ընդմիջա, չեն ծածկի, օ, ոչ—  
Ունում է քամին... Որտեղ թնդում...  
Կապույտ բացի պես ամպերն են վառվում  
Մովի ալիկոծ անդունդի վրա—  
Բռնում է ծովը կայծակի նետերն  
Ու իր ահեկի ընդերքում մարում:  
Կրակե կարմիր օձերի նման  
Եվ գալարվում են, և կորչում ծովում  
Այդ կայծակների ցուրքերը բոսոր:  
— Փոթորիկը հիմա թինդով կրպայթի...  
Դա խիզախ, հպարտ մրբկահավն է  
Ճախրում սլացող կայծակների մեջ,  
Ահեղ աղմուկով, հորդ ծովի վրա,  
Դա հաղթանակի երգիչն է ճշում.  
— Թող փոթորիկը ուժգնորեն կայթի...

## ԲԱԶԵՒ ԵՐԳԸ

Բարձր լեռների  
Կատարը սողաց  
Եվ պառկեց այնտեղ,  
Խոնավ քարափում,  
Գալարուն իժը՝  
Հայացքը ծովին:

Բարձր արևն էր  
Երկնքում շողում,  
Եվ լեռներն էին  
Շոգ՝ շնչում վերև,  
Եվ ալիքները  
Ջարնրվում էին  
Վարը՝ քարերին:

Իսկ ձորի միջով  
Վարը, խավարում,  
Սահանքն էր սահում  
Դեպի ծովը լուրթ,  
Ջարկելով իրար  
Քարերն հատակի,—  
Փրփուրով պատած,  
Հզոր, ալեհեր,  
Կտրում էր լեռը  
Եվ ծովը թափվում  
Դժգոհ ունոցով:

Հանկարծ այն քարափն,  
Ուր իժն էր պառկել,  
Վերևից ընկավ  
Վիրավոր բազեն՝  
Փշրված կրծքով,  
Փետուրն աբյունուս:  
Մի հատու ճիշով  
Նա ընկավ գետին—  
Եվ զարնրվում էր

Անգոր զայրույթով  
Ամբահուռ քարին...  
Իժը վախեցավ,  
Ետ սողաց ճեպով,  
Հասկացավ սակայն,  
Որ կյանքին նրա  
Մնացել է լուկ  
Մի քանի վայրկյան...  
Մոտ սողաց իսկույն  
Մեռնող թռչունին  
Եվ Ֆշշաց ուղիղ  
Աչքերին նրա.  
«Ի՞նչ է, մեռնո՞ւմ ես...»:  
— Այո, մեռնում եմ,—  
Շշնչաց բազեն,  
Խորը շնչելով.  
— Ես լավ ապրեցի...  
Ես բախտավոր եմ...  
Քաջ կովեցի ես...  
Տեսա երկիրքը...  
Դու չես տեսնի այն  
Երբեք այնքան մոտ...  
«Է՛հ, խեղճ արարած,  
Ինչ է երկիրքը.  
Դատարկ տեղ միայն...  
Ո՞նց սողամ այնտեղ...  
Այստեղ ինձ համար  
Ավելի լավ է.  
Խոնավ ու տաք է»:  
Այսպես իժն ասաց  
Ազատ թռչունին,  
Միծաղեց հոգում  
Նրա անհեթեթ  
Մտքերի վրա,  
Եվ այսպես խորհեց.  
«Թո՛ր թե սողա—  
Վախճանն հայտնի է...  
Բոլորս էլ վերջը

Կրպակենք հողում,  
Ամեն ինչ վերջը  
Աճյուն կդառնա»:  
Բայց խիզախ բազեն  
Թպրտաց հանկարծ,  
Կանգնեց մի փոքր  
Եվ շուրջը նայեց—  
Քարափին խոնավ:

Գորշ քարի միջով  
Ջուրն էր թորում դուրս,  
Եվ հեղձուցիչ էր  
Քարափում խավար,  
Եվ գալիս էր գաղջ,  
Մանր, լեշի հոտ:  
Եվ ճչաց բազեն  
Կարոտով, ցավով,  
Հավաքած բոլոր  
Իրա ուժերը.  
— Օ, եթե երկիրք  
Մեկ էլ թռչեի...  
Ես կսեղմեի  
Թշնամուն կրծքիս  
Եվ... թող հագենար  
Արյունով իմ նա...  
Օ, երջանկություն  
Կովի, պայքարի...  
Իսկ իժը խորհեց.  
«Երևի այնտեղ  
Ապրելը այդքան  
Էրոք որ լավ է,  
Եթե նա այդպես  
Խոր հառաչում է...»:  
Եվ առաջարկեց  
Ազատ թռչունին.  
«Դու էլ մոտեցիր  
Եզրին քարափի  
Եվ նետվիր ներքև—

Գուցե թևերդ  
Քեզ բարձրացրնեն,  
Եվ ապրես կրկին  
Դու մի քիչ ևս  
Քո վեճ տարերքում»:  
Եվ հառնեց բազեն,  
Եվ, խենթ ճշալով,  
Գնաց եզերքը՝  
Ճանկերը խոնավ  
Քարին քսելով:  
Եվ մոտեցավ նա,  
Պարզեց թևերը,  
Շնչեց կրճքով ողջ,  
Բոցեց աչքերը—  
Եվ գլորվեց վար:  
Եվ, փնչպես քարը,  
Սահելով ներքև,  
Արագ ընկնում էր,  
Կոտրում թևերը,  
Եվ կորցնում էր  
Իր փետուրները...  
Ջրի ալիքը  
Գրկեց մարմինը,  
Եվ լվանալով  
Նրա արյունը,  
Փրփուրով պատած  
Մղեց դեպի ծովը:  
Իսկ ալիքները  
Տխուր հառաչով  
Զարնըվում էին  
Չոր քարերին այն.  
Եվ շէր երևում  
Նրա մարմինը  
Մովի անսահման  
Տարածության մեջ...  
Քարափում պառկած  
Խորհում էր երկար  
Իժը թռչունի

Վախճանի մասին  
Եվ սիրո մասին  
Դեպի երկինքը...  
Եվ ահա նայեց  
Դեպի հեռուն նա,  
Որ հար շոյում է  
Մեր հայացքները  
Բախտի երազով:  
«Իսկ ի՞նչ էր տեսնում  
Մեռնող այն բազեն  
Այդ անապատում  
Անտակ ու անեզր...  
Ինչո՞ւ են նրանք,  
Մեռնելով՝ հավետ  
Հուզում հողին մեր  
Իրենց սիրով այդ՝  
Դեպի թռիչքը,  
Դեպի երկինքը...  
Ի՞նչն է պարզ այնտեղ...  
Չէ՞ որ կարող եմ  
Ես ինքս իմանալ  
Այդ ամենը— գեթ  
Մի փոքր պահով  
Երկինք թռչելով»:  
Ասաց— և արավ:  
Ոլորված, որպես  
Փայլուն մի օղակ՝  
Թռավ առաջ նա—  
Եվ արևի դեմ  
Փայլեց, փնչպես մի  
Բարակ ժապավեն:  
Սողալու համար  
Մնվածք — թռչել,  
Օ, անկարող է...  
Մոռանալով աչք—  
Ընկավ քարին նա,  
Բայց չփշրվեց,  
Այլ ծիծաղեց լոկ:

«Ահա թե որն է  
Երկինք թռչելու  
Հիմար հաճույքը...  
Ընկնելու մեջ է...  
Հիմար թռչուններ...  
Հողին անընտել,  
Չանձրացած այնտեղ,  
Նրանք ձգտում են  
Դեպի երկինքը—  
Եվ կյանքն են փնտրում  
Անապատում տոթ:  
Այնտեղ դատարկ է,  
Այնտեղ լույս շատ կա,  
Բայց չկա այնտեղ  
Ուտելիք, չկա  
Կենդանի մարմնի  
Համար հենարան:  
Էլ ինչի՞ է այդ  
Հպարտությունը...  
Էլ ինչի՞ է այդ  
Հանդիմանանքը...  
Նրա համար, որ  
Ծածկեն նրանով  
Իրենց տենչերի  
Խելառ ընթացքը,  
Որ նրանց ետև  
Քողարկեն իրենց  
Անպետքությունը  
Այս կյանքի համար...  
Հիմար թռչուններ...  
Բայց չեն խաբի ինձ  
Այլևս նրանց  
Խենթ գրույցները...  
Ես ինքս գիտեմ  
Ամեն ինչ հիմա:  
Իս ինքս արդեն  
Տեսա երկինքը...  
Վեր ճախրեցի ես

Եվ շափեցի այն,  
Տեսա անկումը,  
Բայց չմեռա ես,  
Այլ ավելի եմ  
Հավատում ինքս ինձ...  
Թող նրանք, ովքեր  
Չեն սիրում հողը—  
Ապրեն սուտով լոկ...  
Ես գիտեմ հիմա  
Ճշմարտությունը  
Եվ նրանց կոչին  
Չեմ հավատում ես:  
Հողի ծնունդ եմ—  
Հողով կապրեմ ես»:  
Եվ կըծկվեց նա  
Պիրկ՝ քարի վրա՝  
Իրենով հպարտ—  
Փայլում էր ծովը  
Վառ լույսերի մեջ,  
Եվ ալիքները  
Չարնըվում էին  
Ափերին՝ ահեղ:  
Նրանց որոտում  
Թնգում էր երգը  
Բազեի մասին:  
Եվ դողում էին  
Ժայռերը՝ նրանց  
Հարվածներից գոռ  
Եվ երգից նրանց.  
«Խուլ-խիզախների  
Խենթությանը վեհ  
Երգում ենք փառք մենք:  
Խուլ-խիզախների  
Խենթությունը վեհ—  
Օ, այս է ահա  
Կյանքի իմաստը...  
Օ, քաջ Բազե դու  
Կովում՝ քո դաժան



Ոստիների գեմ,  
Եղար արնաքամ...  
Բայց կգտ օրը,  
Եվ թո արյունի  
Վառ կաթիլները՝  
Կայծերի նման  
Կըբարնկվեն մեր  
Կյանքի խաղարում  
Եվ բազմաթիվ քաջ  
Սրտեր կըվառեն  
Մարավով լույսի  
Եվ ազատության:  
Թեկուզ մեռար դու,  
Եվ բազմաթիվ քաջ  
Եվ ոգով արի  
Ու խիզախ մարզկանց—  
Ընդմիջտ կլինես  
Պայծառ օրինակ,  
Հպարտ օրինակ...  
Խուլ-խիզախների  
Խենթությանը վե՛հ  
Երգում ենք երգ մենք...»:

## ԱՂՋՈՒԸ ԵՎ ՄԱԼԸ

1

Դառնում է արքան պատերազմից:  
Գնում է — զայրույթից գողում է:  
Լսում է — թփի ետևից  
Մի աղջիկ ծիծաղում է:

Ահեղ կիտելով հանքերը զեզին՝  
Արքան մտրակեց ձիուն՝ փնջալով,  
Հարձակվեց վրան, ինչպես փոթորիկ,  
Եվ գոռաց՝ զրահ ցնցելով.  
«Ի՞նչ ես դու», — գոռաց նա շտաբ ու կոպիտ, —

Ի՞նչ ես դու, աղջի, ցցել ատամներդ.  
Կործանեց, հաղթեց ինձ թշնամին,  
Իմ ամբողջ զորքը կոտորվել է.  
Գերի է ընկել շքախումբըս ողջ.  
Գնում եմ ահա, որ նոր զորք բերեմ.  
Ես — արքան եմ թո, սիրտըս — վիշտ ու ոխ, —  
Հիմար ծիծաղըդ ես ո՞նց համբերեմ»:

Շապիկը կրծքին շտկելով հազիվ՝  
Աղջիկը ասաց արքային զազիր.  
«Ես խոսում եմ, տես, հետն իմ սիրածի, —  
Տեր-արքա, դու լավ է — հեռացիր»:  
Արքաների հետ խոսելու համար  
Սիրողը ե՞րբ է ժամանակ ձարում.  
Երբեմն սերը վառվում է արագ,  
Քան մոմը՝ աստծո տաճարում:  
Մուկեզնեց արքան բարկությունից շար,  
Հրաման տվեց իր խմբին խոնարհ.  
«Ջնդան նետեցեք այս լիրբ աղջրկան,  
Կամ, լավ է, իսկույն խեղդեցեք նրան»:  
Մամածընելով մոռութիւնը հեզ՝  
Արքայի մարդիկ թափվեցին վրան,  
Երջապատեցին շար դեերի պես —  
Մահին հանձնեցին դժբախտ աւջրկան:

2

Լեցուն է մահը միշտ շար հույզերով,  
Բայց այդ օրը նա փոխվել էր ասես.  
Չէ՞ որ գարնանը սերմերը սթրս  
Ուռչում են անգամ այդ պատավի մեջ:  
Ձանձրալի է հար նեխած մսերում  
Ոչնչացնել հիվանդություններ.  
Երբեմն ուզում ես ապրել անօգուտ,  
Ամեն մի բոլոր մահով շրնդունել:  
Ի՞նչուրբ՝ նրան տեսնելու պահին՝  
Ջգում են միայն սարսափ անիմաց,  
Ձանձրացել էր նա մարդկային մահից,

Քաղման ծեսերից, փոսերից՝ այն բաց,  
Զբաղված գործով՝ անշնորհակալ՝  
Այս կեղտոտ ու մութ աշխարհի վրա—  
Իր գործն հմտորեն կատարում է հար—  
Քայց ավելորդ են համարում նրան:  
Վիրավորիչ է, իհարկե, սա ըիչ.  
Բարկանում է մերթ մարդկանցից նա էլ,  
Եվ, բարկանալով, տանում է կյանքից  
Ոչ նրանց հաճախ, ում պետք է տանել,  
է, սատանայի՞ն սիրի նա զուցե,  
Անհագուրդ շնչի դժոխքի հրով,  
Հեկեկա սիրո ցավից ու խոցից,  
Նրա հետ մեկտեղ արքենա սիրով...

3

Աղջիկը՝ կանգնած Մահի առաջին՝  
Սպասում է հարվածին Մահի:  
Փնչում է Մահը, — խղճում է զոհին.—  
«Ինչքան էլ ջահելն է, նայիր...  
Ի՞նչ ես արքային ասել կոպտաբար.  
Սպանեմ պիտի քեզ դրա համար...»:

«Օ, մի բարկանա,— աղջիկը ասաց,  
— Ինչո՞ւ ես իզուր բարկանում վրաս.  
Առաջին անգամ համբուրում էր ինձ  
Սիրածս՝ թփի կանաչ հովանում,  
Իսկ արքան— փախչում էր պատերազմից.  
Ինչ արքա, ինչ բան— այդ լույս վայրկյանում...  
Դե, ես էլ ասի արքային, նրան.  
— Հեռացիր, արքա, այստեղից:—  
Լավ էի ասում, կարծես թե, սակայն  
Տես՝ ինչքան եղավ անտեղի...  
Եվ, Մահից, գիտեմ, ազատում չկա.  
Մեռնելու եմ, գիտեմ, չըսիրած,—  
Բայց ամբողջ հոգով խնդրում եմ, ով Մահ,  
Թույլ տուր, որ մեկ էլ համբուրեմ նրան...»:

Տարօրինակ էր զրույցն այս Մահին.  
Ո՞վ է Մահվանից նման բան ուզում...  
Մաածեց՝ էլ գործ կրմնա՞ իրեն,  
Թե չհամբուրվեն մարդիկ աշխարհում...  
Եվ, տաքանալով արևի ներքո,  
Մահն ասաց՝ մոտիկ կանչելով օձին.  
«Գնա, համբուրիր — և ետ եկ շուտով.  
Գիշերը՝ քոնն է, կըսպանեմ լուսին»:

Եվ նստեց քարին:— Օձը ժանիքով իր  
Մահվան գերանդին է լիզում:  
Աղջիկը բախտից հեկեկում է,  
Փնչում է Մահը.— «Դե գնա, դե, շուտ»:

4

Գարնան արևով քնքուշ տաքացած,  
Մահը արձակեց տրեխները հին,  
Հենվեց շոր քարին— և խորը քնեց:  
Եվ վատ մի երազ այցելեց Մահին:

Իբրև կայենը՝ ծնողը նրա,  
Իր թոռանթոռի՝ շար Հուդայի հետ,  
Երկուսն էլ զառում, — ելնում են լեռը,  
Երկու իծի պես սողում են կամաց:

«Տեր», — հառաչում է մույլ կայենը,  
Երկինք նայելով մարած աչքերով.  
«Տեր», — հայցում է շար Իսկարովտացին՝  
Աչքերը հողից չըբարձրացնելով:

Վերը, ամպի մեջ, լույս լերան վրա  
Տերն, ընկողմանած, կարողում է մի գիրք.  
Վառ աստղերով է այդ գիրքը զրված,  
Մի էջ է նրա— Միր-կաթինն անհուն:  
Կանգնած է վերը Հրեշտակապետն՝

Ըսպիտակ ձեռքում—կայծակների խուրձ,  
Ուղևորներին ասում է նա խիստ.

«Հեռացեք, աստված ձեզ չի ընդունի»:  
«Միքայել,— տխուր հայցում է կայենն.  
Մեծ է հանցանքս աշխարհի հանդեպ՝  
Ես ծնեցի կյանքն ըսպանողին,  
Ես եմ հայրն ստոր, անիծյալ Մահի»:

«Միքայել, —տխուր ասում է Հուդան.—  
Գիտեմ՝ կայենից հանցապարտ եմ ես,  
Քանզի մատնեցի գարշելի Մահին  
Լույսի պես պայծառ սիրտը աստուծո»:

Եվ աղերսում են նրանք երկուսով.

«Միքայել, տերը մեզ մի խոսք միայն,  
Քող մի խոսք ասի, թող խղճա լոկ մեզ—  
Չէ՞ որ ներումն մենք չենք աղերսում»:

Ղրեշտակապետն ասում է կամաց.

«Երիցս արդեն ասել եմ նրան.  
Երկու անգամի՞ն նա ոչինչ չառաց,  
Երբորդ անգամին նա խիստ բարբառեց.  
— Իմացիր, քանի դեռ Մահը կյանքում  
Կործանում է շունչ ու ծիլ կենդանի—  
Չիք ներում նրանց—Կայեն-Հուդային»:

Այստեղ Մատնիչն ու Եղբայրասպանը  
Տխուր ոռնացին և հեծկլտացին,  
Եվ, գրկած իրար, գլորվեցին ցած՝  
Լերան ներքևի ճահիճը նեխած:  
Իսկ մութ ճահիճում հրճվում են, խաղում  
Մարդակեր դեեր ու սատանաներ—  
Եվ թքում են բաթ նրանց երեսին  
Ճախճախուտային կապույտ կրակներ:

Մահը արթնացավ կեսօրին մոտիկ:  
Նայում է, աղջիկը չի եկել դեռ:  
Փնչում է քնկոտ. «Տես անամոթին,  
Գիշերն, արի տեռ, խիստ կարճ է եղել»:

Քաղեց մի հասած արևածաղիկ,  
Հոտոտեց, հրճվեց՝ արևի ներքո  
Դիտելով ծաղկած ծառերի դեղին  
Տերևներն՝ ասես դարձած ոռկեզույն:

Եվ արեգակին նայելով — հանկարծ  
Երգեց նողկալի իր ձայնով հանգած.

«Մարդիկ՝ ձեռքով շարաղետ՝  
Մերձավորին սպանում—  
Եվ թաղում են, և երգում:  
«Ի վերին Երուսաղեմ»:

Չեմ հասկանում ես ոչինչ.  
Բռնակալը իր ձեռքով  
Սպանում է մարդկանց միշտ  
Եվ միշտ թաղում—նույն երգով:

Ազնիվ է թե ավազակ—  
Հենց որ ուզում են թաղեն,  
Նույնն են երգում շարունակ,  
«Ի վերին Երուսաղեմ»:

Հիմարի թե ստորի,  
Հենց որ ձեռքով իմ քաղեմ—  
Երգում են միշտ բոլորին.  
«Ի վերին Երուսաղեմ»:

Նա երգը երգեց և խիստ դժգոհեց.  
Անցել է արդեն ժամ ու ժամանակ—  
Իսկ աղջիկը դեռ չկա, չի գալիս.  
Սա — վատ է, Մահը չի սիրում հանաք:

Գառնալով դժնի ու շար առավել—  
Հազավ Մահը իր տրեխները հին,  
Եվ, հազիվ իջավ լուսընկա գիշեր—  
Ճանապարհ ընկավ՝ ամպի պես մթին:

Քիչ գնաց—մեկ էլ տեսնում է ահա.  
Ցողապատ, դալար թավուտի ներքո  
Նստած է, գարնան դիցուհու նման,  
Աղջիկը՝ շաղած լուսնյակի ցոլքով:

Վաղ-գարնանային հողի պես տկլոր՝  
Բացված է նրա կուրծքը անամոթ,  
Եվ թավ, մետաքսյա մաշկի վրա, խոր,  
Աստղերն են փայլում համբույրների տոթ:—

Աստղերի նման կուրծքն են զարդարում  
Գիրգ ստինքների պտուկները հուր,—  
Եվ, աստղերի պես, աչքերն են նայում  
Վեր՝ Կաթն-ծիրի ճամփեքին մաքուր:

Կապույտ սովերներ աչքերի տակին,  
Շրթերը—կարմիր վերքերի նման,  
Գլուխը դրած նրա ծնկներին՝  
Հոգնած, հագեցած՝ նիրհել է տղան:

Նայում է Մահը—և բոցը քենի  
Մարում է դանդաղ իր դատարկ գանգում:  
«Եվայի նման այդ ի՞նչ ես էլի  
Թաքնըվել աստծուց խոտի արանքում»:

Երկընթի նման մարմնով իր լուսեղ  
Իր սիրած տղին ծածկելով Մահից—  
Պատասխան տվեց Աղջիկը խիզախ.  
«Սպասիր մի քիչ, դեռ մի հայհոյի,  
Աղմուկ մի հանի, մի դիպչի սրան,  
Մի հնչեցրու գերանդին քո սուր.  
Կըգամ, կըմտնեմ իսկույն գերեզման—  
Միայն թե սրան—երկար կյանք դու տուր:

Մեղավոր եմ ես, չեկա ժամկետին,  
Կարծում էի, որ—դու շատ ես մոտիկ,  
Թույլ տուր սիրածիս ես գրկեմ էլի—  
Կյանքը նրա հետ շատ է ցանկալի...  
Նա էլ—լավն է շատ. նայիր՝ հուրհուրան  
Ինչպիսի շքնաղ, ինչպիսի վսեմ  
Հետքեր է թողել նա կրծքիս վրա.  
Տես՝ կակաչներ են կրակե ասես...»:

Մահն, ամաչելով, կամաց ծիծաղեց.  
«Արևի հետ է համբուրվել ասես...  
Բայց—մենակ դու չես իմ հոգսը կյանքում,  
Շատերին պիտի ես մահ տամ ու քուն.  
Ես ժամանակին լավ եմ ծառայում,  
Գործ շատ կա, իսկ ես—զառամ եմ արդեն.  
Ամեն մի վայրկյանն ինձ թանկ է կյանքում—  
Հավաքվիր, աղջի, ժամանակն է, դե...»  
Պնդում է աղջիկն.

«Իմ սիրածը ինձ  
Երբ գրկում է—էլ ոչ երկինք, ոչ հող.  
Լցվում է հոգիս կարոտով աննինչ,  
Վառվում է իմ մեջ երկնային մի շող...  
էլ սարսափ չկա գալիքի հանդեպ,  
Ոչ մարդ է էլ պետք, ոչ երկինք անհուն.  
Մանկան պես—խինդը իրենով է խենթ,  
Եվ իրենով է սերը հիանում...»:

Լսում է մահը, մտածկոտ ու սև,—  
է՛հ, ո՞նց կասեցնի այս երգը անվերջ...

Չիք աստված կյանքում— արևից վսեմ,  
Չիք կրակ— սիրո կրակից անշեշ...

7

Լուռ է մահը, իսկ զրույցներն աղջկա  
Հալում են շոր ոսկորները նրա հին,  
Մերթ սառեցնում և մերթ կիզում են նրան,—  
Ի՞նչ պիտի տա Մահու սիրտը աշխարհին:

Մահը — մայր չէ. բայց կին է նա, և նրա  
Սիրտն էլ անշուշտ մտքից ուժեղ է և խիստ.  
Իր մութ սրտում կան բողբոջներ հուրհրան՝  
Կարոտանքի, վրդովմունքի և խղճի:

Նրանց, ում նա սիրում է խոր իր սիրով,  
Ում սիրտը որ շար կարոտով է լեցուն—  
Գիշերները նա որպիսի կարոտով  
Մեծ հանգրստի զրույցներ է շնչում:  
«Է՛հ ինչ,— ասաց Մահը.— Հրաշք թող լինի —  
Թույլ եմ տալիս— ապրիր, ապրիր դու, միայն...  
Միայն թե ես ընդմիշտ քեզ մոտ կլինեմ,  
Սիրո կողքին ես կլինեմ հավիտյան...»:  
Այդ օրվանից Սերն ու Մահը, ինչպես թույրեր,  
Միասին են շրջում կյանքում մինչև հիմա,  
Սիրո հեռքից Մահն է քայլում քայլով երեք,  
Սուր գերանդին ուսին, միջնորդ կնոջ նման:—  
Քայլում է նա, իր քրոջով հմայված հար —  
Նվ ամենուր, թաղման ծեսին, թե հարսանիքին—  
Նա անդադրում, անշեղորեն կերտում է վառ  
Խինդը սիրս և բերկրությունը կյանքի:

## ՊԱՏՄՎԱԾՔՆԵՐ

### ՊԱՌԱՎ ԻԶԵՐԳԻԸ

I

Ես այս պատմությունները լսել եմ Ակկերմանի մերձակայքում, Բեսարաբիայում, ծովի ափին:

Մի երեկո, վերջացնելով օրվա այգեկույթը, մի խումբ մուգավազիներ, որոնց հետ ես աշխատում էի, գնացին ծովի ափը, իսկ ես ու պառավ Իգերգիլը մնացինք խաղողի վազերի խիտ ստվերի տակ ու, գետնի վրա պառկած, լուռ էինք, նայելով, թե գիշերվա խոր մթության մեջ ինչպես են անհետանում դեպի ծովը գնացող մարդկանց սիլուետները:

Նրանք գնում էին, երգում ու ծիծաղում. տղամարդիկ բրոնզադեմ էին, փարթամ ու սև բեղերով և ուսերին հասնող խիտ գանգուրներով, կարճ բաճկոններով ու լայն շավարներով. կանայք և աղջիկները ուրախ էին, ճկուն, մուգ կապույտ աչքերով, նույնպես բրոնզադեմ: Նրանց մետաքսե ու սև մազերն արձակված էին, գոլ ու թեթև զեփյուտը խաղում էր դրանց հետ, զրբեգացնում մազահյուսերի դրամները: Քամին սուրում էր լայն, համաշափ ալիքներով, բայց երբեմն ասես ցատկում էր ինչ-որ անտեսանելի առարկայի վրայից, և ուժեղ թափ առնելով, ծածանում էր կանանց մազերը, որոնք ասես նրանց գլուխների շուրջը փոփոացող ֆանտաստիկ բաշեր լինեին: Դա կանանց դարձնում էր տարօրինակ ու հեքիաթային: Նրանք ավելի ու ավելի էին հեռանում մեզանից, իսկ գիշերն ու ֆանտազիան էլ ավելի սթանչելիորեն էին պաճուճում նրանց:

Մեկը ջութակ էր նվագում... մի աղջիկ երգում էր մեղմ, կոնտրալտոյով, ծիծաղ էր լսվում...

Յոյր հագեցած էր ծովի սուր բուրմունքով ու իրիկվանից քիչ առաջ անձրևով առատորեն ողողված գետնի ուժեղ գուրբշխացումներով: Դեռ հիմա էլ երկնքով մեկ թափառում էին ծվեն-ծվեն, փարթամ, տարօրինակ ուրվագծեր ու գույներ ունեցող ամպերը, որ տեղ-տեղ նոսր էին ինչպես ծխի քուլաները, մթնա-կապույտ և գորշ երկնագույն էին, տեղ-տեղ էլ խիտ, կոշտ էին ժայռերի փլվածքների նման, փայլատ-սև էին կամ կինամոնա-գույն: Նրանց արանքում փաղաքուշ շողում էին երկնքի լուրթ պատանները, որոնք գեղազարդված էին աստղերի ոսկե կայ-լակներով: Այդ ամենը,— հնչյուններն ու բույրերը, ամպերն ու մարդիկ,— տարօրեն գեղեցիկ էր ու տրտում, հիասքանչ մի հե-քիաթի սկիզբ էր թվում: Ու ամեն ինչ կարծես դադարեցրել էր իր աճը, մեռնում էր, ձայների աղմուկը մարում էր, ու հեռա-նալով, տխուր հառաչանքների էր վերածվում:

— Ինչո՞ւ դու չգնացիր նրանց հետ,— գլխի շարժումով հարցրեց պառավ Իզերգիլը:

Ժամանակը բոլորովին կորացրել էր նրան, երբեմնի սևո-րակ աչքերը անփայլ էին ու արտասովակալում էին: Նրա շոր ձայնը տարօրինակ էր հնչում, ճթճթում էր, կարծես պառավը ոսկորներով էր խոսում:

— Չե՛մ ուզում,— պատասխանեցի նրան:

— Ի-ի՛հ... դուք, ուսաներդ, ալևոր եք ծնվում: Շարունակ մռայլ եք, ոնց որ դեերը... մեր աղջիկները վախենում են քեզ-նից... Բայց չէ՞ որ դու ջահել և ուժեղ ես...

Լուսինը ծագեց: Նրա սկավառակը մեծ էր, արյունամած-կարմիր, թվում էր, թե նա դուրս է եկել այս տափաստանի խոր-քերից, որը իր կյանքում այնքա՛ն շատ մարդկային միս էր կլա-նել ու արյուն խմել, ու երևի հենց դրանից էլ պարարտացել էր և առատածեռն էր դարձել: Սաղարթի ժանյականման ստվերները բնական մեզ վրա, ցանցի նման ծածկեցին ինձ ու պառավին: Մեզնից դեպի ձախ տափաստանով սահեցին ամպերի ստվեր-ները. լուսնի կապտավուն ցուլքով ողողված, նրանք դարձան ավելի թափանցիկ ու պայծառ:

— Տե՛ս, հրե՛ն, կարբան է գալիս:

Ես նայեցի այնտեղ, ուր ցույց տվեց պառավն իր դողդո-ջուն, մատները ծուռտիկ ձեռքով, ու տեսա հետևյալը. այնտեղ ստվերներ էին շարժվում, դրանք շատ էին, ու դրանցից մեկը, որ մյուսներից ավելի սև էր ու աչքի ընկնող, իր քույրերից ավելի

արագ էր սահում և ավելի ցածր էր. նա բնկել էր մի կտոր ամ-պից, որը երկրին ավելի մոտիկ և ավելի արագ էր սահում, քան մյուսները:

— Այնտեղ ոչ ոք չկա,— ասացի ես:

— Դու ավելի կույր ես, քան ես, պառավս: Նայիր, հրե՛ն, մթին է տալի, վազում է տափաստանով:

Ես էլի՛ նայեցի ու դարձյալ ոչինչ չտեսա, բացի ստվերից:

— Դա ստվեր է: Ինչո՞ւ դու նրան կարբա ես անվանում:

— Որովհետև այդ նա է: Հիմի նա արդեն ուրու է դարձել, դեհ, ժամանակն է: Նա հազարավոր տարիներ է ապրում, արևը շորացրել է նրա մարմինը, արյունն ու ոսկորները, ու քամին դրանք փոշիացրել է: Ա՛յ թե աստված ինչ է անում մարդուն նրա հպարտության համար:

— Պատմիր ինձ, թե այդ ինչպես է եղել,— խնդրեցի պա-ռավին, զգալով, որ լսելու եմ տափաստաններում հյուսված սքանչելի հեքիաթներից մեկը:

Ու պառավն ինձ պատմեց այդ հեքիաթը:

«Հազարավոր տարիներ են անցել այն ժամանակից, երբ պատահեց այս բանը: Հեռո՞ւ-հեռո՞ւ, ծովից դենը, արևածագի տեղում, կա մեծ գետով մի երկիր. այն երկրում ծառի ամեն մի տերև ու բույսի ամեն մի ցողուն այնքան ստվեր են տալի, որքան հարկավոր է մարդուն արևից պաշտպանվելու համար, որն այնտեղ շատ և շատ կիզի է:

Ա՛յ թե ինչպես առատածեռն է այն երկրի հողը:

Այնտեղ մարդկանց մի հզոր ցեղ էր ապրում, նրանք հո-տեր էին արածացնում և իրենց ուժն ու արիությունը վատնում զազաններ որսալու վրա, որսից հետո քեֆ էին անում, երզում ու խաղում էին աղջիկների հետ:

Մի անգամ, քեֆի ժամանակ, արծիվը երկնքից իջնելով փախցրեց այդ աղջիկներից մեկին, որ սև-սև մազեր ուներ, քնքուշ էր գիշերվա նման: Տղամարդիկ նետեր արձակեցին արծ-վի վրա, բայց այդ խղճուկ նետերը բնական գետին: Տղամարդիկ գնացին աղջկան փնտրելու, բայց չգտան: Ու մոռացան նրան, ինչպես ամեն բան էլ մոռացվում է աշխարհում»:

Պառավը հոգոց հանեց ու լռեց: Նրա ճոճոան ձայնն այն-պես էր հնչում, որ կարծես թե բոլոր մոռացված դարերն էին

արտնչում, որոնք նրա կրթում մարմնավորվել էին իբրև հուշերի ուրունքի: Մովը մեղմիվ արձագանքում էր թերևս իր ափերին ստեղծված հնադարյան առասպելներից մեկի սկզբնավորությունը:

«Բայց քսան տարուց հետո աղջիկն ինքը եկավ, նա հալումաչ էր եզել ու հյուսվել, իսկ նրա հետ կար մի քիտա-սարգ, որ գեղեցիկ և ուժեղ էր, ինչպես ինքը քսան տարի առաջ: Առ երբ աղջկան հարցրին, թե որտեղ էր եղել, նա պատմեց, որ արթնելը նրան տարել էր լեռները ու այնտեղ ապրում էր իր հետ, որպես իր կնոջ հետ: Ահա արծվի որդին, իսկ հայրն արգեն շիա. երբ նա սկսեց թուլանալ, վերջին անգամ թռավ, երկինք բարձրացավ ու, թևերը ծալած, այնտեղից ընկավ սարի սուր շերտերին, շարդուփշուր եղավ...»

Թուրը էլ զարմանքով նայում էին արծվի որդուն ու տեսնում էին, որ սա իրենցից ոչնչով էլ լավ չի, միայն թե աչքերը սառն ու հպարտ են, ինչպես թռչունների թռչաժողովի աչքերը: Ու խոսում էին նրա հետ, իսկ նա, եթե ուզում էր, պատասխանում էր, կամ լռում, իսկ երբ եկան ցեղի ավագները, նա դրանց հետ խոսեց ինչպես իրեն հավասարների հետ: Այս բանը վիրավորեց նրանց, ու ավագները նրան անվանելով անպետք ու բուժ մի նետ, ասացին, որ իրենց հարգում, հնազանդվում են նրա պես հազարները, նրանից երկու անգամ մեծ մարդիկ: Իսկ նա, համարձակորեն նայելով նրանց, պատասխանեց, որ չկան այնպիսիները, ինչպես ինքն է. ու եթե բոլորն էլ հարգում են այդ ավագներին, ապա ինքը չի ուզում այդ անել: Օ... այն ժամանակ արդեն բոլորովին բարկացան ավագները: Բարկացան ու ասացին.

— Նա տեղ չունի մեր մեջ: Ուր ուզում է, թող գնա:

Նա ծիծաղեց ու գնաց, ուր որ ուզում էր, — մի գեղեցիկ աղջկա մոտ, որը ակնապիշ նայում էր նրան. գնաց նրա մոտ, մոտեցավ ու գրկեց նրան: Աղջիկը նրան դատապարտող ավագներից մեկի գուտարն էր: Ու թեև տղան գեղեցիկ էր, աղջիկը նրան գնն հրեց, որովհետև վախենում էր հորից: Աղջիկը գնն հրեց նրան և ուզեց հեռանալ, իսկ տղան խփեց նրան, ու երբ աղջիկն ընկավ, սուր գրեց նրա կրծքին, այնպես, որ աղջկա ջուրթերից արյունը ցայտեց դեպի երկինք. աղջիկը հեծկտաց, օձի պես գալարվեց ու մեռավ:

Երկյուղը բռնեց բոլոր նրանց, ովքեր տեսան այդ առաջին անգամն էր, որ նրանց ներկայությամբ այդպես սպանում էին կնոջը: Ու երկար լռում էին բոլորը, նայելով աղջկան, որ ընկած էր բաց աչքերով ու արյունաշաղախ բերանով ու տղային, որ կանգնած էր աղջկա կողքին, բոլորի դեմ մենակ, ու հպարտ էր, շեր ծոում գլուխը, ասես պատիժ էր սպասում: Հետո, երբ խելքի եկան, բռնեցին նրան, կապոտեցին ու այդպես էլ թողին, գտնելով, որ անմիջապես սպանելը քիչ է և իրենց չի բավարարի»:

Գիշերն աճում էր ու ամրապնդվում, լցվում տարօրինակ, հուշիկ հնչյուններով: Տափաստանում տխուր սվսվում էին գետնասկյուռները, խաղողի վազերի սաղարթում անդադար բզզում էին բզեզները, սաղարթը հառաչում էր ու շրշում, լուսնի լրիվ սկավառակը, որ սկզբում արյունամած-կարմիր էր, այժմ, հետըզհետե հեռանալով երկրից, դալկանում էր ու տափաստանի վրա ավելի ու ավելի առատորեն սփռում իր կապտավուն լույսը...

«Եվ ահա նրանք հավաքվեցին, որ միտք անեն, թե ինչ պատիժ տան, որ արժանի լինի հանցագործությունը... Ուզում էին ձիերով պատառոտել նրան. այդ է՛լ նրանց քիչ էր թվում. մտածում էին միանգամից մեկական նետ արձակել նրա վրա, բայց դրանից էլ հրաժարվեցին. առաջարկում էին վառել նրան, բայց խարույկի ծուխը շեր թողնի, որ տեսնեին նրա տանջանքները. շատ բան էին առաջարկում, բայց չէին գտնում մի այնպիսի պատիժ, որ դուր գար բոլորին: Իսկ տղայի մայրը ծունկ էր շոքել նրանց առաջ և լռում էր, ոչ արցունքներ և ոչ էլ խոսքեր էր գտնում գուժ աղերսելու համար: Երկար խոսում էին նրանք, և ահա մի իմաստուն երկար մտածելուց հետո ասաց.

— Հարցնենք նրան, թե ինչո՞ւ արեց այդ:

Այդ մասին հարցրին տղային: Նա ասաց.

— Արձակեցեք իմ կապանքները: Ես կապված չեմ խոսի: Իսկ երբ նրա կապանքներն արձակեցին, նա հարցրեց.

— Ի՞նչ եք ուզում, — այնպես հարցրեց, որ կարծես թե նրանք ստրուկներ լինեին...

— Դու լսեցիր... — ասաց իմաստունը:

— Ինչո՞ւ պետք է ես ձեզ բացատրեմ իմ արարքները:

— Որ մեզ համար հասկանալի լինես: Դո՞ւ, հպարտ տղա, լսի՞ր: Միևնույն է, դու հո մեռնելու ես... Ուրեմն թո՞ղ որ մեծք հասկանանք այն, ինչ որ դու արել ես: Մենք կենդանի ենք մեռ-

լու, մեզ համար օգտակար է ավելի շատ բան գիտենալ, քան գիտենք...

— Լավ, կասեմ, թեև ինքս էլ դուցե սխալ եմ հասկանում այն, ինչ որ պատահել է: Ինձ թվում է, որ ես աղջկան սպանեցի այն պատճառով, որ նա ինձ վռնդեց... Իսկ նա ինձ հարկավոր էր:

— Բայց նա ջոնը չէ, — ասացին ավագները:

— Մի՞թե դուք օգտվում եք միայն նրանից, ինչ որ ձերն է: Ծա տեսնում եմ, որ ամեն մարդ ունի միայն լեզու, ձեռներ ու ոտներ... Բայց նա տիրում է կենդանիներին, կանանց, հողին... և ուրիշ շատ բաների:

Նրան ասացին, որ այն ամենի համար, ինչ որ մարդը վերցնում է, հատուցում է իր ունեցածով, — իր խելքով և ուժով, երբեմն էլ կյանքով: Իսկ տղան պատասխանեց, թե ուզում է պահանջել իրեն ամբողջովին:

Երկար խոսեցին նրա հետ ու վերջապես տեսան, որ նա իրեն առաջինն է համարում աշխարհում, իրենից բացի ոչինչ չի տեսնում: Բոլորն էլ նույնիսկ սարսափեցին, երբ հասկացան, թե նա ինքն իրեն ինչպիսի մենակության է դատապարտել: Նա ոչ ազգ ու տակ ուներ, ոչ մայր, ոչ անասուններ, ոչ կին, ու չէր էլ ուզում այդ բոլորը:

Երբ մարդիկ տեսան այդ, նորից սկսեցին դատողութուններ անել, թե ինչպես պատժեն նրան: Բայց այս անգամ նրանք երկար խոսեցին, իմաստունը, որ մյուսներին չէր խանգարում դատողութուններ անելու, ասաց.

— Սպասեցե՛ք, կա՛ արժանի պատիժ: Դա մի սարսափելի պատիժ է, որ հազար տարի է՛լ ձեր մտքովը չի անցնի: Դրա պատիժը հենց իր մեջ է: Թողեք դրանք, թող ազատ լինի: Ահա դրա պատիժը:

Եվ այստեղ մեծ բան կատարվեց: Երկնքից պայթեց որոտը, թեպետ այնտեղ ամպեր չկային: Երկնային ուժերը հաստատեցին իմաստունի խոսքը: Բոլորն էլ երկրպագեցին ու ցրվեցին: Իսկ երիտասարդը, որը հիմա ստացել էր Լարրա անունը, որ նշանակում է մերժված, վռնդված, — այդ երիտասարդը բարձր ծիծաղում էր իրեն լքած մարդկանց հետևից, ծիծաղում էր՝ մնալով մենակ, ազատ, ինչպես իր հայրը: Բայց նրա հայրը մարդ չէր... Իսկ սա մարդ էր: Եվ ահա սկսեց ապրել ազատ, ինչպես թռչուն: Նա գալիս էր մարդկանց մոտ ու փախցնում էր անա

սուններ, աղջիկներ, ինչ որ ուզեցին: Նրա վրա նետեր էին արձակում, բայց նետերը չէին կարող խոցել նրա մարմինը, որ պատած էր բարձրագույն պատժի աներկույթ ծածկոցով: Նա ճարպիկ էր, գիշատիչ, ուժեղ, դաժան ու մարդկանց դեմ առ դեմ չէր հանդիպում: Միայն հեռվից էին նրան տեսնում: Եվ նա, միայնակ, երկար ժամանակ այդպես պտույտ էր գալիս մարդկանց մոտ, շա՛տ երկար ժամանակ, տասնյակ ու տասնյակ տարիներ: Բայց ահա մի անգամ նա մոտեցավ մարդկանց, ու երբ վերջիններս հարձակվեցին նրա վրա, տեղից շարժվեց ու բուլորովին էլ ցույց չտվեց, թե պաշտպանվելու է: Այն ժամանակ մարդկանցից մեկը գլխի ընկավ և բարձրաձայն գոչեց.

— Ձեռք շտա՛ք դրան: Ուզում է մեռնել:

Ու բոլորն էլ կանգ առան, շցանկանալով թեթևացնել այն մարդու վիճակը, որը նրանց շարիք էր պատճառել, շուգեցին սպանել նրան: Կանգ առան ու ծիծաղեցին նրա վրա: Իսկ նա, լսելով այդ ծիծաղը, դողում էր ու ձեռները տանելով կրծքին, դրա վրա ինչ-որ բան էր փնտրում: Ու հանկարծ նա մի քար վերցնելով, հարձակվեց մարդկանց վրա: Բայց մարդիկ խույս տալով նրա հարվածներից, իրենք ոչ մի հարված չհասցրին, ու երբ նա հոգնեց, թախծալի ճիշով ընկավ գետնին, նրանք հեռացան ու նայեցին տղային: Ահա նա վեր կացավ ու վերցնելով իր հետ մղած կովում մեկի կորցրած դանակը, դրանով խփեց իր կրծքին: Բայց դանակը կտրվեց, կարծես թե քարի էր խելվել: Ու նորից նա ընկավ գետնին, գլուխը երկար խփում էր դրան: Բայց գետինը խույս էր տալիս նրանից, նրա գլխի հարվածների տակ փոսեր էին առաջանում:

— Նա չի կարող մեռնել, — ուրախացած ասացին մարդիկ:

Ու թողնելով նրան, հեռացան: Նա պառկեց մեջքի վրա ու տեսավ, որ վերևում, երկնքում սև կետերի նման սուրում էին արծիվները: Նրա աչքերում այնքան թախիժ կար, որ դրանով կարելի էր թունավորել աշխարհիս բոլոր մարդկանց: Այսպես, այն ժամանակից նա մնաց մենակ, ազատ, սպասելով մահվան: Եվ ահա նա շրջում է, շրջում ամենուրեք... Տեսնո՞ւմ ես, նա արդեն ուրու է դարձել ու միշտ էլ այդպես կմնա: Նա ոչինչ չի հասկանում, — ոչ մարդկանց խոսքերը, ոչ էլ նրանց արարքները: Ու շարունակ փնտրում է մի բան, շրջում է ու շրջում... Նրա համար կյանք չկա, մահն էլ չի ժպտում նրան: Նրա համար տեղ



չկա մարդկանց մեջ... Այ թե ինչպես է մարդը տուժել իր հպարտութեան համար»:

Պատուը հոգոց հանեց, լռեց, ու նրա գլուխը իջնելով կրթօքին, մի քանի անգամ տարօրինակ կերպով օրորվեց:

Ես նայեցի նրան: Ինձ թվաց, որ քունը հաղթահարում է պառավին: Ու չգիտեմ ինչու ես սաստիկ խղճացի նրան: Իր պատմածի վերջավորութիւնը նա տալիս էր վերամբարձ, սպառնական տոնով, բայց և այնպես նրա ձայնի մեջ ինչ-որ երկչոտ, ստրկական նոտա էր հնչում:

Ծովափում սկսեցին երգել, տարօրինակ էր այդ երգը: Սկզբում հնչեց մի կոնտրալտո, երգեց երկու-երեք նոտա, ու հնչեց մի ուրիշ ձայն, որ երգը նորից էր սկսում, իսկ առաջին ձայնը շարունակ հեղվում էր ու հեղվում... — երկրորդը, չորրորդը, հինգերորդը երգել էին սկսում նույն կարգով: Ու հանկարծ տղամարդկանց մի շարք ձայներ էլի սկզբից երգեցին նույն երգը:

Կանանց յուրաքանչյուր ձայնը բոլորովին առանձին էր հընչում, դրանք բոլորն էլ գույնզգույն առավակներ էին թվում, ու կարծես իջնելով վերևից, դար ու փոսերից, թռչկոտելով ու զրընգալով, լցվելով տղամարդկանց ձայների թավ, դեպի վեր հեղվող ալիքի մեջ, ընկղմվում էին դրանում, դուրս պրծնում դրանից, խլացնում դրան, ու կրկին մաքուր և ուժեղ հնչելով, մեկը մյուսի ետևից դեպի վեր էին թռչում:

Ձայների միջից շէր լսվում ալիքների աղմուկը...

## II

— Դու լսե՞լ ես, որ մի որևէ տեղ այդպես երգեն, — հարցրեց Իգերգիլը՝ բարձրացնելով գլուխը. նա ժպտաց անատամ բերանով:

— Չեմ լսել: Երբեք չեմ լսել...

— Ու չես է՛լ լսի: Մենք սիրում ենք երգել: Միայն գեղեցիկները կարող են լավ երգել, — գեղեցիկները, որոնք սիրում են ապրել: Մենք սիրում ենք ապրել: Տե՛ս, է, մի՞թե օրվա ընթացքում չեն հոգնել այն մարդիկ, որոնք երգում են այնտեղ: Արևածագից մինչև մայրամուտը աշխատել են, լուսինը ծագեց, ու արդեն երգում են: Այն մարդիկ, որոնք ապրել չգիտեն, արդեն կպառկեին քնելու: Այն մարդիկ, որոնց համար սիրելի է կյանքը, ահա երգում են:

— Բայց առողջութիւնը... — փորձեցի առարկել ես:

— Առողջութիւնը միշտ էլ կհերիքի ապրելու համար: Առողջութիւնը: Մի՞թե դու, փող ունենալով, չէիր ծախսի այն: Առողջութիւնը նույն ոսկին է: Գիտե՞ս ես ինչ էի անում, երբ ջահել էի: Արևածագից մինչև մայրամուտը, համարյա վեր չկենալով, գորգեր էի գործում: Ես արևի ճառագայթի պես աշխույժ էի, և ահա պետք է նստեի անշարժ, ոնց որ քար: Ու այնքան էի նստում, որ հետո շարժվելիս բոլոր ոսկորներս ճոճում էին: Իսկ երբ գալիս էր գիշերը, վազ էի տալի սիրածս մարդու մոտ, համբուրվում էի նրա հետ: Ու այսպես երեք ամիս գնում էի, քանի դեռ սեր կար. այդ ժամանակվա բոլոր գիշերները նրա մոտ էի լինում: Եվ ահա թե ինչ օրի եմ հասել, ցամաքել է արյունս: Թայց օրջա՛ն սիրեցի, օրջա՛ն համբուրներ առա ու սպի...

Ես նայեցի պառավի դեմքին: Նրա սև աչքերն այնուամենայնիվ անփայլ էին, հիշողութիւնը նրանց չէր աշխույժացնում: Լուսինը լուսավորում էր նրա շոր, ճաքճքված շուրթերը, սուր կզակը, ճերմակած մազերը ու կնճոտ քիթը, որ ծոված էր բլիքի պես: Այտերի փոխարեն կային սև փոսեր և դրանցից մեկի վրա ընկել էր գլխին փաթաթած կարմիր լաթի տակից թափվող մոխրագույն-ալեգարդ մազերի մի փունջ: Դեմքի, պարանոցի ու ձեռների մաշկն ամբողջովին կնճոտված էր, ու պառավ Իգերգիլի յուրաքանչյուր շարժումից կարելի էր սպասել, որ այդ շոր մաշկը ամբողջովին կպատառոտվի, ծվեն-ծվեն կլինի ու իմ առջև կմնա մի մերկ կմախք՝ մարած, սև աչքերով:

Նա վերստին սկսեց պատմել իր ճոճոտան ձայնով:

«Ես մորս հետ ապրում էի Ֆայլիի մեքճակայքում, Բիրլատի՛ ափին. տասնհինգ տարեկան էի, երբ այն երիտասարդը եկավ մեր գյուղը: Նա բարձրահասակ էր, ճկուն, սև բեղերով, ուրախ: Նստել է նավակին ու գի՛լ ձայնով գոչում է դեպի մեր պատուհանը. «Հե՛յ, գինի չե՞ք ունենա... ուտելու բան»: Ես նայեցի պատուհանից, հացենիների ճյուղերի արանքից, ու ի՞նչ եմ տեսնում. գետն ամբողջովին կապուտակել է լուսնից, իսկ նա սպիտակ շապկով ու լայն լաթագոտիով, որի ծայրերը կախվել էին կողքից, կանգնել է մի ոտը նավակի, մյուսը ափի վրա: Օրորվում է, ինչ-որ երգ է երգում: Տեսնելով ինձ, ասում է՝

1 Բիրլատ կամ Բիրլադ — գետ է Ռումինիայում:

«Այ թե ինչպիսի գեղեցկուհի է ապրում այստեղ... Ես այդ չգիտեի»: Կարծես թե մինչև ինձ տեսնելը նա ճանաչում էր բոլոր գեղեցկուհիներին: Ես նրան գինի տվի ու խոզի եփած միս... Չորս օրից հետո էլ ինքս ամբողջովին հանձնվեցի... Գիշերները ես ու նա շարունակ զբոսնում էինք նավակով: Նա գալիս էր նավակով ու կամացուկ սուլում գետնասկյուռի պես, իսկ ես պատուհանից գետն էի ընկնում ձկան պես: Ու գնում էինք... Նա Պրուտ գետից ձուկ որսող էր ու հետո, երբ մայրս ամեն բան իմացավ ու ծեծեց ինձ, համոզում էր իր հետ գնալ Դոբրուչա ու ավելի հեռու, Դանուբի կողմերը: Բայց այն ժամանակ նա ինձ այլևս դուր չէր գալիս. միայն երգում էր ու համբուրվում, ուրիշ ոչինչ: Այդ արդեն ձանձրալի էր: Այն ժամանակ գուցուկները<sup>1</sup> խմբով ման էին գալի այն վայրերում, ու այստեղ սիրածներ ունեին... Նրանք ուրախ էին ապրում: Մի որևէ աղջիկ սպասում ու սպասում է իր կարպատյան կտրիճին, կարծում է, թե նա արդեն բանտումն է կամ սպանվել է տուրուզմբոցում, ու հանկարծ նա մենակ կամ թե երկու-երեք ընկերով գալիս է սիրածի մոտ, ասես երկնքից է ընկնում: Թանկ-թանկ նվերներ է բերում, չէ՞ որ ամեն ինչ հեշտությամբ էր ընկնում նրանց ձեռքը: Ու քեֆ է անում սիրածի մոտ, նրանով պարծենում իր ընկերների առաջ: Իսկ սիրածին այդ դուր է գալիս: Ես էլ գուցուկ ունեցող մի ընկերուհուս խնդրեցի նրանց ցույց տալ ինձ... Ո՞նց էր ընկերուհուս անունը: Մոռացել եմ... է՛հ, հիմի սկսել եմ ամեն ինչ մոռանալ: Շա՛տ ժամանակ է անցել այն օրերից, էլ ո՞նց հիշես: Հա՛, ընկերուհիս ինձ ծանոթացրեց մի երիտասարդի հետ: Սա գեղեցիկ էր... Շեկլիկ էր, բեղերն էլ, մազերն էլ շեկ էին: Հրաշեկ գլուխ: Ու տխուր էր նա, երբեմն սիրալիք, երբեմն էլ գազանի պես մոնչում էր ու կովում: Մի անգամ խփեց երեսիս... Իսկ ես կատվի նման թռա նրա կրծքին ու կծեցի թուշը... Այն ժամանակից նրա թշի վրա փոս մնաց, ու նա սիրում էր, երբ ես համբուրում էի այդ փոսը...»:

— Բա ձկնորսը ի՞նչ եղավ, — հարցրի ես:

— Ձկնորսը: Նա... Նա միացավ գուցուկներին: Սկզբում շարունակ հորդորանքներ էր կարդում զլխիս և սպառնում էր ջուրը գցել, իսկ հետո՝ ոչինչ, միացավ նրանց և ուրիշ սիրած

գտավ... Նրանց երկուսին էլ, — ձկնորսին և այն գուցուկին, — կախաղան բարձրացրին: Ես գնացի տեսնելու, թե ինչպես էին նրանց կախում: Դա Դոբրուչայում էր: Ձկնորսը դեպի կախաղան էր գնում լալով և գույնը գցած, իսկ գուցուկը ծխում էր: Քայլում է ու ծխում, ձեռները զրպանները դրած, մի բեղը բնկել է ուսին, մյուսը կախվել կրծքին: Տեսավ ինձ, հանեց ծխամորձը ու գոչեց՝ «Մնաս բարով»... Ես մի ամբողջ տարի խղճում էի նրան: է՛հ, դա ա՛յն ժամանակ պատահեց, երբ նրանք ուղում էին հեռանալ դեպի Կարպատյան լեռները, իրենց տեղերը: Հրածեշտ տալու համար հյուր գնացին մի ուռմիխի մոտ, այնտեղ էլ բռնեցին նրանց: Բռնեցին երկու հոգու, մի քանիսին սպանեցին, մնացածները փախան... Այնուամենայնիվ հետո ուռմիխացուն հատուցում տվին... ազարակը, աղացն ու ամբողջ հացը վառեցին: Նա մուրացիկ դարձավ:

— Այդ դո՞ւ արեցիր, — հետաքրքրվելով հարցրի ես:

— Գուցուկները շատ բարեկամներ ունեին, միայն ես չէի... Ով որ նրանց լավագույն բարեկամն էր, նա էլ կատարեց նրանց մեռելոցը...

Մովի ափին արդեն լոնց երգը, ու հիմա պառավին արձագանքում էր միայն ծովի ալիքների աղմուկը. համաչափ, խոռվահույզ աղմուկը խոռվահույզ կյանքի պատմության պանծալի արձագանքն էր: Գիշերն ավելի ու ավելի էր մեղմանում, ու հետզհետե է՛լ ավելի էր պայծառանում լուսնի կապտավուն փայլը, իսկ գիշերվա անտեսանելի բնակիչների անհանգիստ կյանքի անորոշ ձայները հանդարտվում էին, չբանում ալիքների սաստկացող աղմուկում... որովհետե ուժեղանում էր քամին:

— Ես մի թուրքի է՛լ էի սիրում: Եղա նրա հարեմում, Սկյութարիում: Մի ամբողջ շաբաթ ապրեցի, ոչինչ... Բայց ձանձրացա... միշտ կանայք ու կանայք... Ութ կին ուներ նա... ամբողջ օրը ուտում են, քնում ու հիմար խոսքեր ասում... Կամ հայհոյում են, կշկշում հավերի նման... Նա, այդ թուրքը, արդեն հասակով էր: Համարյա սպիտակել էր, ծանրաբարո էր ու հարուստ: Իշխանավարի էր խոսում... Աչքերը սև էին... Շիտակ աչքերը... Հենց հոգու մեջ էին նայում: Նա շատ էր սիրում աղոթել: Ես նրան Բուքուրեշտում տեսա... Ման է գալի շուկայում ոնց որ արբա, ու նայում այնպե՛ս լուրջ, լուրջ: Ես ժպտացի նրան: Նույն օրվա երեկոյան փողոցում ինձ բռնեցին ու տարան նրա մոտ: Նա սանդալներ ու արմավենի էր ծախել ու եկել

<sup>1</sup> Գուցուկներ — ուկրաինական լեռնաբնակ մի ցեղ արևելյան Կարպատներում: (Մ. Ք.):

Քուրբուրեշտ ինչ-որ բան գնելու «Գալի՞ս ես ինձ մոտ», — ասում է: «Այո, այո, գալիս եմ»: — «Լավ»: Ու ես մեկնեցի: Հարուստ էր նա, այդ թուրքը: Մի որդի ուներ, սև, ճարպիկ մի տղա... Տասնվեց տարեկան էր: Նրա հետ էլ ես փախա թուրքից... Փախա Քուլդարիա, լոմ-Պալանկա... Այնտեղ մի բուլղարուհի դանակով խփեց կրծքիս իր փեսացուի թե ամուսնու համար — չեմ հիշում:

Երկար ժամանակ հիվանդ էի մի վանքում: Կուսանոց էր: Ինձ խնամում էր մի աղջիկ, լեհուհի. հիշում եմ, Արցեբ-Պալանկայի մոտ գտնվող մի ուրիշ վանքից նրա մոտ էր գալիս. Լղրայրը, աբեղա էր նա... Ոնց որ ձիճու լինեք... շարունակ սոզում էր իմ առաջ... Ու երբ առողջացա, նրա հետ փախա... իրենց Լեհաստանը:

— Կա՛ց... Բա ո՞ր մնաց փոքրիկ թուրքը:

— Տղա՞ն: Մեռավ նա, այն տղան: Տան կարոտից էր, թե սիրուց... միայն թե սկսեց հյուծվել, ոնց որ շամբապնդված ծառ, որի վրա յափազանց շատ արև է ընկնում... այնպես էլ տկարանում էր, հյուծվում... Հիշում եմ, պառկել է, ամբողջովին սփրթնել ու կապուտկել, ոնց որ սառույցը, բայց իր մեջ դեռ վառվում է սերը... Ու շարունակ խնդրում է կռանալ ու համբուրել իրեն... Ես սիրում էի նրան, հիշում եմ, շատ էի համբուրում... Հետո նա արդեն բոլորովին տկարացավ, համարյա չէր շարժվում: Պառկած է, ու ոնց որ աղբատը ողորմություն ուզի, ինձ խնդրում է պառկել իր կողքին ու տաքացնել իրեն: Ես պառկում էի: Արի ու պառկի նրա հետ... Նա իսկույն բռնկվում է ամբողջովին: Մի անգամ, երբ ես արթնացա, նա արդեն սառն էր... մեռած... Ես լացի նրա վրա: Ո՞վ գիտե, գուցե թե ե՛ս քապանեցի նրան: Այդ ժամանակ ես արդեն երկու անգամ մեծ էի նրանից: Ու այնպես ուժեղ էի, լիքը... Իսկ նա ի՛նչ էր որ. երեխա էր...

Պառավը հառաչեց և, — ես այդ առաջին անգամ տեսա, — Լերեք անդամ խաշակնքեց, շոր շուրթերով ինչ-որ շշնջաց:

— Է՛, դու մեկնեցիր Լեհաստան, հետո՞, — թելադրեցի նրան:

— Հա՛... Այն փոքրիկ լեհի հետ: Նա ծիծաղելի և ստոր մարդ էր: Երբ նրան կին էր հարկավոր, նա որձ կատվի նման չսովում էր ինձ, և լեզվիցն ուղղակի մեղր էր հոսում, իսկ երբ լինձ չէր ուզում, ձաղկում էր ինձ խոսքերով, ոնց որ մտրակով:

Մի անգամ մենք գնում էինք գետի ափով, և ահա նա ինձ մի հպարտ, վիրավորական խոսք ասաց: Օ-օ՛, ես ո՛նց բարկացա: Տաքացա կարի նման: Զեռքերիս մեջ առա նրան ու ոնց որ երեխայի, — նա փոքրամարմին էր, — վեր բարձրացրի ու այնպես սեղմեցի կողերը, որ նա ամբողջովին կապուտկեց: Ես թափ առա ու նրան ափից շարտեցի գետը: Նա գոռում էր: Ծիծաղելի էր գոռում: Ես վերևից նայում էի նրան, իսկ նա թպրտում էր այնտեղ, ջրի մեջ: Ես թողի ու հեռացա: Ու էլ չհանդիպեցի նրան: Ես դրանով երջանիկ էի. հետո երբեք չէի հանդիպում նրանց, որոնց մի ժամանակ սիրել էի: Դրանք վատ հանդիպումներ են. միևնույն է, թե մեռածի հետ հանդիպես:

Պառավը հոգոց հանեց ու լռեց: Ես պատկերացնում էի այն մարդկանց, որոնց մասին պատմում էր նա: Ահա հրավարս, երկարաբեղ գուցուլը գնում է մեռնելու՝ հանգիստ ծխելով ծխամորձը: Նա հավանորեն սառն, լուրթ աչքեր ուներ, որոնք ամեն ինչի վրա էլ խորազնին ու շեշտակիրեն էին նայում: Ահա նրա կողքին Պրուտ գետի սև-բեղավոր ձկնորսը. լալիս է նա, շիցանկանում մեռնել, ու մահացու տխրությունից գունատված նրա դեմքի վրա մարել են ուրախ աչքերը, և արցունքներով թրջված բեղերը տխուր կախվել են ծոված բերանի անկյուններից: Ահա նա, ծերուկ, ծանրաբարո թուրքը, — հավանորեն ֆատալիստ ու բռնակալ, — ու նրա կողքին իր որդին, Արևելքի գունատ ու թույլ ծաղիկը՝ համբույրներով թունավորված: Ահա և սնափառ լեհը, նրբաբարո ու դաժան, պերճախոս ու սառնասիրտ... Ու նրանք բոլորը լոկ դժգույն ուրուներ են, իսկ այն կինը, որին նրանք համբուրում էին, կողքիս նստել է կենդանի, բայց ժամանակի ընթացքում շորացած, անամբին, անարյուն, անիղձ սրտով, անկրակ աչքերով, նույնպես համարյա ուրու:

Պառավը շարունակեց.

— Լեհաստանում ծանրացավ իմ դրությունը: Այնտեղ սառն ու կեղծավոր մարդիկ են ապրում: Ես չգիտեի նրանց օձի լեզուն: Եարունակ ֆշշում են... Ի՞նչ են ֆշշում: Այդ օձի լեզուն աստված է տվել նրանց, որովհետև նրանք կեղծավոր են: Այն ժամանակ ես գնում էի, չգիտենալով թե ուր, ու տեսնում էի, թե ինչպես նրանք պատրաստվում էին բուռն բարձրացնելու ձեր, ուսաների դեմ: Հասա Բոխնյա քաղաքը: Մի շուրջ գնեց ինձ. ոչ թե իր համար գնեց, այլ ինձ ծախելու համար: Ես համաձայ-

նեցի: Ապրելու համար պետք է կարողանալ որևէ բան անել: Ես ոչինչ չէի կարողանում անել և դրա համար էլ ծախում էի ինքս ինձ: Բայց ես այն ժամանակ մտածեցի, որ եթե մի քիչ փող ճարեմ Բիրլադ վերադառնալու համար, կփշրեմ շղթաները, որքան էլ դրանք ամուր լինեն: Ու ապրում էի այնտեղ: Հարուստ պաներ էին գալի ու քեֆ էին անում ինձ մոտ: Այդ նրանց վրա թանկ էր նստում: Նրանք ինձ համար կովում էին, կատաղության հասնում: Մեկը երկար ժամանակ աշխատում էր ինձ իր ձեռքը գցել և մի անգամ ահա թե ինչ արեց. եկավ, ծառան էլ հետևեց, ձեռքին մի պարկ: Պանը վերցրեց այդ պարկը ու շուտ տվեց գլխիս վերնից: Ոսկե դրամները խփվեցին գլխիս, ու ես հրճվանքով լսեցի դրանց զնգոցը, երբ դրանք ընկան հատակի վրա: Բայց ես այնուամենայնիվ վռնդեցի պանին: Նա հաստ, պլպլան դեմք ուներ, փորն էլ ոնց որ մի մեծ բարձ լիներ: Նա կուշտ խոզի պես էր նայում: Այո, ես նրան վռնդեցի, թեպետև նա ասում էր, որ ծախել է իր բոլոր հողերը, տները և ձիերը, որ ոսկի թափի ինձ վրա: Ես այն ժամանակ սիրում էի մի արժանավոր պանի, որի երեսը կտրատված էր: Ամբողջ երեսը խաչաձև թրատված էր թուրքերի թրերով,— թուրքերի դեմ նա դրանից կարճ ժամանակ առաջ կովել էր հույների համար: Այ՛ թե մարդ... Հույները նրա ինչի՞ն էին պետք, երբ ինքը լե՛հ էր: Իսկ նա գնացել, նրանց հետ միասին կովել էր նրանց թշնամիների դեմ: Նրան թրատել էին, հարվածներից դուրս էր ընկել մի աչքը ու ձախ ձեռքի երկու մատները կտրվել էին... Հույները նրա ինչի՞ն էին պետք, երբ նա լե՛հ էր: Այ՛ թե ինչ. նա սխրագործություններ էր սիրում: Իսկ երբ մարդը սխրագործություններ է սիրում, միշտ էլ կարողանում է դրանք կատարել ու դրա համար տեղ կգտնի: Կյանքում, գիտե՞ս, միշտ էլ տեղ կա սխրագործությունների համար: Այն մարդիկ, որոնք չեն գտնում այդ տեղը, սոսկ ծուլեր կամ վախկոտներ են, կամ չեն հասկանում կյանքը, որովհետև եթե մարդիկ հասկանային կյանքը, ամեն մեկը կուզենար իր մահից հետո հիշատակ թողնել կյանքում: Այդ դեպքում կյանքը մարդկանց չէր կլանի առանց հետքի... Օ՛, այդ թրատվածը լավ մարդ էր: Որևէ բան անելու համար նա պատրաստ էր գնալու մինչև աշխարհի ծայրը: Հավանորեն ձեռքն էր նրան սպանեցին բունտի ժամանակ: Իսկ դուք ինչո՞ւ էիք գալիս մաշարներին ջարդելու: Դե՛հ, դե՛հ, սուս արա...

Հրամայելով, որ ես լռեմ, պառավ Իզերդիլը հանկարծ ինքը լռեց, մտածմունքի մեջ ընկավ:

— Ես ճանաչում էի նաև մի մաշարի: Մի անգամ նա հեռացավ ինձանից,— դա ձմռանն էր,— ու միայն գարնանը, երբ ձյունը հալվեց, նրան գտան դաշտում, գլուխը գնդակով ծակված: Ահա՛ թե ինչ: Տեսնո՞ւմ ես, սերը վաճելի շատ մարդ է կործանում, քան ժանտախտը. եթե հաշվես, պակաս չի լինի... Ի՞նչ էի ասում. հա՛, լեհաստանի մասին... Այո, այնտեղ ես խաղացի իմ վերջին խաղը: Հանդիպեցի մի շլյախտիչի... Այ՛ թե գեղեցիկ էր, հա՛-ա: Գեղեցիկ էր այդ ստուանան: Իսկ ես արդեն պառավ էի, ա՛խ, պառավ էի: Քառասուն տարեկան կլինեի՞: Անշուշտ կլինեի: Իսկ նա և՛ հպարտ էր, և՛ մենք, կանայք, երես էինք տալի նրան: Ինձ համար թանկ էր նա... Այո: Նա ուզում էր միանգամից, հենց այնպես, նվաճել ինձ, բայց ես անձնատուր չեղա: Ես երբեք և ոչ ոքի ստրկուհին չեմ եղել: Ջհուդի հետ արդեն հաշիվս վերջացրել էի, շատ փող էի տվել նրան... Արդեն կրակովում էի ապրում: Այն ժամանակ ես ամեն ինչ ունեի — թե՛ կառք, թե՛ ոսկի և թե՛ ծառաներ... Նա, այն հպարտ դեղ, գալիս էր ինձ մոտ ու միշտ ուզում էր, որ ես ինքս ընկնեմ իր գիրկը: Մենք վեճի բռնվեցինք... Հիշում եմ, ես նույնիսկ հալումաջ էի լինում դրանից: Դա երկար տևեց... Ես իմ ուզածն արեցի. նա ծնկաչոք խնդրում էր ինձ... Հենց որ իր ուզածն արեց, իսկույն թողեց ինձ: Այն ժամանակ ես հասկացա, որ պառավել էի... Օ՛, այդ դառն էր ինձ համար: Որքա՞ն դառն էր... Ախր ես սիրում էի նրան, այդ սատանային... Իսկ նա, հանդիպելով ինձ, ծիծաղում էր... ստոր մարդ էր նա: Ուրիշների մոտ է՛լ էր ծիծաղում ինձ վրա: Ես այդ գիտեի: Է՛հ, ծանր էր վիճակս: Բայց նա հանդիպում էր ինձ հետ, ու ես այնուամենայնիվ հաճույքով էի նայում նրան: Ու երբ նա գնաց ձեռ, ուսաների դեմ կովելու, իմ վիճակը վատացավ: Չսպում էի ինձ, բայց չէի կարողանում ինքս ինձ հաղթահարել... Ու որոշեցի գնալ նրա ետևից: Նա վարչավայի մոտ էր, անտառում:

Երբ տեղ հասա, իմացա, որ ձեռքն արդեն ջարդել են նրանց... և նա գերության մեջ է մտնիկ մի գյուղում:

«Ուրեմն էլ չեմ տեսնի նրան»,— մտածեցի ես: Բայց ուզում էի տեսնել: Սկսեցի ջանք թափել, որ տեսնեմ... Մտորացիկ կնոջ շոր հագա, կաղ ձևացա, երեսս կապեցի ու գնացի այն գյուղը, ուր գտնվում էր նա: Ամենուրեք — կազակներ ու զինվորներ...

Այնտեղ գտնվելը թանկ նստեց ինձ վրա: Իմացա, թե լեհերը որտեղ են նստած, ու տեսնում եմ, որ դժվար է այնտեղ ընկնել: Իսկ այդ հարկավոր էր ինձ: Եվ ահա գիշերը սողալով մոտեցա այն տեղին, ուր գտնվում էին նրանք: Սողում եմ բանջարանոցով, ածուկների արանքով, ու տեսնում եմ, որ այնտեղ ժամապահ է կանգնած... Լսում եմ, թե ինչպես լեհերը երգում են ու բարձրաձայն խոսում: Երգում են մի երգ... աստվածամորն ուղղված... Ու նա էլ, իմ Արկադին, երգում է այնտեղ... Միրտս գառնացավ, երբ մտածեցի, որ առաջ ուրիշներն էին իմ ետևից սողում... Քայց ահա և հասավ ժամանակը, երբ ինքս օձի պես դետնի վրա սողում եմ այն մարդուն տեսնելու համար, և գուցե դեպի իմ մահն եմ սողում: Իսկ այդ ժամապահն արդեն ականջ է դնում, կոացել է դեպի առաջ: Դեհ, ես ի՞նչ անեի: Վեր կաշա գետնից ու քայլեցի դեպի ժամապահը: Դանակ-մանակ շուռնեի, բացի ձեռքերիցս ու լեզվիցս, ոչինչ չունեի: Ցավում եմ, որ դանակ չէի վերցրել: Շշնջում եմ՝ «Սպասիր»... Իսկ նա, այդ զինվորը, արդեն սվինը դեմ արեց բկիս: Ես նրան շշնջալով ասում եմ՝ «Մի՛ խոցիր, կաց, լսիր, եթե դու հոգի ունես: Ոչինչ չեմ կարող քեզ տալ, այլ խնդրում եմ քեզ...»: Նա իջեցրեց հրացանը ու նույնպես շշնջալով ասաց ինձ. «Գորիք հեռացիր, այ կնիկ, ի՞նչ ես ուզում»: Ես նրան ասացի, թե որդիս բռնված է այստեղ... «Դու հասկանո՞ւմ ես, դինվոր, որդիս է: Ախր դու էլ մեկի որդին ես, չէ՞: Մտիկ արա ինձ, — ես քեզ պես որդի ունեմ, ու նա հրե՛ն այնտեղ է: Թո՞ղ նայեմ նրան, գուցե թե շուտով մեռնի... գուցե թե քեզ վաղը սպանեն... մայրդ հո լաց կլինի՞ր»: Երբ Զէ՞ որ քեզ համար ծանր կլինի մեռնել առանց նրան՝ մորդ տեսնելու: Իմ որդու համար էլ հո ծանր է: Դեհ ուրեմն խլճա քեզ, նրան ու ինձ՝ մորը»:

ՕՖ, ինչքան երկար խոսեցի նրա մոտ: Անձրև էր գալի, թրշում մեզ: Քամին օռնում էր, սուլում, խփում մեջքիս, կրծքիս: Ես կանգնել ու դողում էի այդ քարե զինվորի առաջ: Իսկ նա շարունակ ասում էր՝ «Ոչ»: Ու ամեն անգամ, երբ ես լսում էի նրա սառը խոսքը, է՛լ ավելի էր բռնկվում Արկադիկին տեսնելու ցանկությունս... Ես խոսում էի ու աչքերով չափում զինվորին. նա կարճահասակ էր, լրար, ու հազում էր: Եվ ահա նրա առաջ ես ընկա գետնին ու, գրկելով նրա ծնկները, թե՛ խոսքերով նրանից գուժ աղերսելով, նրան գցեցի գետնին: Նա ընկավ ցեխի մեջ: Ես նրան արագությամբ շուռ տվի երեսի վրա

ու գլուխը խոթեցի լճակի մեջ, որ չգոռա: Նա չէր գոռում, այլ միայն թաքտում էր, աշխատելով ինձ դեն գցել իր մեջքից: Ես երկու ձեռներովս նրա գլուխը ավելի խորն էի խոթում ցեխի մեջ: Ու նա խեղդվեց... Ես վաղ տվի դեպի ամբարը, որտեղ երգում էին լեհերը: «Արկադիկ...», — շշնջացի պատի ձեղքից: Նրանք, այդ լեհերը, գլխի ընկնող մարդիկ են, լսելով ձայնս, դադարեցին երգը: Ահա իմ դիմաց նրա աչքերը: «Կարո՞ղ ես այստեղից դուրս գալ»: — «Այո, հատակի միջով», — ասաց նա: «Դեհ, արի»: Եվ ահա նրանցից շորսը դուրս եկան այդ ամբարի տակից. իմ Արկադիկը և ուրիշ երեք հոգի. «Որտե՞ղ են ժամապահները», — հարցրեց Արկադիկը: «Հրե՛ն, պառկած է...»: Ու նրանք քայլեցին կամացուկ, գետնին կոացած: Անձրևը գալիս էր, բարձր օռնում էր քամին: Մենք հեռացանք գյուղից ու լուռ, երկար գնում էինք անտառի միջով: Արագ էինք գնում: Արկադիկը բռնել էր ձևորիցս, նրա ձեռքը տաք էր ու դողում էր: Մ... ես ինձ այնքան լավ էի զգում նրա հետ, բանի դեռ նա լուռ էր: Վերջին բուպներն էին զրանք, իմ ազահ կյանքի լավ բուպները: Քայց ահա մենք հասանք մի մարդագետին ու կանգ բռնեցինք: Նրանք, շորս հոգին էլ ինձ շնորհակալություն հայտարարեցին: Երկա՛ր ու երկար ինչ-որ բան էին ասում ինձ: Ես լսում էի ու նայում իմ պանին: Ի՞նչ պետք է անի նա ինձ: Եվ ահա նա գրկեց ինձ ու լրջորեն ասաց... Չեմ հիշում ինչ ասաց, քայց այնպես էր դուրս գալիս, որ նա, իբրև շնորհակալություն իրեն ազատելու համար, սիրելու է ինձ... Ու նա ծալալով ծունկ շորեց, իմ առաջ և ասաց. «Ի՞նչ թագու՞մ ես: Ա՛յ լե ինչպիսի կեղծավոր շուն էր... է՛հ, ես նրան ոտովս աքացի տվի ու կսփեի դեմքին, բայց նա դեն թռավ: Զայրացկոտ ու սփրթնած կանգնել է քո առաջ... Կանգնած են մյուս երեքն էլ, մոռալվել են: Բոլորն էլ լուռ են: Ես նայեցի նրանց: Հիշում եմ, այդ պահին խիստ անձրացա ու մի տեսակ ծուլություն տիրեց ինձ... Ես նրանց ասացի՝ «Գնացե՛ք»: Նրանք, այն շները, հարցրին ինձ՝ «Դու կվերադառնաս այնտեղ ու ցույց կտաս մեր ճամփան, հա՞»: Ա՛յ քեզ ստոր մարդիկ: Նրանք այնուամենայնիվ հեռացան: Ես էլ գնացի... Մյուս օրը ձեռքնք բռնեցին ինձ, բայց շուտով բաց թողին: Այն ժամանակ ես տեսա, որ ժամանակն է տուն ու տեղ լինել, հերիք է ապրել կվիլի նման: Արդեն ծանրաշարժ էի, թուլացել էին թևերս, ու խամբել փետուրներս... Ժամանակն էր, այո: Ես մեկնեցի Գալիցիա, այնտեղից էլ Դոբրուչա: Եվ ահա արդեն

մոտ երեք տասնյակ տարի է, որ ապրում եմ այստեղ: Ամուսին ունեի, մոլորավացի էր. մեռավ մի տարի առաջ: Ահա և ապրում եմ ես: Մենակ եմ ապրում... ո՛չ, մենակ չեմ, ահա նրանց հետ եմ:

Պառավը ձեռքը թափ տվեց դեպի ծովը: Այնտեղ ամեն ինչ հանդարտ էր: Երբեմն լսվում էր ինչ-որ կարծ, խաբուսիկ ձայն և իսկույն մեռնում:

— Նրանք սիրում են ինձ: Ես նրանց շատ եմ պատմում այլևայլ դեպքեր: Դա հարկավոր է նրանց: Բոլորն էլ դեռ ջահել են... Ես էլ նրանց հետ ինձ լավ եմ զգում: Նայում եմ ու մտածում. «Կար ժամանակ, որ ես էլ նրանց պես էի... Միայն թե այն ժամանակ շատ ուժ և կրակ կար իմ մեջ, դրա համար էլ ավելի ուրախ ու ավելի լավ էի ապրում... Այո...»:

Նա լռեց: Ես տխրում էի նրա կողքին: Նա գլուխն օրորելով ննջում էր և կամացուկ ինչ-որ շշնջում... Գուցե աղոթում էր:

Մովից բարձրացավ մի ամպ, որ սև էր, ծանր, մռայլ ուրվագծերով, լեռնաշղթայի էր նման: Ամպը սողում էր դեպի տափաստանը: Նրա գագաթից կտոր-կտոր ամպեր էին պոկվում, առաջ էին անցնում ու մեկը մյուսի հետևից հանգցնում աստղերը: Մովն աղմկում էր: Մեզնից ոչ հեռու, խաղողի վազերի մեջ ոմանք համբուրվում էին, փսփսում ու հառաչում: Հեռո՛ւ-հեռովում, տափաստանում մի շուն էր ոռնում... Օդը գրգռում էր ներվերս տարօրինակ մի բույրով, որը խողտում էր քթածակերս: Ամպերից երկրի վրա ստվերների խիտ երամակներ էին ընկնում ու սողում, չբանում էին ու նորից երևում... Լուսնի տեղ մնացել էր միայն պղտոր, դժգույն մի բիծ, երբեմն այն բոլորովին ծածկվում էր մի կտոր մուգ կապտավուն ամպով: Ու տափաստանային հեռաստանում, որ հիմա արդեն սև ու ահավոր էր, ասես դարանակալած, իր մեջ ինչ-որ բան թաքցնող, փոքրիկ, կապույտ լույսեր էին բռնկվում: Մերթ այստեղ, մերթ այնտեղ մի ակնթարթ երևում էին նրանք ու մարում, ասես մի քանի մարդ տափաստանում ցրված, միմյանցից հեռու, այնտեղ ինչ-որ բան էին փնտրում, լուցկիներ վառում, որոնք իսկույն հանգչում էին քամուց: Դրանք կրակի խիստ տարօրինակ, կապույտ լեզուներ էին, որոնք ինչ-որ հեքիաթային մի բան էին ակնարկում:

— Տեսնո՞ւմ ես կայծերը, — հարցրեց ինձ Իգերգիլը:

— Այն կապույտ կայծե՞րը, — ցույց տալով դեպի տափաստանը, ասացի ես:

— Կապո՞ւյտ: Այո, այդ նրանք են... Ուրեմն այնուամենայնիվ թռչում են: Օ-հո՛... Ես էլ չեմ տեսնում դրանք: Հիմա ես չեմ կարող շատ բան տեսնել:

— Որտեղի՞ց են այդ կայծերը, — հարցրի պառավին:

Առաջ ես ինչ-որ բան էի լսել այդ կայծերի ծագման մասին, բայց ուզում էի լսել, թե պառավ Իգերգիլն ինչ կպատմի դրանց մասին:

— Այդ կայծերը Գանկոյի վառվող սրտից են: Աշխարհում եղել է մի սիրտ, որը մի անգամ բռնկվել է կրակով... Եվ ահա նրանից են այդ կայծերը: Ես քեզ կպատմեմ դրա մասին... Նույնպես հին հեքիաթ է... Հին է, ամեն ինչ հին է: Տեսնո՞ւմ ես ինչքան բան է եղել հնում... Իսկ հիմա ոչ մի այդպիսի բան չկա, ոչ այնպիսի գործեր, ոչ մարդիկ, ոչ այնպիսի հեքիաթներ, ինչպես հնում... Ինչո՞ւ... Հապա՛, ասա: Ձեռս ասի... Դու ի՞նչ գիտես որ: Ի՞նչ գիտեք դուք բոլորդ, երիտասարդներդ: Է՛-հե, Հապա մի նայեք հսին սուր աչքով՝ այնտեղ կգտնվեն բոլոր լուծումները... Իսկ դուք չեք նայում և դրա համար էլ ապրել չգիտեք... Մի՞թե ես չեմ տեսնում կլանքը: Օ՛, ամեն ինչ տեսնում եմ, թեև թույլ են աչքերս: Ես տեսնում եմ, որ մարդիկ չեն ապրում, այլ հարմարվում են ու հարմարվում և այդպիսով վատնում իրենց ամբողջ կյանքը: Ու երբ կողոպտում են իրենք իրենց, վատնելով ժամանակը, սկսում են գանգատվել բախտից: Բախտըն ի՞նչ է որ: Ամեն մեկի բախտն իր ձեռքումն է: Հիմի ես ամեն տեսակ մարդիկ եմ տեսնում, իսկ ուժեղ մարդիկ չկան: Ո՞ր են նրանք... Գեղեցիկներն էլ քանի գնում պակասում են:

Պառավը միտք էր անում, թե կյանքից ուր են կորել ուժեղ ու գեղեցիկ մարդիկ, ու միտք անելով, դիտում էր մթին տափաստանը, ասես այնտեղ պատասխան էր փնտրում:

Ես սպասում էի նրա պատմելուն և լուռում էի, վախենալով, որ եթե մի բան հարցնեմ, նա դարձյալ մի կողմ կշեղվի:

Եվ ահա նա սկսեց պատմությունը:

### III

«Հնում երկրի վրա ուրիշ տեսակ մարդիկ էին ապրում, անանցանելի անտառները երեք կողմից շրջապատել էին այդ մարդկանց թափառախմբերը, իսկ շորորդ կողմում տափաստանն

էր: Դրանք ուրախ, ուժեղ ու համարձակ մարդիկ էին: Եվ ահա ծանր ժամանակ եկավ. որտեղից որտեղ ուրիշ ցեղեր երևացին և նրանց զնեցին անտառի խորքը: Այնտեղ ճահիճներ կային ու մթուժյուն էր տիրում, որովհետև անտառը հին էր ու նրա ճյուղերն այնքան խիտ էին իրար հյուսվել, որ նրանց միջից երկիրքը չէր երևում, և արևի ճառագայթները հազիվ էին կարողանում խիտ սաղարթի միջով թափանցել ճահիճները: Բայց երբ նրա ճառագայթները ընկնում էին ճահիճների ջրի վրա, գարշահոտութուն էր բարձրանում, և դրանից մեկիկ-մեկիկ մեռնում էին մարդիկ: Այդ ցեղի կանայք ու երեխաները սկսեցին լաց լինել, իսկ հայրերը մտածմունքի մեջ ընկան ու տխրեցին: Հարկավոր էր հեռանալ այդ անտառից, և դրա համար կար երկու ճամփա, մեկը՝ դեպի ետ, այնտեղ շար և ուժեղ թշնամիներ կային, մյուսը՝ դեպի առաջ, այնտեղ վիթխարի ծառեր էին կանգնած, որոնց հուժկու ճյուղերը պինդ գրկել էին իրար, հանգուցաշատ արմատները խոր նստել էին ճահիճի կալուն տիղմի մեջ: Այդ քարե ծառերը լուռ ու անշարժ կանգնած էին լինում ցերեկը, գորշ մթնշաղում, ու երեկոները, երբ խարույկներ էին վառվում, նրանք է՛լ ավելի էին խտանում մարդկանց շուրջը: Ու միշտ, գիշեր-ցերեկ այդ մարդիկ օղակված էին անթափանց խավարով, որը ասես ճզմելու էր նրանց, իսկ նրանք սովոր էին լայնարձակ տափաստանին: Է՛լ ավելի սարսափելի էր լինում, երբ քամին խփում էր ծառերի գագաթներին ու ամբողջ անտառը խուլ շառաչում էր, ասես սպառնում էր այն մարդկանց ու թաղման երգ երգում: Այնուամենայնիվ նրանք ուժեղ մարդիկ էին ու կարող էին գնալ մահացու կոիվ մղել այն մարդկանց դեմ, որոնք մի անգամ հաղթել էին նրանց, բայց նրանք չէին կարող մեռնել մարտերում, որովհետև պատգամներ ունեին ու եթե մեռնեին, նրանց հետ կկորչեին նաև պատգամները: Եվ դրա համար էլ նրանք նստում ու միտք էին անում երկար գիշերներին, անտառի խուլ աղմուկում, ճահիճի թունավոր գարշահոտության մեջ: Նրանք նստած էին լինում, իսկ խարույկներից առաջացած սովերները լուռ թռչկոտում ու պարում էին նրանց շուրջը, ու շարունակ թվում էր, որ ոչ թե սովերներն են պարում, այլ անտառի ու ճահիճի շար ոգիներն են հաղթահանողես կատարում... Մարդիկ հա՛ նստում էին ու մտածում: Բայց ոչ մի բան՝ ոչ աշխատանքը, ոչ էլ կանայք այնպես չեն մաշում մարդկանց մարմիններն ու հոգիները, ինչպես թախձալի մտածմունքները:

Ու մարդիկ թուլացան մտածմունքներից... Նրանց մեջ վախ առաջացավ, կաշկանդեց նրանց ամուր ձեռները, սարսափ էին առաջացնում կանայք՝ լալով գարշահոտությունից մեռածների դիակների վրա, վախով բռնվածների բախտի վրա, ու անտառում լսվեցին վախկոտ խոսքեր, որոնք սկզբում երկշոտ ու կամացուկ, հետո էլ ավելի ու ավելի բարձր էին հնչում... Արդեն ուզում էին գնալ թշնամու մոտ ու իրենց ապաստությունը նվիրաբերել նրան, ու էլ ոչ ոք, մահից վախեցած, չէր սարսափում սառը կական կյանքից... Բայց այստեղ երևան եկավ Դանկոն ու մեծակ փրկեց բոլորին»:

Ակներև էր, որ պառավը հաճախ էր պատմել Դանկոյի վառվող սրտի մասին: Նա խոսում էր ծորուն ձայնով, ու նրա ճրճրճրան, խուլ ձայնը իմ առջև պարզ պատկերում էր անտառի աղմուկը, ուր ճահիճի թունավոր շնչից մեռնում էին ապաբախտ, հայածված մարդիկ...

«Դանկոն այն մարդկանցից մեկն էր, զեղեցիկ մի երիտասարդ: Գեղեցիկները միշտ էլ համարձակ են: Եվ ահա Դանկոն ասում է նրանց, իր ընկերներին.

— Մտածելով, քարը ճամփից դեն չես դցի: Ով ոչինչ չի անում, նրա հետ ոչինչ էլ չի պատահի: Ինչո՞ւ ենք ուժներս վատնում մտածմունքների ու վշտի վրա: Վեր կացեք, գնանք անտառ ու անցնենք նրա միջով, չէ՞ որ նա վերջ ունի. աշխարհում ամեն ինչ վերջ ունի: Գնա՛նք, դե՛հ:

Նայեցին նրան ու տեսան, որ նա բոլորից լավն է, որովհետև նրա աչքերում շատ ուժ և էներգանի կրակ էր ցուլում:

— Առաջնորդի մեզ... ասացին մարդիկ:

«Եվ նա առաջնորդեց...»:

Պառավը մի փոքր լուց ու նայեց դեպի տափաստանը, ուր շարունակ թանձրանում էր խավարը: Հեռո՞ւ-հեռավում բռնկվում էին Դանկոյի վառվող սրտի կայծերը ու, լուկ մի ակնթարթ առկայծելով, օղային կապույտ ծաղիկներ էին թվում:

«Դանկոն տարավ նրանց: Բոլորն էլ միահամուռ կերպով գնացին նրա ետևից, հավատում էին նրան: Դժվա՛ր էր այդ ճամփան: Մալին էր, ու ամեն բույլափոխում ճահիճը բաց էր անում իր ազահ, նեխած երախը, կլանում մարդկանց, ու ծառերը հզոր սրբապի նման փակում էին ճանապարհը: Նրանց ճյուղերը իրաք էին հյուսվել. օձերի նման ամենուրեք ձգվել էին արմատ-

ները, ու այն մարդիկ ամեն մի բայլափոխում շատ արյուն-քրքր-տինք էին թափում: Երկար գնում էին նրանք... Անտառն ավելի էր խտանում, ուժեղը գնալով նվազում էին: Եվ ահա մարդիկ սկսեցին տրտնջալ Դանկոյի դեմ, ասելով, որ երիտասարդ ու անփորձ այդ մարդն իզուր է իրենց տանում ով գիտի ուր: Իսկ նա քայլում էր առջևից, կայտառ էր և ուրախ:

Մի անգամ փոթորիկ պայթեց անտառի վրա, ծառերը խուլ, ահավոր աղմուկ բարձրացրին: Անտառն այնքան մթնեց, որ կարծես միանգամից այնտեղ էին հավաքվել բոլոր գիշերները, ինչքան որ դրանք եղել էին աշխարհում, դրա ծննդյան ժամանակներից: Փոքրիկ մարդիկ գնում էին մեծ ծառերի արանքով, կայծակների ահարկու աղմուկում, գնում էին նրանք, ու վիթխարի ծառերը օրորվելով, ճոճում, շառաշում, երգում էին ցասկոտ, իսկ փայլակները, թռչելով ծառերի գագաթների վերևից, մի րոպե լուսավորում էին անտառը կապույտ, սառն լույսով, ու չքանում նույն արագությամբ, որով երևում էին՝ վախեցնելով մարդկանց: Կայծակների սառն փայլով լուսավորվող ծառերը կենդանի արարածներ էին թվում, որոնք իրենց ծուռումուռ, երկար ձեռներն էին տարածել խավարի գերութունից փախչող մարդկանց շուրջը, այդ ձայները խիտ ցանցեր էին հյուսել՝ փորձելով կանգնեցնել մարդկանց: Իսկ ճյուղերի մթությունից ինչ-որ մի սարսափելի, խավար ու ցուրտ բան էր նայում գնացողների վրա: Այդ դժվարին ճանապարհ էր, ու հոգնատանջ մարդիկ վհատվեցին: Բայց նրանք ամաշում էին խոստովանել իրենց անզորութունը, և ահա նրանք շարացած ու ցասկոտ հարձակվեցին Դանկոյի վրա, որը գնում էր նրանց առջևից: Ու նրանք սկսեցին կշտամբել Դանկոյին, թե սա չի կարողանում կառավարել իրենց, ու ահա թե ինչ արին:

Կանգ առան և անտառի հաղթական աղմուկում, երբուն խավարում, հոգնած ու շարացած, սկսեցին դատել Դանկոյին:

— Դու,— ասացին նրանք,— չնչին ու վնասակար մարդ ես մեզ համար: Դու մեզ տարար և հոգնեցրիր և դրա համար կմեռնես:

— Դուք ասացիք՝ «առաջնորդիք», ու ես առաջնորդեցի,— գոչեց Դանկոն ու կուրծքը դուրս ցցած, կանգնեց նրանց առաջ:— Իմ մեջ առաջնորդելու արիութուն կա, դրա համար էլ ես բերի՞ ձեզ: Իսկ դո՞ւք: Ի՞նչ արեցիք ձեզ օգնելու համար: Դուք միայն քայլում էիք ու չէիք կարողանում պահպանել ձեր ուժերը՝ ավե-

լի երկար ճանապարհի համար: Դուք միայն դնում ու գնում էիք ոչխարների հոտի պես:

Այս խոսքերը է՛լ ավելի կատաղեցրին մարդկանց:

— Դու կմեռնե՛ս, դու կմեռնե՛ս,— գոռում էին նրանք:

«Իսկ անտառը շառաշում էր ու շառաշում, արձագանքում նրանց ճիչերին, ու կայծակները պատառոտում էին խավարը: Դանկոն նայում էր այն մարդկանց, որոնց համար ջանքեր էր լինում, ու տեսնում էր, որ նրանք զազանների են նմանվում: Շատ մարդիկ էին կանգնած նրա շուրջը, բայց նրանց դեմքերի վրա շկար աղնվութուն, և նա չէր կարող գուժ սպասել այդ մարդկանցից: Այդ ժամանակ նրա սրտում էլ եռաց զայրույթը, բայց հանգավ, որովհետև նա կարեկցում էր մարդկանց: Նա սիրում էր մարդկանց ու կարծում էր, թե առանց իրեն նրանք գուցե և կորչեն: Եվ ահա նրա սիրտը բռնկվեց նրանց փրկելու, հեշտ ճանապարհ դուրս բերելու ցանկության կրակով, ու նրա աչքերում շողշողացին այդ հուժկու կրակի ճառագայթները... Տեսնելով այդ, մարդիկ կարծեցին, թե նա կատաղել է, դրա համար էլ այդպես պայծառ են վառվել աչքերը, ու գայլերի պես լարեցին իրենց ուշքը, սպասելով, թե նա կովելու է իրենց հետ, ու սկսեցին ավելի խիտ շրջապատել նրան, որ հեշտությամբ բռնեին ու սպանեին: Դանկոն հասկացավ նրանց միտքը, դրանից է՛լ ավելի բոցավառվեց նրա սիրտը, որովհետև նրանց այդ միտքը իր սրտում տխրութուն առաջացրեց:

Անտառը էլի՛՛ երգում էր իր մուսլ երգը, թնդում էր որոտը, անձրև էր թափվում...

— Ի՞նչ անեմ մարդկանց համար,— որոտից է՛լ ուժեղ գոչեց Դանկոն:

Ու հանկարծ նա ձեռներով սլատոնց կուրծքը, այնտեղից հանեց սիրտը ու բարձրացրեց գլխից վեր:

Այն վառվում էր պայծառ, ինչպես արևը, ու արևից է՛լ պայծառ, ու ամբողջ անտառը լոնց՝ մարդկանց նկատմամբ մեծ սիրո այդ ջահով լուսավորված, իսկ խավարը նրա լույսից ցնդեց և այնտեղ, անտառի խորքում, երերալով, ընկավ ճահճի նեխած Լրախը: Մարդիկ զարմանքից քարացան:

— Գնանք,— գոչեց Դանկոն ու նետվեց առաջ, իր տեղը՝ վառվող սիրտը բարձր պահած ու նրանով լուսավորելով մարդկանց ճանապարհը:



Նրանք համայնաժողովին գնացին Դանկոյի ետեկից: Այն ժամանակ անտառը էլի՛ սկսեց աղմկել, զարմանքով օրորել ծառերի գագաթները, բայց վազող մարդկանց դժգոհունը խլացրեց նրա աղմուկը: Բոլորն էլ վազում էին արագ ու համարձակ, վառվող սրտի հրաշանման տեսարանով զմայլված: Հիմա է՛լ մեռնում էին, բայց առանց գանգատների ու անլաց էին մեռնում: Դանկոն է՛լ շարունակ առջևումն էր, ու նրա սիրտը բոցավառվում ու բոցավառվում էր:

Եվ ահա անտառը հանկարծ բացվեց նրանց առաջ, բացվեց ու մնաց նրանց ետևում, խիտ ու համր, իսկ Դանկոն ու բոլոր մարդիկ միանգամից ընկղմեցին արեգակի լույսի և անձրևով լվացված մաքուր օդի ծովը: Այնտեղ, նրանց ետևում, անտառի վրա փոթորիկ էր, իսկ այստեղ շողում էր արևը, փռված էր տափաստանը, փայլում էին խոտաբույսերը անձրևի ազամանդներով, ու ոսկու նման շողշողում էր գետը: Երեկո էր, ու մայրամուտի ճառագայթներից գետը կարմիր էր թվում, ինչպես այն արյունը, որ տաք-տաք հեղվում էր Դանկոյի պատառտված կրծքից:

Միգապանծ ու համարձակ Դանկոն մի հայացք նետեց դեպի առաջ, լայնարձակ տափաստանի վրա, խնդազին մի հայացք նետեց ազատ երկրի վրա և հպարտ ծիծաղեց: Հետո էլ ընկավ ու մեռավ:

Իսկ մարդիկ, բերկրանքով և հույսերով լեցուն, չնկատեցին նրա մահը ու շտեպան, որ Դանկոյի դիակի կողքին դեռ վառվում է նրա համարձակ սիրտը: Միայն մի զգուշ մարդ նկատեղ այդ ու, ինչ-որ բանից վախենալով, ոտը դրեց հպարտ սրտի վրա... Եվ ահա սիրտը, կայծեր ցրելով, հանգավ...»:

— Այ թե որտեղից են դրանք, տափաստանի կապույտ կայծերը, որ երևում են փոթորկից առաջ:

Հիմա, երբ պառավը վերջացրեց իր գեղեցիկ հեքիաթը, տափաստանում ահավոր լուռություն տիրեց, ասես տափաստանն էլ ապշեց խիզախ Դանկոյի ուժից, որ մարդկանց համար վառել էր իր սիրտը ու նրանցից ի տրիտուր ոչինչ չէր խնդրել: Պառավը ննջում էր: Ես նայում էի նրան ու մտածում՝ էլ ինչքա՞ն հեքիաթներ և հուշեր են մնացել նրա հիշողության մեջ: Ու մտածում էի Դանկոյի մեծ, վառվող սրտի և մարդկային երևակայության մասին, որը այնքա՞ն գեղեցիկ և հուզիչ առասպելներ էր ստեղծել:

Փչեց քամին ու ցնցոտիների տակից բացեց հետզհետե պինդ բուն մտնող պառավ Իզերգիլի շորացած կուրծքը: Ես ծածկեցի նրա պառաված մարմինը ու ինքս էլ պառկեցի գետին, նրա կողքին: Տափաստանը լուռ էր ու խավար: Երկնքում էլի՛ դանդաղ, ձանձրալի սահում էին ամպերը... Խուլ ու տրտում աղմուկում էր ծովը:

## ՄԱԿԱՐ ԶՈՒԴՐԱ

Մովից պաղ ու խոնավ քամի էր փչում, տափաստանով մեկ տարածում ափին խփվող ալիքների ճղփյունի և առափնյա թփերի խշռոցի մտախոհ մեղեդին: Երբեմն-երբեմն քամու պոռթկումները իրենց հետ բերում էին կնճռոտած, դեղին տերևներ, զցում խարույկի մեջ ու բորբոքում նրա բոցը. դողում էր մեզ շրջապատող աշնանային գիշերվա մշուշը և վախեցած ետ քաշվելով՝ մի ակնթարթ բաց էր անում ձախ կողմում՝ անծայրածիր տափաստանը, աջ կողմում՝ անսահման ծովը և ուղիղ իմ առաջ՝ ծեփունի գնչու Մակար Զուդրայի կերպարանքը. նա պահում էր մեզանից մի հիսուն քայլ հեռու տեղավորված իր թափառախմբի ձիերը:

Բանի տեղ շրջելով քամու պաղ ալիքները, որոնք նրա շեք-մենի օձիքը բանալով մերկացրել էին մազոտ կուրծքը և անողորմաբար խփում էին նրան, սա դեղեցիկ և ուժեղ դիրքով թիկն էր տվել երեսը դեպի ինձ, հանդարտ ձիգ էր տալիս իր ահագին ծխամորձը, բերանից ու քթից ծխի թանձր քուլաներ արձակում և իմ գլխի վրայով անշարժ հայացքը տափաստանի լուռ ու մեռյալ խավարին հառած՝ խոսում էր ինձ հետ անվերջ ու ոչ մի շարժում չէր անում քամու սուր հարվածներից պաշտպանվելու համար:

— Ուրեմն շրջում ես դու: Այդ լա՛վ է: Փառավոր վիճակ ես ընտրել դու քեզ համար, բազե՛: Այդպես էլ պետք է. շրջի՛ր ու դիտիր, դիտեցիր սրտիդ ուզածի շափ, պառկիր ու մեռե՛ր... ա՛յս է ամբողջը:

— Կյա՞նք, ուրիշ մարդի՞կ,— շարունակեց նա կասկածամբ տորեն լսելով իմ առարկությունը նրա՝ «այդպես էլ պետք է» խոսքին:— Ե՛հե՛: Իսկ քո ի՞նչ գործն է դա: Իսկ դու ինքդ կյանք չե՞ս: Ուրիշ մարդիկ ապրում են առանց քեզ և կապրեն առանց

քեզ: Կարծում ես, թե դու որևէ մեկին պե՞տք ես Դու հաց չես, մահակ չես և ոչ ոքի պետք չես դու:

Սովորել ու սովորեցնե՞լ, ասում ես: Իսկ դու կարո՞ղ ես սովորել, թե ինչպես կարելի է մարդկանց երջանիկ դարձնել: Ո՛չ, չես կարող: Դեռ մի թող մազերդ ճերմակեն, հետո ասա, թե ինչ պետք է սովորեցնել: Ի՞նչ պիտի սովորեցնես: Ամեն մարդ գիտի, թե իրեն ինչ է հարկավոր: Ով խելոք է, վերցնում է ինչ որ կա, ով անխելք է, ոչինչ չի ստանում, և ամեն մեկը ի՛նքն է սովորում:

Ծիծաղելի են նրանք, քո այդ մարդիկ: Կուտակվել են մի տեղ ու ճզմում են իրար, իսկ աշխարհում տես ինչքա՞ն տեղ կա,— նա ձեռքը լայն տարածեց դեպի տափաստան:— Եվ բոլորն էլ աշխատում են: Ինչո՞ւ Ո՞ւմ համար: Ոչ ոք չգիտե: Նայում ես՝ մարդը հող է վարում, ու մտածում ես, ահա սա իր ուժերը քրտինքի հետ կաթիլ առ կաթիլ հողի մեջ է քամում, հետո էլ կպառնի այդ հողի մեջ ու կփտի այնտեղ: Ոչինչ չի մնա իրեն, ոչինչ չի տեսնի իր հողից դենը և կմեռնի հիմար, ինչպես որ ծնվել է:

Ի՞նչ է, նա դրա՞ համար է ծնվել, որ հողը փորփրի ու մեռնի, նույնիսկ ժամանակ չգտնելով իր համար գերեզման փորել: Նա գիտե՞ ինչ բան է ազատութունը: Հասկանո՞ւմ է տափաստանի լայնարձակութունը: Տափաստանի ալիքի ձայնը ուրախացնո՞ւմ է նրա սիրտը: Նա ստրուկ է հենց որ ծնվել է, ամբողջ կյանքում ստրուկ է, ա՛յ թե ինչ: Ի՞նչ կարող է անել նա: Միայն խեղդվել կարող է, եթե մի քիչ խելքի գա:

Իսկ ես, նայի՛ր, ա՛յ, հիսունութ տարում այնքան բան եմ տեսել, որ թե ամբողջը թղթի վրա առնես, քո այդ տուպրակի պես հազար տուպրակի մեջ էլ չի տեղավորվի: Դե հիմա ասա. ի՞նչ աշխարհներում չեմ եղել ես: Չես կարող ասել: Դու իսկի չգիտես էլ այն աշխարհները, որտեղ եղել եմ ես: Այդպես պետք է ապրել. քայլի, քայլի, պրծավ գնաց: Մի տեղ երկար մի՛ կանգնիր. ի՛նչ օգուտ մի տեղ կանգնելուց: Ա՛յ, ինչպես ցերեկն ու գիշերն են իրար ետևից վազելով պտտվում երկրի շուրջը, այնպես էլ դու հեռու վազիր կյանքի մտքերից, որպեսզի չդադարես սիրել կյանքը: Իսկ թե որ սկսեցիր մտածել, էլ կյանքը չես սիրի. միշտ այդպես է լինում: Ինձ հետ էլ եղել է այդպես: է՛, եղել է, բազե՛, եղել է:

Նստած էի բանտում, Գալիլիսում: «Ինչո՞ւ եմ ապրում

ա՛յն աշխարհում»,— մտածում էի ես թախիծով,— տխուր է բանտում, բազե՛, է՛, ինչքա՞ն է տխուր, ու հենց որ լուսամուտից նայեցի դաշտերին, թախիծը սիրտս մտավ, սիրտս մտավ ու ճմլեց, ոնց որ աքցանով ճմլես: Ո՞վ կարող է ասել, թե ինքն ինչի համար է ապրում: Ոչ ոք չի կարող ասել, բազե՛: Եվ կարիք էլ չկա, որ մարդ դրա մասին ինքն իրեն հարց տա: Ապրիր, պրծավ գնաց: Եվ թափառիր ու շուրջդ նայիր, կտեսնես, որ երբեք թախիծը մոտ չի գա քեզ: Հապա, այն ժամանակ քիչ մնաց գոտիով խեղդեի ինքս ինձ, ա՛յ թե ինչ:

— Հե՛, Մի անգամ խոսում էի մի մարդու հետ: Խիստ մարդ էր, ձեր ուսաներից: Հարկավոր է, ասում էր նա, այնպես չապրել, ինչպես ինքդ ես ուզում, այլ այնպես, ինչպես ասված է աստծու խոսքի մեջ: Աստծուն հնազանդ եղիր, և նա կտա քեզ ամեն բան, ինչ որ խնդրես: Իսկ ինքը մաշված, պատառոտված շորերի մեջ է: Ես էլ նրան ասացի, որ իր համար նոր շոր խնդրի աստծուց: Իսկ նա բարկացավ ու հայհուցելով խոհի տվեց ինձ: Այնինչ դրանից առաջ ասում էր, որ հարկավոր է մարդկանց ներել և սիրել: Դե թող ինքն էլ ի՛նձ ներեր, եթե իմ խոսքից նեղացել էր: Ա՛յ թե ուսուցիչ է: Սովորեցնում են քիչ ուտել, իսկ իրենք օրական տասն անգամ են ուտում:

Նա թքեց խարույկի մեջ ու լոնց և նորից լցրեց ծխամորճը: Քամին ոռնում էր մեղմ ու ողբազին, խավարի մեջ վրնջում էին ձիերը, թափառախմբից լսվում էր մի մեղմ ու կաթոգին երգ: Երգողը գեղեցկուհի Նոնկան էր՝ Մակարի դուստրը: Ես ճանաչում էի նրա կրծքային թավ ձայնը, որ միշտ մի տեսակ տարօրինակ, անբավական ու պահանջկոտ էր հնչում՝ երգելիս լիներ նա, թե՛ «բարև» ասելիս: Նրա թուխ, անփայլ դեմքին թագուհու գոռոզութուն էր քարացել, իսկ մի ինչ-որ սովերով սքողված մուգ դարչնագույն աչքերում շողում էր իր գեղեցկութան անպարտելիութան գիտակցութունը և արհամարհանք դեպի այն ամենը, ինչ ինքը չէ:

Մակարը ծխամորճն ինձ տվեց:

— Ծխիր: Լա՞վ է երգում աղջիկը: Հապա՛: Կուզեի՞ր, որ այդպիսի մեկը սիրեր քեզ: Ո՞չ: Լա՞վ: Այդպես էլ հարկավոր է. մի՛ հավատա աղջիկներին և հեռու կաց նրանցից: Աղջկան է. մի՛ համբուրելն ավելի լավ է ու հաճելի, քան ինձ համար ծխահամբուրելն ավելի լավ է ու հաճելի, քան ինձ համար ծխամորճ քաշելը, բայց որ համբուրեցիր նրան, կամքը մեռավ քո սրտում: Նա քեզ կկապի իրենից ինչ-որ մի անտեսանելի բա-

նով, որ կտրել չես կարող և դու նրան կտաս քո ամբողջ հոգին: Ծի՛շտ է: Զգուշացիր աղջիկներին: Ստո՛ւմ են միշտ: Սիրում եմ քեզ, ասում է, աշխարհում ամեն բանից ավելի, բայց փորձիր քորոցով ծակել նրան, պատառ-պատառ կանի սիրտդ: Ես գիտեմ: Է՛, ինչքան բան գիտեմ ես: Կուզե՞ս, բազե, մի պատմություն անեմ քեզ: Իսկ դու հիշիր և եթե հիշես, քո ամբողջ կյանքում ազատ թռչուն կլինես:

«Ապրում էր աշխարհում երիտասարդ գնու Ջոբարը, Լոյկո Ջոբարը: Ամբողջ Լուսաբերիան ու Չեխիան, Սլավոնիան ու ծովի շուրջը եղած բոլոր երկրները ճանաչում էին նրան, ի՛նչ կտրիճ տղա էր: Այն կողմերում չկա մի գյուղ, որտեղ մի հինգ մարդ երդում տված շինեին սպանել Լոյկոյին, բայց նա ապրում էր իր համար, և եթե մի որևէ ձի դուր եկավ նրան, թեկուզ գին՝ վորների մի ամբողջ գունդ պահապան կանգնեցրու այդ ձիուն, միևնույն է, Ջոբարը կհեծնի նրան և կալանա: Է՛, կա՞ր մեկը, որից վախենար նա: Սատանան էլ որ իր ամբողջ շքախմբով նրա մոտ գար, Լոյկոն թե որ դանակը շխրեր նրա սիրտը, գոնե մի թունդ կհայհոյեր, իսկ որ դեների մոռլթին մի-մի քացի կհասցնեք, դրան արդեն խոսք չկա:

Ու բոլոր թափառախմբերը ճանաչում էին նրան կամ լսել էին նրա մասին: Նա միայն ձիեր էր սիրում և ուրիշ ոչինչ, այն էլ ո՛չ երկար ժամանակով. մի քանի անգամ քշեց, բավական է, կծախի, իսկ փողը՝ ով ուզում է, թող վերցնի: Նրա համար չկար ոչ մի նվիրական բան. իր սի՞րտն է հարկավոր քեզ, նա ինքը կհաներ իր կրծքից ու կտար քեզ, միայն թե քեզ համար լավ լինի այդ: Ա՛յ թե ինչպիսի տղա էր նա, բազե՛:

Մեր թափառախումբն այդ ժամանակները շրջում էր Բուքովինյում. դա մի տասը տարի սրանից առաջ էր: Մի անգամ, գարնանային մի երեկո, նստած էինք մենք՝ ես, զինվոր Դանիլոն, որ կովել է Կոշուտի հետ միասին, ծերունի Նուրը, և մյուս բոլորը, և Ռադան՝ Դանիլոյի աղջիկը:

Դու ճանաչում ես իմ նոնկային: Թագուհի աղջիկ է՛: Իսկ Ռադան, է՛, նրա հետ համեմատել անգամ չի կարելի. մեծ պատիվ կլինի Նոնկայի համար: Նրա՝ այդ Ռադայի մասին խոսքով պատմել չի լինի: Նրա գեղեցկությունը գուցե թե միայն ջութակով նվագել կարելի է, այն էլ միայն նա կարող է նվագել, ով այդ ջութակը գիտի ինչպես իր հոգին:

Շատ կտրիճների սիրտ էր տոչորել նա, օ՛, շա՛տ: Մորա՝ վայում մի խոշոր ազնվական կար, քյաքյուլավոր մի ծերունի, տեսավ նրան և քար կտրեց: Նա նստել էր ձիու վրա ու նայում էր դողալով, ասես տենդի մեջ լինի: Գեղեցիկ մարդ էր նա՝ ինչպես սատանան տոն օրերին. քուրքը ոսկեկար էր, կողքից կախված թուրը, հենց որ ձին ոտքը շարժեր, շողում էր կայծակի պես, այդ ամբողջ թուրը զարդարված էր թանկագին քարերով, իսկ փափախի գագաթի կապուտակ թավիշը ասես երբերով, իսկ փափախի գագաթի կապուտակ թավիշը ասես երբերով մի կտորը լինի: այդպիսի մե՛ծ մարդ էր այդ ծերունին: Նայեց, նայեց Ռադային ու ասաց.— է՛յ, մի համբույր տուր, մի քսակ փող կտամ քեզ:— Իսկ Ռադան շուտ եկավ մի կողմ ու պատասխան չտվեց:— Ներիր, եթե քեզ նեղացրի, գոնե քաղցր նայիր ինձ,— իսկույն իր գոռոզուկներն իջեցրեց ծերունի ազնվականը և նրա ոտների առաջ նետեց քսակը — մե՛ծ, շատ մեծ քսակ, ախպերս: Իսկ Ռադան, որպես թե պատահամա՞ք, ոտքով հրեց, ցեխը գցեց քսակը և ուրիշ ոչինչ:

— Ա՛խ, աղջիկ,— ախ քաշեց ազնվականը, մտրակեց ձիուն, և փռշին վեր գալարվեց ամպի պես:

Իսկ մյուս օրը նորից երևաց:— Ո՛վ է նրա հայրը,— կայծակի պես որոտում է ամբողջ թափառախումբ: Դանիլոն առաջ եկավ:— Սախիր աղջիկդ, վերցրու ինչ կուզես:— Իսկ Դանիլոն նրան պատասխանում է.— Այդ միայն պաներն են ծախում ամեն ինչ, սկսած իրենց խոզերից մինչև իրենց խիղճը, իսկ ես Կոշուտի հետ կռիվ եմ արել և ոչինչ չեմ ծախում:— Մոնչաց ծերունին ու ձեռքը աարավ թրին, բայց մեզանից մեկը վառվող աթեթը խրեց նրա ձիու ախանջը, և ձին փախցրեց այդ կտրիճին: Իսկ մենք վրանները պոկեցինք ու գնացինք: Գնում ենք մեկ օր, երկու օր, տեսնենք՝ հասավ մեր ետևից:— Հե՛յ, դո՛ւք,— ասում է,— ասածու առաջ ու ձեր առաջ մաքուր է իմ խիղճը, կնության տվեք ինձ այդ աղջիկը, ամեն ինչ կկրտես մեզ հետ, ես շատ հարուստ եմ.— Վառվում է ամբողջովին և քամու բերանն ընկած սիդախոտի պես օրորվում է թամբի վրա:

Մենք մտքի մեջ ընկանք:

— Ի՛նչ կասես, աղջիկս, խոսի՛ր,— բեղի տակ ասաց Դանիլոն:

— Թե որ արծիվը իր կամքով ազատվի բույնը մտներ, ի՛նչ կղաղնար նա,— հարցրեց մեզ Ռադան:

Միծաղեց Դանիլոն, ու մենք էլ նրա հետ:

— Կեցցե՛ս, աղջիկս: Լսեցի՞ր, պարո՞ն: Գլուս չի գալիս: Աղավնի փնտրիր, նրանք ավելի մատչելի են:— Եվ մենք առաջ գնացինք:

Իսկ այն պարոնը վերցրեց փափախը, գետնովը տվեց ու այնպես սլացավ, որ գետինը դողողաց: Ա՛յ թե ինչպիսի աղջիկ էր Ռադան, բազե՛:

Այո՛: Եվ ահա մի գիշեր նստել ենք մենք ու լսում ենք՝ տափաստանի վրայով երաժշտություն է լողում: Սքանչելի՛ երաժշտություն: Արշունը եռ էր գալիս երակներումդ այդ երաժշտությունից, որ ասես կանչում էր հեռո՛ւ, ինչ-որ տեղ: Ձգում ենք, որ մենք բոլորս էլ այդ երաժշտությունից ուզում ենք այնպիսի մի բան, որից հետո ապրելն էլ հարկավոր չէ, կամ, եթե պիտի ապրես, ուրեմն ապրես որպես ամբողջ աշխարհի թագավոր, բազե՛:

Ահա խավարից դուրս պրծավ մի ձի, իսկ նրա վրա նըստած է մի մարդ և նվագում է մեզ մոտենալով: Կանգ առավ խարույկի մոտ, դադարեց նվագել, ժպտալով մեզ է նայում:

— Էհե՛, Ձոբա՛ր, այդ դո՞ւ ես,— ուրախ գռչեց Դանիլոն: Եվ ահա նա, Լոյկո Ձոբարը:

Բեղերն ընկել են ուսերին ու խանվել գանգուրներին, աչքերը վառվում են վճիտ աստղերի պես, իսկ ժպիտը՝ ասես մի ամբողջ արև լինի, աստված վկա: Ասես մի ձույլ երկաթից է կոփված իր նժույգի հետ միասին: Կանգնել է ահա խարույկի բոցերի դեմ, ինչպես արյան մեջ, և ժպտում է մեզ, որից ատամներն են շողողում: Նզովյալ լինեմ, թե որ նրան շտիբիցի ես ինչպես ինձ, և ավելի շուտ, քան ինձ մի խոսք կասեր, կամ պարզապես կնկատեր, որ ե՛ս էլ ապրում եմ այս լույս աշխարհում:

Ահա թե ինչպիսի մարդիկ են լինում, բազե՛: Հենց որ նայեց աչքերիդ, հոգիդ կգերի, և դա ամենևին ամոթ չէ քեզ համար, այլ ավելի հպարտ կզգաս քեզ: Այդպիսի մարդու հետ դու ինքդ էլ ավելի լավն ես թվում քեզ: Քիչ կան, բարեկամս, այդպիսի մարդիկ: Եվ լավ է, որ քիչ կան: Աշխարհում լավ բան որ շատ լիներ, լավի տեղ չէին դնի այն: Այդպես է, բա՛: Դե լսիր շարունակությունը:

Ռադան ասում է.— Լավ ես նվագում դու, Լոյկո: Ո՞վ է պատրաստել քո այդ ջութակը, որ այդքան հնչեղ է ու զգայուն:— Իսկ նա ծիծաղում է.— Ես ինքս եմ պատրաստել: Եվ

պատրաստել եմ ոչ թե փայտից, այլ մի ջահել աղջկա կրծքից: Որին սիրում էի թեժ սիրով, իսկ լարերը նրա սրտիցն եմ հյուսել: Խաբում է ջութակը դեռ մի քիչ, բայց ոչինչ, ես դիտեմ կնտնտոցը բռնել իմ ձեռքում:

Հայտնի է, ջահելը ուզում է մեկն մուտ գցել կույսի շքենաղ աչքերին, որպեսզի նրանք շարեն իր սիրտը, այլ իրեն նայեն անհույս թախիծով: Այդպես էլ Լոյկոն: Բայց սխալ խփեց: Ռադան շուտ եկավ, հորանջեց, ասաց.— Ասում էիք բա, ին խելոք և ճարպիկ է Ձոբարը: Ա՛յ թե փշո՛ւմ են մարդիկ,— ասաց ու հեռու քաշվեց:

— Էհե՛, գեղուհի, սուր ատամներ ունես դու,— ցուլացրե՛ց աչքերը Լոյկոն ու իջավ ձիուց:— Ողջո՛ւյն, եղբայրնե՛ր: Ահա և ես, ձեզ մոտ եմ եկել:

«— Բարի ես եկել,— պատասխան տվեց նրան Դանիլոն: Համբուրվեցինք, զրույց արինք ու պառկեցինք քնելու... Ամուր քնեցինք: Իսկ առավոտյան տեսնե՞ք՝ Ձոբարի գլուխը լաթով փաթաթած: Այդ ի՞նչ է եղել: Դե, դա ձին է Լոյկոյի քնած ժամանակ սմբակով խփել:

Է՛-է՛-է՛, հասկացանք մենք, թե ի՞նչ ձի է այդ ու ժպտեցինք մեր բեղերի տակ, ժպտաց և Դանիլոն: Դե, ի՞նչ կա որ, մի՞թե Լոյկոն շարժե Ռադային: Բայց ո՛չ: Որքան էլ լավն է աղջիկը, հոգին նեղ է ու փոքրիկ, և թեկուզ մի փութ ոսկի կա: Խես վզիցը, միևնույն է, ավելի լավ չի լինելու, քան թե կա: Դե լավ, թողնե՞ք:

Ու ապրում էինք մենք, ապրում նույն տեղում. գործերս այդ օրերին լավ էին գնում, և Ձոբարն էլ մեզ հետ էր մնում: Ա՛յ, դա ընկեր էր: Եվ իմաստուն էր, ինչպես ծերունի, և բանատեղյակ, և գրել-կարդալ գիտեր ուսերեն ու մաջարերեն: Պատահում էր, կսկսեր խոսել, տարով մի՛ քնիր, հենց նրան լսիր տահում էր, կսկսեր խոսել, տարով մի՛ քնիր, հենց նրան լսիր իսկ նվագում էր — շանթահար լինեմ, թե որ աշխարհում մեկն էլ գտնվեր նրա պես նվագող: Թե որ կնտնտոցը մեկ քսեր լաբին, սիրտդ կթռչեր, մեկ էլ որ քսեր, քար կկտրեր այն՝ նրան լսելով: Իսկ նա նվագում է, նվագում ու ժպտում: Եվ լացող է գալիս, երբ լսում ես նրան, և միաժամանակ ծիծաղող է գալիս: Ահա, տեսնում ես, տնքում է մեկը դառն, աղեկտուր, խնդրում է օգնել, ասես դանակով սիրտդ է կտրտում: Կամ տափաստանն է հեքիաթներ ասում կապույտ երկնքին, տխուր ու տրտում ծանր հեքիաթներ: Լալիս է կույսը՝ ճամփու դնելով իր քաջ կտրիճին:

Իսկ կարիճը այն՝ կանչում է կույսին դեպի տափաստան: Ու հանկարծ՝ հե՛յ-հե՛յ, ոնց որ մի որոտ՝ թնդում է երգը ուրախ ու աղաւտ, ու մեկ էլ տեսար, ինքը՝ արևն է պարում երկնքում այդ նվագի տակ: Ա՛յ թե ինչպես էր Ձորարը, բազե՛:

Մարմնիդ ամեն մի ջիղն էր հասկանում երգերը նրա, և դու ամբողջովին նրա ստրուկն էիր դառնում: Եվ թե այդ պահին լոյկոն գոշեր՝ «ի զե՛ն, ընկերնե՛ր», մենք բոլորս գենք կվերցնենք ու կովի կենեկնք ում դեմ էլ ասեր: Ամեն ինչ կարող էր անել նա մարդուն, և բոլորը սիրում էին նրան, շատ էին սիրում, միայն Ռադան էր, որ չէր էլ նայում այդ քաջ կտրիճին: Եվ դեռ լավ է, եթե միայն շնայեր, պատահում էր, որ ծաղրում էլ էր նրան: Խիստ էր ցավեցրել նա Ձորարի սիրտը, օ՛, շատ խիստ: Ատամներն է կրճտացնում լոյկոն ու բեզն է քաջըշում, աչքերը մուրն են անդունդից, իսկ երբեմն էլ այնպես են փայլում, որ մարդ սարսափ է զգում նայելիս: Գիշերը հեռու ափաստան է քաշվում լոյկոն, և մինչև առավոտ լալիս է նրա ջութակը, լալիս է, թաղում Ձորարի կամքը: Իսկ մենք պառկում ենք, ականջ դնում ու մտածում. ի՞նչ անել: Գիտենք, որ եթե երկու քար գլորվում են իրար վրա, նրանց միջև կանգնել չի կարելի. կձգմեն քեզ: Ու այդպես էլ շարունակվում էր:

Մի օր հավաքվել, նստել էինք մենք ու խոսում էինք գործերի մասին: Տխուր էինք, և Դանիլոն խնդրեց լոյկոյին. «Մի երգ երգիր, Ձորար, ուրախացրու մեր սրտերը»: — Լոյկոն մի հայացք գցեց Ռադային, որ քիչ հեռու մեջքի վրա պառկած նայում էր երկնքին, և զարկեց լարերին: Եվ խոսեց ջութակը, ասես իսկապես կույսի սիրտ լիներ դա: Ու լոյկոն երգեց.

Հե՛յ-հե՛յ, կրծքումս վառվում է կրակ,  
Իսկ տափաստանն է լայն,  
Սլանում է նժույգս քամու պես արագ,  
Ձեռքս ամուր է այնքան:

Ռադան բարձրացավ արմունկի վրա, երեսը դարձրեց. նայեց երգչի աչքերին ու քմծիծաղ տվեց: Բռնկեց լոյկոն ինչպես արշալույս:

Հե՛յ, հոպ-հե՛յ, ապա, իմ ընկեր,  
Չալանա՞նք առաջ.  
Տափաստանի վրա դաժան մտք է ընկեր,

Իսկ այնտեղ սպասում է մեզ լուսարաց,  
Հե՛յ-հե՛յ, սլանանք ընդառաջ ցերեկվան,  
Բարձրացիր, դեպի վեր հասիր,  
Միայն թե բաշով շղիպչես  
Գեղեցկուհի լուսին:

Ինչպե՛ս էր երգում: Հիմա չկա մեկը, որ այդպես երգի: Իսկ Ռադան ասում է, կարծես թե ջուր է մաղում.

— Դու այդքան շատ վերև մի՛ թռչի, լոյկո, մեկ էլ տեսար՝ քթիդ վրա ցեխն ընկար ու բեղերդ կեղտոտեցիր: — Գազանի պես նայեց նրան լոյկոն, բայց ոչինչ շասաց. համբերեց տղան ու շարունակեց իր երգը.

Հե՛յ-հո՛պ, կարող է լուսանալ այստեղ,  
Իսկ մենք քնել ենք իրար հետ,  
է՛յ, հե՛յ, այն ծամանակ ամոթից  
Մենք կայրվենք այստեղ:

— Ա՛յ թե երգ է հա՛, — ասաց Դանիլոն, — կյանքումս այդպիսի երգ չեմ լսել դեռ. թող սատանան ինձ ծխամորճ շինի իր համար, թե սուտ եմ ասում: — Սերունի Նուրն էլ և՛ բեղերն է սղալում, և՛ ուսերն է թոթվում, ու բոլորիս սրտին էլ դուր է գալիս Ձորարի երգը կտրիճի: Միայն Ռադային դուր չի գալիս:

— Մի անգամ էլ մոծակն էր այդպես բզզում՝ ցանկանալով իր ձայնը նմանեցնել արծվի կանչին, — ասաց նա ու կարծես բոլորիս վրա ձյուն մաղեց:

— Դու, ի՛նչ է, Ռադա, մտրա՞կ ես ուզում, — դեպի աղջիկը ձգվելով ասաց Դանիլոն, բայց Ձորարը գետնովը տվեց իր փափախը ու հողի պես ամբողջովին սևացած ասում է.

— Սպասիր, Դանիլո՛: Խելառ ձիուն պողպատի սանձ է հարկավոր: Տո՛ւր ինձ աղջիկդ կնության:

— Դու էլ բա՛ն ասացիր, — քմծիծաղ տվեց Դանիլոն, — վերցրու, թե որ կարող ես:

— Շատ լավ, — ասաց լոյկոն ու դարձավ Ռադային. — Դե՛, աղջի՛կ, լսիր ինձ մի քիչ ու շատ մի՛ փքվիր: Քեզ պես աղջիկներ ես շատ եմ տեսել, է՛, ինչքան շա՛տ: Բայց ոչ մեկը իմ սիրտը չի շարժել այնպես, ինչպես դու: Է՛հ, Ռադա՛, գերի ես դարձրել դու իմ հոգին: Ի՛նչ արած: Ինչ որ լինելու է, թող լինի, և... չկա այնպիսի նժույգ, որին նստելով դու կարո-

դանաս ինքդ քեզանից հեռու սլանալ... Աստծո առաջ, իմ պատվի առաջ, քո հոր և այս բոլոր մարդկանց առաջ քեզ կին եմ վերցնում: Բայց տե՛ս. իմ ազատութունը շխանգարես դու. ես ազատ մարդ եմ, ապրելու եմ այնպես, ինչպես ինքս կուզեմ:— Եվ ատամները սեղմած, աչքերը շողացնելով մոտեցավ նրան: Նայում ենք՝ ձեռքը մեկնեց նրան: Ահա, մտածում ենք, սանձ հագցրեց տափաստանի նժույգին Ռադան: Հանկարծ տեսնում ենք՝ ձեռքերը թափահարեց ու՝ շրախկ, ծոծրակի վրա ընկավ գետին...:

Ի՞նչ հրաշք է սա: Կարծես գնդակը դիպավ տղայի սրտին: Բայց այդ Ռադան էր երկար մտրակը շրխկացրել տղայի ոտքերին ու քաշել իրեն. այ թե ինչու էր ընկել լոյկոն:

Եվ նորից պառկել է աղջիկը անշարժ ու ժպտում է լուռ նայում ենք, թե ինչ է լինելու, իսկ լոյկոն նստել է գետնին ու գլուխը սեղմել երկու ձեռքի մեջ, ասես վախենում է, թե հիմա կայաթի այն: Հետո վեր կացավ կամաց ու գնաց տափաստան՝ առանց նայելու որևէ մեկին: Նուրը շշուշաց ականջիս.— Հետևի՛ր նրան:— Ու գիշերային խավարի մեջ տափաստանով սողացի ես Ջոբարի ետևից: Այդպես էր, բազե՛ս:

Մակարը ծխամորճից թափ տվեց մոխիրը և սկսեց նորից լցնել այն: Ես ավելի պինդ փաթաթվեցի շինելի մեջ և պառկած նայում էի նրա դեմքին, որ սևացել էր արևից ու քամուց: Նա խստութամբ գլուխն օրորում ու ինչ-որ բան էր շշուշում ինքն իրեն: Ծերմակ բեղերը շարժվում էին, և քամին զզզում էր նրա գլխի մազերը: Նա նման էր դարավոր կաղնու, որին խփել է կայծակը, բայց դեռևս զորեղ է, ամուր ու հպարտ իր ուժով: Ծովն առաջվա պես շշուշում էր արևի հետ, և քամին էլի տանում, տարածում էր նրա շշուշը տափաստանի վրա: Նոնկան այլևս չէր երգում, իսկ երկնքում հավաքված ամպերն ավելի խավար էին դարձնում աշնանային գիշերը:

«Գնում էր լոյկոն ոտքերն իրար զցելով, գլուխը կախ, ձեռքերը մտրակների պես ցած թողած և, հասնելով գետակի մոտի ձորը, նստեց մի քարի ու ախ քաշեց: Այնպես ախ քաշեց, որ խղճահարությունից սիրտս արյունով լցվեց, բայց շմոտեցա նրան: Խոսքով ցավին դարման չես անի, ճիշտ չէ՞: Այդպե՛ս է: Նստել է մի ժամ, երկու ժամ, երեք ժամ ու չի շարժվում. նըստել է ու նստել:

«Ես էլ պառկել եմ քիչ հեռու լուսավոր գիշեր է, լուսինը

արծաթով է ողողել ամբողջ տափաստանը, և հեռվում երևում է ամեն ինչ:

Հանկարծ տեսնում եմ՝ թափառախմբից շտապ գալիս է Ռադան:

Սիրտս ուրախացավ: Է՛, լավ է,— մտածում եմ,— քաջ աղջիկ է Ռադան: Ահա նա մոտեցավ լոյկոյին, իսկ նա շի էլ լսում: Ձեռքը դրեց նրա ուսին: Լոյկոն ցնցվեց, ձեռքերը ետ քաշեց ու գլուխը բարձրացրեց: Եվ վեր թռավ նա, դանակը դուրս քաշեց: Ո՛հ, մորթելու է աղջկան, մտածում եմ ես, և արդեն ուզում էի ձեռն տալ թափառախմբին, վազել նրանց մոտ, հանկարծ լսում եմ.

— Թո՛ղ: Գլուխդ կփշրեմ:— Նայում եմ՝ Ռադայի ձեռքին ատրճանակ կա, որ բռնել է նա ուղիղ Ջոբարի ճակատին: Ա՛յ քեզ սատան աղջիկ: Դե լավ, մտածում եմ, հիմա նրանք հավասար ուժեր ունեն, տեսնե՛ք ի՞նչ է լինելու:

— Լսի՛ր,— Ռադան ատրճանակը գոտին խրեց ու ասում է Ջոբարին.— Ես քեզ սպանելու չեմ եկել, այլ՝ հաշտվելու, նետի՛ր դանակը:— Լոյկոն դանակը նետեց ու մոռալ նայում է աղջրկա աչքերին: Սքանչելի պատկեր էր դա, ախպերս: Կանգնած են երկու մարդ ու նայում են իրար գազանի նման, այնինչ երկուսն էլ այնքա՛ն լավ, այնքա՛ն քաջ մարդիկ են: Նայում է նրանց պայծառ լուսինը և մեկ էլ ես, ուրիշ ոչինչ:

— Դե, լսի՛ր ինձ, լոյկո. ես սիրում եմ քեզ,— ասում է Ռադան: Լոյկոն միայն ուսերը թոթվեց, կարծես ձեռքերն ու ոտքերը կաշկանդված էին:

— Կտրիճներ շատ եմ տեսել ես, բայց դու նրանցից ավելի քաջ ես ու գեղեցիկ և՛ հոգով, և՛ դեմքով: Նրանցից ամեն մեկը իր բեղերը կխուզեր, թե որ ես աչքով նշան անեի, նրանք բոլորը իմ ոտքերի տակ կընկնեին, թե որ ես ուզենայի այդ: Բայց ի՛նչ օգուտ: Նրանք առանց այդ էլ այնքան էլ քաջ չէին, իսկ ես նրանց բոլորին կնամարդի կդարձնեի: Աշխարհում քիչ են մնացել քաջ գնչուներ, լոյկո, շատ քիչ: Երբեք ես ոչ ոքի չեմ սիրել, լոյկո, բայց քեզ սիրում եմ: Եվ մեկ էլ սիրում եմ ազատութունը: Ազատութունը, լոյկո, ավելի եմ սիրում, քան քեզ: Բայց առանց քեզ ես ապրել չեմ կարող, ինչպես և դու՝ առանց ինձ: Եվ ահա, ես ուզում եմ, որ դու իմը լինես և հոգով, և մարմնով, լսո՛ւմ ես:— Լոյկոն ժպտաց:

— Լսում եմ: Սիրտս ուրախանում է քո խոսքը լսելիս: Դե, ասա՛, էլի՛ ասա:

— էլի, ահա թե ինչ, լոյկո. միևնույն է, ինչ էլ որ անես, ես քեզ կհաղթեմ, դու իմք կլինես: Ուրեմն իզուր ժամանակ մի՛ կորցնի, քեզ սպասում են իմ համբույրները և փաղաքշանքները... Ամուսնացող պիտի համբուրեմ ես քեզ, լո՛յկո: Իմ համբույրներդ դու կմոռանաս քո կտրիճային կյանքը... և քո աշխույժ երգերը, որ այնպես ուրախացնում են կտրիճ գնչուներին, այլևս չեն հնչի տափաստանում. դու կերգես սիրային, քնքուշ երգեր ինձ համար՝ Ռադայի համար... Ուրեմն իզուր ժամանակ մի՛ կորցնի. ես ասացի այս, ուրեմն վաղը գուցե կհնազանդվես ինձ, ինչպես պատանին՝ ավագ ընկերոջը: Ամբողջ թափառախմբի ասաց կիտնաբժշկես ինձ, կհամբուրես իմ այժմեանը, և այն ժամանակ ես կլինեմ քո կինը:

— Ա՛յ թե ինչ էր ուզում գրողի տարած աղջիկը: Դա շտեմելով, շլաված բան էր. ծերունիներն ասում էին, որ միայն հին ժամանակներում շերտագործիների մոտ է այգազես եղել, իսկ գնչուների մոտ՝ երբե՛ք: Գե, բազե՛, կարո՞ղ ես դրանից ավելի ծիծաղելի բան հնարել: Մի տարի էլ որ գլուխդ տրաքացնես, չես կարող:

Մի կողմ նետվեց լոյկոն ու տափաստանով մեկ ճաշ, ոնջ որ կրծքից վիրավորված: Ցնցվեց Ռադան, բայց ցույց չտվեց:

— Դե, ուրեմն, մնաս բարով մինչև վաղը: Իսկ վաղը կանես այն, ինչ ես հրամայեցի, լսո՞ւմ ես, լո՛յկո:

— Լսում եմ: Կանեմ,— հառաչեց Ջոբարը և ձեռքը մեկնեց նրան: Ռադան շնայեց էլ նրան, իսկ լոյկոն երերաց բամուկոտրած ծառի պես և ընկավ գետին՝ հեծկլտալով ու ծիծաղելով:

Ա՛յ թե ինչպես ճմլեց կտրիճին անիծյալ Ռադան: Ես հազիվ ուշքի բերի նրան:

Է՛հե՛: Ռ՞ր գրողին է պետք, որ մարդիկ դարդի մեջ թաղվեն: Ո՞վ է սիրում լսել, թե ինչպես դարդից մորմոքվելով տնքում է մարդկային սիրտը: Դե ի՛նքզ մտածիր...

Վերադարձա թափառախումբ և ամեն ինչ պատմեցի ծերունիներին: Մտածեցին, մտածեցին ու որոշեցին սպասել, տեսնենք ինչ է լինելու վաղը: Եվ ահա թե ինչ եղավ: Երեկոյան, երբ բոլորս հավաքվել էինք խարույկի շուրջը, եկավ և լոյկոն: Նա մտաշլ էր, գիշերվա ընթացքում խիստ նիհարել էր և աչքերը ներս էին ընկել: Նա ցած էր գցել հայացքը և առանց բարձրացնելու ասաց մեզ.

— Այ թե ինչ, ընկերներ: Այս գիշեր նայեցի ես իմ սրբոտին և նրա մեջ տեղ չգտա իմ նախկին ազատ կյանքի համար: Այնտեղ միայն Ռադան է ապրում, ուրիշ ոչինչ: Ահա նա, գեղեցկուհի Ռադան, ժպտում է թագուհու պես: Նա իր ազատությունն ավելի է սիրում, քան ինձ, իսկ ես նրան սիրում եմ ավելի, քան իմ ազատությունը, և որոշեցի խոնարհվել Ռադային, լի, քան իմ ազատությունը, և որոշեցի խոնարհվել Ռադային, որք նրանից առաջ աղջիկների հետ խաղում էր այնպես, ինչպես ճախրաբազեն բաղերի հետ: Իսկ հետո նա կդառնա իմ կինը և կփայփայի ու կհամբուրի ինձ, այնպես որ ես այլևս ձեռք համար երգել չեմ ուզի և իմ ազատությունն էլ չեմ ափսոսա: Այդպես չէ՞, Ռա՛դա:— Նա աչքերը բարձրացրեց և խոր նայեց նրան: Ռադան լուռ ու խիստ գլխով արեց և մատնացույց արեց իր ոտերի: Իսկ մենք նայում էինք ու ոչինչ չէինք հասկանում: Նույնիսկ մարդ ուզում էր հեռանալ այդտեղից, միայն թե շահաներ, թե ինչպես լոյկո Ջոբարը աղջկա ոտերին է ընկնում, թե կուզե՞ս այդ աղջիկը Ռադան լինելու: Ամոթ էր մի տեսակ, և՛ ցավալի, և՛ վշտալի:

— Դե՛,— գուցե Ռադան Ջոբարին:

— Է՛հե՛, մի՛ շտապիր, դեռ կձանձրանաս էլ...— ծիծաղեց լոյկոն: Միծաղեց, և կարծես պողպատ էր այդ, որ գրեգաթա:

— Ահա և ամբողջը, ընկերներ: Ի՞նչ է մնում անել: Մնում է միայն փորձել. արդյոք իմ Ռադան ունի՞ այնպիսի ամուսն սիրտ, ինչպես ցույց է տվել ինձ: Դե, ուրեմն, կփորձեմ, ներքեցիք ինձ, եղբայրներ:

Մենք դեռ չէինք էլ գլխի ընկել, թե ինչ է ուզում անել Ջոբարը, իսկ Ռադան արդեն ընկած էր գետնին, մինչև դաստակը նրա կուրծքն էր խրված Ջոբարի կեռ դանակը: Մենք քար էինք կտրել:

Իսկ Ռադան դուրս քաշեց դանակը. մի կողմ նետեց և իբրև մազերի փնջով կրծքի վերքը սեղմած՝ ժպտալով ասաց բարձր ու հասկանալի.

— Մնաս բարո՞վ, լո՛յկո, ես գիտեի, որ դու այդպես էլ կանես...— ու մեռավ աղջիկը...

Հասկացա՞ր դու այդ աղջկան, բազե: Ահա թե ինչպիսին էր նա. թող հավիտյան հավիտենից նզովյալ լինեմ ես, սատանի աղջիկ էր նա:

— է՛հ, և կխոնարհվեմ ես քո ոտքերի առաջ, հպարտ թագուհի,— տափաստանով մեկ գոչեց Լոյկոն և գետին ընկնելով՝ շուրթերը հպեց մեռած Ռադայի ոտքերին ու անշարժացավ: Մենք զխարկներս վերցրել ու կանգնել էինք լուս:

Ի՞նչ կասես այս բանին, բազե՛: Հապա՛: Նուրն ուզում էր ասել՝ «հարկավոր է կապկպել նրան...»: Չեոք չէր բարձրանա Լոյկո Ջոբարին կապկպելու համար, ոչ ոքի ձեռքը չէր բարձրանա, և նուրը գիտեր այդ: Նա ձեռքը թափ տվեց ու մի կողմ քաշվեց: Իսկ Դանիլոն վերցրեց դանակը, որ Ռադան մի կողմ էր նետել, երկար նայում էր նրան, շարժելով իր ճերմակ բեղերը, այդ դանակի վրա դեռ չէր սառել Ռադայի արյունը, և նա այնպես կեռ էր ու սուր... Իսկ հետո Դանիլոն մոտեցավ Ջոբարին և դանակը նրա թիկունքը խրեց իսկ և իսկ սրտի դիմաց: Դե, պարզ է, Ռադայի հայրն էր ծերունի զինվոր Դանիլոն:

— Ա՛յ, այդպես,— դեպի Դանիլոն դառնալով՝ պարզ ասաց Լոյկոն ու գնաց Ռադային հասնելու:

Իսկ մենք նայում էինք: Պառկած էր Ռադան՝ ձեռքով կրծքին սեղմած իր մազերի փունջը, և նրա բաց աչքերը նայում էին կապուտակ երկնքին, իսկ նրա ոտքերի մոտ փռվել էր կտրիճ Լոյկո Ջոբարը: Գանգուրներն ընկել էին երեսին, և նրա դեմքը չէր երևում:

«Կանգնել էինք մենք ու մտածում էինք: Դողում էին ծերունի Դանիլոնի բեղերը, և կիտվել էին նրա թավ հոնքերը: Նա լուս նայում էր երկնքին, իսկ ալեհեր նուրը պառկեց գետնին երեսնիվայր և այնպես էր լալիս, որ ցնցվում էին նրա ծերունական ուսերը:

Եվ լալու բան էր իսկապես, բազե՛:

... Գնո՞ւմ ես դու, դե գնա քո ճամփան ու մի՛ շեղվիր: Ուղիղ գնա: Գուցե և իզուր չկորչես: Ահա ամբողջը, բազե՛»:

Մակարը լռեց և ծխամորճը քիսայի մեջ դնելով՝ չեքմենի օձիքը կոճկեց: Անձրև էր մաղում, քամին սաստկացել էր, ծովը մոնչում էր խուլ ու բարկացկոտ: Մեկը մյուսի ետևից մարմրոզ խարույկին էին մոտենում ձիերը և իրենց խոշոր, խելացի աչքերով նայելով մեզ՝ անշարժ կանգ էին առնում, շրջապատելով մեզ խիտ օղակով:

— Հո՞ւպ, հո՞ւպ, էհե՛յ,— սիրալիք ձայն տվեց նրանց Մակարը և թփթփացնելով իր սիրելի թուխ նժույգի վզին՝ դարձավ ինձ ու ասաց:

— Քննելու ժամանակ է,— ապա զլիխցը հետ փաթաթվելով չեքմենի մեջ՝ տարածվեց գետնի վրա ու լռեց: Իմ քունը չէր տանում: Նայում էի տափաստանի խավարին, և օդի մեջ աչքիս առաջ լողում էր Ռադայի կերպարանքը՝ հպարտ ու արքայական գեղեցկությամբ: Նա ձեռքով իր կրծքի վերքին էր սեղմել սև մազերի փունջը, և նրա թուխ ու բարակ մատները միջով կաթիլ-կաթիլ ծորում էր արյունը ու ընկնում գետնին հուր-կարմիր աստղիկների պես:

Իսկ նրա ետևից կրնկակոխ լողում էր կտրիճ Լոյկո Ջոբարը: Նրա դեմքը ծածկել էին սև ու խիտ գանգուրների փնջերը, որոնց տակից կաթիլթում էին պաղ ու խոշոր արցունքներ...

Անձրևն ուժեղանում էր, և ծովը մոռյլ ու հանդիսավոր հիմն էր երգում գեղանի գնչունների հպարտ զույգին՝ Լոյկո Ջոբարին ու Ռադային՝ հին զինվոր Դանիլոնի դստերը:

Իսկ նրանք երկուսն էլ սահուն ու անձայն պտույտ էին գալիս գիշերային խավարի մեջ, և գեղեցիկ Լոյկոն ոչ մի կերպ չէր կարողանում հասնել հպարտ Ռադային:

1892

## ՉԵԼԿԱՇԸ

Փոշուց մթազնած հարավային կապույտ երկինքը պղտոր է. թեժ արևը կանաչավուն ծովին նայում է կարծես մոխրագույն բարակ շղարշի միջից: Նա համարյա չի անդրադառնում ջրի մեջ, որը բեկբեկվում է թիերի հարվածներից, շոգենավերի պտուտակներից, կտրտվում է թուրքական ֆելուզների և այլ նավերի ցուռներից, որոնք նեղվածք նավահանգիստն ակոսում են ամեն ուղղությամբ: Գրանիտի միջև կաշկանդված ծովի ալիքները իրենց գազաթններին սահող ահագին ծանրությունից ճնշվելով՝ բախվում են նավերի կողերին, ափերին, բախվում են ու փրփրած, զանազան անպետք իրերով կեղտոտված՝ քրթմնջում:

Խարսխաշղթաների զնգոցը, ապրանք բերող վազոնների միացման շխկոցը, շգիտես որտեղ սալահատակի քարերին թափվող թիթեղների մետաղային ողբը, փայտի խուլ թրխկոցը, ապրանքակիր սայլերի ճոխնչը, շոգենավերի սուլոցները՝ մերթ սուր, ականջ ծակող, մերթ խուլ մոնչացող, բռնող բանվորների, նա-



վաստիների ու մաքսատան զինվորների աղաղակները — այս բու-  
լոր ձայները միաձուլվում, դառնում են աշխատանքային օրվա  
խլացուցիչ երաժշտութունը և խոռվահույզ ծփանքով կանգնում  
նավահանգստի վրա, իսկ գետնից շարունակ դեպի վեր են բարձ-  
րանում ձայների նորանոր ալիքներ մերթ խուլ, որոտընդոտ,  
որոնք ահեղորեն զղրդացնում են շրջակայքը, մերթ սուր, շա-  
ռաչող, որոնք պատռոտում են տոթակեզ փոշու օդը:

Գրանիտը, երկաթը, փայտը, նավահանգստի սալահատա-  
կը, նավերն ու մարդիկ — ամեն ինչ Մերկուրիի կրքոտ հիմնի  
հզոր հնչյուններն են շնչում: Սակայն մարդկանց ձայները, որոնք  
հազիվ են լսվում այդ հիմնի մեջ, թույլ են ու ծիծաղելի: Հենց  
իրենք՝ մարդիկ էլ, որոնք սկզբում ծնունդ են տվել այդ աղմու-  
կին, ծիծաղելի են ու խղճուկ. նրանց փոշուտ, ցնցոտիապատ,  
ժիր մարմինները ուսերին բարձած բեռների տակ կքած՝ դեռ ու  
դեն են վազվզում փոշու ամպի մեջ, տոթի ու ձայների ծովում,  
և որքան շնչին են նրանք՝ համեմատած իրենց շրջապատող  
երկաթե հսկաների, ապրանքների կույտերի, շառաչող վագոն-  
ների և այն ամենի հետ, որ ստեղծել են իրենք: Իրենց ստեղ-  
ծածը ստրկացրել, դիմազուրկ է արել նրանց:

Ուղևորվելու պատրաստ ծանր հսկա շոգենավերը սուլում  
են, Ֆշռում, խոր հառաչում, և նրանց արձակած ամեն մի ձայ-  
նում արհամարհանքի ծաղր է զգացվում դեպի գորշագույն, փո-  
շոտ մարդկանց ֆիզուրները, որոնք սողում են նրանց տախտա-  
կամածների վրա՝ խոր-խոր նավամբարները լցնելով իրենց ստեր-  
կական աշխատանքի արդյունքով: Արտասովելու շափ ծիծաղելի  
են բեռնողների երկար շարքերը, որոնք իրենց ուսերով հազա-  
րավոր փութ հաց են կրում, լցնում նավերի երկաթե փորերը,  
թրպեսզի միևնույն հացից մի քանի ֆունտ վաստակեն իրենց  
ստամոքսի համար: Պատռոտված, քրտնամխած, հոգնածու-  
թյունից, աղմուկից ու տապից բթացած մարդիկ և արևի տակ  
փայլփլող վիթխարի, հզոր մեքենաներ, մեքենաներ, որոնք վերջ  
ի վերջո շարժման մեջ են գրվում ոչ թե շոգիով, այլ հենց իրենց  
ստեղծողների մկաններով ու արյունով, — դաժան հեգնանքի մի  
ամբողջ պոեմ է այս համեմատությունը:

Աղմուկը ճնշում էր, փոշին ունգները գրգռելով աչքերն էր  
կուրացնում, տոթը այրում էր մարմինը, ուժասպառ անում, և  
շուրջն ամեն ինչ թվում էր լարված, համբերությունից հանող,  
պատրաստ՝ պայթելու որպես մի ահեղ փոթորիկ, որից հետո

թարմացած օդում հեշտ կլինի շնչել ազատ ու թեթև, աշխար-  
հում հանգիստ կտիրի, իսկ այս փոշոտ աղմուկը, խլացուցիչ,  
գրգռող ու թախծոտ կատաղության հասցնող այս աղմուկը,  
կանհետանա, և այն ժամանակ քաղաքում, ծովի վրա ու երկըն-  
քում կլինի խաղաղ, պարզ ու սքանչելի...

Հնչեցին զանգի տասներկու համաչափ ու զրնգուն հար-  
վածները: Երբ վերջին պղնձե ձայնը մարեց, աշխատանքի վայ-  
րի երաժշտութունն արդեն մեղմացել էր: էլի մի րուպե անց՝  
նա դարձավ դժգոհություն մի խուլ քրթմնջյուն: Այժմ արվեն  
մարդկանց ձայնը և ծովի ճղփյունը ավելի լսելի էին դարձել:  
Ճաշի ժամն էր այդ:

I

Երբ բեռնող բանվորները աշխատանքը թողած աղմկոտ  
խմբերով ցրվեցին նավահանգստում և մանրավաճառ կանանցից  
զանազան ուտելիչն գնելով՝ հենց սալահատակի վրա, սովե-  
րախիտ անկյուններում նստեցին ճաշելու, երևաց Գրիշկա Զել-  
կաշը՝ մի հին, եփված գալլ, որ նավահանգստի մարդկանց լավ  
ծանոթ էր իբրև մոլի հարբեցող և ճարպիկ ու խիզախ գող: Նա  
բոբիկ էր, պլիսե մաշված վարտիքով. գլուխը բաց, հագին շթե  
մի կեղտոտ շապիկ, որի պատուված օձիքի տակից երևում էին  
նրա շարժուն, շոր ու սուր-սուր ոսկորները, իսկ մեջքին կա-  
պած ուներ դարչնագույն մի կաշի: Նրա զգզված, ալիխառն սև  
մազերից, ճմռթված սուր գիշատիչ դեմքից երևում էր, որ հենց  
նոր է արթնացել քնից: Նրա թխաթույր բեղերից մեկի մեջ հար-  
դի մի ծեղ էր մնացել, մի ուրիշ ծեղ խճճվել էր ձախ այտի  
կոշտ մազերի մեջ, իսկ ականջի ետևը նա խրել էր հենց նոր պո-  
կած լորենու մի փոքրիկ ճյուղ: Երկարահասակ էր նա, ոսկրոտ,  
փոքր-ինչ կորացած, դանդաղ քայլում էր քարերի վրա և իր սա-  
պատավոր գիշատիչ քիթը դեռ ու դեն շուռ տալով՝ սուր հա-  
յացք էր ցցում շուրջը. նրա մոխրագույն, պաղ աչքերը փայլ-  
փլում էին և բեռնակիրների մեջ փնտրում ինչ-որ մեկին: Նրա  
թխաթույր, թավ ու երկար բեղերը շարունակ ցնցվում էին կատ-  
վի բեղերի նման, իսկ մեջքին դրած ձեռքերը շփվում էին միմ-  
յանց և երկար, ծուռ ու կառչունմատները ջղայնորեն միա-  
հյուսվում էին իրար: Մինչև իսկ այստեղ, իր նման խիստ ակ-  
ներև հարյուրավոր շրջմոլիկների մեջ նա ուշադրութուն էր

գրավում իր վրա, տափաստանի բազբի նմանվելով իր՝ այդ գիշատչային նիհարությամբ ու դարանակալ քայլվածքով, որ արտաբուստ սահուն էր ու հանդարտ, բայց ներբուստ գրգռված ու սրատես, ինչպես այն գիշատիչ թռչունի թռիչքը, որին հիշեցնում էր նա:

Երբ Չելկաշը հասավ բոսյակ-բեռնողների մի խմբի, որը նստած էր ածուխով լի քթոցների կուլտի ստվերում, այդ խումբից նրա առաջը եկավ ամրակազմ մի երիտասարդ՝ կապույտ բծերով ծածկված ու ապուշ դեմքով և շանգոտված վզով, որ ցույց էր տալիս, թե հենց նոր մի լավ ծեծ է կերել նա: Երիտասարդը վեր կացավ և Չելկաշի կողքով քայլելով կիսաձայն ասաց.

— Նավատորմայինները երկու հակ կտորեղենի մասին գլխի են ընկել... փնտրում են:

— Է՞, — հարցրեց Չելկաշը՝ աչքով հանգիստ շափելով նրան:

— Էլ ի՞նչ է՛: Փնտրում են, ասում եմ: Ուրիշ ոչինչ:

— Ի՞նչ է, ի՞նչ էին հարցնում, որ օգնեմ գտնելու:

Եվ Չելկաշը ժպտալով նայեց այն կողմը, որտեղ կամավոր նավատորմի պահեստն էր գտնվում:

— Կորի՛ր գրողի ծոցը:

Ընկերը ետ դարձավ:

— Է՛յ, սպասի՛ր: Այդ ո՞վ է քեզ այդպես նախշել: Տես, թե ոնց են մուրտանել սփաթը... Միշկային չե՞ս տեսել այստեղ:

— Վաղուց չեմ տեսել, — ձայն տվեց նա, քաշվելով իր ընկերների մոտ:

Չելկաշն առաջ գնաց: Բոլորը նրան դիմավորում էին որպես լավ ծանոթի: Բայց նա, որ միշտ զվարթ էր ու կծու խոսող, այսօր կարծես քեֆը տեղը չէր և հարցերին պատասխանում էր կարճ ու կտրուկ:

Որտեղից որտեղ ապրանքի հակերի ետևից դուրս պրծավ մաքսատան պահապանը, որ մուգ կանաչավուն, փոշոտ ու կովի պատրաստ մի մարդ էր: Նա կտրեց Չելկաշի ճամփան, սպառնական դիրք բռնեց նրա առաջ, ձախ ձեռքը գցեց սուսերի կոթին, իսկ աչքով փորձեց բռնել նրա օձիքը:

— Կանգնի՛ր: Ու՛ր ես գնում:

Չելկաշը մի քայլ ետ քաշվեց, աչքը գցեց պահապանի վրա ու շոր-շոր ժպտաց:

Պահապանի կարմիր, բարեսիրտ-խորամանկ դեմքն աշխատում էր դաժան տեսք ստանալ, ուստի փրվել էր, կլորացել ու կարմրատակել, նա հոնքերը շարժում էր, աչքերը շոկ էր և շատ ծիծաղելի դարձել:

— Քեզ ասված է՝ չհամարձակվես նավահանգիստ մտնել, կողերդ կփշրեմ: Իսկ դու էլի՞, — սպառնագին գոռաց պահապանը:

— Բարի օր, Սեմյոնիչ, վաղուց է իրար չենք տեսել, — հանդարտ ողջունեց Չելկաշը և ձեռքը մեկնեց նրան:

— Երանի երբեք շտեմների քո երեսը, Գնա՛, գնա՛... Բայց և այնպես Սեմյոնիչը մեկնած ձեռքը սեղմեց:

— Դու ինձ այն ասա, — շարունակեց Չելկաշը՝ իր կառչուն մատներից բաց չթողնելով Սեմյոնիչի ձեռքը և մտերմաբար ու բարեկամաբար թոթվելով այն, — Միշկային չե՞ս տեսել:

— Միշկա՞ն որն է: Ոչ մի Միշկա չեմ ճանաչում: Գնա կորի՛ր, ախպերս, թե չէ՛ պահեստի կառավարիչը կտեսնի, նա հո քեզ...

— Շեկոն, է՛ն, որի հետ անցյալ անգամ ես աշխատում էի «Կոստրոմա» նավի վրա, — իր խոսքը շարունակեց Չելկաշը:

— Որի հետ միասին գողութուն ես անում, այ թե ինչպես ասա: Քո այդ Միշկային հիվանդանոց տարան. ոտքը շտեմների տակ էր մնացել: Գնա, ախպերս, քանի քեզ մարդավարի բան են ասում, գնա՛, թե չէ՛ վզակոթիդ տալով դուրս կանեմ...

— Ա՛, տեսնո՞ւմ ես: Բա ասում ես՝ Միշկա չեմ ճանաչում: Գիտես ուրեմն: Բայց դու ինչո՞ւ ես այդպես շարացած, Սեմյոնիչ:

— Գիտե՛ս ինչ, դու խոսքը կտուրը մի՛ գցի, գնա՛ այստեղից...

Պահապանն սկսեց բարկանալ և շուրջը նայելով աշխատում էր իր ձեռքը դուրս քաշել Չելկաշի պինդ ձեռքից: Չելկաշը իր թավ հոնքերի տակից հանդարտ նայում էր նրան և առանց նրա ձեռքը բաց թողնելու շարունակում էր իր գրույցը:

— Դու ինձ մի՛ շտապեցրու: Այ, մի կուշտ կխոսեմ քեզ հետ ու կգնամ: Դե, ասա, ո՞նց ես... Կնիկդ, երեսաներդ առո՞ղջ են, — և աչքերը փայլեցնելով, ծաղրական ժպիտով ատամները ցցելով ավելացրեց. — միշտ ուզում եմ հյուր գալ քեզ, բայց ժամանակ չի լինում, մի գլուխ խմած եմ լինում...

— Լա՛վ, Լա՛վ, դու էդ բաները թող... Դու հանաք մի՛ անի, ոսկրոտ սատանա: Ծս, ախպերս, իսկապես որ... Հը՛, չի՛նի՞ տներում, փողոցներում թալան անելու միտք ունես:

— Ինչո՞ւ որ: Այստեղ եղածն էլ ինձ ու քեզ հերիք է ու հերիք: Աստված վկա, հերիք է, Սեմյոնիչ: Լսիր ինձ. էլի՞՜ երկու հակ կտորեղեն ես ծկացրել... Տե՛ս, Սեմյոնիչ, զգուշ կաց, չի՛նի թե բռնվես...

Սեմյոնիչը բարկացած ցնցվելով ու թուքը շաղ տալով ուզում էր ինչ-որ բան ասել: Չելկաշը բաց թողեց նրա ձեռքը և երկար ոտքերով դանդաղ քայլեց դեպի նավահանգստի դարբասը: Պահապանը կատաղաբար հայհոյելով շարժվեց նրա ետևից:

Չելկաշն ուրախացավ: Նա կամաց սուլում էր ատամների արանքից և ձեռքերը շալվարի գրպանները խրած՝ դանդաղ առաջ էր գնում՝ կծու ծաղր ու կատակ նետելով աջ ու ձախ: Նրան պատասխանում էին նույն ձևով:

— Տեսնո՞ւմ ես, Գրիշկա, մեծավորը ոնց է պաշտպանում քեզ,— ձայն տվեց մեկը բեռնող բանվորների միջից, որոնք արդեն ճաշը վերջացրած՝ մեկնվել էին գետնին հանգստանալու:

— Դե ես բորիկ եմ, դրա համար էլ Սեմյոնիչը ետևիցս գալիս է, որպեսզի ոտս չվնասեմ,— պատասխանեց Չելկաշը:

Մտտեցան դարբասին: Երկու զինվոր տնտղեցին Չելկաշին և թեթևակի հրելով դուրս գցեցին փողոց:

Չելկաշը անցավ փողոցի մյուս կողմը և նստեց պանդոկի դռան դիմաց ընկած քարին: Նավահանգստի դարբասից դղըր-դոցով դուրս էր գալիս բեռնած սայլերի երկար շարանը: Նրանց ընդառաջ էին սլանում դատարկ սայլերը, որոնց մեջ գտնվող սայլապանները վեր-վեր էին թռչում: Նավահանգիստը ոռնացող որոտ ու կծու փող էր արձակում...

Այդ կատաղի իրարանցման մեջ Չելկաշն իրեն հիանալի էր զգում: Նրան սպասում էր մի կարգին գործ, որը քիչ աշխատանք և մեծ ճարպկություն էր պահանջում: Նա վստահ էր, որ այդքան ճարպկություն կունենա ինքը, և աչքերը կկոցած երևակայում էր, թե ինչպես է քեֆ անելու վաղն առավոտյան, երբ գրպանը լիքը կլինի թղթադրամով... Հետո միտքն ընկավ ընկերը՝ Միշկան. նա շատ պետք կգար այս գիշեր, եթե ոտքը կտորած չի-ներ: Եվ Չելկաշը հայհոյեց քթի տակ, մտածելով, որ, թեևս, առանց Միշկայի չկարողանա գործը զուխ բերել: Ինչպիսի՞ գի-

շեր է լինելու... Նա նայեց երկնքին, ապա փողոցի երկարու-թյամբ:

Նրանից մի վեց քայլ հեռու՝ մայթի մոտ, սալահատակի վրա, մեջքը մի քարի դեմ տված նստած էր մի երիտասարդ տղա, հագին կապույտ գոլավոր վերնաշապիկ ու նույնպիսի անդրավարտիք, ոտքերին տրեխներ և գլխին մի մաշված շիկա-գույն գլխարկ: Նրա կողքին դրված էին մի փոքրիկ տոպրակ և անկոթ մի գերանդի, որ փաթաթված էր ծղոտե պարանով և խնամքով կապված բարակ թելով: Երիտասարդը լայնաթիկունք էր, ամրակազմ, շեկ մազերով, արևախանձ ու հողմահար դեմքով և խոշոր, կապուտակ աչքերով, որոնք Չելկաշին էին նայում դյուրահավատ ու բարեհոգի:

Չելկաշն ատամները ցցեց, լեզուն դուրս գցեց և դեմքին զարհուրելի արտահայտություն տալով՝ աչքերը շեկ նրա վրա: Երիտասարդն սկզբում տարակուսանքով աչքերը թարթեց, բայց հետո հանկարծ քրքջաց և ծիծաղի միջից գոչեց՝ «ա՛յ քեզ գիժ»: Ապա նա համարյա առանց տեղից վեր կենալու անձու-նաբար իր քարից քարը եկավ դեպի Չելկաշի քարը, իր հետ փոշու միջով քարը տալով նաև տոպրակն ու գերանդին, քարերին խփելով գերանդու կրունկը:

— Հը՛, ախպերս, երևում է՝ լավ կունծել ես,— դիմեց նա Չելկաշին՝ ձիգ տալով նրա շալվարից:

— Հա՛, տղա՛, էդպիսի մի բան է եղել,— ժպտալով խոստովանեց Չելկաշը: Նրան միանգամից դուր եկավ մանկական պայծառ աչքերով այդ քաջառողջ, բարեհոգի երիտասարդը:— Հնձի՞ց ես գալիս:

— Բա էլ ի՛նչ... Հնձում ես մի վերստ, ձեռքդ մի գրոշ է ընկնում: Բաններս վատ է: Ինչքա՞ն մարդ կա... Բոլոր սոված-ները դուրս են թափվել, աշխատանքի գինը գցել, ինչ կուզես՝ արա: Կուբանում երեք աբասի էին տալիս: Ա՛յ թե բան էր հա՛... Իսկ ավելի առաջ, ասում են, երեք, չորս, հինգ մանեթ էին տալիս...

— Առա՛ջ... Առձջ հենց մենակ ոուս մարդու երես տեսնելու համար երեքանոց էին տալիս: Հենց ես ինքս մի տասը տարի սրանից առաջ դրանով էլ ապրում էի: Գնում ես ստանիցա, ոուս եմ, ասում ես: Իսկույն սկսում են քեզ նայել, շոշափում են, զարմանում ու, երեք ուրլին ստացիր: Գեռ ուտացնում-խմաց-նում էլ են: Եվ ապրիր որքան քեֆդ ուզի:



Անպատիվ արված երիտասարդը կիսաձայն ինչ-որ բան էր քրթմնչում քթի տակ, երբեմն-երբեմն խեթ հայացք գցելով բուս-յակի վրա: Նրա թշերը ծիծաղելիորեն փքվեցին, շրթունքները բացվեցին, նեղացած աչքերն սկսեցին խիստ արագ ու ծիծաղելի կերպով բաց ու խուփ լինել: Ըստ երևույթին, նա չէր սպասում, որ իր զրույցն այդ թավ բեղերով շրջմուխի հետ այդպես շուտ ու վիրավորական կվերջանա:

Շրջմուխին այլևս ուշադրություն չէր դարձնում նրա վրա: Նա մտքի մեջ ընկած շվշվացնում էր ու նստած տեղը իր բորբիկ, կեղտոտ կրունկով թխկթխկացնում:

Երիտասարդն ուզում էր փոխհատուցել նրան:

— Է՛յ, ձուկ բռնող, դու շուտ-շո՞ւտ ես այդպես հարբում,— խոսել սկսեց նա, բայց նույն րոպեին ձկնորսն արագ շուտ եկավ նրա կողմը և հարցրեց.

— Է՛յ, ծծկեր, ուզո՞ւմ ես այս գիշեր ինձ հետ գործ անել: Շո՞ւտ ասա:

— Ի՞նչ գործ,— վարանմունքով հարցրեց երիտասարդը:

— Ի՞նչ գործ... Ինչ որ կասեմ... Ձուկ բռնելու ենք գնալու: Գու կթիալարես...

— Շը՛մ... ինչո՞ւ չէ, կգամ: Աշխատել կարելի է: Միայն թե... մի փորձանքի մեջ չընկնենք... Շատ խորամանկն ես... աչքիս մութ մարդ ես երևում...

Չեկաշը կրծքի տակ այրուցքի պես մի բան զգաց և սառը շարունջամբ կիսաձայն ասաց.

— Իսկ դու մի՞ դուրս տա, եթե խելքդ չի հասնում: Թե չէ՝ այնպես կբամփեմ գլխիդ, որ աչքերդ պեծին կտան...

Նա վեր թռավ քարի վրայից, ձախ ձեռքով ձիգ տվեց իր բեղը, իսկ աչք սեղմելով՝ մի ամուր, ջլապինդ բռունցք կազմեց, և աչքերը փայլատակեցին:

Երիտասարդը վախեցավ: Նա արագ շուրջը նայեց և աչքերը երկշուտ թարթելով՝ նույնպես վեր թռավ տեղից: Նրանք լուռ կանգնած աչքով շահում էին իրար:

— Դե՞,— դաժան հարցրեց Չեկաշը: Նա ետում ու ցնցվում էր վիրավորանքից, որ հասցրել էր նրան այդ ջահել հորթուկը, որին խոսակցության ժամանակ նա արհամարհում էր, իսկ այժմ միանգամից սկսեց ատել նրա համար, որ այդպես ջինջ ու կապուտակ աչքեր ունենր, առողջ ու արևախանձ երես, կարճ ու ամուր կոններ, նրա համար, որ մի ինչ-որ գյուղում ունեք իր

տունը, որ մի հարուստ գյուղացի նրան ուզում էր տնփեսա դարձնել. ատում էր նրա ամբողջ անցյալ ու ապագա կյանքի համար, բայց ավելի շատ նրա համար, որ այդ տղան, որը իր՝ Չեկաշի համեմատությամբ երեխա էր, համարձակվում էր սիրել ազատությունը, որի արժեքը չգիտեր, և որը նրան պետք չէր: Միշտ անհաճո բան է տեսնել, որ այն մարդը, որին դու քեզանից վատ ու ցածր ես համարում, սիրում ու ատում է նույնը, ինչ որ դու, և այդպիսով դառնում է քեզ նման:

Երիտասարդը նայում էր Չեկաշին, նայում և սկսում էր նրան գործատիրոջ տեղ դնել:

— Դե ես... հո հակառակ չեմ,— խոսեց նա:— Ծա էլ հենց գործ եմ փնտրում: Ինձ համար մեկ չի՞ քեզ մոտ աշխատեմ, թե ուրիշի: Ասելու այն է, որ դու աշխատող մարդու տեսք չունես. մի տեսակ... շատ գջլոտն ես: Դե ես հո հասկանում եմ, որ այդպիսի բան ամեն մարդու հետ էլ կարող է պատահել: Տեր իմ աստված, ես, ի՛նչ է, հարբած մարդ չե՞մ տեսել: Էնքա՛ն եմ տեսել... դեռ քեզանից էլ վատերը...

— Դե, լա՛վ, լա՛վ: Ուրեմն համաձա՞յն ես,— արդեն փափկած հարցրեց Չեկաշը:

— Ծ՞ա: Պարզ է... մեծ ուրախությամբ: Գինն ասա:

— Գինը՝ նայած աշխատանքին: Տեսնենք ինչ աշխատանք կլինի: Այսինքն թե՛ ինչ որս կունենանք... Կարող է պատահել, որ մի հնգանոց ստանաս: Հասկացա՞ր:

Բայց այժմ արդեն խոսքը վերաբերում էր փողին, իսկ գյուղացին այստեղ պարզություն էր ուզում և նույն պարզությունը պահանջում էր վարձողից: Երիտասարդի մեջ նորից անվստահություն ու կասկած ծագեց:

— Այդպես, ախպերս, ինձ ձեռք չի տա:

Չեկաշն իր դերի մեջ մտավ.

— Սպասիր, մի՛ խոսիր: Գնանք գինետուն:

Եվ նրանք քայլեցին փողոցով կողք կողքի, Չեկաշը՝ գործատիրոջ հպարտ տեսքով, բեղերը ոլորելով, երիտասարդը՝ հնազանդվելու լիակատար պատրաստակամության արտահայտությամբ, բայց և այնպես վախով ու անվստահությամբ լի:

— Իսկ անունդ ի՞նչ է,— հարցրեց Չեկաշը:

— Գավրիլա,— պատասխանեց երիտասարդը:

Երբ նրանք հասան կեղտոտ ու մրոտ գինետուն, Չեկաշը մոտեցավ բուֆետին, մշտական հաճախորդի մտերմությամբ

պատվիրեց մի շիշ օղի, շշի, տապակած միս, թեյ և այս ամենը թվելուց հետո բուֆետապանին կարճ նետեց՝ «բոլորը նիսիա», որին բուֆետապանը լուռ գլխով արեց: Այդտեղ Գավրիլան միանգամից մեծ հարգանք զգաց դեպի իր գործատերը, որը, չնայած խաբեքա մարդու տեսքին, այդքան ճանաչված էր և վըստահութուն էր վայելում:

— Դեհ, հիմա մենք կուտենք ու կարգին կխոսենք: Դու մի քիչ նստիր այստեղ, ես հիմա կգամ:

Նա դուրս գնաց: Գավրիլան շուրջը նայեց: Գինեատունը գտնվում էր մի նկուղում: Այնտեղ խոնամ էր ու մութ և օղու, ծխախոտի, ծխի, ձյութի ու էլի ինչ-որ ուրիշ սուր հեղձուցիչ հոտով լցված: Գավրիլայի դիմաց մի ուրիշ սեղանի մոտ նըստած էր նավաստու հագուստով մի հարբած մարդ՝ շեկ մորուքով, ածուխի փոշուց ու կուպրից ամբողջովին սևացած: Նա շուտ-շուտ զկուտալով մի երգ էր գումռում, որը կազմված էր ինչ-որ աղճատված ու աղավաղված, մերթ զարհուրելի շաշոզ, մերթ դղողացող խոսքերից: Երևում էր, որ այդ մարդը ոուս չէ:

Նրա ետևը նստած էին երկու մոլղավուհի: Նրանք ցնցոտիների մեջ էին, սևահեր, արևախանձ և նույնպես հարբած ձայնով ինչ-որ երգ էին ճոճոռում:

Ապա խավարի մեջ երևացին էլի ուրիշ կերպարանքներ, բոլորը վարմանալի գլխով, բոլորը կիսահարբած, ճղճղան ու անհանգիստ...

Գավրիլայի սիրտն ահ ընկավ: Գոնե շուտ վերադառնար իր գործատերը: Գինետան աղմուկը խառնվել, միաձուլվել էր, և թվում էր, թե այդ մի ինչ-որ վիթխարի կենդանի է մռնչում, որը հարյուրավոր բազմապիսի ձայներ է արձակում և զայրացած կույտի պես դես ու դեն է նետվում, որ դուրս պրծնի այդ քարի փոսից, բայց ելք չի գտնում... Գավրիլան զգում էր, թե ինչպես մի ինչ-որ շշմեցնող ու ծանր բան է թափանցում իր մարմինը, որից զուխը պտույտ է գալիս ու մթնում են աչքերը, որոնք հետաքրքրությունը ու վախով հածում էին գինետանը...

Չելկաշը եկավ, և նրանք սկսեցին զրուցելով ուտել ու խմել: Երրորդ բաժակից արդեն Գավրիլան հարբեց: Նրա քեֆը բացվեց և ուզում էր մի որևէ դուրեկան խոսք ասել իր տիրոջը, որը, — ա՛յ քեզ հոգի մարդ, — այսպես անուշ-անուշ հյուրասիրեց իրեն: Բայց բառերը, ալիք-ալիք կուտակվելով նրա կո-

կորդում, չգիտես ինչու, պոկ չէին գալիս հանկարծ ծանրացած լեզվի ծայրից:

Չելկաշը նայում էր նրան և հեզնաբար ժպտալով ասում.

— Կատարը տաքացել է... է՛-է՛հ, դմբո՛, հինգ բաժակով

խելքդ կոպ տվիր, բա ո՞նց պիտի գործ անես... — Բարեկամս... — Թոթովում էր Գավրիլան, — մ-մ-մի վախի... Ծս... Ես... ինչ ուզես կանեմ... Եվ մի համբուրեմ... քեզ... հը՞...

— Դե լա՛վ, լա՛վ, ա՛ռ, մեկն էլ կոնծիր:

Գավրիլան խմում էր, և վերջապես հասավ այնտեղ, որ ամեն ինչ նրա աչքի առաջ սկսեց օրորվել հավասար, ալիքանման շարժումներով: Դա անդուր բան էր և սիրտը խառնում էր: Նրա դեմքը ապուշ ցնծություն էր արտահայտում: Զանալով էր: Նրա դեմքը ապուշ ցնծություն էր արտահայտում: Զանալով էր: Նրա դեմքը ապուշ ցնծություն էր արտահայտում: Զանալով էր: Նրա դեմքը ապուշ ցնծություն էր արտահայտում: Զանալով էր: Նրա դեմքը ապուշ ցնծություն էր արտահայտում:

Իսկ գինետունը մռնչում էր հարբած աղմուկով: Շեկ նավաստին քնել էր սեղանին հենված:

— Դեհ, գնա՛նք, — ասաց Չելկաշը վեր կենալով:

Գավրիլան փորձեց վեր կենալ, բայց չկարողացավ և մի թունդ հայհոյանք տալով ծիծաղեց հարբած մարդու անիմաստ ծիծաղով:

— Բանդ բուրդ է, — ասաց Չելկաշը և նորից նստեց նրա դիմացի աթոռին:

Գավրիլան շարունակ քրքջում էր ու բուծ հայացքով նայում գործատիրոջ երեսին: Չելկաշն էլ նայում էր նրան ակնապիշ, ուշադիր ու մտախոհ: Նա իր առաջ տեսնում էր մի մարդ, որի կյանքն ընկել էր իր գայլային ճանկը: Նա զգում էր, որ կարող է շուտ տալ այդ կյանքը ինչպես ուզենա: Նա կարող էր և օգնել ճմռթել այդ կյանքը խաղաթղթի պես, բայց կարող էր և օգնել նրան՝ հաստատորեն մտնելու գյուղական կանոնավոր շրջանակի մեջ: Մի ուրիշ մարդու տեր զգալով իրեն՝ Չելկաշը մտածում էր, որ այդ երիտասարդը երբեք չի խմի այն բաժակը, որ ճակատագիրը ստիպել է ճաշակել իրեն՝ Չելկաշին... Եվ նա նախանձում էր ու ափսոսում այդ նորաբողոք կյանքը, ծիծաղում էր նրա վրա և նույնիսկ վշտանում, մտածելով, թե նա դում էր նրա վրա և նույնիսկ վշտանում, մտածելով, թե նա կարող է կրկին անգամ ընկնել այնպիսի ճանկեր, ինչպիսին իրենն են... Եվ այս բոլոր զգացմունքները, ի վերջո, Չելկաշի

մեջ միաձուլվելով. դարձան մի տեսակ հայրական, տիրական  
զգացմունք: Նա խղճում էր երիտասարդին, բայց երիտասարդը  
պետք էր իրեն: Այն ժամանակ Չելկաշը բռնեց Գավրիլայի կրո-  
նատակից և ծունկով թեթևակի հրելով դուրս բերեց գինետան  
բակը, պառկեցրեց դարսած վառելիքայտի ստվերի մեջ, իսկ  
ինքը նստեց նրա կողքին ու սկսեց ծխամորճ քաշել: Գավրիլան  
մի քիչ շուռումուռ եկավ, մրթմրթաց ու քնեց:

## II

— Հը՛, պատրա՞ստ է,— կիսաձայն հարցրեց Չելկաշը Գավ-  
րիլային, որը թիերով էր զբաղված:

— Այս րոպեին: Ա՛յ, այս ցիցն է շարժվում: Կարելի՞ է  
թիով մի հատ խփեմ գլխին:

— Չէ՛, չէ՛: Չայն չլինի: Չեղբով պինդ հուպ տուր, տեղը  
կընկնի:

Նրանք երկուսն էլ սուսուփուս զբաղված էին մի մակույ-  
կով, որ կապված էր առագաստանավերից մեկի նավախելին: Այդտեղ  
մի ամբողջ նավատորմիդ կար՝ կաղնի տախտակ բար-  
ձած բազմաթիվ առագաստանավեր և թուրքական խոշոր նավեր,  
որոնց բարձած էին արմավենու, սանդալի գերաններ ու նոճու  
հաստ-հաստ կոճղեր:

Խավար գիշեր էր. երկնքում լողում էին խիտ ամպերի հաստ  
շերտեր, ծովը խաղաղ էր, ձյութի պես սև ու թանձր: Այն խոնավ  
ու աղի բուրմունք էր շնչում և նավակողերին ու ափին խփելով  
քնքշանքով ճղփում՝ թեթևակի օրորելով Չելկաշի մակույկը:  
Ափից շատ հեռու ծովում բարձրանում էին նավերի մթին  
կմախքները, երկնքի մեջ խրելով սրածայր կայմերը, որոնց գա-  
գաթներին գույն-գույն լապտերներ էին կախված: Մովն ար-  
տացույց էր լապտերների լույսը, որոնք ցրվել էին նրա երեսին,  
որպես բազմաթիվ դեղին բծեր: Նրանք գեղեցիկ դողդողում էին  
ծովի փափուկ, սև-փայլատ թավիշի վրա: Մովը քնած էր օրվա  
աշխատանքից հոգնած մարդու առողջ ու խոր քնով:

— Գնա՛նք,— ասաց Գավրիլան՝ թիերը ջուրն իջեցնելով:

— Գնա՛նք:— Եվ Չելկաշը ղեկի մի ուժեղ հարվածով մա-  
կույկը հրեց նավերի միջև եղած ջրի շերտը: Մակույկն արա-  
գորեն լողաց սահուն ջրի վրայով, և ջուրը թիերի հարվածներից

փայլփռեց կապթաֆոսֆորային լույսով, ու մի երկար, շողշո-  
ղուն ժայպակն ձգվեց մակույկի ետևից:

— Հը՛, ո՞նց է, գլուխդ ցավո՞ւմ է,— քնքշանքով հարցրեց  
Չելկաշը:

— Սաստիկ... դժժամ է շուգունի պես: Մի քիչ թրջեմ ջրով:

— Ինչո՞ւ որ: Դու, ա՛վելի լավ է, ա՛՛ո, ներսդ թրջիր, ա՛վելի  
շուտ կանցնի,— և նա մի շիշ մեկնեց Գավրիլային:

— Դրո՞ւստ: Տե՛ր, դու օրհնիր...

Լսվեց մեղմ կլկոց:

— Է՛յ, դո՛ւ, ուրախացա՛ր: Բավական է,— ընդհատեց  
նրան Չելկաշը:

Մակույկը նորից առաջ սլացավ՝ անաղմուկ ու թեթև  
պտույտներ գործելով նավերի միջև... Հանկարծ նա դուրս պլըր-  
ծանվ նավերի բազմության միջից, և ծովը, անծայրածիր ու հզոր  
ծովը, ծավալվեց նրանց առաջ, փռվելով դեպի կապուտակ հե-  
ռուները, որտեղ նրա ջրերից դեպի երկինք էին բարձրանում  
ամպերի լեռներ՝ դեղին, փափուկ երիզներով կապտամանու-  
շակագույն ամպեր, կանաչավուն ու ծովագույն ամպեր և այն  
մոռյլ, կապտագույն ամպերը, որոնք այնքան թախծոտ ու ծանր  
ստվեր են գցում: Դանդա՛ղ, դանդա՛ղ սահում էին ամպերը՝ մերթ  
միաձուլվելով, մերթ միմյանց առաջ ընկնելով, խառնում էին  
իրենց գույներն ու ձևերը, կլանելով իրենք իրենց և նորից սկիզբ  
առնելով նոր գծագրությամբ, վեհասպանծ ու մոռյլ... Ինչ-որ  
ճակատագրական բան կար անշունչ զանգվածների այդ դան-  
դաղ շարժման մեջ: Թվում էր, թե այնտեղ, ծովի եզերքին նրանք  
անսահմանորեն շատ են և միշտ էլ այդպես անտարբեր պիտի  
վեր սողան դեպի երկինք, շար նպատակ ունենալով երբեք թույլ  
չտալ նրան, որ ննջացող ծովի վրա փայլի իր միլիոնավոր ոսկե  
աչքերով՝ գույնզգույն աստղերով, որոնք ապրում ու շողշողում  
են երազուն, բարձր իլձեր հարուցելով այն մարդկանց մեջ,  
որոնց համար թանկ է դրանց անաղարտ փայլը:

— Լա՞վ է ծովը,— հարցրեց Չելկաշը:

— Ոչինչ, միայն թե ահալի է,— պատասխանեց Գավրի-  
լան՝ թիերով համալսի և ուժեղ խփելով ջրին: Ջուրը հաղթի  
լսելի զնգում ու ճղփում էր երկար թիերի հարվածներից և շա-  
րունակ փայլիլում ֆոսֆորի ջերմ ու կապուտակ լույսի տակ:

— Ահալի՛ է... Հիմարն ևս հա՛...— ծաղրանքով մրթմրթաց

Չելկաշը:

Նա, այդ գողը, սիրում էր ծովը: Նրա հոռուն նյարդային բնավորությունը, որ ծարավի էր տպավորությունների, երբեք չէր հագնում դիտելով այդ անծայրածիր, ազատ ու հզոր մթին տարածությունը: Եվ նրա համար վիրավորական էր այդպիսի պատասխան լսել այն հարցին, որ վերաբերում էր իր սիրած ծովի գեղեցկությանը: Նավախելին նստած՝ նա ղեկով ճեղքում էր ջուրը և հանգիստ ու խաղաղ նայում առաջ՝ այդ թավիշ հարթության վրա երկար ու հեռու գնալու փափագով լցված:

Ծովի վրա նրա մեջ միշտ էլ ծնունդ էր առնում մի ծավալուն ու ջերմ զգացմունք, որ համակում էր նրա ամբողջ հոգին ու մի փոքր մաքրում այն կյանքի ապականությունից: Նա գնահատում էր այդ և սիրում էր իրեն ավելի լավ տեսնել այդտեղ, ջրի ու օդի մեջ, որտեղ խոհերը կյանքի մասին և հենց ինքը՝ կյանքը, միշտ կորցնում են՝ առաջիններն իրենց սրությունը, երկրորդը՝ արժեքը: Գիշերները ծովի վրա սահում է նրա քնկոտ շնչառության մեղմ շշուկը, և այդ անընդգրկելի ձայնը խաղաղություն է գեղում մարդու հոգու մեջ ու քնքշաբար զբույգելով նրա պոռթկումները՝ զորեղ իղձեր է ծնում նրա մեջ...

— Բա թո՞ղ որտեղ է, — հանկարծ հարցրեց Գավրիլան՝ անհանգիստ նայելով մակույկի մեջ:

Չելկաշը ցնցվեց:

— Թո՞ղ, ինձ մոտ է, նավախելում:

Բայց նա ինքն էլ ամաչեց, որ ստում է այդ տղայի առաջ և ափսոսաց իր խոհերն ու զգացմունքները, որ ոչնչացրեց այդ երիտասարդն իր հարցով: Նա բարկացավ: Կրծքի ու կոկորդի ծանոթ սուր այրոցը գրգռեց նրան, և նա խիստ ու կծու ասաց Գավրիլային.

— Դու, գիտե՞ս ինչ, նստել ես, նստիր քո տեղը: Եվ ինչ որ քո գործը չի, քիթը մեջը մի՛ խոթիր: Քեզ վարձել են թիավարելու համար, դե թիավարիր: Իսկ թե որ լեզվիդ զոռ տաս, քեզ համար վատ կլինի: Հասկացա՞ր:

Մի րոպե մակույկը ցնցվեց ու կանգ առավ: Թիերը կախված մնացին ջրի մեջ, փրփրացնելով այն, և Գավրիլան սկսեց անհանգիստ շուռումուռ գալ նստարանին:

— Թիավարի՛ր...

Մի թունդ հայհոյանք ցնցեց օդը: Գավրիլան թափ տվեց թիերը: Մակույկը կարծես վախեցավ և աղմուկով ջուրը ճեղքելով առաջ գնաց արագ, նյարդային ցնցումներով:

— Համաշա՛փ...

Չելկաշը վեր կացավ նավախելից, առանց թիերը բաց թողնելու ձեռքից, և իր պաղ աչքերը սևեռեց Գավրիլայի սփրթնած դեմքին: Մեջքը ծռած, դեպի առաջ թեքված՝ նա նման էր կատվի, որ պատրաստվում է ուսույուն գործել: Լավում էր ատամների շար կրճտոց և ինչ-որ ոսկորների երկշոտ շխշխկոց:

— Ո՞վ է գոռում, — լավեց ծովից մի դաժան կանչ:

— Դե՛հ, սատանի ծնունդ, թիավարի՛ր... կամա՛ց... կըսպանեմ շան պես... Դե՛հ, թիավարի՛ր... Մե՛կ, երկո՛ւ... Ծպտուն ես հանել՝ պատառ-պատառ կանեմ... — թշուրում էր Չելկաշը:

— Սո՛ւրբ կույս աստվածածին... — շնչում էր Գավրիլան՝ վախից ու թափած ջանքերից թուլացած և դողողալով:

Մակույկը սահուն շուռ եկավ ու ետ գնաց դեպի նավահանգիստ, որտեղ լապտերների լույսերը հավաքվել, բազմերանգ մի խումբ էին կազմել, և երևում էին կայանների սյուները:

— Է՛յ, ո՞վ է գոռում, — նորից լավեց մի ձայն:

Այժմ այդ ձայնն ավելի հեռու էր, քան առաջին անգամ: Չելկաշը հանգստացավ:

— Դու ինքդ ես գոռում, — ասաց նա կանչերի ուղղությամբ, ապա դարձավ Գավրիլային, որը դեռ աղոթք էր մրմնջում. — Դե՛հ, ախպերս, այս քո բախտն էր: Թե չէ, այդ գրողի բաժինները եթե մեր ետևից ընկնեին, քո բանը պրծած էր: Հասկանո՞ւմ ես: Ես քեզ իսկույն այնտեղ, ձկների մոտ պիտի ճամփի...

Այժմ, երբ Չելկաշը խոսում էր հանգիստ և նույնիսկ բարեհոգի ձևով, Գավրիլան, որ դեռ դողում էր վախից, սկսեց աղաչել.

— Լսիր, արի բաց թող ինձ: Քրիստոսի սիրուն, բաց թող: Ափ հանիր ինձ, որտեղ ուզում է լինի: Վայ ինձ, վայ ինձ, կորած եմ ես... Դե, աստու՛ սիրուն, բաց թող: Ի՞նչ եմ արել ես քեզ: Չեմ կարող... էս տեսակ գործերում ես չեմ եղել... Առաջին անգամն է... Տե՛ր իմ աստված: Ախր կորած եմ ես... էս ինչպե՞ս եղավ, ախպերս, որ խելքից հանեցիր ինձ: Հոգուդ մեղք ես անում... Հոգիդ կորցնում ես ախր... Ա՛յ թե փորձանքի մեջ ընկա հա՛...

— Ի՞նչ փորձանք, — խստությամբ հարցրեց Չելկաշը: — Հը՞, դե ասա՛, ի՞նչ է եղել որ:

Նրան զվարճացնում էր երիտասարդի վախը, և նա հրճվում



էր և՛ Գավրիլայի վախով, և՛ այն մտքից, թե՛ ահա տեսե՞ք, ի՞նչ ահեղ մարդ է Չելկաշը:

— Մութ գործեր են, ախպերս... Բաց թող ինձ, աստժո՛ւ սիրուն... Ես քեզ մի վնաս տվե՛լ եմ, հոգիս...

— Դե լա՛վ, ձայնդ կտրիր: Թե որ պե՛տք չլինենիր, ես քեզ չէի վերցնի: Հասկացա՞ր: Դե ձայնդ կտրի՛ր:

— Տե՛ր իմ աստված,— հառաչեց Գավրիլան:

— Դե՛, դե՛, մի՛ նվա,— ընդհատեց նրան Չելկաշը:

Բայց այժմ արդեն Գավրիլան իրեն զսպել չէր կարողանում և լալիս էր մեղմ հեծկտոցով, քիթը սրբում, շուռումուռ գալիս նստարանին, բայց թիավարում էր ավելի ուժեղ ու կատաղաբար: Մակույկը նետի պես էր սլանում: Նորից նրա առաջն եկան նավերի մթին իրաններ, և մակույկը կորավ նրանց մեջ, շուռումուռ գալով նավերի միջև ընկած ջրի նեղ շերտերով:

— Է՛յ, դո՛ւ, լսի՛ր: Թե որ քեզ բան հարցնող լինի, ձայն չհանես, եթե ուզում ես ապրել: Հասկացա՞ր:

— Ա՛խ-ա՛խ...— հուսահատ հառաչեց Գավրիլան՝ որպես պատասխան այդ խիստ հրամանի և դառնությամբ ավելացրեց.— իմ բանը պրծած է...

— Մի՛ նվա,— խոտությամբ շնչաց Չելկաշը:

Գավրիլան այդ շուռնջից կորցրեց որևէ բան մտածելու ընդունակությունը և փորձանքի սառն նախազգացումով համակված՝ քարացավ: Նա մեքենայաբար թիերն իջեցնում էր ջուրը, ետ էր թեքում, թիերը դուրս հանում, նորից ջուրը գցում և այդ անելիս շարունակ ակնապիշ իր տրեխներին էր նայում:

Յլիքների քնկոտ աղմուկը դժժում էր մոռլլ և սարսափ ազդում: Ահա նավահանգիստը... Նրա գրանիտե պատի այն կողմը լսվում էին մարդկային ձայներ, ջրի ճողփյուն, հրգ ու բարակ սուլոցներ:

— Կա՛ց,— շնչաց Չելկաշը:— Բաց թող թիերը: Չեղբերդ դեմ տուր պատին: Կամա՛ց, գրողի՛ բաժին...

Գավրիլան ձեռները ողորկ քարերին դեմ արած՝ մակույկն առաջ էր տանում պատի երկարությամբ: Մակույկը քարերին բռնած լորձին բավելով առաջ էր գնում անձայն, անաղմուկ:

— Կա՛ց... Թիերը տո՛ւր: Այս կողմը տուր: Իսկ անձնագիրդ մո՞տդ է: Տոպրակիդ մե՞ջ: Տո՛ւր տոպրակդ: Դե տո՛ւր, շո՛ւտ: Այս, սիրելիս, նրա համար եմ անում, որ չփախչես: Առանց թիերի դու էլի մի կերպ կարող էիր փախչել, բայց առանց անձնա-

գրի սիբա շես անի: Սպասիր այսպե՛զ: Բայց տես, թե որ ծպտուն ես հանել, ծովի հատակը կիջնես...

Եվ հանկարծ ձեռքերով մի ինչ-որ բանի կառչելով՝ Չելկաշը օդ բարձրացավ և պատնեշի վրա անհայտացավ:

Գավրիլան ցնցվեց... Այնքա՛ն արագ կատարվեց այդ... Նա զգաց, թե ինչպես իրենից սահում, ընկնում է այն նզովյալ ծանրությունն ու վախը, որ զգում էր նա այդ երկարաբեղ, նիհար գողի մոտ...

Փախչե՛լ հիմա... Եվ նա ազատ շունչ քաշելով շուրջը նայեց: Չախ կողմը բարձրանում էր առանց կայմերի մի նավի սև կմախքը, որ ասես վիթխարի դագաղ լիներ՝ անմարդ ու դատարկ...

Ալիքի յուրաքանչյուր հարվածը նրա կողին՝ առաջացնում էր ծանր հառաչանքի նման մի խուլ արձագանք: Աջ կողմը ջրից բարձր ձգված էր խոնավ քարե պատնեշը, որ ասես պաղ ու ծանր օձ լիներ: Ծտկում ևս երևում էին ինչ-որ սև-սև երևում էր ծովը՝ լուռ ու ամայի իր վրա կախված սև-սև ամպերով:

Վիթխարի ու ծանր այդ ամպերը դանդաղորեն առաջ էին շարժվում՝ խավարի մեջ սարսափ տարածելով և պատրաստ՝ իրենց ծանրությամբ ճնշելու մարդուն: Ամեն ինչ պաղ էր, սև, շարագուշակ: Գավրիլան սարսափ զգաց: Այդ սարսափն ավզի վատ էր, քան այն վախը, որ ազդել էր նրա վրա Չելկաշը:

Նա ամուր գրկեց Գավրիլայի կուրծքը, ձմլեց, մի երկչառ կծիկ դաբձրեց այն և մեխեց մակույկի նստարանին...

Իսկ շուրջը ամեն ինչ լուռ էր: Ոչ մի ձայն չէր լսվում բացի ծովի հառաչից: Ամպերը սահում էին երկնքում նույնքան դանդաղ ու տխուր, որքան առաջ, բայց նրանք ավելի ու ավելի շատ էին ելնում ծովից, և երկնքին նայելով՝ կարելի էր կարծել, թե այն էլ մի ծով է, միայն թե խռովահույզ ծով, որ շուռ է տված մյուս խաղաղ նիրհած ու ողորկ ծովի վրա: Ամպերը նման էին ալիքների, որոնց զանգրագագաթ ճերմակ կատարները խոյանում էին դեպի ցած, դեպի երկիրը, նման էին անդունդների, որոնցից քամին դուրս է կորզել այդ ալիքները, և նման էին նաեւ րածնունդ կոհակների, որոնք դեռ չեն ծածկվել կատաղության ու ցասումի կանաչավուն փոփուրով:

Գավրիլան իրեն ճնշված էր զգում այդ մոռլլ խաղաղությամբ ու գեղեցկությամբ և զգում էր, որ ուզում է շուռ տեսնել իր տիրոջը: Իսկ եթե նա այնտեղ մնա՞...

Ժամանակը դանդաղ էր անցնում, ավելի դանդաղ, քան սահում էին երկնքի դագ

ամպերը... Եվ լուսթյունը գնալով ավելի շարագույժ էր դառնում... Բայց ահա, պատենեղի ետևը լավեց մի ճողպիուն, խշռոց և շշուկի նման մի բան: Գավրիլային թվաց, թե հենց հիմա ինքը կմեռնի...

— Է՛յ, քնա՞ծ ես: Բռնի՛ր... Զգույ՜լ... — լավեց Չելկաշի խուլ ձայնը:

Պատենեղի վրայից մի ինչ-որ խորանարդաձև ծանր բան էր իջնում: Գավրիլան մակույկի մեջ առավ այն: Իջավ էլի մի այդպիսի բան: Հետո պատենեղի լայնքով ձգվեց Չելկաշի երկար իրանը, որտեղից որտեղ լույս ընկան թիերը, Գավրիլայի ոտքերի մոտ ընկավ նրա տոպրակը, և Չելկաշը ծանր շնչելով նստեց նավախելին:

Գավրիլան նրան նայելով ժպտում էր ուրախ ու երկչոտ:

— Հոգնեցի՞ր, — հարցրեց նա:

— Առանց դրան չի լինի, հորթո՛ւկ: Դե՛հ, քեզ տեսնեմ, թիերը ձեռքդ առ: Զոռ տուր ինչքան ուժ ունես: Է՛հ, ախպերս, լավ վաստակ ունեցար: Գործի կեսն արել ենք արդեն: Հիմա մնում է այն սատանաների քթի տակով անց կենալ, իսկ հետո՝ ստացիր փողդ ու գնա զո Մաշկայի մոտ: Իսկ դու Մաշկա ունե՞ս, տղա:

— Չունե՛եմ: — Գավրիլան աշխատում էր ամբողջ ուժով, կուրծքը՝ ոնց որ փուքս, ձեռքերը՝ պողպատե զսպանակներ: Զուրը կլթկլթում էր մակույկի տակ, իսկ մակույկի ետևից ձգվող երկնագույն շերտը հիմա ավելի լայն էր: Գավրիլան ամբողջովին քրտնամխել էր, բայց շարունակում էր թիավարել իր ամբողջ ուժով: Այդ գիշեր երկու անգամ սարսափ ապրած լինելով՝ այժմ վախենում էր երրորդ սարսափից և ցանկանում էր միայն մի բան. շուտ ավարտել այդ նզովյալ գործը, ցամաք դուրս գալ ու հեռու փախչել այդ մարդուց, քանի դեռ նա իսկապես չի սպանել իրեն կամ բանտ չի հասցրել:

Նա որոշեց ոչ մի բանի մասին չխոսել Չելկաշի հետ, չհակառակվել նրան, անել ամեն բան, ինչ կհրամայի, և եթե հաջողվի ողջ-առողջ բաժանվել նրանից, հենց վաղն ևեթ մաղթանք կատարել Նիկոլայ Հրաշագործին: Զերմ աղոթքը պատրաստ էր դուրս հորդելու նրա կրծքից: Բայց նա զսպում էր իրեն, փնշում շոգեմեքենայի պես ու շարունակում էր լռել՝ աչքի տակով նայելով Չելկաշին:

Իսկ Չելկաշն առաջ էր թեքվել իր շորուկ ու երկար հասա-

կով և նման էր թռչունի, որ պատրաստվում էր թռչելու ինչ-որ տեղ: Նա բազեի աչքերով նայում էր մակույկի առաջ, խավարի մեջ և իր գիշատիչ սապատավոր քիթը դես ու դեն դարձնելով՝ մի ձեռքով պինդ բռնել էր ղեկի բռնակը, մյուս ձեռքով քաշմի ձեռքով պինդ բռնել էր ժպիտներից, որոնք ծամում քրշում էր բեղը, որը ցնցվում էր ժպիտներից, որոնք ծամում էին նրա բարակ շրթունքները: Չելկաշը գոհ էր իր հաջողություններից, իրենից և այդ ջահելից, որին այնքան խիստ վախեցրել էր ինքը և դարձրել իր ստրուկը: Նա տեսնում էր, թե ինչպես է ջանում Գավրիլան, և խղճաց նրան ու կամեցավ սիրտ տալ.

— Է՛յ, — քմծիծաղ տալով կամացուկ ասաց նա, — Ի՛նչ է, շա՞տ վախեցար, հա՞:

— Ոչի՛նչ... — հառաչեց Գավրիլան ու տնքաց:

— Դե հիմա էլ թիերին շատ մի զոռ տա: Արդեն պրծանք: Մի տեղ է միայն մնացել անցնելու... Հանգստացիր մի քիչ...

Գավրիլան հնազանդ կանգ առավ, շապկի թևքով սրբեց ճակատի քրտինքը և նորից թիերը ջրի մեջ թողեց:

— Դե, կամաց թիավարիր: Այնպես, որ ջուրը ձայն չհանի: Մնացել է, որ մի դուռ անցնենք: Կամա՛ց, կամա՛ց... Թե չէ, ախպերս, այստեղ մարդիկ շատ խիստ են... Մեկ էլ տեսար՝ հրացանը ճակատիդ դեմ տվին: Այնպես կտրաքացնեն, որ ծըպտուն հանելու ժամանակ էլ չես ունենա:

Այժմ արդեն մակույկը ջրի վրայով սահում էր գողեգող, համարյա անձայն: Միայն թիերից կապտավուն կաթիլներ էին թափվում ծովը և նրանց կաթած տեղում նույնպիսի կապտավուն բծեր էին առաջացնում: Գիշերը քանի գնում՝ ավելի լուռ ու ավելի խավար էր դառնում: Այժմ արդեն երկինքը նման չէր ալեծուփ ծովի, ամպերը ցրվել էին երկնքի երեսին ու ծածկել այն միալար ծանր վարագույրով, որ անշարժ իջել էր ջրի վրա: Իսկ ծովն ավելի էր խաղաղվել, մթնել և ավելի ուժեղ էր բուրում ջերմ ու աղի հոտ և արդեն այնքան լայն չէր թվում, ինչպես առաջ:

— Ա՛խ, թե մի անձրև գար... — շնչաց Չելկաշը: — Այնպես կանցնեինք, ինչպես վարագույրի ետևից:

Մակույկի աջ ու ձախ կողմում սև ջրի միջից բարձրանում էին ինչ-որ շենքեր՝ բարձաններ, նույնպես սև, անշարժ ու մոռալ: Նրանցից մեկի վրա մի լույս էր շարժվում, մեկը շրջում էր այնտեղ՝ լապտերը ձեռքին: Մովը նրանց կողքը շոյելով հնչում էր աղերսալի ու խուլ, իսկ նրանք պատասխանում էին խուլ ու պաղ

արծազանքով, ասես վիճում էին հետը՝ շուգնալով ինչ-որ բան դիջել:

— Պահակներ... — հազիվ լսելի շնչաց Չելկաշը:

Այն պահից, երբ Չելկաշը Գավրիլային պատվիրել էր կամաց թիավարել, նորից սուր սպասողական վիճակ էր պաշարել Գավրիլային: Նա ամբողջովին առաջ էր ձգվել խավարի մեջ, և նրան թվում էր, թե ինքն աճում է, ոսկորներն ու շղերը բուժքով պատճառելով ձգվում էին նրա մեջ, գլուխը միայն մի մղտքով լցված՝ ցավում էր, մեջքի մաշկը ցնցվում էր, իսկ ոտքերը ասես մանր, սուր ու պաղ ասեղներ էին ծակծկում: Աչքերը կայծակը լուրում էին խավարի մեջ լարված նայելուց, և նա ամեն թույլ սպասում էր, թե ահա մեկը դուրս կգա իրենց առաջ ու կգոռա. «Կացե՛ք, գողե՛ր...»

Այժմ, երբ Չելկաշը շնչաց՝ «պահակներ», Գավրիլան ցնցվեց, սուր, այրող մի միտք անցավ նրա միջով, անցավ ու դիպավ նրա պինդ լարված նյարդերին: Նա ուզում էր աղաղակել, օգնության կանչել մարդկանց... Նա արդեն բացել էր բերանը, տեղից մի փոքր բարձրացել, կուրծքը փքել, օդ առել նրա մեջ, բերանը բաց արել, բայց հանկարծ սարսափահար եղած, կարծես մտրակահար՝ փակեց աչքերը և ընկավ նստարանին:

...Մակույկի առաջ, հեռու հորիզոնում, ծովի սև ջրից վեր բարձրացավ մի վիթխարի հրակապույտ սուր, վեր բարձրացավ, ճեղքեց գիշերային խավարը, իր սուր բերանով սահեց երկնքի ամպերի վրայով և որպես մի լայն ու կապույտ շերտ՝ փովեց ծովի երեսին: Փովեց, և նրա փայլուն շերտի վրա խավարի միջից դուրս եկան մինչ այդ անտեսանելի մռայլ նավեր, լուռ գիշերային փարթամ մշուշով պատած: Թվում էր, թե դրանք երկար ժամանակ եղել էին ծովի հատակում, ուր մղել էր նրանց փոթորկի հզոր ուժը, և ահա այժմ ծովից ծնունդ առած հրեզեն սրի հրամանով դուրս եկան այնտեղից, վերև բարձրացան, որպեսզի նայեն երկնքին և այն ամենին, ինչ ջրի երեսին էր գտնվում... Նրանց պարանները փաթաթվել էին կայմերին և ասես կալուն ջրիմուռներ լինեին, որոնք այդ սև հսկաների հետ հատակից բարձրանալով՝ խճճել էին նրանց իրենց ցածրի մեջ: Եվ նորից ծովի խորքերից վեր բարձրացավ նա, այդ զարհուրելի կապույտակ սուրը, վեր բարձրացավ շողողալով, նորից ճեղքեց գիշերային խավարը ու նորից փովեց այս անգամ արդեն մի այլ

ուղղությամբ: Եվ այնտեղ, ուր նա փովեց, նորից երևացին նավերի կմախքներ, որոնք մինչ այդ անտեսանելի էին:

Չելկաշի մակույկը կանգ առավ և օրորվում էր ջրի երեսին՝ ասես վարանմունքի մեջ: Գավրիլան երեսը ձեռքերով ծածկած պառկել էր հատակին, իսկ Չելկաշը ոտքով հրում էր նրան ու թշուրում կատաղաբար, բայց կամաց:

— Հիմա՛ր, մաքսատան հածանավն է դա... էլեկտրական լապտերի լույս է արձակում... վեր կա՛ց, դո՛ւմ: Ախր հիմա լույս կզցնե՛մ մեզ վրա... քեզ էլ կկործանես, ավանա՛կ, ու ինձ էլ քեզ հետ: Գե՛, վեր կաց...

Եվ, վերջապես, երբ կոշիկի կրունկի հարվածներից մեկը մյուսներից ավելի ուժեղ իջավ Գավրիլայի մեջքին, նա վեր թռավ, դեռևս վախենալով բանալ աչքերը, նստեց նստարանին և շոշափելով թիակները գտնելով՝ մակույկն առաջ շարժեց:

— Կամա՛ց: Կսպանե՛մ, դե՛ կամաց... Ա՛յ թե տխմարն ես, գրողը տանի քեզ... Ինչի՞ց վախեցար ախր, հը՛: Մոռո՛ւթ... լապտեր է, ուրիշ ոչինչ: Թիերդ կամա՛ց... թթված սատանա... Այդ մաքսանենգներ են փնտրում: Մեզ չեն հասնի, հեռու ենք արդեն: Մի՛ վախենա, չեն հասնի: Հիմա մենք... — Չելկաշը ցնծազին իր շուրջը նայեց: — Իհարկե, դուրս պրծանք... Թո՛ւհ... Ա՛յ թե բախտավոր մարդ ես դու, ա՛յ դանդաղ ղմբո՛... —

Գավրիլան լուռ թիավարում էր և ծանր շնչելով խեթ-խեթ նայում այն կողմը, որտեղ դեռ բարձրանում ու իջնում էր այն հրավառ սուրը: Նա ոչ մի կերպ չէր կարողանում հավատալ Չելկաշին, թե դա լապտեր է միայն: Պաղ ու կապտավուն շողը, որ խավարը ճեղքելով ծովին արծաթի գույն էր տալիս, իր մեջ մի ինչ-որ անբացատրելի բան ուներ, և Գավրիլան նորից հոգեմաշ սարսափի՝ հիպնոզի մեջ ընկավ: Նա թիավարում էր մեքենաբար և շարունակ կուշ գալով՝ կարծես վերևից հարվածի էր սպասում, և ոչինչ, ոչ մի ցանկություն չկար նրա մեջ, նա դատարկ էր և ոչինչ, ոչ մի ցանկություն չկար նրա մեջ, նա դատարկ էր ասես ու հոգի չուներ: Այդ գիշերվա հուզմունքները վերջնականապես դուրս էին մղել նրանից ամեն ժարդկային բան:

Իսկ Չելկաշը ցնծության մեջ էր: Ցնցումների վարժված նրա նյարդերն արդեն խաղաղվել էին: Գոհունակությունից ցնցվում էին նրա բեղերը, և աչքերի մեջ կրակ էր բորբոքվում: Նա շատ լավ էր գգում իրեն, սուլում էր ատամների միջից, խոր ներշնչում ծովի խոնավ օդը, շորս կողմն էր նայում և բարե-

սրտուխյամբ ժպտում՝ երբ հայացքը կանգ էր առնում Գավրիլայի վրա:

Քամի բարձրացավ և արթնացրեց ծովը, որի վրա հանկարծ մանր կոհակներ խաղացին: Ամպերը ասես բարակեցին ու թափանցիկ դարձան, բայց ամբողջ երկինքը դեռ ծածկված էր նրանցով: Չնայած որ քամին, թեպետ դեռ թեթև, ազատ սուրում էր ծովի վրայով, բայց ամպերն անշարժ էին և ասես ինչ-որ տխուր ու տաղտուկ բան էին խորհում:

— Դե՛, ախպերս, ժամանակն է, ուշքի արի: Սրա՛ն նայեցեք. ասես կաշին սեղմել ու ամբողջ հոգին դուրս են քամել, ոսկրով լի մի պարկ է մնացել: Դե, պրծավ ամեն ինչ, է՛յ...

Գավրիլայի համար, այնուամենայնիվ, հաճելի էր մարդկային ձայն լսել, թեկուզև այդ Չելկաշի ձայնը լիներ:

— Ես լսում եմ,— կամացուկ ասաց նա:

— Դե՛, դե՛: Խմոր ես դառել... Հապա՛, նստիր դեկի մոտ, իսկ ես կթիավարեմ. հոգնել ես երևի:

Գավրիլան մեքենաբար իր տեղը փոխեց: Երբ Չելկաշը տեղափոխվելիս նայեց նրա երեսին և նկատեց, որ նա երբում է դողդողացող ոտքերի վրա, ավելի շատ խղճաց երիտասարդին: Նա թփթփացեց Գավրիլայի մեջքին ու ասաց.

— Դե լավ, լավ, մի՛ վախենա: Բայց թե վաստակեցիր, հա՛: Ես, ախպերս, բոլ փող կտամ քեզ: Մի քսանհինգնոցի հետ ո՛նց ես, հը՞:

— Ինձ ոչ մի բան պետք չի... Միայն թե ափ դուրս գայի...

Չելկաշը ձեռքը թափ տվեց, թքեց ու սկսեց թիավարել՝ իր երկար ձեռքերով շատ ետ մղելով թիերը:

Մովը արթնացավ: Նա խաղում էր մանր ալիքներով, ծնունդ էր տալիս նրանց, զարդարում փրփուրի երիզով, զարկում իրար ու փոշի դարձնում: Փրփուրը հալվելով թշուրմ էր ու հառաչում, և շուրջը ամեն ինչ լի էր ներդաշնակ շշուկով ու ջրի ճողփյունով: Խավարը ասես աշխուժացել էր:

— Դե, ասա տեսնեմ,— խոսեց Չելկաշը,— հիմա կգնաս գյուղ, կպսակվես, կսկսես հող վարել, հաց ցանել, կնիկդ երեսխաներ կբերի, ուտելիքը չի հերիքի ու այդպես, ամբողջ կյանքումդ պիտի կաշվից դուրս գաս: Դե ինքդ ասա. ի՞նչ համ կա դրա մեջ:

— Ի՞նչ համ պիտի լինի,— երկչուտ ու ցնցվելով պատասխանեց Գավրիլան:

Տեղ-տեղ քամին պատառոտում էր ամպերը, և պատվածքների միջից նայում էին երկնքի կապույտ պատառները՝ մեկ-երկու հատիկ աստղերով: Արտացոլելով ալեծուսի ծովի մեջ՝ այդ փոքրիկ աստղերը ոստոստում էին ալիքների վրա՝ մերթ անհայտանալով, մերթ նորից փայլելով:

— Դեպի ա՛յ ընդիր,— ասաց Չելկաշը:— Շուտով կհասնենք: Հը՛-ըմ... Պրծանք: Լավ գործ տեսանք: Տեսնո՞ւմ ես, ինչեր են լինում... Մի գիշերվա մեջ կես հազար շանթեցի:

— Կես հազա՞ր,— կասկածանքով ծոր տվեց Գավրիլան, բայց և իսկույն վախեցավ և ոտքով խփելով հակին՝ շտապ հարցրեց.— Իսկ սա ի՞նչ բան է որ...

— Դա շատ թանկ բան է: Իսկական գնով որ ծախես, հազարից էլ կանցնի: Բայց ես թանկ գին չեմ ուզում... Ո՞նց է:

— Հըմ-հա՛...— հարցական ծոր տվեց Գավրիլան:— Թե որ իմ ձեռն ընկնե՞ր,— հառաչեց նա՝ իսկույն հիշելով իրենց գյուղը, աղքատիկ տնտեսությունը, իր մորը և այն բոլոր հեռավորն ու հարազատը, որի համար ինքն աշխատանքի էր դուրս եկել, որի համար այդպես տանջվել էր այդ գիշեր: Նրան համակեց հիշողությունների ալիքը իրենց գյուղի մասին, որը զառիվայր բլրից իջնում էր դեպի ցած, դեպի այն գետակը, որ թաքնված էր կելու, սպիտակ ուռենու և վայրի բալենու անտառի մեջ...— Է՛հ, ի՞նչ լավ կլիներ,— թախիծով հառաչեց նա:

— Հըմ... Կարծում եմ՝ ձեռաց վագոն կնստեիր ու՛ տուն... Իսկ ո՞նց կսիրեին քեզ աղջիկները, ո՛ւհ... Վերցրու որը կուզես: Տուն կշինեիր քեզ համար... Բայց, ասենք, տուն շինելու համար փողը մի քիչ պակաս կլիներ...

— Դրուստ է... տան համար պակաս կլիներ: Մեզանում փայտեղենը շատ թանկ է:

— Դե, ի՞նչ կա որ: Հին տունը կարգի կբերեիր: Իսկ ձի՞: Ո՞նց է, ունե՞ս:

— Ձի՞: Ձի ունեմ, բայց շատ պառավ է գրողի տարածը:

— Դե, ուրեմն, ձի կառնեիր: Լա՛վ ձի: Կով... Ոչխարներ... Հավ ու սագ... Հը՛:

— Էլ մի՛ ասի... Օ՛հ, տեր իմ աստված, ո՞նց կապրեի...

— Հըմ, ոչինչ, ախպերս, վատ կյանք չէիր ունենա... Ես էլ դրանից մի քիչ հասկանում եմ: Մի ժամանակ ես էլ իմ բուն ունեի... Հերս գյուղի առաջին հարուստներից մեկն էր...

Չեկաշը թիավարում էր դանդաղ: Մակուկը ճոճվում էր ալիքների վրա, որոնք խփում էին նրա կողերին, ու հազիվ էր առաջ գնում մթին ծովի վրայով, իսկ ծովը քանի գնում՝ ավելի էր աշխուժանում: Երկու մարդ ջրի երեսին օրորվելով երազում էին ու մտախոհ իրենց շուրջը դիտում: Չեկաշն սկսեց Գավրիլային խոսեցնել գյուղի մասին, ցանկանալով մի քիչ սիրտ տալ նրան ու հանգստացնել: Սկզբում նա խոսում էր բեղի տակ ծիծաղելով, բայց հետո զրույցի մեջ խոսքեր նետելով և Գավրիլային հիշեցնելով գյուղական կյանքի քաղցրությունները, որոնցից ինքը վաղուց հիասթափվել էր, մոռացել և միայն այժմ սկսեց հիշել,— նա աստիճանաբար ոգևորվեց և, փոխանակ երիտասարդին հարցուփորձ անելու գյուղի կյանքի ու գործերի մասին, իր համար էլ աննկատելիորեն սկսեց ինքը պատմել նրան:

— Գյուղացու կյանքում, ախպերս, գլխավորը ազատությունն է: Ինքդ թո՛ղ գլխի տերն ես: Քո տունն ունես. ճիշտ է, մի գրոշ էլ չարժի, բայց քանն է: Դու թո՛ղ հողն ունես. մի թիղ է, բայց քոնն է... Դու թագավոր ես թո՛ղ հողի վրա... Դու մարդահաշիվ ես... Ամեն մեկից կարող ես պահանջել, որ քեզ հարգեն... Այդպես չի՞,— ոգևորված իր խոսքն ավարտեց Չեկաշը:

Գավրիլայն հետաքրքրությամբ նայում էր նրան և ինքն էլ ոգևորվում: Այդ խոսակցության ժամանակ նա արդեն մոռացել էր, թե ում հետ գործ ունի և իր առջև տեսնում էր իր նման մի գյուղացի, որը բազում սերունդների քրտինքով հավիտենապես կպած էր հողին, մանկություն հիշողություններով կապված էր նրա հետ, բայց ինքնակամ անջատվել էր հողից ու նրա հոգսերից, դրա համար էլ իր արժանի պատիժն էր կրում:

— Այդ մեկը, ախպերս, ճիշտ ես ասում: Շատ ճիշտ: Այ, հիմա քեզ նայիր: Ի՞նչ ես դու առանց հողի: Հողը, ախպերս, ոնց որ հարազատ մայր, երեք շնս մոռանա նրան:

Չեկաշը մտքի մեջ ընկավ... Նա նորից զգաց կրծքի այն գրգռող այրուցքը, որ երևան էր գալիս ամեն անգամ, հենց որ մեկը դիպչում էր իր անսանձ ինքնասիրությունը, մանավանդ, եթե դա իր աչքում արժեք չունեցող անձ էր լինում:

— Դուրս ես տալիս... — ասաց նա ցասումով, — գուցե կարճ ծում ես, թե այս բոլորը ես լո՞ւրջ ասացի... Ո՞նց չէ, գրպանդ լայն բաց արա:

— Ա՛յ քեզ մարդ... — նորից վախեցավ Գավրիլան: — Ես հո թո՛ մասին չեմ ասում: Քեզպեսները շա՛տ... է՛հ, ինչքա՛ն ան-

բախտ մարդիկ կան աշխարհում... Որ ման են գալիս անտուն-անտեղ...

— Եկ, թիերը վերցրո՛ւ, հիմա՛ր, — կարճ հրամայեց Չեկաշը, չգիտես ինչու իր մեջ զսպելով թունդ հայհոյանքի մի ամբողջ հեղեղ, որ լցվել էր կոկորդը:

Նրանք նորից տեղները փոխեցին, և հակի վրայով դեպի նավախելն անցնելիս Չեկաշն իր մեջ մի սուր ցանկություն զգաց այնպիսի մի քացի տալու Գավրիլային, որ նա ջուրը գլորվի:

Կարճ խոսակցությունը դադարեց, բայց այժմ նույնիսկ Գավրիլայի լռությունից Չեկաշը գյուղի հոտ էր առնում... Նա մտաբերում էր անցյալը, մոռանալով ուղղություն տալ մակուկին, որին ալիքները շեղել ու թշուճ էին դեպի ծովի խորքը: Կարծես ալիքները հասկանում էին, որ այդ մակուկը կորցրել է իր նպատակը, և ավելի ու ավելի վեր նետելով նրան՝ հեշտություն մը խաղ էին անում հետը ու թիերի տակ բռնկվում կապուտակ նրբին գույներով: Իսկ Չեկաշի առջևով արագորեն անցնում էին անցյալի պատկերները, հեռավոր անցյալի, որը ներկայից բաժանված էր տասնմեկ տարվա բոսյակային կյանքի մի ամբողջ պատմելով: Նա հիշեց իր մանկությունը, իրենց գյուղը, իր մորը, այն կարմրաթուշ, փափիլիկ կնոջը, որ մոխրագույն բարի աչքեր ուներ, հիշեց իր հորը, որ շեկ մորուքով ու խիստ դեմքով մի հսկա էր: Հիշեց իր փեսայությունը, իր կնոջը՝ սևաշյա Անֆիսային, որ երկար ծամ ուներ, փափիլիկ էր ու զվարթ, հիշեց, թե ինչպես ինքը գեղեցիկ գվարդիական զինվոր էր: Ու նորից հիշեց իր հորը՝ արդեն ծեր ու աշխատանքից կորացած, հիշեց և մորը՝ կնճռոտված ու կոացած: Հիշեց, թե գյուղն ինչպես դիմավորեց իրեն, երբ ծառայությունից վերադարձավ, ինչպես էր ամբողջ գյուղի առաջ հայրը հպարտանում իր Գրիգորիով, որ երկարաբեղ, առողջ ու ճարպիկ զինվոր էր: Հիշողությունը՝ դժբախտների այդ խարազանը, մինչև իսկ անցյալի քարերին է կենդանություն տալիս, և անցյալում խմած թունյի մեջ մեղր է կաթեցնում...

Չեկաշն զգաց հայրենի օդի հանգստացնող ու փաղաքուշ հովը, որ իր հետ բերում էր և՛ մայրական սիրակեզ խոսքերը, և՛ իսկական գյուղացի հոր խրատները, շատ մոռացված հնչյուններ, և մայր հողի անուշ բուրմունքը, այն մայր հողի, որը հենց նոր էր հավել, նոր էր հերկվել և հենց նոր էր ծածկվել աշնա-

նացանի զմրուխտագույն մետաքսով... Նա իրեն զգում էր մե-  
նակ, արմատահան եղած և ընդմիջտ հեռու նետված այն կյանքի  
ընթացքից, որի մեջ մշակվել էր իր երակներին մեջ հոսող ար-  
յունը:

— Է՛հ, այս ո՛ւր ենք գնում,— հանկարծ հարցրեց Գավ-  
րիլան:

Չեկաշը ցնցվեց և գիշատիչի անհանգիստ հայացքով շորս  
կողմը նայեց:

— Ճիշտ որ... գրողը տանի... Հապա, զոռ տուր թիերին:

— Մտքի մե՞ջ էիր ընկել,— ժպտալով հարցրեց Գավրիլան:

— Հոգնել եմ...

— Ատում ես, ուրեմն, մենք էլ չե՞նք բռնվի սրանցով,—

Գավրիլան ոտքը խփեց հակին:

— Չէ... Հանգիստ եղիր: Այ, հիմա կհանձնեմ ու փողը  
կստանամ... Հը՛մ...

— Հինգ հարյուր...

— Պակաս չի լինի:

— Ա՛յ թե փող է հա՛... Թե որ իմը լիներ... Ի՛նչ կյանք  
կսկսվեր ինձ համար...

— Գյուղակա՞ն կյանք:

— Պարզ բան է: Ձեռաց կգնայի ու...

Սվ Գավրիլան անձնատուր եղավ ցնորքներին: Իսկ Չեկաշը  
լուռ էր: Նրա բեղերը կախ էին ընկել, աչ կողքը թրջվել էր ալիք-  
ների ցայտերից, աչքերը ներս էին ընկել ու փայլը կորցրել:  
Նրա կերպարանքի մեջ բոլոր գիշատիչ կողմերը փափկել էին,  
սքողվել նվաստացուցիչ մտախոհոթյամբ, որը դուրս էր նայում  
նույնիսկ նրա կեղտոտ շապկի ծալքերի միջից:

Նա կտրուկ շուռ տվեց մակույկը և ուղղեց դեպի մի ինչ-որ  
սև բան, որ դուրս էր ցցվել ջրի միջից:

Երկինքը նորից ծածկվել էր ամպերով, տեղում էր մանր  
ու գուլ անձրև, որ ալիքների կատարներին զարկվելով ուրախ  
ճլթոց էր հանում:

— Կանգնի՛ր: Կամա՛ց,— հրաման տվեց Չեկաշը:

Մակույկի քիթը դիպավ նավի կողին:

— Քնա՞ծ են, ի՛նչ է, այդ գրողի տարածները,— մրթմըր-  
թաց Չեկաշը՝ կեռիկը գցելով նավակողից կախված ինչ-որ թո-  
կերի:— Սանդուղքն իջեցրե՛ք... Անձրևն էլ սկսվեց, կարծես չէր

կարող մի քիչ առաջ գալ... Է՛յ, դո՛ւք, փալասնե՛ր... Ի՛նչ բանի  
եք...

— Սեկա՛շ, դո՛ւ ես,— լսվեց վերևից մի փաղաքուշ մլա՜-  
վոց:

— Դե, սանդուղքն իջեցրո՛ւ:

— Կալիմերա, Սեկաշն է:

— Սանդուղքն իջեցրո՛ւ, խանձած սատանա,— մռնչաց Չեկ-  
կաշը:

— Օ՛, բարկացած ես եկել այսօր... էլո՛ւ:

— Բարձրացի՛ր, Գավրիլա,— դարձավ Չեկաշը իր ընկերոջը:

Մի բույն շանցած՝ նրանք տախտակամածի վրա էին, որ-  
տեղ երեք մորուքավոր մթին կերպարանքներ տարօրինակ սըվ-  
սըվացող լեզվով իրար հետ աշխույժ խոսելով նավագրից ներքև,  
Չեկաշի մակույկի մեջն էին դիտում: Չորրորդ կերպարանքը եր-  
կար վերարկուի մեջ փաթաթված մոտեցավ նրան, լուռ սեղմեց  
ձեռքը, ապա կասկածանքով նայեց Գավրիլային:

— Փողերը պատրաստիր մինչև առավոտ,— կարճ ասաց  
նրան Չեկաշը:— Իսկ հիմա գնում եմ քնելու: Գնա՛նք, Գավրի-  
լա: Ուտե՛լ ուզո՞ւմ ես:

— Քնել կուզեի...— պատասխանեց Գավրիլան, և հինգ բո-  
պե անց՝ արդեն խոմփում էր, իսկ Չեկաշը նրա կողքին նստած  
ինչ-որ մեկի կոշիկն էր փորձում իր ոտքին և մտքի մեջ ընկած  
մի կողմ թքելով՝ տխուր սուլում էր ատամների միջից: Հետո  
նա մեկնվեց Գավրիլայի կողքին և ձեռքերը գլխի տակ դնելով՝  
բեղերը շարժեց:

Նավը մեղմ օրորվում էր խայտացող ալիքների վրա, ինչ-  
որ մի տեղից փայտի ողբագին ճռոտց էր լսվում, անձրևը մեղմ  
խփում էր տախտակամածին և ալիքները ճողփում էին նավա-  
կողին զարնվելով... Ամեն ինչ թախժոտ էր և հնչում էր ինչպես  
մայրական օրոր, որը հույս չէր դնում իր զավակի բախտի վրա...

Չեկաշը ատամները կրճտացնելով գլուխը բարձրացրեց, իր  
շուրջը նայեց և ինչ-որ բան շշնջալով նորից պառկեց... Նա ոտ-  
քերը շոյեց, որից նմանվեց խոշոր մկրատի:

### III

Առաջինը Չեկաշն արթնացավ: Նա անհանգիստ շուրջը նա-  
յեց, բայց իսկույն խաղաղվեց ու նայեց Գավրիլային, որ դեռ  
քնած էր: Նա անուշ խոմփացնում էր և երազի մեջ ժպտում իր

ամբողջ արևակեզ, առողջ, մանկական դեմքով: Չելկաշը հոգոց հանեց և պարանհ նեղ սանդուղքով վերև բարձրացավ: Նավամբարի մուտքից նայում էր կապարագույն երկնքի մի կտորը: Լույսը բացվել էր, բայց աշնան նման տրտում էր ու գորշ:

Չելկաշը վերադարձավ մի երկու ժամ հետո: Նրա դեմքը կարմրած էր, բեղերը կտրիճավարի վերև էին ուլորված: Նա հագել էր երկարաճիտ ամուր կոշիկներ, մի բաճկոն ու կաշվե շալվար և նման էր որսորդի: Նրա ամբողջ հագուստը հնամաշ էր, բայց ամուր և շատ էր սազում, ծածկելով նրա նիհարությունը և քաշատես կերպարանք տալով նրան:

— Է՛յ, հորթուկ, վե՛ր կաց... — ոտքով հրեց նա Գավրիլային:

Գավրիլան վեր թռավ տեղից և քնաթաթախ նրան չճանաչելով՝ վախեցած պղտոր աչքերը հառեց նրան: Չելկաշը քրքրեց:

— Տե՛ս, թե ինչ է դարձել, — վերջապես լայնորեն ժպտաց Գավրիլան: — Իսկական աղա...

— Մեզ համար դա ձեռաց բան է: Բայց վախկոտ ես դու, հա՛: Նրեկ գիշեր քանի՞ անգամ մահվան դուռը հասար:

— Դե, ախր, ինքդ դատիր. առաջին անգամն էր, որ այդպիսի գործի մեջ էի ընկել: Ախր մարդ կարող է հոգին կորցնել:

— Կավ, մեկ էլ որ լիներ, կգնայի՞ր, հը՞:

— Մեկ է՞լ... Դե... ինչպես ասեմ... Նայած թե մեջը ինչքան օգուտ կա, այ թե ինչ:

— Դե, ասենք թե՛ երկու հարյուրանոց:

— Երկու հարյուրանո՞ց... Ոչինչ... կարելի է...

— Սպասի՛ր: Հապա հոգի՞դ: Որ կորցնե՞ս...

— Դե ով է իմանում... կարող է թե չի կորչի, — ժպտաց Գավրիլան: — Ու թե հոգիդ չկորցրիր, մարդ կգառնաս մարգամիչում:

Չելկաշն ուրախ քրքրաց:

— Դե լավ, թողնենք հանաքները: Արի ափ գնանք...

Եվ ահա նրանք նորից մակույկի մեջ են: Չելկաշը դեկի մոտ, Գավրիլան՝ թիբրի: Նրանց վերևը երկինքն է՝ մոխրագույն, հավասարապես ծածկված ամպերով, և մակույկի հետ խաղում է պղտոր կանաչավուն ծովը՝ աղմուկով վեր-վեր նետելով նրան ալիքների վրա, որոնք դեռ մանր են և իրենց պայծառ, ազիցայտերը ուրախ-ուրախ նետում են մակույկի մեջ: Մակույկի

քթի վրայով հեռվում երևում է ավազոտ ափի դեղին շերտը, իսկ նավախելի ետևում դեպի հեռուն է տարածվում ծովը՝ ակոսված ալիքների երամներով, որոնք զարդարվել են սպիտակ, փարթամ փրփուրով: Նույն կողմը, ավելի հեռու, երևում են բազմաթիվ նավեր, իսկ դեպի ձախ՝ կայմերի մի ամբողջ անտառ և քաղաքի տների ճերմակ կույտերը: Այնտեղից ծովի վրայով գալիս է մի խուլ դժոց, որ դղրդում է ու ալիքների ճողվյունի հետ միախառնվելով մի գեղեցիկ, զորեղ երաժշտություն կազմում... Եվ այդ ամենը շղարշված է մոխրագույն մշուշի մի նուրբ քողով, որ առարկաները հեռացնում է իրարից...

— Ո՛ւհ, իրիկնապահին ի՛նչ փոթորիկ է լինելու, — խոսեց Չելկաշը՝ գլխով ծովը ցույց տալով:

— Փոթորի՞կ, — հարցրեց Գավրիլան՝ ամբողջ թափով ալիքներն ակոսելով թիբրով: Նա արդեն ոտից-գլուխ թրջված էր ցայտերից, որ քամին շաղ էր տալիս ծովի վրա:

— Է՛հե՛... — հաստատեց Չելկաշը:

Գավրիլան մի փորձող հայացք գցեց նրա վրա...

— Հը՛, ինչքա՞ն տվին քեզ, — հարցրեց նա վերջապես, տեսնելով, որ Չելկաշը մտադիր չէ խոսք բանալու:

— Տե՛ս, — ասաց Չելկաշը, գրպանից մի բան հանելով ու մեկնելով Գավրիլային:

Գավրիլան տեսավ գույնզգույն թղթերը, և նրա աչքում ամեն ինչ պայծառ ծիածանի երանգ ստացավ:

— Օ՛... Իսկ ես կարծում էի խաբում ես ինձ... Այդ ինչքա՞ն է:

— Հինգ հարյուր քառասուն:

— Ա՛յ թե հա՛... — շնչաց Գավրիլան՝ ազահ աչքերով նայելով հինգ հարյուր քառասունին, որոնք նորից թաքնվեցին Չելկաշի գրպանում: — Ա՛յ-ա՛յ-ա՛յ... Թե որ այդքան փողը իմը լինե՛ր... — և նա ճնշված հառաչեց:

— Քե՞ք ենք անելու ես ու դու, տղա՛, ո՛նց ենք քե՞ք անելու, — ոգևորված գոչեց Չելկաշը: — Օ՛, հերիք կանի... Բայց դու դարդ մի՛ անի, ախպերս, ես քեզ բաժին կհանեմ... Քառասունը կտամ քեզ, հը՞: Գոհ կլինե՞ս: Կուզե՞ս հենց հիմա տամ:

— Թե որ չես նեղանա... Ինչ կա որ: Կվերցնեմ:

Գավրիլան ամբողջովին դողում էր սպասումից, որ սրի պես ծակծկում էր նրա կուրծքը:

— Ախ դո՛ւ, սատանի կրունկ: Կվերցնե՛մ: Դե վերցրու,

ախպեր, շատ եմ խնդրում քեզ՝ վերցրո՛ւ: Ինքս էլ չգիտեմ, թե ի՞նչ պիտի անեմ այսքան փողը: Ա՛ռ, վերցրու, ազատիր դու ինձ...

Չեկաշը Գավրիլային մեկնեց մի քանի թղթադրամ: Նա դողդողացող ձեռքով վերցրեց դրամները, թիերը բաց թողեց և սկսեց փողը թաքցնել ծոցում, ազահորեն աչքերը կկոցելով, աղմուկով ներս քաշելով օդը, կարծես մի ինչ-որ այրող բան էր խմում: Չեկաշը ծաղրական ժպիտով նայում էր նրան: Իսկ Գավրիլան արդեն նորից ձեռքն էր առել թիերը և թիավարում էր նյարդայնորեն, շտապ, աչքերը ցած գցած, ասես վախենում էր ինչ-որ մի բանից: Նրա ուսերն ու ականջները ցնցվում էին:

— Ա՛յ թե աչքածակն ես հա՛... Լավ բան չի... Ասենք՝ ինչ... Դե գյուղացի ես... — մտախոհ ասաց Չեկաշը:

— Ախր ձեռիդ որ փող լինի, ինչե՛ր ասես չես անի... — հանկարծ գռչեց Գավրիլան՝ սաստիկ հուզմունքի բռնկումով: Եվ շտապ ու շնչասպառ, կարծես իր մտքերի ետևից վազելով ու բռնեք որսալով սկսեց պատմել, թե ինչպես է գյուղական կյանքը՝ երբ փող ունես և երբ փող չունես: Պատիվը, լիությունը, ուրախությունը...

Չեկաշը լսում էր նրան ուշադիր, լուրջ դեմքով, աչքերը մի ինչ-որ մտքից կկոցած: Եվ մերթ ընդ մերթ էլ ժպտում էր գոհունակ ժպիտով:

— Հասանք, — ընդհատեց նա Գավրիլայի խոսքը:

Ալիքն իր մեջ առավ մակույկը և հարմար խրեց ավազի մեջ:

— Դե՛, ախպերս, հիմա արդեն պրծանք: Հարկավոր է մակույկը մի քիչ հեռու քաշել, որ ալիքը շտանի: Կգան կվերցնեն: Իսկ ես ու դու՝ մնաս բարով... Այստեղից քաղաք ութ վերստ է: Դու էլի քաղաք ես վերադառնալու:

Չեկաշի երեսին շողում էր մի խորամանկ-բարեհոգի ժպիտ, և նա ինքն էլ ամբողջովին նման էր մի մարդու, որ մտածում է իր համար մի շատ հաճելի և Գավրիլայի համար անսպասելի բան անել: Ձեռքը գրպանը խրած՝ նա այնտեղ խշխշացնում էր թղթադրամները...

— Չէ... ես չեմ գնա... ես... — Գավրիլան շնչասպառ էր լինում, ինչ-որ մի բան խեղդում էր նրան:

Չեկաշը նայեց նրան:

— Այդ ի՞նչ ես տրորվում, — հարցրեց նա:

— Ոչինչ... — Բայց Գավրիլայի դեմքը մերթ կարմրում էր,

մերթ գունատվում, և նա ճմռթվում էր տեղում, ոչ այն է ցանկանալով նետվել Չեկաշի վրա, ոչ այն է՝ դրդված մի ուրիշ ցանկությունից, որը կատարելը դժվար էր նրա համար:

Չեկաշին դուր չեկավ երիտասարդի այս գրգռված վիճակը: Նա սպասում էր, թե ինչով կվերջանա այդ:

Հանկարծ Գավրիլան սկսեց ծիծաղել մի այնպիսի տարօրինակ ծիծաղով, որ նման էր հեկեկանքի: Նա գլուխը կախել էր ցած, Չեկաշը նրա դեմքի արտահայտությունը չէր տեսնում, հազիվ երևում էին միայն Գավրիլայի ականջները, որոնք մերթ կարմրում էին, մերթ գունատվում:

— Դե՛, գրողը տանի քեզ, — ձեռքը թափ տվեց Չեկաշը: — Ի՛նչ է, սիրահարվե՞լ ես ինձ: Տրորվում է աղջկա պես... Թե՞ ինձանից բաժանվելը դժվար է, է՛յ, խոխա՛: Դե ասա՛, ի՞նչ ես ուզում: Թե չէ՛՝ գնում եմ, հա՛...

— Գնում ե՞ս, — բարձր գոչեց Գավրիլան:

Ամայի ավազոտ ափը դողաց նրա կանչից, և ծովի ալիքներով ողողված ավազի դեղին շեղջերը կարծես հուզվեցին: Յրնցվեց և Չեկաշը: Հանկարծ Գավրիլան պոկվեց իր տեղից, նետվեց Չեկաշի ոտքերը, գրկեց երկու ձեռքով ու քաշեց իրեն: Չեկաշը երերաց, ծանրորեն նստեց ավազի վրա և ատամները կրճտացնելով՝ օդի մեջ թափով շարժեց բռունցք արած երկար ձեռքը: Բայց նա չհասցրեց հարվածել, ձեռքը կանգ առավ Գավրիլայի ամոթխած ու աղերսական շշուկից:

— Հոգա՛կս, անուշի՛կս... ինձ տուր այդ փողերը: Տուր ինձ, Քրիստոսի սիրուն: Քո ինչի՞ն են պետք... Ախր մի գիշերվա մեջ... միայն մի գիշերվա... Իսկ ինձ՝ տարիներ են պետք... Տուր ինձ... Աղոթք կանեմ քեզ համար... Երեք եկեղեցում մինչև մահս աղոթք կանեմ քո հոգու փրկության համար... Ախր դու քամուն ես տալու դրանք... Իսկ ես՝ հողին կտամ... Դե տուր ինձ... Ինչի՞դ է պետք... Քեզ համար ի՞նչ է որ դա... Միայն մի գիշեր՝ և դու հարուստ կլինես: Եվ մի բարի գործ արա: Ախր դու կորած մարդ ես... Ծուռ ճամփի վրա ես... Իսկ ես... օ՛... Տո՛ւր ինձ, աղաչում եմ:

Չեկաշը վախեցած ու զարմացած, շարացած նստել էր ավազին, մի փոքր ետ թեքված ու ձեռքերը հենած գետնին, նստել էր լուռ և աչքերը զարհուրելի շոնել երիտասարդի վրա, որը գլուխը նրա ծնկների մեջ խրած՝ շնչասպառ լինելով իր աղերսանքն էր շնչում: Վերջապես Չեկաշը ետ հրեց նրան, վեր



թոպւ տեղից և ձեռքը գրպանը խրելով՝ Գավրիլայի երեսին շարտեց թղթադրամները:

— Ա՛ռ, խժո՛խ՛ր... — գռչեց նա դողալով վրդովմունքից, սուր խղճահարուցիչունից և դեպի այդ ագահ ստրուկը տածած ատելութունից: Եվ փողերը նետելով՝ նա իրեն հերոս զգաց:

— Ես ինքս էի ուզում քեզ ավելին տալ: Երեկ մեղքս եկար: Գյուղը միտքս ընկավ... Մտածում էի՝ արի օգնեմ այս տղային: Սպասում էի, թե դու ի՛նչ կանես, կխնդրես, թե ոչ: Իսկ դու... է՛հ, փալաս: Մուրացկան... Բա կարելի՞ է փողի համար այդպես տանջել իրեն... Տխմա՛ր: Աչքածա՛կ շներ... Գլուխներդ կորցնում, հինգ կոպեկով ծախում եք ձեզ... —

— Աղավնյա՛կ... Քրիստոսի օրհնանքը քեզ վրա... Ախր էս ի՛նչ է հիմա իմ ձեռքին... հիմա ես... հարո՛ւստ եմ... — Ճվում էր Գավրիլան ցնծությամբ՝ դողալով ու փողը պահելով ծոցում: — Ախ, դու... սիրելիս... Մինչև մահ շեմ մոռանա քեզ... Կնոջս էլ, երեխաներիս էլ կպատվիրեմ, որ աղոթեն քեզ համար:

Չեկաշը լսում էր նրա ուրախ հեծկտանքները, նայում էր նրա ագահության ցնծութունից աղավաղված շողշողուն դեմքին և զգում, որ ինքը գող է, շրջմուխիկ, ամեն մի հարազատ բանից կտրված մարդ, բայց երբեք չի լինի այդպես ագահ ու ստոր, այդպես ինքն իրեն կորցրած: Երբեք ինքն այդպիսին չի լինի... Եվ այդ միտքն ու զգացողությունը, համակելով նրան իր ազատության գիտակցությամբ, պահում էին նրան Գավրիլայի մոտ, այդ ամայի ծովափին:

— Բախտավորացրիր դու թե՛ս, — գռչում էր Գավրիլան և բռնելով Չեկաշի ձեռքը՝ բռնում էր իր դեմքին:

Չեկաշը լուռ էր և գայլի նման բացել էր ատամները: Իսկ Գավրիլան շարունակում էր իր գեղումները:

— Ես էլ ի՛նչ էի մտածում: Երբ գալիս էինք այստեղ, մտածում էի՝ թիակով մի հասցնեմ սրա գլխին, այսինքն թե՛ քո գլուխին, ու փողերը վերցնեմ, իսկ սրան, այսինքն՝ քեզ, ծովը... հապա՛: Մտածում էի՝ ո՞վ պիտի իմանա: Իսկ թե գտնեն էլ, ո՞վ պիտի հարցնի, թե ով է արել: Այնպիսի մարդ չի, որ սրա համար աղմուկ բարձրանա... Ո՞ւմ է հարկավոր: Ո՞վ պիտի աշխարհում հետաքրքրվի սրանով:

— Ե՛տ սուր փողերը, — մռնչաց Չեկաշը՝ Գավրիլայի կողորդից բռնելով:

Գավրիլան փորձեց դուրս պրծնել, բայց Չեկաշի մյուս

ձեռքն էլ օձի նման փաթաթվեց նրան... Լսվեց պատովող շապկի ճոռոց. և Գավրիլան պառկած ավազի վրա՝ խելացնոր աչքերն էր շոնել, ձեռքի մատներով օդին էր կառչում ու ոտքերը թափահարում: Ուղղաձիգ, շոր ու գիշատիչ տեսքով կանգնած՝ Չեկաշը շարությամբ ատամները ցցած ծիծաղում էր բեկ-բեկ շարախինդ ծիծաղով, և նրա բեղերը ջղայնորեն թռչկոտում էին սակրոտ ու սուր դեմքին: Նրան երբեք իր ամբողջ կյանքում այդպես խիստ չէին ծեծել, և երբեք նա այդպես զայրացած չէր եղել:

— Հը՛, բախտավո՞ր ես հիմա, — ծիծաղի միջից հարցրեց նա Գավրիլային և մեջքը դարձնելով նրան՝ քայլեց քաղաքի կողմը: Բայց դեռ հինգ քայլ էր շէր արել, երբ Գավրիլան կատվի պես կռացավ, ոտքի թոպակ և ուժեղ թափ առնելով նրա վրա նետեց մի խոշոր կլոր քար ու գռչեց:

— Ա՛ռ քեզ...

Չեկաշը ճշաց, երկու ձեռքով բռնեց գլուխը, երերաց առաջ, շուռ եկավ դեպի Գավրիլան ու երեանիվայր ընկավ ավազի վրա: Գավրիլան քարացած նայում էր նրան: Ահա նա ոտքը շարժեց, փորձեց գլուխը բարձրացնել և ցնցվելով լարի պես ձգվեց: Այն ժամանակ Գավրիլան սկսեց փախչել հեռու, որտեղ մատախապատ տափաստանի վրա կախվել էր թավ ու սև մի ամպ, և որտեղ մուկն էր: Ալիքները խշշում էին՝ նետվելով ավազի վրա, խառնվելով նրանց հետ ու նորից ետ քաշվելով: Փոփառը թըշշում էր, և ջրի շիթերը թռչում էին օդի մեջ:

Սկսեց անձրև մաղել: Սկզբում բարակ, բայց հետո հորդացավ, և կաթիլները իջնում էին երկնքից բարակ շիթերով: Ջրի թելերից գոյացավ մի ամբողջ ցանց, որ միանգամից ծածկեց և՛ հեռավոր տափաստանը, և՛ ծովի հեռաստանը: Բայց ահա անձրևի միջից նորից երևաց Գավրիլան, որ վազում էր առաջ թռչունի նման: Մոտենալով Չեկաշին՝ ընկավ նրա առաջ և սկսեց շուռումուռ տալ նրան գետնի վրա: Նրա ձեռքը քսվեց կարմիր ու ջերմ թանձր հեղուկի... Նա ցնցվեց ու ետ նետվեց խելացնոր, գունատ դեմքով:

— Ախպերս, վեր կաց, — անձրևի աղմուկի մեջ շշնջաց նա Չեկաշի ականջին:

Չեկաշն ուշքի եկավ և Գավրիլային ետ հրելով խոպոտ ձայնով ասաց.

— Հեռու կորի՛ր...

— Ախպիրս, ներիր ինձ... այդ սատանան մղեց ինձ... — գողգողալով շնչում էր Գավրիլան՝ համբուրելով Չելկաշի ձեռքը։

— Գնա... Հեռացիր... — խոխուռում էր նա։

— Թողություն տուր հոգուս... Հարազատս... Ներիր ինձ... —

— Անիծ... կորիր այստեղից... գրողի ծոցը գնա, — հանկարծ գոչեց Չելկաշը և նստեց ավազի վրա։ Նրա դեմքը գունատ էր, շար, պղտոր աչքերը փակվում էին, ասես խիստ քնել էր ուզում։ — Էլ ի՞նչ ես ուզում։ Անելիքդ արիր... դե գնա՛, կորիր։ — Եվ նա ուզեց ոտքով խփել վշտաբեկ Գավրիլային, բայց չկարողացավ, և նորից գետին կրնկներ, եթե Գավրիլան չբռներ նրա ուսերից ու պահեր։ Այժմ Չելկաշի դեմքը Գավրիլայի դեմքի հետ կողք կողքի էին։ Երկուսն էլ գունատ էին ու սարսափահար։

— Թո՛ւ, — թքեց Չելկաշը Գավրիլայի լայն բացված աչքերին։

Գավրիլան հեզաբար թևքով սրբեց թուքը և շնչաց։

— Ինչ կուզես՝ արա... Ծպտուն չեմ հանի։ Ներիր ինձ, ի սեր Քրիստոսի։

— Շողո՛ւն... շնություն անել էլ չես կարողանում... — արհամարհանքով գոչեց Չելկաշը, բաճկոնի տակից պատռեց իր շապիկը և լուռ, մերթ ընդ մերթ ատամները կրճտացնելով, սկզբից փաթաթել իր գլուխը։ — Փողերը վերցրի՛ր, — ատամների միջից նետեց նա։

— Չեմ վերցրել, ախպիրս։ Հարկավոր չի ինձ... փորձանք է փողը...

Չելկաշը ձեռքը տարավ իր բաճկոնի գրպանը, հանեց թղթադրամների կապոցը, մի հարյուրանոց նորից դրեց գրպանը, իսկ մնացածը նետեց Գավրիլային։

— Վերցրու և գնա՛։

— Չեմ վերցնի, ախպիրս... Չեմ կարող։ Ներիր ինձ։

— Վերցրու, ասում եմ... — գոռաց Չելկաշը՝ զարհուրելի ուղրելով աչքերը։

— Ներիր... նոր կվերցնեմ... — երկշոտ ասաց Գավրիլան և փովեց Չելկաշի ոտքերի առաջ, անձրևից առատորեն թրջված խոնավ ավազի վրա։

— Սուտ ես ասում, կվերցնես, զարշեի՛ր, — վստահ ասաց Չելկաշը և մազերից բռնած՝ դժվարությամբ բարձրացրեց նրա գլուխը ու փողը դեմ արավ դեմքին։

— Վերցրո՛ւ, վերցրո՛ւ։ Հո գուր չես աշխատել։ Վերցրու, մի՛ վախիր։ Մի՛ ամաշիր, որ քիչ մնաց մարդ պիտի սպաննիր։ Ինձ պես մարդկանցով ո՞վ պիտի հետաքրքրվի։ Դեռ շնորհակալություն էլ կասեն, եթե իմանան։ Դե, վերցրո՛ւ։

Գավրիլան տեսավ, որ Չելկաշը ծիծաղում է, և թեթևությամբ զգաց։ Նա փողն ամուր սեղմեց ձեռքում։

— Ախպիրս, կներե՞ս ինձ, հը՞։ Չե՞ս ուզում, — արցունքն աչքերին խնդրում էր նա։

— Հարազատս... — Գավրիլայի եղանակով պատասխանեց Չելկաշը՝ ոտքի ելնելով ու օրորվելով։ — Ի՞նչ է եղել որ... Բան չկա։ Այսօր դու ինձ, վաղը՝ ես քեզ...

— Է՛հ, ախպիրս, ախպիրս... — վշտաբեկ հառաչեց Գավրիլան՝ գլուխն օրորելով։

Չելկաշը նրա առաջ կանգնած ժպտում էր տարօրինակ ձևով, իսկ նրա գլխի փաթաթանը ըստի առ ըստի կարմրելով նմանվում էր թուրքական ֆեսի։

Անձրևը թափվում էր հեղեղի պես։ Սովը խուլ մոնչում էր, ալիքները կատաղաբար ու ցատումով զարկվում էին ափերին։

Երկուսն էլ լուռ կանգնած էին։

— Դե՛, մնաս բարով, — ծաղրանքով ասաց Չելկաշը ու ճախապարհ ընկավ։

Նա երերում էր, ոտքերը դողում էին, և գլուխն այնպես տարօրինակ ձևով էր բռնել, որ կարծես վախենում էր կորցնի այն։

— Ներիր ինձ, ախպիրս... — կրկին խնդրեց Գավրիլան։

— Ոչի՛նչ, — սառն պատասխանեց Չելկաշը՝ ճանապարհ ընկնելով։

Նա քայլում էր օրորվելով, ձախ ձեռքի ափով գլուխը բռնած, իսկ աչքով՝ կամացուկ ձիգ տալով իր գորշագույն բեղը։

Գավրիլան նայում էր նրա ետևից, մինչև որ նա անհետացավ անձրևի մեջ, որն ավելի ու ավելի հորդանալով՝ թափվում էր ամպերից անթափանցելի, անվերջանալի բարակ շիթերով և տափաստանը պարուրում պողպատագույն անթափանց մշուշով։

Հետո Գավրիլան վերցրեց իր թրջված գլխարկը, խաչակրնքեց երեսը, նայեց բոի մեջ պինդ սեղմած փողերին, ազատ ու խոր շունչ քաշեց, փողերը ծոցը խրեց և լայն ու հաստատ քայլ լերով առաջ գնաց ծովի ափով, Չելկաշի գնացած կողմին հակառակ։

Մովը ոռնում էր, ծանր ու խոշոր ալիքները խփում առափնյա ավազին, փշրում և փրփրում, ցայտեր արծակում: Անձրևը ուժեղ խփում էր գետնին ու ջրին... ոռնում էր քամին... Ամեն ինչ շուրջը լի էր ոռնոցով, մռնչոցով ու դժոցով... Անձրևը ծածկել էր և՛ ծովը, և՛ երկինքը:

Շուտով անձրևն ու ալիքների ցայտերը լվացին կարմիր բիծն այնտեղ, որտեղ Չելկաշն էր պառկած, լվացին Չելկաշի հետքերը և երիտասարդի հետքերը առափնյա ավազի վրայից... Եվ ծովի ամայի ափին ոչ մի հետք չմնաց այն փոքրիկ դրամայից, որ տեղի էր ունեցել երկու հոգու միջև:

### ՄԻ ԱՆԳԱՄ ԱՇՆԱՆԸ...

...Մի անգամ աշնանը ես մի շատ անհարմար ու անխորժ դրություն մեջ ընկա: Մի օտար քաղաք էի եկել. ոչ մի ծանոթ չպատահեց, գրպանումս էլ փող չկար. և ես մնացի այդպես առանց բնակարանի ու առանց կոպեկի:

Առաջին օրերը ես ծախեցի հագուստիս մի մասը, որ կարելի էր ծախել: Հետո ուղևորվեցի դեպի նավահանգիստ, որ գտնվում է «Գևտաբերան» կոչվող հեռավոր քաղաքամասում: Նավագնացության ժամանակ այնտեղ կյանքը եռում է. մարդ հեշտությամբ կարող է իր համար գործ գտնել: Իսկ այդ ժամանակ ամեն ինչ դատարկ էր և խաղաղ, որովհետև արդեն հոկտեմբեր ամսվա վերջերն էին:

Ես թափառում էի միայնակ դատարկ շինությունների ու փոքրիկ տախտակամած խանութների միջև ու հագիվ էի շարժում հոգնած ոտքերս: Աչքերս գետնին հառած, ուզում էի այդ ցեխերի մեջ ուտելիքի որևէ մնացորդ գտնել և մտածում էի միևնույն ժամանակ, ինչ լավ բան է կուշտ լինելը...

Քաղաքակրթության ներկա պայմաններում հոգեկան քաղցն ավելի հեշտ կարելի է հագեցնել, քան մարմնականը: Դուք թափառում եք երկար փողոցներով. ձեր շուրջը բարձրանում են գեղեցիկ շինություններ, որոնց մասին ամենայն համարձակությամբ կարող եք ասել, որ նրանք նույնչափ գեղեցիկ են և ներսից. նույնչափ ճաշակով ու շքեղ կահավորված: Այդ բոլորը կարող է ձեր մեջ քաղցր մտածմունքներ առաջ բերել ճարտա-

րապետության, առողջապահության և էլի ուրիշ շատ մեծ-մեծ բաների մասին: Չեզ պատահում են տաք և գեղեցիկ հագնված մարդիկ. նրանք անչափ բարի են և քաղաքավարի. նրանք ամենայն զգուշությամբ խույս են տալիս ձեզանից, որպեսզի չնկատեն ձեր ցավալի գոյությունը... Աստված վկա, քաղցած մարդու հոգին ավելի լավ է կերակրվում միշտ, քան կուշտ մարդունը: Ահա ձեզ մի դրություն, որից կարելի է շատ սրամիտ եզրակացություն դուրս բերել կուշտ մարդկանց օգտին:

...Գիշերը մոտենում էր: Անձրև էր գալիս, և հյուսիսից մռնչալով փչում էր քամին: Նա կատաղի շվվոց էր բարձրացնում դատարկ մնացած փայտաշեն խանութներում և ծեծում էր հյուրանոցների տախտակած պատուհանները: Գետի ալիքները նրա հարվածներից ուռչում ու փրփրում էին և կատաղի արագությամբ, միմյանց վրա թռչելով, շտապում, անհայտանում էին մթության մեջ... Կարծես գետը զգում էր, որ ձմեռը մոտենում է, և վախեցած փախչում էր սառույցի կաշկանդող շղթաներից, որ հենց այդ գիշեր կարող էր գցել նրա վրա հյուսիսային քամին: Երկինքը թանձր էր ու խավար, այնտեղից անընդհատ տեղում էին անձրևի մանր կաթիլներ... Քիչ հեռվում նշմարվող երկու շորացած ու ծոված ծառերը և նրանց մոտի՛ կողքի վրա ընկած նավակը լրացնում, ընդգծում էին բնության այդ տխուր տեսարանը:

Հատակը կոտրված, շուռ եկած նավակ և սառը քամուց կողպտված, ծեծված ու ծերացած ծառեր... Շուրջս ամեն ինչ ավերվել ու անապատ է դարձել. երկինքը շարունակում է սզալ, արտասուել: Մռայլ է և դատարկ ամեն ինչ: Կարծես ամեն բան իմ շուրջը սկսել է մեռնել. շուտով միմիայն ես պետք է մնամ կենդանի, իսկ հետո ինձ էլ սպասում է նույն սառը մահը...

Այդ ժամանակ ես 17 տարեկան էի — երանելի ժամանակ...

Ես երկար թափառեցի սառն ու խոնավ ավազներով, ատամներիս կրճտոցով շատ երգեր հյուսեցի սովի ու ցրտի պատվին, և հանկարծ փոքրիկ խանութներից մեկի ետևը տեսա մի փոքրիկ, կծկված ու գետնին կպած կանացի մարմին: Անձրևից թրջված շորերը կպել էին նրա կուցած ուսերին: Ես մոտեցա նրան ու սկսեցի դիտել: Նա ձեռքով փորում էր թաց ավազը և ուզում էր, ըստ երևույթին, անցք բանալ դեպի խանութի ներսը...

— Այդ ինչի՞ համար ես փորում,— հարցրի ես, նստելով կողքին:

Նա մի ճիշտ արձակեց և վեր թռավ: Այժմ, երբ նա, դիմացս կանգնած, վախեցած նայում էր ինձ իր լայն բացած կապույտ աչքերով, ես տեսա, որ դա իմ հասակակից մի աղջիկ է, վերին աստիճանի գրավիչ դեմքով, որը, դժբախտաբար, զարդարված էր երեք հատ մեծ կապույտ բծերով: Այդ մի փոքր փշացնում էր տպավորությունը, թեև կապտածները շատ կանոնավոր էին դասավորված՝ մի-մի հատ հավասար շափի աչքերի տակը և մի հատ ճակատի մեջտեղը: Երևում էր, որ խփողի ձեռքը կատարելագործվել է մարդկային դեմքեր փշացնելու արհեստում:

Աղջիկը նայում էր ինձ, և նրա աչքերում փայլող երկյուղը հետզհետե մարում, անհայտանում էր... Ահա նա ավազոտ ձեռքերը թափ տվեց, ուղղեց գլխի շիթ աղլուխը, կծկվեց ու ասաց.

— Ինչպես տեսնում եմ, դու էլ ես սոված... դե, մի փոքրիկ տեսնենք... Իմ ձեռքերը հոգնել են: Այնտեղ,— նա գլխի շարժումով ցույց տվեց խանութը,— անպատճառ հաց կլինի, գուցե և երշիկ: Այս խանութում դեռ առևտուր կա...

Ես սկսեցի փորել. իսկ նա մի քիչ կանգնեց, նայեց ինձ, հետո նստեց իմ կողքին և սկսեց օգնել...

Մենք լուռ աշխատում էինք:

Ես չեմ կարող հիմա հաստատ ասել, հիշո՞ւմ էի արդյոք այդ ժամանակ քրիական օրենքների հաստատփոր ժողովածուն. բարոյագիտություն, սեփականության իրավունք և այլ այսպիսի բաներ... որոնք, ինչպես ասում են իմաստուն մարդիկ, երբեք չպետք է մոռանալ կյանքում, ոչ մի դիպվածում... Որպեսզի կարելույն չափ մոտ լինեմ ճշմարտությանը, խոստովանում եմ ես, կարծեմ, այնքան տարվել էի փորելով, որ ամեն բան մոռացել էի, բացի... այն բանից, ինչ որ կարող էի գտնել խանութում:

Արդեն մթնում էր: Թաց ու ցուրտ խավարը հետզհետե թանձրանում էր իմ շուրջը: Ալիքների աղմուկը հետզհետե խլանում էր, իսկ անձրևը ավելի ու ավելի ուժգին ծեծում էր նավակի տախտակները... Հեռվից լսվում էր գիշերապահի ճշանակի տխուր ու մեղամաղձոտ ձայնը...

— Հատակը տախտակած չի՞ լինի արդյոք,— կամաց հարցրեց ինձ իմ օգնականը: Ես չհասկացա ինչի մասին է հարցնում և լռեցի:

— Գուցե տախտակած է... Այդ ժամանակ մեր շարժարանքը իզուր կլինի. հողը կփորենք, կհասնենք տախտակներին, հե-

տո՞... Ավելի լավ է կողպեքը կոտրենք... Թույլ կողպեք է երեւում...

Լավ մտքերը շատ սակավ են ծագում կնոջ գլխում, բայց և այնպես... ծագում են, ինչպես տեսնում եք: Ես միշտ գնահատել եմ լավ մտքերը և աշխատել եմ կարելույն չափ օգտվել նրանցից:

Կողպեքը գտա, քաշեցի և դուրս պոկեցի իր օղակների հետ միասին... Ընկերուհիս իսկույն օձի պես գալարվեց ու ներս սողաց խանութ՝ բացված քառանկյունի անցքով:

— Կեցցե՛ս, տղա,— բացականչեց նա ներսից:

Կնոջ մի փոքրիկ գովասանքը ինձ համար ավելի արժե, քան տղամարդու երկար գովաբանությունը, կուզեք լինի այդ տղամարդը նույնիսկ ավելի պերճախոս, քան բոլոր հին ու նոր հոե-տորները միասին վերցրած: Բայց այն ժամանակ տրամադրությունս այսքան լավ չէր. և ես, առանց ուշադրություն դարձնելու ընկերուհուս սիրախոսության վրա, կարճ ու վախեցած հարցրի՝

— Բան կա՞...

Նա միապաղաղ ձայնով սկսեց թվել իր գյուտերը.

— Մի զամբյուղ... շշերով, դատարկ տոպրակներ... մի հովանոց... մի երկաթե դույլ...

Դրանցից ոչ մեկը չէր կարելի ուտել:

Ես զգում էի, որ հույսերս չբանում են:

...Բայց հանկարծ նա ուրախ բացականչեց.

— Ահա... ա՛յ որտեղ է:

— Ո՞վ:

— Հացը... մի բոմբի... միայն թրջված է, վերցրու...

Բոմբին ընկավ ոտքերիս մոտ, իսկ քիչ հետո հայտնվեց և ինքը՝ հարգելի ընկերուհիս: Ես իսկույն մաս-մաս արի հացը և սկսեցի ազահ-ազահ ուտել...

— Դե ինձ էլ տուր տեսնենք... Եվ պետք է այստեղից հեռանալ... ո՞ւր գնանք...

Նա ուշադրությամբ նայեց շորս կողմը:

— Այ, ինչ-որ նավակ է երևում, գնանք նրա տակը նստենք:

— Գնանք:

Եվ մենք ուղևորվեցինք դեպի նավակը: Երկուսս էլ ազահու-թյամբ լափում էինք մեր ավարը: Գետը մոռնում էր, անձրևը հետզհետե մեծանում... Մի ինչ-որ տեղից երկար ու սուր շվվոց էր լսվում, կարծես մեկը, ինչ-որ հզոր ու ոչ ոքից չվախեցող մի

էակ, սուլում ու ծաղրում էր մեր աշխարհի կարգերը, այդ անպիտան աշնանային երեկոն և մեզ՝ այդ երեկոյի երկու հերոսներին... Միրոս կծկվում ու նվում էր այդ շվվոցից: Այնուամենայնիվ, ես մեծ ախորժակով ուտում էի հացը: Բարեկամուհիս ետ շէր մնում ինձանից, և մենք այդպես մոտենում էինք նավակին:

— Անունդ ի՞նչ է,— չգիտեմ ինչու հարցրի ես:

— Նատաշա,— պատասխանեց նա անտարբեր եղանակով: Ծս նայեցի նրան և սաստիկ ցավ զգացի սրտիս մեջ: Հետո հայացքս ուղղեցի դեպի իմ առաջ ընկած մթությունը, և ինձ թվաց, որ բախտիս միշտ հեգնոտ ու ալլանդակ դեմքը խորհրդալուր կերպով նայում է ինձ ու ժպտում...

...Անձրևը շարունակում էր ծեծել նավակի կողերը, և նրա մեղմ շփշփոցը տխուր մտածմունքներ էր առաջացնում իմ մեջ: Քամին շվվոցով ներս էր խուժում հատակի մի ճեղքից, որտեղ մի փոքրիկ տաշեղ, քամու շնորհիվ, շարունակ ինչ-որ անհանգիստ ու ողբալի ձայներ էր հանում: Գետի ալիքները ճողփում էին ափերը և նույնպես ողբալի ու հուսակտուր ձայներ էին հանում: Նրանք կարծես մի ինչ-որ բան էին պատմում, որ վաղուց ձանձրացրել, զզվեցրել է նրանց, մի սրտամաշուկ բան, որից նրանք կուզենային փախչել, բայց որի մասին դեռ անհրաժեշտ էր երկար խոսել, պատմել... Անձրևի շփշփոցը միանում էր ալիքների աղմուկի հետ, և նավակի շուրջը, գորշ մթության մեջ, մի երկար հառաչ էր լսվում. դա՝ բնության անմիտ կատակներից զզված, ամառվա ու աշնան, տաքի ու ցրտի, արևի ու անձրևի անվերջ փոփոխություններից նեղացած ու հոգնած՝ ծերուկ երկրագնդի երկար ու ծանր հառաչն էր... Քամին էլ իր շառաչյունով տխուր, հուսահատ երգեր էր հորինում ու տարածում գետի ալիքների և նրա սև ու անբնակ ափերի վրա...

Մեր տեղը, նավակի տակը, զուրկ էր հարմարություններից. նեղվածք էր ու խոնավ. կոտրված հատակից մեզ դիպչում էին անձրևի ցուրտ կաթիլները. քամին անտանելի էր: Մենք լուռ նստել, դողում էինք: Հոգնածությունից աչքերս փակվում էին: Նատաշան մեջքը դեմ էր տվել նավակի կողքին և կուշ եկել, մի փոքրիկ գունդ էր դարձել: Մնկները ձեռքերով գրկած ու կզակը հենած նրանց վրա, նա անթարթ նայում էր գետի կողմը, և նրա մեծ ու լայն բացած աչքերը ավելի ևս մեծ էին երևում իրենց տակի կապտածների շնորհիվ: Նա բուրբուրով շէր շարժվում, և

այդ անշարժությունն ու լուսթյունը, զգում էի, կամաց-կամաց ինչ-որ ահ էր գցում սրտիս մեջ. ես վախենում էի իմ հարևանուհուց... Ուզում էի խոսել նրա հետ, բայց չգիտեի ինչպես սկսել:

Նա ինքը խոսեց:

— Ախ, անիծյալ կյանք...— պարզ ու որոշ արտասանեց նա:

Եվ դա գանգատ շէր բախտից: Նրա ձայնի մեջ այնքան անտարբերություն կար, որ շէր կարելի ասածը գանգատի տեղ ընդունել: Երևում էր, որ մարդն ուղղակի մտածել է կյանքի մասին և եկել է մի որոշ եզրակացության, որ և հայտնում է այժմ, և որին ես չէի կարող պատասխանել առանց կեղծելու, առանց հակասելու ինձ: Ծս լուռ էի, իսկ նա կարծես շէր էլ նկատում ինձ, առաջվա պես անշարժ նստած էր:

— Մարդ չի էլ սատկում, պրծնի...— նորից խոսեց Նատաշան. այս անգամ կամաց և մտազբաղ: Եվ դարձյալ գանգատի ոչ մի նշույլ: Գարձյալ երևում էր, որ մարդը մտածել է կյանքի մասին, նայել է իր վրա և հանգիստ հոգով եկել է այն եզրակացության, որ իր անձը կյանքի ծաղրից ու կատակներից ազատելու համար նա մի բան միայն կարող է անել — «սատկել»...

Մտքի այդչափ ճշտությունը և պարզությունը սիրտս լցրեց անասելի ցավով ու զզվանքով, և ես զգում էի, որ, եթե շարունակեմ լռել, լաց պետք է լինեմ... Իսկ դա ամոթ կլիներ մի կնոջ առջև, մանավանդ որ նա ինքն ահա լաց շէր լինում: Ծս վճռեցի խոսել:

— Ո՞վ է թակել քեզ,— հարցրի ես, որովհետև չկարողացա ուրիշ, ավելի մարդավարի խոսք գտնել:

— Պաշկեն, ուրիշ ո՞վ պիտի լինի,— պարզ ու հանգիստ պատասխանեց նա:

— Պաշկան ո՞վ է:

— Իմ սիրեկանը... մի հացթուխ:

— Շա՞տ է ծեծում քեզ...

— Շատ... ամեն հարբելիս ծեծում է:— Եվ հանկարծ նա ավելի մոտեցավ ինձ ու սկսեց Պաշկի, իր և իրենց հարաբերությունների մասին երկար պատմություն անել: Ինքը «փողոցն ընկած աղջկերանցից է, որոնք... և այլն», իսկ նա մի շեկ բեղերով, լավ հարմոն ածող երիտասարդ է: Նա հաճախ այցելելիս է եղել «հասարակաց տունը» և իր ուրախ բնավորությամբ ու գեղեցիկ շորերով, իր «դարսովի» կոշիկներով ու 15 ուրբլիանոց վերարկուով գրավել է Նատաշայի սիրտը: Այդ ժամանակվա-

նից Պաշկեն սկսել է մշտապես «նիսիա օգտվել»... և երբ հաստատվել է այդ դերում, սովորութիւնն է դարձրել իր համար վերցնել նատաշայից այն փողերը, որ ուրիշ հյուրերը առանձին տալիս են եղել նրան իբրև նվեր, հարբել այդ փողերով և հետո գալ ծեծել նատաշային... Բայց այդ դեռ ոչինչ. նա սկսել էր նատաշայի առաջ «բարձր փոխել», ուրիշ աղջկերանց հետևից ընկնել...

— Դե դու ասա, սրտիս չէ՞ր դիպչի այդ... Ուրիշներից ես ինչո՞վ եմ պակաս... Նշանակում է ես նրա համար խաղալիք էի, ծաղրի առարկա... ստոր արարած: Անցյալ օրն իրավունք վերցրի խաղեյկայից, որ գնամ զբոսնելու. եկա նրա մոտ, տեսնեմ Դունկեն հարբած-տրաքված նստած է նրա սենյակում: Ինքն էլ, իհարկե, հարբած էր: Ասում եմ՝ «ա՛յ ստոր արարած, ստոր, խաբեբա...»: Նա վրա ընկավ ինձ ու սկսեց ծեծել. ի՞նչ մազերից քարշ տալ հատակի վրա, ի՞նչ ոտքերի տակ գցել, ջարդել... մի սաղ տեղ չթողեց... Եվ այդ դեռ էլի ոչինչ, շորերս ամբողջովին պատառոտեց... Ահա, նայիր սրանց: Հիմա ես ո՞ր քարովը տամ գլուխս, ինչպե՞ս երևամ խաղեյկային: Բոլորը պատառոտեց, շորերս էլ, թիկնոցս էլ... բոլորովին նոր էր թիկնոցս, հինգ ռուբլի էի տվել... գլխակապս էլ պոկեց... Ախ, աստված, հիմա ես ի՞նչ անեմ,— վայ տվեց նա հանկարծ վշտացած ու խեղդվող ձայնով:

Վայ էր տալիս նույնպես հետզհետե սաստկացող քամին... Ատամներս նորից սկսեցին պար գալ: Նա էլ կուշ էր գալիս ցրտից և արդեն այնքան մոտեցել էր ինձ, որ ես կարողանում էի մթության մեջ տեսնել նրա փայլող աչքերը:

— Ինչ գարշելի բաներ եք բոլոր տղամարդիկդ,— խոսեց նա նորից: Ոտքերիս տակը կգցեի ձեզ բոլորիդ... Որ մեկը առաջիս սատկելիս լիներ ձեզանից, երեսին կթքեի, չէի խղճա... կեղտոտ խոզեր... Վնասում եք, վնասում, պոչներդ ժած տալիս շան նման, և հենց որ ինձ պես մի անխելքը ձեռքերդ ընկնի, պատրաստ եք իսկույն ոտնատակ տալ... գծուժ անասուններ...

Նրա հայհոյանքները շատ պես-պես էին, բայց ուժ չկար մեջները, ոչ բարկություն և ոչ ատելություն դեպի այդ «գծուժ անասունները»: Ընդհանրապես նրա խոսակցության տոնը շատ հանգիստ էր, բոլորովին չէր համապատասխանում ասածների մտքին և շատ աղքատ էր ձայնի ելևէջներով:

Բայց և այնպես դա ինձ վրա ավելի էր ազդում, քան մինչև այդ ժամանակ իմ լսած բոլոր հոռետեսական ճառերն ու կարդացած գրքերը: Այդպես է, մեռնողի մի ճիգը ավելի քնական է, ավելի ուժեղ ու ցնցող, քան մահվան ամենագեղարվեստական ու ամենաստույգ նկարագրությունը:

Սիրտս շատ վատ էր, գուցե ավելի ցրտից, քան թե հարևանուհու ճառերից: Ես ակամայից մի ծանր ու երկար տնքոց արձակեցի ու ատամներս կրճատացրի:

Հենց նույն վայրկյանին երկու ձեռք փաթաթվեցին գլխովս, և ես լսեցի մի քաղցր ու մեղմ կարեկցությամբ հնչող ձայն:

— Հը, ի՞նչ պատահեց քեզ...

Ես պատրաստ էի ենթադրել, որ այդ հարցը տալիս է ինձ ոչ թե նատաշան,— որը մի րոպե առաջ բոլոր տղամարդկանց գարշելի արարածներ հայտարարեց ու այնքան հայհոյեց բոլորին,— այլ մի ուրիշը. բայց նա նորից սկսեց խոսել, և այս անգամ ավելի շուտ-շուտ:

— Ի՞նչ կա, հը՞, հո չե՞ս մրսում. սառե՞լ ես... ա՛յ անպիտան, նստել ես ու լռել. ինչո՞ւ չէիր ասում, որ մրսում ես: Դե պառկիր, ձգվիր... ես էլ կպառկեմ: Հա, այսպես, հիմա գրկիր ինձ, լավ գրկիր: Տեսնո՞ւմ ես ինչ լավ է. հետո մեջք մեջքի կպառկենք, այսպես գիշերը կանցնի... Երևի գինու ես տվել չլուխդ... թե՞ տեղից դուրս են արել... Բան չկա...

Նա ինձ մխիթարում էր, սիրտ էր տալիս:

Օ՛, երիցս անգամ նզովյալ լինեմ ես: Որպիսի հեզություն կյանքի կողմից: Երևակայեցեք. այդ ժամանակ ես ամենալուրջ կերպով զբաղված էի մարդկության ապագայի խնդրով. ես երազում էի սոցիալական բարենորոգումների, քաղաքական մեծ-մեծ հեղափոխությունների մասին. խոր-խոր գրքեր էի կարդում, որոնց մեջ հայտնած մտքերը, թվում էր, շեն կարողանում լավ ըմբռնել նույնիսկ իրենց հեղինակները... Ես պատրաստվում էի մի «խոշոր ներգործող հասարակական ուժ» դառնալ, և ինձ թվում էր, որ մասամբ արդեն հասել եմ իմ նպատակին: Համենայն դեպս այդ ժամանակները ես երևակայում էի, որ ես մի բացառիկ իրավունք ունեմ ապրելու, որպես կյանքի համար մի անհրաժեշտ մեծություն, որպես պատմության մեջ խոշոր դեր կատարելու ընդունակ մի մարդ...

Եվ ինձ էր, որ տաքացնում էր իր մարմնով պատիվը ծախած մի կին, մի անբախտ, ջարդված ու տրորված էակ, որը

ոչ տեղ ունի կյանքում, ոչ գին, և որին ես գլխի շնչակ օգնելու, այնինչ ինքը ինձ ահա օգնում էր... Իսկ եթե գլխի էլ ընկնելի, հազիվ թե կարողանայի որևէ կերպով օգնել նրան:

Ա՛խ, ես կուզեի որ այդ բոլորը մի երազ լիներ, մի հիմար ու ճնշող երազ...

Բայց, ավաղ... Անձրևի ցուրտ կաթիլները շարունակում էին թափվել ինձ վրա. կուրծքս կպած էր մի ուրիշ տաք կրծքի, երեսս շոյում էր նրա տաք շնչառությունը... մի քիչ օղեշունչ, բայց այնքան կենդանարար...

Քամին ոռնում ու հևում էր, անձրևը ծեծում էր նավակի տախտակները, ալիքները հևում ու աղմկում էին: Մենք կայել էինք միմյանց, բայց դարձյալ դողում էինք ցրտից: Եվ այդ բոլորը... իրականություն էր:

Իսկ Նատաշան դեռ ինչ-որ խոսում էր, և այնպիսի քաղցր ու կարեկից ձայնով, ինչպես միայն կանայք կարող են խոսել: Այդ գզվող ու շոյող խոսքերից կրծքիս տակ մի ինչ-որ տաքություն առաջացավ, և այդ տաքությունից մի ծանր բան հալվեց ու ընկավ սրտիս վրայից: Այդ ժամանակ արտասուքի մի հեղեղ թափվեց իմ աչքերից, որը սրբեց, տարավ այն բոլոր կեղտը, վիշտն ու շարությունը, որով լցվել էր սիրտս այդ գիշերվա ընթացքում:

Իսկ Նատաշան խոսում, համոզում էր ինձ.

— Դե, բավական է, սիրելիս, ինչքան լաց լինես. բավական է: Աստծով, ամեն բան կանցնի, կլավանաս, նոր գործ կգտնես... բոլորը կանցնի...

Եվ շարունակ համբուրում էր ինձ... համբուրում էր անթիվ, անհամար ու ջերմ համբույրներով:

Այդ առաջին կնոջ համբույրներն էին, որ մատուցանում էր ինձ կյանքը, և, պետք է ավելացնել, այդ ամենալավ համբույրներն էին իմ կյանքում, որովհետև բոլոր մնացածները ոչինչ չէին տալիս իմ հոգուն, չնայած որ շատ ու շատ ավելի թանկ էին նստում ինձ...

— Դե սուս, ասում եմ... Ես վաղը քեզ համար մի տեղ կանեմ, գործ կճարեմ... — կարծես երազում լսում էի նրա քաղցր շշուշուրը:

...Մինչև լույս մենք այդպես գրկված, պառկած էինք:

Իսկ երբ որ լուսացավ, դուրս եկանք նավակի տակից և

գնացինք քաղաք... Հետո բարեկամաբար բաժանվեցինք միմյանցից...

Դրանից հետո ես այլևս երբեք չեմ պատահել Նատաշին, թեև ամբողջ մի կես տարի փնտրել եմ նրան քաղաքի բոլոր մութ խորշերում... նրան, իմ աննման Նատաշին, որի հետ ես անց կացրի այդ գիշերը, մի անգամ աշնանը...

Եթե նա մեռել է արդեն, որ շատ լավ կլիներ նրա համար, թող հանգչին հանգիստ նրա ոսկորները, իսկ եթե դեռ կենդանի է, խաղաղություն նրա տանջվող հոգուն. և թող երբեք նրա մեջ շարթնանա իր անկման գիտակցությունը... որովհետև այդ կլիներ նրա համար մի նոր, ավելորդ ու անպտուղ տանջանք...

## ՔԱՆՎԵՑ ՏՂԱՄԱՐԿ ԵՎ ՄԻ ԱՂԶԻԿ

### Պ Ո Ւ Մ

Քսանվեց հոգի էինք, քսանվեց կենդանի մեքենաներ, փակված մի խոնավ նկատում, որտեղ առավոտից մինչև երեկո խմոր էինք հունցում, նրանից կրենդել ու շորաբլիթ շինելով: Մեր նկուղի պատուհանները բացվում էին մի փոսի վրա, որ փորված էր պատուհանների առաջ և ներսից պատած էր խոնավությունից կանաչագունած աղյուսով: Պատուհանների փեղկերը դրսից պատած էին երկաթե խիտ վանդակով, իսկ ապակիների վրա այնքան ալյուրի փոշի էր նստել, որ արևի լույսը չէր կարողանում նրանց միջով թափանցել մեր նկուղը: Մեր տերը պատուհանները պատել էր երկաթով, որպեսզի մենք չկարողանանք իր հացից մի կտոր տալ աղքատի կամ մեր այն ընկերներին, որոնք, աշխատանք չունենալով, քաղցած էին: Մեր տերը մեզ ժուլիկ էր անվանում և ճաշին մսի փոխարեն տալիս էր հոտած փորոտիք:

Մենք խեղդվում էինք այդ նեղ, քարե տուփի մեջ, որի ցածր ու ծանր առաստաղը պատած էր մրով ու ոստացնով: Մեզ ճընշում ու զզվանք էին պատճառում այդ հաստ պատերը, որոնք նախշված էին կեղտի ու բորբոսի բծերով... Մենք վեր էինք կենում առավոտյան ժամը հինգին՝ քնից չկշտացած և բթացած ու անտարբեր. ժամը 6-ին արդեն սեղան էինք նստում կրենդելներ շինելու խմորից, որ մեզ համար պատրաստած էին լիճնամ մեր ընկերները դեռևս մեր քնած ժամանակ: Եվ ամբողջ

որը, առավտից մինչև երեկոյան ժամը տասը, մեզանից ումանք սեղանի առաջ նստած՝ ձեռքերով խմոր էին օխլավում ու օրորվում, որպեսզի չփայտանան, իսկ մյուսներն այդ ժամանակ ալյուրի վրա շուր էին լցնում ու շաղախում: Եռացող ջուրն ամբողջ օրը տխուր ու միօրինակ մոլտում էր կաթսայում, որտեղ կրենդեկներ էին խաշվում, և հացթուփի թին շարացած ու արագ քսքստացնում էր փոան ցածի գոգին՝ խմորի խաշված լարծուն կտորները տաք աղյուսների վրա նետելով: Առավտից մինչև երեկո փոան մի կողմում փայտ էր վառվում, ու բոցի կարմիր արտափայլը թրթռում էր արհեստանոցի պատի վրա՝ կարծես թե անխոս մեզ վրա ծիծաղելով: Ահագին վառարանը նման էր հեքիաթային հրեշի ալյանդակ գլխի, որը կարծես թե դուրս էր եկել հատակի տակից, բացել վառ կրակով լի իր լայն երախը, տապ էր շնչում մեր կողմը և իր ճակատագլխի օդանցքների երկու սև խոռոչներով նայում էր մեր անվերջ աշխատանքին: Այդ երկու խոր խոռոչներն ասես աչքեր լինեին, հրեշի անողոք ու անկիրք աչքեր, որոնք նայում էին միշտ նույն մռայլ հայացքով, կարծես ստրուկներին նայելուց հոգնելով ու նրանցից ոչ մի մարդկային բան չսպասելով՝ իմաստուն, սառն արհամարհանքով էին արհամարհում նրանց:

Օրը օրին, ալյուրի փոշու, դրսից մեր ոտքերի հետ բերած ցեխի մեջ կորած, թանձր, գարշահոտ, խեղդող օդ շնչելով, մենք օխլավում էինք խմորը և կրենդեկներ շինում, դրանք մեր քրոտինքով թրջելով, և ատում էինք մեր աշխատանքը խոր ատելովյամբ, որովհետև մենք երբեք չէինք ուտում այն, ինչ մեր ձեռքերով էինք շինում, սև հացը կրենդեկից գերադասելով: Երկար սեղանի շուրջը նստած ինն հոգի իննի դիմաց՝ մենք երկար ժամանակ մեխանիկորեն շարժում էինք մեր ձեռքերն ու մատները և այնքան էինք վարժվել մեր աշխատանքին, որ երբեմն արդեն մեր շարժումներին չէինք էլ հետևում: Եվ այնքան էինք դիտել իրար, որ յուրաքանչյուրս գիտեր մյուս ընկերների երեսի բոլոր կնճիռները: Մենք խոսելու բան չունեինք, վարժվել էինք դրան, ամբողջ ժամանակ լուռ էինք՝ եթե իրար չէինք հայհոյում, որովհետև մարդու, մանավանդ ընկերոջը հայհոյելու առիթ միշտ կլիներ: Բայց իրար հայհոյելն էլ մեզ մոտ հազվադեպ էր լինում. ինչո՞ւմ կարող է մեղավոր լինել մի մարդ, եթե նա կիսամեռ վիճակում է, եթե ապուշի պես բուրժ է ու անհասկացող, եթե աշխատանքի ծանրությունը ճնշել է նրա բոլոր

զգացմունքները: Բայց լուսթյունը սարսափելի ու տանջալից է միայն նրանց համար, ովքեր արդեն ասել են ամեն ինչ և էլ ասելու բան չունեն, իսկ այն մարդիկ, որոնք իրենց խոսքը դեռ չեն ասել, նրանց համար լուրը շատ հասարակ ու հեշտ բան է... Երբեմն մենք երգում էինք, և մեր երգն սկսվում էր այսպես. աշխատանքի ժամանակ մեկը հանկարծ տնքում էր հոգնած ձիու ծանր տնքոցով ու ցածրաձայն երգում մեկն այն երկարածիգ երգերից, որոնց մղկտալի-փաղաքշական եղանակը միշտ թեթևացնում է երգողի հոգին: Երգում էր մեզանից մեկը, իսկ մենք սկզբում լուռ լսում էինք նրա մենավոր երգը, որը մարում ու խլանում էր նկուղի ծանր, ճնշող առաստաղի տակ, ինչպես տափաստանային խարույկի փոքրիկ կրակն աշնանային խոնավ գիշերին, երբ գորշ երկինքը կախվում է երկրի վրա ինչպես կապարե տանիք: Հետո երգողին միանում էր մեկ ուրիշը և արդեն ցածր ու թախծոտ երկու ձայն էր լողում մեր նեղ փոսի խեղդող օդում: Ու հանկարծ միանգամից մի քանի ձայներ էին զլում երգը, որը փրփրում էր, ինչպես ալիք, ուժեղանում, բարձրաձայն էր հնչում և ասես ետ մղում մեր քարե բանտի խոնավ, ծանր պատերը...

Երգում էինք բոլոր քսանվեց մարդիկս. բարձրահնչյուն, վառ դուց միմյանց ներդաշնակված ձայները լցնում էին արհեստանոցը, և այն նեղ էր լինում երգի համար. երգը զարնվում էր պատերի քարին, տնքում, լալիս ու կենդանացնում էր մեր սիրտը մի մարմանդ, խտրեցնող ցավով, նորոգում էր մեր հին ցավերը և կարոտ զարթեցնում... Երգիչները խոր և ծանր թառանջ էին արձակում, որևէ մեկը անսպասելի կերպով ընդհատում էր երգը և երկար լսում, թե ընկերներն ինչպես են երգում, ապա նորից էր իր ձայնը խառնում ընդհանուր ալիքին: Մեկ ուրիշը կարոտով է՛հ կանչելով՝ երգում էր աչքերը փակած, և գուցե երգի հնչյունների թանձր, լայն ալիքը նրան պատկերանում էր իբրև ինչ-որ հեռու տեղ տանող մի ճանապարհ՝ վառ արևի լույսով լուսավորված մի լայն ճանապարհ, ու նա իրեն տեսնում էր այդ ճանապարհով ընթանալիս...

Վառարանի բոցը շարունակում էր թրթռալ, հացթուփի թին շարունակում էր քսքստացնել աղյուսի վրա, ջուրը մոլտում էր կաթսայում, և կրակի արտափայլն առաջվա պես թրթռում էր պատի վրա ու լուռ ծիծաղում... Իսկ մենք ուրիշի խոսքերով երգում էինք մեր բուրժ վիշտը, արևից զրկված կենդանի մարդ-



կանց ծանր թախիծը, ստրուկ մարդկանց թախիծը: Ահա այսպես էինք ապրում մենք՝ քսանմեկ մարդիկս քարտշեն մեծ տան նկուղում, և կյանքը մեզ համար այնքան ծանր էր, որ ասես այդ տան բոլոր երեք հարկերն էլ կառուցված էին ուղղակի մեր ուսերի վրա...

Բայց երգերից բացի, մենք ունեինք էլի մի լավ, մեր կողմից սիրված, գուցե և մեզ համար արեւին փոխարինող բան: Մեր տան երկրորդ հարկում տեղավորված էր ոսկեկարի մի արհեստանոց և այնտեղ, բազմաթիվ աղջիկ վարպետների շրջանում, ապրում էր տասնվեցամյա սպասուհի Տանյան: Հաշտից դեպի մեր արհեստանոցը տանող դռան մեջ բացված պատուհանիկի ապակուն ամեն առավոտ հավում էր երկնագույն ուրախ աչքերով մի փոքրիկ, վարդագույն դեմք, և նրա հնչեղ փաղաքշական ձայնը կանչում էր մեզ.

— Բանտարկյալնե՛ր, կրենդեղիկներ տվե՛ք:

Մենք բոլորս դառնում էինք դեպի այդ հստակ ձայնը և խնդազին, բարեսրտորեն նայում աղջկական այդ մաքուր երեսին, որ այնպես լավ էր ժպտում մեզ: Մեզ համար հաճելի էր տեսնել ապակուն սեղմվելուց ճապաղած այդ քիթը և մանր, սպիտակ ատամները, որոնք փայլում էին ժպիտով բացված վարդագույն շրթունքների միջից: Միմյանց հրելով՝ մենք նետվում էինք դուռը բաց անելու, և նա այնպես ուրախ, այնքան սիրալիր էր մտնում մեր նկուղը. նա բաց էր անում գոգնոցը, կանգնում մեր առաջ՝ զլխիկը մի քիչ կողքի թեքած ու շարունակ ժպտում էր: Նրա շագանակագույն մազերի հաստ ծամը ունի ի վար իջնելով, հանգչում էր կրծքի վրա: Մենք՝ կեղտոտ, խավար, անճոռնի մարդիկս ցածից վեր էինք նայում նրան.— դռան շեմքը շոքս աստիճան բարձր էր մեր նկուղի հատակից.— մենք՝ գլուխներս վեր բարձրացրած, նայում էինք նրան և բարի լույս մաղթում, ինչ-որ հատուկ խոսքեր ասում նրան, այդ խոսքերը մենք պահում ենք միայն նրա համար: Նրա հետ խոսելիս մեր ձայնն է՛լ ավելի մեղմ է հնչում, կատակներն է՛լ ավելի թեթև են լինում: Մենք ամեն ինչում հատուկ կերպով ենք վերաբերվում նրան: Հացթուփը վառարանից հանում է մի թի ամենալավ եփված, կարմրած կրենդել ու ճարպկորեն պցում Տանյայի գոգնոցը:

— Տե՛ս, տիրոջ աչքովը շրնկնես, հա՛,— նախազգուշացնում ենք Տանյային: Իսկ նա շարաճճիաբար ծիծաղելով, ուրախ կանչում է մեզ.

— Մնաք բարով, բանտարկյալնե՛ր,— ու մկնիկի պես արագ անհետանում է:

Այսքանը միայն... Բայց նրա գնալուց հետո մենք դեռ երկար ժամանակ հաճույքով խոսում ենք իրար հետ նրա մասին, ասում ենք նույնը, ինչ որ ասել էինք երեկ և ավելի առաջ. որովհետև նա՛ էլ, մե՛նք էլ, մեր շուրջը եղած ամեն ինչն էլ նույնն է, ինչ որ երեկ էր և ավելի առաջ... Շատ ծանր և տանջալից բան է, երբ մարդ ապրում է, իսկ նրա շուրջը ոչինչ չի փոխվում, և եթե այդ վերջնականապես չի տպանում նրա հոգին, ապա որքան երկար է ապրում նա, այնքան ավելի տանջող է դառնում նրա համար շրջապատի անշարժությունը... Կանանց մասին մենք միշտ այնպես էինք խոսում, որ երբեմն մենք ինքներս էլ զզվանքով էինք լսում մեր կոպիտ և անպատկառ խոսքերը. և այդ հասկանալի է, որովհետև այն կանայք, որոնց մենք գիտեինք, գուցե այլ խոսքերի արժանի էլ չէին: Բայց Տանյայի մասին մենք երբեք վատ չէինք խոսում. մեղանից ոչ մեկը և երբեք ոչ միայն իրեն թույլ չէր տալիս ձեռք դիպցնել նրան, այլև նա երբեք նույնիսկ ազատ կատակ լսած չէր մեզանից: Գուցե դա հետևանք էր այն բանի, որ նա երբեք երկար չէր մնում մեզ մոտ՝ կերևար մեր աչքին, ասես երկնքից ընկած աստղ, ու կանհետանար. գուցե և դա հետևանք էր այն բանի, որ նա փոքր էր և շատ գեղեցիկ, իսկ ամեն մի գեղեցիկ բան նույնիսկ կոպիտ մարդկանց ստիպում է հարգել իրեն: Կա նաև այն, որ թեպետև մեր տաժանակիր աշխատանքը մեզ զարձրել էր բուժ եզներ, բայց մենք այնուամենայնիվ մարդ էինք մնացել, և ինչպես բոլոր մարդիկ, չէինք կարող ապրել առանց որևէ բանի երկրպագելու: Մեր շուրջը չկար ոչ ոք, որ նրանից լավ լիներ, և նրանից բացի ոչ ոք ուշադրություն չէր դարձնում մեզ՝ նկուղում ապրողներիս վրա, ոչ ոք, թեև տանը տասնյակ մարդիկ էին ապրում: Եվ, վերջապես,— անշուշտ սա գլխավորն էր — մենք բոլորս էլ նրան համարում էինք մերը, մի այնպիսի բան, որն իր գոյությունը պահպանում է կարծես թե միայն մեր կրենդելների շնորհիվ. մենք մեր պարտականությունն էինք դարձրել նրան տաք կրենդելներ տալը, և այդ մեզ համար դարձել էր ամենօրյա զոհաբերություն կուռքին, այդ դարձել էր համարյա սրբազան

ծես և օրըստօրե մեզ ավելի ու ավելի էր կապում նրա հետ: Բացի կրենդելներից, մենք Տանյային տալիս էինք շատ խորհուրդներ, որ նա տաք հագնվի, սանդուղքով արագ շվազի, փայտի ծանր շալակներ չվերցնի: Նա մեր խորհուրդները լսում էր ժպիտն երեսին, դրանց պատասխանում էր ծիծաղով և մեր խորհուրդները երբեք չէր կատարում, բայց մենք դրանից չէինք վիրավորվում. մեզ հարկավոր էր միայն ցույց տալ, որ մենք հոգ ենք տանում նրա մասին:

Հաճախ նա մեզանից զանազան բաներ էր խնդրում. օրինակ, խնդրում էր բանալ մառանի ծանր դուռը, փայտ ճղել, և մենք ուրախությամբ, մինչև անգամ հպարտանալով էինք անում այդ և մյուս բոլոր բաները, ինչ նա ցանկանում էր:

Բայց երբ մեղանից մեկը խնդրեց իր միակ շապիկը կարկատել, նա արհամարհանքով փնջացնելով՝ ասաց.

— Ա՛յդ էր պակաս: Դա ի՛նչ իմ բանն է...

Մենք շատ ծիծաղեցինք հիմարի վրա և այլևս երբեք ոչինչ չէինք խնդրում նրանից: Մենք սիրում էինք նրան — սրանով ասված է ամեն ինչ: Մարդ միշտ ուզում է իր սիրով կապվել որևէ մեկի հետ, թեև երբեմն այդ սիրով ճնշում, երբեմն էլ աղտոտում է նրան. մարդ կարող է իր սիրով թունավորել իր մերձավորի կյանքը, որովհետև սիրելիս նա իր սիրեցյալին չի հարգում: Մենք պետք է սիրեինք Տանյային, որովհետև էլ չկար մեկ ուրիշը, որին սիրեինք:

Երբեմն մեզանից մեկնումեկը հանկարծ սկսում էր չզիտես ինչու այսպիսի դատողություն անել.

— Ինչո՞ւ ենք մենք այսպես երես տալիս այդ աղջկան: Ի՛նչ մի առանձին բան կա նրա մեջ, հը՞: Մենք ինչ-որ շատ ենք զբաղվում նրանով:

Մենք արագ և կոպտաբար սանձահարում էինք նրան, ով համարձակվում էր այսպիսի խոսքեր ասել. մենք որևէ բան սիրելու կարիք ունեինք. մենք գտել էինք այդ բանը և սիրում էինք, իսկ այն, ինչ սիրում ենք մենք, քսանվեցս, պետք է անխախտ լինի յուրաքանչյուրի համար, որպես մեր սրբություն, և ամեն ոք, ով դրանում դեմ կգա մեզ, մեր թշնամին կլինի: Մենք սիրում ենք գուցե և ոչ այն, ինչ իրոք լավ է, բայց չէ որ մենք քսանվեց հոգի ենք, ուստի և միշտ ցանկանում ենք, որ այն, ինչ թանկ է մեզ համար, սրբություն լինի և ուրիշների համար:

Մեր սերը պակաս ծանր չէ, քան ատելությունը... և գուցե

հենց այդ է պատճառը, որ որոշ գոռոզ մարդիկ պնդում են, թե՛ մեր ատելությունն ավելի շոյիչ է, քան մեր սերը... Հասկա է: Ինչո՞ւ նրանք չեն փախչում մեզանից, եթե դա այդպես է...

Բացի կրենդելի փոփոց, մեր տերը ուներ նաև բուլկու փուռ. դա գտնվում էր նույն տան մեջ և մեր փոսից բաժանված էր միայն մի պատով. բայց բուլկիագործները — նրանք շոբա հոգի էին — իրենց հեռու էին պահում մեզանից, գտնելով, որ իրենց աշխատանքը մերից մաքուր է, և այդ պատճառով իրենց մեզանից լավ համարելով, նրանք մեր արհեստանոցը չէին գալիս և երբ բակում պատահում էին մեզ, արհամարհանքով ծիծաղում էին մեր վրա: Մենք էլ նրանց մոտ չէինք գնում. մեզ այդ արգելում էր և մեր տերը, վախենալով, որ մենք կսկսենք կաթնահոնց բուլկի գողանալ: Բուլկիագործներին մենք չէինք սիրում, որովհետև նախանձում էինք նրանց. նրանց աշխատանքը մերից հեշտ էր, նրանք մեզանից շատ աշխատավարձ էին ստանում, նրանց ավելի լավ էին կերակրում, նրանց արհեստանոցն ընդարձակ էր, լուսավոր, և նրանք բոլորն էլ այնպես մաքուր էին, առողջ, որ ատելի էին մեզ համար: Իսկ մենք բոլորս էլ մի տեսակ դեղնած էինք ու գորշ. մեզանից երեքը հիվանդ էին սիֆիլիսով, ոմանք՝ քոսով, մեկին էլ բոլորովին ծովուց էր ուսմատիզմը: Տոներին և աշխատանքից ազատ ժամանակ նրանք հագնում էին պիջակ և ճոճուս կոշիկներ, երկու հոգի հարմոն ունեին, և նրանք բոլորը զբոսնելու էին գնում քաղաքային այգին, և մեր ոտքերին՝ հնամաշ ու պատռված ոտնամաններ, ու ուտիկանությունը քաղաքային այգի չէր թողնում մեզ. էլ մենք կարո՞ղ էինք բուլկիագործներին սիրել:

Եվ ահա մեկ անգամ մենք իմացանք, որ նրանց բուլկի թխողը իրեն հարբեցողություն է տվել, տերը նրան աշխատանքից արձակել է և արդեն ուրիշի է վարձել, և որ այդ ուրիշը զինվոր է, աթլասե ժիլետ է հագնում և ոսկե շղթայով ժամացույց կրում: Մեզ համար հետաքրքրական էր այդպիսի պճնամոլին տեսնելը, և այդ հույսով մենք մեկս մյուսի ետևից սկսեցինք մի գլուխ դուրս գնալ բակ:

Բայց նա ինքը եկավ մեր արհեստանոցը: Աքացի խփելով, նա բաց արեց դուռը և, այն բաց թողնելով, կանգնեց շեմքի վրա ու ժպտալով ասաց մեզ.

— Բարի հաջողում: Բա՛րև, տղե՛րք:

Սառն օդը, թանձր, գորշ ամպի պես դռնից ներս խուժելով, դալարվում էր նրա ոտքերի մոտ, իսկ նա կանգնել էր շեմքի վրա, վերից վար նայում էր մեզ, ու նրա շիկավուն, հմտորեն ոլորած բեղերի տակից փայլում էին նրա խոշոր, դեղին ատամները: Նրա հագի ժիլետն իսկապես մի ինչ-որ առանձին տեսակի բան էր. կապույտ, վրան ծաղիկներ ասեղնագործած այդ ժիլետն ամբողջովին փայլում էր, իսկ նրա վրայի կոճակներն ինչ-որ կարմիր քարից էին: Ժամացույց և շղթա էլ ուներ...

Գեղեցիկ էր նա՝ այդ զինվորը, այնպես բարձրահասակ, առողջ, կարմրաթուշ, ու մեծ, պայծառ աչքերը լավ էին նայում՝ փաղաքշաբար ու վճիռ հայացքով: Նա գլխին դրած ուներ սպիտակ, թանձր օսլայած թասակ, իսկ մաքուր, վրան ոչ մի բիծ չունեցող զսպնոցի տակից նայում էին պայծառորեն փայլեցրած նորածն կոշիկների սուր քթերը:

Մեր կրենդել թխողը հարգանքով խնդրեց նրան դուռը ծածկել. զինվորն առանց շտապելու կատարեց այդ խնդրանքը և սկսեց հարցուփորձ անել մեր տիրոջ մասին: Մենք իրար խոսք կտրելով առաջինք նրան, որ մեր տերը շատ ետ եկած, ժուլիկ, շարագործ և ուրիշներին տանջող մարդ է. ամեն բան, ինչ կարելի և հարկավոր էր ասել մեր տիրոջ մասին, բայց այստեղ գրեկ չի կարելի: Զինվորը լսում էր մեզ, շարժում բեղերը և մեզ դիտում մեղմ, պայծառ հայացքով:

— Իսկ աղջիկներ ձեզ մոտ շա՛տ կան... — հանկարծ ասաց նա:

Մեզանից ոմանք հարգալից ժպտացին, մյուսները իրենց կերպարանքին անուշ արտահայտություն տվեցին, մեկն էլ պարզաբանեց զինվորին, որ մեզ մոտ ինչ հատ աղջիկ կա:

— Օգու՛ղ՝ ամ եք, — հարցրեց զինվորը, աչքով անելով:

Մենք նորից ծիծաղեցինք — ոչ շատ բարձրաձայն և ամաչկուտ ծիծաղով... Մեզանից շատերը կցանկանային իրենց ցույց տալ իբրև նույնպիսի կտրիճ տղերք, ինչպիսին որ նա էր, բայց ոչ ոք չկարողացավ այդ անել, ուղղակի ոչ մեկը: Ու մեզանից մեկն էլ խոստովանեց այդ, կամացուկ ասելով.

— Մենք ի՞նչ կարող ենք...

— Ը-հա՛, ձեզ համար դա դժվար է, — համոզված ասաց զինվորը՝ սևեռուն հայացքով դիտելով մեզ: — Դուք ինչ որ... էնիք չեք... Դուք չունեք պահանջված կեցվածքը... կարգին կեր-

պարանք... նշանակում է՝ տե՛սք: Իսկ կինը՝ նա սիրում է, որ տղամարդը լա՛վ տեսք ունենա: Նա ցանկանում է, որ տղամարդու իրանը շենք ու շնորհքով լինի... որ նրանում ամեն ինչ կանոնավոր լինի: Սրա հետ մեկտեղ նա հարգում է ուժը... Ուզում է, որ տղամարդու ձեռքը լինի — ը՛ճը՛:

Զինվորը գրպանից դուրս քաշեց շապիկի թևը քշտած, մինչև արմունկը մերկ աչ ձեռքը և ցույց տվեց մեզ... Ձեռքը սպիտակ էր, ուժեղ, ոսկեփայլ մազով ծածկված:

— Ոտը, կուրծքը — ամեն ինչ պինդ պետք է լինի... Ըստ դրա հետ մեկտեղ, որ մարդ շնորքով հագած լինի... ինչպես իրերի գեղեցկությունն է պահանջում... Ա՛յ, ինձ կնանիք սիրում են: Ես նրանց շեմ կանչում, շեմ հրապուրում, նրանք իրենք են հինգ-հինգ կախվում վզիցս...

Նա նստեց ալյուրի պարկի վրա և սկսեց երկար ու բարակ պատմել այն մասին, թե կնանիք ինչպես են սիրում իրեն, և ինքն ինչպես կտրիճաբար է վարվում նրանց հետ: Հետո նա գնաց և, երբ դուռը ճոճուլով ծածկվեց նրա ետևից, մենք երկար ժամանակ լռեցինք, մտածելով ինչպես նրա, այնպես էլ նրա պատմածների մասին: Իսկ հետո, չգիտես ինչից, բոլորս միանգամից խոսեցինք և իսկույն պարզվեց, որ նա բոլորիս էլ գուր է եկել: Այնպիսի պարզ ու հիանալի մարդ էր. եկավ նրստեց, խոսեց: Մեզ մոտ ոչ ոք չէր գալիս, ոչ ոք մեզ հետ չէր խոսում այդպես բարեկամաբար... Եվ մենք բոլորս խոսում էինք նրա մասին և այն մասին, թե հետագայում նա ինչ հաջողություններ է ունենալու ոսկեկար անող աղջիկների մոտ, որոնք բակում մեզ հանդիպելիս կամ վիրավորական ձևով սեղմում էին շրթունքները, փոխում իրենց ճանապարհը, մեզանից հեռու տեղով անցնում, կամ քայլում էին ուղղակի մեզ վրա, կարծես թե մենք բոլորովին էլ իրենց ճանապարհի վրա չլինեինք: Իսկ մենք միշտ միայն հիանում էինք նրանցով թե բազում, թե այն ժամանակ, երբ նրանք անցնում էին մեր պատուհանների մոտով — ձմեռը ինչ-որ հատուկ տեսակի գոգակ դրած ու մուշտակ հագած, ամառը՝ ծաղկազարդ շլյապա դրած և ձեռքերին գույնզգույն հովանոց բռնած: Բայց դրա փոխարեն այդ աղջիկների մասին մեր մեջ այնպես էինք խոսում, որ եթե նրանք մեր խոսածը լսեին, ամոթից ու վիրավորանքից բոլորն էլ կկատաղեին:

— Բայց չի՞նի թե նա Տանյուշկային էլ... փշացնի՞,— հանկարծ մտահոգված ասաց հացթուխը:

Այդ խոսքերից զարմացած՝ մենք բոլորս էլ լռեցինք: Մենք կարծես թե Տանյային մոռացել էինք. զինվորն իր խոշոր, գեղեցիկ կերպարանքով կարծես թե ծածկել էր մեր աչքից Տանյային: Հետո աղմկալից վեճ սկսվեց, ոմանք ասում էին, թե Տանյան այդքան չի ստորացնի իրեն, մյուսները պնդում էին, թե նա զինվորի հրապույրներին չի դիմանա, երրորդներն էլ, վերջապես, առաջարկում էին այն դեպքում, երբ զինվորը Տանյայի պոչից կաչի, նրա կողերը ջարդել: Եվ, ի վերջո, բոլորս վճռեցինք հետևել զինվորին ու Տանյային, նախազգուշացնել աղջկան, որ զինվորից զգուշանա... Սա վերջ դրեց մեր վեճին:

Անցավ մոտավորապես մեկ ամիս. զինվորը բուլկի էր թխում, զբոսնում ոսկեկար անող աղջիկների հետ, հաճախ էր մտնում մեր արհեստանոցը, բայց թե աղջիկների նկատմամբ ինչ հաղթանակներ էր տանում, մեզ չէր պատմում, այլ անվերջ բեղերն էր ոլորում ու ախորժակով շրթունքները լվմզում:

Տանյան ամեն առավոտ կրենդելի էր գալիս մեզ մոտ, և, ինչպես միշտ, ուրախ էր, սիրալիք ու քաղցրահայաց դեպի մեզ: Մենք փորձեցինք խոսել Տանյայի հետ զինվորի մասին. նա զինվորին անվանեց «չուված աչքերով հորթ» ու նրան տվեց էլի ուրիշ ծիծաղելի մականուններ, և դա մեզ հանգստացրեց: Մենք հպարտանում էինք մեր աղջկանով, տեսնելով, թե ոսկեկար անող աղջիկներն ինչպես են ձգտում զինվորին: Տանյայի այդ վերաբերմունքը դեպի զինվորը մեզ բոլորիս մի տեսակ բարձրացնում էր, և մենք, կարծես թե այդ վերաբերմունքով ղեկավարվելով, ինքներս էլ սկսում էինք արհամարհանքով վերաբերվել զինվորին: Իսկ Տանյային է՛լ ավելի սիրեցինք, առավոտներն է՛լ ավելի ուրախ ու քաղցրությամբ էինք դիմավորում նրան:

Բայց մեկ անգամ զինվորը մի քիչ խմած եկավ մեզ մոտ, նստեց ու սկսեց ծիծաղել, իսկ երբ մենք հարցրինք, թե այդ ինչի՞ վրա է ծիծաղում, նա բացատրեց.

— Երկու աղջիկ ինձ համար կովեցին... կիզկան և Գրուշկան... Ի-ի՞նչպես նրանք այլանդակեցին իրենց, հը՞: Հա՛-հա՛: Մեկը մյուսի մազերից բռնեց, նախասենյակում գետին գցեց ու ձուռ պես հեծա՛վ վրան... հա՛-հա՛-հա՛: Իրար մոռութ շանգոնեցին... միմյանց շոր պատռեցին... ծիծաղեց մարդ թուլանում

էր: Տեսնես ինչո՞ւ այդ կնանիք ազնվաբար կռվել շեն կարողանում: Ինչո՞ւ են շանգոտում, հը՞:

Նա նստած էր նստարանին՝ այնպես առողջ, մաքուր, ուրախ. նստել ու մի գլուխ քրքջում էր: Մենք լուռ էինք: Չգիտես ինչու, այս անգամ նա մեզ դուր չէր գալիս:

— Չ-չէ, զարմանք բան է, թե կնկա հարցում իմ բախտն ինչպես է բանում: Միծաղելու բան է. աչքով ես անում ու՛ պատրաստ է: Ս-սատանան տանի՞:

Փայլուն մազերով ծածկված նրա սպիտակ ձեռքերը բարձրացան ու շրմփոցով նորից ընկան ծնկներին: Նա այնպես հաճելիորեն զարմացած հայացքով էր նայում մեզ, որ կարծես թե ինքն էլ անկեղծորեն տարակուսում էր, թե կանանց հետ գործ ունենալիս իր բախտն ինչպես է բանում: Նրա հաստ ու կարմիր մոռվթը ինքնագոհ ու երջանիկ պսպղում էր, և նա անվերջ ախորժանքով լվմզում էր իր շրթունքները:

Մեր հացթուխն ուժգին ու բարկացած քստացրեց թին վառարանի կրակարանին ու հանկարծ ծաղրանքով ասաց.

— Ճլուռ պոկելը մի մեծ բան չի, տղամարդ ես, սոսին արմատահան արա...

— Այսինքն, դու այդ ինձ ես ասո՞ւմ,— հարցրեց զինվորը:

— Հենց քեզ...

— Ի-ի՞նչ:

— Ոչինչ... ասացի՛ անցավ:

— Չէ, դու մի կա՛ց: Բանն ի՞նչ է: Ի՞նչ սոսի:

Մեր հացթուխը չէր պատասխանում. միայն թե թին արագ էր բանեցնում վառարանի մեջ. խաշած կրենդելները վառարանի մեջն էր գցում, ճարպկորեն թիփ վրա առնում եփվածները ու աղմուկով շարտում գետին, փոքրիկ տղաների մոտ, որոնք աղմուկով շարտում էին ճուղաթեղի վրա: Կարծես թե մոռացել էր թե՛ զինվորին, թե՛ նրա հետ ունեցած խոսակցությունը: Բայց զինվորը հանկարծ անհանգստացավ, ոտքի ելավ ու զնաց դեպի վառարանը, ուշադրություն չդարձնելով այն բանին, որ ջղայնացած հացթուխի ձեռքին ետ ու առաջ շարժվող թիփ կոթը կարող է դիպել իր կրծքին:

— Չէ՛, դու էն ասա՛, թե դա ո՞վ է: Դու իմ սրտին դիպար ինձ ես այդպես ասո՞ւմ: Իմ ձեռք ոչ մի աղջիկ չի պրծնի, չէ՛-է՛: Իսկ դու ինձ էդ տեսակ դիպողական խոսքեր ես ասում...

Թվում էր, թե նա իսկապես անկեղծորեն վիրավորվել է:

Երևի նա շուներ մի այնպիսի արժանիք, որի համար ինքը հարգեր իրեն, բացի կանանց գայթակղեցնելու իր հմտությունից, գուցե բացի այդ ընդունակությունից նրա մեջ կենդանի ոչինչ չկար, և միայն այդ ընդունակությունն էր նրան թույլ տալիս իրեն կենդանի մարդ զգալու:

Չէ՞ որ կան մարդիկ, որոնց համար կյանքում ամենաթանկ և ամենալավ բանը իրենց հոգու կամ մարմնի որևէ հիվանդությունն է: Նրանք իրենց ողջ կյանքի ընթացքում դրանով են զբաղվում և միայն դրանով են կենդանի. նրա պատճառով տառապանք կրելով՝ նրանք դրանով են սնվում, ուրիշներին գանգատվում են այդ հիվանդությունից ու դրանով մերձավորների ուշադրությունը դարձնում իրենց վրա: Դրա համար իբրև հատուցում մարդկանց կարեկցությունն են վաստակում ու դրանից բացի ոչինչ չունեն: Վերցրեք նրանցից այդ հիվանդությունը, բժշկեցեք նրանց, և նրանք կզժբախտանան, որովհետև կզրկվեն ապրելու միակ միջոցից, այն ժամանակ նրանք ներքուստ գատարկ կլինեն: Երբեմն մարդու կյանքն այնքան աղքատ է լինում, որ նա ակամայից ստիպված է լինում գնահատել իր արատը և նրանով ապրել. և կարելի է ասել, որ մարդիկ հաճախ ձանձրույթից են արատավոր դառնում:

Զինվորը վիրավորվել էր, վրա էր քշում մեր հացթուփին ու մռնում:

— Չէ՛, դու ասա՛, դա ո՞վ է:

— Ասե՛մ,— հացթուփը հանկարծ շուռ եկավ դեպի զինվորը:

— Ասա՛:

— Տանյային ճանաչո՞ւմ ես:

— Հետո՞:

— Հետո էլ այդ: Փորձի՛ր:

— Ե՞ս:

— Դո՞ւ:

— Նրա՞ն: Դա ինձ համար՝ թյո՞ւ:

— Կտեսնե՞նք:

— Կտեսնե՞ս: Հը՛-հա՛:

— Նա քեզ...:

— Մի ամիս ժամանակ:

— Ի՞նչ գլուխգոլմանն ես, զինվո՞ր:

— Երկու շաբաթ ժամանակ: Ես ցույց կտամ: Նա ո՞վ է որ: Տանկա՞ն: Թո՞ւ:

— Դե՛, հեռացիր էստեղից... խանգարում ես...

— Երկու շաբաթ, ու պատրաստ կլինի: Ա՛խ դու...

— Կորի՛ր, ասում եմ:

Մեր հացթուփը հանկարծ կատաղեց ու թին նրա վրա բարձրացրեց: Զինվորը զարմացած ետ ու ետ գնաց, նայեց մեզ, լռեց ու կամացուկ, շարագուշակ եղանակով ասաց «դե լավ» ու նկուղից գնաց:

Վեճը մեզ հետաքրքրել էր. այդ ընթացքում մենք բոլորս լուռ էինք: Բայց երբ զինվորը գնաց, մեր մեջ աշխույժ, բարձրաձայն խոսակցություն սկսվեց ու աղմուկ բարձրացավ:

Մեկը բղավեց հացթուփին.

— Լավ բան չէր արածդ, Պավե՛լ:

— Դու քո բանին կաց,— մոլեգնած պատասխանեց հացթուփը:

Մենք զգում էինք, որ հացթուփը դիպել էր զինվորի ամենանուրբ տեղին և, որ Տանյային վտանգ է սպառնում: Մենք զգում էինք այդ և միևնույն ժամանակ բոլորիս էլ համակել էր մի բուռն, հաճելի հետաքրքրություն, թե բանն ինչո՞վ է վերջանալու: Արդյո՞ք Տանյան կդիմանա զինվորի հրապուրանքներին: Ու համարյա բոլորս էլ համոզված գոչում էինք.

— Տանկա՞ն: Նա կդիմանա: Նրան հեշտություն մը չես հաղթի:

Մենք անչափ ուղում էինք փորձել մեր աստվածուհու ամբողջությունը: Մենք լարված կերպով ապացուցում էինք իրար, որ մեր պաշտածը կուռ կամքի տեր է և այդ ընդհարումից հազթանակով դուրս կգա: Վերջապես մեզ սկսեց թվալ, թե մենք զինվորին քիչ ենք զրգռել, թե նա կմոռանա վեճը և թե մեղանհրաժեշտ է մի լավ վիրավորել նրա ինքնասիրությունը: Այդ օրից սկսած մենք ապրեցինք մի ինչ-որ առանձնահատուկ, լարված և ջղային կյանքով, ինչպես մինչ այդ դեռ չէինք ապրել: Մենք օրեր շարունակ վիճում էինք իրար հետ, մի տեսակ խելքացել էինք բոլորս էլ, սկսել էինք ավելի շատ ու ավելի լավ խոսել: Մեզ թվում էր, թե մենք մի ինչ-որ խաղ ենք խաղում սատանայի հետ և մեր կողմից դրված խաղչեքը Տանյան է: Եվ երբ մենք բուլկիագործներից իմացանք, որ զինվորն սկսել է «մեր Տանկայի ետևից ընկնել», մեր կյանքն այնքան սարսուղի էր լավ և այնքան հետաքրքրական դարձավ, որ մենք նույն-

իսկ չնկատեցինք, թե ինչպես մեր տերը, մեր հուզվածությունից օգտվելով, մեր օրական մշակած խմորի քանակը տասնչորս փթով ավելացրել է: Մենք կարծես թե աշխատանքից չէինք էլ հոգնում: Տանյայի անունն ամբողջ օրը մեր բերանին էր: Եվ ամեն առավոտ մենք մի առանձին անհամբերությամբ էինք սպասում նրան: Երբեմն մեզ թվում էր, թե նա կգա մեզ մոտ, և այդ արդեն նախկին Տանյան չի լինի, այլ մի ինչ-որ ուրիշ Տանյա:

Բայց մենք նրան ոչինչ չէինք ասում տեղի ունեցած վեճի մասին: Իրեն էլ ոչինչ չէինք հարցնում և առաջվա պես սիրալիր ու լավ էինք վերաբերվում: Բայց այդ վերաբերմունքի մեջ մի ինչ-որ նոր բան էր մտել, այն անհարիր էր դեպի Տանյան տածած մեր նախկին զգացմունքներին և այդ նորը լարված հետաքրքրություն էր, որ պողպատե դանակի պես սուր էր և սառը...

— Տղերք: Այսօր ժամկետը լրանում է,— ասաց մեզ հացթուխը մի առավոտ՝ աշխատանքն սկսելով:

Առանց հիշեցման էլ մենք այդ լավ գիտեինք, բայց այնուամենայնիվ ցնցվեցինք:

— Մտիկ տվեք Տանյային... հիմի կգա,— առաջարկեց հացթուխը: Մեզանից մեկն ամոստանքով բացականքից:

— Բայց դա աչքով կտեսնվի՞:

Ու նորից մեր մեջ աշխույժ, աղմկալի վեճ բորբոքվեց: Այսօր մենք վերջապես կիմանանք, թե ինչքան է մաքուր և կեղտի համար անմատչելի այն անոթը, որի մեջ մենք ամփոփել ենք այն, ինչ լավագույնն է մեր մեջ: Այդ առավոտ մենք միանգամից և առաջին անգամ զգացինք, որ իսկապես մեծ խաղ ենք խաղում, որ մեր պաշտածի մաքրության այդ փորձումը կարող է նրան ոչնչացնել մեզ համար: Մենք այդ բոլոր օրերը, լսում էինք, որ զինվորը համառ կերպով հետամտում է Տանյային՝ առանց նրանից ձեռք քաշելու, բայց շփտես ինչու՞ ոչ մեկս էլ չհարցրեց Տանյային, թե նա ինչպես է վերաբերվում զինվորին: Իսկ Տանյան շարունակում էր կանոնավոր կերպով ամեն առավոտ կրենդելի գալ մեզ մոտ և դարձյալ նույնն էր, ինչպես միշտ:

Այդ օրը ևս մենք շուտով լսեցինք նրա ձայնը:

— Բանտարկյալներ: Ես եկա...

Մենք շտապեցինք նրան ներս թողնել, և երբ նա ներս

մտավ, սովորականի հակառակ մենք լուռությամբ դիմավորեցինք նրան: Աչքներս շորս արած նրան նայելով՝ մենք չէինք իմանում, թե ինչ խոսենք նրա հետ, ինչից հարցնենք: Ու մթին, լուռ բազմությամբ կանգնել էինք նրա առաջ: Նա, ինչպես երևում էր, զարմացավ իր համար անսովոր ընդունելությունից, և մենք հանկարծ տեսանք, որ նա գունատվեց, անհանգստացավ, կանգնած տեղում իրար անցավ ու ճնշված ձայնով հարցրեց.

— Դուք այդ ինչի՞ եք... այդպիսին:

— Իսկ դո՞ւ,— մոռյալ նետեց հացթուխը՝ աչքերը նրանից չհեռացնելով:

— Ես ի՞նչ եմ որ:

— Ու-ոչինչ...

— Դե՛, շուտով տվեք կրենդելները...

Առաջ նա մեզ երբեք չէր շտապեցնում...

— Չես ուշանա,— ասաց հացթուխը՝ առանց տեղից շարժվելու և առանց աչքերը նրա երեսից հեռացնելու:

Այն ժամանակ Տանյան հանկարծ շուտ եկավ, դռնից դուրս եկավ և անհայտացավ:

Հացթուխը թին վերցրեց և դեպի վառարանը շուտ գալով՝ հանգիստ տոնով ասաց.

— Նշանակում է՝ պատրաստ է... Կտրիճ զինվոր... Սրի-կա՛...

Մենք ոչխարի հոտի պես իրար հրհրելով գնացինք դեպի սեղանը, լուռ նստոտեցինք և սկսեցինք թույլ-թույլ աշխատել: Շուտով մեզանից մեկն ասաց.

— Կարող է պատահել, որ դեռ...

— Դե-դե՛, Մի խոսի՛,— գոչեց հացթուխը:

Մենք բոլորս գիտեինք, որ նա խելոք մարդ է, մեզանից խելոք: Եվ նրա գոչումը հասկացանք իբրև հավաստիացում, որ նա հավատացած է զինվորի հաղթությանը... Մենք տխրեցինք ու անհանգստացանք...

Ժամը 12-ին, ճաշի ժամանակ, զինվորը եկավ: Նա, ինչպես միշտ, մաքուր էր ու մի քիչ պճնված և, ինչպես միշտ, նայում էր ուղղակի մեր աչքերին: Իսկ մենք անհարմար էինք զգում նրան նայել:

— Հը՛, ազնիվ պարոններ, ուզո՞ւմ եք, որ ձեզ ցույց տամ զինվորի կտրիճությունը,— ասաց նա հպարտ քմծիծաղ տա-

լով:— Քե ուզում եք, դուրս եկեք հաշտը ու ճեղքով նայեք... հասկացա՞ք:

Մենք դուրս եկանք ու իրար վրա ընկնելով՝ կպանք հաշտի տախտակե պատի ճեղքերին, որտեղից բակն էր երևում: Մենք երկար շպասեցինք: Շուտով շտապ քայլերով, մտահոգ դեմքով, բակով անցավ Տանյան՝ հաված ձյան և ցեխի լճակների վրայով ուստնելով: Նա մառան տանող դռնով ներս գնաց, ծածկովեց մեր աչքերից: Հետո, առանց շտապելու և սուլելով, նույն տեղը գնաց գինվորը: Նա ձեռքերը կոխել էր գրպանները, բեղերը շարժվում էին...

Անձրև էր գալիս, և մենք տեսնում էինք, թե նրա կաթիլներն ինչպես են ընկնում լճակների մեջ, և լճակները նրանց հարվածներից կնճոռոտում են իրենց երեսը: Խոնավ, գորշ օր էր, շատ ձանձրալի օր: Տանիքներին դեռ ձյուն կար նստած, իսկ գետնի վրա արդեն ցեխի թուփ բծեր էին գոյացել: Տանիքների ձյունն էլ պատած էր թուփ, կեղտոտ փառով: Անձրևը դանդաղ էր գալիս, մոայլ ձայն հանում: Մենք մրսում էինք, և սպասելը տհաճություն էր պատճառում մեզ...

Մառանից առաջինը դուրս եկավ գինվորը. նա դանդաղ գնաց բակով՝ ձեռքերը գրպանները դրած, բեղերը շարժելով, ինչպես միշտ էր, այնպես էլ այժմ:

Հետո դուրս եկավ Տանյան: Նրա աչքերը... նրա աչքերը փայլում էին ուրախությունից ու երջանկությունից, իսկ շրթունքները ծպտում էին: Եվ քայլում էր, ասես քնի մեջ օրորվելով, անհաստատ քայլերով...

Մենք այդ բանը հանգիստ չկարողացանք տանել: Բոլորս միանգամից նետվեցինք դեպի դուռը, դուրս եկանք բակ, սուլեցինք, բղավեցինք նրա վրա՝ թշնամանքով, բարձրաձայն, վայրենաբար:

Մեզ տեսնելով՝ նա ցնցվեց ու մեխվածի պես կանգ առավ իր ոտքերի տակի ցեխի մեջ: Մենք շրջապատեցինք նրան և շարախնդությամբ, անզուսպ կերպով հայհոյում էինք նրան անպատկառ խոսքերով, անամոթ բաներ էինք ասում նրան:

Մենք այդ անոտ էինք ոչ բարձրաձայն, առանց շտապելու, տեսնելով, որ նա միևնույն է ճողոպրելու ճանապարհ չուներ, որ մենք շրջապատել ենք նրան և կարող ենք ծաղրել ինչքան ցանկանանք: Չգիտեմ ինչու, բայց մենք նրան չծեծեցինք: Նա կանգնած էր մեր մեջ և մեր վիրավորանքները լսելով՝ գլու-

խը պատում էր մեկ այս կողմ, մեկ այն կողմ: Իսկ մենք գնալով ավելի շատ և ավելի ուժգնորեն էինք տեղում նրա գլխին մեր խոսքերի կեղտի ու թուլնի տարափը:

Նրա երեսի գույնը թռել էր: Նրա երկնագույն աչքերը, որ դրանից մի րոպե առաջ երջանիկ էին, այժմ լայն բացվել էին, կուրծքը ծանր էր շնչում, և շրթունքները դողողում էին:

Իսկ մենք, նրան շրջապատած, մեր վրեժն էինք լուծում նրանից, որովհետև նա կողոպտել էր մեզ: Նա մեզ էր պատկանում, մենք նրա վրա էինք ծախսում մեր մեջ եղած լավագույն բանը, ու թեև այդ լավագույնը մուրացկանի ունեցած փրշրանքներ էին, բայց մենք քսանվեց հոգի էինք, իսկ նա՝ մենակ, ուստի և ինչ տանջանք էլ որ տալինք նրան, նրա մեղքն ավելի էր արժանի: Եվ ինչպե՞ս էինք վիրավորում նրան... նա շարունակում էր լռել, շարունակ մեզ էր նայում իր վայրենի աչքերով և շարունակ դողում էր...

Մենք ծիծաղում էինք, գոռում, մոնչում... ինչ-որ տեղից ուրիշ մարդիկ էին վազում, միանում մեզ... Մերոնցից մեկը քաշեց Տանյայի կոֆտայի թևը...

Հանկարծ Տանյայի աչքերը փայլատակեցին. նա առանց շտապելու ձեռքերը դեպի գլուխը բարձրացրեց և, մազերը կարգի բերելով, բարձրաձայն, բայց հանգիստ, ուղղակի մեր երեսին՝ ասաց.

— Ա՛խ դուք, ողորմելի՛ բանտարկյալներ...  
Եվ քայլեց ուղղակի մեր վրա, այնպես քայլեց, ասես մենք նրա առաջ չլինեինք, ասես նրա ճանապարհը փակած չլինեինք: Այդ պատճառով էլ իրոք մեզանից ոչ ոք նրա ճանապարհի վրա չգտնվեց:

Իսկ մեր շրջանից դուրս գալով՝ նա, առանց մեր կողմը ետ նայելու, նույնպես բարձրաձայն, հպարտ ու արհամարհելով ասաց և՛ այս խոսքերը.

— Ա՛խ դուք, սրիկա-անե՛ր... սո-դուննե՛ր...  
Ու գնաց՝ շիտակիրան, գեղեցիկ, հպարտ:  
Իսկ մենք մնացինք բակում, ցեխի մեջ, անձրևի ու անարև գորշ երկնքի տակ...

Հետո մենք էլ լուռ գնացինք մեր խոնավ քարե փոսը: Ինչպես առաջ՝ արևը երբեք մեր պատուհաններով ներս չէր թափվանցում, ու Տանյան էլ այլևս երբեք մեզ մոտ չեկավ...

Ես նրան պատահեցի Օղեսայի նավահանգստում: Մի երեք օր շարունակ իմ ուշադրութիւնը գրավում էր նրա թիկնեղ, ամրակազմ ֆիզուրան և գեղեցիկ մորուքով շրջագծված արևելյան տիպի դեմքը: Նա միշտ աչքովս էր ընկնում. ես տեսնում էի, թե ինչպես ամբողջ ժամերով կանգնում էր պատնեշի գրանիտի վրա՝ ձեռնափայտի կոթը բերանը կոխած ու թախիծով դիտելով նավահանգստի պղտոր ջուրն իր սև, նշաձև աչքերով. օրը տասն անգամ անց էր կենում իմ մոտով անհոգ մարդու քայլվածքով: Ո՞վ էր նա... Ես սկսեցի հետևել նրան: Նա էլ, կարծես դիտմամբ ինձ գրգռելու համար, ավելի ու ավելի հաճախ էր աչքովս ընկնում և, վերջապես, ես սովորեցի ջոկել հեռվից նրա նորածն, վանդականախշ, բաց գույնի հագուստը և սև շլյապան, նրա ծուլ քայլվածքը և բուժ, տխուր հայացքը: Նա միանգամայն անբացատրելի էր այդտեղ, նավահանգստում, նավերի ու շոգեշարժերի սուղոցների, շղթաների շառաշի, բանվորների աղմուկի, մարդուս ամեն կողմից շրջապատող՝ նավահանգստի կատաղի-ջղային ժխորի մեջ: Բոլոր մարդիկ մտահոգ էին, հոգնած, բոլորը վազվզում էին փոշու, քրտինքի մեջ, գոռոռում, հայհոյում էին... Այդ տարօրինակ կերպարանքն աշխատանքի ժխորում դանդաղ անց ու դարձ էր անում մեռելատիպ տխուր դեմքով, անտարբեր դեպի ամեն ինչ, բոլորին օտար...

Վերջապես, արդեն շորրորդ օրը ճաշին, ես հանդիպեցի նրան և վճռեցի, ինչ էլ լինի՝ իմանալ, թե ով է նա: Նրանից քիչ հեռու տեղավորվելով՝ սկսեցի հաց ու ձմերուկ ուտել և դիտել նրան՝ հնար մտածելով, թե ինչպես անեմ, որ՝ որքան կարելի է քաղաքավարի ձևով, նրա հետ խոսակցութիւնը բանամ:

Նա կանգնած էր թեյի արկղիկների կույտին կոթնած և, աննպատակ շուրջը նայելով, մատներով թխկթխկացնում էր ձեռնափայտը, կարծես ֆլեյտա նվագելիս լիներ:

Բոսյակի հագուստով, բեռնակրի թուղ մեջքիս և ածխափոշով կեղտոտված մարդուս համար դժվար էր նրան՝ այդ Ֆրանսիան ինձ հետ խոսել տալ: Բայց, ի վարմանս իմ, ես տեսա, որ նա ինձնից չի հեռացնում աչքերը, ու նրանք վառվում են մի անդուր, ազահ, անասնական կրակով: Ես վճռեցի, որ իմ դիտողութիւնների առարկան քաղցած է և շուրջս արագ դիտելով՝ կամացուկ հարցրի նրան.

— Քաղցած եք:

Նա ցնցվեց, ազահորեն բաց արավ ամրակազմ, առողջ ատամների համարյա մի հարյուրյակ և նույնպես կասկածանքով շուրջը նայեց:

Մեզ վրա ոչ ոք ուշադրութիւն չէր դարձնում: Այդ ժամանակ ես կես ձմերուկ ու ցորենահացի մի կտոր կոխեցի նրա ձեռքը: Նա խլեց այդ բոլորն ու անհետացավ՝ նստելով ապրանքի կույտի ետևում, երբեմն այնտեղից դուրս էր գալիս նրա գլուխը՝ շլյապայով, որ դրված էր ծոծրակին և ծածկում էր քրտնքոտ, թուխ ճակատը: Նրա դեմքը փայլում էր լայն ժպիտից, և նա, չգիտեմ ինչու, շուտ-շուտ աչքով էր անում ինձ՝ ոչ մի վայրկյան չդադարելով ծամել: Ես նրան նշան արի՝ սպասել ինձ, գնացի միս գնելու, գնեցի, բերեցի, տվի նրան և կանգնեցի արկղների մոտ այնպես, որ բոլորովին ծածկեցի իմ խեղճ Ֆրանսիան կողմնակի հայացքներից: Մինչև այդ նա ուտում ու անդադար գիշատչաբար շուրջն էր դիտում, ասես վախենում էր, թե պատառ կխլեն. այժմ նա սկսեց հանգիստ ուտել, բայց այնպես շտապ ու ազահաբար, որ ես ցավ զգացի այդ սովալուրով մարդուն նայելիս, ուստի մեջքս դարձրեցի նրա կողմը:

— Ծնորհակալ եմ. շատ շնորհակալ եմ, — նա թափաղորմաբար թոթվել:

Հինգ րոպեից հետո նա արդեն ինձ պատմում էր, թե ով է ինքը:

Վրացի իշխան Շաքրո Պտաձեն, Քութայիսի հարուստ կալվածատիրոջ միակ որդին, կովկասյան երկաթուղու կայարաններից մեկում գրասենյակային ծառայող է լինում՝ ապրելով մի ընկերոջ հետ: Այդ ընկերը հանկարծ անհետանում է, հափշտակելով և տանելով իր՝ իշխան Շաքրոյի փողերն ու արժեքավոր կեղծ և տանելով իր՝ իշխան Շաքրոյի փողերն ու արժեքավոր իրերը, և ահա իշխանը հետամտում է նրան: Պատահամբ նա իմանում է, որ ընկերը տոմսակ է վերցրած եղել Բաթում գնալու. իշխան Շաքրոն նույնպես ուղևորվում է այնտեղ: Բայց Բաթումում պարզվում է, որ ընկերը գնացել է Օղեսա: Այն ժամանակ իշխան Շաքրոն վերցնում է ինչ-որ վանո Սվանիձեի անձնագիրը, — մի սափրիչի, որ նույնպես ընկեր էր, իրեն հասակակից, բայց նշաններով իրեն նման չէր, — ու ճանապարհ է ընկնում Օղեսա: Այստեղ նա հայտնում է ոստիկանութանը գողութիւն մասին, նրան խոստանում են գողին գտնել. նա սպա-



սում է երկու շաբաթ, ծախսում է իր բոլոր փողերը, և ահա արդեն երկրորդ օրն է, որ բերանը պատառ չի դրել:

Ես լսում է նրա հայհոյանքների հետ խառը պատմութունները, նայում նրան, հավատում և խղճում տղային, որ քսաներորդ տարին նոր էր թևակոխել, բայց իր միամտությանը նայած՝ նրան կարելի էր ավելի փոքր համարել: Նա հաճախ և խորին զայրույթով հիշում էր այն սերտ բարեկամության մասին, որը կապում էր նրան իր այդ գող ընկերոջ հետ, որը գողացել էր այնպիսի իրեր, որոնց համար Շաքրոյի դաժան հայրը հավանորեն իր որդուն «խանչալով կմորթի», եթե որդին դրանք չգտնի: Ես մտածեցի, որ եթե չօգնեմ այս տղային, անկուշտ քաղաքը նրան կկլանի: Ես գիտեի, թե երբեմն ինչ շնչին դիպվածներ են համալրում բոսյակների դասակարգը, իսկ այստեղ իշխան Շաքրոյի համար կային բոլոր շանսերն ընդունելու այդ հարգելի, բայց շահագրգռ դասը: Ես ուզեցի նրան օգնել: Շաքրոյին առաջարկեցի գնալ ոստիկանապետից տոմս խնդրել, նա կմկմաց և հայտնեց, որ չի գնա: Ինչո՞ւ: Բանից դուրս եկավ, որ նա իր բնական համարների փողը չի տվել, իսկ երբ նրանից փողը պահանջել են, նա ինչ-որ մեկին խփել է, հետո թաքնվել և այժմ արդարացի կերպով ենթադրում է, որ ոստիկանությունը նրա բանը բուրդ կանի այդ փողը շտալու և խփելու համար: Հա, ի դեպ, նա շատ էլ հաստատ չի հիշում — մի՞ հարված է հասցրել՝ թե՞ երկու, երեք՝ թե՞ չորս: Դրությունը բարդանում էր: Ես վճռեցի այնքան աշխատել, մինչև որ բավական փող վաստակեմ նրա Բաթում գնալու համար, բայց ավա՛ղ, բանից դուրս եկավ, որ այդ իսկի էլ շուտ գլուխ գալու բան չի, որովհետև սովալլուկ Շաքրոն ուտում էր երեք մարդու չափ և ավելի:

Այդ ժամանակ «սովալլուների» մեծ հոսանքի հետևանքով նավահանգստում օրավարձի գները շատ ցածր էին, և ութսուն կոպեկ վաստակից վաթսուն կոպեկը երկուսս ուտում էինք: Բացի դրանից, դեռ մինչև իշխանին հանդիպելու ես որոշել էի Ղրիմ գնալ, ուստի և չէի ուզում երկար մնալ Օդեսայում: Այն ժամանակ ես իշխան Շաքրոյին առաջարկեցի ինձ հետ ոտով գնալ՝ այսպիսի պայմաններով. եթե ես նրա հետ Թիֆլիս գնացող ուղեկից չգտնեմ, այն ժամանակ ինքս տեղ կհասցնեմ, իսկ եթե գտնեմ, մենք իրար հրաժեշտ կտանք:

Իշխանը նայեց իր պճրուն կոշիկներին, գլխարկին, անդրա-

վարտիքին, շփեց կուրտկան, մտածեց, մի քանի անգամ հառաչեց և, վերջապես, համաձայնեց: Եվ ահա մենք միասին ոտով ուղևորվեցինք Օդեսայից Թիֆլիս:

## 2

Երբ հասանք Խերսոն, ես ճանաչեցի իմ ուղեկցին և տեսա, որ նա միամիտ-վայրենի, չափազանց անզարգացած, ուրախ մի տղա է՝ երբ կուշտ է, լքված է՝ երբ քաղցած է, ճանաչեցի իբրև ուժեղ, բարեհոգի մի կենդանու:

Ճանապարհին նա ինձ պատմում էր Կովկասի մասին, կալվածատեր վրացիների կյանքի, նրանց զվարճությունների և դեպի գյուղացիներն ունեցած վերաբերմունքի մասին: Նրա պատմությունները հետաքրքրական էին, յուրօրինակ գեղեցիկ, սակայն պատմողին նկարում էին իմ առջև չափազանց ոչ գովելի կողմից: Պատմեց նաև, օրինակ, այսպիսի մի դեպք:

Մի հարուստ իշխանի մոտ նրա հարևանները քեֆի են հավաքվում. գինի են խմում, շուրեկ ուտում ու խորոված, ուտում են լավաշ ու փլավ, և հետո իշխանը հյուրերին տանում է ախոռը: Ձիերը թամբում են: Իշխանն իր համար վերցնում է ամենալավին և քշում դաշտի միջով: Կրակոտ ձի է լինում: Հյուրերը գովում են նրա վայելչագեղություններն ու արագավազությունը: Իշխանը նորից է սլանում, բայց հանկարծ մի գյուղացի սպիտակ ձիու վրա նստած՝ դաշտ է դուրս թռչում և իշխանի ձիուց առաջ անցնում, — առաջ է անցնում ու... հպարտ ծիծաղում: Իշխանն ամոթահար է լինում հյուրերի առջև... Խըստությունամբ կիտում է հոնքերը, ձեռքի նշանով մոտ կանչում գյուղացուն, և երբ նա մոտենում է, իշխանը սրի մի հարվածով կտրում է նրա գլուխը, ատրճանակն արձակելով նրա ձիու ականջի մեջ՝ սպանում է ձիուն, իսկ հետո իշխանությունը հայտնում է իր արարքը: Եվ նրան տաժանակիր աշխատանքի են դասապարտում...

Շաքրոն այդ հաղորդում է ինձ՝ իշխանին ափսոսող տոնով: Ես փորձում եմ ապացուցել նրան, որ խղճալու բան չկա, սակայն նա խրատական եղանակով ասում է ինձ.

— Իշխաններ քիչ կան, գյուղացիներ՝ շատ: Մի գյուղացու համար չի կարելի դատապարտել իշխաններին: Ի՞նչ է գյուղացին: Այ, — և Շաքրոն ցույց է տալիս ինձ մի գունդ հող, — իսկ իշխանը՝ ոնց որ ասող:

Մենք վիճում ենք, նա բարկանում է: Երբ նա բարկանում է, ատամները բաց է անում գալլի նման, ու երեսը սրվում է:

— Լո՛ր, Մաքսի՛մ: Գու չես ճանաչում կովկասյան կյանքը,— գոչում է նա: Իմ պատճառաբանություններն անզոր էին նրա անմիջականության առաջ, և այն, ինչ որ ինձ համար պարզ էր, նրա համար ծիծաղելի էր: Ես իմ հայացքների գերազանցության ապացույցներով նրան փակուղի էի գցում, նա առանց երկար մտածելու ասում էր ինձ.

— Գնա Կովկաս, ապրիր այնտեղ: Կտեսնես, որ ես ճշմարիտ եմ ասում: Ամենքն այդպես են անում, նշանակում է՝ այդպես էլ պետք է: Ինչո՞ւ ես պիտի քեզ հավատամ, քանի որ մենակ դու ես ասում՝ այդ այդպես չէ, իսկ հազարավորներն ասում են՝ այս այսպես է:

Այն ժամանակ ես լռում էի՝ հասկանալով, որ պետք է ոչ թե խոսքերով, այլ փաստերով առարկել այն մարդուն, որը հավատացած է, թե կյանքն ինչպես որ կա, լիովին օրինական է ու արդարացի: Ես լռում էի, իսկ նա հիացմունքով՝ շրթունքները ճպճպացնելով էր խոսում կովկասյան կյանքի մասին, որը լի է վայրենի գեղեցկությամբ, կրակով ու ինքնատիպությամբ: Այդ պատմությունները, ինձ հետաքրքրելով ու գրավելով՝ միևնույն ժամանակ վրդովում ու կատաղեցնում էին իրենց վայրագությամբ, հարստության և բիրտ ուժի երկրպագությամբ: Մի անգամ ես հարցրի նրան, թե նա գիտի՞ արդյոք Քրիստոսի վարդապետությունը:

— Իհարկե,— ուտերը թոթվելով՝ պատասխանեց նա:

Բայց հետո պարզվեց, որ նա միայն այսքանը գիտի. մի Քրիստոս է եղել, որ հրեական օրենքների դեմ է դուրս եկել, և հրեաները դրա համար խաչել են նրան խաչի վրա: Բայց նա աստված է եղել, ուստի և խաչի վրա չի մեռել, այլ համբարձվել է երկինք և այն ժամանակ մարդկանց տվել է կյանքի նոր օրենք...

— Ի՞նչ օրենք,— հարցրի ես:

Նա նայեց ինձ ծաղրական տարակուսանքով և հարցրեց.

— Գու քրիստոնյա՞ ես: Դե՛: Ես էլ եմ քրիստոնյա: Աշխարհիս վրա համարյա բոլորը քրիստոնյա են: Դե էլ ի՞նչ ես հարցնում: Տեսնում ես, թե բոլորն ինչպե՞ս են ապրում... Հենց դա է Քրիստոսի օրենքը:

Ես հուզված սկեցի նրան պատմել Քրիստոսի կյանքի մա-

սին: Նա սկզբում ուշադրությամբ լսում էր, հետո այդ ուշադրությունն սկսեց հետզհետե թուլանալ և, վերջապես, վերջավորվեց հորանջով:

Տեսնելով, որ նրա սիրտն ինձ չի լսում, ես սկսեցի նորից դիմել նրա խելքին և խոսել փոխադարձ օգնության օգուտների, գիտության օգուտների, օրինականության օգուտների, օգուտների, շարունակ օգուտների մասին... Իմ պատճառաբանությունները, դիպելով նրա աշխարհըմբռնման պարսպին, փշրվում փռշիանում էին:

— Ով ուժեղ է, նա ինքն իր համար օրենք է: Նրան պետք չի սովորել, նա կույր-կույր էլ կգտնի իր ճամփան,— ծուլորեն առարկեց ինձ Շաքրոն: Նա կարողանում էր ինքն իրեն հավատարիմ մնալ: Դա իմ մեջ հարգանք էր զարթեցնում դեպի նա: Բայց նա վայրենի էր, խստասիրտ, և ես զգում էի, թե ինչպես իմ մեջ երբեմն ատելություն էր բռնկվում դեպի Շաքրոն: Սակայն հույսս չէի կորցնում գտնելու մեր մեջ շփման կետ, գտնելու այն հողը, որի վրա երկուսս էլ կկարողանայինք համաձայնության գալ և իրար հասկանալ:

Մենք անցանք Պերեկոպը և մոտենում էինք Յալթային: Ես երազում էի Ղրիմի հարավային ափը, իշխանը ատամների արանքով իր տարօրինակ երգերը երգելով՝ մոռալ էր: Մեր ամբողջ փողը վերջացավ, վաստակելու տեղ էլ չկար տակավին: Մենք շտապում էինք Թեոդոսիա, որտեղ այդ ժամանակ նավահանգստի շինարարության աշխատանքներ էին սկսվում:

Իշխանն ինձ ասում էր, որ ինքն էլ կբանի, և փող աշխատելով, մենք ծովով կգնանք Բաթում: Բաթումում նա շատ ծանոթների ունի, և անմիջապես ինձ համար դոնապանի կամ պահապանի տեղ կգտնի: Նա թփփփացնում էր ուսիս և լեզուն քաղցր ծպծպացնելով՝ հովանավորաբար ասում.

— Ես քեզ համար ա-այնպիսի կյանք ստեղծեմ: Մծը՛, ծծը՛: Գինի կիսմե՛ս՝ ինչքան ուզես, ոչխարի միս՝ ինչքան ուզես: Կպսակվես վրացուհու հետ, մի հասուլիկ վրացուհու, ծծը՛, ծծը՛, ծծը՛... նա քեզ համար լավաշ կթխի, երեխաներ կծնի, շա՛տ երեխաներ, ծծը, ծծը:

Այդ «ծծը, ծծը»-ն սկզբում ինձ զարմացնում էր, հետո սկսեց զրգռել, ապա արդեն հասցնում էր թախձալի կատաղության: Ռուսաստանում այդպիսի հնչյունով խոզերին են կան-

լում, իսկ Կովկասում նրանով արտահայտում են հիացմունք, ափսոսանք, բավականություն, վիշտ:

Շաքրոն արդեն խիստ մաշել էր իր նորածն զգեստը, և կոշիկները շատ էին ճաքճաքվել: Ձեռնափայտն ու շլյապան ծախել էինք Խերսոնում: Շլյապայի տեղ նա գնել էր երկաթուղային աստիճանավորի մի հին գլխարկ:

Երբ նա առաջին անգամ գլխին դրեց այդ գլխարկը, — խիստ թեք դրեց, — ինձ հարցրեց.

— Ինձ սագո՞ւմ է: Գեղեցի՞կ է:

### 3

Եվ ահա Ղրիմում ենք: Անցանք Սիմֆերոպոլը և ուղևորվեցինք դեպի Յալթա:

Ես գնում էի՝ հողի այդ կտորի բնության գեղեցկության համար սքանչացումով, հողակտոր, որին փաղաքշում է ծովը: Իշխանը հառաչում էր, վշտանում և շուրջը տխուր հայացքներ գցելով՝ ջանում էր լցնել իր դատարկ ստամոքսն ինչ-որ տարօրինակ հատապտուղներով: Նրանց սննդարար հատկություններին ծանոթանալը նրա համար բարեհաջող էր անցնում ոչ միշտ և հաճախ նա շար հումորով ասում էր ինձ.

— Եթե փորս տակն ու վրա անի, ինչպե՞ս պետք է շարունակեմ ճանապարհս, հը՞: Ասա՛, ինչպե՞ս:

Որևէ բան վաստակելու հնարավորություն չէր ներկայանում, և մենք, լուսննալով ոչ մի գրող հացի փող, սնվում էինք մրգերով ու ապագայի վրա դրած հույսերով: Իսկ Շաքրոն սկսել էր արդեն ինձ հանդիմանել ծուլության և, ինչպես ինքն էր արտահայտվում, «բերանբացության» համար: Նա ընդհանրապես դարձել էր անտանելի, բայց ինձ ավելի շատ մտահոգում էր իր առասպելական ախորժակի վերաբերյալ պատմություններով: Բանից դուրս է գալիս, որ նա ժամը 12-ին իբրև նախաճաշ «մի գառնուկ» ուտելով և երեք շիշ գինի խմելով, ժամը 2-ին կարող էր առանց հատուկ ճիգեր գործ դնելու ճաշին ատել երեք ափսե ինչ-որ «չախտխբելի», կամ «չխրթմա», մի թեփչի փլավ, մի ամբողջ շամփուր խորոված, «ինչքան ուզես՝ տոլմա» և դեռ էլի կովկասյան շատ խորտիկներ, և ընդամենի խմել գինի՝ «ինչքան ուզեր»: Նա ամբողջ օրերով պատմում էր ինձ իր գառ-

րոնումիական հակումների և գիտելիքների մասին, պատմում էր՝ շրթունքները շմփացնելով, վառվող աչքերով, ատամները բաց անելով ու կրճատացնելով, քաղցածությունից աղմուկով ներս քաշելով ու կուլ տալով թուրք, որ առատությամբ ցայտում էր նրա պերճախոս շրթունքներից:

Մի անգամ Յալթայի մոտ ինձ վարձեցին մրգեղենի մի այգի կտրտած ճյուղերից մաքրելու. ես իմ օրավարձը նախօրոք առա և ամբողջ հիսուն կոպեկի հաց ու միս գնեցի: Երբ գնածս բերեցի, այգեպանն ինձ կանչեց, և գնացի՝ գնածս հանձնելով Շաքրոյին, որը հրաժարվել էր աշխատանքից, պատճառաբանելով, թե գլուխը ցավում է: Մի ժամից հետո վերադառնալով՝ ես համոզվեցի, որ Շաքրոն իր ախորժակի մասին խոսելիս՝ դուրս չէր եկել ճշմարտության սահմաններից, իմ գնածից ոչ մի փշրանք չէր մնացել: Դա ընկերական վարժուք չէր, բայց ես լռեցի՝ ի դժբախտություն ինձ՝ ինչպես պարզվեց հետագայում:

Շաքրոն, նկատելով իմ լռությունը, դրանից օգտվեց իր ձեռով: Այդ ժամանակից սկսվեց մի ինչ-որ անհեթեթ բան: Ես աշխատում էի, իսկ նա ղանազան պատճառաբանություններով հրաժարվում էր բանելուց. ուտում էր, քնում և ինձ աշխատել ստիպում: Ինձ համար ծիծաղելի և ցավալի էր նայել նրան, այդ առողջ տղային, երբ ես գործս վերջացրած՝ հոգնած վերադառնում էի նրա մոտ, նա մի ստվերոտ անկյունում սպասելիս էր լինում ինձ և այնպիսի ազահույությամբ էր շոշափում ինձ հայացքով: Բայց է՛լ ավելի վշտալի ու վիրավորական էր տեսնել, որ նա ծիծաղում էր ինձ վրա այն պատճառով, որ ես աշխատում եմ: Նա ծիծաղում էր, որովհետև սովորել էր Քրիստոսի անունով ողորմություն խնդրել: Երբ նա սկսեց ողորմություն հավաքել, սկզբում քաշվում էր ինձնից, բայց հետո, երբ մոտենում էինք մի թաթարական գյուղի, նա սկսում էր աչքիս առաջ պատրաստվել մուրալու: Գրա համար նա հենվում էր ձեռնափայտին և ոտը գետնով քարշ տալիս, ասես թե ցափելիս լիներ, իմանալով, որ ժլատ թաթարներն առողջ երիտասարդին ողորմություն չեն տա: Ես վիճում էի նրա հետ, ցույց տալիս նրա այդպիսի զբաղմունքի ամոթալիությունը...

— Ես չեմ կարողանում բանել, — կարճ առաթիում էր նա: Նրան ողորմություն քիչ էին տալիս: Ես այդ ժամանակ սկսել էի հիվանդանալ: Ծանապարհն օրեցօր դառնում էր ավելի զրո-

վար, և իմ հարաբերութիւնները Շաքրոյի հետ՝ ավելի ծանր: Նա այժմ արդեն խստիվ պահանջում էր, որ ես նրան կերակրեմ:

— Դու ինձ տանում ես: Տար: Մի՞թե ես կարող եմ ոտով այդքան հեռու տեղ գնալ: Ես սովոր չեմ: Ես դրանից կարող եմ մեռնել: Ի՞նչ ես ինձ շարժարում, սպանում: Ես որ մեռնեմ, բանը ո՞նց կլինի: Մերս լաց կլինի, հերս լաց կլինի, ընկերներս լաց կլինեն, էդ ինչքա՞ն արցունք կանի:

Ես այդպիսի խոսքեր էի լսում, բայց դրանք ինձ չէին բարկացնում: Այդ ժամանակ իմ մեջ սկսել էր ծագել մի տարօրինակ միտք, որ ինձ դրում էր տանել այդ բոլորը: Պատահում էր, նա քնած էր լինում, իսկ ես նրա կողքին նստած, դիտելով նրա հանգիստ, անշարժ դեմքը, կրկնում էի ինքս ինձ, կարծես մի բան կոահելով:

— Իմ ուղեկիցը... ուղեկիցս...

Եվ գիտակցութեանս մեջ երբեմն աղոտ միտք էր ծագում, թե Շաքրոն միայն օգտվում է իր իրավունքից, երբ այնպես վստահ ու համարձակ պահանջում է ինձնից օգնութիւն ու խնամք: Այդ պահանջն արտահայտում էր ուժեղ բնավորութիւն, ուժ: Նա ինչ ստրկացնում էր, ես նրան ենթարկվում էի և ուսումնասիրում, հետևում նրա դեմքի յուրաքանչյուր դողոցին, աշխատելով պատկերացնել, թե ուրիշի անձնավորութիւնը զավթելու այդ պրոցեսում նա ո՞ւր և ինչի՞ վրա կանգ կառնի: Իսկ նա իրեն շատ լավ էր զգում. երգում էր, քնում ու ծիծաղում իմ վրա, երբ քնֆը տալիս էր: Երբեմն իրարից բաժանվում էինք երկու-երեք օրով, գնում զանազան կողմեր. ես նրան հաց ու փող էի մատակարարում, եթե ունենում էի, և ասում էի, թե որտեղ ինձ սպասի: Երբ կրկին հանդիպում էինք, ապա նա, որ ինձ ճանապարհ դրած էր լինում կասկածանքով ու տխուր շարութեամբ, դիմավորում էր սաստիկ ուրախ, հրճվանքով և միշտ ասում էր ծիծաղելով.

— Ես կարծում էի, թե դու ինձ մեռնակ թողեցիր, փախար: Հա՛, հա՛, հա՛...

Ես նրան ուտելու բան էի տալիս, պատմում էի իմ տեսած գեղեցիկ տեղերի մասին, և մի անգամ, Բախչիսարայի մասին խոսելիս, ի դեպ, պատմեցի Պուշկինի մասին և ասացի նրա ոտանավորներից: Այդ բոլորը ոչ մի տպավորութիւն չարեց նրա վրա:

— Է՛, ոտանավորներ: Դրանք երգեր են և ոչ թե ոտանա-

վորներ: Ես մի մարդ էի ճանաչում, մի վրացու, նա երգ էր երգում: Այ, դրանք երգեր էին... որ չէր երգում — ա՛յ, ա՛յ, ա՛յ... բա՛րձր... շա՛տ բարձր էր երգում: Ասես կողորդը խենչալ էին կոխել ու խանջտորում էին... Նա մի գինեվաճառ մորթեց, հի-մի Սիբիր է գնացել...

Ամեն անգամ նրա մոտ վերադառնալիս ես ավելի ու ավելի էի ընկնում նրա աչքից, և նա չէր կարողանում այդ թաքցընել ինձնից:

Մեր գործերը շատ վատ էին գնում: Ես հագիվ էի հնարավորութիւն գտնում շաքաթական մեկ կամ մեկուկես ուրբի աշխատել և, ինքնըստինքյան հասկանալի է, որ այդ ավելի քան քիչ էր երկուսիս համար: Շաքրոյի մուրալը սննդի խնայողութիւն չէր բերում. նրա ստամոքսը մի փոքրիկ անդունդ էր, որ կլանում էր անխտիր ամեն ինչ՝ խաղող, սեխ, աղ դրած ձուկ, հաց, շորացրած մրգեր, և ժամանակի ընթացքում այն կարծես ավելի էր մեծանում ծավալով և ավելի ու ավելի զոհեր պահանջում:

Շաքրոն սկսեց շտապեցնել ինձ Ղրիմից գնալու, խելացիորեն ասելով ինձ, որ արդեն աշուն է, իսկ ճանապարհ դեռ շատ կա: Ես համաձայնեցի նրա հետ: Մանավանդ, որ ես նայել, վերջացրել էի Ղրիմի այդ մասը, և մենք ճանապարհվեցինք դեպի Թեոդոսիա այն հուլիսով, որ ճայնտեղ փող էլ կգցենք ճանկերս», որից էլի զուրկ էինք:

Ալուշտայից քսան վերստ հեռանալով՝ մենք կանգ առանք գիշերելու: Ես Շաքրոյին համոզել էի ծովափով գնալ, թեև այդ երկարագույն ճանապարհն էր, բայց ես ուզում էի մի կուշտ ծովի օդ շնչել: Մենք խարույկ վառեցինք և պառկեցինք նրա մոտ: Երեկոն հրաշալի էր: Մուգ կանաչ ծովը ներքևում, մեզնից փոքր-ինչ ցած, զարկվում էր ժայռերին. կապույտ երկինքը հանդիսավոր կերպով լուռ էր վերևում, իսկ մեր շուրջը մեղմիկ խշխշում էին թփերն ու ծառերը: Լուսինը դուրս էր գալիս: Սոսիների ճամկավոր սաղարթից ստվերներ էին ընկնում: Մի ինչ-որ թռչուն երգում էր շարճճի ու հնչեղ ձայնով: Նրա արծաթահնչուն դալլայիկները հալչում էին ալիքների մեղմ ու փաղաքշող աղմուկով լի օդի մեջ, և երբ նրանք անհետանում էին, լավում էր մի միջատի ջղային ճռճոցը: Խարույկը զվարթ էր վառվում, և նրա կրակը թվում էր կարմիր ու դեղին ծաղիկների մի բոցավառ փունջ: Նա էլ էր ստվերներ առաջացնում, և այդ

ստվերներն ուրախ ցատկոտում էին մեր շուրջը՝ ասես լուսնի ծուլ ստվերների առաջ իրենց աշխուժությամբ պարծենալով: Մովի լայն հորիզոնն ամաչի էր. նրանից վեր՝ երկինքն էր անամպ, և ես ինձ զգում էի աշխարհիս ծայրին՝ դիտելիս տարածությունը՝ հոգի դուրսդ այդ առեղծվածը... ինչ-որ մեծ բանի մոտ լինելու երկչոտ զգացումը լցնում էր հոգիս, և սիրտս թպրտալով դալկանում էր...

Հանկարծ Շաքրոն բարձրաձայն քրքջալ:

— Հա՛-հա՛-հա՛... Ի՛նչ հիմար կերպարանք ունես: Ուղղակի ոնց որ ոչխարի կերպարանք: Ա՛, հա՛-հա՛-հա՛...

Ես վախեցա. կարծես թե գլխիս հանկարծակի ամպրոպ ճայթեց: Բայց այդ ավելի վատ էր: Դա ծիծաղելի էր, այո՛, բայց ինչքա՛ն վիրավորական էր... Նա, Շաքրոն, լալիս էր ծիծաղից. ես ինձ լալու պատրաստ էի զգում՝ ուրիշ պատճառով: Կոկորդումս կարծես քար կար, ես չէի կարողանում խոսել և վայրենի աչքերով նայում էի նրան, որով ավելի էի սաստկացնում նրա ծիծաղը: Նա, փորը բռնած, թավալվում էր գետնի վրա. իսկ ես դեռ չէի կարողանում ուշքի գալ ինձ հասցրած վիրավորանքից... Ինձ ծանր վիրավորանք էր հասցված, և այն քիչ մարդիկ, որոնք, հուսով եմ, որ կհասկանան այդ,— որովհետև գուցե իրենք էլ զգացել են այդօրինակ մի բան,— նրանք նորից կզգան իրենց հոգում այդ ծանրությունը չափը:

— Վե՛րջ տուր,— կատաղած գոռացի ես:

Նա վախեցավ, ցնցվեց, բայց դեռ էլի չէր կարողանում իրեն զսպել. ծիծաղի բռնկումները դեռ բռնում էին նրան. նա ուռցնում էր այտերը, աչքերը չոում և հանկարծ նորից բուռն կերպով քրքջում: Այն ժամանակ ես վեր կացա ու հեռացա նրանից: Ես երկար գնում էի առանց մտածելու, համարյա առանց գիտակցելու, վիրավորանքի այրող թույնով լցված: Ես գրկում էի ամբողջ բնությունը և լուռ, ամբողջ հոգով սերս հայտնում նրան,— վառ սերը մի մարդու, որը մի քիչ բանաստեղծ է... իսկ բնությունը, հանձին Շաքրոյի, քրքջաց իմ վրա՝ հափշտակությունս համար: Ես հեռու կգնայի բնության, Շաքրոյի և կյանքի բոլոր կարգերի դեմ մեղադրական վճիռ կայացնելուս մեջ, սակայն ետևիցս արագ քայլեր լսվեցին:

— Մի՛ բարկանա,— ամոթահարված արտասանեց Շաքրոն՝ ձեռքը կամաց դիպցնելով ուսիս:— Դու աղոթո՞ւմ էիր: Ես չգիտեի:

Նա խոսում էր շարություն արած երեխայի երկչոտ տոնով և ես, շնայելով հուզմունքիս, չկարողացա շտեմանել նրա խղճալի դեմքը, որ շփոթմունքից ու վախից ծիծաղելի կերպով ծլուճում էր:

— Ես էլ քեզ ձեռք չեմ սա: Ծի՛շտ: Ո՛չ մի ժամանակ:

Նա բացասաբար թափահարեց գլուխը:

— Ես տեսնում եմ, որ դու հանգիստ մարդ ես: Բանում ես: Ինձ չես ստիպում: Մտածում եմ՝ ինչո՞ւ: Ուրեմն հիմար է նա, ոնց որ ոչխար...

Այդ նա ինձ մխիթարում էր: Այդ նա ներողություն էր խնդրում ինձնից: Իհարկե, այդպիսի մխիթարանքներից ու թողություն հայցելուց հետո ինձ ոչինչ չէր մնում անել, եթե ոչ ներել նրան՝ ո՛չ միայն անցյալը, այլև ապագան:

Կես ժամ հետո նա խոր քնած էր, իսկ ես նստած էի նրա կողքին ու նայում էի նրան: Քնած ժամանակ նույնիսկ ուժեղ մարդն անպաշտպան ու անօգնական է թվում, իսկ Շաքրոն ողորմելի էր: Նրա հաստ շրթունքները, կիտած հոնքերի հետ միասին, նրա դեմքը դարձնում էին մանկական, երկչոտ, զարմացած: Ծնչում էր նա լիաթոք, հանգիստ, բայց երբեմն դեգերում ու զառանցում էր՝ վրացերեն խոսելով աղաչանքով ու փութկոտ: Մեր շուրջը թագավորում էր այն լարված խաղաղությունը, որից միշտ մի բան ես սպասում, և որը եթե կարողանար երկար շարունակվել, մարդուն կզժվեցներ իր կատարյալ անդորրությունը ու հնչյունի շարժման այդ ցայտուն ստվերի բացակայությամբ: Ալիքների մեղմ ճողփյունը չէր հասնում մեզ, մենք գտնվում էինք մի ինչ-որ փոստում, որը պատած էր կաշուն մացառներով և կարծես քարացած կենդանու բրդբրդոտ երախ լիներ: Ես նայում էի Շաքրոյին ու մտածում.

— Սա իմ ուղեկիցն է... Ես կարող եմ սրան այստեղ թողնել, բայց չեմ կարող նրանից հեռանալ, որովհետև նրա անունը լեգիոն է... Սա իմ ամբողջ կյանքի ուղեկիցն է... Նա մինչև գերեզման կուղեկցի ինձ...

Թեոդոսիան ի դերև հանեց մեր սպասելիքները: Երբ մենք տեղ հասանք, այնտեղ կար մոտ շորս հարյուր մարդ, որոնք մեզ պես գործի էին սպասում և նույնպես ստիպված էին բավականանալ նավամատուցի պատնեղի կառուցման հանդիսատեսը լինելու դերով: Աշխատում էին թուրքեր, հույներ, վրացիներ, սմոլենսկցիներ, պոլտավացիներ: Ամենուրեք, թե՛ քաղա-

քում և թե՛ նրա շուրջը, խմբերով շրջում էին «սովյալների» գորշ, ընկճված կերպարանքներ, և գալլի արշավով դեռ ու դեռ էին թափառում ազովյան ու տավրիկյան շրջմոլիկները:

Մենք գնացինք Կերշ:

Իմ ուղեկիցը կատարում էր իր խոսքը և ինձ ձեռք չէր տալիս, բայց նա սաստիկ քաղցում էր և մեկի ուտելը տեսնելիս՝ ուղղակի գալլի նման կրճատացնում էր ատամները՝ ինձ սարսափեցնելով զանազան կերակուրների նկարագրությամբ ու քանակի մատնանշումով, կերակուրներ, որ նա պատրաստ էր կլանելու: Մի քանի ժամանակից ի վեր նա սկսել էր հիշել կանանց մասին: Սկզբում հարևանցիորեն, ափսոսանքի հառաչանքներով, ապա հաճախ, «արևելցի մարդու» ընչաքաղց ժպիտներով, և պա հաճախ, հասավ այն աստիճանին, որ երբ մոտովն անցնում էր կանանց սեռին պատկանող որևէ անձնավորություն, — ինչ տարիքի և ինչ արտաքինի տեր էլ որ լիներ, — նա այլևս չէր կարող շասել ինձ մի որևէ գործնական փիլիսոփայական կեղտոտություն նրա այս կամ այն հանգամանքի առթիվ: Նա ճառում էր կանանց մասին այնպես ազատ, առարկայի այնպիսի ճանաչողությամբ և նայում էր նրանց վրա այնպիսի զարմանալի ուղիղ տեսակետով, որ ես միայն թքում էի... Մի անգամ փորձեցի նրան ապացուցել, որ կինը նրանից վատ արարած չի, բայց տեսնելով, որ նա ոչ միայն վերավորվում է ինձնից իմ հայացքների համար, այլև պատրաստ է կատաղության հասնել այն ստորացման համար, որին, նրա կարծիքով, ես ենթարկում էի իրեն, թողեցի փորձերս մինչև այն ժամանակ, երբ նա կուշտ կլինի:

Մենք Կերշ էինք գնում այլևս ոչ թե ծովափով, այլ տափաստանով՝ ճանապարհը կարճացնելու դիտավորությամբ, և մեր պարկում կար ընդամենը երեք գրվանքանոց մի գարե բոքոն, որ գնել էինք մի թաթարից մեր վերջին հինգ կոպեկանոցով: Շաբրոյի՝ գյուղերում հաց մուրալու փորձերը ոչ մի հետևանքի չէին հասցնում. ամենուրեք կարճ պատասխանում էին. «Չեզպեսներ շատ կան...» Այն մեծագույն ճշմարտություն էր. իրավ, այդ ծանր տարին սոսկալի շատ էին մի կտոր հաց որոնողները:

Իմ ուղեկիցը տանել չէր կարող «սովյալներին» — ողորմություն ժողովելու մեջ իր մրցակիցներին: Նրա կենսական ուժերի պաշարը՝ շնայելով ճանապարհի դժվարությունը և վատ

սննդառությանը՝ թույլ էր տալիս նրան ընդունելու այնպիսի հյուծված և խղճալի տեսք, որով մուրացկաններն, արդարև, կարող էին պարծենալ որպես մի տեսակ կատարելություն: և նա նրանց դեռ հեռվից տեսնելիս՝ ասում էր.

— էլի գալիս են: Փո՛ւ, փո՛ւ, փո՛ւ: Ի՞նչ են շրջում: Ի՞նչ են շրջում: Ի՞նչ են հեռվից գալիս: Մի՞թե Ռուսաստանը նեղ է: Չե՛մ հասկանում: Ռուսաստանի ժողովուրդը շատ հիմար է:

Եվ երբ ես բացատրում էի նրան այն պատճառները, որոնք ստիպել էին հիմար ռուս ժողովրդին Ղրիմում շրջել՝ հաց փրկությունով, նա անվստահությամբ գլուխն օրորելով՝ առարկում էր.

— Չե՛մ հասկանում: Ինչպե՞ս կարելի է... Մեզ մոտ, վրաստանում, այդպիսի հիմարություններ չեն լինում:

Մենք Կերշ հասանք ուշ երեկոյան և ստիպված եղանք գիշերել նավամատուցից դեպի ափը ձգված կամրջակների տակ: Լավ կլիներ, որ թաքնվեինք. մենք գիտեինք, որ մեր գալուց քիչ առաջ բոլոր ավելորդ մարդկանց — շրջմոլիկներին — Կերշից դուրս էին տարել, և վախենում էինք, որ ոստիկանատուն կընկնենք, և քանի որ Շաբրոն ճանապարհորդում էր ուրիշի անձնագրով, ուստի այս հանգամանքը կարող էր մեր վիճակի մեջ լուրջ բարդություններ առաջ բերել:

Մակընթաց ալիքներն ամբողջ գիշեր առատությամբ ցայտեր էին տեղում մեզ վրա, և լուսաբացին մենք դուրս եկանք կամրջակների տակից թրջված ու փետացած: Ամբողջ ցերեկը շրջեցինք ծովափին, և բոլորը, ինչ հաջողվեց մեզ վաստակել, մի տասը կոպեկանոց էր, որ ես ստացա մի տերտերակնոջից, որի մի պարկ սեխը շուկայից տուն տարա:

Այժմ հարկավոր էր նեղուցով անցնել Քաման: Ոչ մի մակույկատեր չհամաձայնեց ընդունել մեզ իբրև թիավարող՝ մյուս ափն անցնելու համար, որքան էլ որ ես խնդրեցի: Բոլորը զբոզրոված էին շրջմոլիկների դեմ, որոնք մեր գալուց քիչ առաջ այդտեղ շատ հերոսական սխրագործություններ էին կատարել, իսկ մեզ, ոչ առանց հիմքի, նրանց կարգն էին դասում: Երբ հասավ երեկոն, ես անհաջողություններիցս ողջ աշխարհի վրա շարացած լինելով՝ վճռեցի բավական վտանգավոր մի բան անել և գիշերը հասնելուն պես՝ ի կատար ածեցի:

Գիշերը ես ու Շաքրոն կամաց մոտեցանք մաքսատան հըր-  
շեջ պահակակետին, որի մոտ երեք մակույկ կար. դրանք շրջ-  
թաներով կապած էին ծովափնյա քարե պարսպին ամրացրած  
օղակներին: Մութն էր, քամի էր փչում, մակույկներն ընդար-  
վում էին իրար, շղթաները շառաչում էին... Ինձ համար հար-  
մար էր տարուբերել օղակն ու հանել քարից:

Մեզնից վեր, հինգ արշինաչափ բարձրությամբ վրա, ման  
էր գալիս մաքսատան պահակ գինվորը և ատամների արանքով  
սուլում էր: Երբ նա մեզ մոտիկ տեղում կանգ էր առնում, ես  
ընդհատում էի աշխատանքս, բայց դա ավելորդ զգուշություն  
էր. նա չէր կարող հնթադրել, թե ներքևում մինչև կոկորդը ջրի  
մեջ խրված մարդ կա, իսկ ինչ վերաբերում է շառաչին, շրջ-  
թաները առանց իմ օգնության էլ անընդհատ շառաչում էին:  
Շաքրոն արդեն ձգվել էր մակույկի հատակին և ինձ ինչ-որ  
բան էր շնչում, որը ես չկարողացա հասկանալ՝ ալիքների աղ-  
մուկի պատճառով: Օղակն իմ ձեռքերում էր... Ալիքը խեց մա-  
կույկը և միանգամից նետեց ափից հեռու: Ես բռնել էի շղթա-  
յից և լողում էի մակույկի հետ, հետո բարձրացա և մտա նրա  
մեջ: Մենք հանեցինք երկու ծածկույթատախտակ և թիերի փո-  
խարեն ամրացնելով թիատեղերում, ճանապարհ ընկանք...

Խաղում էին ալիքները, և Շաքրոն, նավախելին նստած,  
մերթ կորչում էր աչքիցս՝ նավախելի հետ միասին, մերթ բարձ-  
րանում էր ինձնից վեր և գոռալով՝ համարյա ընկնում ինձ վրա:  
Ես նրան խորհուրդ տվի չգոռալ, եթե չի ուզում, որ պահապանը  
իրեն լսի: Այն ժամանակ նա լռեց: Ես նրա երեսի տեղ տես-  
նում էի մի ճերմակ բիծ: Նա ամբողջ ժամանակ ղեկն էր վա-  
րում: Մենք ժամանակ շունեինք մեր դերերը փոխելու և վախե-  
նած էինք նավակի միջով մի տեղից մյուս տեղն անցնել: Ես  
բարձր ասում էի նրան, թե ինչ դիրք տա նավին, և նա, իս-  
կույն ինձ հասկանալով՝ անում էր ամեն բան այնպես արագ,  
որ կարծես թե հենց ծովային ծնված լինիր: Թիակներին փո-  
խարինող տախտակները ինձ քիչ էին օգնում: Քամին փչում  
էր մեր նավախելին, և ես քիչ էի հոգում այն մասին, թե ուր է  
տանում մեզ, աշխատելով միայն, որ նավաքիթը նեղուցի լայ-  
նությունը լինի: Դա հեշտ էր, որովհետև դեռ երևում էին Կերչի  
կրակները: Ալիքները նավեզրի վրայով ղեպի մեզ էին բարձրա-

նում և դայրագին աղմկում էին. քանի շատ էինք ղեպի նեղուցը  
տարվում, այնքան ալիքներն ավելի բարձր էին դառնում: Հեռ-  
վից արդեն լսվում էր մոնչյուն, որ վայրենի էր և ահեղ... Իսկ  
մակույկը շարունակ տարվում էր ավելի ու ավելի արագ, շատ  
դժվար էր ընթացքի ուղղությունը պահպանել: Մենք մի պշուխ  
դուրվում էինք խոր վիհերի մեջ և այնտեղից թռչում ջրային  
բլուրների վրա, իսկ գիշերն ավելի ու ավելի էր մթնում, և ակ  
ամպերն ավելի էին ցած իջնում:

Նավախելի հետևում երևացող կրակները կորան խավարի  
մեջ, և այն ժամանակ սարսափելի դարձավ: Թվում էր, թե  
դասկոտ ջրի այդ տարածությունը սահմաններ չունի: Ոչինչ չէր  
երևում, բացի խավարի միջից դուրս թռչող ալիքներից: Այդ  
ալիքները ձեռքից խելցին մի տախտակը, մյուսն էլ ինքս գցեցի  
մակույկի հատակը ու երկու ձեռքով ամուր բռնեցի նավեզրե-  
րից:

Շաքրոն վայրենի ձայնով ոռնում էր ամեն անգամ, երբ  
նավակը վեր-վեր էր թռչում: Զայրացած տարերբով շրջապատ-  
ված և նրա աղմուկից խլացած, ես ինձ խղճալի ու անզոր էի  
զգում այդ խավարի մեջ: Սիրտս անհույս, շար հուսահատու-  
թյամբ համակված՝ տեսնում էի շուրջս միայն այդ ալիքները՝  
ճերմակ բաշերով, որոնք փշրվում, աղի ցայտեր էին դառնում,  
և ինձնից վեր գտնվող սև ամպերը խիտ ու թանձր՝ նույնպես  
նման էին ալիքների... Ես հասկանում էի միայն մի բան. այն  
ամենը, ինչ կատարվում էր իմ շուրջը, կարող էր լինել անչափ  
ավելի ուժգին և ավելի ահոելի, և ես բարկանում էի, որ նա  
իրեն պահում է և չի ուզում այդպիսին լինել: Մահն անխուսա-  
փելի է: Բայց անհրաժեշտ է այդ անաչառ, ամեն ինչ համա-  
հարթող օրենքը մի որևէ բանով գեղեցկացնել, որովհետև չա-  
փազանց ծանր է ու բիրտ: Եթե ինձ վիճակված լինիր այրվել  
կրակում կամ խեղդվել ճահճուտում, ես կաշխատեի ընտրել  
առաջինը — էլի մի տեսակ ավելի վայելուչ է:

— Առագաստ պարզենք, — գոչեց Շաքրոն:

— Ո՞ւր է դա, — հարցրի ես:

— Իմ չեքմենն<sup>1</sup> առագաստ շինենք...

— Գցի՛ր այստեղ: Ղեկը բաց շթողնես...

Շաքրոն լուռ խլրտաց նավախելի վրա:

<sup>1</sup> Կոյկասյան լեռնականների վերնագրեր: (Մ. Ք.):

— Բռնի՛ր...

Նա դեպի ինձ նետեց իր շեքմենը: Հատակի վրայով մի կերպ փորձող տալով՝ ես նավածածկույթից պոկեցի մի տախտակ ևս, ամուր գործվածք ունեցող հագուստի թևը հագցրի նրան, նավակի նստարանների մոտ տնկեցի, ոտներս դեմ տվի ու վերցրի մյուս թևն ու փեշը, երբ հանկարծ մի բուլբուլին անսպասելի բան պատահեց... Նավակը սովորականից շատ բարձր ցատկեց, ապա ցած թռավ, և ես ինձ գտա ջրի մեջ՝ մի ձեռքիս պահած շեքմենը, իսկ մյուսով բռնած թոկից, որ պատ էր տված նավեզրի դրսի կողմից: Ալիքներն աղմուկով ցատկում էին գլխիս վրայով, և ես կուլ էի տալիս դառնաղի ջուրը: Այն լցվեց ականջներս, բերանս, քիթս... Ձեռքերով թոկն ամուր բռնած՝ ես բարձրանում ու իջնում էի ջրի վրա՝ գլուխս նավեզրին թրխկացնելով և շեքմենը նավակի հատակը գցելով՝ աշխատում էի ինքս էլ թռչել նավակը: Իմ տասնյակ ճիգերից մեկը հաջողվեց, ես նավակին հեծա և իսկույն տեսա Շաքրոյին, որ թավազուր էր գալիս ջրի մեջ՝ երկու ձեռքով բռնած նույն պարանոցից, որ ես հենց նոր բաց էի թողել: Բանից երևաց, որ դրանք փաթաթված էին ամբողջ նավակի շուրջը՝ անցկացված լինելով եզրերին ամրացված երկաթե օղակների միջով:

— Կենդանի՛ եմ, — գոչեցի ես նրան:

Նա վեր ցատկեց ջրից և նույնպես շրմփաց նավակի հատակը: Ես նրան բռնեցի, և մենք դեմառդեմ ելանք իրար: Ես նստած էի նավակի վրա՝ ինչպես ձիու վրա, ոտներս հագցրած թոկերի մեջ, ինչպես ասպանդակների, բայց այդ անհուսալի էր. ամեն մի ալիք կարող էր հեշտությամբ վայր գլորել ինձ այդ թամբից: Շաքրոն ձեռքերով պինդ բռնեց ծնկներս և գլուխը դեմ տվեց կրծքիս: Նա ամբողջովին դողում էր, և ես զգում էի, թե ինչպես էին դողողում նրա ծնոտները: Պետք էր մի բան անել: Հատակը լարծուն էր, կարծես յուղ քսած լիներ: Ես Շաքրոյին ասացի, որ նա նորից ջուրը մտնի և բռնի նավեզրի թոկից, իսկ ես նույնը կանեմ մյուս կողմում: Պատասխանի տեղ նա սկսեց գլխով հրհրել կուրծքս: Ալիքները վայրենի պարով շարունակ ցատկում էին մեր վրայով, և մենք հագիվհագ էինք կարողանում տեղներս մնալ. մի ոտս սաստիկ կտրում էր թոկը: Մեր տեսողաշտում ամենուրեք գոյանում էին ջրի բարձր բլուրներ և աղմուկով անհետանում:

Ես ասածս կրկնեցի Շաքրոյին արդեն հրամանի տոնով: Նա

ավելի ուժգին սկսեց գլխով հարու տալ կրծքիս: Հապաղել չէր կարելի: Ես ինձնից պոկեցի նրա ձեռքերը մեկը մյուսի ետևից ու սկսեցի նրան ջուրը հրել, աշխատելով, որ նա թոկն իր ձեռքը գցի: Եվ այդտեղ կատարվեց մի բան, որ ինձ ամենից ավելի վախեցրեց այդ գիշեր:

— Խեղդո՞ւմ ես ինձ, — շնչաց Շաքրոն և նայեց դեմքիս:

Այդ իսկապես զարհուրելի էր: Զարհուրելի էր նրա հարցը, ավելի զարհուրելի՛ նրա հարցի տոնը, որի մեջ հնչում էր և՛ երկշոտ հնազանդություն, և՛ իննայելու խնդրանք. և՛ վերջին հառաչանքը մի մարդու, որը կորցրել է ճակատագրական վախճանից խուսափելու հույսը: Բայց ավելի սարսափելի էին աչքերը՝ մեռելատիպ, գունատ, թրջված երեսին...

Ես գոչեցի նրան.

— Պի՛նդ կաց, — և ինքս ջուրն իջա՝ թոկից բռնած: Ոտս դիպավ մի բանի և, առաջին վայրկյանին ցավից ոչինչ չկարողացա հասկանալ: Բայց հետո հասկացա: Մեջս մի ջերմություն բռնվեց, ես հարբեցի և զգացի ինձ ավելի ուժեղ, քան երբևէ...

— Գետի՛ն, — գոչեցի ես:

Գուցե մեծ ծովագնացները, որոնք նոր երկրներ են հայտաբերել, դրանց տեսնելիս՝ այս բառը ճշացել են ավելի մեծ զգացմունքով, քան ես, բայց ես կասկածում եմ, որ նրանք կարողացած լինեին ինձնից ավելի բարձր գոռացած լինել: Շաքրոն բռնաց, և մենք ջուրը նետվեցինք: Բայց շուտով հիասթափվեցինք երկուսս էլ. ջուրը դեռ մինչև կրծքներս էր հասնում, և ոչ մի տեղ չէին երևում ցամաք փի ավելի էական նշաններ: Ալիքներն այստեղ ավելի թույլ էին և արդեն չէին ցատկոտում, այլ ծուլորեն գլորվում էին մեր վրայով: Բարեբախտաբար ես ձեռքիցս բաց չէի թողել մակույկը, և ավազա ես նրա մի կողմի մոտ կանգնեցի, Շաքրոն մյուս կողմի, ու փրկարար թոկերից բռնած, սկսեցինք զգուշությամբ գնալ ինչ-որ մի տեղ, մակույկը մեր ետևից քաշելով:

Շաքրոն ինչ-որ փնթփնթում ու ծիծաղում էր: Մտահոգ նայում էի շուրջս: Մութն էր: Մեր ետևից, աջակողմում ալիքների աղմուկն ավելի ուժգին էր, առջևից, ձախակողմում՝ ավելի մեղմ. մենք գնացինք դեպի ձախ: Գետինն ամուր էր, ավազոտ, բայց ամբողջովին փոս-փոս. երբեմն ոտքերս հատակին չէին հասնում և թիավարում էինք ոտքերով ու մի ձեռքով՝ մյուս



սով նավակից բռնած. երբեմն ջուրը միայն մինչև ծնկներս էր հասնում: Խոր տեղերում Շաքրոն վայում էր, իսկ ես դողում էի սարսափահար: Եվ հանկարծ՝ փրկություն — առջևում կրակ շող-շողաց...

Շաքրոն գոռաց որքան ուժ ուներ, բայց ես շատ լավ էի իմանում, որ նավակն արթունական է, և իսկույն հարկադրեցի Շաքրոյին հիշել այդ: Նա լռեց, բայց մի քանի րոպեից հետո լավեցին նրա հեկեկանքները: Ես չկարողացա նրան հագստաց-նել. միջոց չկար:

Ջուրը քանի գնում՝ քշանում էր... հասավ ծնկներինս... կո-ճերիս... ևս ու Շաքրոն քարշ էինք տալիս արթունական նավա-կը, բայց ուժեներս հատան, և մենք մակույկը բաց թողեցինք: Մեր ճանապարհին ընկած էր ծառի մի սև խթխթոտ բուն. մենք ցատկեցինք նրա վրայով — և երկուսս էլ ոտաբորիկ ընկանք ինչ-որ ծակծկող խոտի մեջ: Այդ ցավ էր պատճառում և ան-հյուրընկալ վերաբերմունք էր գետնի կողմից, բայց մենք ուշա-գրություն շղարձրինք և վազեցինք դեպի կրակը: Նա մեզնից մի վերստ հեռավորության վրա էր և, զվարթ պլպլալով, ասեւ ծիծաղկոտ դիմավորում էր մեզ...

...Երեք ահագին բրդոտ շուն, խավարի միջից դուրս պրծ-նելով՝ հարձակվեցին մեզ վրա: Շաքրոն, որ մինչ այդ ամբողջ ժամանակ ջղաձգարար հեկեկում էր, սարսափելի ճչաց և գե-տին ընկավ: Ես թաց շեքմենը նետեցի շների վրա և կռացա՝ ձեռքով որոնելով քար կամ փայտ: Ոչինչ չկար, միայն խոտն էր ձեռքերս ծակծկոտում: Ծները միահամուռ մեզ վրա էին պրծնում: Ես երկու մատս բերանս դրած սուպեցի որքան ուժ ունեի:

Նրանք ետ ցատկեցին, և իսկույն ևեթ լավեց վազող մարդ-կանց ոտների դոփույն ու խոսակցություն:

Մի քանի րոպե հետո մենք արդեն խարույկի մոտ էինք, շորս հովիվների շրջանում, որոնք հագած էին բուրդը դրսի կող-մը դարձրած ոչխարների:

Երկուսը նստած էին գետնին և ծխում էին, մեկը բարձրա-հասակ, խիտ, սև մորուքով և կազակի փափախ դրած՝ կանգ-նած էր մեր ետևը՝ հենված ծայրին ահագին արմատագունդ ունեցող փայտին. շորրորդը՝ մի ջահել շեկ տղա, օգնում էր լացող Չաքրոյին՝ շորերը հանելու: Մեզնից հինգ սածենաչափ

հետո՝ հողը մեծ տարածությամբ ծածկված էր ինչ-որ թանձր մոխրագույն և ալիքաձև, արգեն հալ ընկնող գարնան ձյուն հիշեցնող մի բանի շերտով: Միայն երկար ու անընդհատ նա-յելով կարելի էր շոկել իրար կիպ սեղմված ոչխարների առան-ձին կերպարանքները: Այդտեղ նրանք մի քանի հազար էին, որոնց քունն ու գիշերվա խավարը կիպ սեղմել, դարձրել էին խիտ, տաք և հաստ շերտ, որը ծածկել էր տափաստանը: Եր-բեմն նրանք մայում էին խղճալի ու երկչոտ ձայնով...

Ես շեքմենը շորացնում էի կրակի վրա և հովիվներին ասում ամեն բան՝ առանց թաքցնելու. պատմեցի և այն միջոցի մասին, որով ձեռք բերի նավակը:

— Հապա ո՞ւր է նա, էն նավակը, — հարցրեց ինձ խստա-տես ալևոր ծերունին, որ աչքն ինձնից չէր հեռացնում:

Ես ասացի:

— Գնա՛, Միխալ, մտիկ տուր...

Միխալը, այն սեամբուրը, փայտն ուսին դրեց և գնաց դեպի ծովափ:

Շաքրոն, որ ցրտից դողդողում էր, ինձ խնդրեց իրեն տալ տաք, բայց դեռ թաց շեքմենը, սակայն ծերն ասաց.

— Դեռ կա՛ց. առաջ մի վազվճի, որ արյունդ տաքացնես: Վաղիր խարույկի շուրջը. հապա՛:

Շաքրոն սկզբից չհասկացավ, բայց հետո հանկարծ պոկ եկավ տեղից և մերկ՝ սկսեց պարել մի աներևակայելի վայրենի պար, խաղազնդակի նման ոստնելով խարույկի վրայով, պրտ-տելով մի տեղում, ոտները գետնին դոփելով, ամբողջ ուժով ճչալով, ձեռները թափահարելով: Դա մի չափազանց ծիծաղելի տեսարան էր: Երկու հովիվները գետնին թավալվում էին՝ ամ-բողջ կոկորդով քրքջալով, իսկ ծերը լուրջ, անհույզ դեմքով աշխատում էր ձեռքի ափերով ծափ տալ պարի տակտի համե-մատ, բայց չէր կարողանում հանգը գտնել, խոր նայում էր Շաք-րոյի պարին՝ գլուխն օրորելով ու բեղերը շարժելով և թանձր ոչ թավ ձայնով շարունակ գոչում էր.

— Հայ-հա՛: էդպե՛ս, էդպե՛ս: Հայ-հա՛: Ծա՛փ, ծա՛փ:

Խարույկի կրակով լուսավորված, Շաքրոն օձի նման գա-լարվում էր, ցատկում մի ոտի վրա, մանր դոփույններով երկու ոտով դոփում գետնին, և կրակի լույսից փայլող նրա մարմինը ծակծկվում էր քթանքի խոշոր կաթիլներով, որոնք արյան պեղս կարմիր էին երևում:

Այժմ արդեն բոլոր երեք հովիտն էլ ծափ էին տալիս, իսկ նա, ցրտից դողալով՝ ցամաքեցնում էի ինձ խարույկի մոտ և մտածում, որ իմ ապրած արկածը բախտավոր կդարձնեի Կուպերի և ժյուլ-Վեռնի մի որևէ երկրպագուի. կա և՛ նավաբեկութուն, և՛ հյուրասեր բնիկներ, և՛ վայրենու պար խարույկի շուրջը...

Ահա Շաքրոն արդեն նստած է գետնին՝ շեքմենով փաթաթված և ուտում է՝ մերթ-մերթ նայելով ինձ իր սև աչքերով, որոնցում կայծակտում էր մի բան, որն իմ մեջ մի ինչ-որ անախորժ զգացում էր արթնացնում: Նրա շորը շորանում էր՝ խարույկի մոտ հողում ցցած փայտերից կախված: Ինձ էլ հաց և աղի ճարպ տվին ուտելու:

Միխալը եկավ ու լուռ նստեց ծերունու կողքին:

— Հը՞,— հարցրեց ծերը:

— Նավակն այնտեղ է,— կարճ պատասխանեց Միխալը:

— Ջուրը չի բռն՞:

— Չէ՛:

Եվ նրանք բոլորը լռեցին՝ ինձ դիտելով:

— Հը՞,— հարցրեց Միխալն՝ իսկապես առանց մեկնումեկին դիմելու,— տանե՞լ սրանց ստանիցա՝ ատամանի մոտ: Գուցե՞ ավելի լավ է ուղղակի մաքսային ծառայողների մոտ տանել:

Միխալին չպատասխանեցին: Շաքրոն հանգիստ ուտում էր:

— Կարելի է ատամանի մոտ տանել... նույնպես և մաքսային ծառայողների մոտ... Մե՛կն էլ է լավ, մեկե՛լն էլ,— ասաց ծերը:

— Կա՛ց, պապի...— սկսեցի ես:

Բայց նա իմ վրա ոչ մի ուշադրություն չդարձրեց:

— Ուրեմն էդպեսլ Միխա՛լ: Նավակն էնտե՞ղ է:

— Ըհը՛, էնտեղ է:

— Հը՞... շուրջ չի բռն՞:

— Մծը՛... չի՛ բռնի:

— Դա թող էնտեղ էլ կենա: Իսկ վաղը մակույկավարները կգնան Կերչ և իրանց հետ կտանեն: Դատարկ նավակն ընչի՞ չպետք է տանեն որ: Չէ՛: էդպես... Իսկ հիմի դուք... տկուր տղերք... իբր... էնիք շեղա՞ք... Երկուսդ էլ չվախեցա՞ք: Չէ՛, Բո՞-բո՞... Մի կես վերստ էլ անցած լինեիք, ծովումը կլինեիք:

Ի՞նչ կանեիք, թե որ ձեզ ծովը գցեր: Հը՞: Երկուսդ էլ տակը կսկեիք կացնի պես... Կխեղդվեիք ու պրծա՛վ գնաց:

Մերը լռեց և նայեց վրաս՝ բեղերում հեգնական ծախտ: — Ի՞նչ ես սուս անում, ա՛յ տղա:

Ինձ ձանձրացրել էին նրա դիտողությունները, որոնք, չհասկանալով, համարում էի ծաղր մեր հասցեին:

— Ա՛յ, ականջ եմ դնում քեզ,— ասացի ես բավական բարկացած:

— Հետո ի՞նչ,— հետաքրքրվեց ծերը:

— Դե՛, ի՞նչ կա, որ ինչ լինի:

— Էլ ի՞նչ ես ջգրացնում: Բա էդ կա՞րգ է՛ քեզնից մեծին ջգրացնես:

Ես սուս կացա:

— Իսկ էլի ուտել չե՞ս ուզում,— շարունակեց ծերը:

— Ոչ:

— Է՛հ, մի կերո Չես ուզում՝ մի ուտի: Բայց կարելի է ճանապարհի՞ համար հաց կվերցնես:

Ես ուրախությունից ցնցվեցի, բայց ինձ շմատնեցի:

— Ճանապարհի համար կվերցնեի...— հանգիստ ասացի ես:

— Ըհը՛... Դե, ուրեմն սրանց էնտեղ հաց ու ճարպ տվեք ճանապարհի համար... Բայց կարելի՞ է ուրիշ բան էլ կա. ինչ որ կա, նրանից էլ տվեք:

— Բայց մի՞թե դրանք գնալու են,— հարցրեց Միխալը:

Մյուս երկուսն իրենց աչքերը ծերի վրա բարձրացրին:

— Հապա էստեղ ի՞նչ պիտի անեն:

— Ախր մենք ուզում էինք ատամանի մոտ տանել... կամ թե՛ մաքսային ծառայողների...— հիասթափված ասաց Միխալը: Շաքրոն խարույկի մոտ իրար եկավ և գլուխը հետաքրքրությունով դուրս հանեց շեքմենի միջից: Նա հանգիստ էր:

— Սրանք ատամանի մոտ ի՞նչ պիտի անեն: Սրանք ատամանի մոտ, հավատա, բան էլ չունեն անելու: Հետո նրա մոտ կգնան... եթե կուզենան:

— Բա նավակի բանը ո՞նց կլինի,— ձեռք չէր քաշում Միխալը:

— Նավակի բա՞նը,— նորից հարցրեց ծերը:— Նավակին ի՞նչ կլինի որ: Իր տեղո՞ւմն է:

— Իր տեղումն է...— պատասխանեց Միխալը:

— էՏ, թո՛ղ էնտեղ էլ մնա: Իսկ առավոտյան ա՛յ Իվաշ-կան կտանի նավահանգիստ... էնտեղից էլ կվերցնեն կտանեն Կերշ: Նավակի հետ էլ ուրիշ բան չունենք անելու:

Ես ակնդետ նայում էի ծեր հովվին և չէի կարողանում գտնել մի ամենափոքրիկ շարժում նրա ֆեզմատիկ, արևառու քամհար դեմքին, որի վրա ուստոստում էին խարույկի ստվերները:

— Մի փորձանք չպատահի հանկարծ...— սկսեց տեղի տալ Միխայլը:

— Թե որ լեզուդ քեզ պահես, հավատա, փորձանք չի պատահի: Իսկ եթե որ սրանց տանես ատամանի մոտ, դա, ես կարծում եմ, կանհանգստացնի թե՛ մեզ, թե՛ սրանց: Մեզ հարկավոր է մեր գործն անել, սրանց՝ գնալ: Է՛յ, հեռու տեղ եք գնալո՞ւ, — հարցրեց ծերը, թեև ես արդեն ասել էի նրան, թե որքան հեռու է այդ:

— Թիֆլիս:

— Երկա՞ր ճանապարհ է: Ա՛յ, տեսնո՞ւմ ես, իսկ ատամանը ետ կգցի սրանց. իսկ որ նա ետ գցի, սրանք ե՛րբ տեղ կհասնեն: Ուրեմն թո՛ղ գնան իրանց համար, ուր ուզում են: Հը՞:

— Ինչ կա որ: Թո՛ղ գնան, — համաձայնեցին ծերի ընկերները. երբ նա, վերջացնելով իր դանդաղ խոսքերը, շրթունքներն ամուր սեղմեց և հարցական նայեց բոլորին, մատնեղով իր գորշ մորուքը ոլորելով:

— Դե՛հ, ուրեմն, աստված ձեզ հետ, գնացե՛ք տղերք, — ձեռքով արավ ծերը: — Իսկ նավակը իր տեղը կուղարկենք: Էնպես չէ՞:

— Շնորհակալություն, պապի՛, — գլխարկ հանեցի ես:

— Ինչի՞ համար ես շնորհակալ:

— Շնորհակալ եմ, ախպեր, շնորհակալ եմ, — հուզված կրկնեցի ես:

— Ախր ինչի՞ համար ես շնորհակալ: Ա՛յ դարմանալի բան: Ես ասում եմ գնացեք, աստված ձեզ հետ, իսկ սա ինձ՝ շնորհակալ եմ: Մի՞թե դու վախենում էիր, որ ես քեզ սատանայի մոտ կուղարկեի: Հը՞:

— Մեղքս ինչ թաքցնեմ, վախում էի... — ասացի ես:

— Օ՞... — և ծերունին վեր քաշեց հոնքերը: — Ես ինչո՞ւ պետք է մարդուն վատ ճանապարհի վրա գնեմ: Ավելի լավ է ես նրան այն ճանապարհը գցեմ, որով ինքս եմ գնում: Կարելի

է դեռ էլի կպատահենք, ուրեմն ծանոթ լինենք: Կարող է պատահել, որ հարկավոր կլինի իրար օգնել... ձեզ տեսություն (ցտեսություն)...

Նա վերցրեց իր բրդոտ ոչխարների գդակը և գլուխ տվեց մեզ: Գլուխ տվին և նրա ընկերները: Մենք հարցրինք Անապայի ճանապարհն ու դնացինք: Շաբրոն ծիծաղում էր ինչ-որ բանի վրա...

6

— Ինչի՞ վրա ես ծիծաղում, — հարցրի նրան:

Ինձ հիացրել էր ծեր հովիվը և նրա կենսական մորալը, ինձ հիացրել էր և՛ լուսադեմի զով քամին, որ փշում էր ուղիղ մեր կրծքին, և՛ այն, որ երկինքը մաքրվել էր ամպերից, որ շուտով արևը պայծառ երկինք էր բարձրանալու ու փայլուն, գեղեցիկ ցերեկն էր ծնվելու...

Շաբրոն խորամանկությամբ աչքով արավ ինձ և ավելի ուժգին քրքջաց: Ես էլ էի ծպտում՝ լսելով նրա ուրախ, առողջ ծիծաղը: Հովիվների խարույկի մոտ մեր անցկացրած երկու երեք ժամը և համեղ հացն ու ճարպը հոգնեցուցիչ ճանապարհորդությունից հետո թողել էին միայն ոսկորների մի թևթև ցավ. բայց այդ զգացումը չէր խանգարում մեր ուրախությունը:

— Դե՛, ի՞նչ ես ծիծաղում: Ուրախ ես, որ կենդանի ես մնացել, հա՞, Կենդանի ու նաև կուշտ:

Շաբրոն բացասաբար շարժեց գլուխը, կողքիս խփեց արմունկով, ծամածոություն արավ, նորից քրքջաց և, վերջապես, ասաց իր կոտորված լեզվով.

— Չե՞ս հասկանում, թե ինչի է ծիծաղոս գալիս: Չէ՛: Հիմի կիմանաս: Գիտե՞ս, թե ինչ պետք է անեի, եթե մեզ տանեին այդ ատաման-տամոթանի մոտ: Չե՞ս իմանում: Ես քո մասին կասեի՝ սա ուզում էր ինձ խեղդի: Ու կսկսեի լաց լինել: Այն ժամանակ ինձ կսկսեին խղճալ ու բանտ չէին նստացնի: Հասկանո՞ւմ ես:

Ես սկզբում ուզում էի այդ իբրև կատակ հասկանալ, բայց, ավա՛ղ: Նա կարողացավ ինձ համոզել, որ իր մտադրությունը լուրջ էր եղել: Նա այնպես հիմնավոր ու պարզ կերպով էր համոզում ինձ այդ բանում, որ ես փոխանակ այդ միամիտ ցինիզմի համար նրա վրա կատաղելու, լցվեցի խորին խղճահա-

րության զգացումով դեպի նա: Ուրիշ ի՞նչ կարելի է զգալ դեպի մի մարդ, որն ամենապայծառ ժպիտով և ամենաանկեղծ տոնով պատմում է քեզ, որ ինքը մտադիր էր քեզ սպանել: Ի՞նչ անել նրան, երբ նա նայում էր այդ արարքին որպես մի անմեղ ու սրամիտ կատակի:

Ես սկսեցի տաքացած ապացուցել Շաքրոյին իր մտադրության ամբողջ անբարոյականությունը: Նա շատ պարզորեն առարկում էր ինձ, որ ես չեմ հասկանում իր օգուտը, մոռանում են նրա ուրիշ անձնագրով ապրելը և այն, որ դրա համար նրա բանը վատ կլինեիր...

Հանկարծ գլխումս մի դաժան միտք փայլեց.

— Կա՛ց, — ասացի ես, — մի՞թե դու հավատում ես, որ ես ուզում էի քեզ խեղդել:

— Չէ՛... երբ դու ինձ ջուրն էիր հրում — հավատում էի, երբ դու ինքդ մտար ջուրը՝ չհավատացի:

— Փա՛ռք աստծու, — բացականչեցի ես: — Դե՛ դրա համար էլ շնորհակալ եմ:

— Չէ՛, շնորհակալություն մի ասա: Ե՛ս քեզ կասեմ շնորհակալություն: Այնտեղ, խարույկի մոտ դու էլ մրսում էիր, ես էլ մրսում էի... Չեքմենը քոնն է — դու չպահեցիր քեզ համար: Դու այն շորացրիր և ինձ տվիր: Իսկ դու ոչինչ չվերցրիր: Ա՛յ, քեզ շնորհակալություն: Դու շատ լավ մարդ ես, ես հասկանում եմ: Կզանք Թիֆլիս, այդ բոլորի փոխարենը կստանաս: Հորս մոտ կտանեմ քեզ: Հորս կասեմ՝ ա՛յ մարդ, Ուտեցրու սրան, խմեցրու սրան, իսկ ինձ քշիր էշերի մոտ, ախոռը: Ահա՛ թե ինչ կասեմ: Մեզ մոտ կապրես, այգեպան կլինես, գինի կխմես, սիրտդ ինչ ուզի՝ կուտես... Ա՛խ, ա՛խ, ա՛խ... Շա՛տ լավ կյանք կբաշես: Շա՛տ պարզ... Կե՛ր, խմիր ինձ հետ մի ամանից...

Նա երկար ու մանրամասնորեն նկարագրում էր այն կյանքի սքանչելիքները, որ պատրաստվում էր ստեղծելու ինձ համար Թիֆլիսում՝ իրենց տանը: Իսկ ես նրա զրույցի ժամանակ մտածում էի այն մարդկանց մեծ դժբախտության մասին, որոնք գինվելով նոր մորալով, նոր ցանկություններով, մեն-մենակ առաջ էին գնացել և իրենց ճանապարհին հանդիպում են իրենց համար խորթ, իրենց հասկանալու անընդունակ ուղեկիցներին... Ծանր է այդպիսի մենակների կյանքը... նրանք երկրից վեր են, օդի մեջ... բայց նրանք հաժում են այնտեղ, ինչպես բարի

բույսերի սերմեր, թեպետև սակավ են փտում արգավանդ հողում...

Լուսանում էր: Ծովի հեռաստանը փայլում էր վարդագույն ոսկու պես:

— Քունս տանում է, — ասաց Շաքրոն:

Մենք կանգ առանք: Նա պառկեց մի փոսում, որ քամին փորել էր ծովափից ոչ հեռու, չոր ավազի մեջ և գլխովին չեքմենի մեջ փաթաթվելով՝ շուտով քնեց: Ես նստեցի նրա կողքին և նայում էի ծովին:

Նա ապրում էր իր լայնարձակ կյանքով, որը լի էր հզոր շարժումով: Ալիքների երամներն աղմուկով թավալվում էին դեպի ափը, փշրվում՝ ավազին ընդհարվելով, իսկ ավազը թույլ թշշում էր՝ ջուրը ծծելով: Առաջավոր ալիքներն իրենց ճերմակ բաշերը թափ տալով՝ աղմուկով խփում էին ափին իրենց կրծքով և նահանջում՝ նրանից ետ մղվելով, իսկ նրանց արդեն դիքով և մավորում էին ուրիշ ալիքներ, որոնք օգնություն էին գալիս: Ամուր գրկախառնվելով, փրփուրն ու ցայտուններով ծածկված՝ նրանք նորից էին դեպի ափը գլորվում ու ծեծում նրան՝ ձգտելով իրենց կյանքի սահմաններն ընդլայնել: Հորիզոնից մինչև ափը՝ ծովի ամբողջ տարածության վրա, ծնվում էին այդ ճկուն ու կորովի ալիքները և շարունակ գնում էին, գնում իբրև մի խիտ զանգված՝ նպատակի միասնականությունը սերտ կապված միմյանց հետ: Արևն ավելի ու ավելի պայծառ էր լուսավորում նրանց կատարները, և այն ալիքների կատարները, որոնք հեռու էին, հորիզոնի վրա, բոսորագույն էին թվում: Ոչ մի կաթիլ անհետ չէր կորչում ջրային զանգվածի այդ տիտանական շարժման մեջ, զանգվածի, որը ասես թե ոգեշնչված էր մի գիտակցական նպատակով և ահա հասնում էր նրան լայն մի գիտակցական նպատակով և ահա հասնում էր նրան լայն ու թիթիկ զարկերով: Հրապուրիչ էր առաջավորների գեղեցիկ քաջությունը, ալիքների, որոնք ըմբոստությունը թռչում էին քաջության, և հաճելի էր նայել, թե ինչպես նրանց ետևից խալոփիկ ափը, և հաճելի էր նայել, թե ինչպես նրանց ետևից խաղաղ ու միաբան գալիս է ամբողջ ծովը, հզոր ծովը, որին արևն արդեն ներկել էր ծիածանի բոլոր գույներով և որը լի էր իր գեղեցկության և ուժի գիտակցությամբ...

Հրվանդանի ետևից, ալիքները պատռելով, դուրս լողաց մի հսկայական շոգենավ և ծանր ու մեծ օրորվելով, ծովի հուզված լանջի վրա՝ սուրաց կատաղությունը իր եզրերի վրա հարձակվող ալիքների կատարներով: Այդ նավը՝ գեղեցիկ և հուժկու,

որի մետաղը պսպղում էր արևից, մի ուրիշ անգամ գուցե կարողանար մտածել տալ մարդկանց հպարտ ստեղծագործ ուժի մասին, որոնք տարերքն են ստրկացնում... Բայց իմ կողքին պառկած էր մարդ-տարերքը:

7

Մենք անցնում էինք Թերեքի մարզով: Շաքրոյի մագերը սաստիկ գզգզված էին, հագուստն անկարգ, պատառոտած և ինքը սատանայի պես շարացած, թեև այժմ արդեն քաղցած չէր, որովհետև բավական վաստակ ունեինք: Նա որևէ աշխատանքի անընդունակ դուրս եկավ: Մի անգամ փորձեց մի կալում հարդ տրմղել և կեսօրից հետո հիվանդացավ՝ ձեռքերի ափերին արյունալից հարուկներ առաջացնելով: Մի ուրիշ անգամ մենք մի դժնիկ էինք արմատահան անում, և նա քլունգով իր վզի կաշին պլոկեց:

Գնում էինք քավական դանդաղ, երկու օր բանում էինք, մի օր գնում: Շաքրոն շափազանց անզուսպ էր ուտում, և շնորհիվ նրա որովայնամուկության, ես ոչ մի կերպ չկարողացա այնքան փող ետ գցել, որպեսզի հնարավորություն ունենամ կոստյումի որևէ մաս առնել նրա համար: Իսկ նրա կոստյումի բոլոր մասերը մի բազմություն էին զանազանակերպ ծակերի, որոնք մի կերպ կապակցված էին գույնզգույն կարկատաներով:

Մի անգամ մի ստանիցայում նա իմ պարկից հանեց իրենից ծածուկ մեծ դժվարությամբ իմ ետ գցած հինգ ռուբլին ու երեկոյան դարձավ այն տունը, որի բանջարանոցում ես աշխատում էի, հարբած ու ինչ-որ մի հաստիկ կազակ կնոջ հետ, որն ինձ այսպես բարևեց.

— Բա՛րև, անիծած հերետիկոս:

Իսկ երբ ես այդպիսի մակդիրից զարմացած՝ հարցրի նրան, թե ես ինչու եմ հերետիկոս, նա ապուրով պատասխանեց.

— Նրա համար, սատանա՛, որ տղային արգելում ես կանանց սեռը սիրել: Մի՞թե դու կարող ես արգելել, երբ օրենքը թույլատրում է... Անե՛ծք քեզ...

Շաքրոն կանգնած էր նրա կողքին և դրականապես գլխով էր անում: Նա սաստիկ հարբած էր և երբ որևէ շարժում էր անում, ամբողջովին սուուձեռից ընկած օրորվում էր: Նրա վա-

րի շրթունքը կախ էր ընկել: Անփայլ աչքերը նայում էին երեսիս անմիտ-համառ հայացքով:

— Է՛յ, դո՛ւ, ի՞նչ ես աչքերդ վրաներս չոել: Տուր սրա փողը, — գոռաց քաջ կինը:

— Ի՞նչ փող, — ապշեցի ես:

— Տո՛ւր, տո՛ւր, Թե չէ ես քեզ կտանեմ գինվորական վարչություն: Տուր այն հարյուր հիսուն ռուբլին, որ նրանից վերցրել ես Օդեսայում:

Ի՞նչ անեի: Սատանայի կինը հարբած-հարբած կարող էր իսկապես գնալ գինվորական վարչության խրճիթը, և այն ժամանակ գյուղական իշխանությունը, որ խիստ է զանազան թափառաշրջիկ մարդկանց վերաբերմամբ, կկալանավորի մեզ: Ո՛վ գիտե, իմ և Շաքրոյի համար ինչ դուրս գար այդ բանտարկությունից, և ահա ես սկսեցի դիվանագիտորեն սիրաշահել այդ կնոջը, որը, իհարկե, մեծ ճիգեր չպահանջեց ինձանից: Մի կերպ, երեք շիշ գինու օգնությամբ, ես նրան խաղաղացրի: Նա ընկավ գետին ձմերուկների մեջ ու քնեց: Ես Շաքրոյին պառկեցրի, իսկ մյուս օրը վաղ առավոտյան ես ու նա դուրս եկանք ստանիցայից՝ թողնելով կնոջը ձմերուկների մոտ:

Խմած լինելուց կիսահիվանդ, տրորված և ուռած դեմքով՝ Շաքրոն բոպեն մեկ լքում էր, ծանր հառաչում: Ես փորձում էի նրա հետ խոսակցել, բայց նա ինձ չէր պատասխանում և միայն ոչխարի պես իր թավ գլուխն էր շարժում:

Մենք գնում էինք մի նեղ շավղով, որով ետ ու առաջ էին սողում փոքրիկ կարմիր օձեր՝ գալարվելով մեր ոտների տակ: Մեր շուրջը թագավորող անդորրությունը մեզ գցում էր մի երազային-նիրհուն վիճակի մեջ: Մեր ետևից երկնքով դանդաղ շարժվում էին սև ամպերի երամներ: Իրար միանալով՝ նրանք ծածկեցին ողջ երկինքը մեր ետևում, մինչդեռ առաջներս երկինքը պարզ էր տակավին, թեև արդեն ամպերի պատաններն այնտեղ էլ վազեցին և կայտառ առաջ սլացան՝ մեզնից առաջ անցնելով: Հեռվում մի ինչ-որ տեղ թնդում էր որոտը, և նրա քրթմնջացող հնչյուններն ավելի ու ավելի էին մոտենում: Անձրևի կաթիլներն սկսեցին թափվել: Խոտը մետաղաձայն խշշաց:

Տեղ չկար ապաստանելու: Ահա մթնեց, և խոտի խշշոցը հնչեց ավելի բարձր, վախեցած ձայնով: Երկինքը որոտաց, և ամպերը դողդողացին՝ կապույտ կրակով բռնված: Խոշորակաթիլ անձրևը թափվեց հեղեղի պես, և ամպրոպի ճայթյուն-

ները մեկը մյուսի ետևից սկսեցին անընդմեջ հնչել ամայի տա-  
փաստանում: Քամու և անձրևի հարվածներից կուսցող խոտը  
պառկում էր գետնին: Ամեն ինչ դողում էր, ալեկոծվում: Շան-  
թերը, որոնց լույսը մարդու աչք էր կուրացնում, պատում էին  
ամպերը... Նրանց խորաթափանց փայլի մեջ հեռվում երևում  
էր մի լեռնաշղթա՝ արծաթագույն ու պաղ, կապույտ կրակնե-  
րով շողալով, իսկ երբ շանթերը մարում էին, նա անհետանում  
էր, կարծես խավար անդունդը գլորվելով: Ամեն ինչ որոտում  
էր, ցնցվում, ետ մղում հնչյունները և ծնում նրանց: Ասես եր-  
կինքը՝ պղտոր ու զայրացած՝ կրակով էր սրբում իր վրայի փո-  
շին ու ամեն մի աղտեղություն, որ երկրից բարձրացել էր դեպի  
նա, և երկիրը թվում էր թե ցնցվում է՝ նրա ցասումից սարսա-  
փած:

Շաքրոն մրթմրթում էր, ինչպես վախեցած շուն: Իսկ ես  
ուրախ էի, ես մի տեսակ բարձրացել էի սովորականից՝ դիտե-  
լով տափաստանային մրրիկի այդ հզոր, մոռյլ պատկերը: Հրա-  
շալի քառուր հրապուրում և հերոսական տրամադրություն էր  
ներշնչում՝ ահավոր ներդաշնակություն բամակելով հոգիս...

Եվ ես դանկանում էի մասնակցել դրան, որևէ բանով ար-  
տահայտել դեպի այդ խորհրդավոր ուժն ունեցած հիացմունքի  
զգացումը, որը լցրել էր հոգիս: Կապույտ բոցը, որ բռնել էր  
երկինքը, թվում էր, թե վառվում է և՛ իմ կրծքում. և ինչով  
արտահայտեի իմ մեծ հուզմունքը և իմ հրճվանքը բնության  
այդ փառահեղ պատկերի առաջ... Ես երգեցի — գի՛լ, ձայնիս  
ամբողջ ուժով: Որոտը թնդում էր, շանթերը շողշողում էին,  
խոտը խշշում էր, իսկ ես երգում էի և ինձ լիովին հարազատ  
զգում այդ բոլոր ձայներին... Ես գժուժյուն էի անում. այդ նե-  
րելի է, որովհետև ոչ ոքի վնաս չէի հասցնում, բացի ինձանից:  
Փոթորիկը ծովում և մրրիկն ամայի դաշտում՝ բնության մեջ  
ավելի փառահեղ երևույթներ ես չեմ տեսել:

Եվ այսպես, ես գոչում էի, հաստատապես հավատացած  
լինելով, որ իմ այդ վարմունքով ոչ ոքի չեմ անհանգստացնի  
և ոչ ոքի չեմ ստիպի խիստ քննադատության ենթարկել իմ  
վարվելակերպը: Բայց հանկարծ ոտիցս ամուր քաշեցին, և ես  
ակամայից նստեցի մի ջրափոսի մեջ...

Երեսիս նայում էր Շաքրոն՝ լուրջ և կատաղի աչքերով:

— Դու խելթը թոցրե՛լ ես: Զե՞ս թոցրե՛լ: Զէ՞, Դե՛, ուրեմն  
լո՛հ՛ր: Մի՛ գոռա: Ես քո կոկորդը կպատռեմ: Հասկանո՞ւմ ես:

Ես ապշեցի և սկզբում հարցրի, թե իրեն ինչո՞վ եմ խան-  
գարում...

— Վախեցնում ես: Հասկացա՞ր: Ամպերը որոտում են՝  
այդ աստված է խոսում, իսկ դու գոռում ես... Ի՞նչ ես մտա-  
ծում:

Ես նրան հայտնեցի, որ իրավունք ունեմ երգելու, եթե  
ցանկանում եմ, ինչպես և նա ինքը:

— Իսկ ես չեմ ուզում, — կտրուկ ասաց նա:

— Մի՛ երգիր, — համաձայնեցի ես:

— Դու էլ մի՛ երգիր, — խստությամբ իր թելադրանքն էր  
անում ինձ Շաքրոն:

— Ո՛չ, ավելի լավ է՝ ես կերգեմ...

— Լսի՛ր, դու ի՞նչ ես կարծում, — զայրացած խոսեց Շաք-  
րոն: — Ո՞վ ես դու: Դու տուն ունե՞ս, դու մայր ո՞ւնես: Հա՞յր:  
Ազգականներ ունե՞ս: Հող ունե՞ս: Ինչացո՞ւ ես դու աշխարհ-  
քիս երեսին: Կարծում ես՝ դու մա՞րդ ես: Էդ ե՛ս եմ մարդ: Ես  
ամեն ինչ ունեմ... — Նա ծեծեց իր կուրծքը: — Ես իշխան եմ...  
Իսկ դո՞ւ... դու ոչի՞նչ ես: Ոչինչ չունե՞ս: Իսկ ինձ ճանաչում է  
Քութայիսը, Թիֆլիսը... Հասկանո՞ւմ ես: Դու ինձ հակառակ մի՛  
գնա: Դու ինձ ծառայո՞ւմ ես: Գոհ կլինես: Ես քեզ տասնապա-  
տիկ կվճարեմ: Դու ինձ էրպե՞ս ես անում: Դու ուրիշ բան անել  
չես կարող. դու ինքդ էիր ասում, որ աստված հրամայել է ծա-  
ռայել ամենքին, առանց պարգև ստանալու: Ես քեզ կպարգե-  
վատրեմ: Ինչո՞ւ ես դու ինձ շարշարում: Բաներ ես սովորեց-  
նում, վախեցնում ես: Ուզում ես, որ ես էլ էնպես լինեմ, ինչ-  
պես դու ես: Դա լավ չի... ա՛խ, ա՛խ, ա՛խ... Փո՛ւ, ֆո՛ւ...

Նա խոսում էր, չմփշմփացնում, ֆոթացնում, հառաչում...  
Ես նայում էի նրա երեսին՝ զարմանքից բերանս բաց արած:  
Նա, ինչպես երևում է, առաջս էր թափում բոլոր վրդովմունք-  
ները, վիրավորանքները և անբավականությունները, որոնք դիզ-  
վել էին իր մեջ մեր ճանապարհորդության ամբողջ ժամանա-  
կամիջոցում: Ավելի խոր համոզելու համար՝ նա մատով խթում  
էր կրծքիս և ուսերս շարժում, իսկ ավելի ուժգին տեղերում՝ իր  
ամբողջ մարմնով վրաս էր զալիս: Մեզ թրջում էր անձրևը, մեր  
վերևն անընդհատ որոտում էր երկինքը, և Շաքրոն, որպեսզի  
ձայնը լսելի դարձնի, գոռում էր իր կոկորդով մեկ:

Իմ դրուժյան տրագիկոմիզմն ամենից ավելի պարզ դարձավ ինձ համար և ինձ ստիպեց, որքան ուժ ունեի՝ քրքշալ...  
Շաքրոն թքելով՝ երեսը դարձրեց ինձանից:

8

...Որքան ավելի էինք մոտենում Թիֆլիսին, այնքան Շաքրոն ավելի կենտրոնացած ու մոռյլ էր դառնում: Ինչ-որ նոր բան էր երևում նրա նիհարած, բայց այնուամենայնիվ անշարժ դեմքին: Վլադիկավկազից ոչ հեռու մտանք մի շերքեզական սուլ և այնտեղ վարձավեցինք սիմիոն քաղելու:

Երկու օր բանելով շերքեզներին մեջ, — որոնք, համարյա ոտուերեն շխտելով անդադար ծիծաղում էին մեզ վրա ու հայհոյում մեզ իրենց լեզվով, — մենք վճռեցինք աուլից հեռանալ՝ աուլցիներին դեպի մեզ ավելի ու ավելի աճող թշնամական վերաբերմունքից վախեցած: Աուլից տասը վերստաշափ հեռացել էինք, երբ Շաքրոն հանկարծ դուրս քաշեց ծոցից լեզվիական մարմաշի մի փաթեթ և հրճվանքով ցույց տվեց ինձ, բացականչելով.

— Էլ հարկավոր չի բանել: Կծախենք, ամեն ինչ կառնենք: Հերիք կանի մինչև Թիֆլիս: Հասկանո՞ւմ ես:

Ես վրդովվեցի կատաղելու աստիճան և մարմաշը խլելով նետեցի մի կողմ ու ետ նայեցի: Չերքեզները հանաք չեն անում: Դրանից քիչ առաջ մենք կազակներից լսել էինք այսպիսի պատմություն. մի շրջմուկի՝ հեռանալով այն աուլից, ուր բանել էր, իր հետ տարել էր մի երկաթե գդալ: Չերքեզները ետևից հասել էին, խուզարկել, գտել նրա մոտ այդ գդալը և փորը խանչաղով պատռելով՝ գդալը խոր դրել էին վերքի մեջ, ապա հանգիստ հեռացել էին՝ թողնելով նրան տափաստանում, որտեղից կազակները նրան տարել էին կիսակենդան վիճակում: Նա՛ էր այդ պատմել նրանց և ստանիցայի ճանապարհին մեռել էր: Կազակները հաճախ և խիստ զգուշացնում էին մեզ շերքեզներից, պատմելով աչս ոգով խրատական պատմություններ, և ես հիմք չունեի նրանց չհավատալու:

Ես հիշեցրի Շաքրոյին այս մասին: Նա առաջս կանգնած լսեց և հանկարծ լուռ, ատամները կրճտացնելով ու աչքերը կկոցելով, կատվի պես հարձակվեց ինձ վրա: Հինգ ըոպպի շափ

մենք հիմնավորապես ծեծում էինք իրար. վերջապես Շաքրոն զայրույթով գոռաց.

— Հերի՛ք է...

Չարչարված՝ մենք երկար ժամանակ լռեցինք՝ իրար դիմաց նստած... Շաքրոն խեղճ-խեղճ նայեց այն կողմը, ուր շարտել էի կարմիր մարմաշը, ու ասաց.

— Ինչի՞ համար կուվեցինք: Վա՛հ, վա՛հ, վա՛հ... Շա՛տ հիմար բան է: Մի՞թե ես քեզնից էի գողացել... Ի՞նչ է, դու ափսոսո՞ւմ էիր: Ես քեզ էի խղճում, դրա համար գողացա... Դու բանում ես, ես չեմ կարողանում... Ես ի՞նչ անեի: Ուզում էի քեզ օգնել...

Ես աշխատեցի քացատրել նրան, թե ինչ բան է գողութունը...

— Խնդրեմ, սու-ն՛ւս արա: Քո գլուխը փետի նման է... — արհամարհական ձևով ասաց ինձ և քացատրեց, — որ մեռնելիս լինես, կգողանա՞ս: Հը՞: Իսկ մի՞թե սա կյանք է: Ձենդ կտրի՛ր:

Վախենալով, որ նրան նորից կզրզոնեմ, ես լռեցի: Այդ արդեն գողության երկրորդ դեպքն էր: Դեռ առաջ, երբ մենք Սև ծովի ափերին էինք, նա թոցրել էր հույն ձկնորսներից մի գրպանի կշեռք: Այն ժամանակ էլ քիչ մնաց մենք կուվեցինք:

— Հը, շարունակե՞նք ճանապարհը, — ասաց նա, երբ մենք փոքր-ինչ խաղաղվել էինք, հաշտվել ու հանգստացել:

Մենք առաջ գնացինք:

Նա օրավուր դառնում էր ավելի ու ավելի մռայլ և նայում էր ինձ տարօրինակ հայացքով, աչքի տակով: Մի անգամ, երբ արդեն անցել էինք Դարչալի կիրճը և իջնում էինք Դուզաուրից, նա այսպես խոսեց.

— Մեկ-երկու օր էլ անցնի՛ Թիֆլիս կհասնենք: Ծծը՛, ծծը՛, — ծծծթացրեց նա լեզվով, և նրա դեմքը պայծառացավ: — Կգնամ տուն, — որտե՞ղ էիր: — Ճանապարհորդում էի: Բաղնիս կգնամ... Ըհա՛: Կուտեմ շատ... ա՛խ, շա՛տ: Մորս կասեմ՝ շատ սոված եմ: Հորս կասեմ՝ ներիր ինձ: Ես շատ դարդ եմ տեսել, կյանք եմ տեսել... տարբեր տեսակ: Բոսյակները շատ լավ մարդիկ են: Երբ պատահեմ, մի մանեթ կտամ, կտանեմ գինետուն, կասեմ՝ գինի խմի՛ր, ես ինքս էլ եմ բոսյակ եղել: Հորս քո մասին կասեմ... Ա՛յ մարդ եմ ասում, մեծ եղբոր պես է եղել ինձ համար... Խրատել է ինձ... Մեծել է ինձ, շո՛ւնը... կերակ-

րել է: Հիմի, կասեմ, դու կերակրիր սրան դրա համար: Մի տարի կերակրիր, ա՛յ թե ինչքան: Լո՞ւմ ես, Մաքսի՛մ:

Ես սիրում էի լսել, երբ նա այդպես էր խոսում. նա մի տեսակ պարզ և մանկական հատկութուն էր ստանում այդպիսի վայրկյաններին: Այդպիսի խոսքերն ինձ համար հետաքրքիր էին և՛ այն պատճառով, որ ես Թիֆլիսում ոչ մի ծանոթ մարդ չունեի, իսկ ձմեռը մոտենում էր, Գուդաուրում արդեն բուք դիմավորեց մեզ: Ես Շաքրոյի վրա մի քիչ հույս ունեի:

Մենք արագ էինք գնում: Ահա և Մցխեթը՝ Իբերիայի հին մայրաքաղաքը: Վաղը Թիֆլիս կհասնենք:

Դեռ հեռվից, հինգ վերստաչափ տարածությունից, ես տեսա Կովկասի մայրաքաղաքը՝ երկու սարերի միջև սեղմված: Ճանապարհի վերջն էր: Ես ուրախ էի մի ինչ-որ բանի. Շաքրոն անտարբեր էր: Նա բուք հայացքով առաջ էր նայում և քաղցած մի կողմ թքում, ցավագին ծամածուծությամբ շարունակ փորը բռնելով: Այդ նրանից էր, որ նա անզգուշությամբ գազար էր կերել, որ քաղել էր ճանապարհին:

— Դու կարծո՞ւմ ես, ես՝ վրացի ազնվականս, կգնամ իմ քաղաքն օրը ցերեկով այսպես, պատառոտված հազուստով ու կեղտոտ: Զէ-է՛... Մենք կսպասենք երեկոյին: Կանգնի՛ր:

Մենք նստեցինք մի ինչ-որ դատարկ շինություն պատի տակ և մի-մի վերջին ծխախոտ փաթաթելով, ցրտից դողողալով՝ ծխեցինք: Ռազմավիրական ճանապարհից փչում էր սուր և ուժեղ քամի: Շաքրոն նստել՝ ատամների արանքով մի թախծաբի երգ էր երգում... Ես մտածում էի մի տաք սենյակի և նստակյաց կյանքի մյուս առավելությունների մասին, որ ունի նա թափառական կյանքի հետ համեմատած:

— Գնա՛նք, — տեղից բարձրացավ Շաքրոն՝ վճռական դեմքով:

Մթնեց: Քաղաքը վառում էր ճրագները: Այդ գեղեցիկ էր: Կրակները հետզհետե, մեկը մյուսի ետևից, ինչ-որ մի տեղից դուրս էին ցատկում խավարի մեջ, որը պատել էր այն հովիտը, ուր քաղաքն էր թաքնված:

— Լսի՛ր, դու ինձ տուր այդ բաշլըղը, որ երեսու ծածկեմ... Թե չէ ծանոթներս ինձ կարող է պատահի ճանաչեն...

Ես բաշլըղը տվի: Մենք գնում էինք Օլգինսկայա փողոցով: Շաքրոն սուլում էր ինչ-որ վճռական բան:

— Մաքսի՛մ: Տեսնո՞ւմ ես ձիաքարշի կայարանը՝ Վերայի

կամուրջը: Նստիր այստեղ, սպասի՛ր: Ես մտնեմ մի տուն, ընկերոջիցս հարցնեմ մերոնց մասին, հորս, մորս մասին...

— Դու շուտ կգա՞ս:

— Իսկո՞ւյն: Մի մոմենտ...

Նա արագ խցկվեց մի մութ ու նեղ նրբափողոց և անհետացավ այնտեղ՝ ընդմիջտ:

Ես այլևս երբեք չհանդիպեցի այդ մարդուն, որ իմ ուղեկիցն էր եղել կյանքիս համարյա ամբողջ շորս ամսվա ընթացքում. բայց ես հաճախ եմ հիշում նրան՝ բարի զգացմունքով և ուրախ ծիծաղով:

Նա ինձ սովորեցրեց շատ բան, որ չես գտնի իմաստունների գրած հաստ ֆոլիանտներում, որովհետև կյանքի իմաստությունը միշտ ավելի խոր ու ավելի լայն է մարդկանց իմաստությունից:

## ԲՈՒՆՍ

Իմ մի ծանոթին ահա թե ինչ պատմեց ինձ.

«Երբ ես ուսանող էի Մոսկվայում, ինձ վիճակվեց ապրել «այնպիսի» — գիտես, չէ՞ — կանանցից մեկի կողքի սենյակում: Նա լեհուհի էր, անունը Թերեզա: Լինելով բարձրահասակ, խիստ թուխ մազերով, իրար միացած սև հոնքերով ու մեծ, կոպիտ, ասես կացնակոփ երեսով՝ նա սարսափ էր ազդում ինձ իր թուխ աչքերի կենդանական փայլով, թանձր, թավավուն ձայնով, կառապանի շարժումներով, շուկայի առևտրական կնոջ իր ամբողջ հսկայական, մկանակուռ կերպարանքով... Ես ապրում էի ձեռնասենյակում, և նրա դուռն իմի դիմացն էր: Ես երբեք բաց չէի անում իմ դուռը, եթե իմանում էի, որ նա տանն է: Բայց չէի անում իմ դուռը, եթե իմանում էի, որ նա պատահում: Երբեմն ինձ վիճակվում դա, իհարկե, սակավ էր պատահում: Երբեմն ինձ վիճակվում էր հանդիպել նրան սանդուղքի վրա, բակում, և նա ժպտում էր ինձ մի ժպիտով, որը ես համարում էի գիշատչական ու ցինիկ: Ես շատ եմ տեսել նրան հարբած, խոնջ աչքերով, թափթփված մազերով, հատկապես տգեղ ժպիտով ժպտալիս... Այդպիսի դեպքերում նա ինձ ասում էր.

— Առողջություն ձեզ, պանե ուսանող, — ու հիմարաբար քրքրում էր, ավելացնելով իմ հակակրանքն իր հանդեպ: Ես կփոխեի բնակարանս, որպեսզի ազատվեի այդպիսի հանդի-



պումներինց ու ողջույններինց, բայց իմ փոքրիկ սենյակն այն-  
քան հաճելին էր՝ պատուհանից բացվող լայն տեսարանով, և  
այդ փողոցն այնքան խաղաղ էր... Ես համբերում էի:

Եվ մի անգամ առավոտյան ես պառկած էի մահճակալի  
վրա ու ճգնում էի որևէ հիմք գտնել, որպեսզի դասախոսու-  
թյուններին չգնամ, հանկարծ դուռը բացվեց, և այդ զզվելի Թե-  
րեզան շեմքից գոչեց թավ ձայնով:

— Առողջություն ձեզ, պանե ուսանող:

— Ի՞նչ եք կամենում,— ասացի: Տեսնեմ՝ դեմքն ամառ-  
կոտ է, խնդրողական... Նրա սովորական դեմքը չի:

— Գիտե՞ք ինչ, պանե, ես ձեզ մի բան պետք է խնդրեմ...  
արե՞ք այդ ինձ համար:

Ես պառկած եմ մնում, լռում ու մտածում եմ.

— Ոտնձգություն է: Հանցափորձ իմ մաքրության դեմ,—  
ո՛չ ավելի, ո՛չ պակաս: Պինդ կաց, Եգո՛ր:

— Ինձ հարկավոր է, գիտե՞ք, նամակ ուղարկել իմ հայ-  
րենիքը,— ասաց նա — և այնպես աղերսագին, կամաց, երկ-  
չոտ:

է՛, ստածեցի, սատանան քեզ հետ, համեցի՛ր: Վեր կա-  
ցա, նստեցի սեղանի մոտ, թուրթ վերցրեցի և ասացի.

— Անցեք այստեղ, նստեցեք ու թելադրեցեք...

Նա անցավ, զգուշությամբ նստեց աթոռի վրա և մեղավորի  
հայացքով նայեց ինձ:

— Դե՛, նամակն ո՞ւմ եք գրում:

— Վարչավայի Ճանապարհ, Սվենցյանի քաղաք, Բուխս-  
լավ Կաշպուտին...

— Ի՞նչ գրեմ: Ասացե՛ք...

— Իմ սիրելի Բուխս... սրտիս հատոր... իմ հավատարիմ  
սիրեցյալ: Թո՛ղ պահպանեք քեզ մայր աստվածածինը: Իմ ոս-  
կեսրտիկ, ինչո՞ւ այսքան երկար ժամանակ դու չես գրում քո  
կարոտակեզ աղավնյակ Թերեզային...

Ես քիչ մնաց փոթկացնեի... «կարոտակեզ աղավնյակ»,  
որն ունի տասներկու վերջովանոց հասակ, փթանոց բռունցք և  
այնպիսի սև մուրթ, որ կարծես աղավնյակն իր ամբողջ կյան-  
քում ծխնելույզ է մաքրել ու մի անգամ էլ չի լվացվել: Մի կերպ  
զսպեցի ինձ, հարցրի.

— Նա ո՞վ է, այդ Բուխստը:

— Բուխս, պանե ուսանող,— կարծես Թերեզան վիրավոր-  
վեց նրանից, որ ես անունն աղավաղեցի:— Նա իմ նշանածն է...

— Նշանա՞ծ...

— Իսկ ինչո՞ւ պանն այդպես զարմացավ: Մի՞թե ես՝ աղ-  
ջիկս, չեմ կարող նշանած ունենալ:

Նա՛ այդ աղջի՛կը:

— Օ՛, ինչու չէ: Ամեն ինչ պատահում է... Իսկ նա վաղո՞ւց  
է ձեր նշանածը...

— Վեցերորդ տարին է...

Օհո-հո՛,— մտածեցի ես: Դե, նամակը մենք գրեցինք: Այն-  
պիսի, պետք է ասեմ ձեզ, քնքուշ ու սիրահարական նամակ,  
որ ես ինքս թերևս տեղս փոխեի այդ Բուխսի հետ, եթե նամա-  
կագրուհին լիներ ոչ թե Թերեզան, այլ մի որևէ ուրիշ, նրանից  
փոքր բան:

— Դե, շնորհակալություն ձեզ, պանե, ձեր մատուցած  
ծառայության համար,— ասաց ինձ Թերեզան՝ գլուխ տալով:—  
Միգուցե ե՞ս էլ կարող եմ որևէ բանով ծառայություն մատու-  
ցել ձեզ:

— Ո՛չ, խորապես շնորհակալ եմ:

— Բայց գուցե պանի շապիկը կամ անդրավարտիքը պա-  
տրովա՞ծ է:

Զգացի, որ այդ շրջագրեստավոր մաստադրուտը կարմրաց-  
րեց ինձ ու բավական խստորեն ասացի, որ նրա ծառայություն-  
ների կարիքը չունեմ:

Գնաց:

Անցավ մի երկու շաբաթ... Երեկո էր: Նստած էի պատու-  
հանի տակ ու սուլում էի, մտածելով այն մասին, թե ի՞նչ անեմ,  
որ ուշադրությունս ինձնից հեռացնեմ: Հիշում եմ, ձանձրանում  
էի. եղանակը շատ վատ էր, ոչ մի տեղ գնալ չէի ուզում ու  
ձանձրութից զբաղվում էի ինքնաանալիզով: Այդ էլ բավական  
ձանձրալի բան է, բայց ուրիշ ոչինչ անել չէի ուզում: Դուռը  
բացվեց — փա՛ռք աստծու,— մոտս մարդ է գալիս...

— Հը՛, պան ուսանողը հո որևէ շտապ գործով չի՞ պա-  
րապում:

Թերեզա՞ն է: Հըմ...

— Ո՛չ... Ի՞նչ կա որ:

— Ուզում էի պանին խնդրել, որ մի նամակ էլ գրի...

— Համեցեք... Բուխսի՞ն...

— Ո՛չ, հիմա արդեն նրանից...

— Ի-ի՛նչ:

— Օ՛, ի՞նչ հիմար կին եմ: Ես սխալ ասացի, պանե, ներեցե՛ք: Հիմա արդեն, գիտե՞ք, հարկավոր է ոչ թե ինձ, այլ մի ընկերուհուս... այսինքն ոչ թե ընկերուհուս, այլ... մի ծանոթ տղամարդու... Այդ տղամարդն ինքը չի գրում... բայց նշանած ունի, ինչպես ահա ես եմ... նույնպես Թերեզա... Այսպես ուրեմն, գուցե պանը նամակ գրի այդ Թերեզային:

Նայեցի ես նրան,— շփոթվում է, մատները դողում են, ինչ-որ շփոթ բան է ասում, ու... գլխի՛ ընկա:

— Ահա թե ինչ, տիրուհի՛,— ասացի,— դուք ոչ մի Բուլես ու Թերեզա էլ չունեք և այդ բոլորը ստում եք: Իսկ այդ պոչ խաղացնելուց դուք օգուտ չունեք, և ձեզ հետ ծանոթություն հաստատել ես չեմ ցանկանում... Հասկացա՞ք:

Նա հանկարծ ինչ-որ տարօրինակ կերպով վախեցավ, շփոթվեց, սկսեց կանգնած տեղը դոփդոփել և ծիծաղելիորեն շարժել շրթունքները՝ ցանկանալով ինչ-որ բան ասել ու ոչինչ չասաց: Ես սպասում եմ, թե դրան ինչ է հետևելու, և տեսնում ու զգում նմ, որ կարծեմ մի քիչ սխալվել եմ, նրան կասկածելով ինձ գայթակղեցնելու և առաքինության ճանապարհից շեղելու ցանկության մեջ: Այստեղ կարծես թե ինչ-որ ուրիշ բան կար:

— Պան ուսանո՛ղ,— սկսեց նա և հանկարծ ձեռքը թափ տալով՝ շեշտակի շրջվեց դեպի դուռը ու գնաց: Ես մնացի՛ հոգումս մի շատ տհաճ զգացումով, լսեցի, որ նրա դուռը ծածկվեց,— այնպե՛ս ուժգին,— բարկացավ, երևի, հսկայամարմին կինը... Մտածեցի ու որոշեցի՝ գնամ նրա մոտ և այստեղ կանչելով, գրեմ իր համար բոլորը, ինչ հարկավոր կլինի:

Մտա նրա սենյակը, տեսնեմ՝ նա նստել է սեղանի մոտ, արմունկները հենել սեղանին և ձեռքերով սեղմել զլուխը:

— Լսեցե՛ք,— ասացի...

...Այ, միշտ, երբ ես այս պատմությունն եմ անում ու հասնում այս տեղին, սարսափելի վատ եմ զգում ինձ... այդպիսի հիմարություն: Հը-ըմ...

— Լսեցե՛ք,— ասացի...

Նա տեղից վեր թռավ, աչքերը փայլեցնելով՝ իմ կողմը շարժվեց և, ձեռքերն ուսերիս դնելով, սկսեց շշնջալ, ավելի ճիշտ՝ մոնջալ իր թավ ձայնով...

— Դե ի՞նչ կա որ: Ի՞նչ: Այդպե՛ս է: Չկա ո՛չ մի Բուլես, չկա՛... Թերեզա էլ չկա: Իսկ ձեզ ի՞նչ: Ձեզ համար դժվար է գրիչը շարժել թղթի վրա, հա՛: Ա՛խ, դո՛ւք: Ու դեռ այդ տեսակ... սպիտակն է: Ոչ-ու չկա,— ո՛չ Բուլես, ո՛չ Թերեզա. մե՛ն մենակ ես կամ:— Դե, ի՞նչ կա որ: Ի՞նչ:

— Կացե՛ք,— ասում եմ ես՝ այդ ընդունելութունից շըշմած,— բանն ինչո՞ւմն է: Բուլես չկա՞:

— Այո՛, չկա: Ի՞նչ անենք որ:

— Իսկ Թերեզա նույնպես չկա՞:

— Թերեզա էլ չկա: Ես եմ Թերե՛զան:

Ոչի՛նչ չեմ հասկանում: Աչքերս շուտ եմ նրա վրա և աշխատում որոշել, թե մեզանից որ մեկն է խելքը թոցրել: Իսկ նա նորից է գնացել սեղանի մոտ, որոնում է այնտեղ թղթերի մեջ, գալիս է ինձ մոտ ու վիրավորված ասում.

— Եթե ձեզ համար այդքան դժվար էր գրել, ապա ահա՛ նա, ձեր գրվածքը, վերցրե՛ք: Իսկ ինձ համար ուրիշներն էլ կգրեն...

Տեսնեմ՝ ձեռքիս Բուլեսին գրած նամակն է:

— Լսե՛ք, Թերեզա: Այս բոլորն ի՞նչ է նշանակում: Ձեր ինչի՞ն է պետք ուրիշները գրեն, եթե ես ահա գրել եմ, իսկ դուք այն չեք ուղարկել:

— Ո՛ւր:

— Այ, դրան... Բուլեսին:

— Բայց չէ որ նա չկա՞:

Ո՛ւղղակի ոչինչ չեմ հասկանում: Մնում էր միայն թքել ու հեռանալ: Բայց Թերեզան բացատրեց:

— Ի՞նչ անենք,— վիրավորված խոսեց նա:— Չկա նա, թո՛ղ չլինի:— Ու ձեռքերը տարածեց, կարծես, չհասկանալով, թե նա ինչու չկա:— Իսկ ես ուզում եմ, որ նա լինի... Մի՞թե ես էլ մարդ չեմ, ինչպես բոլորը: Իհարկե, ես... Ես գիտեմ... Բայց ոչ մի մարդու վնաս չկա դրանից, որ ես նամակ եմ գրում նրան...

— Կացեք, ո՞ւմ:

— Դե՛ Բուլեսին, էլի՛:

— Բայց չէ՞ որ նա չկա:

— Ա՛խ, Իեզուս-Մարիա: Դե ինչ անենք, որ չկա, հը՞: Չկա՛, բայց իբր թե կա՛: Ես գրում եմ նրան, դե, ու դուրս է

գալիս, ընց որ նա կա... Իսկ Քերեզան ես եմ, ու նա պատասխանում է ինձ, և ես էլ՝ նորից նրան...

Ես հասկացա... Ես այնպիսի ցավ, այնպես վատ, այնպիսի ամոթ զգացի ինչ-որ բանի համար: Իմ կողքին, ինձանից երեք քայլի վրա ապրում է մի մարդ, որ աշխարհիս վրա շունի մեկը, որը կարողանար սիրողաբար, սրտագին վերաբերվել իրեն, և այդ մարդը իր համար բարեկամ է հորինում:

— Ա՛յ, դուք ինձ համար նամակ եք գրում Բոլեսին, իսկ ես այն կարդալ եմ տալիս մեկ ուրիշին. և երբ կարդում են ինձ համար, ես լսում ու մտածում եմ, թե Բոլեսը կա՞: Ու խնդրում եմ Բոլեսի կողմից նամակ գրեն Քերեզային... ինձ: Երբ ինձ համար այդպիսի նամակ են գրում ու կարդում, ինձ արդեն բոլորովին թվում է, թե Բոլեսը կա: Իսկ դա թեթևացնում է իմ կյանքը:

...Հը՛մ... սատանան տանի... Դե այդ ժամանակից ես սկզբից կանոնավոր կերպով շաբաթը երկու անգամ նամակ գրել Բոլեսին և Բոլեսից պատասխան՝ Քերեզային: Ես լավ էի գրում այդ պատասխանները... Քերեզան երբեմն լսում էր այդ պատասխանները և դառը ողբում էր... ողբում մի տեսակ թավ ձայնով: Եվ նրա համար, որ երևակայական Բոլեսի կողմից իրեն գրած նամակներով ես արցունք էի քամում իր աչքերից, Քերեզան ձրի կարկատում էր իմ գուլպաների, շապիկների և այլ շորերի բոլոր պատվածքները... Հետո, այս պատմությունից մի երեք ամիս անց, ինչ-որ բանի համար նրան բանտ նստեցրին: Իսկ հիմա նա հավանաբար արդեն մեռած կլինի:

...Մանոթս փչեց գլանակի ծայրի մոխիրը, մտածկոտ նայեց երկնքին և եզրափակեց.

«Հը՛մ... Մարդ ինչքան շատ է դառնություն ճաշակել, այնքան ավելի մոլեգնաբար է ծարավում քաղցրի: Իսկ մենք, հնացած առաքինությունների քղամիդ հագած և մեր մեծամտության ու կատարյալ անմեղանշականության համոզմունքի մշուշի միջով միմյանց վրա նայելով, այդ բանը շենք հասկանում:»

Դուրս է գալիս մի բավական հիմար և... շատ դաժան բան: Իբրև թե՛ ընկած մարդիկ են... Իսկ ընկած մարդիկ ի՞նչ են: Ամենից առաջ՝ մարդիկ, նույն ոսկորը, արյունը, նույն միսը և նույն ներվերը, ինչ որ մենք ունենք: Այս մասին ամբողջ դարեր է, որ օրը-օրին ասում են մեզ: Իսկ մենք լսում ենք և... սատանան գիտի, թե ինչքան անհեթեթ բան է այս բոլորը:

Իսկապես, մենք ինքներս էլ ընկած ենք, և թերևս, մինչև անգամ շատ խորն ընկած... կատարյալ մեծամտության և այն համոզմունքի անդունդը, թե մեր ներվերը և ուղեղը գերազանց են այն մարդկանց ուղեղից ու ներվերից, որոնք միայն նվազ խորամանկ են, քան մենք, ավելի վատ են կարողանում լավ ձևանալ, քան մենք ենք ձևանում... Սակայն, բավական է այս մասին: Այնքան հին է այս բոլորը... որ մինչև անգամ ասելն ամոթ է»...

## ՄԱՐԴՈՒ ԾՆՈՒՆԴԸ

92 Թիվն էր, սովի տարին, Սուխումիի և Օչեմչիրիի միջև, Կոդոր գետի ափին, ծովից քիչ հեռու, լեռնային գետակի վճիտ ջրերի ուրախ կարկաչի միջից որոշակի սլվում է ծովի ակիքների խոպ ճողփյունը:

Աշուն էր: Կոդորի սպիտակ փրփուրի մեջ պտտվում, երբև՛րբ անհետանում էին դափնեկեռասսի՝ դեղին տերևները՝ փոքրիկ, ճարպիկ լոսոսների նման: Ես նստել էի գետափի քարերին և մտածում, որ հավանորեն որոններն ու ջրագուսներն էլ տերևները ձկան տեղ են ընդունում և խաբվում են. ահա ինչու այդպես վիրավորված ճշում են այնտեղ՝ աչ կողմի վրա, ծառերի հտևում, ուր ճողփում է ծովը:

Գլխավերևիս շագանակենիները պճնված են ոսկեճամուկ հագուստով, իսկ ոտքերիս մոտ սփռված են անհամար տերևներ, որ նման են շգիտես ում բազուկներից կտրված ձեռքերին: Դիմացի ափի բոխու ճյուղերն արդեն մերկ են և պատառոտված ուռկանի պես կախված են օդից. դրա մեջ ասես ծուղակ ընկած՝ ոստոստում է լեռնային դեղնակարմիր փայտփորիկը, սև քիթը թխկթխկացնում է բնի կեղևին՝ դուրս քշելով միջատները, իսկ հեռավոր հյուսիսի հյուրերը՝ ճարպիկ երաշտահավերն ու մով ծովաճայերը կտցահարում, կուլ են տալիս դրանց:

Իմ ձախ կողմում լեռների գագաթներից ծանրորեն կախվել և անձրև են սպառնում ծխացող ամպերը, նրանց ստվերները սահում են կանաչ սարալանջերի վրայից, ուր աճում է այլ տե-

Ն Դափնազգիների մի տեսակն է, վարդանման թուփ կամ ծառ:

ղերից ջնջված շիմշատ ծառը, իսկ հինավուրց հաճարենու ու լորենու փշակների մեջ կարելի է գտնել «հարբեցնող մեղր», որ հնում քիչ մնաց իր հարբեցնող քաղցրությամբ կորստյան մատեներ Մեծն Պոմպեոսի զինվորներին՝ ոտից պսակով երկաթե հոռամայեցիների մի ամբողջ լեգեոն: Մեղուններն այդ մեղրը պատրաստում են դափնու և լեռնավարդի ծաղիկներից, իսկ «անցորդ» մարդիկ հանում են փշակից և ուտում, քսելով լավաշին՝ ցորենի այլուրից թխած բարակ հացին:

Հենց դրանով էլ զբաղված էի ես՝ նստած շագանակենիների տակի քարերին. գազազած մեղվի անթիվ խայթոցներով պատած, ես հացի կտորները թաթախում էի մեղրով լի կաթսայիկի մեջ և ուտում, հիանալով աշնան հոգնած արևի ծույլ խաղով:

Կովկասում աշունն ասես մի պճնազարդ մայր եկեղեցի լինի, որ կառուցել են մեծ իմաստունները — հենց նրանք էլ միշտ ամենամեծ մեղավորներն են — խղճի սրատես աչքերից իրենց անցյալը սքողելու համար ոսկուց, փիրուզից, զմրուխտներից կառուցել են անեզր մի տաճար, լեռներից կախել են թուրքմենների երկրում, Սամարղանդում, Շամախիում մետաքսաթելերից գործված ամենալավ գորգերը, կողոպտել են ողջ աշխարհն ու ամենայն ինչ, բերել այստեղ, դեմ արել արևին՝ կարծես ուզենալով ասել նրան.

— Քոնը քեզ՝ քո որդիներից:

...Ես տեսնում եմ, թե ինչպես ուրախ երեսանների խոշոր աչքերով ալեհեր, երկարամորուք հսկաներ իջնելով լեռներից՝ զարդարում են աշխարհը, ամենուրեք առատաձեռն սփռելով գույնզգույն գանձեր. լեռնագագաթները ծածկում են արծաթի հաստ շերտերով, իսկ նրանց խորշերն ու ծերպերը՝ բազմազան ծառերի կենդանի հյուսվածքով: Եվ խելահեղ գեղեցկութուն է ստանում նրանց ձեռքերի տակ բարեբեր հողի այս պատառը:

Սքանչելի պաշտոն է աշխարհումս մարդ լինելը. որքան հրաշալիքներ ես տեսնում, ինչպիսի տանջագին քաղցրությամբ է հուզվում սիրող գեղեցկությունից զգացած լուռ հիացմունքի պահին:

Դե, իհարկե, երբեմն դժվար է լինում, ամբողջ կուրծքը լցվում է այրող ատելությամբ և թախիծն ազահորեն ծծում է սրտիդ արյունը. բայց միշտ այդպես չէ. չէ՞ որ արևն էլ երբեմն խիստ վշտանում է մարդկանց նայելուց — այնքան շատ է շանք

թափել նրանց համար, բայց անհաշողակ մարդուկներ են ստացվել...

Քիչ չեն անշուշտ և լավերը. սակայն դրանց պետք է նորոգել կամ ավելի շուտ՝ նորից կերտել:

...Թփերի վերևը, իմ ձախ կողմում, սև գլուխներ են օրորվում — ծովի ալիքների խշռոցից և գետի խոխոցից հագիվ են լսվում մարդկային ձայները — «սովյալներն» են դրանք, որ Սուխումից, որտեղ խճուղի էին շինում, գնում էին Օչեմչի: Ի աշխատելու:

Ճանաչում եմ ես նրանց. Օրյոլի նահանգից են. միասին էինք աշխատում նրանց հետ և երեկ միասին էլ փակեցինք մեր հաշիվները: Ես նրանցից շուտ ճանապարհ ընկա, գիշերը, որպեսզի արևի ծագումը դիտեմ ծովափից:

Չորս գեղջուկ և ցցուն այտուկներով մի դեռատի, հղի գեղջուկուհի՝ հսկայական, դեպի կզակն ուռած փորով, կապտագորշ, սարսափահար շոած աչքերով, Թփերից վեր տեսնում եմ նրա դեղին լաշակով փաթաթված գլուխը, որ օրորվում է քամուց տարուբերվող ծաղկած արևածաղկի պես: Նրա ամուսինը մեռավ Սուխումիում՝ անհագորեն միրգ ուտելուց: Ես ապրում էի բարաքում, այդ մարդկանց հետ. ուսական բարի սովորությամբ նրանք այնքան շատ և այնքան բարձրաձայն էին խոսում վիշտ ու ցավից, որ նրանց տրտունջները հավանաբար հինգ վերստ շրջապատում լսվում էին:

Տաղտկալի մարդիկ են դրանք՝ ընկճված իրենց վիշտ ու ցավից, որ պոկել է նրանց հայրենի հոգնած, անբերրի հողից, և ինչպես քամին աշնան շոր տերևները, քշել է այստեղ, ուր անծանոթ բնության պերճանքը ապշեցնելով՝ կուրացրել է, իսկ աշխատանքի ծանր պայմանները վերջնականապես փշրել են այդ մարդկանց: Այստեղ նրանք նայում էին ամեն ինչին՝ խամրած աչքերը շփոթահար թարթելով, ողորմելիորեն ժպտալով իրար, կամացուկ ասելով.

— Տես է՞, ի՞նչ հույ է...

— Կանաչը ուղղակի խեղդում է:

— Հա-ա՛... բայց ախր քարքարոտ էլ է...

— Անհարմար հող է, խոսք չկա...

Եվ հիշում էին Ջամբիկի ձորակը, Չոր որսանոցը, Թայ դաշտը՝ հայրենի վայրերը, որտեղ հողի ամեն մի բուռն իրենց

պապերի աճյունն էր, որտեղ ամեն ինչ հասկանալի է, ծանոթ, սիրելի և ողողված է իրենց քրտինքով:

Այնտեղ նրանց հետ մի ուրիշ գեղջկուհի էլ կար՝ բարձրահասակ, ուղղաձիգ, տախտակի պես տափակ, ձիու ծնոտներով և ածուխի պես սև, շիւ աչքերի անփայլ հայացքով:

Երեկոյան նա այս դեղին լաշակավորի հետ դուրս էր գալիս բարաքից և նստելով այնտեղ՝ խճակույտի վրա, բարձր ու բարկացած ձայնով երգում էր.

Ժամի այգու մոտ...  
Կանաչ թփերում,  
Ավազին փոեմ  
Սպիտակ թաշկինակ...  
Ու կսպասեմ ես  
Իմ անուշ յարին...  
Կգա սիրելիս...  
Կողջունեմ խորին...

Դեղին լաշակովը սովորաբար լոռում էր՝ կոացնելով վիզը և դիտելով իր փորը. բայց երբեմն հանկարծ ծուլորեն և գեղջկական թավ, կերկեր ձայնով մասնակցում էր երգին լալկան բառերով.

Ախ իմ սիրելի,  
Իմ յար թանկագին...  
Ես էլ բախտ չունեմ՝  
Կինե՛լ քո կողքին...

Հարավային գիշերվա սև, հեղձուցիչ խավարում այդ ողբասաց ձայները հիշեցնում էին հյուսիսը, ձյունածածկ անապատները, բուքի ոռնոցը և գայլերի հեռավոր կաղկանձը...

Հետո շիւ կինը հիվանդացավ տենդով, և բերզենտե պատգարակով նրան տարան քաղաք. պատգարակի վրա նա ցընցվում էր ու մռնչում՝ շարունակելով իր երգը ժամի այգու և ավազի մասին:

...Դեղին գլուխը սուզվեց օդի մեջ և անհետացավ:

Ես վերջացրի իմ նախաճաշը, տերևներով ծածկեցի կաթսայի մեղրը, հավաքեցի կապոցս և առանց շտապելու ճանապարհ ընկա մեկնածուների հետքերով՝ հոնի ձեռնափայտը տրեկ-տրեկացնելով շավղի կարծր հողին:

Ես էլ ահա ճանապարհի նեղ, մոխրագույն շերտի վրա եմ.

աչ կողմում ծփում է մուգ կապույտ ծովը, կարծես անտեսանելի հյուսններ հազարավոր ունդաներով տաշում են նրան. սպիտակ տաշեղը վազում է դեպի ափը խշխշալով, հալածվելով քամուց, որ տաք է, խոնավ ու բուրումնավետ, ինչպես առողջ կնկա շնչառությունը: Տաճկական մի նեղ ֆելուգա թեքվելով ձախ կողի վրա՝ սահում է դեպի Սուխում, ուռեցնելով առագաստները, ինչպես Սուխումի ամբարտավան ինժեներն՝ այդ լրջագույն մարդն էր ուռեցնում իր թշերը: Զգիտես ինչու «սուս»-ի փոխարեն նա ասում էր «շուս», «թեկ»-ի փոխարեն՝ «թակ»:

— Շուս արա, թակ դու կտրիճ ես, բայց ես քեզ բուպեպես կհանձնեմ ուստիկանությանը...

Միտում էր նա մարդկանց ուղարկել ուստիկանություն, և հաճելի է մտածել, որ հիմա, հավանաբար, գերեզմանի որդերը կերել են նրան ու ոսկորներն են միայն թողել:

Հեշտ է քայլելը, ասես լողում ես օդում: Հաճելի խոհեր, խայտաճամուկ հագնված վերհուշեր խաղաղիկ շուրջպար են բռնել հիշողության մեջ, այդ շուրջպարը հոգուդ մեջ է, ինչպես սպիտակ կոհակները ծովում. նրանք վերևումն են, իսկ այնտեղ՝ խորքում անդորր է. այնտեղ խաղաղ լողում են երիտասարդության պայծառ ու ճկուն հույսերը, ինչպես արծաթագոծ ձկները՝ ծովի խորքում:

Ճանապարհը ձգվում է դեպի ծովը, գալարապտույտ սողում-մոտենում է ավազաշերտին, ուր վազում են ալիքները. թփերն էլ են ուզում նայել ալիքի երեսին, կռանում են ճանապարհի ժապավենի վրայով՝ ասես գլուխ տալով ջրային անապատի կապուտակ անեզրությանը:

Լեռներին քամի է փչում. անձրև է գալու:

...Թփերի միջից լավեց կամացուկ տնքոց՝ մարդկային տընքոց, որ միշտ էլ հարազատորեն ցնցում է հողիդ:

Թփերը ետ եմ տանում և տեսնում՝ մեջքը ընկուզենու կողմը հենած, նստել է այն դեղին լաշակով կինը, գլուխն իջել է ուսին, բերանն այլանդակորեն լայնացել է, աչքերը ետ են ընկել ու խելացնոր են: Նա ձեռքերը դրել է հսկայական փորին և այնպես անբնական, սոսկալի է շնչում, որ ամբողջ փորը ջղաձգորեն ուստոստում է, իսկ կինը ձեռքերով պահելով այն և ցուցադրելով դեղին, գալի առամները՝ մռնչում է:

— Ի՞նչ է, խփե՛լ են,— հարցրի ես՝ կռանալով նրա վրա:

Նա մերկ սրունքները ճանճի պես պտտում է մոխրագույն փոշու մեջ և ծանր գլուխն օրորելով՝ խռպոտ ձայնով ասում.

— Հեռացի՛ր... անամոթ... գը-նա ա՛... —

Ես հասկացա բանի էությունը — մեկ անգամ արդեն տեսել էի դա — իհարկե վախեցա, ետ նետվեցի, իսկ կինը բարձրաձայն, երկարաձիգ ոռնաց. պայթելու պատրաստ նրա աչքերից սղտոր արցունքներ ցայտեցին և հոսեցին շառագունած, ուռած, փքված այտերի վրա:

Դա ինձ վերադարձրեց նրա մոտ. ցած գցեցի կապոցս, թեյամանը, կաթսայիկը, կնոջը նետեցի մեջքի վրա՝ գետնին և ուզում էի ծնկները ճկել. նա հրեց ինձ՝ ձեռքերով խփելով դեմքիս ու կրծքիս, շրջվեց և էգ արջի պես մոնչալով, խռալով՝ շորերթաթ հեռացավ, մտավ թփերի մեջ:

— Ավազակ... դե... —

Թուլացան ձեռքերը. նա ընկավ, դեմքը դիպավ գետնին և նորից ճչաց՝ ջղաձգորեն ձգելով ոտքերը:

Քորքոքված տենդի մեջ արագ վերհիշելով այն ամենը, ինչ գիտեի այդ գործի մասին, ես շրջեցի նրան մեջքի վրա, ճկեցի ոտքերը. արդեն դուրս էր եկել պտղափուշիկը:

— Պառկիր, հիմա կազատվես... —

Վազեցի դեպի ծովը, քշտեցի թևերս, լվացի ձեռքերս և վերադառնալով՝ սկսեցի մանկաբարձություն անել:

Նա գալարվում էր. ինչպես ծառի կեղևը օջախի մեջ, ձեռքերը խփում գետնին և պոկելով թառամած խոտերը՝ ուզում էր կոխել բերանը, հող էր շաղ տալիս արնակալած վայրենացած աչքերով զարհուրելի, ոչ մարդկային դեմքին. իսկ փուշիկն արդեն պայթել էր և երևում էր գլուխը: Ես պետք է զսպեի նրա ոտքերի ջղաձգությունները, օգնեի երեխային և հետևեի, որ նա խոտ չկոխի ծոված, մոնչացող բերանը...

Մենք մի քիչ նախատում էինք իրար, նա ատամների միջից, ես էլ կամացուկ, նա ցավից և երևի ամոթից, ես էլ շփոթմունքից և նրա նկատմամբ զգացած ցավագին խղճահարությունից...

— Աստ-վա՛ծ, — խոխոալով արտաբերում է նա. կապույտ շրթունքները կծոտված են ու փրփրակալած, իսկ արևից ասես հանկարծ գունաթափված աչքերից անվերջ հոսում են մոր անտանելի ցավի առատ արցունքները, և նրա ողջ մարմինն ասես երկուսի բաժանված՝ կոտրատվում է...

— Կորի գնա՛, շա՛րք... —

Թույլ, հողախախտ ձեռքերով նա շարունակ ետ է մղում ինձ, իսկ ես համոզող շեշտով ասում եմ.

— Հիմար, շարունակիր ծնունդը, շուտ... —

Ցավագին կերպով խղճում եմ նրան, և թվում է, որ նրա արցունքները ցայտում են աչքերիս մեջ. սիրտս սեղմվում է թախծից, ուզում եմ աղաղակել և աղաղակում եմ.

— Դե շուտ: —

Եվ ահա իմ ձեռքերի վրա է մի կարմիր մարդ: Թեև արցունքների միջից, բայց և այնպես տեսնում եմ, որ նա ամբողջովին կարմիր է և արդեն աշխարհից դժգոհ. թպրտում է, գժուխուն անում և պինդ ճշում է, թեև դեռ կապված է մորը: Նրա աչքերը կապույտ են, քիթը ծիծաղելի կերպով ճմլված է կարմիր, տորոված դեմքի վրա, շրթունքները երերում են և ծոր տալիս:

— Ա-ա՛, ա ա՛... —

Սաստիկ լպրծուն է. մեկ էլ տեսար դուրս պրծավ իմ ձեռքերից. ես շոքած նայում եմ նրան և հոհում. խիստ ուրախ եմ նրան տեսնելով և մոռացել եմ, թե ինչ պետք է անեմ:

— Կտրիր... — կամացուկ շնչում է մայրը. նրա աչքերը փակ են, դեմքը սմքել է, հողագույն, ինչպես մեռելինը, իսկ կապույտ շրթունքները հազիվ են երերում:

— Դանակով... կտրի... —

Իմ դանակը բարաքում գողացել էին. ատամներով կտրեցի պորտալարը. երեխան ճշում էր օրյույան թավ ձայնով, իսկ մայրը ժպտում: Ես տեսա, թե ինչպես զարմանալի փթթում և կանաչ կրակով վառվում էին մոր անհաստակ աչքերը, թուխ ձեռքը շոշափում էր շրջազգեստը, փնտրում գրպանը, իսկ կծոտած, արյունոտ շրթունքները սվսվում էին.

— Ուժ... չունեմ... երիզը գրպանում... կապելու պորտը... —

Ինքս հանեցի երիզը, կապեցի. մայրը գնալով ավելի վառ է ժպտում. այնքան լավ ու վառ, որ ես գրեթե կուրանում եմ այդ ժպիտից:

— Դու վրա-զլուխդ կարգի բեր, ես էլ գնամ, լվանամ սրան... —

Նա անհանգիստ մրթմրթում է.

— Տես, զգուշ... տես հա... —

Կարմիր մարդուկը բնավ էլ զգուշություն չի պահանջում.

սեղմել է բոունցքը և ճշում, ճշում՝ ասես կանչում է, որ իր հետ կովեն...

— Ա-ա՛... ա-ա՛...

— Հա, հա, պնդացիր, ախպեր, ամուր կաց, թե չէ մերձա՛վորներդ իսկույն գլուխդ կպոկեն...

Առանձին լրջությամբ ու բարձր ճշաց նա, երբ առաջին անգամ ծովի փրփրուն ալիքը ցողեց նրան՝ երկուսիս վրա էլ ուրախ շաշելով, հետո, երբ սկսեցի թակել նրա կուրծքն ու կունակը՝ նա կկոցեց աչքերը, սկսեց ձեռքն ու ոտքը թափ տալ և սուր ճշաց, իսկ ալիքներն իրար ետևից շարունակում էին աղողել նրան:

— Գոռա, օրյուցի, որքան ուժ ունես՝ ճշա...

Երբ մենք վերադարձանք մոր մոտ, նա պառկել էր, նորից աչքերը փակել, կծոտում շրթունքները՝ ընկերքը գուրս նետելու գալարներով բռնված. սակայն չնայած նրան, հառաչանքի ու տնքոցի միջից ես լսում էի նրա նվաղուն շշուռը.

— Տուր... տուր ինձ...

— Կսպասի:

— Տուր, է՛:

Եվ դողողուն, անվստահ ձեռքերով արձակեց կոֆտայի կրծքամասի կոճակները: Ես օգնեցի նրան ազատելու ստիները, որ պատրաստում է բնությունը քսան մարդ-օրվա համար, գիծ օրյուցուն դրի նրա տաք մարմնի վրա. մանկիկն ամեն ինչ հասկացավ և ձայնը կտրեց:

— Անարատ մայր աստվածածին, — ցնցվելով հառաչում էր ծննդկանը և գիսախոփվ գլուխը, որ իր կապոցի վրա էր, այս ու այն կողմ էր նետում:

Եվ հանկարծ կամացուկ ճշալով լոց, հետո նորից բացվեցին նրա ծայրաստիճան գեղեցիկ աչքերը՝ ծննդկանի սուրբ, կապույտ աչքերը և նայեցին կապույտ երկնքին. նրանց մեջ վառվում ու հաչում է ազնիվ, ցնծագին ժպիտը: Բարձրացնելով ծանր ձեռքը՝ մայրը դանդաղ խաշակնքում է իրեն ու երեխային...

— Փա՛ռք քեզ, անարատ տիրամայր... օֆ... փա՛ռք քեզ...

Աչքերը խամրեցին, սուզվեցին. նա երկար լռել, հագիվ էր շունչ քաշում, և հանկարծ գործնականորեն, ավելի հաստատ ձայնով ասաց.

— Բաց արա, տղա զան, իմ կապոցը...

Բաց արինք, նա շեշտակի նայեց ինձ, թույլ-թույլ ժպտալով. կարծես հազիվ նկատելի կերպով շառագույնը փայլեց նրա ներս ընկած այտերին ու քրտնաթոր ճակատին:

— Դենը գնա...

— Շատ մի գլուխ դնի դրա հետ...

— Դե շուտ, դենը գնա...

Հեռացա քիչ այն կողմ՝ թփերի մեջ: Սիրտս կարծես հոգնել է, իսկ կրծքումս կամացուկ երգում են ինչ-որ գեղեցիկ թրջուններ, և դա ծովի անվախճան ճողփյունի հետ այնքան լավ է, որ կարելի է մի տարի ունկնդրել...

Մոտակայքում մի տեղ աղբյուր է խոխոչում, կարծես աղջիկն իր սիրածի մասին է պատմում ընկերուհուն...

Թփերի վրա բարձրացավ դեղին լաշակով գլուխը՝ արդեն սլարտ ու պատշաճ կապված:

— Է՛, է՛, քույրիկ, շուտ սկսեցիր ման գալը:

Թփի ճյուղը բռնած՝ նստել էր մայրը ասես խմած, գորշ դեմքի վրա արյան նշույլ չկար, աչքերի փոխարեն հսկայական կապույտ լճեր էին. նա խանդաղատանքով շշնջում էր.

— Տե՛ս ինչպե՛ս է քնել...

Լավ էր քնել, բայց իմ կարծիքով ուրիշ երեխաներից ամենեկին ոչ լավ, իսկ եթե տարբերություն կար, ապա դա վերաբերում էր շրջապատին. նա պառկել էր աշնանային վառվոուն տերևների կույտի վրա, մի թփի տակ, որը չի աճում Օրյուի նահանգում:

— Լավ կանեիր պառկելիք, այ մեր:

— Չէ, է՛, — ասաց նա՝ օրորելով գլուխը թուլացած վզի վրա, — պետք է ճանապարհ ընկնեմ ու հասնեմ՝ ո՞նց են ասում...

— Օչեմձիբի՞...

— Հենց էդ է: Մերոնք տեսնես քանի վերստ են անցել...

— Բայց մի՞թե դու կարող ես գնալ:

— Բա աստվածածի՞նը: Նա կօգնի:

Դե իհարկե, եթե նրա գործն աստվածածնի հետ է, էլ ոչինչ չես կարող ասել:

Նայում է նա թփի տակ պառկած պատիկ, դժգոհ ուռած դեմքին՝ աչքերից ցայտեցնելով փաղաքշող լույսի տաքուկ ճառագայթներ, լիզում-սրբում է շրթունքները և ձեռքի դանդաղ շարժումով շոյում կուրծքը:

Ես օջախ եմ վառում, քարեր շարում՝ թեյամանը դնելու համար:

— Հիմա, մայր, ես քեզ թեյ կհրամայեմ...

— Հա: Տուր, տուր խմեմ: Կրծքերս մաքուր ցամաքել են:

— Այդ ինչու՞ երկրացիներդ թողեցին քեզ, գնացին:

— Նրանք շտողեցին, չէ: Ես ինքս ետ մնացի, նրանք էլ հո կոնծեկ էին, ու... Եվ լավ էլ եղավ, թե չէ նրանց մոտ ինչպե՞ս ազատվեի...

Նայեց նա ինձ, արմունկով ծածկեց դեմքը, ապա արյուն թքելով՝ ամոթխած ժպտաց.

— Առջնե՞կդ է:

— Առջնեկս է... Իսկ դու ո՞վ ես:

— Կարծես թե մարդ եմ...

— Իհարկե մարդ ես: Պսակված ես:

— Չեմ արժանացել...

— Սուտ չե՞ս ասում:

— Ինչո՞ւ:

Նա խոնարհեց աչքերը, մտածեց:

— Բա ո՞նց ես կնկա գործերն իմանում:

Հիմա արդեն կստեմ: Եվ ասացի.

— Սովորել եմ: Ուսանող եմ. լսե՞լ ես:

— Իհարկե լսել եմ: Մեր տերտերի մեծ տղան էլ ուսանող է, տերտերություն է սովորում...

— Այ, ես էլ դրանցից եմ: Հիմա գնամ ջուր բերեմ...

Կինը գլուխը խոնարհեց դեպի տղան, ականջ դրեց՝ շնչում է. հետո նայեց ծովի կողմը:

— Լվացվել է պետք, բայց ջուրն անծանոթ է... Այդ ի՞նչ ջուր է. և աղի, և դառն...

— Հենց դրանով էլ մաքրվիր, առողջարար ջուր է:

— Հաա՞:

— Ճիշտ եմ ասում: Աղբյուրի ջրից էլ տաք է. իսկ այստեղի աղբյուրները ասես սառույց լինեն...

— Դե, դու գիտես...

Գլուխը կրծքին խոնարհած, նիրհած, քայլքով անցավ մի հեծվոր արխազ. փոքրիկ, ամբողջովին ջղախին ձիովի ականջները խաղացնելով կլոր, սև աչքը շեղեց մեզ վրա, փռնչաց. հեծվորը զգույշ թափ տվեց երկարամազ փափախով գլուխը, նույնպես նայեց մեր կողմը և նորից խոնարհեց գլուխը:

— Ինչ գեշ ու զարզանդ են էստեղի մարդիկ,— կամացուկ ասաց օրյուցի գեղջկուհին:

Ես գնացի: Քարերի վրա ցատկոտում է, խաղում սնդիկի պես շողշողուն ու աշխույժ առվակը, որի մեջ ուրախ գլուխկոնծի են տալիս աշնանային տերևները. սքանչելի է: Ձեռքերս, դեմքս լվացի, թեյամանս լիքը ջուր լցրի, վերադարձա և թփերի միջից տեսա, որ կինն անհանգիստ շուրջը նայելով ծնկների վրա սո՞ղում է գետնով, քարերով:

— Ի՞նչ ես անում:

Վախեցավ. կապտեց և մի բան թաքցրեց իր տակ. ես հասկացա:

— Տուր ինձ, ես կթաղեմ:

— Ու, մատաղ քեզ, ախր ինչպե՞ս կարելի է: Օրենքով բաղնիքի նախասենյակում, հատակի տակ պետք է...

— Ինչպես չէ, շուտով բաղնիք կշինեն այստեղ:

— Դու հանաք ես անում, իսկ ես վախենում եմ: Բա որ հանկարծ գազանն ուտի... չէ՞ որ օրենքով հողին պիտի տրվի...

Շրջվեց մի կողմ և մի խոնավ ու ծանր փաթեթ տալով ինձ՝ կամացուկ, ամոթխած կերպով խնդրեց.

— Աղաչում եմ, ի սեր Քրիստոսի, ինչքան կարող ես լավ թաղի, խոր... խզճա իմ բալիկին, իմ ասածի պես արա...

...Երբ վերադարձա՝ տեսա, որ նա երբևիցե և ձեռքն առաջ պարզած՝ գալիս է ծովից, շրջազգեստը մինչև գոտկատեղը թաց, իսկ դեմքը՝ մի քիչ շառագունել է և կարծես ներքուստ լուսավորվում է: Օգնեցի նրան հասնելու խարույկին՝ զարմացած մտածելով.

«Ի՞նչ գազանային ուժ»:

Հետո մեղրով թեյ խմեցինք, իսկ նա կամացուկ հարցրեց.

— Սովորելուց ձե՞ն ես քաշել:

— Այո, ձեռ եմ քաշել:

— Խմելու՞ ես տվել քեզ, ինչ է:

— Վերջնականապես խմելու եմ տվել, այ մեր:

— Այ թե ինչ մարդ ես: Ախր ես քեզ հիշում եմ, Սուփուսում նկատել եմ, երբ դու ոռճիկի պատճառով մեծավորի հետ կովում էիր. հենց էդ ժամանակ էլ մտածեցի՝ երևում է, որ հարբեցող է, դրա համար էլ ինչ անվախն է...

Եվ հաճույքով լիզելով ուտած շրթունքներին քաված մեղրը՝



կապույտ աչքերը շարունակ խեթում էր թփի տակ, որտեղ անխոռով քնել էր ամենանոր օրյուցին:

— Ինչպե՞ս պետք է ապրի սա,— հառաչելով ասաց նա՝ ինձ զննելով:— Դու ինձ օգնեցիր, շնորհակալ եմ... բայց չգիտեմ՝ դա լա՞վ է նրա համար, թե ոչ...

Կուշտ թեյ խմեց, կերավ, խաչ հանեց երեսին, և երբ ես իմ տնտեսությունն էի հավաքում, նա քնկոտ երեքավով նիրհում էր, մի բանի վրա մտածում՝ նորից գունաթափ աչքերով գետնին նայելով: Հետո սկսեց վեր կենալ:

— Ճի՞շտ որ գնում ես:

— Գնում եմ:

— Ախր, այ մեր, մի տե՛ս, է՛:

— Բա աստվածածի՞նը... Հապտ, տուր ինձ դրան:

— Ես կտանեմ նրան...

Վիճեցինք, նա զիջեց և ուս-ուսի տված ճամփա ընկանք:

— Չլինի հանկարծ գլորվեմ,— ասաց նա հանցավորի պես ծպտալով և ձեռքը դրեց ուսիս:

Ռուսաց երկրի նոր բնակիչը՝ անհայտ ճակատագրի մարդը ձեռքերիս վրա պառկած, կարգին ֆսֆսում էր: Ըողփում ու խշշում էր ծովն՝ ամբողջովին սպիտակ, տաշեղանման ժանյակներով զարդարված, փսփսում էին թփերը, շողշողում էր կեսօրն անցնող արևը:

Գնում էինք դանդաղ. հրբեմն մայրը կանգ էր առնում, խոր շունչ քաշում, գլուխը վեր պցում, նայում շուրջը՝ ծովին, անտառին ու լեռներին, հետո էլ՝ տղայի դեմքին: Ամբողջովին տառապանքների արցունքներով լվացված նրա աչքերը նորից էին փթթել և վառվում էին անսպառ սիրտ կապույտ կրակով:

Մի անգամ էլ կանգ առնելով, ասաց.

— Տե՛ր աստված: Լավ է, ի՛նչ լավ է: Երանի թե միշտ գնայի այսպես, գնայի մինչև աշխարհի ծայրը, սա էլ՝ որդիս, աճեր մեծանար այսպես ազատ, մոր կրծքի մոտ, իմ անուշ բալիկը...

...Մովը խշշում է, խշշում...

## Մ Ա Յ Ր Ը

### ԱՌԱՋԻՆ ՄԱՍ

#### I

Ամեն օր բանվորական ավանի վրա, ծխալից, յուղոտած օդում դողում ու մոնչում էր գործարանի շապը, և, այդ կանչին հնազանդ՝ փոքրիկ գորշ տներից վախեցած ուտիճների նման փողոց էին վազում մոռյլ մարդիկ, որոնք ժամանակ չէին ունեցել քնով թարմացնելու իրենց մկանները: Յուրտ աղջամուջին նրանք շալած փողոցով գնում էին դեպի գործարանի քարե բարձր վանդակները. գործարանն անտարբեր վստահությամբ սպասում էր նրանց՝ ցեխոտ ճանապարհը լուսավորելով տասնյակ ճարպոտ, քառակուսի աչքերով: Ցեխը ճլմփում էր ոտքերի տակ: Լսվում էին քնած ձայների խոպոտ բացականչություններ, կոպիտ հայհոյանքը շարությամբ ճեղքում էր օդը, իսկ մարդկանց ընդառաջ լողում էին այլ հնչյուններ՝ մեքենաների ծանր աղմուկը, գոլորշու վրթվրթոցը: Մոռյլ և խստորեն նըշմարվում էին սև խողովակները, որոնք բարձրանում էին ավանի վրա հաստ ձեռնափայտերի պես:

Երեկոյան, երբ արևը մայր էր մտնում, և տների ապակիների վրա հոգնած շողում էին նրա կարմիր շողերը, գործարանն իր քարի ընդերքից դուրս էր թափում մարդկանց, ասես մշակված մետաղի խարամ լինեին, և նրանք նորից գնում էին փողոցներով՝ մխոտված, դեմքերը սևացած, օդում մեքենայի յուղի մածուցիկ հոտ տարածելով, քաղցից ատամները պսպղացնելով: Այժմ նրանց ձայներում աշխուժություն և նույնիսկ ուրախություն էր հնչում,— այդ օրվա տաժանալից աշխատանքը վերջացել էր,— տանը նրանց սպասում էր ընթրիք և հանգիստ:

Գործարանը կլանել է օրը, մեքենաները մարդկանց մկան- ներից այնքան ուժ են ծծել, որքան հարկավոր է եղել իրենց: Այդ օրն անհետ ջնջված էր կյանքի մատյանից, մարդ էլի մի քայլ էր արել դեպի իր գերեզմանը, բայց իր առջև, մոտիկ, նա տեսնում էր հանգստի հաճույքը, ծխոտ գինետան ուրա- խությունները և գոհ էր:

Տոներին քնում էին մինչև ժամը տասը, ապա սուլիդ ու ամուսնացած մարդիկ հագնում էին իրենց լավագույն զգեստը և գնում պատարագ լսելու՝ հետո էլ հայհոյելով երիտասարդ- ներին, եկեղեցու հանդեպ անտարբեր լինելու համար: Եկեղե- ցուց տուն էին վերադառնում, կարկանդակ ուտում և նորից պառկում քնելու մինչև երեկո:

Տարիներով կուտակված հոգնածությունը մարդկանց զըր- կում էր ախորժակից, և որպեսզի ուտել կարողանան, շատ էին խմում՝ ստամոքսները գրգռելով օղու սուր դաղոցով:

Երեկոյան ծուլ-ծուլ զբոսնում էին փողոցներում, և ով կրկնակոշիկներ ուներ, հագնում էր, նույնիսկ եթե գետինը շոր լիներ, իսկ անձրևակալ ունեցողը վերցնում էր այն իր հետ, թեկուզ արևը փայլելիս լիներ:

Իրար հանդիպելիս խոսում էին գործարանի մասին, մե- քենաների մասին, հայհոյում էին վարպետներին, խոսում ու մտածում էին միայն այն մասին, ինչ որ կապված էր աշխա- տանքի հետ: Տկար, անուժ մտքի հատուկենտ կայծեր հազիվ էին ցուցում օրերի ձանձրալի միօրինակության մեջ: Տուն վե- րադառնալով՝ կռվում էին կանանց հետ և հաճախ ծեծում նրանց՝ բռունցքները շինախելով: Երիտասարդները նստում էին պանդոկներում կամ երեկույթներին հավաքվում իրար մոտ, հարմոն էին նվագում, երգում էին անպատկառ, տգեղ երգեր, պարում, զազրախոսում և խմում: Աշխատանքից հոգնատանջ մարդիկ շուտ էին հարբում, և բոլոր կրծքերում արթնանում էր անըմբռնելի, հիվանդագին մի գրգիռ: Այդ գրգիռը ելք էր փրնտ- րում իր համար: Ամուր կառչելով այդ տազնապալից զգացմուն- քը թուլացնելու ամեն մի հնարավորութայն՝ այդ մարդիկ դա- տարկ բաների համար իրար վրա էին հարձակվում գազանի կատաղությամբ: Արյունահեղ կոփվներ էին ծագում, որոնք եր- բեմն վերջանում էին ծանր վնասվածքներով, մեկ-մեկ էլ՝ սպա- նությամբ:

Մարդկանց հարաբերությունների մեջ ամենից շատ կար

նենգավոր շարության զգացմունքը, որը նույնքան հին էր, որ- քան և մկանների անբուժելի հոգնածությունը: Մարդիկ ծնվում էին հոգու այդ հիվանդությամբ՝ ժառանգելով այն իրենց հայ- րերից, և դա մութ ստվերի պես ուղեկցում էր նրանց մինչև գե- րեզման՝ կյանքի ընթացքում գրգռելով նրանց մի շարք հան- ցանքների, որոնք զվելի էին իրենց աննպատակ դաժանու- թյամբ:

Տոներին երիտասարդները տուն էին վերադառնում ուշ գի- շերը՝ պատառոտված հագուստով, ցեխոտ ու փոշոտ, դեմքերը ջարդված, շարախնդությամբ պարծենալով ընկերներին հասց- րած հարվածների համար, կամ վշտացած, բարկացած կամ վի- րավորանքի արտասուքներն աչքերում, հարբած ու թշվառ, դժ- բախտ ու զզվելի: Տղաներին երբեմն տուն էին բերում իրենց մայրերը, հայրերը: Մնողները նրանց գտնում էին որևէ տեղ ցանկապատի տակ, փողոցում կամ գինետներում անզգայու- թյան աստիճանի հարբած, զազրելի հայհոյանք էին տալիս, բռունցքներով ծեծում իրենց զավակների մեղկացած, օղուց թուլացած մարմինները, հետո քիչ թե շատ հոգածությամբ նրանց պառկեցնում էին քնելու, որպեսզի առավոտը վաղ, երբ օդի մեջ պղտոր առվի պես հոսի շշակի բարկացկոտ մանչունը, նրանց արթնացնեն գործի գնալու:

Զավակներին խիստ էին հայհոյում և ծեծում, բայց երի- տասարդների հարբեցողությունը և կոփվները միանգամայն օրինական երևույթ էին թվում ծերերին, — հայրերը երիտասարդ ժամանակ նույնպես խմել ու կռվել էին, նրանց էլ էին ծեծել իրենց մայրերն ու հայրերը: Կյանքը միշտ այդպես է եղել, — նա սահուն և դանդաղ ընթացել է պղտոր հեղեղի պես երկար տա- րիներ և ամբողջովին կաշկանդված է եղել մտածելու և օրեցօր միևնույն բանն անելու անխախտ, վաղեմի սովորություններով: Եվ ոչ ոք ցանկութուն չի ունեցել այդ կյանքը փոխելու մի փորձ կատարել:

Երբեմն ինչ-որ մի տեղից ավանն էին գալիս կողմնակի մարդիկ: Սկզբում նրանք իրենց վրա ուշադրություն էին հրա- վիրում պարզապես նրանով, որ օտարականներ էին, ապա իրենց նկատմամբ թեթև, արտաքին հետաքրքրություն էին զար- թեցնում՝ պատմելով այն տեղերի մասին, որտեղ աշխատել էին. հետո նրանց վրայից նորությունը ջնջվում էր, նրանց վարժվում էին, և նրանք աննկատելի էին դառնում: Նրանց պատմածներից

պարզվում էր, որ բանվորի կյանքը ամեն տեղ միատեսակ է: Իսկ եթե դա այդպես է, ուրեմն էլ ի՞նչ խոսել:

Բայց երբեմն նրանցից ոմանք խոսում էին ավանում չլսված ինչ-որ բաներ: Նրանց հետ չէին վիճում, բայց նրանց տարօրինակ խոսքերին ունկնդրում էին թերահավատությամբ: Այդ խոսքերը ոմանց մեջ կույր գրգիռ էին արթնացնում, ոմանց մեջ՝ տարտամ մի տագնապ, երրորդներին անհանգստացնում էր մի ինչ-որ անորոշ հույսի թեթև ստվերը, և նրանք սկսում էին ավելի շատ խմել, որպեսզի վանեն անհարկի, իրենց խանգարող այդ տագնապը:

Օտարականի մեջ արտասովոր բան նկատելով՝ ավանի բնակիչները երկար ժամանակ չէին կարողանում մոռանալ այդ և իրենց շնամանող այդ մարդուն վերաբերվում էին անգիտակցական երկյուղով: Նրանք կարծես վախենում էին, թե այդ մարդը կյանքի մեջ մի այնպիսի բան կնետի, որը կխախտի նրա՝ թեև ծանր, բայց հանդարտ, թախծալիորեն ուղիղ ընթացքը: Այդ մարդիկ սովորել էին, որ կյանքը միշտ ճնշի իրենց միատեսակ ուժով, և դեպի լավը ոչ մի փոփոխություն չսպասելով՝ գտնում էին, թե բոլոր փոփոխությունները ընդունակ են միայն ավելացնելու ճնշումը:

Նոր բան ասող մարդկանցից ավանի բնակիչները լուռ խույս էին տալիս: Այդ ժամանակ այդ մարդիկ անհետանում էին՝ կրկին գնալով ինչ-որ մի տեղ, իսկ գործարանում հզած ժամանակ նրանք քաշված էին ապրում, եթե չէին կարողանում ի մի ձուլվել ավանի միապաղաղ մասսայի հետ...

Այսպիսի կյանքով հիսուն տարի ապրելով՝ մարդը մեռնում էր:

## II

Այդպես էր ապրում նաև փականագործ Միխայիլ Վլասովը, մազմզոտ, մուսյլ ու մանր աչքերով մի մարդ: Այդ աչքերը թավ հոնքերի տակից նայում էին կասկածանքով, անդուրեկան ծաղրանքով: Գործարանի լավագույն փականագործ և ավանի ամենաուժեղ մարդը լինելով, նա մեծավորների հետ իրեն կուպիտ էր պահում, ուստի և փող քիչ էր վաստակում, ամեն տոն օր մեկին ծեծում էր, և ամենքն էլ նրան չէին սիրում, նրանից վախենում էին: Փորձել էին նրան էլ ծեծել, բայց ապարդյուն:

Երբ վլասովը տեսնում էր, որ մարդիկ իր վրա են գալիս, նա ձեռքն էր առնում քար, տախտակ, երկաթի կտոր և ոտները լայն դրած՝ լուռ ու մունջ սպասում էր թշնամիներին: Աչքերից մինչև ականջները սև մորուքով բռնված նրա դեմքը և մազմզոտ ձեռքերն ամենքին երկյուղ էին ներշնչում: Մանավանդ վախենում էին նրա աչքերից. այդ մանր, սուր աչքերը ծավախենում էին նրա աչքերից. այդ մանր, սուր աչքերը ծավախում էին մարդկանց պողպատե գայլիկունների պես, և նրա հակում էին մարդկանց պողպատե գայլիկունների պես, և նրա հայացքին հանդիպելիս ամեն մարդ զգում էր իր առջև վայրի, անընկրկելի մի ուժ, որը պատրաստ է անխնա հարվածելու:

— Դե՛հ, ցրվեցե՛ք,— խուլ ձայնով ասում է նա: Նրա դեմքին խիստ մազերի միջից պսպղում էին խոշոր, դեղին ատամները: Մարդիկ ցրվում էին՝ հայհույթով նրան երկչոտ ու նվացող հիշոցով:

— Խուժաննե՛ր,— կարճ ասում էր նա նրանց հետևից, և նրա աչքերը փայլում էին մախաթի պես սուր, հեզնական ժպիտով: Ապա գլուխը գրգռիչ կերպով բարձր պահած՝ նա գնում էր նրանց հետևից և կանչում.

— Հը՛, ո՞վ է իր մահն ուզում:

Ոչ ոք չէր ուզում:

Նա քիչ էր խոսում և «խուժանը» նրա սիրած բառն էր: Այդպես էր նա անվանում գործարանի իշխանությանը և ուստի-կանությանը, այդ խոսքով էր նա դիմում իր կնոջը:

— Տո՛, խուժան, չե՞ս տեսնում, շավարս պատովել է:

Մի անգամ, երբ նրա որդի Պավելը տասնչորս տարեկան էր, Վլասովն ուզեց նրա մազերից քաշել: Բայց Պավելը ձեռքն առավ մի ծանր մուրճ և կարճ ասաց.

— Ձեռք շտա՛ս...

— Ի՞նչ,— հարցրեց հայրը՝ դեպի որդու բարձր, բարակ կերպարանքը դիմելով, ասես կեչու վրա գնացող մի ստվեր լիներ:

— Հերի՛ք է,— ասաց Պավելը:— էլ չեմ թողնի...

Եվ մուրճը բարձրացրեց:

Հայրը նայեց նրան, մազմզոտ ձեռքերը հետևը դրեց և քմծիծաղով արտասանեց.

— Լա՛վ...

Հետո ծանր հառաչելով ավելացրեց.

— Է՛հ, խուժան...

Դրանից քիչ հետո նա իր կնոջն ասաց.

— Էլ ինձանից փող չուզես,— Պաշկան քեզ կպահի...

— Իսկ դու ստացածդ գինո՞ւ ես տալու,— համարձակվեց հարցնել կինը:

— Քո գործը չի, խուժա՛ն: Ես սիրու՛հի եմ պահելու...

Սիրու՛հի նա շպահեց, բայց այդ օրվանից համարյա երկու տարի շարունակ, մինչև մահը նա որդու վրա չէր նայում և նրա հետ չէր խոսում:

Նա մի շուն ուներ, իր նման մեծ ու բրդոտ: Շունն ամեն օր ուղեկցում էր նրան գործարան և ամեն երեկո նրան սպասում էր դարբասի մոտ: Տոն օրերը Վլասովը գնում էր գինետները շրջելու: Նա ման էր գալիս լուռուժունը և կարծես մեկին գտնել ուզելով՝ աչքերով ճանկատում էր մարդկանց դեմքերը: Շունն էլ, իր մեծ ու բրդոտ պոչը կախ գցած, ամբողջ օրը շրջում էր նրա հետևից: Հարբած վերադառնալով տուն՝ նա նստում էր ընթրելու թախժալի, շանն էլ կերակրում էր գավաթից: Նա շանը չէր ծեծում, չէր հայհոյում, բայց և երբեք չէր փաղաքշում: Ընթրիքից հետո նա սեղանի վրայից ամանը գցում էր հատակին, եթե կինը ժամանակին վերցնել չէր կարողանում, առաջն էր դնում մի շիշ օղի և մեջքը պատին հենելով՝ բերանը լայն բացած ու աչքերը փակած՝ խուլ ձայնով մի երգ էր ունում: Թախժոտ, տգեղ հնչյուններն իրար էին խառնվում նրա ընչացքների մեջ՝ նրանց վրայից ցած թափելով հացի փշրանքը, փականագործը հաստ մատներով շտկում էր մորուքի և ընչացքների մազերն ու երգում: Երգի բառերն անհասկանալի էին, ձգձգված, մեղեդին գայլերի ձայնի նման էր հիշեցնում: Նա երգում էր քանի դեռ շունն օղի էր չիմում, իսկ հետո կողքի վրա պառկում էր երկար նստարանին կամ գլուխը դնում սեղանին և այդպես քնում մինչև շշակը: Շունը պառկում էր նրա կողքին:

Վլասովը մեռավ աղեթափությունից: Մի հինգ օր ամբողջովին սևացած՝ նա շուռումուռ էր գալիս անկողնում՝ աչքերը պինդ փակած և ատամներն էր կրճտացնում: Երբեմն ասում էր կնոջը.

— Մկնդե՛ղ տուր, թունավորի՛ր...

Բժիշկը կարգադրեց Միխայիլի փորին տաք թրջոցներ դնել, բայց ասաց, թե անհրաժեշտ է վիրահատություն կատարել և նույն օրն ևեթ հիվանդին տանել հիվանդանոց:

— Գնա կորի՛ր, ես ինքս էլ կարող եմ մեռնել: Խուժա՛ն,— խոռացրեց Միխայիլը:

Բայց երբ բժիշկը գնաց, և կինն սկսեց արցունքն աչքերին հորդորել ամունսուն, որ համաձայնի վիրահատություն կատարելու, Միխայիլը բռունցքը սեղմեց և կնոջն սպառնալով ասաց.

— Կառողջանամ, քե՛զ համար վատ կլինի:

Նա մեռավ առավոտյան, այն րոպեներին, երբ շշակն աշխատանքի էր կանչում: Դագաղում բերանը բաց էր պառկած նա, բայց հոնքերը բարկությամբ կիտված էին: Նրան թաղեցին կինը, որդին, շունը, հին հարեցող և գող Դանիլո Վեսովշչիկովը, որ վնդված էր գործարանից, և ավանի մի քանի մուրացկաններ: Կինը լալիս էր կամացուկ և զուսպ, Պավելը չէր լալիս: Ավանի բնակիչները փողոցում դագաղին հանդիպելիս կանգ էին առնում և երեսները խաշակնքելով՝ իրար ասում.

— Երևի Պելագեան ուրախացել է, որ մարդը մեռել է... Ոմանք ուղղում էին.

— Չի մեռել, սատկել է...

Երբ դագաղը հողով ծածկեցին, մարդիկ հեռացան, իսկ շունը մնաց և թարմ հողի վրա նստած՝ երկար ժամանակ լուռ հոստոտում էր գերեզմանը: Մի քանի օրից հետո ինչ-որ մեկն սպանեց շանը...

### III

Հոր մահվանից երկու շաբաթ անց, մի կիրակի օր Պավել Վլասովը տուն եկավ սաստիկ հարբած: Օրորվելով նա անցավ տան առջևի անկյունը և բռունցքով սեղանին խփելով, ինչպես հայրն էր անում, մոր վրա գոռաց:

— Ընթրի՛ք բեր:

Մայրը մոտեցավ նրան, նստեց կողքին և գրկեց որդուն՝ նրա գլուխն իր կրծքի վրա դնելով: Որդին, ձեռքը մոր ուսին հենելով, ընդդիմանում էր և գոռում.

— Մայրի՛կ, շո՛ւտ...

— Հիմարիկ,— տխուր և քնքշորեն ասաց մայրը՝ նրա դիմադրությունը հաղթահարելով:

— Պիտի ծխեմ էլ: Ինձ տուր հորս ծխամորճը...— շնազանդվող լեզուն դժվարությամբ շարժելով՝ թոթովեց Պավելը: Նա առաջին անգամ էր հարբել: Օղուց թուլացել էր նրա մարմինը, բայց գիտակցությունը չէր խամրել, և նրա գլխում թակում էր այս հարցը:

«Հարբա՞ծ եմ: Հարբա՞ծ եմ»

Նրան շփոթեցնում և հուզում էր մոր գգվանքները, նրա աչքերի տրտմութունը: Լացը գալիս էր, և այդ ցանկութունը զսպելու համար նա աշխատում էր ավելի հարբած ձևանալ, քան էր:

Իսկ մայրը ձեռքով շոյում էր նրա քրտնած, խճճված մազերը և մեղմաձայն ասում.

— Լավ չես արել...

Պավելի սիրտն սկսեց խառնել: Փսխումի կատաղի նոպայից հետո մայրը նրան անկողին դրեց՝ գունատ ճակատը ծածկելով թաց սրբիչով: Պավելը մի քիչ զգաստացավ, բայց շուրջն ամեն ինչ ալեձև օրորվում էր, նրա կոպերը ծանրացել էին, և բերանում զզվելի, դառն համ զգալով՝ նա արտևանունքների միջով նայում էր մոր մեծ դեմքին և անկապ մտածում:

«Ծրևի դեռ վաղ է ինձ համար: Ուրիշները խմում են, և ոչինչ, իսկ իմ սիրտը խառնում է...»

Մի ինչ-որ հեռու տեղից ականջին էր հասնում մոր քնքուշ ձայնը:

— Էլ դու ինձ ինչպես պիտի պահես, եթե սկսես խմել...

Աչքերն ամուր փակելով՝ Պավելն ասաց.

— Ամենքն էլ խմում են...

Մայրը ծանր հառաչեց: Որդին իրավացի էր: Մայրը ինքը լավ գիտեր, որ բացի գինետոնից ուրիշ տեղ չկար, որտեղից մարդիկ ուրախութուն քաղեին: Բայց և այնպես ասաց.

— Իսկ դու մի՛ խմիր: Քո փոխարեն հայրդ խմել է, որքան որ պետք է: Նա ինձ էլ է բավականաչափ տանջել... գոնե դո՛ւ մորդ խղճայիր:

Պավելը լսելով այդ տրտում, մեղմ բռնեքը, հիշեց, որ հոր կենդանության ժամանակ մայրը տանն աննկատելի էր, լուռումունջ և ապրում էր միշտ տազնապահար՝ ծեծի սպասելով: Հորը հանդիպելուց խուսափելով՝ Պավելը վերջերս քիչ էր լինում տանը, նա մորից խորթացել էր, և այժմ հետզհետե զգաստանալով՝ սևեռուն հայացքով նայում էր նրան:

Մայրը բարձրահասակ էր, քիչ կորացած. երկարատև աշխատանքից և ամուսնու ծեծից շարդված նրա մարմինը շարժվում էր անաղմուկ և մի քիչ կողքի վրա, կարծես թե նա շարունակ վախենում էր որևէ բանի դիպչել: Նրա լայն, ձևաձև դեմքը, որ ակոսված էր կնճիռներով, և մի քիչ ուռած էր, լու-

սավորվում էր թուխ աչքերով, որոնք տազնապալից տխուր էին, ինչպես ավանի կանանց մեծ մասի աչքերը: Աչ հոնքի վերևը մի խոր սպի կար, որը հոնքը մի քիչ վեր էր բարձրացնում. թվում էր, թե նրա աչ ականջն էլ ձախից բարձր է. դա նրա դեմքին այնպիսի արտահայտություն էր տալիս, որ կարծես թե նա միշտ վախեցած ականջ է դնում: Թուխ խիտ մազերի մեջ ալեզարդ փնջեր էին պսպղում: Նա այնքա՛ն հեզ էր, տրտում, հլու-հնազանդ...

Եվ նրա այտերով դանդաղ հոսում էին արցունքները:

— Մի՛ լար, — կամացուկ խնդրեց որդին: — Զուր տուր խմեմ:

— Ես քեզ համար սառույցով շուր կբերեմ...

Բայց երբ մայրը վերադարձավ, որդին արդեն քնած էր: Մայրը մի ըոպե կանգնած մնաց նրա գլխավերևում, շերտիք դողում էր նրա ձեռքին, և սառույցը մեղմ զարկվում էր թիթեղին: Շերտիք սեղանին դնելով՝ նա լուռ ծունկի իջավ սրբապատկերների առջև: Պատուհանների ապակիներին էին զարկվում հարբած կյանքի հնչյունները: Աշնան երեկոյի խավարում ու խոնավության մեջ ճշում էր հարմոնը, մեկը բարձր երգում էր, մեկը հայհոյում էր փտած խոսքերով, տազնապալից հնչում էին կանանց գրգռված, հոգնաբեկ ձայները...

Վլասովների փոքրիկ տանը կյանքն սկսեց ընթանալ ավելի խաղաղ և հանգիստ, քան առաջ, և մի քիչ ուրիշ կերպ, քան ավանում ամեն տեղ: Նրանց տունը գտնվում էր ավանի ծայրում, դեպի ճահիճն իջնող ոչ բարձր, բայց թեք զառիթափի մոտ: Տան մի երրորդ մասը բռնում էին խոհանոցը և նրանից բարակ միջնորմով բաժանված մի փոքրիկ սենյակ, ուր մայրն էր քնում: Մնացած երկու երրորդը մի քառակուսի սենյակ էր երկու պատուհանով, նրա մի անկյունում Պավելի մահճակալն էր, առջևի անկյունում՝ սեղանը և երկու երկար նստարան: Մի բանի աթոռ, ճերմակեղենի պահարանը՝ վրան փոքրիկ հայելի, մի շորի արկղ, պատին մի ժամացույց և անկյունում երկու սըրբապատկեր — ա՛հ բոլորը:

Պավելն արեց այն ամենը, ինչ պետք է աներ ջահել տղան. նա գնեց հարմոն, օսլայած կրծքով շապիկ, վառ գույնի փողկապ, կրկնակոշիկներ, ձեռնափայտ և ամեն բանով նմանվեց իր հասակակից բոլոր պատանիներին: Գնում էր երեկութներ, սովորել էր կադրիլ և լեհական պար, տոներին հարբած էր տուն

վերադառնում և միշտ սաստիկ տառապում էր օղուց: Առավոտ-  
ները գլուխը ցավում էր, նրան տանջում էր այրուցքը, դեմքը  
գունատ էր, տխուր:

Մի անգամ մայրը նրան հարցրեց.

— Հը՛, ինչպե՞ս էր երեկոյան, ուրա՞խ անցավ:

Որդին մոռյլ զղայնությամբ պատասխանեց.

— Սաստի՛կ ձանձրալի էր: Ես ավելի լավ է կարթով ձուկ  
որսալու գնամ: Կամ՝ ինձ համար հրացան առնեմ:

Նա աշխատում էր եռանդագին, առանց պարապուրդների  
և տուգանքների, լուսկյաց էր, և նրա կապույտ, մոր աչքերի նման  
մեծ-մեծ աչքերը նայում էին դժգոհ: Նա իր համար հրացան  
չգնեց և ձուկ որսալու չգնաց, բայց նկատելիորեն սկսեց թեք-  
վել ամենքի գնացած ճանապարհից, ավելի սակավ էր լինում  
երեկույթներին և թեև տոներին ինչ-որ տեղ էր գնում, բայց  
զգաստ էր վերադառնում: Մայրը, աշալուրջ հետևելով նրան,  
տեսնում էր՝ որդու թուխ դեմքը սրանում է, աչքերն ավելի ու  
ավելի լուրջ են նայում, շրթունքները տարօրինակ խստությամբ  
սեղմվում են: Թվում էր, թե նա լուռ զայրանում է մի բանի  
վրա, կամ հիվանդությունը մաշում է նրան: Առաջ ընկերները  
գալիս էին նրա մոտ, այժմ նրան տանը շատնելով՝ սկսեցին  
այլևս չգալ: Մոր համար հաճելի էր տեսնել, որ իր որդին սկը-  
սում է շնամանվել գործարանի մյուս երիտասարդներին, բայց  
երբ նա նկատեց, որ որդին կենտրոնացած և համառորեն կյան-  
քի պղտոր հոսանքից դուրս է լողում մի կողմ, մի ինչ-որ տեղ,  
այդ աղոտ երկյուղի մի զգացում առաջացրեց նրա հոգում:

— Դու գուցե առողջ չե՞ս, Պավլո՛ւշա, — երբեմն հարցնում  
էր նա:

— Ո՛չ, ես առողջ եմ, — պատասխանում էր որդին:

— Շատ ես նիհարել, — հառաչելով ասում էր մայրը:

Պավելն սկսեց գրքեր բերել տուն և աշխատում էր կարդալ  
դրանք աննկատելի կերպով. իսկ կարդալուց հետո ինչ-որ մի  
տեղ թաքցնում էր: Երբեմն նա գրքույկներից ինչ-որ բան էր  
արտագրում առանձին թղթի վրա և նույնպես թաքցնում...

Մայր ու որդի շատ քիչ էին խոսում իրար հետ և իրար քիչ  
էին տեսնում: Առավոտները որդին լուռ թեյ էր խմում և գնում  
գործի, կեսօրին գալիս էր ճաշելու, ճաշի ժամանակ աննշան  
խոսքեր էին փոխանակում, և որդին նորից էր անհետանում  
մինչև երեկո: Իսկ երեկոյան նա խնամքով լվացվում էր, ընթ-

րում և ապա երկար ժամանակ կարդում էր իր գրքերը: Տոներին  
տնից դուրս էր գալիս առավոտվանից, վերադառնում ուշ գի-  
շերը: Մայրը գիտեր, որ նա քաղաք էր գնում, այնտեղ թատ-  
րոն էր հաճախում, բայց քաղաքից նրա մոտ ոչ ոք չէր գա-  
լիս: Մորն այնպես էր թվում, թե քանի գնում՝ որդին ավելի ու  
ավելի քիչ է խոսում, և միևնույն ժամանակ նկատում էր, որ  
երբեմն ինչ-որ նոր բառեր է գործածում, որոնք իր համար ան-  
հասկանալի են, իսկ որդու համար սովորական դարձած կո-  
պիտ և սուր արտահայտությունները նա այլևս չէր գործածում:  
Նրա վարքուբարքի մեջ շատ մանր բաներ էին երևան եկել,  
որոնք իրենց վրա էին գրավում մոր ուշադրությունը. նա թողել  
էր պճնամոլությունը, սկսել էր ավելի շատ հոգ տանել մարմնի  
և զգեստի մաքրության մասին, շարժվում էր ավելի ազատ,  
ճարպկորեն և արտաքուստ ավելի պարզ և մեղմաբարո դառ-  
նալով, մոր մեջ անհանգիստ հետաքրքրություն էր զարթեցնում:  
Մոր նկատմամբ ունեցած նրա վերաբերմունքի մեջ էլ մի ինչ-որ  
նորություն կար. նա երբեմն ավլում էր սենյակի հատակը,  
տոններին ինքն էր հավաքում իր անկողինը, ընդհանրապես աշ-  
խատում էր թեթևացնել մոր աշխատանքը: Ավանում ոչ ոք այդ  
բանը չէր անում:

Մի անգամ Պավելը բերեց և պատից կախեց մի նկար —  
երեք մարդ գրուցելով՝ թեթև ու առույգ մի ինչ-որ տեղ էին  
գնում:

— Սա հարություն առած Քրիստոսն է, էմմաուս է գնում, —  
բացատրեց Պավելը:

Մորը դուր եկավ նկարը, բայց նա մտածեց.

«Քրիստոսին պաշտում ես, բայց ժամ չես գնում...» Գըր-  
քերն ավելի ու ավելի էին շատանում դարակի վրա, որը Պա-  
վելի համար գեղեցիկ շինել էր իր ատաղձագործ ընկերը: Սեն-  
յակը հաճելի տեսք էր ստացել:

Պավելը մորը «դուք» էր ասում և նրան անվանում էր  
«մայրիկ», բայց երբեմն մեկ էլ տեսար, քնքշանքով էր դի-  
մում նրան.

— Դու, մայրի՛կ, խնդրում եմ շանհանգատանաս, ես ուշ կվե-  
րադառնամ տուն...

Մորն այդ դուր էր գալիս, որդու խոսքերում նա ինչ-որ  
լուրջ և հաստատուն բան էր զգում:

Բայց մոր տագնապն ավելանում էր: Ժամանակի ընթաց-

քում շփարատվելով, այդ տազնապն ավելի ու ավելի սուր էր կրծում մոր սիրտը մի ինչ-որ անսովոր բանի նախազգացումով: Երբեմն մայրն սկսում էր դժգոհել որդուց ու մտածում էր.

— Բոլոր մարդիկ մարդու են նման, իսկ սա՝ վարդապետի: Շատ է խստասիրտ: Իր տարիքի համեմատ բան չի: Երբեմն նա մտածում էր.

«Գուցե որևէ աղջիկ է գտել իր համար»:

Բայց աղջիկների հետ ընկնելը փող է պահանջում, իսկ տղան գրեթե ամբողջ վաստակը տալիս էր իրեն:

Այդպես անցնում էին շաբաթներ ու ամիսներ, և աննկատելիորեն անցան տարօրինակ, լուռ կյանքի երկու տարի, լի ազոտ խոհերով և ավելի ու ավելի աճող երկյուղներով:

#### IV

Մի անգամ ընթրիքից հետո Պավելն իջեցրեց լուսամուտի վարագույրը, նստեց անկյունում և սկսեց կարդալ՝ գլխավերևը պատից կախելով թիթեղե հրագր: Մայրն ամանեղենը հավաքեց և, խոհանոցից դուրս գալով, զգուշությամբ մոտեցավ որդուն: Պավելը գլուխը բարձրացրեց և հարցականորեն նայեց մոր դեմքին:

— Բան չկա, Պա՛շա, ես հենց այնպես... — շտապ ասաց մայրը և հեռացավ՝ հոնքերը շփոթված շարժելով: Բայց խոհանոցում մի րոպե կանգնած մնալով անշարժ, խոհուն ու մտահոգված, նա ձեռները մաքուր լվաց և կրկին դուրս եկավ գնաց որդու մոտ:

— Ուզում եմ մի բան հարցնել քեզ, — կամաց ասաց նա, — ի՞նչ ես կարդում դու ամբողջ ժամանակ:

Որդին գիրքը ծալեց.

— Նստի՛ր, մայրի՛կ...

Մայրը ծանր նստեց նրա կողքին և շտկվեց, ուշադրությունը լարեց՝ մի կարևոր բանի սպասելով:

Մոր վրա շնայելով, ոչ բարձր, և հայտնի չէ թե ինչու, խիստ դաժանորեն Պավելն ասաց.

— Ես կարդում եմ արգելված գրքեր: Այս գրքերը կարդալն արգելում են նրա համար, որ դրանք ասում են ճշմարտությանը մեր բանվորական կյանքի մասին... Այս գրքերը տպա-

գրվում են ծածուկ, գաղտնի, և եթե սրանք ինձ մոտ գտնեն, ինձ բանտ կնստեցնեն, բանտ կտանեն նրա համար, որ ես ուզում եմ իմանալ ճշմարտությունը: Հասկացա՞ր:

Հանկարծ մոր շնչառությունը ծանրացավ: Աչքերը լայն բանալով՝ նա նայում էր որդուն, նա օտար էր թվում իրեն: Նրա ձայնը ուրիշ էր, ավելի ցածր էր, բամբ և հնչեղ: Նա մատներով փետում էր բարակ, թավ ընչացքները և տարորեն, աչքի տակով նայում դեպի անկյունը: Մորը երկյուղ պատեց որդու համար և խղճաց նրան:

— Իսկ ինչո՞ւ ես այդ բանն անում, Պա՛շա, — ասաց նա: Պավելը գլուխը բարձրացրեց, նայեց մորը և ոչ բարձր, հանգիստ պատասխանեց.

— Ուզում եմ իմանալ ճշմարտությունը:

Նրա ձայնը հնչում էր կամաց, բայց հաստատ, աչքերը համառ փայլում էին: Մայրը սրտի խորքում հասկացավ, որ իր որդին իրեն ընդմիշտ դատապարտել է մի ինչ-որ խորհրդավոր ու սարսափելի բանի: Կյանքում ամեն ինչ նրան թվում էր անխուսափելի. նա սովորել էր ենթարկվել առանց մտածելու և այժմ կամաց լաց եղավ միայն՝ վշտով ու թախծով սեղմված սրտում բառեր չգտնելով:

— Մի՛ լար, — ասում էր Պավելը քնքշորեն և կամաց, իսկ մորը թվում էր, թե որդին հրաժեշտ է տալիս: — Մտածիր մի, թե ի՞նչ կյանքով ենք մենք ապրում: Դու քառասուն տարեկան ես, բայց մի՞թե դու ապրել ես: Հայրս քեզ ծեծում էր, ես հիմա եմ հասկանում, որ նա իր ցավն էր թափում քո կողերին, իր կյանքի ցավը. այդ ցավը խեղդում էր նրան, իսկ նա շէր հասկանում, թե որտեղից է այդ ցավը: Նա աշխատել էր երեսուն կանում, թե որտեղից է այդ ցավը: Նա աշխատել էր երեսուն տարի, սկսել էր աշխատել այն ժամանակվանից, երբ ամբողջ գործարանը տեղավորված էր երկու կորպուսում, իսկ հիմա յոթ կորպուս է դարձել:

Մայրը նրան լսում էր սարսափով և ազահաբար: Որդու աչքերը վառվում էին գեղեցիկ ու պայծառ. կուրծքը սեղանին հենած՝ Պավելն ավելի մոտեցավ մորը և սկսեց խոսել ուղղակի, նրա արցունքով թաց երեսին ասելով իր առաջին ճառն այն ճշմարտության մասին, որ հասկացել էր ինքը: Երիտասարդական ամբողջ ուժով և աշակերտի ավյունով, որը հպարտ է այն գիտելիքներով, որոնց ճշմարիտ լինելուն սրբությամբ հավա-

տում է, նա խոսում էր այն մասին, ինչ որ արդեն պարզ էր իր համար,— խոսում էր ոչ այնքան մոր համար, որքան ինքն իրեն ստուգելով: Մի պահ նա կանգ էր առնում բառեր չգտնելով և այն ժամանակ իր առջև տեսնում էր այն վշտացած դեմքը, որի վրա աղոտ փայլում էին արցունքներով մթազնած բարի աչքերը: Այդ աչքերը նայում էին երկյուղով, տարակուսանքով: Որդին խղճում էր մորը, սկսում էր նորից խոսել, բայց արդեն մոր մասին, նրա կյանքի մասին:

— Դու ի՞նչ ուրախություն ես տեսել,— հարցնում էր որդին:— Քեզ ի՞նչը կարող է հիշեցնել անցած կյանքդ:

Մայրը լսում էր և գլուխը տխուր շարժում՝ զգալով մի նոր, իրեն անծանոթ բան, վշտալի և ուրախալի, որը քնքշորեն փաղաքշում էր նրա մորմոքված սիրտը: Այդպիսի խոսքեր իր մասին, իր կյանքի մասին նա լսում էր առաջին անգամ, և դրանք իր մեջ զարթեցնում էին վաղուց նիրհած, անորոշ խոհեր, մեղմորեն արծարծելով կյանքից ունեցած իր աղոտ դժգոհության խամրած զգացումները,— վաղուց անցած երիտասարդ տարիների խոհերն ու զգացումները: Այն տարիներին նա իր ընկերուհիների հետ խոսել էր կյանքի մասին, խոսել էր երկար, ամեն բանի մասին, բայց ամենքը՝ և հենց ինքն էլ՝ միայն գանգատվում էին, ոչ ոք չէր բացատրում, թե ինչու է կյանքն այնպես ծանր ու դժվարին: Եվ ահա այժմ նրա առջև նստած է իր որդին, և այն, ինչ ասում են նրա աչքերը, դեմքը, բառերը,— այդ բոլորը դիպում է նրա սրտին՝ այն լցնելով հպարտության զգացումով որդու համար, որը ճիշտ է հասկացել իր մոր կյանքը, նրա հետ խոսում է նրա տառապանքների մասին, խղճում է նրան:

Մայրերին շեն խղճում:

Մայրն այդ գիտեր: Այն բոլորը, ինչ որդին ասում էր կնոջ կյանքի մասին, դառն, ծանոթ ճշմարտություն էր, և մոր կրթությունը կամաց թաքտում էր զգացումների կծիկը, որը է՛լ ավելի էր ջերմացնում նրան մի անծանոթ գգվանքով:

— Բայց դու ի՞նչ ես ուզում անել,— հարցրեց նա՝ ընդհատելով որդու խոսքը:

— Սովորել, իսկ հետո՝ սովորեցնել ուրիշներին: Մեզ, բանվորներին, սովորել է հարկավոր: Մենք պետք է գիտենանք, պետք է հասկանանք, թե ինչի՞ց է, որ կյանքն այսպես ծանր է մեզ համար:

Մոր համար քաղցր բան էր տեսնել, որ որդու կապույտ աչքերը, որոնք միշտ լուրջ ու խիստ են, այժմ վառվում էին այնպես մեղմ և սիրալիր: Մոր շրթունքների վրա գոհունակ, մեղմ ժպիտ էր երևում, թեև այտերի խորշումներում դեռ դողդողում էին արտասուքները: Մոր մեջ տատանվում էր երկակի մի զգացմունք. նրա մեջ հպարտություն էր առաջ բերում որդին, որն այնպես լավ էր տեսնում կյանքի վիշտը, բայց նա չէր կարողանում մոռանալ որդու երիտասարդությունը և այն, որ նա խոսում է ոչ այնպես, ինչպես ամենքը, որ նա մեն-մենակ է որոշել վեճի բռնվել ամենքի համար, և հենց իր՝ մոր համար սովորական այդ կյանքի հետ: Նա ուզում էր ասել որդուն. «Սիրելի՛ս դու ի՞նչ կարող ես անել»:

Բայց նա վախենում էր խանգարել իրեն հիանալու որդով, որը հանկարծ իր առաջ հանդես էր բերել իրեն այդպես խելոք... թեև մի քիչ խորթ իր համար:

Պավելը տեսնում էր ժպիտ մոր շրթունքներին, ուշադրություն նրա դեմքին, սեր նրա աչքերում, և նրան թվում էր, թե կարողացավ հասկացնել նրան իր ճշմարտությունը և խոսքի ուժի համար զգացած իր պատանեկան հպարտությունը բարձրացնում էր նրա հավատը դեպի ինքը: Հուզմունքով բռնված՝ նա խոսում էր մերթ ժպտալով, մերթ հոնքերը կիտելով, երբեմն նրա բառերում ատելությունն էր հնչում, և երբ մայրը լսում էր նրա հնչելը, շեշտակի խոսքերը, վախենալով՝ երբեք էր գլուխը և կամաց հարցնում որդուն:

— Այդպե՞ս է արդյոք, Պա՛շա:

— Այդպես է,— պատասխանում էր որդին հաստատապես և ուժգին: Եվ մորը պատմում էր այն մարդկանց մասին, որոնք ժողովրդին բարիք ցանկանալով՝ նրա մեջ ճշմարտություն էին սերմանում, իսկ դրա համար կյանքի թշնամիները բռնում էին նրանց ինչպես գազանների, բանտ նստեցնում, տաժանակրության ուղարկում...:

— Ես այդպիսի մարդիկ տեսել եմ,— տաքացած բացականչեց Պավելը:— Դրանք ամենալավ մարդիկն են աշխարհի երեսին:

Այդ մարդիկ մոր մեջ երկյուղ էին հարուցում, նա կրկին ուզում էր հարցնել որդուն. «Այդպե՞ս է արդյոք»:

Բայց սիրտ չէր անում և նվաղած լսում էր պատմություններ իրեն անհասկանալի այն մարդկանց մասին, որոնք իր որ-



դուն սովորեցրել էին խոսել և մտածել նրա համար այդքան վտանգավոր ձևով: Վերջապես նա որդուն ասաց.

— Շուտով կլուսանա, լավ կանեիր՝ պառկեիր քնելու:

— Այո՛, ես իսկույն կպառկեմ,— համաձայնեց որդին: Եվ դեպի մայրը կռանալով՝ հարցրեց.— հասկացա՞ր ինձ:

— Հասկացա՞,— հառաչելով պատասխանեց մայրը: Նրա աչքերից նորից գլորվեցին արցունքները, և նա հեծկատալով ավելացրեց.— կկորչե՞ս դու:

Որդին վեր կացավ, քայլեց սենյակում, ապա ասաց.

— Գե՛, տեսնո՞ւմ ես, դու հիմա գիտես, թե ես ինչ եմ անում, ուր եմ գնում, ես քեզ բոլորն ասացի: Ես խնդրում եմ քեզ, մա՛յր, եթե դու ինձ սիրում ես, չխանգարես ինձ...

— Սիրելի՛ս,— բացականչեց մայրը:— Գուցե ավելի լավ կլիներ, որ ես բան չիմանայի՛:

Որդին բռնեց մոր ձեռքը և ամուր սեղմեց իր ձեռքերում:

Նրան ցնցեց «մայր» բառը, որ որդին ասաց շերմ ուժգնությամբ, և ձեռքի այդ սեղմումը, նոր և օտարոտի:

— Ես բան չեմ անի,— ընդհատվող ձայնով ասաց մայրը:

— Միայն թե պահպանի՛ր դու քեզ, պահպանի՛ր:

Զիմանալով, թե ինչից պետք է պաշտպանվել, մայրը թախածափն ավելացրեց.

— Դու քանի գնում՝ նիհարում ես...

Եվ գրկելով որդու ամրակուռ, վայելչակազմ մարմինը, գգվող, շերմ հայացքով խոսեց շտապ-շտապ և կամաց.

— Աստված՝ քեզ հետ: Ապրիր ինչպես ուզում ես, ես քեզ չեմ խանգարի: Միայն մի բան եմ խնդրում, մի՛ խոսիր մարդկանց հետ առանց երկյուղի: Մարդկանցից զգուշանալ է պետք, բոլորն իրար ատում են: Ապրում են ազահուսթյամբ, ապրում են նախանձով: Չարիք գործելու համար հոգի են տալիս: Հենց որ սկսես նրանց արարքները բաց անել ու դատապարտել, նրանք քեզ կատեն, գլուխդ կուտեն:

Որդին կանգնած էր շեմքում՝ ականջ դնելով այդ տխուր խոսքերին, իսկ երբ մայրը վերջացրեց, նա ժպտալով ասաց.

— Մարդիկ վատ են, այո՛: Բայց երբ ես իմացա, որ աշխարհիս երեսին ճշմարտություն կա, մարդիկ լավացան...

Նա նորից ժպտաց և շարունակեց.

— Ինքս էլ չեմ հասկանում, թե ինչպես եղավ այդ: Մանկությունից սկսած ամենքից վախենում էի, սկսեցի մեծանալ՝

դատել սկսեցի. ոմանց ստորության համար, ոմանց՝ չգիտեմ ինչի, հենց այնպես, Իսկ հիմա ամենքն ինձ համար ուրիշ բան են դարձել, խղճո՞ւմ եմ բոլորին, թե՛ ի՞նչ է. չեմ կարողանում հասկանալ, բայց սիրտս քնքշացավ, երբ իմացա, որ բոլորը չեն մեղավոր, որ կեղտի մեջ են...

Նա լռեց՝ կարծես ականջ դնելով իր մեջ մի բանի, ապա ցածրաձայն և խոհուն ասաց.

— Ահա թե ինչպե՛ս է շնչում ճշմարտությունը:

Մայրը նայեց նրան և կամաց պատասխանեց.

— Դու վտանգավոր կերպով փոխվել ես. օ՛, տե՛ր աստված:

Երբ որդին պառկեց ու քնեց, մայրն զգուշությամբ վեր կացավ իր անկողնից և կամաց մոտեցավ նրան: Պավելը պառկած էր մեջքի վրա, և ճերմակ բարձին պարզորոշ նկատվում էր նրա թուխ, կամակոր և խիստ դեմքը: Մայրը ձեռքերը կրծքին սեղմած, բոբիկ և միայն շապիկը հագին կանգնել էր որդու անկողնի մոտ, շրթունքներն անձայն շարժվում էին, իսկ աչքերից դանդաղ և համաշափ իրար հետևից հոսում էին խոշոր, պղտոր արցունքները:

Եվ նրանք նորից սկսեցին ապրել լուռումունջ՝ իրարից հեռու և իբար մոտիկ:

## V

Մի անգամ, շաբաթվա մեջ մի տոն օր, Պավելը տնից դուրս գալիս՝ մորն ասաց.

— Շաբաթ օրն ինձ մոտ հյուրեր են գալու քաղաքից:

— Քաղաքի՞ց,— կրկնեց մայրը, և հանկարծ հեկեկաց:

— Է՛, ինչո՞ւ ես այդպես անում, մայրի՛կ,— դժգոհ բացականչեց Պավելը:

Մայրը, երեսը գոգնոցով սրբելով, պատասխանեց հառաչելով.

— Չգիտեմ, հենց այնպես...

— Վախենո՞ւմ ես:

— Վախենում եմ,— խոստովանեց մայրը:

Որդին կռացավ դեպի մոր դեմքը և բարկացած՝ կարծես հայրն էր, արտասանեց.

— Դե հենց վախից է, որ բոլորս կորչում ենք: Իսկ նրանք,

որ մեզ վրա իշխում են, օգտվում են մեր վախից և է՛լ ավելի են վախեցնում մեզ:

Մայրը թախածագին պաղատեց.

— Մի՛ բարկանա: Ես ինչպե՞ս չվախենամ: Ամբողջ կյանքս վախի մեջ եմ անց կացրել, ամբողջ հոգիս վախով է պատած: Որդին կամաց և ավելի մեղմ ասաց.

— Դու ներիր ինձ. ուրիշ կերպ չի կարելի:

Եվ գնաց:

Երեք օր մոր սիրտը դողում էր և ամեն անգամ տապ անում, հենց որ հիշում էր, թե իրենց տունն են գալու ինչ-որ օտար, սարսափելի մարդիկ: Այդ նրանք են իր որդուն ցույց տվել այն ճանապարհը, որով նա գնում է...

Շաբաթ երեկոյան Պավելը գործարանից եկավ, լվացվեց, շորերը փոխեց և նորից ինչ-որ տեղ գնալով՝ ասաց, առանց մորը նայելու.

— Որ գան, ասա՛ ես իսկույն կվերադառնամ: Եվ խընդրում եմ չվախենաս...

Մայրն ուժասպառ ընկավ նստարանին: Որդին մռայլ նայեց նրան: և առաջարկեց.

— Գուցե դու... որևէ տե՞ղ կգնաս:

Գա՛վիրավորեց մորը: Նա բացասաբար գլուխը շարժելով ասաց.

— Չէ՛: Ինչի՞ համար:

Նոյեմբերի վերջն էր: Ստառած գետնի վրա ցերեկը չոր, մանր ձյուն էր եկել, և այժմ լսելի էր, թե ինչպես էր ձյունը ճոճում հեռացող որդու ոտքերի տակ: Պատուհանի ապակիներին անշարժ կոթնեկ էր թանձր խավարը՝ թշնամաբար ինչ-որ բան հսկելով:

Մայրը ձեռքերը նստարանին հենած՝ նստել և դռանը մտիկ տալով՝ սպասում էր...

Նրան թվում էր, թե խավարի մեջ ամեն կողմից զգուշությամբ, կոացած և դեսուդեն նայելով, գաղտագողի մոտենում էին տանն ինչ-որ տարօրինակ հագնված, ոչ բարի մարդիկ: Ահա մեկն արդեն ման է գալիս տան շուրջը, ձեռներով շոշափում է պատը:

Ինչ-որ սուլոց լսվեց: Անդորրի մեջ այդ սուլոցը ոլորվում էր բարակ, տխուր ու ներդաշնակ շիթի պես, մտազբաղ թափառում էր խավարի ամայության մեջ, ինչ-որ բան էր որո-

նում, մոտենում էր: Եվ հանկարծ շքացավ պատուհանի տակ կարծես պատի փայտերի մեջ խրվելով:

Նախասենյակում մեկի ոտները քստքստացին, մայրը ցրնցվեց և լարվածությամբ հոնքերը բարձրացնելով՝ վեր կացավ:

Դուռը բաց արին: Նախ սենյակը խցկվեց մի գլուխ՝ մեծ, բրդոտ գլխարկով, հետո կռանալով ներս քաշվեց մի երկար մարմին, շտկվեց, առանց շտապելու բարձրացրեց աչ ձեռքը և աղմկալի շնչելով, թավ, կրծքային ձայնով ասաց.

— Բարի երեկո՛:

Մայրը լուռ գլուխ տվեց:

— Իսկ Պավելը տանը չի՞:

Այդ մարդը դանդաղորեն հանեց մորթե բաճկոնակը, մի ոտը բարձրացրեց, կոշիկի վրայի ձյունը գլխարկով թափ տվեց, ապա նույնն արեց մյուս ոտի հետ, գլխարկը նետեց մի անկյուն և երկար ոտների վրա ճոճվելով՝ սենյակ մտավ: Մոտեցավ աթոռին, տնտղեց, կարծես կամենալով համոզվել՝ աճուր է, թե ոչ, վերջապես նստեց և բերանը ձեռքով ծածկելով հորանջեց: Նրա գլուխը կանոնավոր կլոր էր և հարթ խուզված, այտերն ածիլված էին և երկար ընչացքների ծայրերը ցած կախված: Սենյակն ուշիուշով դիտելով իր մեծ-մեծ, ուռուցիկ մոխրագույն աչքերով՝ նա ոտը ոտին դրեց և աթոռի վրա ճոճվելով հարցրեց.

— Սա ձե՞ր խրճիթն է, թե՞ վարձու է:

Մայրը, նրա դիմաց նստելով պատասխանեց:

— Վարձու է:

— Մի բան չէ, — նկատեց նորեկը:

— Պաշան շուտով կգա, դուք մի քիչ սպասեցեք, — կամաց խնդրեց մայրը:

— Դե ես էլ հենց սպասում եմ, — հանգիստ ասաց երկար մարդը:

Նրա հանգստությունը, քնքուշ ձայնը և դեմքի պարզությունը քաջալերում էին մորը: Նա մոր վրա նայում էր առանց քաշվելու, բարյացակամորեն, նրա հստակ աչքերի խորքում մի ուրախ կայծ էր խաղում, և իր ամբողջ՝ կոշտ ու կոպիտ, կոր, երկար ոտներով կերպարանքի մեջ մի զվարճալի և համակրանք ազդող բան կար: Նա հագել էր կապույտ շապիկ և սև անդրապարտիք, որը կոշիկների մեջ էր խրած: Մայրն ուզում էր հարցնել, թե ո՞վ է նա, ո՞րտեղացի է, արդյոք վաղո՞ւց է ճանաչում

իր որդուն, բայց հանկարծ այդ մարդն ամբողջ մարմնով օրորվեց և ինքը հարցրեց մորը.

— Այդ ո՞վ է ձեր ճակատն այդպես պատռել, մա՛յր:— Նա հարցրեց սիրալիք, աչքերում պայծառ ծպիտ, բայց այդ հարցը վիրավորեց կնոջը. նա շրթունքները սեղմեց և կարճ լուռությու-  
նից հետո սառը քաղաքավարութեամբ հարցրեց.

— Է՛հ, ձեր ի՞նչ գործն է, եղբայր:

Մարդն ամբողջ մարմնով ձգվեց դեպի մայրը.

— Մի՛ բարկացեք, ի՞նչ կա որ: Ես նրա համար հարցրի, որ իմ հոգեմոր գլուխն էլ էր այդպես պատռված, ճիշտ այդ-  
պես, ինչպես ձերը: Նրանը, դիտեք, նրա կենակիցն էր պատ-  
ռել կոշիկի կաղապարով, կոշկակար էր: Հոգեմայրս լվացա-  
րարուհի էր, իսկ կենակիցը՝ կոշկակար: Հոգեմայրս, արդեն ինձ  
որդեգրելուց հետո, մի ինչ-որ տեղ գտել էր նրան, այդ հար-  
բեցողին, որպես իր գլխին փորձանք: Ա՛յ թե ծեծում էր նա  
հոգեմորս: Վախից լեղաճաք էի լինում...

Մայրն իրեն գինաթափված զգաց նրա պարզասրտությու-  
նից և մտածեց, թե գուցե Պավելն իր վրա բարկանա, որ այդ  
տարօրինակ մարդուն ոչ սիրալիք պատասխան է տվել: Ամաշ-  
կոտ ժպտալով նա ասաց.

— Ես չբարկացա, բայց դուք ախր հենց միանգամից...  
հարցրիք: Սա մարդս է հիշատակ թողել, հոգին լո՛ւյս դառնա:  
Դուք թաթար չե՞ք:

Մարդը ոտները թափահարեց և այնպես լայն ժպտաց, որ  
ականջները դեպի ծոծրակը թռան: Ապա նա լուրջ ասաց.

— Դեռ ոչ:

— Ձեր արտասանությունը կարծես ոռոսական չի, — նրա  
կատակը հասկանալով՝ ժպտալով բացատրեց մայրը:

— Դա ոռոսականից ավելի լավ է, — ուրախ գլխով անե-  
լով ասաց հյուրը:— Ես խոխոլ եմ, Կանն քաղաքից:

— Վաղո՞ւց է, որ այստեղ եք:

— Քաղաքում ապրել եմ մոտ մի տարի, իսկ հիմա փո-  
խադրվել եմ ձեզ մոտ՝ գործարանը, մի ամիս առաջ: Այստեղ  
լավ մարդիկ գտա, ձեր որդուն և ուրիշների: Այստեղ կմնամ, —  
ասում էր նա՝ ընչաքանից ձիգ տալով:

Նա դուր էր գալիս մորը, և որդու մասին նրա ասած խոս-  
քերի համար մի բանով վարձահատույց լինելու ցանկությամբ  
հնազանդվելով՝ մայրն առաջարկեց.

— Գուցե թե՛յ կխմեք:

— Ես մեն-մենակ ի՞նչ հյուրասիրվեմ, — պատասխանեց  
հյուրը ուսերը բարձրացնելով:— Ա՛յ, երբ բոլորը կհավաքվեն,  
այն ժամանակ պատիվ տվեք...

Նա մորը հիշեցրեց իր երկյուղը:

«Երանի թե բոլորն այսպես լինեին», — ջերմորեն ցանկա-  
ցավ մայրը:

Նախասենյակում նորից ոտնաձայներ լսվեցին, դուռը շտապ  
բացվեց, և մայրը էլի վեր կացավ: Բայց ի զարմանս նրա՝  
խոհանոց մտավ կարճահասակ, գեղջկուհու հասարակ դեմքով  
և բաց գույնի մազերի հաստ հյուսով մի աղջիկ: Նա կամաց  
հարցրեց.

— Ես չե՞մ ուռացել:

— Ո՛չ, — պատասխանեց խոխոլը՝ սենյակից դուրս նայե-  
լով:— Ոտո՞վ եք եկել:

— Իհա՛րկե: Գուր Պավել Միխայլովիչի մա՛յրն եք: Բարև  
ձեզ: Իմ անունը Նատաշա է...

— Իսկ հայրանո՞ւնդ, — հարցրեց մայրը:

— Վասիլենա: Իսկ ձե՞րը:

— Պելագեյա Նիլովնա:

— Մենք, ուրեմն, արդեն ծանոթներ ենք:

— Այո՛, — ասաց մայրը թեթև շունչ քաշելով և ժպտաղեմ  
հայացքով դիտելով աղջկան:

Խոխոլն օգնեց աղջկան վերարկուն հանելու և հարցրեց.

— Յո՞ւրտ է:

— Դաշտում՝ շա՛տ: Քամի է...

Աղջկա ձայնը հյութեղ, հստակ էր, բերանը փոքր, փափիկ,  
և ինքն ամբողջովին կտրիկ ու թարմ: Վերարկուն հանելով՝ նա  
կարմիր թշերն ամուր շփեց ցրտից կարմրած փոքրիկ ձեռնե-  
րով և արագ մտավ սենյակ՝ կոշիկների կրունկներով հատակը  
բարձր թխթխկացնելով:

«Առանց կրկնակոշիկների է ման գալիս», — անցավ մոր  
մտքով:

— Այո-ո՛, — ծոր տվեց աղջիկը ցնցվելով:— Սառել եմ...  
ո՛ւֆ, ինչպե՛ս եմ սառել:

— Ա՛յ, ես ձեզ համար իսկույն ինքնահոը կդնեմ, — շտապ  
ասաց մայրը՝ խոհանոց գնալով:— Իսկույն...

Մորը թվաց, թե վաղուց է ճանաչում այդ աղջկան և նրան

սիրում է մայրական լավ, սրտացավ սիրով: ժպտալով՝ նա կաննջ էր դնում սենյակի խոսակցութեանը:

— Դուք ինչու՞ եք տխուր, Նախո՞ղկա,— հարցրեց աղջիկը:

— Է՛հ, հենց այնպես,— կամաց պատասխանեց խոխուրը:—

Այրին լավ աչքեր ունի, ես էլ մտածեցի, որ գուցե մորս աչքերն էլ են այդպես: Գիտե՞ք, ես մորս մասին հաճախ եմ մտածում, և միշտ ինձ թվում է, թե նա կենդանի է:

— Դուք ասում էիք, թե մեռել է:

— Դա հոգեմայրս է մեռել: Իսկ ես խոսում եմ հարազատ մորս մասին: Ինձ թվում է, թե նա որևէ մի տեղ Կիևում ողորմութուն է հավաքում: Եվ օդի է խմում, հարբած է, իսկ ոստիկանները խփում են նրա այտերին:

«Ինձ տղա»,— մտածեց մայրը և հառաչեց:

Նատաշան շտապ, տաք-տաք և կամաց մի ինչ-որ բան ասաց: Նորից հնչեց խոխուրի հնչեղ ձայնը:

— Է՛, դուք դեռ ջահել եք, ընկե՛ր, սոխ քիչ եք կերել: Երեխա ծնելը դժվար բան է, մարդուն բարի բան սովորեցնելը է՛լ ավելի դժվար է...

«Տեսնո՞ւմ ես»— ներքուստ բացականչեց մայրը և ուզեց խոխուրին մի սիրալիր բան ասել: Բայց դուռը դանդաղ բացվեց, և ներս մտավ Նիկոլայ Վեսովշչիկովը, հին գող Գանիլայի որդին, ամբողջ ավանում հայտնի մարդախույսը: Նա մարդկանցից միշտ մոռցրեց խույս էր տալիս, և դրա համար նրան ծաղրում էին:

Մայրը զարմացած հարցրեց նրան.

— Ի՞նչ ես ուզում, Նիկոլա՞յ:

Նիկոլայը ձեռքի լայն ափով սրբեց իր շեշտ, այտոսկրերը ցցված դեմքը և առանց բարեկեղծ խոլ հարցրեց.

— Պավելը տա՞նն է:

— Ի՛չ:

Նիկոլայը նայեց սենյակի խորքը ու ներս մտավ ասելով.

— Բարև՛, ընկերներ...»

«Սա՞ էլ»,— թշնամանքով մտածեց մայրը և շատ զարմացավ, տեսնելով, որ Նատաշան ձեռք մեկնում է նրան սիրալիր և ուրախացած:

Ապա եկան երկու երիտասարդ, գրեթե դեռ երեխաներ: Դրանցից մեկին մայրը ճանաչում էր,— դա գործարանի հին բանվոր Սիզովի քրոջ որդին էր՝ Ֆեոդորը, սրադեմ, լայնաճա-

կատ ու գանգրահեր: Մյուսը, որ հարթ սանրված էր և համեստ, որը ծանոթ չէր, բայց նույնպես սարսափելի չէր: Վերջապես հայտնվեց Պավելը, հետն էլ երկու երիտասարդ մարդիկ. մայրը ճանաչում էր նրանց, երկուսն էլ գործարանի բանվորներ էին: Որդին մորը սիրալիր ասաց.

— Ինքնաեռը գցե՛լ ես: Ա՛յ շնորհակալ եմ:

— Օդի, գուցե օդի առնեիրք,— առաջարկեց մայրը՝ շիմանալով, ինչպե՛ս արտահայտի նրան իր շնորհակալութունը մի բանի համար, որ դեռ չէր հասկանում:

— Ո՛չ, դա ավելորդ է,— արձագանքեց Պավելը՝ բարյացակամորեն ժպտալով մոր երեսին:

Մայրը հանկարծ մտածեց, թե որդին դիտմամբ չափազանցրել է ժողովի վտանգը, որպեսզի իրեն ձեռք առնի:

— Սրա՞նք են հենց այդ արգելված մարդիկ,— կամաց հարցրեց մայրը:

— Հենց սրանք են,— պատասխանեց Պավելը՝ սենյակ մըտնելով:

— Ը՛հ...— ուղեկցեց մայրը նրան սիրալիր բացականչությամբ, իսկ ինքն իր մեջ ներողամտորեն մտածեց. — «Երեխա՛ է դեռ»:

## VI

Ինքնաեռը եռաց, մայրը ներս բերեց սենյակ: Հյուրերը շրջանաձև խիտ նստել էին սեղանի շուրջը, իսկ Նատաշան գիրքը ձեռին տեղավորվել էր անկյունում ճրագի տակ:

— Որպեսզի հասկանանք, թե ինչից է, որ մարդիկ այդպես վատ են ապրում...— ասում էր Նատաշան:

— Եվ ինչու իրենք էլ վատն են,— ավելացրեց խոխուրը:

— ...Պետք է նայել, տեսնել, թե նրանք ինչպես են սկսել ապրել...

— Տեսե՛ք, սիրելիներ, տեսե՛ք,— մրմնջաց մայրը՝ թելը դեմ տալով:

Ամենքը լռեցին:

— Ի՞նչ եք ասում, մայրիկ,— հարցրեց Պավելը՝ հոնքերը կիտելով:

— Ե՛ս.— Մայրը շուրջը նայեց և տեսնելով, որ բոլորն էլ իրեն են նայում, շփոթված բացատրեց.

— Ես այնպես, ինքս ինձ հետ եմ խոսում, ուզում եմ ասել՝ մտիկ արեք:

Նատաշան ծիծաղեց, Պավելը նույնպես ժպտաց, իսկ խոխոլն ասաց.

— Շնորհակալութիւնն թեյի համար, մա՛յր:

— Դեռ չիմած շնորհակալութիւնն եք հայտնում,— պատասխանեց մայրը և որդուն նայելով հարցրեց.— ես հո չե՞մ խանգարում:

Նատաշան պատասխանեց.

— Դուք տանտիկինն եք, ինչպե՞ս կարող եք հշուրեքին խանգարել:

Եվ երեխայի պես աղերսագին խնդրեց.

— Միրելի՛ս, ինձ շո՛ւտ թեյ տվեք: Ոտից գուլիս դողում եմ, ոտներս սարսափելի սառել են:

— Իսկո՞ւյն, իսկո՞ւյն,— շտապ բացականչեց մայրը:

Մի գավաթ թեյ խմելով՝ Նատաշան աղմկալի շունչ քաշեց, հյուսը գցեց ուսին և սկսեց կարդալ դեղին շապիկով նկարագարող մի գիրք: Մայրն աշխատելով, որ ամանեղենը չզնգզնգա, թեյ էր լցնում և ականջ դնում աղջկա սահուն խոսքին: Նրա հնչեղ ձայնը միանում էր ինքնատի բարակ, խոհուն երգին, սենյակում գեղեցիկ ժապավենի պես ձգվում էր մի պատմութիւն վայրենի մարդկանց մասին, որոնք ապրել են քարայրներում և քարերով զազաններ են սպանել: Դա հեքիաթի նման բան էր, և մայրը մի քանի անգամ նայեց որդուն՝ կամենալով հարցնել. այդ պատմութիւն մեջ արգելված ի՞նչ կա որ: Բայց նա շուտով հոգնեց այդ պատմութիւնը հետևելուց և սկսեց դիտել հշուրեքին՝ որդուց և նրանցից աննկատելի կերպով:

Պավելը Նատաշայի կողքին էր նստած: Պավելը բոլորից գեղեցիկ էր: Նատաշան գրքի վրա հակված, հաճախ ուղղում էր իր բունքերին իջնող մազերը: Գլուխը թափահարելով և ձայնն իջեցնելով, նա իրենից ինչ-որ բան էր ասում առանց գրքին նայելու, սիրալիք հայացքը սահեցնելով ունկնդիրների դեմքերի վրայով: Խոխոլը լայն կրծքով ընկել էր սեղանի անկյունին, աչքերը ծռում էր՝ աշխատելով տեսնել իր ընչացքների գզգզված ծայրերը: Վեսովլչիկովն աթոռին նստել էր ուղիղ, կարծես փայտե լինեք, ափերը ծնկներին հենած, և նրա հոնքազուրկ, բարակաշուրթ շեշտ դեմքն անշարժ էր դիմակի պէս: Նեղիկ աչքերն առանց թարթելու, նա համառորեն նայում էր իր դեմ-

քին, որ արտացոլվել էր ինքնատի փայլուն պղնձի մեջ և թվում էր, թե չի շնչում: Փոքրիկ Ֆեդյան՝ ընթերցանութիւնն ականջ դնելով՝ անձայն շարժում էր շրթունքները՝ կարծես ինքն իրեն կրկնելով գրքի բառերը, իսկ նրա ընկերը կոացել էր՝ ձեռքերը ծնկներին դրած, և այտուկներն ափերին հենած՝ մտախոհ ժպտում էր: Պավելի հետ եկած տղաներից մեկը կարմրաշեկ, գանտում էր: Պավելի հետ եկած տղաներ և ուրախ, կանաչագույն աչքեր, նա երևի ուզում էր մի բան ասել և անհամբեր շարժվում էր նստած տեղը. մյուսը, բաց գույնի կարճ խուզած մազերով, ափով շոյում էր իր գլուխը և նայում հատակին. նրա դեմքը չէր երևում: Սենյակում անսովոր կերպով ինչ-որ հաճելի էր: Մայրն զգում էր իրեն անծանոթ այդ անսովոր բանը և Նատաշայի ձայնի կարկաշտունի տակ հիշում իր երիտասարդ ժամանակվա աղմուկալից երեկոները, տղաների կոպիտ խոսքերը, տղաների, որոնկալից միշտ թունդ օղու հոտ էր փչում, նրանց անպատկառ կատակները: Հիշում էր, և խղճահարութիւն սիրտ ձմրող զգացմունքը մեղմ հուզում էր նրա սիրտը:

Միտն ընկավ հանգուցյալ ամուսնու հարսնախոսութիւնը: Մի երեկո նա իրեն բռնեց մութ նախասենյակում և ամբողջ մարմնով պատին սեղմելով՝ խուլ ու բարկացկոտ հարցրեց.

— Ինձ հետ կամուսնանա՞ս:

Ինքը ցավ ու վիրավորանք էր զգում այդ պահին, իսկ նա սաստիկ արորում էր ստիճանները ու փնջացնելով, տաք ու խոնավ շնչում էր իր դեմքին: Փորձեց դուրս պրծնել նրա ձեռքից, իրեն մի կողմ նետեց:

— Ո՛ւր,— գոռաց նա:— Պատասխան տուր, է՛:

Ամոթից և վիրավորանքից շնչասպառ եղած՝ ինքը լուռ էր: Մեկը նախասենյակի դուռը բաց արեց, նա առանց շտապելու բաց թողեց իրեն՝ ասելով.

— Կիրակի օրը հարսնախոս եմ ուղարկելու...

Եվ ուղարկեց:

Մայրն աչքերը փակեց՝ ծանր հառաչելով:

— Ինձ պետք է իմանալ ոչ թե այն, թե ինչպես էին ապրում մարդիկ, այլ՝ թե ինչպես պետք է ապրել,— սենյակում լսվեց Վեսովլչիկովի դժգոհ ձայնը:

— Ի՛սկ որ,— պաշտպանեց նրան կարմրաշեկը վեր կենալով:

— Համաձայն չեմ,— գոչեց Ֆեդյան:

Վեճ բռնկվեց, խոսքերը շողացին, ինչպես կրակի լեզուները՝ խարույկի մեջ: Մայրը շեր հասկանում, թե ինչի մասին են գոռում: Բոլոր դեմքերը վառվեցին վրդովմունքի կարմրությամբ, բայց ոչ ոք չէր բարկանում, չէր ասում իրեն ծանոթ սուր խոսքերը:

«Օրիորդից են քաշվում»,— վճռեց մայրը:

Նրան դուր էր գալիս նատաշայի լուրջ դեմքը, որ ուշադրությամբ դիտում էր ամենքին, կարծես այդ տղաները նրա համար մանուկներ լինեին:

— Սպասեցե՛ք, ընկերներ, — հանկարծ ասաց նա: Եվ բռնորը լռեցին՝ նրան նայելով:

— Իրավացի են նրանք, որոնք ասում են՝ մենք պետք է ամեն բան իմանանք: Մենք պետք է մեզ վառենք բանականության լույսով, որպեսզի խավար մարդիկ տեսնենք մեզ. մենք պետք է ամեն ինչի պատասխանենք ազնվորեն և ճիշտ: Պետք է ճանաչել ամբողջ ճշմարտությունը, ամբողջ կեղծիքը...

Խոխուրը լսում էր և գլուխը տմբտմբացնում նատաշայի խոսքերի տակտով: Վեստվշիկովը, կարմրաշեկը և Պավելի հետ եկած բանվորը, երեքով սեղմ խումբ կազմած՝ կանգնել էին և հայտնի չէ՝ ինչու՞ մորը դուր չէին գալիս:

Երբ նատաշան լռեց, Պավելը վեր կացավ և հանգիստ հարցրեց.

— Մի՞թե մենք ուզում ենք միայն կուշտ լինել: Ո՛չ, — ինքն իրեն պատասխանեց նա՝ անհողողող նայելով երեքի կողմը:— Մենք պետք է ցույց տանք նրանց, ովքեր նստած են մեր վզին և փակում են մեր աչքերը, որ մենք ամեն բան տեսնում ենք, մենք հիմար չենք, զազաններ չենք, ոչ միայն ուտել ենք ուզում, մենք ուզում ենք ապրել, ինչպես վայել է մարդկանց: Մենք պետք է թշնամիներին ցույց տանք, որ մեր տաժանակիր կյանքը, որը նրանք մեր վզին են փաթաթել, մեզ չի խանգարում խելքով հավասարվելու իրենց և նույնիսկ իրենցից բարձր կանգնելու...

Մայրը լսում էր նրան, և նրա կրծքում թրթռում էր հպարտությունը. տես ի՞նչ կանոնավոր է խոսում:

— Կուշտերը քիչ չեն, ազնիվներ չկան, — ասում էր խոխուրը:— Մենք պետք է այդ փտող կյանքի ճահճի վրայով կամուրջ անցկացնենք դեպի սրտի բարություն ասպագա թագավորությունը, ահա՛ մեր գործը, ընկերներ:

— Քանի որ կովելու ժամանակը եկել է, ուրեմն ձեռները բռնեցի՞ր ժամանակ չկա, — խուլ առարկեց Վեստվշիկովը:

Արդեն կեսգիշերից անց էր, երբ նրանք սկսեցին ցրվել: Նախ գնացին Վեստվշիկովը և կարմրաշեկը, դա նորից դուր չեկավ մորը:

«Տես ինչպե՛ս են շտապում», — անբարյացակամորեն նրանց գլուխ տալով՝ մտածեց նա:

— Դուք ինձ ճանապարհ կդնե՞ք, Նախուկա, — հարցրեց նատաշան:

— Ինչպե՛ս չէ, — պատասխանեց խոխուրը:

Երբ նատաշան խոհանոցում հագնվում էր, մայրը նրան ասաց.

— Գուլպաներդ բարակ են այսպիսի եղանակի համար: Թույլ տվեք ձեզ համար բրդե գուլպաներ գործեմ:

— Շնորհակալություն, Պելագե՛յա Նիլովնա: Մակում են դրանք, այդ բրդե գուլպաները, — պատասխանեց նատաշան ծիծաղելով:

— Իսկ ես այնպիսիները կգործեմ, որ չեն ծակի, — ասաց վլասովան:

Նատաշան նայեց նրան՝ աչքերը մի քիչ կկոցած, և այդ սևեռուն հայացքը շփոթեցրեց մորը:

— Ներեցե՛ք հիմարությունս, սրտանց եմ ասում ես ձեզ, — կամաց ավելացրեց մայրը:

— Ի՛նչ լավն էք դուք, — նույնպես կամաց արձագանքեց նատաշան՝ նրա ձեռքը արագ սեղմելով:

— Բարի գիշեր, մա՛յր, — նրա աչքերի մեջ նայելով ասաց խոխուրը, կռացավ և նատաշայի հետևից դուրս եկավ նախասենյակ:

Մայրը նայեց որդուն, որ սենյակի շեմքում կանգնած ժղպտում էր:

— Ի՛նչ ես ծիծաղում, — շփոթված հարցրեց մայրը:

— Այնպես, ուրախանում եմ:

— Իհարկե, ես պառավ եմ ու հիմար, բայց լավ բանը ես էլ եմ հասկանում, — թեթև վիրավորված նկատեց մայրը:

— Ուրեմն շատ լա՛վ է, — արձագանքեց որդին: — Լավ կանեիք, պառկեիք, քնելու ժամանակն է...

— Իսկույն կպառկեմ:

Նա դեսուդեն ընկավ սեղանի շուրջը՝ ամանեղենը հավա-

քելով, գոհ, նույնիսկ հաճելի վրդովմունքից քրտնած. նա ուրախ էր, որ ամեն ինչ այդպես լավ և խաղաղ վերջացավ:

— Լավ ես մտածել, Պավլո՛ւշա, — ասում էր նա: — Խոխուր շատ սիրալիր մարդ է: Իսկ օրիորդը, ա՛խ, ինչ խելոք է: Ո՞վ է:

— Վարժուհի է, — հակիրճ պատասխանեց Պավելը՝ սենյակում շրջելով:

— Ասո՛ւմ եմ ախր՝ խեղճ է: Վատ է հագնված, ախ, շատ վատ: Մրսելը դժվա՛ր բան է: Իսկ նրա ծնողները որտե՞ղ են...

— Մոսկվայում, — ասաց Պավելը և, մոր դիմաց կանգ առնելով, լուրջ, կամաց ասաց.

— Ա՛յ, տե՛ս, նրա հայրը հարուստ է, երկաթի առևտուր ունի, մի քանի տուն ունի: Նրա համար, որ աղջիկն այս ճանապարհով է գնացել, հայրը դուրս է արել նրան: Նրան բամբակի մեջ են պահել, ինչ որ քեֆն ուզել է, տվել են, իսկ հիմա, ա՛յ, գիշերը յոթ վերստ ճանապարհ է գնալու, մեն-մենակ...

Դա մորն ապշեցրեց: Նա կանգնել էր սենյակի մեջտեղը և հոնքերը զարմացած շարժելով՝ լուռ նայում էր որդուն: Ապա կամաց հարցրեց.

— Քաղա՞ք է գնալու:

— Այո՛:

— Վա՛յ: Եվ չի՞ վախենում:

— Ա՛յ, տեսնո՞ւմ ես, չի վախենում, — ժպտաց Պավելը:

— Բայց ինչի՞ համար: Այստեղ կգիշերեր, կպառկեր ինձ հետ:

— Անհարմար է: Վաղն առավոտյան նրան կարող էին այստեղ տեսնել, իսկ դա մեզ համար լավ չի:

Մայրը, լուսամուտով մտախոհ նայելով, կամաց հարցրեց.

— Չեմ հասկանում, Պա՛շա, այստեղ ինչ վտանգավոր, արգելված բան կա: Չէ՞ որ ոչ մի վատ բան չկա, հը՞:

Նա դրան վստահ չէր, ուզում էր որդուց դրական պատասխան լսել: Որդին նրա աչքերին հանգիստ նայելով՝ հաստատապես ասաց.

— Վատ բան չկա: Բայց և այնպես մեզ բոլորիս հետագայում բանա է վիճակված: Դե՛, դու այդպես էլ իմացիր...

Մոր ձեռքերը դողացին: Նվաղած ձայնով նա շշնջաց.

— Բայց գուցե աստված անի, մի կերպ անցնի՞...

— Ո՛ւշ, — քնքշությամբ ասաց որդին: — Ես քեզ խաբել չեմ կարող: Չի անցնի:

Պավելը ժպտաց:

— Պառկի՛ր: Չէ՞ որ հոգնել ես, մայրի՛կ: Բարի գիշեր:

Մենակ մնալով, մայրը մոտեցավ պատուհանին ու կանգնեց նրա առջև՝ փողոցը նայելով:

Լուսամուտից դուրս ցուրտ էր և մութ: Քամին խաղում էր՝ փոքրիկ, քնած տների տանիքների ձյունը ցած փչելով, զարկվում էր պատերին և շտապով ինչ-որ բան էր շշնջում, ընկնում էր գետին և փողոցներով քշում շոր ձյունի փաթիլների ամպերը...

— Հիսուս Քրիստո՛ս, գթա՛ մեզ, — կամաց շշնջաց մայրը:

Նրա սրտում եռ էին գալիս արտասուքները, և գիշերային թիթեռի պես կուրորեն ու ողբագին թրթռում էր այն վշտի սպասումը, որի մասին այնպես հանգիստ ու վստահ խոսում էր որդին: Նրա աչքերի առջև կանգնեց տափարակ, ձյունե հարթույթունը: Սառն ու բարակ սուլելով՝ թռչում, թպրտում է սպիտակ ձյունախառն քամին: Հարթության մեջտեղով տարուբերվելով միայնակ գնում է աղջկա փոքրիկ, մութ կերպարանքը: Քամին խճճվում է նրա ոտների արանքում, ուռցնում շրջազգեստը, նրա երեսին նետում ձյունի սառցակալած փաթիլները: Գնալը դժվար է, փոքրիկ ոտները խրվում են ձյունի մեջ: Ցուրտ է և երկյուղալի: Աղջիկը կոացել է, և ասես աշնան կայտառ քամու բերանն ընկած մի շյուղ լինի աղոտ այդ հարթության մեջտեղում: Աղջկա աջ կողմը, ճահճից վեր, մութ պատի պես անտառն է կանգնած: Այնտեղ թախծագին սկսվում են բարակ, մերկ կեչիներն ու կաղամախիները: Ավելի այն կողմը, հեռվում հազիվ կայծկլտում են քաղաքի լույսերը:

— Տե՛ր, գթա՛ մեզ, — շշնջաց մայրը, վախից ցնցվելով...

## VII

Օրերը սահում էին իրար հետևից համրիչի հատիկների պես՝ շաբաթներ, ամիսներ կազմելով: Ամեն շաբաթ օր Պավելի մոտ էին գալիս ընկերները, ամեն մի ժողով հանդիսանում էր երկար, թեք սանդուղքի մի աստիճան, սանդուղք, որը մարդկանց դանդաղորեն բարձրացնելով՝ տանում էր դեպի հեռավոր մի վայր:

Հայտնվում էին նոր մարդիկ: Վլասովների փոքր սենյակում նեղվածք էր լինում և օդը հեղձուցիչ էր դառնում: Գալիս էր Նատաշան սառած ու հոգնած, բայց միշտ անսահման ուրախ և կայտառ: Մայրը նրա համար գուլպաներ էր գործել և իր ձեռքով հագցրել նրա փոքրիկ ոտներին: Նատաշան սկզբում ծիծաղում էր, բայց հետո հանկարծ լռեց, մտածեց և կամաց ասաց.

— Ես մի դայակ ունեի, նույնպես զարմանալի բարի էր: Ի՞նչ տարօրինակ բան է, Պելագեյա՜ նիլովնա,— բանվոր ժողովուրդն ապրում է այսպիսի դժվարին, այսպիսի զրկված կյանքով, բայց տես, որ նա ավելի մեծ սիրտ ունի, ավելի բարի է, բան նրա՛նք:

Եվ ձեռքը շարժեց՝ ցույց տալով ինչ-որ հեռու, իրենից շատ հեռու մի տեղ:

— Ա՛յ թե ինչպիսին եք դուք,— ասաց Վլասովնա:— Զբրկվել եք ծնողներից և ամեն ինչից,— նա շկարողացավ ավարտել իր միտքը, հառաչեց և լռեց՝ նայելով Նատաշայի դեմքին, ներքուստ նրանից շնորհակալ լինելով ինչ-որ բանի համար: Նա նստել էր հատակին աղջկա առջև, իսկ աղջիկը մտախոհ ժպտում էր՝ գլուխը կախ:

— Մնողներից զրկվե՞լ եմ,— կրկնեց նա:— Դա վնաս չունի: Հայրս այնպես կոպիտն էր, եղբայրս նույնպես: Հարբեցող էլ է: Մեծ քույրս դժբախտ է... Մի մարդու է գնացել, որ շատ մեծ է իրենից... Շատ հարուստ, ձանձրալի, ազահ մարդ է: Մորս եմ խղճում: Մայրս պարզ կին է, ձեզ նման: Այնպես փոքր է, կարծես մուկ լինի, նա էլ ձեզ նման արագ-արագ է քայլում և ամենքից վախենում է: Երբեմն այնպե՛ս եմ ուզում տեսնել նրան:

— Իմ խեղճ աղջիկ,— գլուխը տխուր օրորելով ասաց մայրը:

Աղջիկն արագ վեր նստեց գլուխը և ձեռքը մեկնեց, կարծես ինչ-որ բան ետ հրելով:

— Օ՛, ո՛չ: Ես երբեմն այնպիսի՞ ուրախությունն եմ զգում, այնպիսի՞ երջանկություն:

Նրա դեմքը գունատվեց, և կապույտ աչքերը պայծառ բացվառվեցին: Զեռները մոր ուսերին դնելով՝ նա խոր ձայնով կամաց և ազդու ասաց.

— Եթե դուք իմանալիք... եթե դուք հասկանալիք, թե ի՞նչ մեծ գործ ենք անում մենք...

Նախանձին մոտ մի բան շոշափեց Վլասովայի սիրտը: Հասակից վեր կենալով՝ նա տխրություն ասաց.

— Ես արդեն ծեր եմ դրա համար, անգրագետ...

...Պավելն ավելի ու ավելի հաճախ և ավելի շատ էր խոսում, ավելի տաք-տաք էր վիճում ու նիհարում: Մորը թվում էր, թե երբ որդին խոսում է Նատաշայի հետ կամ նայում է նրան, նրա խիստ աչքերն ավելի մեղմ են փայլում, ձայնն ավելի սիրալիկ է հնչում և ինքն ամբողջովին ավելի պարզ է դառնում:

«Աստված հաջողի»,— մտածում էր մայրը: Եվ ժպտում էր:

Միշտ ժողովներում հենց որ վեճերն սկսում էին շափից ավելի տաք և փոթորկալի բնույթ ստանալ, խոխուր վեր էր կենում և զանգի լեզվակի պես տատանվելով՝ իր զիլ, զոդանշուն ձայնով ինչ-որ պարզ և բարի բան էր ասում, որից ամենքն ավելի հանգիստ ու լուրջ էին դառնում: Վեսուլչիկովը միշտ մոռյուրեն շտապեցնում էր ամենքին, ինչ-որ մի տեղ, նա և կարմրաշեկը, որին Սամոյլով էին անվանում, առաջինն էին սկսում բոլոր վեճերը: Նրանց հետ համաձայնում էր կլորագլուխ, խարտյաշ, կարծես մոխրաչրով լվացված, իվան Բուկինը: Յակով Սոմովը, կոկլիկ ու մաքուր, խոսում էր քիչ, կամաց, լուրջ ձայնով. նա և լայնաճակատ Ֆեդյա Մազինը վեճերի ժամանակ միշտ Պավելի և խոխուրի կողմն էին բռնում:

Երբեմն Նատաշայի փոխարեն քաղաքից գալիս էր նիկոլայ Իվանովիչը, սև ակնոցով, բաց գույնի փոքրիկ մորուքով մի մարդ, մի ինչ-որ հեռավոր նահանգում ծնված,— նա խոսում էր մի առանձին արտասանությամբ՝ օ տառը շեշտից առաջ օ արտասանելով\*: Նա ընդհանրապես տեղովը մեկ օտարոտի մի մարդ էր: Նա պատմում էր պարզ բաներ՝ ընտանեկան կյանքի մասին, մանուկների մասին, առևտրի մասին, հացի ու մսի գների մասին, այն ամենի՝ ինչով մարդիկ ապրում են ամեն օր: Եվ ամեն բանի մեջ նա գտնում էր կեղծիք, խառնաշփոթություն, ինչ-որ տխմար, երբեմն ծիծաղելի բան, որոնք միշտ ակնհայտորեն ձեռնատու չէին մարդկանց: Մորը թվում էր, թե

\* Օ տառը ուս գրական լեզվում և շատ նահանգների բարբառներում շեշտից առաջ մոտավորապես ա է հնչում, կան բացառություն կազմող շրջաններ, ուր օ-ն միշտ հնչում է օ: Մ. Բ.:



նա եկել է մի շատ հեռու տեղից, մի ուրիշ թագավորութունից, ուր ամենքն ապրում են ազնիվ և հեշտ կյանքով, իսկ այստեղ ամեն ինչ խորթ է նրա համար, նա չի կարողանում սովորել այս կյանքին, վարժվել դրան իբրև անհրաժեշտության, այս կյանքը դուր չի գալիս նրան և նրա մեջ հանգիստ, համառ ցանկություն է դարձնեցնում վերակառուցել ամեն ինչ իր ձեռով: Նրա դեմքը դեղնավուն էր, աչքերի շուրջը բարակ, ճառագայթանման կնճիռներ կային, ձայնը հանդարտ էր, իսկ ձեռները՝ միշտ տաք: Վրաստվային բարեկիս՝ նա ամուր մատներով ընդգրկում էր նրա ամբողջ ձեռքը. այդպիսով ձեռք սեղմելուց հետո մարդու սիրտը թեթևանում էր, հանգստանում:

Քաղաքից ուրիշ մարդիկ էլ էին գալիս, ամենից շատ մի բարձրահասակ, վայելչակազմ օրիորդ, նիհար, գունատ դեմքով, ահագին աչքերով: Նրան անվանում էին Սաշենկա: Նրա քայլվածքի և շարժումների մեջ տղամարդավարի մի բան կար, նա բարկությամբ կիտում էր խիտ, թուխ հոնքերը, իսկ երբ խոսում էր, նրա ուղիղ քթի բարակ ուռնիքները ցնցվում էին:

Սաշենկան առաջինն էր, որ բարձրաձայն և խստությամբ ասաց.

— Մենք սոցիալիստներ ենք...

Երբ մայրը լսեց այդ բառը, լուռ երկյուղով հայացքը սևեռեց օրիորդի դեմքին: Նա լսել էր, որ սոցիալիստներն են սպանել ցարին: Դա մոր երիտասարդ ժամանակն էր. այն ժամանակ ասում էին, թե կավածատերերը կամենալով վրեժխնդիր լինել ցարից այն բանի համար, որ նա գյուղացիներին ազատել է, ուխտեցին մազերը շիտվել այնքան ժամանակ, մինչև որ նրան շապանեն, դրա համար էլ նրանց անվանում էին սոցիալիստներ: Եվ հիմա մայրը շէր կարողանում հասկանալ՝ ինչու՞ սոցիալիստ են իր որդին և նրա ընկերները:

Երբ բոլորը ցրվեցին, նա Պավելին հարցրեց.

— Պավլո՛ւշա, մի՞թե դու սոցիալիստ ես:

— Այո՛, — ասաց նա մոր առջև կանգնած՝ ինչպես միշտ ուղիղ և հաստատուն: — Ի՞նչ կա որ:

Մայրը ծանր հառաչեց և աչքերը ցած գցելով հարցրեց.

— Ուղի՞ղ է արդյոք, Պավլո՛ւշա: Զէ՞ որ նրանք ցարի դեմ են, չէ՞ որ նրանք մեկին սոլանել են:

— Պավելը քայլեց սենյակում, ձեռքով այտը տրորեց և քրժծիծաղով ասաց.

— Մեզ դա հարկավոր չի՛:

Նա երկար ժամանակ խաղաղ ու լուրջ ձայնով մորն ինչ-որ բան էր ասում: Մայրը նայում էր նրա դեմքին և մտածում.

«Նա ոչ մի վատ բան չի անի, չի՛ կարող»:

Դրանից հետո այն սարսափելի խոսքն սկսեց ավելի ու ավելի հաճախ կրկնվել, նրա սրությունը շնչվեց և նույնպիսի սովորական բան դարձավ մոր ականջների համար, ինչպես տասնյակ այլ անհասկանալի բառեր: Բայց Սաշենկան դուր չէր գալիս մորը և երբ նա գալիս էր, մայրը անհանգիստ ու անհարմար էր զգում իրեն...

Մի անգամ նա, դժգոհությամբ շրթունքները սեղմելով, խոխուրին ասաց.

— Սաշենկան մի տեսակ շա՛տ խիստ է: Միշտ հրամայում է. դուք ա՛յս պետք է անեք, դուք ա՛յն պետք է անեք...

Խոխուրը բարձրաձայն ծիծաղեց:

— Ինչ որ ճիշտ է՝ ճիշտ է: Մա՛յր, այդ ինչ լավ եք հասկացել: Պա՛վել, ոնց է, հը՞:

Եվ աչքով անելով մորը՝ քմծիծաղով ասաց.

— Ազնվականությո՛ւն:

Պավելը սառը նկատեց.

— Սաշենկան լավ մարդ է:

— Դա ճիշտ է, — հաստատեց խոխուրը: — Միայն թե չի հասկանում, որ ինքը պետք է անի, իսկ մենք ուզում ենք անել և կարո՞ղ ենք անել:

Նրանք վեճի բռնվեցին ինչ-որ անհասկանալի բանի մասին:

Մայրը նկատել էր նաև, որ Սաշենկան ամենից խիստ վարվում է Պավելի հետ, երբեմն նա նույնիսկ գոռում էր որդու վրա: Պավելը քմծիծաղով լուռում էր և աղչկա դեմքին նայում այն մեղմ հայացքով, որով առաջ նայում էր նատաշայի դեմքին: Դա էլ դուր չէր գալիս մորը:

Երբեմն մորն ապշեցնում էր աղմկահույզ ուրախության այն տրամադրությունը, որ հանկարծակի և միատեսակ տիրոջ էր բոլորին: Դա սովորաբար լինում էր այն երեկոները, երբ նրանք թերթերում կարդում էին արտասահմանի բանվոր ժողովրդի մասին: Այն ժամանակ բոլորի աչքերը փայլում էին ուրախությամբ, բոլորը դառնում էին տարօրինակ, կարծես երեխաների պես երջանիկ, ծիծաղում էին ուրախ, պայծառ ծիծաղով, սիրալիր կերպով իրար ուսի էին խփում:

— Կեցցե՛ն ընկեր գերմանացիները, — գոռում էր մեկը՝ կարծես իր ուրախությամբ հարբած:

— Կեցցե՛ն Իտալիայի բանվորները, — գոչում էին մի ուրիշ անգամ:

Եվ այս աղաղակներն ուղարկելով մի ինչ-որ հեռավոր վայր, բարեկամներին, որոնք իրենց շէին ճանաչում և շէին կաշրող հասկանալ իրենց լեզուն, նրանք կարծես հավատացած էին, որ իրենց անձանոթ այդ մարդիկ լսում և հասկանում էին իրենց հրճվանքը:

Սիրո ընդգրկող զգացմունքով լի աչքերը պսպղացնելով խոխուն ասում էր.

— Լավ կլիներ նրանց նամակ գրեինք, հը՞: Որպեսզի նրանք իմանային, որ Ռուսաստանում ապրում են իրենց բարեկամները, որոնք հավատում և նույն կրոնն են պաշտում, ինչ-որ նրանք, այստեղ ապրում են նույն նպատակներն ունեցող մարդիկ և ուրախանում են նրանց հաղթանակներով:

Եվ ամենքը երազկոտ, ժպիտները դեմքերին երկար խոսում էին Ֆրանսիացիների, անգլիացիների և շվեդների մասին, ինչպես իրենց բարեկամների, իրենց սրտին մոտ մարդկանց մասին, որոնց հարգում են իրենք, ապրում են նրանց ուրախություններով, զգում նրանց վիշտը:

Նեղվածք սենյակում ծնվում էր ամբողջ երկրի բանվորների հոգևոր ազգակցության զգացումը: Այդ զգացումն ամենքին ձուլում դարձնում էր մի հոգի, հուզելով նաև մորը. թեև նրա համար այդ զգացմունքն անհասկանալի էր, բայց դա շտկում, ուժ էր տալիս նրան՝ ուրախ և պատանեկան արբեցուցիչ ու հուսալի իր ուժով:

— Ի՞նչ մարդիկ եք դուք, — մի անգամ ասաց նա խոխուղին: — Ամենքը ձեր ընկերներն են՝ թե՛ հայ, թե՛ հրեա, թե՛ ավստրիացի, ամենքի համար է ձեր տիրությունը և ուրախությունը:

— Բոլորի՛ համար է, մա՛յրս, բոլորի՛, — բացականչեց խոխուղը: — Մեզ համար ազգեր չկան, ցեղեր չկան, կան միայն ընկերներ, միայն թշնամիներ: Բոլոր բանվորները մեր ընկերներն են, բոլոր հարուստները, բոլոր կառավարությունները՝ մեր թշնամիները: Երբ բարի աչքով հայացք ես գցում երկրի վրա, երբ տեսնում ես, թե ինչպես մենք՝ բանվորներս շատ ենք, որքան ուժ կա մեր մեջ, այնպիսի՝ ուրախություն է հա-

մակում սիրտդ, այնպիսի՛ մեծ տոն է տիրում կրծքիդ տակ: Մա՛յր, և հենց այդպես են զգում թե՛ Ֆրանսիացին, թե՛ գերմանացին, երբ նրանք նայում են կյանքի վրա, հենց այդպես է ուրախանում և՛ իտալացին: Մենք բոլորս մի մոր զավակներ ենք, աշխարհիս բոլոր երկրների բանվոր ժողովուրդների եղբայրության անհաղթելի մտքի զավակներ: Նա մեզ տաքացնում է, նա արևն է արդարադատության երկնքի վրա, իսկ այդ երկինքը բանվորի սրտումն է, և ով էլ որ նա լինի, ինչ էլ իրեն անվանի, սոցիալիստը միշտ մեր եղբայրն է առ ի հոգվո, այժմ և միշտ և հավիտյա՛նս հավիտենից:

Այս մանկական, բայց ամուր հավատն ավելի ու ավելի հաճախ էր ծագում նրանց մեջ, ավելի էր վսեմանում և աճում նրա հզոր ուժը: Եվ երբ մայրը տեսնում էր այդ հավատը, նա ակամա զգում էր, որ ճշմարտապես աշխարհում ծնվել է մի մեծ ու լուսավոր բան, երկնքի արևի նման, որ տեսանելի է իրեն:

Հաճախ երգեր էին երգում: Հասարակ, ամենքին հայտնի երգերը երգում էին բարձր և ուրախ, բայց երբեմն երգում էին նորերը, մի տեսակ առանձնապես ներդաշնակ. բայց ոչ ուրախ և ոչ սովորական եղանակով: Դրանք երգում էին կիսաձայն, և ոչ սովորական եղանակով: Դրանք երգում էին կիսաձայն, և ոչ սովորական եղանակով: Դրանք երգում էին կիսաձայն, և ոչ սովորական եղանակով: Դրանք երգում էին կիսաձայն, և ոչ սովորական եղանակով: Դրանք երգում էին կիսաձայն, և ոչ սովորական եղանակով:

Նոր երգերից հատկապես մեկը անհանգստացնում և հուզում էր մորը: Այս երգի մեջ շէին լսվում վիրավորված և դառնակակիծ տարակուսանքների մութ շավիղներում մեն-մենակ դեպերող հոգու տխուր մտորում, կարիքից ընկճված, երկյուղից վախեցած, անդամ ու անզույն հոգու հեծեծանք: Եվ նրանում շէին հնչում աղոտ կերպով ազատության իր ծարավն զգացող ուժի թախծոտ հառաչներ, քաջակորով կտրիճության մարտաբաժնի կործանել թե՛ շարը, թե՛ բարին: Չկար նրանում վրեժի և վիրավորանքի կույր զգացումը, որն ընդունակ է խորտակել և վիրավորանքի կույր զգացումը, որն ընդունակ է խորտակել և վիրավորանքի կույր զգացումը, որն ընդունակ է խորտակել ամեն ինչ, անզոր է ստեղծել որևէ բան, — այդ երգի մեջ շէր լսվում հին, ստրկական աշխարհից մնացած ոչ մի բան:

Նրա կծու բառերը և խիստ եղանակը դուր շէին գալիս մորը, բայց բառերի և եղանակի տակ մի ավելի մեծ բան կար ա՛յդ էր, որ իր ուժով խլացնում էր հնչյունն ու բառը և սրտի

մեզ արթնացնում մտքի համար անընդգրկելի ինչ-որ բանի նախազգացում: Այդ բանը մայրը տեսնում էր երիտասարդների դեմքերին, աչքերում, նա զգում էր դա նրանց կրծքերում և բառերի հնչյունների մեջ շարժարկավոր երգի ուժին անձնատուր լինելով՝ միշտ ականջ էր դնում նրան առանձին ուշադրությամբ, ավելի խորունկ հուզմունքով, քան բոլոր մնացած երգերը:

Այդ երգը երգում էին մյուսներից ավելի կամաց, բայց բա հնչում էր բոլորից ուժգին և մարդկանց ընդգրկում, ինչպես մարտ ամսին՝ վերահաս գարնան առաջին օրվա օդը:

— Ժամանակն է, որ այս երգը փողոցում երգենք,— մտայնաբար էր Վեսովշիկովը:

Երբ նրա հայրը նորից մի ինչ-որ բան գողացավ և բանտ նստեց, Նիկոլայն ընկերներին հանգիստ հայտարարեց.

— Հիմա ի՞նձ մոտ կարելի է հավաքվել...

Գրեթե ամեն երեկո աշխատանքից հետո Պավելի մոտ նըստած էր լինում ընկերներից որևէ մեկը, և նրանք մտահոգված, լվացվել չհասցնելով, կարդում էին, ինչ-որ բան էին արտագրում գրքերից: Ընթրում և թեյ էին խմում գրքերը ձեռքներին, և մոր համար ավելի ու ավելի անհասկանալի էին հնչում նրանց խոսքերը:

— Մեզ թերթ է հարկավոր,— հաճախ ասում էր Պավելը:

Կյանքը դառնում էր փութկոտ ու տենդային, մարդիկ ավելի ու ավելի արագ էին մի գրքից մյուսին անցնում, ինչպես մեղուններն են անցնում մի ծաղկից մյուսը:

— Մեր մասին խոսում են,— մի անգամ ասաց Վեսովշիկովը:— Մեզ շոտով բռնելու են...

— Լորը հենց նրա համար է ատեղծված, որ ցանցն ընկնի,— արձագանքեց խոխուրը:

Քանի գնում, նա այնքան շատ էր դուր գալիս մորը: Երբ ասում էր «մայր», այդ բառը կարծես փաղաքշում էր իր այտերը փափրիկ, մանկական ձեռքով: Կիրակի օրերը Պավելը երբ ժամանակ չէր ունենում, խոխուն էր փայտ կոտրում, մի անգամ նա եկավ ուսին մի տախտակ և կացինը վերցնելով արագ ու հմտությամբ փոխեց փոքրիկ սանդուղքի փտած աստիճանը, մի ուրիշ անգամ նույնպես աննկատելի կերպով նորոգեց ընկած ցանկապատը: Աշխատելիս նա սուլում էր, և նրա սուլոցը թախձալի գեղեցիկ էր:

Մի անգամ մայրը որդուն ասաց.

— Արի խոխուրին մեզ ճաշորդ վերցնենք: Երկուսիդ համար էլ լավ կլինի, իրար մոտ շեք վազի:

— Ինչո՞ւ ձեզ նեղություն պատճառենք,— հարցրեց Պավելն ուսերը թոթվելով:

— Բա՛ն ասացիր դու էլ: Ամբողջ կյանքումս նեղություն եմ քաշել՝ չիմանալով, թե ինչու, լավ մարդու համար կարելի է:

— Ինչպես ուզում եք՝ արե՛ք,— արձագանքեց որդին:— Եթե նա գա, ես ուրախ կլինեմ...

Եվ խոխուրը նրանց մոտ փոխադրվեց:

## VIII

Ավանի ծայրի փոքր տունը մարդկանց ուշադրությունն է գրավում. տասնյակ կասկածավոր հայացքներ արդեն շոշափել էին նրա պատերը: Նրա վրա անհանգիստ ճախրում էին ասեկոսենների խայտաբղետ թևերը. մարդիկ աշխատում էին վախեցնելով վեր թոցնել, երևան բերել ձորակի գլխի տան պատերի հետևում թաքնված մի ինչ-որ բան: Գիշերները նայում էին պատուհաններից, երբեմն մեկը զարկում էր ապակուն և շտապ վախեցած փախչում հեռանում:

Մի անգամ փողոցում Վլասովային կանգնեցրեց պանդոկապետ Բեգունցովը, մի բարետես ծերուկ, որը միշտ սև մետաքսե վզնոց էր կրում կարմիր թորշմած վզին, և բաց մանուշակագույն պլյուշե հաստ ժիլետ: Նրա սուր և փայլուն քթին բազմած էր կրեոսկրե շրջանակով ակնոց, և դրա համար նրան անվանում էին Ոսկրե Աչքեր:

Վլասովային կանգնեցնելով, մի շնչով և առանց պատասխանին սպասելու, նրա վրա այսպիսի ճոճոսան և չոր խոսքեր սկսեց թափել.

— Պելագե՛յա Նիլովնա, ինչպե՞ս եք: Որդիդ ինչպե՞ս է: Չե՞ք ամուսնացնում, հը՞: Ամուսնանալու համար լավ հասած տղա է: Որքան շուտ ամուսնանա տղան, այնքան ծնողների համար հանգիստ է: Ընտանիքը մարդուս ավելի լավ է պահում թե՛ հոգով, թե՛ մարմնով, ընտանիքում մարդ թթու դրած սունկի նման է: Ձեր տեղը ես լինեի, կամուսնացնեի նրան: Մեր ժամանակը պահանջում է խիստ հսկել մարդ արարածին, մարդիկ սկսում են ապրել իրենց գլխու: Մարդկանց մտքերը խառնաշփոթվել են, և արարքները գովական չեն: Երիտասարդներն

աստծու եկեղեցին բանի տեղ չեն դնում, հանրային տեղերից հեռու են մնում և գաղտնի, անկյուններում հավաքվելով փրսփրսում են: Ինչո՞ւ են փսփսում, թույլ տվեք իմանալ: Ինչո՞ւ են մարդկանցից հեռու փախչում: Այն, ինչ մարդ չի համարձակվում ասել մարդկանց մոտ, պանդոկում՝ օրինակ, դա ի՞նչ բան է: Գաղտնիք է: Իսկ գաղտնիքի տեղը մեր սուրբ, առաքելական եկեղեցին է: Մնացած բոլոր գաղտնագործությունները, որ անկյուններում են կատարվում, խելքի մոլորությունից են: Մնաք բարո՞ւմ:

Սեթեթաբար կորացրած ձեռքով նա գդակը վերցրեց, օդի մեջ շարժեց ու գնաց՝ մորը տարակուսանքի մեջ թողնելով:

Վլասովների հարեանուհի Մարյա Կորսունովան, մի դարբենի այրի, որ գործարանի դարպասի մոտ ուտելիզեն էր վաճառում, մորը շուկայում տեսնելով, նույնպես ասաց.

— Որդուդ հետևի՛ր, Պելագե՛յա:

— Ի՞նչ կա որ,— հարցրեց մայրը:

— Խոսում են,— խորհրդավոր կերպով հաղորդեց Մարյան:— Լավ չեն խոսում, մա՛յրս: Իբր թե նա այնպիսի արտել է սարքում, ինչպես խլիստներին է: Դա մի աղանդ է: Իրար կծծեն, ինչպես խլիստներն են անում...

— Հերի՛ք է, Մա՛րյա, հիմարություններ դուրս տաս:

— Դուրս տվողը չի ստողը, այլ ինքը՝ հնարողը,— արձագանքեց առևտրական կինը:

Մայրը որդուն հաղորդում էր այս բոլոր խոսքերը, որդին լուռ թոթվում էր ուսերը, իսկ խոխուրը ծիծաղում էր իր թավ, մեղմ ծիծաղով:

— Աղջիկներն էլ են ձեզանից նեղանում,— ասում էր մայրը:— Դուք ամեն մի աղջկա համար նախանձելի փեսացու եք և բոլորդ լավ բանվորներ, չիմող, բայց աղջիկների վրա ուշադրություն չեք դարձնում: Ասում են, թե քաղաքից ձեզ մոտ են գալիս խայտառակ բարքի տեր աղջիկներ...

— Է՛, իհարկե,— դեմքը զզվանքով կնճռելով՝ բացականչեց Պավելը:

— Ճահճում ամեն բանից փտածի հոտ է գալիս,— հռոպչելով ասաց խոխուրը:— Իսկ դուք, մա՛յր, բացատրեիք նրանց, այդ հիմար աղջիկներին, թե ի՞նչ բան է ամուսնությունը, որ չշտապեին շարժել իրենց ոսկորները...

— Է՛հ, սիրելիս,— ասաց մայրը,— նրանք վիշտը տեսնում

են, հասկանում են, բայց ախր ո՞ւր գնան, բացի դրանից էլ տեղ չունեն:

— Վատ են հասկանում, թե չէ ճանապարհը կգտնեին,— նկատեց Պավելը:

Մայրը նայեց նրա խիստ դեմքին:

— Իսկ դուք սովորեցրե՛ք նրանց: Ի՞նչ կլինե՛ր՝ ձեզ մոտ կանչեիք նրանց մեջ եղած խելոքներին:

— Դա անհարմա՛ր է,— շոր-շոր արձագանքեց որդին:

— Իսկ եթե փորձե՞նք,— հարցրեց խոխուրը:

Պավելը մի քիչ լուռ մնաց, ապա պատասխանեց.

— Կսկսեն տղա ու աղջիկ գույզ-գույզ ման գալ, հետո մի քանիսը կամուսնանան, դրանով էլ բանը կվերջանա:

Մայրը խորհել սկսեց: Պավելի կուսակրոնային խստությունը շվարեցնում էր նրան: Նա տեսնում էր, որ որդու խորհուրդները լսում են նույնիսկ այն ընկերները, որոնք խոխուրի պես իրենից տարիքով մեծ են, բայց մորը թվում էր, թե բոլորը նրանից վախենում են և ոչ ոք նրան չի սիրում այդ շորություն համար:

Մի անգամ, երբ մայրը պառկել էր քնելու, իսկ որդին ու խոխուրը դեռ կարդում էին, նա բարակ միջնորմի միջով ականջ դրեց նրանց կամաց խոսակցությանը:

— Նատաշան ինձ դուր է գալիս, գիտե՞ս,— հանկարծ կամաց բացականչեց խոխուրը:

— Գիտեմ,— ոչ իսկույն պատասխանեց Պավելը:

Լսելի էր, թե խոխուն ինչպես դանդաղորեն վեր կացավ և սկսեց շրջել: Հատակին թփթփում էին նրա բոբիկ ոտները: Եվ հնչեց մեղմ, թախծալի սուլոց: Ապա նորից դողանջեց նրա ձայնը:

— Իսկ նա ինքը նկատո՞ւմ է:

Պավելը լուռ էր:

— Ի՞նչ ես կարծում,— ձայնը ցածրացնելով՝ հարցրեց խոխուրը:

— Նկատո՞ւմ է,— պատասխանեց Պավելը:— Դրա համար էլ հրաժարվեց պարապել մեզ մոտ...

Խոխուրը ծանր-ծանր քարշ էր տալիս ոտները հատակի վրա, և սենյակում նորից էր դողդողում նրա մեղմ սուլոցը: Ապա նա հարցրեց.

— Իսկ եթե ես նրան ասե՞մ...

— Ի՞նչ:

— Որ ես, ա՛յ... — կամաց սկսեց խոխուրը:

— Ինչո՞ւ, — ընդհատեց նրան Պավելը:

Մայրը լսեց, թե խոխուրն ինչպես կանգ առավ, և զգաց, որ խոխուրը ժպտում է:

— Դե ես, գիտե՞ս, կարծում եմ, եթե սիրում ես մի աղջրկա, հարկավոր է նրան ասել այդ, թե չէ Ի՞նչ միտք ունի:

Պավելը բարձր շրխկոցով փակեց գիրքը: Լավեց նրա հարցը:

— Իսկ դու Ի՞նչ օգուտ ես սպասում դրանից:

Երկուսն էլ երկար ժամանակ լուռ էին:

— Հը՞, — հարցրեց խոխուրը:

— Անդրե՛յ, հարկավոր է պարզ պատկերացնել, թե ինչ ես ուզում, — դանդաղ խոսեց Պավելը: — Ասենք թե նա էլ քեզ է սիրում, ես չեմ կարծում, բայց ենթադրենք՝ այդպե՛ս է: Եվ դուք ամուսնացաք: Հետաքրքիր ամուսնություն է, ինտելիգենտուհի և բանվոր: Մնվում են երեխաներ, մեծակ չնրդ պետք է աշխատես... և շա՛տ: Ձեր կյանքը կդառնա մի կտոր հացի համար, երեխաների, բնակարանի համար վարած կյանք. գործի համար դուք արդեն չկաք: Երկուսդ էլ չկա՞ք:

Լուսթյուն տիրեց: Ապա Պավելն սկսեց խոսել կարծես ավելի մեղմ.

— Ավելի լավ է՝ դու այդ բանից ձե՛ռ քաշիր, Անդրե՛յ: Եվ նրան մի՛ վրդովիր...

Լռեցին: Որոշակի զարկում է ժամացույցի ճոճանակը, համաչափ անջատելով վայրկյանները:

Խոխուրն ասաց.

— Սրտիս կեսը սիրում է, կեսն ատում, — մի՞թե սա սիրտ է, հա՞:

Գրքի էջերը շխշխկացին, երևի Պավելը նորից սկսեց կարդալ: Մայրը պառկել էր՝ աչքերը փակած և վախենում էր շարժվել: Նա այնքան էր խղճում խոխուրին, որ քիչ էր մնում լացը գար, բայց է՛լ ավելի էր խղճում որդուն: Նա որդու մասին մտածում էր.

«Սիրելիս...»

Հանկարծ խոխուրը հարցրեց.

— Ուրեմն լռե՞լ:

— Դա ավելի ազնիվ բան կլինի, — կամաց ասաց Պավելը:

— Այդ ճանապարհով էլ կգնանք, — ասաց խոխուրը: Եվ մի քանի վայրկյանից հետո շարունակեց թախծոտ ու կամաց:

— Քեզ համար դժվար է լինելու, Պա՛շա, երբ ինքդ այ այսպես...

— Ինձ համար արդեն դժվար է...

Քամին տան պատերին էր զարնվում: Ժամացույցի ճոճանակը որոշակի հաշվում էր անցնող ժամանակը:

— Այս բանի վրա ծիծաղել չի լինի, — դանդաղ ասաց խոխուրը:

Մայրը դեմքը խրեց բարձի մեջ և անձայն լաց եղավ:

Անդրեյն առավոտյան մորը թվաց ավելի կարճահասակ և է՛լ ավելի սիրելի, իսկ որդին, ինչպես միշտ՝ նիհար, ուղղածիզ և լռակյաց: Մայրը խոխուրին առաջ անվանում էր Անդրեյ Օնիսիմովիչ, իսկ այդ օրը՝ առանց նկատելու՝ ասաց նրան.

— Անդրյուշա, լավ կլիներ կոշիկներդ կարկատելու տալիք, այդպես ոտներդ կմրսեցնեք:

— Ռոճիկ ստանալիս ես նորը կգնեմ, — պատասխանեց Անդրեյը, ծիծաղեց և հանկարծ իր երկար ձեռքը նրա ուսին դնելով հարցրեց. — բայց գուցե դուք հենց իմ հարազատ մայրն եք: Միայն թե չեք ուզում այդ բանը խոստովանել մարդկանց առաջ, որովհետև ես շատ տգեղ եմ, հա՞:

Մայրը լուռ խփեց նրա ձեռքին: Նա ուզում էր շատ սիրալիր խոսքեր ասել խոխուրին, բայց սիրտը խղճահարուժյունից սեղմվել էր, և բառերը լեզվից ցած չէին գալիս:

## IX

Ավանում խոսում էին սոցիալիստների մասին, որոնք կապույտ թանաքով գրված թռուցիկներ են ցրում: Այդ թռուցիկներում զայրույթով էին գրում գործարանում տիրող կարգերի մասին, Պետերբուրգում և հարավային Ռուսաստանում բանվորների գործադուլների մասին, բանվորների կոշ էին անում միանալ և պայքարել իրենց շահերի համար:

Գործարանում լավ վաստակ ունեցող հասակավոր մարդիկ հայհոյում էին:

— Խոռվարարնե՛ր: Այդպիսի բաների համար պետք է ձեր մոռ՛վթը շարդել:

Եվ թուղթիկները բերում էին գրասենյակ: Երիտասարդները հափշտակություններ էին կարողում:

— Ճիշտ է:

Մեծամասնությունն աշխատանքից ճնշված և դեպի ամեն բան անտարբեր՝ ծուլ-ծուլ արձագանքում էր:

— Բան չի դուրս գա. մի՞թե կարելի է:

Բայց թուղթիկները հուզում էին մարդկանց, և եթե մի շաբաթ թուղթիկ չէր լինում, մարդիկ արդեն ասում էին իրար.

— Երեխե՞ք են քաշել տպելուց...

Բայց երկուշաբթի օրը թուղթիկները նորից էին հայտնվում, և բանվորները նորից խուլ աղմկում էին:

Պանդուկում և գործարանում նկատվում էին նոր, ամենքին անծանոթ մարդիկ: Նրանց հարցումները էին անում, դիտում, ամեն ինչ հոտոտում և ամենքի աչքին ընկնում, ոմանք կասկածելի զգուշություններ, ոմանք էլ ավելորդ տեղը մարդկանց կպչելով:

Մայրը հասկանում էր, որ որդու կատարած գործն է բարձրացրել այդ աղմուկը: Նա տեսնում էր, թե ինչպես են մարդիկ հավաքվում: Նրա շուրջը, և Պավելի վիճակի համար ունեցած երկյուղը միանում էր նրանով հպարտանալու զգացմունքի հետ:

Մի անգամ երկկոյան Մարյա Կորսունովան փողոցից ծեծեց պատուհանը, և երբ մայրը փեղկը բաց արավ, Կորսունովան բարձր շշուկով ասաց.

— Զգո՛ւյ՛շ, Պելագե՛յա, հոտն առե՛լ են: Որոշված է գիշերս խուզարկություն կատարել ձեզ մոտ, Մազինի մոտ, Վեսովշիկովի մոտ...

Մարյայի հաստ շրթունքներն շտապ-շտապ իրար էին շրպպում, մտոտ քիթը մշմշում էր, աչքերը թարթվում և մի կողմից մյուս կողմն էին խեթվում, փողոցում ինչ-որ մեկի հետևելով:

— Իսկ ես ոչինչ չգիտեմ և քեզ ոչինչ չեմ ասել, և նույնիսկ քեզ չեմ տեսել այսօր, լսո՞ւմ ես:

Նա անհետացավ:

Մայրը պատուհանը փակելով՝ դանդաղ ընկավ աթոռի վրա: Բայց որդուն սպառնացող վտանգի գիտակցությունը նրան արագ ոտի կանգնեցրեց, նա շտապ հագնվեց, հայտնի չէ, թե ինչու՞ գլուխը շալով ամուր փաթաթեց և վազեց Ֆեդյա Մազինի մոտ, — նա հիվանդ էր ու չէր աշխատում: Երբ մայրը եկավ, նա պատուհանի առաջ նստած գիրք էր կարդում և ձախ ձեռքով՝ ճո-

ճում էր աչքը՝ բութ մատը շոշոթ: Նորությունը իմանալով, նա արագ վեր թռավ, դեմքը գունատվեց:

— Ա՛յ քեզ փորձա՛նք... — մրմնջաց նա:

— Ի՞նչ պետք է անել, — դողացող ձեռքով դեմքից քրտինքը սրբելով՝ հարցրեց Վլասովան:

— Կացե՛ք, մի՛ վախեցե՛ք, — պատասխանեց Ֆեդյան՝ տողջ

ձեռքով գանգուր մազերը շոյելով:

— Ինքներդ էլ եք վախենում, — բացականչեց մայրը:

— Ե՛ս: — Ֆեդյայի այտերը շառագունեցին, և նա ամոթահար ժպտալով ասաց. — Հա-ա, սատանա՛ն... Պետք է Պավելին ասել: Ես իսկույն մարդ կուղարկեմ նրա մոտ: Դուք գնացե՛ք, բան չկա՛: Հո չե՞ն ծեծելու:

Տուն վերադառնալով՝ մայրը ժողովեց բոլոր գրքերը և կրծքին սեղմած՝ երկար ժամանակ շրջում էր տանը՝ մտիկ տալով վառարանի մեջ, վառարանի տակը և նույնիսկ ջրի տակոսի մեջ: Նրան թվում էր, թե Պավելն իսկույն գործը կթողնի ու տուն կգա, բայց նա չէր գալիս: Վերջապես նա հոգնած նըստեց խոհանոցում երկար նստարանին՝ գրքերը տակը դնելով և վախենալով վեր կենալ, այդպես նստեց այնքան ժամանակ, մինչև որ գործարանից եկան Պավելն ու խոխուրը:

— Գիտե՞ք, — բացականչեց մայրը՝ վեր շարժվելով:

— Գիտենք, — ժպտալով ասաց Պավելը: — Վախենո՞ւմ ես:

— Այնպե՛ս եմ վախենում, այնպե՛ս եմ վախենում...

— Պետք չի՞ վախենալ, — ասաց խոխուրը: — Դա ոչ մի օգուտ չի տա:

— Նույնիսկ ինքնահուր չես գցել, — նկատեց Պավելը:

Մայրը վեր կացավ և, գրքերը ցույց տալով, ամոթահար բացատրեց.

— Ախր ես, ա՛յ, շարունակ սրանք էի...

Որդին և խոխուրը ծիծաղեցին. դա մորը քաջալերեց: Պավելը վերցրեց մի քանի գիրք և տարավ բազում թաքցնելու, իսկ խոխուրն ինքնահուր գցելով ասում էր.

— Բոլորովին սարսափելի բան չկա, մա՛յր, միայն մարդ ամաշում է նրանց փոխարեն, որ շատարկ բաներով են ցրաղվում: Հասակն առած մարդիկ կգան թուրը կողքներից կախ, կոշիկներին խթանեն ու ամեն տեղ տակնուվրա կանեն: Մահ-ճակալի տակը մտիկ կտան և վառարանի տակը, մառան կա՛մառանը կմտնեն, տանիքը կբարձրանան: Այնտեղ նրանց ուխ-

ներին սարդի ոստայն կնստի, կփռտան: Չանձրալի է նրանց համար, ամաշում են և այնպես են ձեռքնում, թե շատ շար մարդիկ են և ձեզ վրա բարկանում են: Չազրելի գործ է, նրանք ախր գիտեն: Մի անգամ ինձ մոտ ամեն ինչ տակնուվրա արին, ամոթահարվեցին և հեռացան ուղղակի, իսկ մի ուրիշ անգամ ինձ էլ հետները տարան: Բանտ նստեցրին, մի շորս ամիս նըստեցի: Նստում ես այնքան, մինչև որ կանչում են իրենց մոտ, փողոցով տանում զինվորներով, որևէ բան հարցնում: Նրանք խելոք մարդիկ չեն, անհեթեթ բաներ են ասում, մի քիչ խոսում են, նորից զինվորներին հրամայում՝ բանտ տանել: Այդպես էլ այստեղ-այնտեղ են քարշ տալիս, չէ՞ որ դրա համար ոռճիկ են ստանում: Իսկ հետո ազատ բաց են թողնում, ուրիշ ոչինչ:

— Ինչպե՞ս եք միշտ այդպես խոսում, Անդրյո՛ւշա, — բացականչեց մայրը:

Ինքնաեռի մոտ ծունկի իջած՝ խոխուրը եռանդով փշում էր խողովակի մեջ, բայց այդ ընթացքին բարձրացրեց լարումից կարմրած դեմքը և, երկու ձեռքով ընչացքներն ուղղելով, հարցրեց.

— Ինչպե՞ս եմ խոսում, որ:

— Այնպես, որ կարծես ձեզ երբեք ոչ ոք չի վիրավորել... Խոխուրը կանգնեց և գլուխը թափահարելով ասաց ժպտադեմ.

— Բայց մի՞թե աշխարհումս որևէ տեղ չվիրավորված մարդ կա: Ինձ այնքան են վիրավորել, որ ես վիրավորվելուց արդեն հոգնել եմ: Ի՞նչ կարող ես անել, եթե մարդիկ ուրիշ կերպ վարվել չեն կարողանում: Վիրավորանքները գործ կատարելուն խանգարում են, դրանց վրա կանգ առնել՝ նշանակում է ժամանակ կորցնել զուր տեղը: Կյանքն այդպես է: Սա, առաջ պատահում էր, բարկանում էի մարդկանց վրա, բայց մտածեցի տեսա՛ շարժե: Ամեն մեկը վախենում է, որ չլինի թե հարևանն իրեն խփի, և աշխատում է ավելի շուտ ինքը ծեփել հարևանի ականջին: Այսպես է կյանքը, մայրս:

Հանդարտ հոսում էր նրա ճառը, հեռու վանելով խուզարկության սպասելուց առաջացած տագնապը, նրա ուռուցիկ աչքերը պայծառ վառվում էին, և նա՛ տեղովը մեկ, թեկուզ քիչ անճոռնի, բայց ճարտար էր:

Մայրը հառաչեց և ջերմագին մաղթեց նրան.

— Աստված ձեզ երջանկություն տա, Անդրյո՛ւշա: Խոխուրը լայն քայլ արեց դեպի ինքնաեռը, նորից պղպեղ նրա առջև և կամաց մրմնջաց.

— Երջանկություն թե տան՝ չեմ հրաժարվի, բայց ինքս չեմ խնդրի:

Պավելը բակից եկավ, վստահ ասաց.

— Չեն գտնի, — և սկսեց լվացվել:

Ապա ամուր և խնամքով ձեռքերը սրբելով՝ ասաց.

— Մայրի՛կ, եթե դուք նրանց ցույց տաք, թե վախեցել եք, նրանք կմտածեն՝ նշանակում է այս տանը մի բան կա, որ նա այսպես դողում է: Գուր հո հասկանում եք, մենք վատ բան չենք ուզում, մեր կողմն է ճշմարտությունը, և ամբողջ կյանքում մենք աշխատելու ենք դրա համար, ահա՛ մեր ամբողջ մեղքը: Էլ ինչո՞ւ վախենանք:

— Պա՛շա, ես ինձ կհավաքեմ, — խոստացավ մայրը: Եվ ապա նրա բերանից դուրս թռավ վշտագին. — գոնե շո՛ւտ գալին նրանք:

Բայց նրանք այդ գիշեր չեկան, և մյուս օրն առավոտյան, կանխելով երիտասարդների ծաղրը իր երկյուղի համար, մայրն առաջինն սկսեց իր վրա կատակել.

— Գեղը շտեսած՝ ահն առա:

## X

Նրանք եկան տագնապալից գիշերվանից գրեթե մեկ ամիս անց: Պավելի մոտ նստած էր Նիկոլայ Վեսովշչիկովը և Անդրեյի հետ միասին երեքով խոսում էին իրենց թերթի մասին: Ուշ էր, կեսգիշերին մոտ: Մայրն արդեն պառկած էր և քնելիս նինջի միջով լսում էր մտահոգ կամացուկ ձայները: Ահա Անդրեյն զգուշությամբ քայլելով անցավ խոհանոցով, դուռն իր հետևից կամաց փակեց: Նախասենյակում զնգաց թիթեղե դույլը: Եվ հանկարծ դուռը լայն բացվեց, խոխուրը քայլեց խոհանոց, բարձր շնչաց.

— Խթանների ձայն է գալիս:

Մայրն անկողնից վեր թռավ՝ դողացող ձեռներով զգեստը վերցնելով, բայց դուռն շեղում սենյակից երևաց Պավելը և հանգիստ ասաց.

— Գուր պառկեցե՛ք, դուք հիվանդ եք:

Նախասենյակից զգուշ խշխշոց էր լսվում: Պավելը մոտեցավ դռանը և դուռը ձեռքով հրելով հարցրեց.

— Ո՞վ է այդտեղ:

Տարօրինակ կերպով արագ պտտվելով դռնից ներս ընկավ մի բարձրահասակ գորշ կերպարանք, նրա հետևից մի ուրիշը, երկու ժանդարմներ էտ մղեցին Պավելին, կանգնեցին նրա կողքերին և հնչեց մի բարձր, ծաղրական ձայն.

— Նրանք չեն, որոնց դուք սպասում էիք. հա՛:

Այդ սուսաց բարձրահասակ, բարակ մի սպա նոսր սև ընշացքներով: Մոր անկողնի մոտ երևաց ավանի ոստիկան Ֆեդյակինը և մի ձեռքը դեպի գլխարկը տանելով, իսկ մյուսով մոր դեմքը ցույց տալով, աչքերին սարսափելի տեսք տալով ասաց.

— Ա՛յ, սա նրա մայրն է, ձե՛րդ բարեծնություն:— Եվ Պավելի վրա ձեռքը թափահարելով ավելացրեց, — իսկ սա՛ նա ինքն է:

— Պավել Վլասովը, — հարցրեց սպան՝ աչքերը կկոցելով, և երբ Պավելը լուռ գլխով արեց, նա ընշացքը ոլորելով հայտնեց. — Ես պետք է քեզ մոտ խուզարկություն կատարեմ: Պառա՛վ, վե՛ր կաց: Այնտեղ ո՞վ կա, — հարցրեց նա, նայելով սենյակի կողմը և թափով քայլ արեց դեպի դուռը:

— Ձեր ազգանունը, — լսվեց նրա ձայնը:

Նախասենյակից դուրս եկան երկու վկաներ — հին ձուլող Տվերյակովը և նրա տնվոր հնոցապան Ռիբինը, մի պատկառելի սև մուժիկ: Նա բամբ և բարձր ձայնով ասաց.

— Բարև՛, Նի՛լովնա:

Մայրը հագնվում էր, և որպեսզի իրեն արիություն տա, կամաց ասում էր.

— Սա՞ ինչ է: Գիշերն են գալիս. մարդիկ պառկել են քնելու, իսկ նրանք գալիս են...

Սենյակում նեղվածք էր և, հայտնի չէ, թե ինչու, կոշկաների սաստիկ հոտ էր գալիս: Երկու ժանդարմները և ավանի պրիստա՛վ Ռիսկինը ոտներով բարձրաձայն դոփելով՝ դարակից իջեցնում էին գրքերը և դարսում սեղանի վրա սպայի առջև: Մյուս երկուսը բռունցքներով զարկում էին պատերին, նայում էին աթոռների տակ, մեկն անշնորհ կերպով բարձրանում էր վառարանի գլուխը: Խոխուրը և Վեսովշչիկովն իրար կիպ կպած կանգնել էին անկյունում: Նիկոլայի շեշտ դեմքը ծածկվել էր կարմիր բծերով, նրա մանր, մոխրագույն աչքերն անընդհատ

նայում էին սպային: Խոխուրն ընշացքներն էր ոլորում, և երբ մայրը սենյակ մտավ, խոխուրը քմծիծաղով սիրալիր գլխով արեց նրան:

Աշխատելով զսպել իր երկյուղը՝ մայրը ման էր գալիս ոչ թե կողքանց, ինչպես միշտ, այլ ուղիղ, կուրծքն առաջ տված, դա ծիծաղելի և փքուն արժանավորություն էր տալիս նրա կերպարանքին: Նա բարձրաձայն դոփում էր ոտները, իսկ արտևանունքները դողում էին...

Սպան ձեռքի բարակ մատներով արագ վերցնում էր գրքերը, թերթում, թափ տալիս և թաթի ճարպիկ շարժումով մի կողմ շարժում: Երբեմն գիրքը փափուկ շրջմամբ էր հատակին: Բոլորը լուռ էին, լսվում էր քրտնած ժանդարմների ծանր փընչոցը, խթանները զնգում էին, երբեմն լսվում էր մի ցածրաձայն հարց.

— Այստեղ նայե՛լ ես:

Մայրը կանգնել էր Պավելի կողքին պատի մոտ, ձեռները ծալել կրծքին, ինչպես որդին էր անում, և նույնպես սպային էր նայում: Նրա ծնկների տակ դող էր ընկել, և աչքերը ծածկում էր մի շոր մառախուղ:

Հանկարծ լուռության մեջ լսվեց Նիկոլայի ականջ ծակող ձայնը.

— Իսկ ինչո՞ւ գրքերը պետք է հատակին շարժել:

Մայրը ցնցվեց: Տվերյակովը գլուխը ճոճեց, կարծես նրան ծոծրակից հրեցին, իսկ Ռիբինը կոնշաց և ուշադրությամբ նայեց Նիկոլային:

Սպան աչքերը կկոցեց և մի վայրկյան հռեց խոսողի շեշտ, անշարժ դեմքին: Նրա մատներն սկսեցին է՛լ ավելի արագ թերթել գրքերի էջերը: Երբեմն նա այնպես լայն էր բաց անում իր մեծ-մեծ, գորշագույն աչքերը, որ կարծես անտանելի ցավ էր զգում և պատրաստ էր անուժ կատաղության բարձր ճշոցով գոռալ այդ ցավի վրա:

— Զինվո՛ր, — նորից ասաց Վեսովշչիկովը, — բարձրացրու գրքերը...

Բոլոր ժանդարմները դեպի նա դարձան, հետո նայեցին սպային: Նա գլուխը նորից բարձրացրեց և զննական հայացք պցելով Նիկոլայի հաղթ կերպարանքի վրա՝ բթի մեջ ծոր տվեց:

— Բ-բայց... բարձրացրեք...



Մի ժանդարմ կռացավ և վետով շշկոկովին խեթ-խեթ նայե-  
լով՝ սկսեց հատակից հավաքել քրքրված գրքերը...

— Նիկոլայը լուեր՝ լավ կաներ, — կամաց շշնջաց մայրը  
Պավելին:

Պավելին ուսերը թոթվեց: Խոխուրը կախեց գլուխը:

— Այս ո՞վ է Աստվածաշունչ կարդում:

— Ե՛ս, — ասաց Պավելը:

— Իսկ ո՞ւմն են այս բոլոր գրքերը:

— Իմն են, — պատասխանեց Պավելը:

— Այդպե՛ս, — ասաց սպան աթոռի մեջքին թիկնելով: Բա-  
րակ ձեռներին մատները ճթճթացրեց, ոտները առաջ մեկնեց սե-  
ղանի տակ, ուղղեց ընչացքները և հարցրեց Նիկոլային.

— Այդ դո՞ւ ես Անդրեյ Նախոդկան:

— Ե՛ս եմ, — պատասխանեց Նիկոլան՝ առաջ շարժվելով:  
Խոխուրը ձեռը մեկնեց, բռնեց նրա ուսից և ետ քաշեց:

— Նա սխալվե՛ց, Ե՛ս եմ Անդրեյը...

Սպան բարձրացնելով ձեռքը և իր փոքրիկ մատով վեսով-  
շշկոկովին սպառնալով ասաց.

— Ես քեզ ցո՛ւյց կտամ:

Նա սկսեց քրքրել իր թղթերը:

Փողոցի պատուհանից անհոգի աչքերով նայում էր լուսըն-  
կա գիշերը: Մեկը դանդաղ շրջում էր լուսամուտի մոտ, ձյունը  
ճռռում էր:

— Դու, Նախո՞դկա, արդեն պատասխանատվության են-  
թարկվե՞լ ես քաղաքական հանցանքների համար, — հարցրեց  
սպան:

— Ենթարկվել եմ Ռուստովում և Սարատովում... Միայն թե  
այնտեղ ժանդարմներն ինձ հետ «դուք»-ով էին խոսում...

Սպան աչ աչքը թարթեց, սրբեց և մանր ատամները բաց  
անելով ասաց.

— Իսկ հայտնի՞ չի ձեզ, Նախո՞դկա, հենց ձեզ, թե ովքե՞ր  
են այն գարշելիները, որոնք գործարանում հանցավոր կոշեր  
են ցրում, հը՞:

Խոխուրը ոտների վրա երեբաց և լայն ժպտալով՝ ուզեց ինչ-  
որ բան ասել, բայց նորից հնչեց Նիկոլայի գրգռիչ ձայնը.

— Մենք առաջին անգամն է, որ գարշելիներ ենք տես-  
նում...

Լուսթյուն տիրեց, բոլորը մի բույս կանգ առան:

Մոր դեմքի սպին սպիտակեց, և աչ հոնքը վեր սողաց:  
Ռիբինի սև մորուքը տարօրինակ կերպով դողողաց. աչքերը  
ցած գցելով՝ նա սկսեց մատներով դանդաղ քորել մորուքը:

— Դո՛ւրս տարեք այս անասունին, — ասաց սպան:

Երկու ժանդարմ բռնեցին Նիկոլայի ձեռքերից, կոպտու-  
թյամբ տարան խոհանոց: Այնտեղ նա կանգ առավ՝ ոտներն  
ամուր դեմ տալով հատակին և գոռաց.

— Կացե՛ք... հագնվեմ:

Բակից եկավ պրիստավը և ասաց.

— Ոչինչ չկա՛: Ամեն ինչ մտիկ տվինք:

— Դե, հասկանալի՞ է, — բացականչեց սպան քսօթա-  
ղով: — Այստեղ փորձված մարդ կա...

Մայրը լսում էր նրա թույլ, ցնցվող ու բեկբեկ ձայնը և  
երկյուղով նայելով դեղին դեմքին՝ զգում էր, որ այդ մարդն  
անխիղճ թշնամի է, դեպի մարդիկ աղայական արհամարհան-  
քով լի սրտով: Մայրն այդպիսի մարդիկ քիչ էր տեսել և գրեթե  
մոռացել էր, որ նրանք կան:

«Ա՛յ թե ո՞ւմ են անհանգստացրել», — մտածում էր մայրը:

— Ձեզ, պարո՞ն Անդրեյ Օնիսիմովիչ Նախոդկա, ապօրինի  
ծնունդ, ես ձերբակալում եմ:

— Ինչի՞ համար, — հանգիստ հարցրեց խոխուրը:

— Այդ ես ձեզ հետո կասեմ, — շար քաղաքավարությամբ  
պատասխանեց սպան: Եվ վրասովային դառնալով հարցրեց.

— Դու գրագե՞տ ես:

— Ո՛չ, — պատասխանեց Պավելը:

— Ես քե՛զ չեմ հարցնում, — խստությամբ ասաց սպան և  
նորից հարցրեց. — պառա՛վ, պատասխանի՛ր:

Մայրն ալիամա անձնատուր լինելով դեպի այդ մարդը տա-  
ծած ատելության զգացումին՝ հանկարծ, կարծես սառը ջրի մեջ  
ցատկելով, դողով բռնված, շտկվեց, նրա սպին շառագունեց, և  
հոնքը ցած իջավ:

— Դուք մի՛ գոռաք, — ասաց նա, դեպի սպան ուղղելով  
ձեռքը: — Դուք դեռ երիտասարդ եք, դուք ցավ չեք տեսել...

— Հանգստացե՛ք, մայրի՛կ, — ընդհատեց նրան Պավելը:

— Սպասի՛ր, Պավե՛լ, — գոռաց մայրը՝ խոյանալով դեպի  
սեղանը: — Դուք մարդկանց ինչո՞ւ եք բռնատում:

— Այդ ձեզ չի վերաբերում, լու՛ել, — գոռաց սպան՝ վեր կե-  
նալով: — Նե՛րս բերեք ձերբակալված վեսով շշկոկովին:

եվ սկսեց կարդալ մի թուղթ՝ դեմքին մոտեցնելով:

Նիկողային ներս բերին:

— Գլխարկդ վերցրո՛ւ, — գոռաց սպան՝ ընթերցանությունն ընդհատելով:

Ռիբինը մոտեցավ Վլասովային և ուսով հրելով նրան՝ կամաց ասաց.

— Մի՛ տաքանար, մա՛յր...

— Գլխարկս ինչպե՞ս վերցնեմ, քանի որ կոնսերիցս բռնել են, — հարցրեց Նիկողայը, արձանագրության ընթերցումը խլացնելով:

Սպան թուղթը նետեց սեղանին:

— Ստորագրե՛լ:

Մայրը նայում էր, թե ինչպես են ստորագրում արձանագրությունը, նրա զրգոմունքը հանգավ, սիրտը թուլացավ, աչքերին վիրավորանքի, անկարության արտասուքներ երևացին: Այդ արտասուքներով էր նա լացել իր ամուսնության քսան տարին, բայց վերջին տարիները գրեթե մոռացել էր նրանց մաշող դառնությունը. սպան նայեց նրա վրա և դեմքը զզվանքով կընճռելով նկատեց.

— Դուք վաղաժամ եք ողբում, տիկին: Զգուշացե՛ք, հետագայում ձեր արցունքները չեն բավականանա:

Նորից կատաղելով՝ մայրն ասաց.

— Մայրն ամեն բանի համար բավականաչափ արցունք կունենա՞, ամեն բանի համար: Եթե դուք մայր ունեք, նա կիմանա այդ, այո՛:

Սպան թղթերն շտապ դարսում էր փայլուն կողպեքով նոր պորտֆելի մեջ:

— Մա՛րը, — հրամայեց նա:

— Յտեսությո՞ւն, Անդրե՛յ, ցտեսությո՞ւն, Նիկոլա՛յ, — ջերմագին և կամաց ասում էր Պավելը, սեղմելով ընկերների ձեռները:

— Իսկապես որ ցտեսությո՞ւն, — քմծիծաղով կրկնեց սպան: Վեսովշիկովը ծանր փնշում էր: Նրա հաստ պարանոցն արյունով էր լցվել, աչքերը շողում էին բուռն զայրույթով: Խոխուրը պսպղում էր ժպիտներով, գլխով էր անում և ինչ-որ բան էր ասում մորը, մայրը նրան խաշակնքում էր և նույնպես ասում.

— Աստված տեսնում է արդարներին...

Վերջապես գորշ շինեկներ հագած մարդկանց խռա՛բը դուրս

թափվեց նախասենյակը և խթանները զնգացնելով շքացալ: Վերջինը դուրս եկավ Ռիբինը, նա մուգ աչքերի ուշադիր հայացքը գցեց Պավելի վրա, մտախոհ ասաց.

— Դ-դե՛հ, մնաք բարո՛ւ:

Եվ մորուքի մեջ հազալով՝ առանց շտապելու դուրս եկավ նախասենյակ:

Ձեռները մեջքին դրած՝ Պավելը դանդաղ շրջում էր սենյակում, քայլելով հատակի վրա թափված գրքերի և ճերմակեղենի վրայով և ասում էր մոռալված.

— Տեսնո՞ւմ ես, թե այդ ինչպես է լինում...

Տարակուսանքով տնտղելով տակնուվրա արված սենյակը, մայրը տրտմագին շշնջաց.

— Նիկոլայն ինչո՞ւ կոպիտ վարվեց նրա հետ:

— Վախեցավ երևի, — կամաց ասաց Պավելը:

— Եկան բռնեցին, տարան, — մրմնջաց մայրը՝ ձեռները տարածելով:

Որդին տանը մնաց, մոր սիրտն սկսեց ավելի հանգիստ զարկել, իսկ միտքն անշարժ կանգնել էր փաստի առջև և չէր կարողանում ընդգրկել այն:

— Ձեռք է առնում այդ դեղնածը, սպառնում է...

— Լա՛վ, մա՛յր, — հանկարծ վճռականորեն ասաց Պավելը, — արի հավաքենք այս բոլորը...

Նա մորն ասաց «մայր» և «դու», ինչպես ասում էր միայն այն ժամանակ, երբ մոտ էր լինում նրան: Մայրը մոտ շարժվեց դեպի նա, խոր նայեց նրա դեմքին և կամաց հարցրեց.

— Քեզ վիրավորեցի՞ն:

— Այո՛, — պատասխանեց որդին: — Սա ծա՛նր բան է: Լավ կլիներ՝ ե՛ս էլ նրանց հետ...

Մորը թվաց, թե որդու աչքերում արցունքներ կան, և կամենալով մխիթարել, աղոտ կերպով զգալով նրա վիշտը՝ հառաչելով ասաց.

— Սպասի՛ր, քե՛զ էլ կտանեն...

— Կտանե՞ն, — արձագանքեց որդին:

Քիչ լռելուց հետո մայրը տխուր-տխուր նկատեց.

— Ի՛նչ խիստ ես, Պա՛շա: Գոնե երբևիցե ինձ մխիթարեիր: Թե չէ՝ ես սարսափելի բան եմ ասում, դու ավելի՛ սարսափելի ես ասում:

Որդին նայեց նրան, մոտեցավ և մեղմ ասաց.

— Ես չեմ կարողանում, մայրի՛կ: Դու պետք է այդ բաշինքն ընտելանաս:

Մայրը հառաչեց և քիչ լռելուց հետո երկյուղի դողը թաքցնելով ասաց.

— Բայց գուցե նրանք տանջո՞ւմ են մարդկանց: Մարմինը պոկոտո՞ւմ են, ոսկորները կոտրատո՞ւմ: Որ մտածում եմ այդ մասին, Պա՛շա, սիրելիս, սարսափելի՛ է:

— Նրանք հոգին են շարդում... Դա ավելի է ցավ տալիս, երբ հոգին կեղտոտ ձեռներով...

## XI

Մյուս օրը հայտնի դարձավ, որ ձերբակալված են Թուկինը, Սամոյլովը, Սոմովը և ուրիշ հինգ հոգի: Երեկոյան վազելով եկավ Ֆեդյա Մազինը — նրա մոտ էլ էր խուզարկություն եղեւ և դրանից գո՞հ նա իրեն հերոս էր զգում:

— Վախեցա՞ր, Ֆե՛դյա, — հարցրեց մայրը:

Ֆեդյան գունատվեց, դեմքը սրացավ, ուռնգեցրը դողացին:

— Վախենում էի, թե սպան խփի՛: Նա սևամորուք էր, հաստ, մատները բրդոտ, իսկ թթին սև ալկոնոց, կարծես աչք շունենար: Գոռում էր, ոտներով դոփո՞ւմ: Բանտում կփտացնե՞մ, ասում է: Իսկ ինձ երբեք չեն ծեծել, ո՛չ հայրս, ո՛չ մայրս, ես նրանց միակ որդին եմ, նրանք ինձ սիրում էին:

Նա մի պահ աչքերը փակեց, շրթունքները հուպ տվեց, երկու ձեռքի արագ շարժումով խառնեց գլխի մազերը և կարմրած աչքերով Պավելին նայելով՝ ասաց.

— Եթե ինձ երբեիցե խփելու լինեն, ես մեկնեմ դանակի նման խփողի կողը կխրվեմ, ատամներովս կկրծեմ, թող ինձ միանգամից ծեծելով սպանեն:

— Դու բարալիկ, նիհարիկ ես, — բացականչեց մայրը: — Դու ի՞նչ կովոդ ես:

— Կկովե՞մ, — կամաց պատասխանեց Ֆեդյան:

Երբ նա գնաց, մայրն ասաց Պավելին.

— Սա ամենթից շուտ կկոտրվի՛...

Պավելը լուռ մնաց:

Մի քանի րոպեից հետո խոհանոցի դուռը կամաց բացվեց, ներս մտավ Ռիբինը:

— Բարև՛ ձեզ, — ժպտալով արտասանեց նա: — Ահա ես նո-

րից եմ եկել: Երեկ ինձ բերին, իսկ այսօր ինքս եմ եկել: — Նա ամուր թափահարեց Պավելի ձեռքը, բռնեց մոր ուսից և ասաց.

— Թեյ կտա՞ս:

Պավելը լուռ տնտղում էր նրա թուխ, լայն դեմքը, խիտ սև մորուքով և սևորակ աչքերով: Հանգիւտ հայացքի մեջ ինչ-որ մի նշանակալից բան էր փայլում:

Մայրը գնաց խոհանոց ինքնահոը գցելու: Ռիբինը նստեց, մորուքը շոյեց և արմունկները սեղանին դնելով՝ Պավելի վրա մութ հայացք գցեց:

— Այդպես ուրեմն, — ասաց նա, կարծես ընդհատված խոսակցությունը շարունակելով: — Ես պետք է քեզ հետ պարզ խոսեմ: Ես քեզ երկար ժամանակ հետևել եմ: Մենք համարյա իրար կողքի ենք ապրում. տեսնում եմ՝ քեզ մոտ շատ մարդիկ են գալիս, բայց հարբեցողություն ու անկարգություն չի երևում: Դա առաջինը: Եթե մարդիկ անկարգություն չեն անում, իսկույն երևում է, թե նրանք ի՞նչ են: Ահա: Ես ինքս մարդկանց աչքերը կապել եմ նրանով, որ հեռու քաշված եմ ապրում:

Նա դժվարությամբ էր խոսում, բայց ազատ, նա սև ձեռքով շոյում էր մորուքը և ուշի-ուշով նայում Պավելի դեմքին:

— Քո մասին խոսք բացվեց: Տանտերերս քեզ անվանում են հերետիկոս, ժամ չես գնում: Ես էլ չեմ գնում: Հետո այդ թուղիկները դուրս եկան: Այդ դո՞ւ ես հնարել:

— Ե՛ս, — պատասխանեց Պավելը:

— Հա՛, դո՛ւ, — անհանգիստ բացականչեց մայրը՝ խոհանոցից գլուխը հանելով: — Մենակ հո դու չե՛ս:

Պավելը ժպտաց: Ռիբինը նույնպես:

— Այդպե՛ս, — ասաց նա:

Մայրը թթով բարձրաձայն օդ ներշնչեց և հեռացավ՝ մի քիչ վերավորված նրանից, որ նրանք ուշադրություն չդարձրին իր խոսքին:

— Թուղիկներ՝ դուք լավ բան եք մտածել: Դրանք ժողովրդին անհանգստացնում են: Տասնինը հա՞տ էր:

— Այո՛, — պատասխանեց Պավելը:

— Նշանակում է, ես բոլո՞րն եմ կարողացել: Այդպես: Նրանց մեջ կա անհասկանալի բան, ավելորդ բան կա, դե երբ մարդ շատ է խոսում, մի տասը բառ էլ ավելորդ է ասում...

Ռիբինը ժպտաց. նրա ատամները սպիտակ և ամուր էին:

— Հետո՛ խուզարկությանը գանք: Դա ինձ ամենից շատ

է տրամադրել: Դու էլ, խոխուն էլ, նիկուլայն էլ, դուք բոլորդ էլ հայտնաբերվել եք...

Հարկավոր բառը չգտնելով՝ նա լռեց, նայեց պատուհանին, մատնեքով սեղանը թխկթխկացրեց:

— Հայտնաբերել են ձեր որոշումը: Ուզում եք ասել, թե դու, ձերդ բարեծնութուն, թո գործն արա՛, մենք էլ մե՛րը կանենք: Խոխուն էլ լավ տղա է: Երբեմն ես ականջ եմ դնում, երբ նա խոսում է գործարանում, և մտածում եմ՝ նրան դժվար է շախշախել, սրան մահը միայն կհաղթի: Զլո՛ւտ մարդ է: Պավել, դու ինձ հավատո՞ւմ ես:

— Հավատո՞ւմ եմ,— ասաց Պավելը, գլխով անելով:

— Ահա՛: Տես, ես քառասուն տարեկան եմ, ես քեզանից երկու անգամ մեծ եմ, քսան անգամ շատ բան եմ տեսել: Զինվորութեան մեջ երեք տարուց ավելի քայլել եմ, երկու անգամ ամուսնացել եմ, մի կինս մեռել է, մեկին էլ թողել եմ: Եղել եմ Կովկասում, ճանաչում եմ դուխոբորներին\*: Սրանք, եղբա՛յրս, կյանքը չեն հաղթահարի, չէ՛:

Մայրն ազահաբար ականջ էր դնում նրա վստահ խոսքերին. հաճելի էր տեսնել, որ իր որդու մոտ է եկել այդ հասակավոր մարդը և խոսում է նրա հետ, կարծես խոստովանք է անում: Բայց մորը թվում էր, թե Պավելն իրեն շատ սառն է պահում հյուրի հետ, և որպեսզի մեղմացնի որդու վերաբերմունքը, նա հարցրեց Ռիբինին.

— Գուցե մի բան կուտես, Միխա՛յլո Իվանովիչ:

— Շնորհակալութի՛ւն, մա՛յր: Ես ընթրել եմ, Այդպես ուրեմն, Պավել, նշանակում է, դու կարծում ես, որ կյանքն անօրե՞ն է ընթանում:

Պավելը վեր կացավ և սկսեց սենյակում շրջել՝ ձեռները հետևը դրած:

— Կյանքը ճի՛շտ է ընթանում,— ասում էր նա:— Ա՛յ, նա է ձեզ ինձ մոտ բերել բաց սրտով: Մեզ, որ ամբողջ կյանքնեք աշխատում ենք, նա քիչ-քիչ միացնում է. կզա ժամանակ, բոլորի՛ն կմիացնի: Մեզ համար նա անարդար կերպով ծանր է կառուցված, բայց հենց ինքն էլ բաց է անում մեր աչքերը, որ տեսնենք իր դառը միտքը, ինքն է ցույց տալիս մարդուս, թե նա ինչպես արագացնի իր կյանքի ընթացքը:

\* Ռուսական աղանդավորներ են:

— Ճշմարի՛տ է,— ընդհատեց նրան Ռիբինը:— Մարդու հարկավոր է վերափոխել: Եթե քոստացել է՝ բաղնիս տար, լվա, մաքուր շոր հագցրու, կառողջանա՛, Այսպե՞ս է: Իսկ ինչպե՞ս մաքրել մարդուս ներքուստ: Ա՛յ:

Պավելը խոսեց տաքացած և խիստ՝ իշխանավորների մասին, գործարանի մասին, այն մասին, թե ինչպես արտասահմանում բանվորները պաշտպանում են իրենց իրավունքները: Ռիբինը երբեմն մատը սեղանին էր խփում՝ կարծես վերջականորեն լուրջ: Մի քանի անգամ նա բացականչեց.

— Այդպե՛ս:

Եվ մի անգամ ծիծաղելով՝ կամաց ասաց.

— է՛-է՛, դեռ ջահե՛լ ես: Մարդկանց քիչ ես ճանաչում:

Այն ժամանակ Պավելը նրա դիմաց կանգնելով, լուրջ նկատեց.

— Զխոսենք ջահելութեան ու ծերութեան մասին: Ավելի լավ է տեսնենք, թե ո՞ւմ մտքերն են ավելի ճիշտ:

— Քո ասելով, նշանակում է աստծով է՞լ են մեզ խաբել: Այդպես: Ես էլ եմ կարծում, որ մեր կրոնը կեղծ է:

Այդտեղ խառնվեց մայրը: Երբ որդին խոսում էր աստծու մասին և այն բոլորի մասին, ինչ որ մայրը կապում էր իր հավատի հետ, որ ուներ աստծու հանդեպ, ինչ որ թանկ և սուրբ էր իր համար, մայրը միշտ աշխատում էր բռնել որդու հայացքը. նա ուզում էր լռելյայն խնդրել որդուն, որ նա իր սիրտը չկեղեքի անհավատության սուր և խստաշունչ խոսքերով: Բայց մայրը որդու անհավատության հետևում հավատ էր զգում, և այդ բանը հանգստացնում էր իրեն:

«Ես ինչպե՞ս կարող եմ հասկանալ նրա մտքերը»,— խորհում էր մայրը:

Նրան թվում էր, թե Ռիբինի, այդ հասակն առած մարդու համար ևս անհաճո և վիրավորական է լսել Պավելի խոսքերը: Բայց երբ Ռիբինը Պավելին հանգիստ հարց տվեց, մայրը չհամբերեց և հակիրճ, բայց հաստատամտությամբ ասաց.

— Աստծու վերաբերմամբ մի քիչ ավելի՛ զգույշ: Դուք— ինչպես կուզեք,— շունչ առնելով՝ նա է՛լ ավելի մեծ ուժով շարունակեց,— բայց ես, պառավս, հենվելու բան չեմ ունենա վշտի ժամանակ, եթե դուք տեր աստծուն ինձանից խլեք:

Նրա աչքերը լցվեցին արցունքով: Նա ամաններն էր լվանում և նրա մատները դողում էին:

— Դուք մեզ չեք հասկացել, մայրի՛կ,— մեղմ և սիրալիք ասաց Պավելը:

— Ների՛ր, մա՛յր,— դանդաղ և թավ ձայնով ավելացրեց Ռիբինը և ժպտալով նայեց Պավելին:— Ես մոռացել էի, որ դու այնքան պառավ ես, որ դժվար է կտրտել քո գորտնուկները...

— Ես խոսում էի,— շարունակեց Պավելը,— ոչ թե այն բարի և ողորմած աստծու, որին դուք հավատում եք, այլ նրա մասին, որով տերտերներն սպառնում են մեզ, ինչպես ձեռնափայտով, այն աստծու մասին, որի անունով ուզում են բոլոր մարդկանց ստիպել ենթարկվել քչերի շար կամքին...

— Ա՛յ, այդպես, այո՛, — բացականչեց Ռիբինը՝ սեղանին մատով խփելով:— Նրանք աստծուն էլ են փոխել մեզ համար, նրանք իրենց ձեռքում գտնվող ամեն բան մեր դեմ են դարձնում: Դու հիշի՛ր, մա՛յր, աստված մարդու ստեղծել է իր պատկերով և նմանությունով, նշանակում է՝ նա նման է մարդու, եթե մարդը նման է նրան: Իսկ մենք ոչ թե աստծուն ենք նման, այլ վայրենի գազանների: Եկեղեցում մեզ վախեցնող խրտվիլակ են ցույց տալիս... Հարկավոր է փոխել աստծուն, մա՛յր, սըրբե՛լ նրան: Նրան ստույթուն և բամբասանք են հագցրել, աղավաղել նրա դեմքը, որպեսզի մեր հոգիներն սպանեն...

Նա խոսում էր խաղաղ, բայց նրա խոսքի յուրաքանչյուր բառը մոր գլխին էր ընկնում ծանր, խլացուցիչ հարվածի պես: Եվ մորուքի սև շրջանակի մեջ առնված նրա մեծ, սգավոր դեմքը վախեցնում էր մորը: Աչքերի մութ փայլն անտանելի էր, նա մարդու սրտում ցավատանջ երկյուղ էր զարթնեցնում:

— Ո՛չ, ավելի լավ է հեռանամ,— ասաց մայրը, բացասաբար գլուխը շարժելով:— Ուժ չունե՛մ այդ բաները լսելու:

Եվ շտապ գնաց խոհանոց Ռիբինի այս խոսքերի ուղեկցությամբ:

— Ահա՛, Պավել, ոչ թե գլխում, այլ սրտումն է սկիզբը: Դա մարդու հոգու մեջ այնպիսի մի տեղ է, որի վրա ուրիշ ոչ մի բան չի կարելի բուսցնել...

— Միայն բանականությունը կազատագրի մարդուն,— հաստատապես ասաց Պավելը:

— Բանականությունն ուժ չի տալիս,— առարկում էր Ռիբինը բարձրաձայն ու հաստատ:— Մի՛րտն է ուժ տալիս և ոչ թե գլուխը, ա՛յ թե ինչ:

Մայրը հանվեց և անկողին մտավ առանց աղոթելու: Նա ցուրտ էր զգում, տհաճություն: Եվ Ռիբինը, որ սկզբում նրան այնպես պատկառելի, խելոք էր թվում, այժմ նրա մեջ թշնամական զգացմունք էր զարթեցնում:

«Հերետիկոս: Խառնակի՛չ,— մտածում էր մայրը՝ նրա ձայնը լսելով:— Վեր է կացել եկել, կամ աղն է պակաս, կամ մաղը»:

Իսկ Ռիբինը վստահ և հանգիստ ասում էր.

— Սուրբ տեղը դատարկ չպիտի լինի: Այնտեղ, ուր աստված է ապրում, խիստ զգայուն տեղ է: Եթե նա հոգուց դուրս ընկնի, հոգու մեջ վերք կգոյանա, ա՛յ թե ինչ: Հարկավոր է, Պավել, նոր հավատ հնարել... պետք է աստված ստեղծել, որը մարդկանց բարեկա՛մ լինի:

— Ա՛յ, Քրիստոսը կար,— բացականչեց Պավելը:

— Քրիստոսը հոգով արի չէր: Անցրու, ասում է, այս բաժակն ինձանից: Կայսրին ընդունում էր: Աստված չի կարող մարդկանց վրա մարդկային իշխանություն ընդունել, նա ինքն է ամբողջ իշխանությունը: Նա իր հոգին բաժան-բաժան չի անում, թե սա աստվածային է, սա՛ մարդկային... Իսկ Քրիստոսը առևտուրն ընդունում էր, ամուսնությունն ընդունում էր: Թզենուն էլ անտեղի անիծեց, մի՞թե ի՛ր կամքով էր նա անպտուղ: Հոգին էլ ի՛ր կամքով չէ, որ բարի պտուղ չի տալիս, մի՞թե ես ինքս եմ նրա մեջ շարություն ցանել: Ա՛յ թե ինչ:

Սենյակում անընդհատ հնչում էր երկու ձայն՝ գրկվելով և իրար հետ պայքարելով գրգռված խաղի մեջ: Պավելը քայլում էր, հատակը ճոռում էր նրա ոտների տակ: Երբ նա խոսում էր, բոլոր հնչյունները խեղդվում էին նրա խոսքերի մեջ, իսկ երբ հանգիստ ու դանդաղ հնչում էր Ռիբինի ծանր ձայնը, լսվում էր ճոճանակի զարկը և սուր ճանկերով տան պատը ճանկըտող սառնամանիքի մեղմ շրթոցը:

— Կասեմ քեզ իմ խոսքով, հնոցապանավարի, աստված կրակի է նման: Այդպես: Նա ապրում է սրտում: Ասված է՝ աստված բան է, իսկ բանը՝ ոգի...

— Բանականություն է,— հաստատապես ասաց Պավելը:

— Այսպե՛ս է: Նշանակում է՝ աստված սրտի մեջ է և բանականության մեջ և ոչ թե եկեղեցում: Եկեղեցին աստծու գեղեզմանն է...

Մայրը քնել էր և չիմացավ, թե երբ գնաց Ռիբինը:

Բայց Ռիբինը սկսեց հաճախ գալ, և եթե ընկերներից մեկնու՝  
ումեկը Պավելի մոտ էր լինում, Ռիբինը նստում էր անկյունում  
և լռում՝ երբեմն միայն ասելով.

— Ահա՛: Այդպե՛ս:

Իսկ մի անգամ անկյունից մթին հայացքով նայելով բո-  
լորի վրա, նա մոռացված ասաց.

— Պետք է խոսել այն մասին, ինչ որ կա, իսկ թե ինչ է  
լինելու՝ մեզ հայտնի չէ, ահա՛ թե ինչ: Երբ ժողովուրդը կա-  
զատագրվի, նա ինքը կտեսնի, թե ինչպես է լավ: Բավական  
շատ բան են նրա գլուխը լցրել, ինչ որ ինքը բոլորովին չի ցան-  
կացել, հերի՛ք է, թողեք ի՛նքը հասկանա: Գուցե նա կուզի ամեն  
բան ժխտել, ամբողջ կյանքը և բոլոր գիտությունները, գուցե  
նա կտեսնի, որ ամեն ինչ իր դեմ է ուղղված, ինչպես օրինակ՝  
եկեղեցական աստվածը: Դուք միայն բոլոր գրքերը հանձնեցեք  
նրա ձեռքը, այնուհետև պատասխանն ինքը կտա, պրծավ գնա՛ց:

Բայց եթե Պավելը մենակ էր լինում, նրանք իսկույն ևեթ  
անվերջ, բայց միշտ հանգիստ վեճի էին բռնվում, և մայրն  
անհանգիստ ականջ դնելով նրանց խոսքերին հետևում էր  
նրանց՝ աշխատելով հասկանալ, թե ինչ են ասում: Երբեմն մորը  
թվում էր, թե լայնաթիկունք սեամորուք գլուղացին և իր վա-  
յելակազմ, ամրակուռ որդին երկուսով էլ կուրացել են: Նրանք՝  
ելք փնտրելով՝ այս ու այն կողմն են խրվում, ուժեղ, բայց  
կույր ձեռներով բռնում են ամեն բանից, թափահարում, տեղից  
տեղ փոխադրում, գցում հատակին և ընկածը ոտներով ճըզ-  
մում: Կպչում են ամեն բանի, շոշափում ամեն ինչ և դեն նե-  
տում՝ առանց հավատն ու հույսը կորցնելու...

Նրանք վարժեցրել էին մորը լսելու այնպիսի խոսքեր,  
որոնք իրենց շիտակությամբ և համարձակությամբ սարսափելի  
էին, բայց այդ խոսքերն արդեն այն ուժով չէին խփում նրան,  
ինչպես առաջին անգամ, նա սովորել էր վանել դրանք: Եվ եր-  
բեմն աստծուն բացասող խոսքերի հետևում նա ամուր հավատ  
էր զգում դեպի նա: Այն ժամանակ նա ժպտում էր խաղաղ,  
ամեն բան ներող ժպիտով: Եվ թեև Ռիբինը նրան դուր չէր գա-  
լիս, բայց արդեն թշնամություն չէր զարթեցնում:

Շաբաթը մի անգամ մայրը խոխոլի համար բանտ էր տա-  
նում ճերմակեղեն և գրքեր, մի անգամ նրան թույլ տվին տե-  
սակցել նրա հետ, և տուն գալով՝ նա զգացված պատմեց.

— Նա այնտեղ էլ այնպես է, ինչպես տանը: Ամենքի հետ

սիրալիր է, ամենքը նրա հետ կատակ են անում: Նրա համար  
դժվար է, ծանր է, բայց չի ուզում ցույց տալ...

— Այդպես էլ հարկավոր է, — նկատեց Ռիբինը: — Մենք  
բոլորս ցավի մեջ ենք, ինչպես կաշվի մեջ, ցավով ենք շնչում,  
ցավ ենք հագնում: Այստեղ պարծենալու բան չկա: Բոլորի աչ-  
քերը չեն փակել, ոմանք իրենք են փակում, ա՛յ թե ինչ: Իսկ  
եթե հիմար ես՝ համբերի՛ր...

## XII

Վլաստվների գորշ, փոքրիկ տունն ավելի ու ավելի էր իր  
վրա դարձնում ավանի ուշադրությունը: Այդ ուշադրության մեջ  
շատ կար կասկածավոր զգուշություն և անգիտակցական թշնա-  
մություն, բայց դյուրահավատ հետաքրքրություն էլ էր առաջ  
դալիս: Երբեմն որևէ մարդ էր գալիս և զգուշորեն շուրջը նայե-  
լով, ասում էր Պավելին.

— Ապա, եղբա՛յրս, դու այստեղ գրքեր ես կարդում, օրենք-  
ները քեզ լավ հայտնի են: Ուրեմն բացատրի՛ր ինձ...

Եվ Պավելը պատմում էր ոստիկանության կամ գործա-  
րանի վարչության որևէ անարդարության մասին: Բարդ դեպքե-  
րում Պավելը մարդուն գրություն էր տալիս տանելու քաղաք՝  
ծանոթ փաստաբանին, իսկ երբ կարողանում էր, գործն ինքն  
էր բացատրում:

Մարդկանց մեջ հետզհետե հարգանք էր առաջանում դեպի  
երիտասարդ, լուրջ մարդը, որն ամեն բանի մասին խոսում էր  
պարզ և համարձակ, ամեն բանի նայելով և ամեն ինչ լսելով  
ուշադրությամբ, որը համառորեն թափանցում էր ամեն մի  
մասնավոր դեպքի խճճվածության մեջ և միշտ, ամենուրեք  
գտնում էր մի ինչ-որ ընդհանուր, անծայր թել, որը հաղարա-  
վոր ամուր հանգույցներով իրար էր կապում մարդկանց:

Պավելը մարդկանց աչքում բարձրացավ մանավանդ «ճահ-  
ճային կոպեկի» պատմությունից հետո:

Գործարանի հետևը, փոսած օղակով գրեթե շրջապատելով  
այն՝ ձգվում էր մի ընդարձակ ճահիճ՝ եղևիններով և կեչիներով  
ծածկված: Ամառն այդ ճահիճը շնչում էր խիտ, դեղին գոլոր-  
շիններով, և այդտեղից ավանն էին թռչում մոծակների ամպե-  
րը՝ ջերմ ու տենդ սփռելով: Ծահիճը պատկանում էր գործա-  
րանին, և նոր դիրեկտորը ցանկանալով նրանից օգուտ քաղել,

մտածեց շորացնել, և հանգամանքից օգտվելով՝ տորֆ հանել: Բանվորներին մատնանշելով, որ այդ միջոցն առողջարար կդարձնի այդ վայրը և կլավացնի կյանքի պայմանները բոլորի համար, դիրեկտորը կարգադրեց ճահիճը շորացնելու նպատակով նրանց վաստակած ամեն մի ուրբուց մի կոպեկ ետ դնել:

Բանվորները վրդովվեցին: Մանավանդ նրանց վիրավորեց այն, որ ծառայողները չէին մտնում նոր հարկը վճարողների թվի մեջ:

Շաբաթ օրը, երբ կախեցին դիրեկտորի հայտարարությունը կոպեկը հավաքելու մասին, Պավելը հիվանդ էր, նա չէր աշխատում և այդ մասին ոչինչ չգիտեր: Մյուս օրը, պատարագից հետո, նրա մոտ եկան բարեսես ծեր ձուլող Սիզովը և բարձրահասակ ու շար փականագործ Մախոտինը և նրան պատմեցին դիրեկտորի որոշման մասին:

— Հավաքվեցինք մենք մեծերս,— ծանրաբարո ասում էր Սիզովը,— խոսեցինք այդ մասին, և ահա ընկերները մեզ ուղարկեցին քեզ մոտ՝ հարցնելու, որովհետև դու մեր միջի բանիմաց մարդն ես, թե կա՞ այնպիսի օրենք, որ դիրեկտորը մեր կոպեկով մոծակների դեմ պատերազմի:

— Մտածիր, տե՛ս,— ասաց Մախոտինը՝ նեղ-նեղ աչքերը պսպղացնելով:— Չորս տարի սրանից առաջ նրանք, այդ սրիկաները, բաղնիս շինելու համար փող հավաքեցին: Երեք հարյուր ութ հարյուր ուրբի հավաքվեց: Ո՞ւր է այդ փողը: Բաղնիսն էլ չկա՛:

Պավելը բացատրեց այդ հարկի անարդարացիությունը և այդ գործի ակնհայտ օգուտը գործարանի համար. երկու պատգամավորները մոռացված գնացին: Նրանց ճանապարհ դնելով՝ մայրը քմծիծաղով ասաց.

— Ա՛յ, Պա՛շա, ծեբերն էլ են սկսել քեզ մոտ գալ խելք սովորելու:

Պավելը նրան չպատասխանելով՝ մտահոգ նստեց սեղանի առաջ և սկսեց ինչ-որ բան գրել: Մի քանի ընթացից հետո նա մորն ասաց.

— Խնդրում եմ քեզ, գնա քաղաք, այս թուղթը տուր...

— Դա վտանգավո՞ր է,— հարցրեց մայրը:

— Այո՛: Այնտեղ մեզ համար թերթ են տպում: Անհրաժեշտ է, որ կոպեկի պատմությունն ընկնի այս համարի մեջ...

— Հա՛, հա՛,— արձագանքեց մայրը:— Ես իսկույն...

Դա առաջին հանձնարարությունն էր, որ որդին անում էր մորը: Մայրն ուրախացավ, որ նա պարզ ասաց, թե բանն ինչու՞մն է:

— Դա ես հասկանում եմ, Պա՛շա,— ասում էր նա հագնվելով:— Դա արդեն նրանք թալանում են: Ինչպես է այդ մարդու անունը: Եզոբ Իվա՞նովի:

Նա վերադարձավ ուշ գիշերը հոգնած, բայց գոհ:

— Սաշենկային տեսա՛,— ասաց նա որդուն:— Քեզ բարևում է: Իսկ այդ Եզոբ Իվանովիչն այնպես պարզ մարդ է, կատակո՞ղ: Միծաղելի բաներ է ասում:

— Ես ուրախ եմ, որ նրանք քեզ դուր են գալիս,— կամաց ասաց Պավելը:

— Պարզ մարդիկ են, Պա՛շա: Կավ է, երբ մարդիկ պա՛րզ են լինում: Եվ բոլորը քեզ հարգում են...

Երկուշաբթի Պավելը նորից աշխատանքի չգնաց, նրա գլուխը ցավում էր: Բայց ճաշին վազեվազ եկավ Ֆեդյա Մազինը հուզված, երջանիկ և հոգնածությունից հեալով հաղորդեց.

— Գնա՛նք: Ամբողջ գործարանը ոտքի է կանգնել: Քո հետևեց ուղարկեցին: Սիզովն ու Մախոտինն ասում են, թե ամենից լավ դու կարող ես բացատրել: Ի՞նչ է տեղի ունենում:

Պավելը լուռ սկսեց հագնվել:

— Կանայք վազելով եկել են, ճվվո՞ւմ են:

— Ես էլ կգամ,— հայտնեց մայրը:— Մի տեսնեմ ի՞նչ են սարքել այնտեղ: Ես կգա՛մ:

— Արի՛,— ասաց Պավելը:

Փողոցով անցան արագ և լուռ: Մայրը շնչասպառ էր լինում հուզմունքից և զգում էր, որ մի ինչ-որ կարևոր բան է վրա հասնում: Գործարանի դարբասի մոտ կանգնած էին մի խումբ կանայք՝ աղմկալից հայհոյելով: Երբ երեք հոգին մի կերպ մտան բակը, միանգամից ընկան խիտ, սև, գրգռված դժվժացող ամբոխի մեջ: Մայրը տեսնում էր, որ գլուխները դարձած են դեպի մի կողմ, դեպի դարբնոցային ցեխի պատը, ուր հին երկաթների կույտի վրա և կարմիր աղյուսի ֆոնի վրա կանգնած՝ ձեռքերը դեսուդեն էին շարժում Սիզովը, Մախոտինը, Վյալովը և էլի հասակավոր, ազդեցիկ բանվորներից մի հինգ հոգի:

— Վլասովը գալի՛ս է,— գոռաց մեկը:

— Վլա՞սովը: Այստե՛ղ բերեք...

— Հանդարտ,— միանգամից գոռացին մի քանի տեղից, Եվ մոտիկ մի տեղ հնչում էր Ռիբինի հանգիստ ձայնը.

— Ոչ թե մի կոպեկի համար պետք է պինդ կանգնել, այլ արդարության, ա՛յ թե ինչ: Մեզ համար թանկ է ոչ թե մեր կոպեկը, որը մյուս կոպեկներից ավելի կլոր չի, այլ այն, որ նա ավելի ծանր է, նրա մեջ մարդկային արյուն ավելի շատ կա, քան դիրեկտորի ուրբու մեջ, ա՛յ թե ինչ: Եվ ոչ թե կոպեկն ենք թանկ գնահատում, այլ արյունը, ճշմարտությունը, ա՛յ թե ինչ:

Նրա խոսքերն ընկնում էին ամբոխի վրա և բուռն բացականություններ առաջ բերում:

— Ճի՛շտ է, Ռի՛բին:

— Ուղի՛ղ է, հնոցապա՛ն:

— Վլասովը եկա՛վ:

Խլացնելով մեքենաների ծանր աղմուկը, գոլորշու դժվարին հառաչները և հաղորդիչների սոսափյունը՝ ձայները միաձուլվում, դառնում էին մի աղմկալից մրրիկ: Ամեն տեղից շտապով մարդիկ էին գալիս վազեվազ, ձեռքները շարժելով, իրար բորբոքելով տաք, ծակող խոսքերով: Վրդովմունքը, որ միշտ նինջի մեջ թաքնված էր հոգնած կրծքերում, զարթնում էր, ելք էր պահանջում, հաղթականորեն թռչում էր օդում, ավելի ու ավելի լայն փռելով մուգ թևերը, ավելի ամուր գրկելով մարդկանց, նրանց տանելով իր հետևից, իրար ընդհարվելով, վերածվելով բոցավառ ցասումի: Ամբոխի վրա օրորվում էր մրի ու փոշու ամպը, քրտինքով պատած դեմքերը վառվում էին, այտերի մաշկը լալիս էր սև արցունքներով: Մութ դեմքերի վրա պսպղում էին աչքերը, փայլում էին ատամները:

Այնտեղ, ուր կանգնած էին Սիզովն ու Մախոտինը, երևաց Պավելը, և հնչեց նրա կանչը.

— Ընկերնե՛ր:

Մայրը տեսնում էր, թե ինչպես գունատվեց նրա դեմքը և շրթունքները դողացին. նա ակամա առաջ շարժվեց՝ ամբոխը դեսուղեն հրելով: Գրգռված ասում էին նրան.

— Ո՛ւր ես խցկվում:

Նրան հրում էին: Բայց դա չէր կանգնեցնում մորը. ուսերով և արմունկներով մարդկանց դեսուղեն գցելով՝ նա դանդաղորեն ավելի ու ավելի էր մոտենում որդուն, նրա կողքին կանգնելու ցանկությունը ենթարկվելով:

Իսկ Պավելը կրծքից դուրս նետելով այն բառը, որի մեջ նա սովորել էր խոր ու կարևոր միտք դնել, զգաց, որ իր կոկորդը սեղմում է մարտական ուրախության շղաձգումը, իրեն համակում է ճշմարտության երազի կրակով վառված իր սիրտը մարդկանց առջև գցելու ցանկությունը:

— Ընկերնե՛ր,— կրկնեց նա՝ այդ խոսքից հրճվանք և ուժ առնելով:— Մենք այն մարդիկն ենք, որոնք կառուցում են եկեղեցիներ ու գործարաններ, կռում են շղթաներ ու փող, մենք այն կենդանի ուժն ենք, որը կերակրում ու զվարճացնում է բոլորին՝ բարուրից սկսած մինչև գերեզման...

— Այդ է որ կա,— գոչեց Ռիբինը:

— Մենք միշտ և ամեն տեղ առաջինն ենք աշխատանքի մեջ և վերջին տեղում ենք կյանքում: Ո՞վ է հոգում մեզ համար: Ո՞վ է մեզ բարիք ուզում: Ո՞վ է մեզ մարդ հաշվում: Ոչ ո՛ք:

— Ոչ ո՛ք,— արձագանքի պես կրկնեց մեկի ձայնը:

Պավելն իրեն տիրապետելով՝ սկսեց խոսել ավելի պարզ, հանգիստ: Ամբոխը դանդաղորեն մոտենում էր նրան, դառնալով մութ, հազար գլխանի մի մարմին: Նա նայում էր Պավելի դեմքին հարյուրավոր ուշադիր աչքերով, ներծծում էր նրա բառերը:

— Մենք լավ վիճակի չենք հասնի, մինչև որ մեզ չզգանք, ընկերնե՛ր, բարեկամների ընտանիք, բարեկամների, որոնք իրար հետ կապված են մի՛ ցանկությունամբ, մեր իրավունքների համար կռվելու ցանկությունամբ:

— Գործի մասի՛ն խոսիր,— կոպիտ գոռացին մոր կողքից ինչ-որ մի տեղից:

— Մի՛ խանգարիր,— ոչ բարձր հնչեց տարբեր տեղերից երկու ձայն:

Մրոտված դեմքերը խոժոռվում էին թերահավատորեն, մոռալի, տասնյակ աչքեր նայում էին Պավելի դեմքին լուրջ, մտախոհ:

— Սոցիալիստ է, բայց հիմար չէ,— նկատեց մեկը:

— Վա՛հ: Համարձակ է խոսում,— մոր ուսը հրելով ասաց մի բարձրահասակ, աչքը շիլ բանվոր:

— Ժամանակն է, ընկերնե՛ր, հասկանալու, որ, բացի մեզանից, մեկ ոչ ոք չի օգնելու: Մեկն ամենքի համար, ամենքը մե-



կի համար, ահա մեր օրենքը, էթե մենք ուզում ենք հաղթահարել թշնամուն:

— Ճիշտ է խոսում, աղե՛րք,— գուեց Մախոտինը:

Եվ ձեռքը լայն թափ տալով՝ նա բռունցքը թափահարեց օդում:

— Պետք է դիրեկտորին դո՛ւրս կանչել,— շարունակեց Պավելը:

Ամբոխին կարծես մարիկ հարվածեց: Նա տարուբերվեց, և տասնյակ ձայներ միանգամից գոռացին.

— Դիրեկտորին այստե՛ղ բերեք:

— Պատգամավորնե՛ր ուղարկել հետևից:

Մայրը հրելով առաջ անցավ և նայում էր որդուն ցածից վերև՝ հպարտությամբ լի: Պավելը կանգնած էր հին, հարգված բանվորների մեջ, բոլորն ականջ էին դնում նրան և նրա հետ համաձայնում: Մորը դուր էր գալիս, որ որդին չի բարկանում, չի հայհոյում մյուսների նման:

Ինչպես կարկուտը երկաթի վրա՝ կցկտուր թափվում էին բացականչություններ, հայհոյանքներ, շար խոսքեր: Պավելը մարդկանց նայում էր վերևից և լայն բացված աչքերով ինչ-որ բան էր փնտրում նրանց մեջ:

— Պատգամավորնե՛ր:

— Սի՛զովին:

— Վլա՛սովին:

— Ռի՛բբինին: Նա սարսափեցուցիչ ատամնե՛ր ունի:

Հանկարծ ամբոխի մեջ ոչ բարձր բացականչություններ լրսվեցին.

— Ի՛նքն է գալիս...

— Դիրե՛կտորը...

Ամբոխը ետ քաշվեց՝ ճանապարհ տալով սուր մորուքով ու երկար դեմքով բարձրահասակ մարդուն:

— Թողե՛ք,— ասում էր նա՝ ձեռքի կարճ շարժումով իր ճանապարհից հեռացնելով բանվորներին, բայց առանց դիպչելու նրանց: Նրա աչքերը կկոցված էին, և մարդկանց վրա փորձված իշխողի աչքերով նա փորձող հայացք էր գցում բանվորների դեմքերին: Նրա առջև գլխարկները վերցնում էին, նրան գլուխ էին տալիս, նա զնում էր առանց բարևներին պատասխանելու և ժողովրդի մեջ տարածում անդորրություն, շփոթ-

մունք, ամոթահար ժպիտներ և ցածրաձայն բացականչություններ, որոնց մեջ լսվում էր արդեն այն մանուկների զղշումը, որոնք գիտակցում են, թե շարություն են արել:

Ահա նա անցավ մոր մոտով՝ խիստ աչքերը նրա դեմքին սահեցնելով, կանգ առավ երկաթե կույտի մոտ: Վերևից մեկը ձեռքը մեկնեց նրան,— նա շրոնեց, ազատ, մարմնի ուժեղ շարժումով վեր բարձրացավ, կանգնեց Պավելի ու Սիզովի առաջ, հարցրեց.

— Սա ի՞նչ հավաքույթ է: Ինչո՞ւ եք աշխատանքը թողել:

Մի քանի վայրկյան լռություն էր տիրում: Մարդկանց զուխներն օրորվում էին հասկերի պես: Սիզովին օդում գլխարկը թափ տալով՝ ուսերը շարժեց և կախեց գլուխը:

— Ես հարցնո՞ւմ եմ,— գոռաց դիրեկտորը:

Պավելը կանգնեց նրա կողքին և Սիզովի ու Ռիբբինի վրա մատնանշելով, բարձրաձայն ասաց.

— Ընկերների կողմից մենք երեքս լիազորված ենք պահանջելու, որ դուք փոխեք մի կոպեկ դուրս գալու ձեր արած կարգադրությունը...

— Ինչո՞ւ,— հարցրեց դիրեկտորն առանց Պավելի վրա նայելու:

— Մենք արդարացի չենք համարում մեզ վրա դրված այդ հարկը,— բարձրաձայն ասաց Պավելը:

— Դուք ի՞նչ է, ճահիճը շորացնելու իմ մտադրության մեջ տեսնում եք միայն բանվորներին շահագործելու ցանկություն, բայց ոչ նրանց կենցաղը բարելավելու հոգատարություն: Այո:

— Այո՛,— պատասխանեց Պավելը:

— Դուք է՞լ,— հարցրեց դիրեկտորը Ռիբբինին:

— Բոլորս միատեսակ,— պատասխանեց Ռիբբինը:

— Իսկ դո՞ւք, պատվելի՛,— դարձավ դիրեկտորը Սիզովին:

— Դե ես էլ եմ խնդրում. լավ է որ մեր կոպեկը թողնեք մեզ մնա:

Եվ գլուխը նորից կախելով, Սիզովը հանցավորի պես ժլպտաց:

Դիրեկտորը դանդաղորեն աչքերը շուտ ածեց ամբոխի վրա, ուսերը թոթվեց: Ապա փորձող հայացքով տնտղեց Պավելին և նկատեց.

— Դուք բավական ինտելիգենտ մարդ եք երևում, մի՞թե դուք էլ չեք հասկանում այդ միջոցի օգտակարությունը:

Պավելը բարձրաձայն պատասխանեց.

— Եթե գործարանը ճահիճը շորացնի ի՞ր հաշվին, այդ ամենքը կհասկանան:

— Գործարանը բարեգործությունամբ չի զբաղվում, — շոր-շոր նկատեց դիրեկտորը: — Ես բոլորիդ հրամայում եմ անմիջապես աշխատանքի անցնել:

Եվ նա սկսեց ցած իջնել՝ ոտով երկաթն զգուշությամբ շոշափելով և ոչ ոքի վրա չնայելով:

Ամբոխի մեջ դժգոհության աղմուկ բարձրացավ:

— Ի՞նչ է, — հարցրեց դիրեկտորը կանգ առնելով:

Բոլորը լռեցին, միայն հեռու մի տեղից հնչեց մի մեծակ ձայն.

— Ի՛նքդ աշխատիր...

— Եթե մինչև տասնհինգ րոպե դուք չսկսեք աշխատել, ես կհրամայեմ բոլորիդ վրա տուգանք գրել, — շոր և որոշակի պատասխանեց դիրեկտորը:

Նա նորից անցավ ամբոխի միջով, բայց այժմ նրա հետևից խուլ տրտունջ էր բարձրանում, և որքան ավելի էր հետանում նրա կերպարանքը, այնքան ավելի էին բարձրանում աղաղակները.

— Եկ խոսի՛ր դրա հետ:

— Ահա՛ քեզ և իրավունք: Է՛հ, կյանք է հա՛...

Դիմում էին Պավելին՝ գոչելով նրան.

— Հե՛յ, օրենսգետ, ի՞նչ անենք հիմա:

— Դու խոսեցիր-խոսեցիր, իսկ նա եկավ, ամեն բան ջընջե՛ց:

— Ապա՛, Վլա՛սով, ի՞նչ անենք:

Երբ աղաղակներն ավելի պահանջկոտ դարձան, Պավելը հայտնեց.

— Ընկերներ՛ր, ես առաջարկում եմ թողնել աշխատանքն այնքան ժամանակ, մինչև որ նա հրաժարվի մեկ կողմից...

Բառերը գրգռված թռչկոտում էին:

— Հիմարներ՛ը եք գտել:

— Գործադո՞ւլ:

— Մի կողմից՞ համար:

— Ի՞նչ կա որ: Է՛, թո՛ղ գործադուլ լինի:

— Դրա համար բոլորիս վզակոթին տալով դուրս կանեն...

— Իսկ ո՞վ կաշխատի:

— Կճարվե՛ն:

— Հուղանե՛ր:

XIII

Պավելը ցած իջավ և կանգնեց մոր կողքին:

Շուրջն ամենքը թնդացին, իրար հետ վիճելով, վրդովվելով, ճշալով:

— Գործադուլը գլո՛ւխ չի գա, — ասաց Ռիբինը՝ Պավելին մոտենալով: — Ժողովուրդը թեև ազահ է, բայց՝ վախկոտ: Մի երեք հարյուր հոգի կանցնեն քո կողմը, ոչ ավելի: Աղբի մի այդպիսի կույտ մի եղանով բարձրացնել չի կարելի...

Պավելը լուռ էր: Նրա առջև օրորվում էր ամբոխի ահագին, սև դեմքը և պահանջողաբար նայում էր նրա աչքերին: Սիրտը տազնապով խփում էր: Վլասովին թվում էր, թե նրա խոսքերն անհետ շքացան մարդկանց մեջ անձրևի նոսր կաթիլների պես, որոնք ընկնում են երկարատև երաշտից ուժասպառ հողի վրա:

Նա տուն գնաց տխուր, հոգնած: Նրա հետևից գնում էին մայրն ու Սիզովը, իսկ կողքից քայլում էր Ռիբինը և ականջին ղողանջում.

— Դու լավ ես խոսում, բայց սրտի վրա չես ազդում, ա՛յ թե ինչ: Պետք է սրտի մեջ, ուղղակի խորքը կայծ գցել: Բանականությունը չես կարող մարդկանց համոզել, այդ կոշիկը նրանց ոտովը չէ, բարակ է, նե՛ղ է:

Սիզովն ասում էր մորը.

— Մեր՝ ծերերիս ժամանակն է հանգստարան գնալու, նի՛-լովնա: Նոր ժողովուրդ է դուրս եկել: Մենք ի՞նչ ենք ապրել: Մեկների վրա սողացել ենք և միշտ խոր գլուխ տվել: Իսկ հիմա մարդիկ, ասեմ՝ թե խելքները գլուխներն է եկել, թե է՛լ ավելի վատ են սխալվում, մի խոսքով՝ նմա՛ն չեն մեզ: Ա՛յ, երիտասարդները դիրեկտորի հետ խոսում են, ինչպես հավասարի հետ... այո-ո՛: Յտեսություն՛ն, Պա՛վել Միխայլով, լա՛վ ես մարդկանց պաշտպան կանգնում, եղբա՛յրս: Ասոված քեզ բարի տա, գուցե մի ելք գտնես, ասովա՛ծ անի:

Նա գնաց:

— Հա՛, մեռե՛ք, էլի՛, — բարբաջում էր Ռիբինը: — Հենց հիմա էլ դուք մարդիկ չեք, այլ ծեփ, ձեզանով միայն կարելի է

ձեռքեր ծեփել: Տեսա՞ր դու, Պա՛վել, թե ովքեր էին գոռում, որ  
քեզ պատգամավոր ընտրեն: Նրանք, որոնք ասում են, թե դու  
սոցիալիստ, խառնակիչ ես, ա՛յ թե ինչ, նրա՛նք: Այսինքն թե՛  
թող վռնդեն քեզ, տեղն է:

— Նրանք իրենց կարծիքով իրավացի են,— ասաց Պավելը:

— Գայլերն էլ են իրավացի, երբ հոշոտում են իրենց ըն-  
կերոջը...

Ռիթինի դեմքը մռայլ էր, ձայնն անսովոր կերպով ցրնց-  
վում էր:

— Մարդիկ լոկ խոսքին չեն հավատա, հարկավոր է տանջ-  
վել, հարկավոր է խոսքն արյունի մեջ լվանալ...

Ամբողջ օրը Պավելը շրջում էր մռայլ, հոգնած, տարօրինակ  
կերպով անհանգիստ, նրա աչքերը վառվում էին և կարծես մի  
բան էին որոնում: Մայրն այդ նկատելով՝ զգուշությամբ հարց-  
րեց.

— Քեզ ի՞նչ է պատահել, Պա՛շա, հը՞:

— Գլուխս ցավում է,— մտախոհ ասաց Պավելը:

— Պառկեիր, լավ կլիներ, ես բժիշկ կկանչեմ...

Պավելը նայեց մորը և շտապ պատասխանեց.

— Չէ, պետք չի՛:

Եվ հանկարծ մեղմորեն ասաց.

— Երիտասարդ, թույլ եմ ես, ա՛յ թե ինչ: Ինձ չհավա-  
տացին, շփոթեցին իմ ճշմարտության հետևից, նշանակում է՝  
ես չկարողացա՞ ասել նրանց այդ ճշմարտությունը... Կավ չեմ  
զգում ինձ, ամաչո՞ւմ եմ ինքս ինձանից:

Մայրը նրա մռայլ դեմքին նայելով և մխիթարել կամենա-  
լով՝ կամացուկ ասաց.

— Դու սպասի՛ր մի քիչ: Այսօր չեն հասկացել, վաղը կհաս-  
կանան...

— Պե՛տք է հասկանան,— բացականչեց Պավելը:

— Չէ՞ որ, ա՛յ, նույնիսկ ես տեսնում եմ քե՛ռ ճշմարտու-  
թյունը...

Պավելը մոտեցավ նրան:

— Դու, մա՛յր, լավ մարդ ես...

Եվ երեսը նրանից դարձրեց: Մայրը ցնցվելով, կարծես  
որդու մեղմ բառերից այրված, ձեռք սրտին դրեց ու գնաց՝ զգու-  
շորեն տանելով որդու գուրգուրանքը:

Գիշերը, երբ մայրը քնած էր, իսկ Պավելն անկողնում

պառկած գիրք էր կարդում, ժանդարմները եկան և բարկացա՛-  
սկսեցին տակնուվրա անել ամեն տեղ, բակում, տանիքում:  
Գեղնազեմ սպան իրեն պահում էր էլի այնպես, ինչպես առա-  
ջին անգամ, վիրավորական, ծաղրական ձևով, բավականու-  
թյուն գտնելով ծաղրածանակի մեջ, աշխատելով վշտացնել:  
Մայրն անկյունում նստած լուռ էր, աչքերը որդու դեմքից չհե-  
ռացնելով: Որդին աշխատում էր ցույց շտալ իր վրդովմունքը,  
բայց երբ սպան ծիծաղում էր, Պավելի մատները տարորեն  
շարժվում էին, և մայրն զգում էր, որ որդու համար դժվար է  
չպատասխանել ժանդարմին, դժվար է դիմանալ նրա կատակ-  
ներին: Այժմ մոր համար այնպես սարսափելի չէր, ինչպես  
առաջին խուզարկության ժամանակ, նա ավելի մեծ ատելու-  
թյուն էր զգում դեպի ոտներին խթաններ ունեցող այդ գիշերա-  
յի՞ գորշ հյուրերը, և ատելութունը իր մեջ կլանում էր տագ-  
նապը:

Պավելը ժամանակ գտավ շշնջալու նրան.

— Ինձ կտանեն...

Մայրը գլուխը թեքելով կամաց պատասխանեց.

— Հասկանում եմ...

Նա հասկանում էր, որդուն բանտ կնստեցնեն նրա համար,  
ինչ նա այդ օրն ասել էր բանվորներին: Բայց ինչ որ ասել էր  
նա, դրան ամենքը համաձայնում էին և ամենքը պետք է նրան  
պաշտպան հանդիսանան, նշանակում է՝ նրան երկար չեն պա-  
հի...

Նա ուզում էր գրկել որդուն, լաց լինել, բայց կողքին կանգ-  
նած էր սպան և աչքերը կկոցած իրեն էր նայում: Սպայի շըր-  
թունքները ցնցվում էին, ընշացքները շարժվում, վլասովային  
թվում էր, թե այդ մարդն սպասում է նրա արցունքներին, գան-  
գատներին ու խնդրելուն: Բոլոր ուժերը հավաքելով, աշխատե-  
լով քիչ խոսել, մայրը սեղմեց որդու ձեռքը և շունչը պահելով  
դանդաղ, կամաց ասաց.

— Յտեսությո՞ւն, Պա՛շա: Բոլո՞րը վերցրիր, ինչ պետք է:

— Բոլորը: Չտխրես:

— Քրիստո՞սը քեզ հետ...

Երբ որդուն տարան, մայրը նստեց նստարանին և աչքերը  
փակելով՝ ցածրաձայն ողբաց: Մեջքը պատին դեմ տալով այն-  
պես, ինչպես մի ժամանակ անում էր իր ամուսինը, նա վըշ-  
տով և իր տկարության վիրավորական գիտակցությամբ ամուր

կաշկանդված գլուխը ետ գցած երկար ժամանակ միալար ողբում էր, այդ հնչյունների մեջ թափելով վիրավորված սրտի ցավը: Իսկ նրա առջև, ինչպես անշարժ բիծ կանգնել էր նոսր ընչացքներով դեղին դեմքը, և կկոցված աչքերը նայում էին բավականութամբ: Մոր կրծքում սև կծիկի պես մորմոքվում էին կատաղությունն ու զայրույթը այն մարդկանց դեմ, որոնք մորից խլում են որդուն նրա համար, որ որդին ճշմարտությունն է որոնում:

Ցուրտ էր, անձրևը զարկում էր ապակիներին, թվում էր, գիշերվա մեջ տան շուրջը ման են գալիս անաչք, լայն, կարմիր դեմքերով, երկար ձեռներով գորշ կերպարանքներ՝ մեկի հետքը պահելով: Ման են գալիս և հազիվ լսելի ձայնով զրընգնցում են խթանները:

«Ի՞նչ կլինեի ինձ էլ տանեին», — մտածում էր մայրը:

Շչակը ոռնաց՝ մարդկանց աշխատանքի պահանջելով: Այդ օրը նա ոռնում էր խուլ, ցած և անվստահ: Դուռը բացվեց, մտավ Ռիբինը: Նա կանգնեց Վլասովայի առջև և ափով անձրևի կաթիլները մորուքից սրբելով՝ հարցրեց.

— Տարա՞ն:

— Տարա՞ն անիծվածները, — հառաչելով պատասխանեց մայրը:

— Այդպե՛ս, — ասաց Ռիբինը ժպտալով: — Ինձ էլ խուլարկեցին, ման եկան, այո-ու: Հայհոյեցին... է՛հ, բայց չնեղացրին: Տարան՝ նշանակում է Պավելի՞ն: Դիրեկտորն աչքով արեց, ժանդարմը գլխով արեց, և — մարդը ոտով-գլխով կորա՞վ: Նրանք իրար բարեկամ են: Ոմանք կթում են ժողովրդին, մյուսները՝ եղջյուրներից բռնում...

— Պավելի համար միշամտեիք՝ ի՞նչ կլինեի, — բացականչեց մայրը՝ վեր կենալով: — Չէ՞ որ բոլորի համար է գնացել:

— Ո՞վ միշամտի, — հարցրեց Ռիբինը:

— Թուրդ:

— Սրա՞ն տես: Չէ՞, այդպիսի բան չի կարող լինել:

Քմծիծաղը դեմքին նա դուրս եկավ ծանր քայլերով, մոր վիշտը մեծացնելով իր խոսքերի դաժան անհուսալիցամբ:

— Հանկարծ ծեծե՞ն, շարշարե՞ն...

Մայրը երեակայում էր որդու մարմինը ծեծված, պատառոտված, արյունաթաթախ, և երկյուղը սառը հողակույտի պես ընկնում էր նրա կրծքին, ճնշում նրան: Աչքերը ցավ էին զգում:

Նա վառարանը չէր վառել, իր համար ճաշ չէր եփել և թեյ չէր խմել, միայն ուշ երեկոյան մի կտոր հաց էր կերել: Եվ երբ պառկեց քնելու, այնպես մտածեց, որ իր կյանքը դեռ երբեք այսպես միայնակ, մերկ չէր եղել: Վերջին տարիները նա սովորել էր ապրել՝ մշտապես սպասելով մի ինչ-որ կարևոր, բարի բանի: Նրա շուրջն աղմկելով աշխույժ պտտվում էին երիտասարդները և նրա առջև միշտ կանգնած էր լինում որդու, այդ անհանգիստ, բայց լավ կյանք ստեղծողի լուրջ դեմքը: Եվ ահա նա չկա և — ոչ մի բան չկա:

#### XIV

Դանդաղ անցավ օրը, անցավ անքուն գիշերը, և է՛լ ավելի դանդաղ՝ մյուս օրը: Մայրն սպասում էր որևէ մեկին, բայց ոչ ոք չերկաց: Եկավ երեկոն: Եվ՝ գիշերը, Հառաչում և պատերն էր քստքստացնում սառն անձրևը, խողովակը ղողանջում էր, հատակի տակ մի բան էր դեսուդեն ընկնում: Կտրից կաթում էր և կաթիլների անկման թախծոտ հնչյունը տարօրինակ կերպով միանում էր ժամացույցի տկտկոցի հետ: Թվում էր, թե ամբողջ տունը կամաց օրորվում է, և շուրջն ամեն ինչ անպետք է, մեռել է թախծի մեջ...

Պատուհանը կամաց խփեցին — մեկ, երկու... Մայրը սովորել էր այդ թխկոցին, դա չէր վախեցնում մորը, բայց այդ անգամ ցնցվեց սրտի ուրախ ծակոցից: Աղոտ մի հույս արագ ոտքի կանգնեցրեց նրան: Շալն ուսերին գցելով նա դուռը բաց արեց...

Մտավ Սամոյլովը, իսկ նրա հետևից մի ուրիշ մարդ, դեմքը վերարկուի օձիքով ծածկած, գլխարկը հոնքերին քաշած:

— Ձեզ արթնացրի՞նք, — առանց բարևելու հարցրեց Սամոյլովը, որը սովորականին հակառակ մտահոգված և մռայլ էր:

— Ես քնած չեի, — պատասխանեց մայրը և լուռ՝ սպասող աչքերը հառեց նրանց վրա:

Սամոյլովի ուղեկիցը ծանր ու խոպոտ հառաչելով գլխարկը վերցրեց և կարճ մատներով լայն ձեռը մեկնելով մորը՝ ասաց նրան բարեկամաբար, ինչպես հին ծանոթի.

— Բարև, մայրի՛կ: Չճանաչեցի՞ք:

— Այս դո՞ւք եք, — բացականչեց Վլասովան՝ հանկարծ մի բանի վրա ուրախանալով: — Եզոր ի՞վա՞նովի:

— Ե՛ս եմ,— պատասխանեց նա՝ տիրացուի մազերի պես երկար մազերով իր մեծ գլուխը թեքելով: Նրա լիքը դեմքը բարեմտորեն ժպտում էր, մանրիկ, գորշագույն աչքերը մոր դեմքին էին նայում սիրալիր ու պայծառ: Նա նման էր ինքնաեռի, նույնպես կլոր, կարծիլիկ, հաստավիզ և կարճաբազուկ: Նրա դեմքը պլպլում էր ու փայլում, նա շնչում էր աղմկալի, և նրա կուրծքն ամբողջ ժամանակ խզզում, խռռացնում էր...

— Անցեք սենյակը, ես իսկույն կհանգստանամ,— առաջարկեց մայրը:

— Մենք գործ ունենք ձեզ հետ,— մտահոգ ասաց Սամոյլովն՝ աչքի տակով նայելով մորը:

Եզոր Իվանովիչը սենյակ անցնելով՝ այնտեղից ասաց.

— Այսօր առավոտյան, սիրելի՛ մայրիկ, բանտից դուրս էր եկել ձեզ հայտնի Նիկոլայ Իվանովիչը...

— Մի՞թե նա այնտեղ էր,— հարցրեց մայրը:

— Երկու ամիս և տասնմեկ օր նստեց:— Այնտեղ տեսել էր խոխուլին, նա ձեզ բարեկ է, և Պավելին, որը նույնպես բարեկ է, խնդրում է ձեզ շանհանգստանալ և ստել ձեզ, որ նրա գնացած ճանապարհին մարդու հանգստի տեղը միշտ բանտն է լինում, այդպես է արդեն սահմանել մեր հոգատար իշխանությունը: Հետո, մայրի՛կ, ես գործի կանցնեմ: Դուք գիտե՞ք, թե երեկ քանի մարդ են բռնել:

— Ո՛չ: Բայց մի՞թե բացի Պաշայից...— բացականչեց մայրը:

— Նա քառասունիններորդն է,— ընդհատեց նրան Եզոր Իվանովիչը հանգիստ:— Եվ պետք է սպասել, որ իշխանությունը մի տասը հոգի էլ կտանի: Ա՛յ, այս պարոնին էլ...

— Այո՛, ինձ էլ,— մտալլ ասաց Սամոյլովը:

Վլասովան զգաց, որ շնչելը հեշտացավ...

«Նա մենակ չէ այնտեղ»,— անցավ նրա գլխով...

Հագնվելով՝ նա մտավ սենյակ և աշխույժ ժպտաց հյուրին:

— Երևի երկար չեն պահի, քանի որ այդքան շատ են բռնուտել...

— Ծի՛շտ է,— ասաց Եզոր Իվանովիչը,— իսկ եթե մենք կարողանանք փշացնել նրանց այդ պատարագը, նրանք միանգամայն հիմար դրություն մեջ կընկնեն: Բանն այսպես է. եթե մենք հիմա դադարենք գործարան տանել մեր գրքույկները, ողորմելի ժանդարմները կկառչեն այդ տխուր երևույթից և

կդարձնեն այդ հանգամանքը Պավելի և այն ընկերների դեմ, որոնք նրա հետ բանտ են նետված...

— Ինչպե՞ս թե,— անհանգիստ գուչեց մայրը:

— Շատ պարզ է,— մեղմորեն ասաց Եզոր Իվանովիչը:— Երբեմն ժանդարմներն էլ են ուղիղ դատում: Մտածեցե՛ք, տեսե՛ք. երբ Պավելը կար՝ գրքույկներն ու թղթիկներն էլ կային, Պավելը չկա՝ ոչ գրքույկներ կան, ոչ թղթիկներ: Ուրեմն նա՛ է եղել գրքույկները տարածողը, հա-ա՛: է՛, և կսկսեն բոլորի հոգին հանել, ժանդարմները սիրում են այնպես մաքրազարդել մարդու, որ նրանից միայն շնչին բան մնա...

— Ես հասկանում եմ, հասկանում եմ,— վշտանալով ասաց մայրը:— Ա՛խ, տե՛ր աստված: Հիմա ի՞նչ անենք:

Նոհանոցից հնչեց Սամոյլովի ձայնը.

— Համարյա ամենքին բռնել են,— սատանա՛ն տանի նրանց... Հիմա պետք է մենք գործը շարունակենք առաջվա նման ոչ միայն գործի համար, այլև ընկերներին ազատելու համար:

— Իսկ աշխատող չկա՞,— ավելացրեց Եզորը ժպտալով:— Գերազանց որակի գրականություն ունենք, ինքս եմ պատրաստել... Բայց ինչպե՞ս ներս տանենք գործարան, սա՛ է, որ հայտնի չէ:

— Սկսել են բոլորին խուզարկել դարպասում,— ասաց Սամոյլովը:

Մայրն զգում էր, որ իրենից ինչ-որ բան են ուզում, սպասում, և շտապ հարցրեց.

— Հը՛, որ ի՞նչ, ի՞նչ անենք հիմա:

Սամոյլովը շեմքում կանգնեց և ասաց.

— Դուք, Պելագե՛յա Նիլովնա, ծանոթ եք մանրավաճառուհի Կորսունովային...

— Ծանոթ եմ, հետո՞:

— Նրա հետ խոսեցե՛ք տեսնենք, նա չի՞ անց կացնի արդյոք:

Մայրը ձեռք բացասարար թափ տվեց.

— Օ՛, ո՛չ: Նա շատախոս կին է, ո՛չ: Որ իմանան, թե դա իմ միջոցով է եղել, այս տանից... ո՛չ, ո՛չ: Եվ հանկարծ մի միտք առկայծեց նրա գլխում, ու նա կամաց ասաց.

— Դուք սովե՛ք ինձ, ի՞նձ տվե՛ք: Արդեն ես ինքս գլուխ կբե-

րեմ, ինքս հնար կգտնեմ: Ես հենց Մարյային էլ կխնդրեմ, թող ինձ վերցնի իրեն օգնական: Ես հաց պե՞տք է ուտեմ, թե չէ, ուրեմն պետք է աշխատեմ: Ահա և ես ճաշ կտանեմ գործարան, ուրիշների համար: Ես ինքս մի կերպ գործը գլուխ կբերեմ:

Ձեռները կրծքին սեղմած՝ նա շտապ-շտապ հավատացնում էր, որ ամեն ինչ կանի լավ, աննկատելի, և վերջում հըրձվելով բացականչեց.

— Նրանք կտեսնեն, որ Պավելը չկա, բայց նրա ձեռքը մինչև անգամ բանտից էլ է հասնում, նրանք կտեսնեն՝ն:

Երեքով էլ աշխուժացան: Եգորը ձեռներն ամուր շփելով՝ ժպտում էր և ասում.

— Հրաշալի՛ է, մայրի՛կ: Եթե իմանայիք, թե ի՞նչ սքանչելի բան է: Ուղղակի գմայլելի է:

— Ես բանտում կնստեմ ինչպես բազկաթոռում, եթե այդ բանը հաջողվի, — ձեռները շփելով՝ նկատեց Սամոյլովը:

— Դուք գեղեցկուհի՛ եք, — խոպոտ ձայնով գոչում էր Եգորը:

Մայրը ժպտաց: Նրա համար պարզ էր. եթե հիմա գործարանում թուցիկներ երևան, իշխանությունը պետք է հասկանա, որ իր որդի՛ն չէր տարածում դրանք: Եվ իրեն ընդունակ զգալով կատարելու այդ խնդիրը՝ նա ամբողջովին ցնցվում էր ուրախությունից:

— Երբ Պավելին տեսության կգնաք, — ասում էր Եգորը, — ասացե՛ք նրան, որ նա լավ մայր ունի...

— Ես նրան ավելի շուտ կտեսնեմ, — ժպտալով խոստացավ Սամոյլովը:

— Դուք այդպես էլ ասացե՛ք նրան, ես ամենը, ինչ որ պետք է, կանեմ: Թող նա իմանա՛ այդ:

— Իսկ եթե նրան չնստացնե՞ն, — հարցրեց Եգորը՝ Սամոյլովին մատնանշելով:

— Է՛հ, ի՞նչ արած:

Նրանք երկուսով քրքջացին: Եվ մայրը հասկանալով իր սխալը՝ սկսեց ծիծաղել ցածրաձայն և շփոթված, մի քիչ խորամանկորեն:

— Սեփականի հետևում ուրիշը վատ է երևում, — ասաց նա՝ աչքերը ցած գցելով:

— Դա բնական է, — բացականչեց Եգորը: — Իսկ Պավելի համար դուք մի՛ անհանգստացեք, մի՛ վշտացեք: Բանտից նա

է՛լ ավելի լավ կվերադառնա: Այնտեղ մարդ հանգստանում և սովորում է, իսկ ազատության մեջ մեզ նմանները ժամանակ չեն ունենում դրա համար: Ա՛յ ես, երեք անգամ նստել եմ և ամեն անգամ թեև ոչ մեծ հաճույքով, բայց խելքի ու սրտի համար անկասկած օգուտով:

— Դուք դժվար եք շնչում, — ասաց մայրը՝ բարյացակամորեն նայելով Եգորի պարզ դեմքին:

— Դա իր հատուկ պատճառներն ունի, — պատասխանեց Եգորը՝ մատը վեր բարձրացնելով: — Ուրեմն վճռվա՞ծ է, մայրի՛կ: Վաղը մենք ձեզ կհասցնենք նյութը, և նորից կպտտվի դարավոր խավարի կործանման սղոցը: Կեցցե՛ ազատ խոսքը, և կեցցե՛ մոր սիրտը: Իսկ առայժմ ցտեսություն:

— Ցտեսություն, — ասաց Սամոյլովն՝ ամուր սեղմելով մոր ձեռքը: — Իսկ, ա՛յ, ես մորս մոտ բերանս էլ չեմ կարող բանալ այսպիսի բանի մասին խոսելու, այո՛:

— Ամենքը կհասկանա՞ն, — ասաց վլասովան՝ ցանկանալով նրա սիրտը շահել:

Երբ նրանք հեռացան, մայրը դուռը կողպեց և սենյակի մեջ ծունկ շոթելով՝ սկսեց աղոթել անձրևի աղմուկի տակ: Աղոթում էր առանց բառերի, համակված մի մեծ խոհով այն մարդկանց մասին, որոնց Պավելը ներգրավել էր իր կյանքի մեջ: Նրանք կարծես անցնում էին իր և սրբապատկերների արանքով, բոլորն անցնում էին այնպես պարզ, իրար տարօրինակ կերպով մտերիմ և միայնակ:

Առավոտը վաղ նա գնաց Մարյա Կորսունովայի մոտ: Առևտրական կինը, ինչպես միշտ, յուղաթաթախ և ճվճվան, նրան դիմավորեց կարեկցաբար:

— Վշտանո՞ւմ ես, — հարցրեց նա՝ ճարպոտ ձեռքով մոր ուսին խփելով: — Թո՛ղ, վերցրին տարան, ի՞նչ մեծ ցավ է: Այդտեղ ոչ մի վատ բան չկա: Դա առաջ էր՝ գողության համար բանտ էին նստեցնում, իսկ հիմա սկսել են ճշմարտության համար նստեցնել: Պավելը գուցե մի առանձին բան էլ շասաց, բայց ամենքին պաշտպան կանգնեց, և ամենքը հասկանում են նրա արածը, մի՛ անհանգստանա: Ամենքը չեն ասում, բայց ամենքը գիտեն, թե լավն ո՞վ է: Ես միշտ պատրաստվում էի քեզ մոտ գալ, բայց, ա՛յ ժամանակ շունեցա: Եփում ու ծախում եմ, բայց երևի աղքատ էլ կմեռնեմ: Միրականներս հոգիս հանում են, անիծածները: Այնպե՛ս են կրծոտում, այնպե՛ս,

ինչպես ուտիճները՝ բոքոնը: Մի աասը ուրբի ետ ես գցում՝ թե չէ, մեկ էլ տեսար մի հերետիկոս դուրս եկավ և փողը լիզեց: Փորձա՛նք է կին լինելը: Գարշելի՛ պաշտոն է աշխարհիս երեսին: Մենակ ապրելը դժվար է, երկուսով էլ զզվելի է:

— Ես եկել եմ քեզ մոտ խնդրելու, որ ինձ օգնական ընդունես,—ասաց Վլասովան՝ ընդհատելով նրա շողակրատանքը:

— Ինչպե՞ս,— հարցրեց Մարյան և ընկերուհու բացատրությունը լսելով, դրականապես գլխով արավ:

— Կարելի՛ է: Հիշո՞ւմ ես, դու ինձ երբեմն մարդուց թաքցնում էիր: Դե հիմի էլ ե՛ս քեզ կթաքցնեմ կարիքից... Ամենքը պարտավոր են քեզ օգնել, որովհետև քո որդին հասարակական գործի համար է կորչում: Լա՛վ տղա է որդիդ, այդ ամենքն են ասում անխտիր, և ամենքը խղճում են նրան: Պիտի ասեմ, որ այդ ձեռքակալությունից իշխանությունը խեղ չի տեսնի, մի տես գործարանում ի՛նչ է կատարվում: Վատ են խոսում, սիրելի՛ս: Այնտեղ նրանք, պետերը, կարծում են, թե մարդու կրունկը կծեցին, էլ չի՛ կարող հեռու գնալ. բայց բանից պարզվում է, որ տասին խփել են՝ հարյուրներն են բարկացել:

Խոսակցությունը վերջացավ նրանով, որ հետևյալ օրը ճաշին Վլասովան գործարանումն էր Մարյայի եփածների երկու թաղարով, իսկ ինքը՝ Մարյան շուկա էր գնացել առևտուր անելու:

## XV

Բանվորներն իսկույն նկատեցին նոր առևտրական կնոջը: Ոմանք նրան մոտենալով՝ հավանություն մտնում էին:

— Գործի՞ ես անցել, նի՛լովնա:

Ոմանք էլ մխիթարում էին, հաստատելով, որ Պավելին շուտով բաց կթողնեն, ուրիշները վրդովում էին նրա տխուր սիրտը կարեկցական խոսքերով, երրորդները՝ զայրացած հայհոյում էին դիրեկտորին, ժանդարմներին, մոր կրծքում պատասխանի արձագանք գտնելով: Կային մարդիկ, որոնք նրան նայում էին շարախնդությամբ, իսկ համարակալ Իսայ Գորբովն ատամների միջից ասաց.

— Եթե ե՛ս լինեի նահանգապետ, ես քո որդուն կկախեի՛: Թող մարդկանց չմոլորեցնեի՛:

Այդ շար սպառնալիքից մոր վրա մեռած սառնություն փչեց: Նա ոչինչ չպատասխանեց Իսային, միայն նայեց նրա փոքրիկ, պեպեններով ծածկված դեմքին և հատաչելով՝ աչքերը ցած գցեց:

Գործարանում անհանգստություն էր տիրում, բանվորները հավաքվում էին փոքրիկ խմբերով, ինչ-որ բանի մասին կիսաձայն խոսում էին իրար մեջ, ամեն տեղ վխտում էին մտահոգված վարպետները, երբեմն լսվում էին հայհոյանքներ, գրգռված ծիծաղ:

Երկու ոստիկաններ նրա մոտով անցկացրին Սամոյլովին. նա գնում էր մի ձեռքը գրպանը դրած, իսկ մյուսով իր կարմրաշիկավուն մազերն ուղղելով:

Նրան ճանապարհ էր դնում մոտ հարյուր հոգուց բաղկացած բանվորների մի խումբ՝ ոստիկանների հետևից հայհոյանք և ծաղրական խոսքեր շարտելով...

— Զբոսնելու գնացիր, Գրի՛շա,— կանչեց մեկը նրա հետևից:

— Պատի՛վ մեզ նմաններին,— ձայն տվեց մյուսը:— Պահապաններով ենք ման գալիս...

Եվ թունդ հայհոյեց:

— Գողեր բռնելը երեի ձեռնտու չէ այլևս,— շարացած և բարձրաձայն ասում էր մի բարձրահասակ և շիլ բանվոր:— Սկսել են ազնիվ մարդկանց քարշ տալ...

— Գոնե գիշե՞րը տանեին,— ամբոխի միջից կրկնեց մեկը:— Թե չէ ցերեկը, անամոթաբար... Սրիկանե՛ր:

Ոստիկանները գնում էին մոայլ, արագ, աշխատելով ոչինչ չտեսնել և կարծես թե չլսելով այն բացականչությունները, որոնցով ուղեկցում էին իրենց: Երեք բանվոր նրանց հանդիման բերում էին երկաթի մի մեծ շերտ և ոստիկանների վրա ուղղելով այդ երկաթը՝ գոռացին.

— Զգո՛ւյշ, ձկնորսնե՛ր:

Վլասովայի մոտով անցնելիս Սամոյլովը քմծիծաղով՝ գրե՛խով արեց նրան և ասաց.

— Քա՛րշ տվին:

Մայրը լուռ, խոր գլուխ տվեց նրան. մորը հուզում էին այդ ազնիվ, զգաստ, ժպիտը դեմքերին բանտ գնացող երիտասարդները. նրա մեջ մայրական խղճահարվող սեր էր ծագում դեպի նրանք:

Գործարանից վերադառնալով՝ նա ամբողջ օրն անց կացրեց Մարյայի մոտ, աշխատանքի մեջ նրան օգնելով և նրա շաղակրատանքին ականջ դնելով, իսկ ուշ երեկոյան եկավ իր տուն, որ դատարկ էր, ցուրտ և անհրապույր: Նա երկար ժամանակ անկյունից անկյուն ընկավ՝ իր համար տեղ չգտնելով, չիմանալով ինչ անել: Նրան էլ անհանգստացնում էր այն, որ ահա շուտով գիշեր կլինի, իսկ Եգոր Իվանովիչը գրականութունը չի բերում, ինչպես խոստացել է:

Պատուհանից դուրս նկատվում էին աշնան ձյունի ծանր, գորշ փաթիլները: Փափուկ կաշեկով ապակիներին՝ նրանք անձայն ցած էին սահում և հալվում՝ իրենց հետևից թաց հետք թողնելով: Մայրը մտածում էր որդու մասին...

Դուռն զգուշ խփեցին, մայրն արագ վազեց, կեռը դուրս գցեց, մտավ Սաշենկան: Վաղուց էր, որ մայրը նրան շէր տեսել, և հիմա առաջին բանը, որ նրա աչքովն ընկավ, այդ աղջկա անբնական շողութունն էր:

— Բարև՝ ձեզ,— ասաց մայրն ուրախանալով, որ մարդ է եկել և գիշերվա մնացած մասն անց կկացնի ո՛չ միայնության մեջ:— Վաղուց է չեք երևում: Ուրիշ տե՞ղ էիք գնացել:

— Ո՛չ, բանտում նստած էի,— պատասխանեց աղջիկը ժպտալով:— Նիկոլայ Իվանովիչի հետ միասին. հիշո՞ւմ եք նրան:

— Ինչպե՞ս չեմ հիշում,— բացականչեց մայրը:— Երեկ Եգոր Իվանովիչն ինձ ասաց, որ նրան բաց են թողել, իսկ ձեր մասին ես չգիտեմ... Ոչ ոք էլ չի ասել, որ դուք այնտեղ եք...

— Այդ մասին էլ ի՞նչ ասել... Քանի Եգոր Իվանովիչը չի եկել, ես շորերս փոխեմ,— ասաց աղջիկը շուրջը նայելով:

— Դուք թրջված եք ամբողջովին...

— Ես թուցիկներ և գրքույկներ եմ բերել...

— Տվե՛ք, տվե՛ք,— շտապեց մայրը:

Աղջիկն արագ ետ տարավ վերարկուն, թափ տվեց և, ինչպես ծառից տերևներ են թափվում, վերարկուից հատակի վրա խշխշալով թափվեցին թղթի փաթեթները: Մայրը ծիծաղելով հավաքում էր դրանք հատակից և ասում.

— Ես էլ նայում տեսնում եմ՝ այնպե՛ս եք լցվել, կարծեցի մարդու եք գնացել, սպասում եք, որ երեխա ծնվի: Օհո՛, ինչբան շատ եք բերել: Մի՞թե ոտքով եք եկել:

— Այո,— ասաց Սաշենկան:

Նա հիմա նորից վայելչակազմ և բարակ էր, ինչպես առաջ: Մայրը տեսնում էր, որ նրա այտերը ներս են ընկել, աչքերը խոշորացել և նրանց տակ մութ բծեր են գոյացել:

— Նոր են բաց թողել ձեզ, հարկավոր է հանգստանալ, իսկ դուք...— հառաչելով և գլուխն օրորելով ասաց մայրը:

— Հարկավոր է,— պատասխանեց աղջիկը ցնցվելով:— Ասացե՛ք, ինչպե՞ս էր Պավել Միխայլովիչը, ոչի՞նչ... Շատ չվերգովե՞ց:

Հարցնելիս Սաշենկան մորը շէր նայում, գլուխը թեքած նա ուղղում էր մազերը, և նրա մատները դողողում էին:

— Ոչինչ,— պատասխանեց մայրը:— Նա ինքն իրեն մատնողը չի:

— Նա լավ առողջութուն ունի, չէ՞,— կամաց հարցրեց աղջիկը:

— Չի հիվանդացել երբեք,— պատասխանեց մայրը:— Դուք ոտից գլուխ դողում եք: Ես հիմա ձեզ մորու մուրաբայով թեյ կիմացնեմ:

— Դա լավ կլիներ: Միայն թե արժե՞, որ դուք անհանգրստանաք: Ուշ է: Թողեք ես ինքս...

— Հոգնած-հոգնած,— հանդիմանորեն արձագանքեց մայրը՝ շարժվել սկսելով ինքնաեզի մոտ: Սաշան էլ գնաց խոհանոց, նստեց այնտեղ նստարանին և ձեռը գլխի հետևը դնելով, ասաց.

— Այնուամենայնիվ բանտը թուլացնում է: Անիծված անգործություն: Դրանից ավելի տանջող ոչ մի բան չկա: Գիտես, թե ինչքան շատ աշխատել է հարկավոր, և նստում ես վանդակում գազանի պես...

— Ձեզ ո՞վ կվարձատրի այդ ամենի համար,— հարցրեց մայրը:

Եվ հառաչելով ինքն իրեն պատասխանեց.

— Ոչ ոք, բացի աստծուց: Երևի դուք էլ չեք հավատում նրան, հա՞:

— Ո՛չ,— հակիրճ պատասխանեց աղջիկը՝ գլուխն օրորելով:

— Իսկ ես ձեզ չեմ հավատում,— հանկարծ գրգռվելով հայտնեց մայրը: Եվ ածուխով կեղտոտված ձեռները գոգնոցով արագ սրբելով՝ նա խոր համոզմունքով շարունակեց.



— Դուք ձեր հավատը չեք հասկանում: Ինչպե՞ս կարելի է առանց աստծուն հավատալու ապրել այդպիսի կյանքով:

Նախասենյակում մեկը ոտները աղմուկով դռփեց, փնթփռնթաց, մայրը ցնցվեց, աղջիկն արագ վեր թռավ և շտապ շնչաց.

— Չբանաք, եթե այդ նրանք են՝ ժանդարմները, ձևացրեք, թե ինձ չեք ճանաչում... որ իբր ես տունը շփոթել եմ, ձեզ մոտ պատահմամբ եմ մտել, ուշաթափվել, դուք շորերս հանել եք, գրքերը գտել, հասկանո՞ւմ եք:

— Սիրելիս, ինչո՞ւ,— խանդաղատանքով հարցրեց մայրը:

— Սպասեցե՛ք,— ականջ դնելով ասաց Սաշենկան:— Սա կարծես թե Եգորն է...

Դա նա՛ էր, թրջված և հոգնածությունից շնչասպառ:

— Հա՛, Ինքնահոր պատրա՞ստ է,— բացականչեց նա:— Դա ամեն բանից լավ է կյանքում, մայրի՛կ: Դուք արդեն այստե՞ղ եք, Սա՛շենկա:

Փոքրիկ խոհանոցը խոպոտ հնչյուններով լցնելով՝ նա դանդաղորեն ծանր-ծանր հանում էր վերարկուն և առանց կանգ առնելու՝ խոսում.

— Ա՛յ, մայրի՛կ, այս աղջիկը շատ անդուրեկան է իշխանություն համար: Վիրավորվելով բանտի տեսչից՝ սա հայտնեց նրան, թե սովամահ է լինելու, եթե տեսուչն իրենից ներողություն չխնդրի, և ութ օր բան չի կերել, որից քիչ է մնացել ոտները մեկնի, մեռնի: Վատ չի՛: Իմ փո՞րս ոնց է, հը՞:

Շաղակրատելով և կարճ ձեռներով անճոռնի կերպով կախ ընկած փորը պահելով՝ նա անցավ սենյակը, դուռը հետևից ծածկեց, բայց այնտեղ ևս շարունակեց ինչ-որ բան ասել:

— Մի՞թե ութ օր դուք բան չեք կերել,— զարմացած հարցրեց մայրը:

— Հարկավոր էր, որ նա ներողություն խնդրի ինձնից,— պատասխանեց աղջիկը՝ մրսելուց ուսերը թոթվելով: Նրա հանգըստությունը և խոտասիրտ հաստատամտությունը մոր հոգու մեջ հանդիմանության նման մի բան հարուցեցին:

«Այ թե ինչ...» — մտածեց մայրը և նորից հարցրեց.— Իսկ եթե մեռնեի՞ք:

— Է՛հ, ի՞նչ արած,— կամաց պատասխանեց աղջիկը:— Նա այնուամենայնիվ ներողություն խնդրեց: Մարդ չպիտի վիրավորանքը ների:

— Այո՞... — դանդաղ արձագանքեց մայրը:— Բայց, ա՛յ կանանց ամբողջ կյանքում վիրավորում են...

— Ես բեռնաթափվեցի՛,— հայտնեց Եգորը՝ դուռը բանալով:— Ինքնահոր պատրա՞ստ է: Թույլ տվեք, ես ներս կտանեմ...

Նա ինքնահոր վերցրեց և տարավ՝ ասելով.

— Իմ հարազատ հայրիկը օրական խմում էր քսան բաժակից ոչ պակաս, ուստի և աշխարհիս երեսին առանց հիվանդանալու և խաղաղ ապրեց յոթանասուներեք տարի: Նա ութ փութ ծանրություն ուներ և սարկավագ էր վոսկրեսենսկոյե գյուղում...

— Դուք հայր Իվանի որդի՞ն եք,— բացականչեց մայրը:

— Հենց նա եմ: Իսկ դուք որտեղի՞ց գիտեք այդ:

— Ախր ես վոսկրեսենսկոյեից եմ:

— Հայրենակցուհի՞ս: Ումոնցի՞ց եք:

— Ձեր հարևանն ենք: Ես Սերյոգիներից եմ:

— Կաղ նիլի աղջի՞կը: Ինձ ծանոթ անձնավորություն է, որովհետև ականջներս շատ է քաշել...

Նրանք կանգնել էին իրար դեմ և իրար վրա հարցեր թափելով ծիծաղում էին: Սաշենկան ժպտալով նայեց նրանց և սկսեց թեյ պատրաստել: Ամանեղենի շխշխոցը մորը սթափեցրեց:

— Վա՛յ, ներեցե՛ք, խոսքով ընկա: Ախր շատ հաճելի բան է հայրենակից տեսնելը...

— Այդ ե՛ս պետք է ներողություն խնդրեմ, որ այստեղ կարգադրություն եմ անում: Բայց արդեն ժամը տասից անց է, իսկ ես հեռու տեղ եմ գնալու...

— Ո՛ւր պիտի գնաք: Քաղա՞ք,— զարմացած հարցրեց մայրը:

— Այո՞:

— Ի՛նչ եք ասում: Մութ է, եղանակը խոնավ, դուք հոգնա՞ծ: Այստե՛ղ գիշերեցեք: Եգոր Իվանովիչը խոհանոցում կպռակի, իսկ ես ու դուք այստեղ:

— Ո՛չ, ես պետք է գնամ,— ուղղակի հայտնեց աղջիկը:

— Այո՞, հայրենակցուհի, պահանջվում է, որ օրիորդը չբանա: Նրան այստեղ ճանաչում են: Եվ եթե նա վաղը փողոցում երևա, դա լավ չի լինի,— հայտնեց Եգորը:

— Բայց ինչպե՞ս: Մենա՞կ կգնա...

— Կգնա՛, — ասաց Եզորը ժպտալով:

Աղջիկն իր համար թեյ լցրեց, վերցրեց մի կտոր հաճարի հաց, աղ ցանեց վրան և սկսեց ուտել՝ մտախոհ նայելով մորը:

— Այդ ինչպե՞ս թե գնում եք: Դո՞ւք էլ, Նատաշա՞ն էլ: Ես չէի կարող գնալ, կվախենայի՛,— ասաց Վլասովան:

— Նա էլ է վախենում, — նկատեց Եզորը: — Դուք վախե՛նում եք, Սա՛շա:

— Իհարկե՛, — պատասխանեց աղջիկը:

Մայրը նայեց նրան, Եզորին և կամացուկ բացականչեց.

— Ի՛նչ... խիստն եք:

Թեյ խմելուց հետո Սաշան լուռ սեղմեց Եզորի ձեռքը, գնաց խոհանոց, իսկ մայրը նրան ճանապարհ դնելու համար դուրս եկավ հետևից: Խոհանոցում Սաշենկան ասաց.

— Պավել Միխայլովիչին տեսնելուց հաղորդեցե՛ք նրան իմ բարեք: Խնդրո՞ւմ եմ:

Եվ դուան կեռից բռնելով՝ հանկարծ ետ շրջվեց, կամաց հարցրեց.

— Կարելի՞ է ձեզ համբուրել:

Մայրը լուռ գրկեց նրան և ջերմ համբուրեց:

— Շնորհակալութ՞յուն, — կամաց ասաց աղջիկը և գլխով աննկղձ հեռացավ:

Սենյակ դռնալուով՝ մայրը անհանգստությունից նայեց պատուհանից: Խավարի մեջ ծանր-ծանր թափվում էին ձյան թաց փաթիլները:

— Իսկ Պրոզորովներին հիշո՞ւմ եք, — հարցրեց Եզորը:

Նա նստել էր ոտները լայն դրած և ուժեղ փչում էր բաժակի թեյին: Նրա դեմքը կարմիր էր, քրտնած, գոհ:

— Հիշո՞ւմ եմ, հիշում, — մտախոհ ասաց մայրը կողքանց մոտ գալով սեղանին: Նստեց և տխուր աչքերով Եզորին նայելով՝ դանդաղորեն ձայնը երկարացրեց.

— Ա՛յ-ա՛յ-ա՛յ: Սաշենկային բան չպատահի՞: Ինչպե՞ս կհասնի:

— Կհոգնի՛, — համաձայնեց Եզորը: — Բանտը նրան խիստ քայքայել է, աղջիկն առաջ ավելի ամուր էր... Մյուս կողմից էլ նա քնքուշ ապրած աղջիկ է... Կարծես թե թոքերը արդեն փչացրել է...

— Ո՞վ է նա, — կամաց հարցրեց մայրը:

— Մի կալվածատիրոջ աղջիկ է: Հայրը մեծ ստահակ է,

ինչպես ինքը Սաշան է ասում: Դուք գիտե՞ք, մայրի՛կ, որ նրանք ուզում են ամուսնանալ:

— Ովքե՞ր:

— Նա և Պավելը: Բայց, ա՛յ, ոչ մի կերպ չի հաջողվում. երբ մեկն ազատ է, մյուսը բանտումն է, և ընդհակառակը:

— Ես այդ չգիտեի, — կարճ լուռությունից հետո պատասխանեց մայրը: — Պաշան իր մասին ոչ մի բան չի ասում...

Այժմ մայրն սկսեց ավելի շատ խղճալ այդ աղջկան և ակամա անբարյացակամությունից հյուսիս նայելով ասաց.

— Ի՞նչ կլինե՞ր ուղեկցեիք նրան...

— Զի կարելի, — հանգիստ պատասխանեց Եզորը: — Ես այստեղ ահագին գործ ունեմ, և առավոտից սկսած պետք է ամբողջ օրը շրջեմ, շրջեմ, շրջեմ: Դա հաճելի զբաղմունք չի ինձ նման շնչարգելություն ունեցողի համար...

— Լավ աղջիկ է, — անորոշ նկատեց մայրը՝ մտածելով այն մասին, ինչ հաղորդեց Եզորը: Նրա համար վիրավորական էր լսել այդ ոչ թե որդուց, այլ օտար մարդուց, և նա շրթունքներն ամուր սեղմեց հոնքերն իջեցնելով:

— Լա՛վն է, — գլխով արեց Եզորը: — Տեսնում եմ՝ խղճում եք նրան: Զո՛ւր: Զեր սիրտը բավական չի լինի, եթե սկսեք խղճալ մեզ՝ բոլոր խոռվարարներին: Մեր ամենքիս կյանքն էլ այնքան թեթև չի, ճիշտն ասած: Ա՛յ, վերջերս աքսորից վերադարձավ ընկերս. երբ նա գալիս էր Նիժնիով, կինն ու երեխան սպասում էին Սմոլենսկում, իսկ երբ Սմոլենսկ հասավ, նրանք արդեն Մոսկվայի բանտումն էին: Այժմ կնո՛ջ հերթն է Սիբիր դնալու: Ես էլ կին ունեի, հրաշալի մարդ էր, հինգ տարվա այսպիսի կյանքը նրան գերեզման տարավ...

Նա մի շնչով խմեց մի բաժակ թեյ և շարունակեց պատմել: Թվարկելով բանտարկության, աքսորի տարիներն ու ամիսները, հաղորդում էր զանազան դժբախտությունների, բանտերում եղած ծեծերի, Սիբիրում տիրող սովի մասին: Մայրը նայում էր նրան, ականջ դնում և զարմանում, թե ինչպե՞ս հասարակ ու հանգիստ էր խոսում նա այդ կյանքի մասին, որ լի էր տառապանքներով, հալածանքներով, ծաղրուծանակով...

— Բայց խոսե՞ք գործի՛ մասին:

Նրա ձայնը փոխվեց, դեմքը լրջացավ: Նա սկսեց հարցնել մորից, թե նա ինչպե՞ս պիտի գործարան տանի զբոսովները,

և մայրը զարմանում էր նրա՝ դանազան մանր-մունր բաները նրբորեն գիտենալու վրա:

Այդ վերջացնելով՝ նրանք նորից սկսեցին հիշել իրենց հարազատ գյուղը. Եզորը կատակում էր, իսկ մայրը մտախոհ թափառում էր իր անցյալում, որը թվում էր նրան տարօրինակ կերպով նման մի ճահճի, որը միատեսակ ծածկված է գուղձերով, վախվիսելով դողացող բարակ կաղամախիներով, կարճ եղենիներով և գուղձերի մեջ խճճված սպիտակ կեչիներով: Կեչիները դանդաղ էին աճում և մի հինգ տարի կանգուն մնալով երերուն, փտած հողի վրա, ընկնում ու փտում էին: Նա նայում էր այդ տեսարանին և անտանելի ափսոսում մի ինչ-որ բան: Նրա առաջ կանգնած էր աղջկա կերպարանքը խիստ, համառ դեմքով: Նա այժմ գնում էր ձյունի թրջող փաթիլների միջով միայնակ, հոգնած: Իսկ որդին նստած է բանտում: Գուցե նա դեռ քնած չի, մտածում է... Բայց մտածում է ոչ թե իր՝ մոր մասին, նա սրտին իրենից ավելի մոտ մարդ ունի: Խայտաբղետ, խառնիճաղանջ ամպերի պես մոր վրա էին սողում ծանր մտքերը և ամուր պարուրում սիրտը...

— Հոգնել եք, մայրի՛կ: Պառկենք քնե՛նք, — ասաց Եզորը ժպտալով:

Մայրը հրձեղ տվեց նրան և կողքանց զգուշությամբ անցավ խոհանոց՝ սրտում տանելով մի կծու, դառն զգացմունք:

Առավոտյան թեյ խմելիս, Եզորը հարցրեց նրան.

— Իսկ եթե ձեզ ճանկեն, հարցնեն, թե որտեղից եք վերցրել այդ հերետիկոսական գրքույկները, դուք ի՞նչ կասեք:

— Կասեմ. «Ձեր գործը չի՛», — պատասխանեց մայրը:

— Նրանք դրա հետ ոչ մի կերպ չե՛ն համաձայնի, — առարձկեց Եզորը: — Նրանք խոր համոզված են, որ դա հենց իրենց գործն է: Եվ կհարցնեն եռանդագին, երկա՛ր:

— Իսկ ես չեմ ասի՛:

— Իսկ ձեզ բանտ կնստեցնե՛ն:

— Է՛, ի՞նչ անենք: Փառք աստծու, գոնե այդ բանի համար պետք կգամ, — ասաց մայրը հառաչելով: — Ես ում եմ պետք: Ոչ ոքի: Իսկ տանջանք չեն տա՝ ասում են...

— Հը՛մ, — ասաց Եզորը ուշադրությամբ նայելով նրան: — Տանջանք չեն տա: Բայց լավ մարդը պետք է իրեն պահպանի...

— Ձեզնից այդ բանը դժվար է սովորել, — պատասխանեց մայրը ժպտալով:

Եզորը քիչ լուռ մնալով՝ սկսեց սենյակում շրջել, ապա մոտեցավ մորը և ասաց.

— Դժվար է, հայրենակցուհի՛: Զգում եմ, շա՛տ դժվար է ձեզ համար:

— Ամենքի համար է դժվար, — ձեռքը թափ տալով պատասխանեց մայրը: — Գուցե միայն ովքեր հասկանում են, նրանց համար է մի քիչ թեթև... Բայց ես էլ եմ մի քիչ հասկանում, թե ի՞նչ են ուզում լավ մարդիկ...

— Իսկ եթե դուք այդ հասկանում եք, մայրի՛կ, նշանակում է դուք բոլորին հարկավոր եք, բոլորին, — լրջորեն ասաց Եզորը:

Մայրը նայեց նրան և լուռ ծպտաց:

Կեսօրին նա հանգիստ և բանիմացորեն կուրծքը լցրեց գրքույկներով և այնպես ճարպիկ ու հարմար կատարեց այդ բանը, որ Եզորը բավականություն չէր ունենում ծպտացրեց հայտնելով:

— Զե՛ր գուտ՞, ինչպես ասում է լավ գերմանացին, երբ մի դույլ զարեջուր է խմում: Մայրի՛կ, գրականությունը ձեզ չի՛ փոխել. դուք մնացել եք բարի, հասակավոր կին, լիբը-լիբը և բարձրահասակ, թո՛ղ անթիվ աստվածներն օրհնեն ձեր ձեռնարկությունը...

Կես ժամից հետո իր բեռի ծանրության տակ կորացած, հանգիստ ու վստահ, մայրը կանգնած էր գործարանի դարպասի մոտ: Բանվորների ծաղրուծանակից գրգռված երկու պահակներ նրանց հետ կովելով կոպտաբար շոշափում էին բոլոր բակ մրտնոզներին: Մի կողմում կանգնած էին մի ոստիկան և կարմիր երեսով, արագ պտտվող աչքերով մի բարակոտն մարդ: Մայրը ամանների լծակը մի ուսից մյուսը փոխադրելով՝ աչքի տակով հետևում էր նրան, զգալով, որ նա լրտեսում է:

Մի բարձրահասակ, գանգրահեր տղա, գլխարկը ծոծրակին, գոռում էր իրեն խուզարկող պահակներին.

— Սատանանե՛ր, դուք մարդու գլո՛խը խուզարկեցեք, ո՛չ թե գրպանները:

Պահակներից մեկը պատասխանեց.

— Քո գլխում սարդերից բացի ուրիշ բան չկա...

\* Շատ բարի:

— Գուք սարդ պիտի բռնեք, ոչ թե մարդ\*, — պատասխանեց բանվորը:

Կրտեսը նրա վրա արագ հայացք նետեց և թքեց:

— Ի՞նչ կլինի ինձ բաց թողնեք, — խնդրեց մայրը: — Տեսնում եք բեռս ծանր է, մեջքս կտորվում է:

— Գնա՛, գնա՛, — բարկացած գոռաց պահակը: — Շատ ես խոսում...

Մայրը հասավ իր տեղը, ամանները գետնին դրեց և քրտինքը երեսից սրբելով նայեց շուրջը:

Իսկույն նրան մոտեցան փականագործ Գուսև եղբայրները, և ավագը՝ Վասիլին, հոնքերը կիտելով բարձրաձայն հարցրեց.

— Կարկանդակներ ունե՞ս:

— Վա՛ղը կբերեմ, — պատասխանեց մայրը:

Դա պայմանական խոսքն էր: Եղբայրների աչքերը փայլեցին: Իվանը շհամբերելով՝ բացականշեց.

— Մարդու քեֆ է գալիս, հա՛...

Վասիլին պաղեց նայելով ամանին, այդ նույն ժամանակ նրա կոնատակը թռուցիկների մի կապոց հայտնվեց:

— Իվա՛ն, — բարձրաձայն ասում էր նա, — տուն չգնանք, արի սրա մոտ ճաշենք: — Իսկ ինքն արագ-արագ կոշիկների ճիտքերն էր խրում գրքույկները: — Պետք է նոր առևտրականին օգնել...

— Պետք է, — համաձայնեց Իվանը և քրքրաց:

Մայրն զգուշորեն շուրջը նայելով՝ կանչում էր.

— Շշի՛, տաք-տաք լապշա՛:

Եվ աննկատելիորեն գրքերը հանելով կապոց կապոցի հետևից՝ կոխում էր եղբայրների ձեռքը: Ամեն անգամ, երբ գրքերը նրա ձեռքից անհետանում էին, նրա առջև ժանդարմային սպայի դեմքն էր բռնկվում դեղին բծի պես, ինչպես լուցկու կրակը մութ սենյակում, և մայրը մի շարախինդ զգացմունքով ասում էր ժանդարմին.

«Ա՛ռ քեզ, տեր իմ...»

Հետևյալ կապոցը հանձնելով՝ գոհունակությամբ ավելացնում էր.

\* Բնագրում գլխի միջատներից և պերկես ձկներից կազմված բառախաղ է, որ մենք փոխեցինք սարդ և մարդ բառերով, որպեսզի թե՛ բառախաղ ստացվի, թե՛ ասածի միտքը տրվի: Մ. Բ.:

«Ա՛ռ...»

Մոտենում էին բանվորները գավաթները ձեռներին. երբ նրանք մոտ էին լինում, Իվան Գուսևն սկսում էր բարձր քրքրջալ, և վլասովան ընդհատում էր հանձնելը՝ շշի և լապշա լրջնելով, իսկ Գուսևները կատակում էին նրա մասին.

— Ճարպիկ է գործում Նիլովնան:

— Կարիքը կստիպի մկներ էլ բռնել, — մռայլ նկատեց մի հնոցապան: — Կերակրողին խլել են: Սրիկանե՛ր: Ապա՛, երեք կոպեկի լապշա լցրու: Վնաս չունի՛, մա՛յր: Յուլա կգնա՛ս:

— Շնորհակալություն բարի խոսքիդ համար, — ժպտաց նրան մայրը:

Հնոցապանը դենը գնալով փնթփնթում էր.

— Ինձ համար մի թանկ բան չէ բարի խոսքը...

Վլասովան կանչում էր.

— Տաք շշի՛, լապշա՛, շշի՛...

Եվ մտածում էր, թե որդուն ինչպես կպատմի իր առաջին փորձի մասին, իսկ նրա աչքերի առջև դեռ կանգնած էր սպայի դեղին դեմքը, վարանոտ ու շար: Նրա վրա շփոթված շարժվում էին սև ընչացքները, և վերին, վեր բարձրացած շուրթի տակից փայլում էր ամուր սեղմված ատամների սպիտակ ոսկրը: Մոր կրծքում թռչունի պես երգում էր ուրախությունը, հոնքերը խորամանկորեն ցնցվում էին, և նա իր գործը ճարպկորեն կատարելով՝ ինքն իրեն ասում էր.

— Ահա՛, էլի...

## XVI

Երեկոյան, երբ մայրը թեյ էր խմում, պատուհանից դուրս՝ ցեխի մեջ լավեց ձիու սմբակների չփչոց և մի ծանոթ ձայն հնչեց: Մայրը վեր ցատկեց, նետվեց խոհանոց, դեպի դուռը, նախասենյակով մեկը գալիս էր արագ, մոր աչքերը մթնեցին, նա դուռն շրջանակին հենվելով՝ դուռը ոտով հրեց:

— Բարի երեկո, մա՛յր, — հնչեց ծանոթ ձայնը և մոր ուսերի վրա ընկան շոր, երկար ձեռները:

Մոր սրտում իրար խառնվեցին հիասթափության թախիծը և Անդրեյին տեսնելու ուրախությունը: Բռնկեցին, իրար խառնրվելով դարձան մի մեծ, այրող զգացմունք, որը գրկեց մորը ջերմ ալիքի պես, գրկեց, բարձրացրեց, և մայրը դեմքը ձգեց

դեպի Անդրեյի կուրծքը: Անդրեյն ամուր գրկեց նրան, ձեռները դողում էին, մայրը լուռ, կամաց լալիս էր, Անդրեյը շոյում էր նրա մազերը և ասում, կարծես երգում էր.

— Դե լաց մի՛ եղեք, մա՛յր, սրտներդ մի՛ տանջեք: Ազնիվ խոսք եմ ասում ձեզ՝ նրան շուտով բա՛ց կթողնեն: Նրանք ոչ մի փաստ չունեն նրա դեմ, բոլոր տղաները լուռ են մնում եփած ձկների պես...

Մոր ուսերը գրկելով՝ տարավ սենյակը, իսկ մայրը նրան հպվելով սկյուռի պես արագ շարժումով դեմքից սրբում էր արցունքները և անհագորեն, ամբողջ կրծքով կլանում Անդրեյի բառերը:

— Պավելը բարևում է ձեզ, առողջ և ուրախ է, որքան որ կարող է լինել: Այնտեղ նեղվածք է: Հարյուրից ավելի մարդիկ են բռնոտել թե՛ մերոնցից, թե՛ քաղաքից, ամեն մի սենյակում երեք-երեք, չորս-չորս են նստած: Բանտի իշխանությունը, վնաս չունի, լավ է և հոգնել էլ է, այնքան շատ գործ են դրել նրա վրա անհիժված ժանդարմները: Այնպես որ, իշխանությունն այնքան էլ խիստ հրամաններ չի տալիս, այլ միշտ ասում է. դե լավ, պարոններ, մի քիչ հանդարտ, մեզ անհարմար դրու-թյան մեջ մի՛ դրեք: Ե՛հ, ամեն բան լավ է գնում: Զրուցում են իրար հետ, իրար գրքեր են տալիս, ուտելիքը բաժանում են իրար մեջ: Լա՛վ բանտ է: Հին է, կեղտոտ, բայց մեղմ է մի տեսակ, թեթև է: Քրեականներն էլ շատ լավ մարդիկ են, մեզ շատ են օգնում: Բաց թողեցին ինձ, Բուկինին և էլի չորս հոգու Շուտով Պավելին էլ բաց կթողնեն: Ամենից երկար Վեսովշչի-կովը կնստի, նրա վրա շատ են բարկանում: Նա բարձրաձայն հայհոյում է անդադար: Ժանդարմները նրա վրա մտիկ տալ չեն կարողանում: Նա երևի դատի տակ ընկելի, կամ մի անգամ ծեծ կուտի: Պավելը նրան հորդորում է. «Թո՛ղ, Նիկո՛լայ, նրանք հո չեն լավանալու, եթե դու նրանց հայհոյես», իսկ նա բոտում է. «Նրանց խոցերի նման պիտի պոկեմ երկրի երեսից»: Պավելն իրեն շատ լավ է պահում, հավասարակշռված, հաստատակամ: Շուտով բաց կթողնեն նրան, ասում եմ ձեզ...

— Շուտով, — ասաց մայրը հանգստացած և սիրալիր ժրպ-տալով: — Ես գիտեմ, շուտով:

— Լա՛վ է, որ իմանում եք: Ապա ինձ համար մի թեյ լրց-րեք է՛, ասացեք տեսնեմ՝ ինչպես եք անցկացրել:

Անդրեյը նայում էր մորը, ասես ոտից գլուխ ժպտալով,

այնպես մոտիկ ու լավ, և նրա կլոր աչքերում շողում էր սիրո մի քիչ թախծոտ կայծը:

— Ես ձեզ շատ եմ սիրում, Անդրյուշա, — խոր հառաչելով ասաց մայրը՝ դիտելով նրա նիհար դեմքը, որը շատ երկարած մազերի մուգ փնջերից ծիծաղելի էր թվում:

— Ինձ քիչն էլ բավական է: Ես գիտեմ, որ ինձ սիրում եք, դուք կարող եք ամենքին սիրել, ձեր սիրտը մեծ է, — աթոռի վրա ճոճվելով ասաց խոխուրը:

— Ո՛չ, ձեզ առանձնապես եմ սիրում, — պնդում էր մայ-րը: — Եթե դուք մայր ունենայիք, մարդիկ նրան կնախանձեին, որ այդպիսի տղա ունի...

Խոխուրը գլուխը տարուբերեց և երկու ձեռքով պինդ տրո-րեց:

— Ես էլ մայր ունեմ որևէ մի տեղ... — կամաց ասաց նա:

— Բայց գիտե՛ք ես այսօր ինչ եմ արել, — բացականչեց մայրը և բավականությունից շնչակտուր՝ մի քիչ գունավո-րելով պատմեց, թե ինչպես գրականություն տարավ գործարան: Խոխուրը նախ աչքերը շոց գարմացած, հետո քրքրաց ոտ-ները շարժելով, մատներով ծեծեց գլուխը և հրճվանքով գոչեց.

— Օձո՛ւ է՛, դա կատակ չի՛: Դա գո՛րծ է: Պավելն ինչպես կուրախանա, հա՛: Այդ լավ բան է, մա՛յր, թե՛ Պավելի համար և թե՛ բոլորի:

Նա հիացմունքով մատները շրխկացնում էր, սուլում և ամ-բողջ իրանով ճոճվում, ուրախությունից փայլում էր, մոր մեջ ուժգին, լիակատար արձագանք առաջ բերելով:

— Սիրելի՛ս, Անդրյուշա՛, — ասում էր մայրն այնպես, որ կարծես նրա սիրտը բացվել էր, և նրանից խայտալով դուրս էին ցայտում մեղմ ուրախությամբ լի բառերը: — Ես մտածում էի իմ կյանքի մասին, Հիսո՛ւս Քրիստոս: Է՛, ինչո՛ւ եմ ապրել: Ծեծ... աշխատանք... բան չեմ տեսել, բացի մարդուցս, բան չեմ իմա-ցել, բացի երկյուղից: Թե ինչպես մեծացավ Պաշան՝ շտեսա, և արդյոք սիրե՞լ եմ նրան, երբ ամուսինս կենդանի էր, չգիտեմ: Իմ բոլոր հոգսերը, բոլոր մտքերս մի բանի մասին էին — կե-րակրել իմ զազանին համեղ, կուշտ, ժամանակին սիրտը շահել, որ չխոժոժվի, ծեծով չվախեցնի, խղճա թեկուզ մի անգամ: Չեմ հիշում, որ երբևիցե խղճացած լինի: Նա ինձ այնպես էր ծեծում, որ կարծես ոչ թե կնոջն է ծեծում, այլ ամենքին, ում վրա շա-րացած է: Քսան տարի այդպես ապրեցի, իսկ թե ինչ է եղել մին-

չև ամուսնանալս, շեմ հիշում: Հիշում եմ և կույրի պես ոչինչ չեմ տեսնում: Այստեղ էր Եգոր Իվանովիչը, ես ու նա միևնույն գլուղացի ենք, այս էր ասում, այն էր ասում, իսկ ես տները հիշում եմ, մարդկանց հիշում եմ, իսկ թե մարդիկ ինչպես էին ապրում, ինչ էին խոսում, ում ինչ էր պատահել, մոռացել էի: Հրդեհները հիշում եմ, երկու հրդեհ: Երևի մեջիցս ամեն բան ծեծով զուրս է հանվել, հոգիս անդարձ խլացել է, կուրացել, չի լսում ու չի տեսնում...

Նա շունչ առավ և ջրից հանած ձկան պես ագահաբար օդ կլանելով՝ առաջ թեքվեց և ձայնն իջեցնելով շարունակեց.

— Մարդս մեռավ, ես տղայիցս բռնեցի, նա էլ այս ճանապարհով գնաց: Ահա այդտեղ ես ինձ վատ զգացի և սկսեցի խղճալ նրան... Եթե կորչի, ես ինչպե՞ս պիտի ապրեմ: Ինչքա՞ն երկյուղ, անհանգստություն եմ կրել ես, սիրտս պատռվել է, երբ մտածել եմ նրա վիճակի մասին...

Նա լռեց և գլուխը կամաց օրորելով՝ նշանակալից շեշտով ասաց.

— Մաքուր չի՞ մեր այդ կանացի սերը... Մենք ա՛յն ենք սիրում, ինչ որ մե՛զ է պետք: Բայց, ա՛յ, մտիկ եմ անում ձեզ, ձեր մոր կարոտն եք քաշում, նա ձեզ ինչի՞ է պետք: Մյուս բոլոր մարդիկ էլ ժողովրդի համար են տանջվում, բանտեր են գնում և Սիբիրում մեռնում... երիտասարդ աղջիկները ճանապարհ են գնում գիշերը, մենակ, ցեխի միջով. անձրևի տակ, քաղաքից յոթ վերստ անցնելով՝ գալիս են մեզ մոտ: Նրանց ո՞վ է քշում, ո՞վ է առաջ մղում: Նրանք սիրում են: Ա՛յ, նրանք մաքո՛ւր են սիրում: Հավատում են: Հավատում են, Անդրյուշա: Իսկ ես այդպես անել չեմ կարողանում: Ես սիրում եմ ի՛մը, մոտի՛կը:

— Դուք կարո՞ղ եք,— ասաց խոխուր և դեմքը նրանից դարձնելով՝ ըստ իր սովորության ձեռներով ամուր տրորեց գլուխը, այտը և աչքերը:— Ամենքը սիրում են մոտիկը, բայց մեծ սրտի համար հեռո՞ւն էլ մոտիկ է: Դուք շատ բան կարող եք: Մեծ է ձեր մայրական...

— Աստված անի,— կամաց ասաց մայրը:— Ես չե՞ որ զգում եմ, որ այսպես ապրելը լա՛վ է: Ա՛յ, ես ձեզ սիրում եմ, գուցե ես ձեզ սիրում եմ ավելի լավ, քան Պաշային: Նա ծածկամիտ է... Ա՛յ, նա ուզում է ամուսնանալ Սաշայի հետ, բայց ինձ, որ իր մայրն եմ, այդ մասին բան չի ասել...

— Ծշմարիտ չի՞,— առարկեց խոխուրը:— Ես այդ գիտեմ:

Ծշմարիտ չի: Նա աղջկան սիրում է, աղջիկն էլ նրան՝ ուղիղ է: Իսկ ամուսնանալ՝ այդ չի լինի, չէ՛: Աղջիկը կուղեր, բայց Պավելը չի ուզում...

— Ա՛յ թե ի՞նչ,— մտախոհ և կամաց ասաց մայրը, և նրա աչքերը տխուր կանգ առան խոխուրի դեմքի վրա:— Այո: Այ թե ինչ: Մարդիկ իրենք իրենցից հրաժարվում են...

— Պավելը հաղվագյու՛տ մարդ է,— կամաց արտասանեց խոխուրը:— Երկաթե մարդ...

— Հիմա, ա՛յ, նա նստած է բանտում,— տարակուսած շարունակեց մայրը:— Անհանգստացնում է դա ինձ, երկյուղալի է, բայց ոչ այնպես, ինչպես առաջ: Ամբողջ կյանքն այնպես չի, երկյուղն էլ է ուրիշ, ամենքի՛ համար ես անհանգստանում: Սիր-տըն էլ է ուրիշ, հոգին իր աչքերը բացել, նայում է, տխրում և ուրախանում է: Շատ բան ես չեմ հասկանում, և այնպես է սիրտըս վիրավորվում, դառնանում, որ աստծուն չեք հավատում դուք: Է՛, դա արդեն ի՞նչ կարող եմ անել: Բայց տեսնում եմ՝ լավ մարդիկ եք դուք, այո՛: Եվ ձեզ դատապարտել եք ծանր լավ մարդիկ եք դուք, ծանր կյանքի՛ ճշմարտության հակյանքի՛ ժողովրդի համար, ծանր կյանքի՛ ճշմարտության համար: Ես ձեր ճշմարտությունն էլ եմ հասկացել. քանի որ հարուստներ կան, ժողովուրդը ոչ մի բանի չի հասնի, ո՛չ ճշմարտության, ո՛չ ուրախության, ոչնչի՛: Ա՛յ, ես ապրում եմ ձեր մեջ, երբեմն գիշերը հիշում եմ անցյալը, իմ ուժը, որ կոխտովել է ոտի տակ, իմ ճնշված երիտասարդ սիրտը, ինքս խղճում եմ ինձ, սիրտս դառնանում է: Բայց էլի՛, կյանքս ավելի լավացել է: Ես ինքս ինձ ավելի ու ավելի շատ եմ տեսնում...

Խոխուր վեր կացավ և աշխատելով ոտները չքսաքստացնել՝ սկսեց շրջել սենյակում իր բարձր, նիհար, խոհուն կերպարանքով:

— Լա՛վ ասացիք դուք,— կամաց բացականչեց նա:— Լա՛վ: Կերչում մի երիտասարդ հրեա կար, ոտանավորներ էր գրում և մի անգամ այսպիսի բան գրեց.

Եվ անմեղ տեղը սպանվածներին  
Ծշմարիտ ուժը հարություն կտա...

Հենց իրեն այնտեղ Կերչում ոտականությունն սպանեց, բայց դա կարևոր չի: Նա ճանաչում էր ճշմարտությունը և մարդկանց մեջ շատ էր սերմանել այն: Դուք էլ, ահա, անմեղ տեղը սպանված մարդ եք...

— Ես խոսում եմ հիմա, — շարունակեց մայրը, — խոսում եմ, ինքս ինձ լսում, ինքս ինձ չեմ հավատում: Ամբողջ կյանքս մտածել եմ մի բանի մասին, ինչպե՞ս անեմ, որ օրը մի կերպ անց կացնեմ, աննկատելի, միայն թե ի՞նձ ձեռք չտան: Իսկ հիմա ամենքի մասին եմ մտածում, զուցե և այնպես չեմ հասկանում ձեր բաները, ինչպես պետք է, բայց ամենքն էլ մոտ են ինձ, ամենքին եմ խղճում, ամենքի լավն եմ ուզում: Իսկ ձեզ, Անդրյո՛ւշա, առանձնապե՛ս...

Խոխուրը մոտեցավ նրան, ասաց.

— Շնորհակա՛լ եմ:

Վերջրեց նրա ձեռքն իր ձեռների մեջ, ամուր սեղմեց, թափ տվեց և արագ դարձավ մի կողմ: Հուզմունքից խոնջացած մայրն առանց շտապելու լվանում էր գավաթները և լոռում, նրա կրծքում կամաց տաքանում էր մի աշխույժ, սիրտը ջերմացնող զգացմունք:

Խոխուրը շրջելով ասում էր նրան.

— Ա՛յ, լավ կլինեք, մա՛յր, Վեսովշչիկովին գուրգուրեիք մի անգամ: Նրա հայրը նստած է բանտում, մի պիղծ ծերուկ է: Նիկոլայը հենց որ պատուհանից տեսնում է նրան, հայհոյում է: Դա լավ չի՛: Նա բարի է, Նիկոլայը սիրում է շնորհին, մկնորին և ամեն մի արարածի, իսկ մարդկանց չի՛ սիրում: Ա՛յ թե ինչ աստիճան կարելի է փշացնել մարդուս:

— Նրա մայրն անհետ կորավ, հայրը գող է ու հարբեցող, — մտախոհ ասաց կինը:

Երբ Անդրեյը քնելու գնաց, մայրն աննկատելիորեն խաչակնքեց նրան, իսկ երբ նա պառկեց և մի կես ժամ անցավ, մայրը կամաց հարցրեց.

— Քնած չե՞ք, Անդրյո՛ւշա:

— Ոչ, ի՞նչ կա:

— Բարի գիշեր:

— Շնորհակա՛լ եմ, մա՛յր, շնորհակալ եմ, — երախտագիտորեն պատասխանեց նա:

## XVII

Հետևյալ օրը, երբ Նիլովնան իր բեռով մոտեցավ գործարանի դարպասին, պահակները կոպտաբար կանգնեցրին նրան, հրամայելով ամանները գետնին գնել, խնամքով խուզարկեցին բոլորը:

— Կերակուրս կստեղծե՞ք, — հանգիստ նկատեց նա այն ժամանակ, երբ նրանք կոպտաբար շոշափում էին նրա զգեստը:

— Լո՛ր, — մոռյլ ասաց մի պահակ:

Մյուսը թեթևակի հրելով մոր ուսը՝ վստահ ասաց.

— Ասում եմ՝ ցանկապատի վրայով են գցում:

Առաջինը մոտեցավ նրան ծերունի Սիզովը և շուրջը նայելով կամաց հարցրեց.

— Լսեցի՞ր, մա՛յր:

— Ի՞նչ:

— Թղթերի մասին: Նորի՛ց են երևացել, հացի վրա ցանած աղի պես ամեն տեղ շաղ են տվել: Այս էլ քեզ ձերբակալություններ ու խուզարկություններ: Մազիներն, քրոջս որդուն, բանտ տարան, է՛, որ ի՞նչ: Քո՞ տղային տարան, հիմի հո երևում է, որ այդ նրա՛նք չեն:

Նա մորուքը ձեռքի մեջ ժողովեց, նայեց կնոջը և հեռանալով ասաց.

— Ինչո՞ւ մեզ մոտ չես գալիս: Մենակ երևի տխուր կլինի...

Մայրը շնորհակալություն հայտնեց և կերակուրների անունները կանչելով՝ ուշի ուշով դիտում էր գործարանում տիրող արտասովոր կենդանությունը: Ամենքը հուզված էին, հավաքվում, ցրվում էին, մի ցեխից մյուսն էին վազում: Մրով լի օդում մի առույգ, համարձակ բանի հով էր զգացվում: Մերթ ալստեղ, մերթ այնտեղ լսվում էին հավանության բացականությունների, ծաղրական գոչեր: Հասակավոր բանվորներն զգուշությամբ քրմծիծաղ էին տալիս: Մտահոգ շրջում էին պետերը, ոստիկանները վազվզում էին, և բանվորները նրանց նկատելով՝ դանդաղ ցրվում էին կամ տեղերում մնալով դադարեցնում էին խոսակցությունը, լուռ նայում զայրացած, գրգռված դեմքերին:

Բոլոր բանվորները մաքուր լվացված էին երևում: Աչքի էր ընկնում ավագ Գուսևի բարձրահասակ կերպարանքը. նրա եղբայրը բաղիկի պես ման էր գալիս և քրքում:

Մոր մոտով առանց շտապելու անցան ատաղձագործական ցեխի վարպետ Վավիլովը և համարակալ Իսայը: Փոքրիկ, վտիտ համարակալը զլուխը վեր նետելով պարանոցը ծոց գեպի ձախ և վարպետի անշարժ, ուռած դեմքին նայելով՝ խոսեց արագ, փոքրիկ մորուքը տմբտմբացնելով.

— Իվա՛ն Իվանովիչ, իրանք քրքում են, նրանց քեֆը գալիս է, թեև գործը վերաբերում է պետության կործանմանը, ինչ-

պես ասաց պարոն դիրեկտորը: Այստեղ, Իվա՛ն Իվանովիչ, ոչ թե քաղհանել, այլ հերկել է հարկավոր...

Վավիլովը գնում էր ձեռները մեջքին դրած, և նրա մատներն ամուր սեղմված էին...

— Դու, շա՛ն որդի, այնտեղ ինչ կուզես տպի՛ր,— բարձրաձայն ասաց նա,— բայց իմ մասին՝ չհամարձակվես:

Մոտեցավ Վասիլի Գուսևը՝ հայտնելով.

— Իսկ ես էլի՛ քեզ մոտ եմ ճաշելու, համե՛ղ է ճաշդ:

Նվ ձայնն իջեցնելով, աչքերը կկոցելով կամաց ավելացրեց.

— Լա՛վ կպցրիք... է՛հ, մայրի՛կ, շա՛տ լավ էր:

Մայրը սիրալիր գլխով արեց նրան: Մորը դուր էր գալիս, որ այդ տղան, ավանի առաջին շարաճճին, իր հետ գաղտնի խոսելիս «դուք»-ով էր խոսում, դուր էր գալիս գործարանում տիրող ընդհանուր հուզումը, և նա ինքն իրեն մտածում էր.

«Իսկ չէ՞ որ եթե ես շլինեի...»

Մոտիկ կանգ առան երեք սևագործ բանվոր, և մեկը կամաց ասաց ափսոսանքով.

— Ոչ մի տեղ չգտա...

— Ախր լսել է պետք: Ես անգրագետ եմ, բայց տեսնում եմ, որ նրանց սրտի՛ն է դիպել...— նկատեց մյուսը:

Երրորդը շուրջը նայեց և առաջարկեց.

— Գնանք կաթսայանոց...

— Ներգործո՞ւմ է,— շշնջաց Գուսևն՝ աչքով անելով:

Նիլովնան ուրախ տուն եկավ:

— Այնտեղ մարդիկ ափսոսում են, որ անգրագետ են,— ասաց նա Անդրեյին:— Իսկ ես, ա՛յ, երիտասարդ ժամանակ կարդալ գիտեի, բայց մոռացա...

— Սովորե՛ք,— առաջարկեց խոխուր:

— Այս հասակո՞ւմ: Մարդկանց ինչո՞ւ ծիծաղեցնենք...

Բայց Անդրեյը դարակից մի գիրք վերցրեց և դանակի ծայրով շապկի վրա մի տառ ցույց տալով հարցրեց.

— Սա ի՞նչ է:

— Իե,— ծիծաղելով պատասխանեց մայրը:

— Իսկ սա՞:

— Այբ...

Մայրն ամաչում էր և վշտանում: Քվում էր, թե Անդրեյի

աչքերը ծիծաղում են թաքնված ծիծաղով, և մայրը խույս է տալիս նրա հայացքից:

Բայց Անդրեյի ձայնը հնչում էր քնքուշ և հանգիստ, դեմքը լուրջ էր:

— Մի՞թե դուք, Անդրեյո՛ւշա, իսկապես ուզում եք ինձ կարդալ սովորեցնել,— հարցրեց մայրն ակամա ժպտալով:

— Ի՞նչ կա որ,— արձագանքեց Անդրեյը:— Քանի որ դուք կարդացել եք, վերհիշելը հեշտ է: Թե հրաշք չլինի, վատ բան էլ չի լինի, իսկ թե հրաշք եղավ՝ այդ ավելի լավ:

— Բայց այն էլ է ասած՝ սրբապատկերներին նայելով սուրբ շես դառնա:

— Է՛,— գլխով անելով ասաց խոխուրը,— առածներ շատ կան: Քիչ բան իմացողը հանգիստ կքնի,— ինչո՞վ է պակաս: Առածներով է մտածում ստամոքսը, նա առածներից սանձեր է հյուսում հոգու համար, որպեսզի ավելի լավ դեկավարի նրան: Իսկ սա՞ ինչ տառ է:

— Լյուն,— ասաց մայրը:

— Այդպե՛ս է: Տես պոչերն ինչպե՛ս են շուվել, կավ, իսկ սա՞: Տեսողությունը լարելով, հոնքերը ծանր շարժելով՝ մայրը դժվարությամբ հիշում էր մոռացված տառերը և աննկատելիորեն ենթարկվելով իր ճիգերի ուժին՝ մոռացության մեջ բնկավ: Բայց նրա աչքերը շուտով հոգնեցին: Նախ՝ հոգնածության արցունքներ երևացին, իսկ հետո սկսեցին արագ կաթկթել թախծի արցունքները:

— Կարդա՛լ եմ սովորում,— հեծկլտալով ասաց նա:— Քառասուն տարեկան եմ, բայց դեռ նոր եմ սկսում կարդալ սովորել...

— Պետք չի՛ լաց լինել,— ասաց խոխուրը սիրալիր և մեղմ:— Գուք ուրիշ կերպ ապրելու հնար չունեիք, բայց, ա՛յ, այնուամենայնիվ հասկանում եք, որ վատ եք ապրել: Հաղարավոր մարդիկ կարող են ձեզանից լավ ապրել, բայց ապրում են անասունների պես և դեռ պարծենում էլ են, թե լա՛վ են ապրում: Բայց ի՞նչ լավություն կա դրանում, այսօր մարդն աշխատեց ու կերավ, վաղն աշխատեց ու կերավ, այսպիսով իր ամբողջ կյանքն աշխատում և ուտո՞ւմ է: Այդ գործի արանքում երեխաներ է բազմացնում և սկզբում զվարճանում է նրանցով, բայց հենց որ նրանք էլ են սկսում շատ ուտել, նա բարկանում է, հայհոյում նրանց, ասելով՝ շո՛ւտ մեծացեք, ազահենե՛ր, աշխատելու



ժամանակն է: Եվ կուզենար իր զավակներին դարձնել ընտանի անասուններ, բայց նրանք սկսում են աշխատել իրենց փորի համար, և այդպես մի կերպ քարշ են տալիս կյանքը: Միայն նրանք են իսկական մարդիկ, ովքեր մարդու գիտակցության շղթաներն են փշրում: Ա՛յ, հիմի գուց էլ եք ձեր ուժի համեմատ այդ գործին կպել:

— Է՛, ես ի՞նչ,— հառաչեց մայրը:— Ես ի՞նչ կարող եմ անել:

— Ո՞նց չէ: Գա անձրևի նման է, որի ամեն մի կաթիլը մի հատիկ է ջրում: Իսկ հենց որ սկսեք կարգալ...

Խոխուր ծիծաղեց, վեր կացավ և սկսեց սենյակում ման գալ:

— Չէ՛, սովորե՛ք... Պավելը կգա, կտեսնի, որ դուք, է՛հե՛...

— Ա՛խ, Անդրյո՛ւշա,— ասաց մայրը:— Երիտասարդների համար ամեն ինչ հեշտ է: Իսկ մի քիչ որ հասակդ առնում ես, թե՛ ցավդ է շատանում, թե՛ ուժդ է քանանում, իսկ խելք բուրբուրվին չի մնում...

## XVIII

Երևկոյան խոխուր զնաց, մայրը ճրագը վառեց և նստեց սեղանի մոտ գուլպա գործելու: Բայց շուտով վեր կացավ, անվճռականորեն անցավ սենյակով, դուրս եկավ խոհանոց, դռան կեռը գցեց և հոնքերն ուժգին շարժելով վերադարձավ սենյակ: Պատուհանների վարագույրներն իջեցրեց և դարակից գիրքը վերցնելով նորից նստեց սեղանի մոտ, շուրջը նայեց, կոացավ գրքի վրա, շրթունքները շարժվեցին: Երբ փողոցից աղմուկ էր լսվում, նա ցնցվելով գիրքը ծածկում էր ափով, ուշի-ուշով ականջ դնելով... Եվ նորից մերթ աչքերը փակելով, մերթ բանալով մրմնջում էր.

— Ժե, ինի... ժի, դա, նու...

Դուռը բախեցին, մայրը վեր ցատկեց, գիրքը գրեց դարակիին և տազնապահար հարցրեց.

— Ո՞վ է:

— Ես եմ...

Մտավ Ռիբինը, ծանր ու լրջագեմ շփեց մորուքը և նկատեց.

— Առաջները մարդկանց առանց հարցնելու էիր ներս թողնում: Մենա՞կ ես: Այդպես: Իսկ ես կարծում էի խոխուր տանն է: Այսօր ես նրան տեսա... Բանտը մարդու չի փչացնում:

Նստեց և մորն ասաց.

— Արի խոսենք...

Նա նշանակալից, խորհրդավոր կերպով նայեց՝ մորն աղաւանհանգստություն ներշնչելով:

— Ամեն բան փող արժի,— սկսեց նա իր ծանր ձայնով:— Ձրի ոչ ծնվում են, ոչ մեռնում, ա՛յ թե ինչ: Գրքույկներն էլ, թղթիկներն էլ փող արժեն: Դու գիտե՞ս, թե զբոսայկների փողերը որտեղի՞ց են գալիս:

— Չգիտեմ,— կամաց ասաց մայրը ինչ-որ վտանգավոր բան զգալով:

— Այդպես: Ես էլ չգիտեմ: Եթե որդե՛ր գրքույկներն ա՞վ է կազմում:

— Գիտունները...

— Պարոնները,— ասաց Ռիբինը, և նրա մորուքավոր դեմքը լարվեց, կարմրեց:— Նշանակում է՝ պարոններն են գրքեր կազմում, նրանք են բաժանում: Իսկ այդ գրքերում գրվածը պարոնների դեմ է: Հիմի դու ինձ ասա՛, ի՞նչ օգուտ ունեն նրանք փող մսխել նրա համար, որ ժողովրդին իրենց դեմ բարձրացնեն, հը՞:

Մայրը աչքերը ճպճպացնելով՝ վախեցած բացականչեց.

— Դու ի՞նչ ես կարծում...

— Հա՛,— ասաց Ռիբինը և արջի պես շուռ եկավ աթոռի վրա:— Ահա՛: Ես էլ երբ այդ մտքին հասա, սաբսոացի:

— Իմացա՞ր որևէ բան:

— Խաբեբայություն է,— պատասխանեց Ռիբինը:— Ջզում եմ, խաբեբայություն է: Ոչինչ չգիտեմ, բայց խաբեբայություն է: Պարոններն ինչ-որ բան են խելքներին գոռ տալիս: Իսկ ինձ հարկավոր է ճշմարտությունը: Եվ ես ճշմարտությունը հասկացել եմ: Բայց պարոնների հետ չեմ գնա: Նրանք, եթե կարիք զգան, ինձ առաջ կհրեն և առաջ կբայլեն իմ սակոնների վրայով, ինչպես կամուրջի վրայով:

Նա կարծես մոր սիրտը կապկպում էր մտալ խոսքերով:

— Տե՛ր աստված,— թախածագին բացականչեց մայրը:— Մի՞թե Պաշան չի հասկանում: Եվ ամենքը, որոնք...

Մոր առջև փայլեցին Եգորի, Նիկոլայ Իվանովիչի, Սաշեն-կայի լուրջ, ազնիվ դեմքերը, նրա սիրտը թպրտաց:

— Ո՛չ, ա՛յ,— ասաց նա՝ բացասաբար գլուխն օրորելով:— Չեմ կարող հավատալ: Նրանք խղճով են գործում:

— Ո՞ւմ մասին ես խոսում,— մտախոհ հարցրեց Ռիբինը:

— Բողոքի մասին... առանց բացառութեան ամենքի մասին, ում որ տեսել եմ:

— Դու այնտեղ չես նայում, մա՛յր, ուր որ պետք է, ավելի հեռո՞ւն նայիր,— ասաց Ռիբինը՝ գլուխը խոնարհելով:— Նրանք, որոնք մոտ են եկել մեզ, նրանք գուցե իրենք ոչինչ չգիտեն: Նրանք հավատում են, թե այդպես է պետք: Բայց գուցե նրանց հետևը ուրիշնե՞րը կան, որոնք մտածում են միայն, որ օգուտ ստանան: Մարդ գուր տեղն իր դեմ չի գնա...

Եվ գլուղացու ծանր համոզմունքով նա ավելացրեց.

— Պարոններից երբեք լավ բան չի դուրս գա:

— Խելքդ ի՞նչ է փչել,— հարցրեց մայրը՝ նորից կասկածով համակված:

— Ի՞մ:— Ռիբինը նայեց նրան, քիչ լուռ մնաց և կրկնեց.— պարոններից պետք է հեռու կենալ: Ա՛յ թե ինչ:

Ապա նորից լռեց խոթոված:

— Ես ուզում էի տղաներին կցվել, որ նրանց հետ միասին լինեմ: Ես այդ գործի համար պետք կգամ, գիտեմ, թե ի՞նչ պետք է ասել մարդկանց: Հա՛, Իսկ հիմա ես կհեռանամ: Ես չեմ կարողանում հավատալ, պետք է հեռանամ:

Նա գլուխը կախեց, մտածեց:

— Մենակ կգնամ գլուղերը: Ժողովրդին խոսվության կզըրդեմ: Պետք է, որ ինքը ժողովուրդն սկսի գործել: Եթե նա հասկանա, նա իր համար ճանապարհ կգտնի: Ահա ես էլ աշխատելու եմ, որ հասկանա, թե նա ոչ մի հույս չունի, բացի իրենից, ո՛չ մի գիտակցություն չկա, բացի իր գիտակցությունից: Ա՛յ, այսպե՛ս:

Մայրն սկսեց խղճալ նրան, նա այդ մարդու համար վախ զգաց: Նա, որ միշտ դուր չէր գալիս մորը, այժմ նրան հանկարծ մոտիկ դարձավ. մայրը կամաց ասաց.

— Քեզ կբռնեն...

Ռիբինը նայեց նրան և հանգիստ պատասխանեց.

— Կբռնեն, բաց կթողնեն: Իսկ ես՝ նորից...

— Հենց իրենք մուծիկները ձեռքերդ կկապեն: Եվ բանտ կնստես...

— Կնստեմ՝ դուրս էլ կգամ: Նորից կգնամ: Իսկ ինչ վերաբերում է մուծիկներին, մեկ կկապեն, երկու կկապեն, վերջ ի վերջո կհասկանան, որ ոչ թե կապել է պետք, այլ լսել: Ես նրանց

կասեմ, դուք ինձ մի՛ հավատաք, դուք միայն ականջ դրեք: Իսկ որ ականջ դնեն՝ կհավատա՞ն:

Նա խոսում էր դանդաղ, կարծես յուրաքանչյուր բառը շոջափելով, նախքան ասելը:

— Ես այստեղ վերջին ժամանակներս շատ բան եմ լսել: Քիչ ու միչ հասկացել եմ...

— Ոտով-գլխով կկորչես, Միխայլը իվանովիչ,— գլուխը տխուր օրորելով ասաց մայրը:

Մուժ, խոր ընկած աչքերով Ռիբինը նայում էր նրան՝ հարցական և սպասողական: Նրա ամրակազմ մարմինն առաջ էր թեքվել, ձեռները հենվել էին աթոռի նստատեղին, թուխ դեմքը մորուքի սև շրջանակի մեջ գունատ էր թվում:

— Իսկ լսե՛լ ես, թե Քրիստոսն ի՞նչ է ասել հատիկի մասին: Մինչև չմեռնես՝ նոր հասկի ձևով հարություն չես առնի: Մինչև մահս ժամանակ շատ կա: Ես խորամա՛նկ մարդ եմ:

Նա շարժվեց աթոռի վրա և առանց շտապելու վեր կացավ:

— Գնամ պանդոկ, մարդկանց մեջ մի քիչ նստեմ: Խոխուլն ուշացավ: Սկսե՛լ է աշխատել:

— Այո՛,— ասաց մայրը ժպտալով:

— Այդպես էլ պետք է: Դու նրան իմ մասին ասա՛...

Նրանք ուս-ուսի տված դանդաղ գնացին խոհանոց և իրար չնայելով կարճ խոսքեր փոխանակեցին:

— Դե, մնաս բարո՛վ:

— Գնաս բարո՛վ: Հաշիվդ ե՞րբ ես վերջացնում...

— Վերջացրել եմ:

— Իսկ ե՞րբ ես գնում:

— Էգուց: Առավոտ վաղ: Մնաս բարո՛վ:

Ռիբինը կուացավ և ակամա, անհարմար կերպով դուրս գնաց նախասենյակ: Մայրը մի րոպե կանգնած մնաց դռան առաջ, ականջ դնելով ծանր քայլերին և իր կրճուճ գարթնած կասկածներին: Ապա կամաց շրջվեց, գնաց սենյակը և վարագույրը բարձրացնելով՝ նայեց պատուհանից: Ապակու հետև անշարժ, սև խավար էր տիրում:

«Գիշերն եմ ապրում»,— մտածեց մայրը:

Նա խղճում էր այդ պատկառելի մուծիկին,— նա այնպես լայնաթիկունք է, ուժեղ:

Եկավ Անդրեյը, աշխույժ և ուրախ:

Երբ մայրը պատմեց նրան Ռիբիինի մասին, խոխուլը բացականչեց.

— Է՛, թող գյուղերը ման գա, ճշմարտություն քարոզի, ժողովրդին զարթեցնի: Նա մեզ հետ դժվար է հաշտվում: Նրա գրված իր մուծիկային մտքերն են գոյացել, մեր մտքերի համար նեղ է այդ գլուխը...

— Ա՛յ, պարոնների մասին էր խոսում նա, այդտեղ մի բան կա,— զգուշությամբ նկատեց մայրը:— Հանկարծ չխաբե՞ն:

— Դիպշում է,— ծիծաղելով գռչեց խոխուլը:— Է՛, մայր, փո՛ղ է հարկավոր: Ծթե փող ունենայի՛նք: Մենք դեռ էլի ուրիշի հաշվին ենք ապրում: Ա՛յ, Նիկոլայ Իվանովիչն ամսական յոթանասունհինգ ռուբլի է ստանում, հիսունը մեզ է տալիս: Այդպես էլ՝ մյուսները: Երբեմն էլ քաղցած ուսանողներն են մի քիչ ուղարկում՝ կուպեկ-կուպեկ հավաքելով: Իսկ պարոնները, իհարկե, զանազան տեսակ են լինում: Ոմանք կխաբեն, ոմանք ետ կմընան, իսկ մեզ հետ ամենալավերը կգնան...

Նա ծափ զարկեց և հաստատուն շեշտով առաջ տարավ իր խոսքը:

— Մինչև մեր տոնը դեռ շատ հեռու է, բայց էլի, ա՛յ, մայիսի մեկին մի փոքր տոն կսարքենք: Ուրախալի՛ կլինի:

Նրա աշխուժությունը վանում էր Ռիբիինի սերմանած տանգնապը: Խոխուլը շրջում էր սենյակում ձեռքով գլուխը տրորելով և հատակին նայելով ասում էր.

— Գիտե՞ք, երբեմն մարդու սրտում մի յայպիսի բան է լինում, զարմանալի բան: Թվում է, թե ուր որ գնում ես, ընկերներդ են, բոլորն այրվում են մի՛ կրակով, բոլորն ուրախ են, բարի, հիանալի: Առանց խոսքերի իրար հասկանում են... Բոլորն ապրում են խմբովին, իսկ ամեն մի սիրտ իր երգն է երգում: Բոլոր երգերն առունների պես վազում, մի գետ են կազմում, և գետը հոսում է լայն ու ազատ և թափվում նոր կյանքի լուսավոր ուրախությունների ծովը:

Մայրն աշխատում էր շարժվել, որպեսզի նրան չխանգարի, նրա խոսքը չընդհատի: Նա միշտ Անդրեյին լսում էր ավելի մեծ ուշադրությամբ, քան մյուսներին: Անդրեյը խոսում էր ամենքից ավելի անպաճույճ, և նրա խոսքերն ավելի ուժեղ էին հուզում սիրտը: Պավելը երբեք չէր խոսում այն մասին, թե ինչ է տեսնում առաջիկայում: Իսկ սա, մորը թվում էր, թե իր սրտի մի մասով միշտ այնտեղ էր, նրա խոսքերում հնչում էր հեքիաթն

այն ապագա տոնի մասին, որ ամենքի համար է լինելու աշխարհիս վրա: Այդ հեքիաթը մոր համար պայծառեցնում էր կյանքի, և՛ նրա որդու, և՛ նրա բոլոր ընկերների աշխատանքի իմաստը:

— Բայց երբ ուշքի ես գալիս,— ասում է խոխուլը՝ գլուխը թափահարելով,— շուրջ ես նայում՝ ցուրտ է և կեղտոտ: Բոլորը հոգնել են, գազազել...

Խորին տխրությամբ նա շարունակեց.  
— Վիրավորական բան է դա, բայց մարդուս չպիտի հավատալ, պետք է վախենալ նրանից և նույնիսկ ատել: Մարդս երկվանում է: Գու կուզեիր միայն սիրել, բայց դա ինչպե՞ս կարելի է: Ինչպե՞ս ներել մարդուն, եթե նա վայրենի գազանի նման է: Ինչպե՞ս ներել մարդուն, եթե նա վայրենի գազանի հոգի կա վրադ է հարձակվում, չի ընդունում, որ մեջդ կենդանի հոգի կա և աքացիներ է տալիս քո մարդկային դեմքին: Ներել չի՛ կարելի: Ո՛չ թե անձիդ համար չի կարելի, ես անձիս հասցրած բոլոր վիրավորանքները կտանեմ, այլ բոնակալներին երես տալ չեմ ուզում, չեմ ուզում, որ իմ մեջքը ծեծելով, ուրիշներին ծեծել սովորեն:

Այժմ նրա աչքերը բոցավառվեցին սառը փայլով, նա համառ կերպով գլուխը կախեց և սկսեց խոսել է՛լ ավելի հաստատուն շեշտով.

— Ես չպիտի թույլ տամ որեէ վնասակար բան, եթե նա նույնիսկ չվնասի ինձ: Աշխարհիս երեսին մենակ ես չե՛մ: Այսօր ես թույլ կտամ, որ ինձ վիրավորեն և գուցե միայն մի քիչ կծի-ծաղեմ վիրավորանքի վրա՝ ասելով, նա ինձ չի ծակի, իսկ վաղը վիրավորողն իր ուժն ինձ վրա փորձած լինելով կսկսի մի ուրիշ վիրավորողն իր ուժն ինձ վրա փորձած լինում մարդկանց վրա նայել կաշին քերթել: Եվ ստիպված ես լինում մարդկանց վրա նայել տարբեր տեսակ, ստիպված ես լինում սրտիդ խիստ հետևել: սրանք ձերոնք են, սրանք՝ օտարներ են: Արդարացի է, բայց մխիթարական չէ՛:

Մայրը, հայտնի չէ թե ինչու, հիշեց սպային և Սաշենկային: Հառաչելով ասաց.

— Չմաղած ալյուրից ի՞նչ հաց դուրս կգա...  
— Ցավն էլ հենց այդ է,— բացականչեց խոխուլը:  
— Այո՛ւ,— ասաց մայրը: Նրա հիշողության մեջ այժմ զարթնեց ամուսնու կերպարանքը, մոռալ, ծանր, ինչպես մեծ քար, որը մամռակալել է: Մայրը խոխուլին պատկերացնում էր

իբրև նատաշայի ամուսին և որդուն՝ Սաշենկայի հետ ամուսնացած:

— Իսկ ինչի՞ց է այս,— հարցրեց խոխուր բորբոքված:— Դա այնպես լավ է երևում, որ նույնիսկ ծիծաղելի է: Նրանից է միայն, որ մարդիկ հավասար չեն կանգնած: Դե, եկեք, ուրեմն, ամենքին հավասարեցնենք: Հավասար բաժանենք այն ամենը, ինչ որ բանականությունն է ստեղծել, ինչ որ ձեռքով է մշակված: Իրար չպահեն երկյուղի և նախանձի ստրկության մեջ, ազահուսթյան և տխմարության կալանքի մեջ...

Նրանք հաճախ սկսեցին խոսել այդպես:

Նախողակային նորից ընդունեցին գործարան. նա իր ամբողջ վաստակը տալիս էր մորը, և մայրը վերցնում էր այդ դրամները նույնքան հանգիստ, որքան հանգիստ ընդունում էր Պավելի ձեռքից:

Նրբեմն Անդրեյը ժպիտն աչքերում առաջարկում էր մորը.

— Մի քիչ կարդա՞նք, մա՛յր, հը՞:

Մայրը կատակով, բայց համառորեն հրաժարվում էր, նրան շփոթում էր Անդրեյի ժպիտը, և մի քիչ վիրավորված մտածում էր նա.

— Քանի որ ծիծաղում ես, էլ ի՞նչ կարդանք:

Նվ ավելի ու ավելի հաճախ էր հարցնում Անդրեյին, թե ի՞նչ է նշանակում գրքի այս կամ այն բառը, որն իր համար խորթ է: Հարցնելիս նա մի կողմ էր նայում, նրա ձայնը անտարբեր էր հնչում: Անդրեյը կռահեց, որ մայրը կամաց-կամաց սովորում է ինքն իրեն, հասկացավ նրա ամոթխածությունը և դադարեց առաջարկել նրան կարդալ իր հետ: Մայրը շուտով հայտնեց.

— Աչքերս թուլանում են, Անդրյո՛ւշա: Ակնոց է հարկավոր:

— Ճի՛շտ է,— պատասխանեց Անդրեյը:— Ա՛յ, կիրակի օրը ձեզ հետ քաղաք կգնամ, ձեզ ցույց կտամ բժշկին և ակնոց կառնենք...

## XIX

Մայրն արդեն երեք անգամ գնացել էր տեսակցություն խնդրելու Պավելի հետ, և ամեն անգամ ժանդարմական գնե-րալը, որ մի ալեգարդ ծերունի էր շառագունած այտերով և մեծ քթով, սիրալիր կերպով մերժում էր նրան:

— Մի շաբաթից հետո, մայրի՛կ, ո՛չ ավելի վաղ: Մի շաբաթից հետո դեռ կտեսնենք, իսկ հիմա անկարելի է...

Գեներալը կլորիկ էր, կուշտ և մորը հիշեցնում էր հասած սալոր, որը մի քիչ ավելի է մնացել և արդեն ծածկվել է մազմըզոտ բորբոսով: Նա միշտ քշփորում էր մանր, սպիտակ ատամները սուր, դեղին փայտիկով, նրա ոչ մեծ, կանաչավուն աչքերը քնքուշ ժպտում էին, ձայնը հնչում էր սիրալիր, բարեկամաբար:

— Քաղաքավարի՛ է,— մտախոհ ասում էր մայրը խոխուղին:— Ամբողջ ժամանակ ժպտում է...

— Այո՛, այո՛, — ասաց խոխուրը:— Նրանք, վնաս չունի, սիրալիր են, ժպտում են: Նրանց կասեն. «Ա՛յ, սա խելոք ու ազնիվ մարդ է և մեզ համար վտանգավոր է, ապա մի կախեցե՞ք նրան»: Նրանք կժպտան ու կկախեն, իսկ հետո՝ էլի կժպտան:

— Նա, որ մեզ մոտ խուզարկելու էր եկել, ավելի պարզ էր,— համեմատում էր մայրը:— Միանգամից երևում էր, որ շո՛ւն է...

— Նրանք բուրն էլ մարդիկ չեն, այլ այնպես, մուրճեր են մարդկանց խլացնելու համար: Գործիքներ են: Նրանցով մեզ նմաններին այնպես են մշակում, որ հարմարավոր դառնանք: Նրանք իրենք արդեն հարմարավոր են դարձված մեզ կառավարող ձեռքի համար, կարող են շինել այն ամենը, ինչ որ նրանց կստիպեն, առանց մտածելու, առանց հարցնելու, թե դա ինչի համար է:

Վերջապես մորը տեսակցության իրավունք տվին, և մի կիրակի օր, նա համեստորեն նստած էր բանտի գրասենյակի մի անկյունում: Նեղ, կեղտոտ, ցածր առաստաղով սենյակում բացի նրանից մի քանի մարդիկ էլ կային, որոնք տեսակցության էին սպասում: Նրևի նրանք առաջին անգամը չէր, որ այդտեղ էին և միմյանց ճանաչում էին. նրանց մեջ կամաց և սարդի ոստայնի պես կաշուն խոսակցություն էր հյուսվում ծուլորեն ու դանդաղ:

— Լսե՛լ եք,— ասում էր թորշոմած դեմքով և ճամպրուկը ծնկին դրած մի շաղ կին:— Այսօր ճաշի ժամերգությունը մայր եկեղեցու երգեցիկ խմբի ղեկավարը մի երգիչ երեխայի ականջը պոկել է...

Պաշտոնաթող զինվորական համազգեստ հագած մի հասակավոր մարդ բարձր հազաց և նկատեց.

— Նրգիչները թոկից փախած են:

Գրասենյակում դեսուդեն էր վազվզում կարճոտնյա, երկայնաբազուկ և դուրս պրծած կզակով մի կարճահասակ, ճաղատ

մարդ: Առանց կանգ առնելու նա անհանգիստ և ճքճքան ձայնով ասում էր.

— Կյանքը քանի գնում՝ թանկանում էր, դրանից էլ մարդիկ ավելի շար են: Տավարի մսի երկրորդ տեսակի գրվանքան արժե տասնչորս կոպեկ, հացը նորից է դարձել երկուսուկես...

Երբեմն ներս էին գալիս բանտարկյալներ, գորշ, միակերպ, կաշվե ծանր քոշերով: Կիսամութ սենյակը մտնելով՝ նրանք աչքները ճպում էին: Մեկի ոտներին շառաշում էին շղթաները:

Ամեն ինչ տարօրինակ հանգիստ և անդուրեկան կերպով պարզ էր: Թվում էր, թե ամենքը վաղուց են սովորել, ընտելացել այս դրուժյանը. ոմանք հանգիստ նստած են, մյուսները ծուլորեն հսկում են, երրորդները ճշտապահությամբ և հոգնած այցելում են բանտարկյալներին: Մոր սիրտը դողում էր անհամբերության դողով, նա տարակուսանքով նայում էր շուրջն ամեն բանի՝ այդ ծանր պարզությամբ զարմացած:

Վլասովայի կողքին նստել էր մի փոքրիկ պառավ, նրա դեմքը կնճոտ էր, իսկ աչքերը երիտասարդ: Բարակ վիզը շքրջելով՝ նա ականջ էր դնում խոսակցությանը և բոլորի վրա նայում էր տարօրինակ խիզախությամբ:

— Ձեզնից ո՞վ կա այստեղ, — կամաց հարցրեց նրան Վլասովան:

— Որդիս: Ուսանող է, — պատասխանեց պառավը բարձրաձայն և արագ: — Իսկ ձեզնի՞ց:

— Նույնպես որդիս: Բանվոր է:

— Ի՞նչ է ազգանունը:

— Վլասով:

— Ձեմ լսել: Վաղո՞ւց է նստած:

— Յոթերորդ շաբաթն է...

— Իսկ ի՞նչ տասներորդ ամիսն է, — ասաց ծեր կինը, և նրա ձայնի մեջ Վլասովան զգաց մի տարօրինակ բան, որ նման էր հպարտության:

— Այո՛, այո՛, — արագ ասում էր ճաղատ ծերուկը: — Մարդու համբերությունը հատնում է... Բոլորը գրգռվում են, բոլորը գոռում են, ամեն բան քանի գնում թանկանում է: Իսկ մարդիկ դրա համեմատ էժանանում են: Հաշտեցնող ձայներ չեն լսվում:

— Կատարելապես ճշմարիտ է, — ասաց զինվորականը:

— Խայտառակություն է: Հարկավոր է, որ վերջապես մի

ուժգին ձայն հնչի՝ լռե՛լ: Ահա թե ի՛նչ է հարկավոր: Ուժգին ձայն...

Խոսակցությունը դարձավ ընդհանուր, աշխույժ: Ամեն մեկն շտապում էր ասել իր կարծիքը կյանքի մասին, բայց բոլորն էլ խոսում էին կիսաձայն, և ամենքի մեջ մայրն իր համար խորթ մի բան էր զգում: Տանն այլ կերպ էին խոսում, ավելի հասկանալի, ավելի պարզ և ավելի բարձրաձայն:

Քառակուսի, կարմրաշեկ մորուքով մի հաստ վերակացու կանչեց մոր ազգանունը, նայեց նրան ոտից գլուխ և կաղալով գնաց՝ ասելով նրան.

— Հետևիցս ե՛կ...

Մայրը քայլում էր և ուզում էր հրել վերակացուի մեջքին, որ նա ավելի արագ գնա: Մի փոքրիկ սենյակում կանգնած էր Պավելը, ժպտալով ձեռքը մեկնեց: Մայրը բռնեց նրա ձեռքը, ծիծաղեց աչքերն արագ-արագ ճպելով, բառեր չգտնելով մեղմաձայն ասում էր.

— Բարև... բարև...

— Հանգստացի՛ր, մայրի՛կ, — նրա ձեռքը սեղմելով ասում էր Պավելը:

— Ոչինչ:

— Մայրն է, — հառաչելով ասաց վերակացուն: — Ի միջի այլոց, իրարից հեռացեք, այնպես որ ձեր մեջ որոշ տարածություն լինի...

Եվ բարձրաձայն հորանչեց: Պավելը հարցրեց մոր առողջությունը, տան մասին... Մայրն ինչ-որ ուրիշ հարցեր էր սպասում, փնտրում էր դրանք որդու աչքերում և չէր գտնում: Պավելը հանգիստ էր, ինչպես միշտ, միայն դեմքն էր մի քիչ գունատվել, և աչքերը կարծես մի քիչ մեծացել էին:

— Սաշան բարևում է, — ասաց մայրը:

Պավելի արտևանունքները ցնցվեցին, դեմքը մեղմացավ, նա ժպտաց: Մոր սիրտը մի սուր դառնություն ծակծկեց:

— Շո՞ւտ բաց կթողնեն քեզ սրանք, — ասաց մայրը վիթխարիված և գրգռված: — Ինչի՞ համար են նստեցրել: Ձէ՞ որ, ա՛յ, այն թղթերը նորից են դուրս եկել...

Պավելի աչքերն ուրախ փայլեցին:

— Նորի՞ց, — արագ հարցրեց նա:

— Այդ բաների մասին խոսելն արգելված է, — ծուլ-ծուլ

հայտնեց վերակացուն:— Կարելի է միայն ընտանեկան գործի մասին...

— Իսկ մի՞թե սա ընտանեկան չի,— առարկեց մայրը:

— Դե ես չգիտեմ: Միայն՝ արգելվում է,— անտարբեր պնդեց վերակացուն:

— Մայրի՛կ, խոսիր ընտանեկա՛ն գործի մասին,— ասաց Պավելը,— դու ի՞նչ ես անում:

Մայրն իր մեջ երիտասարդական ավյուն զգալով պատասխանեց.

— Գործարան եմ տանում ամենը...

Գաղարեց և ժպտալով շարունակեց.

— Շչի, կաշա, Մարյայի եփած-թխածը և ամեն տեսակ կերակուր...

Պավելը հասկացավ: Նրա երեսը դողողաց զսպված ծիծաղից, նա մազերը քրքրեց և սիրալիբ ասաց մորը մի այնպիսի ձայնով, որ մայրը դեռ չէ՛ր լսել նրանից.

— Լավ է որ գործ ունես, շես ձանձրանում:

— Իսկ երբ այն թռուցիկները երևացին, ինձ էլ սկսեցին խուլարկել,— ոչ առանց պարծենկոտության հայտնեց մայրը:

— Էլի՞ այդ մասին,— ասաց վերակացուն նեղացած:— Ես ասում եմ՝ չի՛ կարելի: Մարդուն ազատությունից զրկել են, որ նա բան չիմանա, իսկ դու էլի քոնն ես ասո՛ւմ: Պետք է հասկանալ, թե ինչը չի կարելի:

— Լա՛վ, թո՛ղ, մայրի՛կ,— ասաց Պավելը:— Մտովեյ Իվանովիչը լավ մարդ է, պետք չի բարկացնել նրան: Մենք իրար բարեկամ ենք: Այսօր նա տեսակցությանը պատահաբար է ներկա, թե չէ սովորաբար բանտապետի օգնականն է ներկա լինում:

— Տեսակցությունը վերջացավ,— հայտնեց վերակացուն ժամացույցին նայելով:

— Դե՛հ, շնորհակալություն, մայրի՛կ,— ասաց Պավելը:— Շնորհակալություն, սիրելի՛ս: Մի՛ անհանգստանա: Ինձ շուտով բաց կթողնեն...

Նա ամուր գրկեց մորը, համբուրեց, և մայրը գրանից հուզված, երգանիկ, լաց եղավ:

— Բաժանվեցե՛ք,— ասաց վերակացուն և մորը ճանապարհ դնելիս մրմնջաց.— մի՛ լար, բա՛ց կթողնեն: Բոլորին բաց կթողնեն... Տեղ չկա...

Մայրը տանը լայն ժպտալով և հոնքերն աշխուժորեն շարժելով ասում էր խոխոլին.

— Ես նրան լա՛վ ասացի, հասկացա՛վ նա:

Եվ տխուր հառաչեց:

— Հասկացա՛վ: Թե չէ ինձ չէր փաղաքշի, նա երբեք այդպիսի բան չէր արել:

— Է՛հ, դուք է՛լ,— ծիծաղեց խոխոլը:— Ով ինչ ուզում է ուղի, մայրը միշտ գուրգուրանք կուզի...

— Չէ՛, Անդրյո՛ւշա, մի դու մարդկա՛նց տես,— հանկարծ դարձանքով բացականչեց մայրը:— Ի՛նչպես են սովորել: Երեխաներին իրենցից կտրել են, բանտ են նստեցրել, իսկ նրանց փուլթն էլ չի, եկել, նստել, սպասում են, խոսակցում են, հը՛ր, Դե, եթե կրթված մարդիկ այդպես սովորում են, ապա մեզ, հասարակ ժողովրդիս համա՛ր ինչ ասել...

— Դա հասկանալի է,— ասաց խոխոլն իր քմծիծաղով,— օրենքը նրանց վերաբերմամբ այնուամենայնիվ, ավելի սիրալիբ է, քան մեր վերաբերմամբ, և նրանք օրենքի կարիքն ավելի շուտ ունեն, քան մենք: Այնպես որ, երբ օրենքը խփում է նրանց ճակատին, նրանք թեև ճակատները կնճռում են, բայց ոչ շատ: Չայտն իրենցն է՛ թեթև է խփում...

## XX

Մի անգամ երեկոյան մայրը սեղանի մոտ նստած՝ գուլպա էր գործում, իսկ խոխոլը բարձրաձայն կարդում էր մի գիրք հոռմեական ստրուկների ապստամբության մասին, մեկը դուռը պինդ խփեց, և երբ խոխոլը դուռը բաց արեց, ներս մտավ վե սովզշիկով մի կապոց կոնատակին, գլխարկը ծոծրակին թեքած, մինչև ծնկներն ցեխաթաթախ:

— Անցնում էի, տեսա ձեզ մոտ լույս կա: Մտա, որ բարեմ: Ուղղակի բանտից եմ գալիս,— հայտարարեց նա տարօրինակ ձայնով և վլասովայի ձեռք բռնելով ուժեղ թափ տվեց ասելով.

— Պավելը բարևում է...

Ապա անվճռականորեն նստելով աթոռին սենյակը տնտղեց իր մոռյլ, կասկածոտ հայացքով:

Նա մորը դուր չէր գալիս իր անկյունավոր, խուզած գլխով, նրա փոքր աչքերում մի բան կար, որ մորը միշտ վախեցնում էր, բայց այժմ մայրն ուրախացել էր և սիրալիբ, ժպտալով աշխուժորեն ասում էր.

— Սմքե՛լ ես: Անդրյո՛ւշա, թե՛յ տանք սրան:

— Իսկ ես արդեն ինքնաեռը դնում եմ,— արձագանքեց խոխուրը խոհանոցից:

— Է՛, Պավելն ինչպե՞ս է: էլի ո՞ւմն են բաց թողել, թե՞ միայն քեզ են ազատել:

Նիկոլայը գլուխը կախեց և պատասխանեց.

— Պավելը նստած է, համբերո՞ւմ է: Մենակ ինձ են բաց թողել:— Նա աչքերը բարձրացրեց դեպի մոր դեմքը և ատամների արանքով դանդաղ արտասանեց.— ես նրանց ասացի՛ բավական է, ինձ ազա՛տ թողեցեք... Թե չէ ես մեկնումեկին կսպանեմ, ինձ էլ հետը... Բաց թողեցին:

— Ը-ը-հա՛-հա՛,— ասաց մայրը նրանից հեռու քաշվելով և ակամայից աչքը թարթեց, երբ իր հայացքը հանդիպեց Նիկոլայի նեղլիկ, սուր աչքերին:

— Իսկ ի՞նչպես է Ֆեդյա Մազինը,— խոհանոցից գոչեց խոխուրը:— Ուտանավորներ գրո՞ւմ է:

— Գրում է: Ես դա չե՛մ հասկանում,— գլուխը տատանելով ասաց Նիկոլայը:— Նա ի՞նչ է, դեղձանի՞կ է. նստեցրել են վանդակում, երգո՞ւմ է: Ե՛ս, ա՛յ, մի բան եմ հասկանում՝ տուն գնալ չեմ ուզում...

— Գու տանն ի՞նչ ունես որ,— մտախոհ ասաց մայրը:— Գատարկ, կրակը մարած, ամեն ինչ սառած...

Նիկոլայը լռեց աչքերը կկոցած: Գրպանից հանեց մի տուփ ծխախոտ, առանց շտապելու մի գլանակ վառեց և նայելով ծխի մոխրագույն քուլային, որը հալվում էր դեմքի առաջ, քմծիծաղեց մռայլ շան ժպիտով:

— Այո, տանը երևի ցուրտ է: Հատակին՝ սառած ուտիճները թափված: Մկներն էլ սառած կլինեն: Պելագե՛յա Նիլովնա, թո՛ւյլ տուր քեզ մոտ գիշերել, կարելի՞ է,— խուլ հարցրեց նա առանց մորը նայելու:

— Հա՛, իհարկե՛, սիրելի՛ս,— արագ ասաց մայրը: Նա իրեն անհարմար դրուսթյան մեջ էր զգում Նիկոլայի ներկայութեամբ:

— Հիմա այնպիսի ժամանակ է, որ զավակներն ամառում են ծնողների համար...

— Ի՛նչ,— ցնցվելով հարցրեց մայրը:

Նիկոլայը նայեց նրան, աչքերը փակեց և նրա շեշտ դեմքը կուրացավ:

— Զավակներն սկսել են ամառել ծնողների համար, ասում

եմ,— կրկնեց նա և աղմկալից հառաչեց:— Պավելը քեզ համար չի ամառի երբեք: Իսկ ես, ա՛յ, ամառում եմ հորս համար: Եվ նրա այդ տունն էլ... ես չեմ գնա այլևս: Ես հայր չունեմ... տուն է՛լ չունեմ: Ինձ ոստիկանութեան հսկողութեան տակ են դրել, թե չէ Սիբիր կգնայի... Ես այնտեղ աքսորվածներին կազատեի, նրանց փախուստը կհաջողացնեի...

Զգալուն սրտով մայրը հասկանում էր, որ այդ մարդու կյանքը ծանր է, բայց նրա ցավն իր մեջ կարեկցութուն չէր դարձեցնում:

— Այո՛, քանի որ այդպես է... լավ է հեռանա՛լ,— ասաց մայրը, որպեսզի լռութեամբ վիրավորած չլինի նրան:

Խոհանոցից դուրս եկավ Անդրեյը և ծիծաղելով ասաց.

— Ի՞նչ ես քարոզում, հը՛:

Մայրը վեր կացավ ասելով.

— Պետք է ուտելու բան պատրաստել...

Վեսովլը շիկովը աչքերը հառած նայեց խոխուրին և հանկարծ հայտնեց.

— Ես այնպես եմ կարծում, որ մի քանի մարդկանց պետք է սպանե՛լ:

— Վա՛հ: Իսկ ինչո՞ւ,— հարցրեց խոխուրը:

— Որպեսզի նրանք չլինեն...

Խոխուրը, բարձրահասակ ու չոր-չոր, ոտների վրա օրորվելով կանգնել էր սենյակի մեջ և վերից վար նայում էր Նիկոլային, ձեռները գրպանները դրած, իսկ Նիկոլայը պինդ նստել էր աթոռին ծխի ամպերով շրջապատված, և նրա գորշ դեմքի վրա կարմիր բծեր էին երևան գալիս:

— Իսայ Գորբովի գլուխը ես պոկելո՞ւ եմ, կտեսնե՞ս:

— Ինչի՞ համար,— հարցրեց խոխուրը:

— Թող չլրտեսի, շմատնի: Նրա մեղքով հայրս կորավ, նրա մեղքով է նա հիմա ուզում խուզարկու-լրտես դառնալ,— մռայլ թշնամութեամբ Անդրեյի վրա նայելով ասում էր Վեսովլը շիկովը:

— Ա՛յ թե ի՛նչ,— բացականչեց խոխուրը:— Բայց դրա համար քեզ ո՞վ կմեղադրի: Հիմարենե՛րը...

— Հիմարեներն էլ, խելոքներն էլ մի՛ մեռնում են մկրովե՛լ,— հաստատամտորեն ասաց Նիկոլայը:— Ա՛յ, դու խելոք ես, Պավելն էլ, իսկ ես ձեզ համար մի՞թե նույնն եմ, ինչ որ Ֆեդկա Մազինը կամ Սամոյլովը, կամ դուք երկուսդ իրար համար: Մի՛ ստիք,

ես չեմ հավատա, միևնույն է... և դուք բոլորդ ինձ մի կողմ եք ետ հրում, մի առանձին տեղ...

— Ցավում է քո հոգին, Նիկոլայ, — մեղմ և սիրալիր ասաց խոխուրը նրա կողքին նստելով:

— Ցավում է: Ձերն էլ է ցավում... Միայն թե ձեր խոցերը ձեզ ավելի ազնիվ են թվում իմից: Մենք բոլորս սրիկաներ ենք իրար վերաբերմամբ, ա՛յ, թե ինչ կասեմ: Իսկ դո՛ւ ինչ կարող ես ասել ինձ: Ապա՞:

Նա սուր աչքերը հռոց Անդրեյի դեմքին և ատամները բաց արած սպասում էր: Նրա այլագունած դեմքն անշարժ էր, իսկ հաստ շրթունքների վրայով մի դող անցավ, կարծես մի տաք բանով այրեց շրթունքները:

— Ես քեզ բան չեմ ասի, — խոսեց խոխուրը ջերմ շոյելով Վեսովշչիկովի թշնամական հայացքը իր կապույտ աչքերի թախծոտ ժպիտով: — Գիտեմ, վիճաբանել մարդու հետ այնպիսի ժամանակ, երբ նրա սրտի բոլոր վերքերից արյուն է կախում, դա նշանակում է միայն վիրավորել. ես գիտեմ, եղբա՛յր:

— Ինձ հետ վիճաբանել չի կարելի, ես չեմ կարողանում, — մրմնջաց Նիկոլայը աչքերը խոնարհելով:

— Ես կարծում եմ, — շարունակեց խոխուրը, — մեզանից ամեն մեկը բոբիկ ոտներով ման է եկել կոտորած ապակիների վրա, ամեն մեկն իր խավար ժամին շնչել է ահա այդպես, ինչպես դո՛ւ ես շնչում...

— Դու ինձ ոչինչ չես կարողանում ասել, — դանդաղ արտասանեց Վեսովշչիկովը: — Իմ հոգին գայլի պես ոռնո՛ւմ է...

— Ձեմ էլ ուզում ասել: Միայն ես գիտեմ, — կանցնի քո այդ տրամադրությունը: Գուցե ոչ բոլորովին, բայց կանցնի՞:

Նա քմծիծաղեց և շարունակեց խփելով Նիկոլայի ուսին.

— Դա, եղբա՛յր, մանկական հիվանդություն է, ինչպես կարմրուկը: Մենք բոլորս այդ ցավով հիվանդանում ենք, ուժեղները՝ թույլ կերպով, թույլերն՝ ուժեղ: Նա ա՛յն ժամանակ է հաղթում մեզ, երբ ինքներս մեզ գտնում ենք, բայց կյանքը և մեր տեղն այդ կյանքում դեռ չենք տեսնում: Քեզ թվում է, թե աշխարհումս ամենալավ պտուղը միայն դո՛ւ ես և ամենքը քեզ ուտել են ուզում: Հետո, մի քիչ ժամանակ կանցնի, կտեսնես, որ քո հոգու լավ կտորը ուրիշների կրծքի մեջ էլ վատ չէ, այն ժամանակ կհանգստանաս: Եվ մարդ մի քիչ ամաչում է, թե ինչո՞ւ է բարձրացել զանգակատուն, քանի որ իր զանգակն այնքան

փոքր է, որ ձայնը չի էլ լսվում տոնական զանգահարության ժամանակ: Հետագայում կտեսնես, որ քո զանգահարությունը լսելի է զանգերի խմբի մեջ, թեև մենակ՝ հին զանգերը խեղդում են այն իրենց դողանջի մեջ, ինչպես յուղի մեջ ճանճն է խեղդվում: Դու հասկանո՞ւմ ես ինչ եմ ասում:

— Գուցե հասկանում եմ, — գլխով անելով ասաց Նիկոլայը: — Միայն թե ես չե՛մ հավատում:

Խոխուրը ծիծաղեց, ոտքի կանգնեց, սկսեց աղմկալի քայլել:

— Ա՛յ, ես էլ չէի հավատում: Ա՛խ, դու, սայլաբեռ:

— Ինչո՞ւ սայլաբեռ, — մոռյլ քմծիծաղեց Նիկոլայը խոխուրին նայելով:

— Է՛, նմա՛ն ես:

Հանկարծ Վեսովշչիկովը բարձրաձայն ծիծաղեց բերանը լայն բանալով:

— Ի՛նչ պատահեց քեզ, — զարմացած հարցրեց խոխուրը նրա դիմաց կանգնելով:

— Մտածեցի, ա՛յ թե հիմար կլինի նա, ով քեզ վիրավորի, — հայտնեց Նիկոլայը գլուխը շարժելով:

— Բայց ինձ ինչո՞վ կարելի է վիրավորել, — արտասանեց խոխուրը ուտերը թոթվելով:

— Չգիտեմ, — ասաց Վեսովշչիկովը բարեկամորեն կամ զիջողաբար ատամները բաց անելով: — Ես միայն այն եմ մտածում, թե երևի մարդու խիղճը շատ կտանջվի քեզ վիրավորելու համար:

— Ահա՛ թե որտե՛ղ ընկար, — ծիծաղելով ասաց խոխուրը:

— Անդրյո՛ւշա, — կանչեց մայրը խոհանոցից:

Անդրեյը գնաց:

Մենակ մնալով, Վեսովշչիկովը շուրջը նայեց, մեկնեց ծանր կոշիկ հագած ոտը, նայեց, կոացավ, ձեռներով շոշափեց հաստ սրունքը: Ձեռքը բարձրացրեց դեպի դեմքը, ուշադրությամբ նայեց ձեռքի ափին, հետո դարձրեց: Ձեռքը հաստ էր, կարճ մատներով: Դեղին բրդով ծածկված: Նա օդի մեջ թափ տվեց ձեռքը, վեր կացավ:

Երբ Անդրեյն ինքնաեռը ներս բերեց, Վեսովշչիկովը կանգնած էր հայելու մոտ և նրան դիմավորեց այսպիսի խոսքերով.

— Վաղուց է մոռնիս չէի տեսել...

Ժպտաց և գլուխն օրորելով ավելացրեց.



— Զգվելի՛ մոռնի ունեմ:

— Ի՞նչ վնաս ունես դրանից, — հարցրեց Անդրեյը հետաքրքրութեամբ նայելով նրան:

— Ա՛յ, Սաշենկան ասում է, թե դեմքը հոգու հայելին է, — դանդաղ արտասանեց Նիկոլայը:

— Եվ ճիշտ չի՞, — բացականչեց խոխուրը: — Նրա քիթը կեռի նման է, այտուկները՝ մկրատի, իսկ հոգին աստղ է ասես Վեսովշչիկովը նայեց նրան ու ժպտաց:

Սկսեցին թեյ խմել:

Վեսովշչիկովը վերցրեց մի մեծ կարտոֆիլ, մի կտոր հացի վրա աղ ցանեց և սկսեց հանգիստ, եզի նման դանդաղ ծամել:

— Իսկ այստե՛ղ ինչպե՞ս են գործերը, — հարցրեց նա, լիք բերանով:

Եվ երբ Անդրեյն ուրախ-ուրախ պատմեց նրան գործարանում պրոպագանդայի զարգացման մասին, Նիկոլայը, որ նորից մոռացվել էր, խուլ ձայնով նկատեց.

— Երկա՛ր է տևում այդ բոլորը, երկա՛ր: Հարկավոր է, որ շուտ լինի...

Մայրը նայեց նրան և կրծքում կամացուկ շարժվեց մի թըշնամական զգացմունք դեպի այդ մարդը:

— Կյանքը ձի չի, մտրակով քշել չես կարող, — ասաց Անդրեյը:

Վեսովշչիկովը համառորեն գլուխը թափահարեց.

— Երկա՛ր է տևում: Համբերություն չի՛ մնացել: Ի՞նչ անեմ:

Նա անզորութեամբ ձեռները տարածեց՝ խոխուրի դեմքին նայելով և լռեց՝ պատասխանի սպասելով:

— Մենք ամենքս պետք է սովորենք և ուրիշներին սովորեցնենք, ահա՛ մեր գործը, — ասաց Անդրեյը գլուխը կախելով:

Վեսովշչիկովը հարցրեց.

— Իսկ ե՞րբ ենք կովելու:

— Մինչև այդ ժամանակը մեզ դեռ շատ կիսիեն, այդ ես գիտե՛մ, — քմծիծաղով պատասխանեց խոխուրը: — Իսկ թե մենք երբ պիտի կովենք, չգիտե՛մ: Առաջ, գիտե՞ս, պետք է գլուխն սպառազինել, իսկ հետո ձեռները, ես կարծում եմ...

Նիկոլայը նորից սկսեց ուտել: Մայրն աչքի տակով աննկատելիորեն տնտղում էր նրա լայն դեմքը, աշխատելով Վեսովշչիկովի մեջ գտնել մի բան, որն իրեն հաշտեցներ նրա ծանր, քառակուսի կերպարանքի հետ:

Եվ հանդիպելով փոքրիկ աչքերի ծակող հայացքին, մայրը վախկոտությամբ շարժում էր հոնքերը: Անդրեյն իրեն անհանգիստ էր պահում, հանկարծ սկսում էր խոսել, ծիծաղում էր և հանկարծակի խոսքն ընդհատելով սուլում:

Մորը թվում էր, թե ինքը հասկանում է նրա անհանգստությունը: Իսկ Նիկոլայը լուռ նստած էր, և երբ նրանից սրկէ բան էր հարցնում, նա պատասխանում էր հակիրճ, պարզապես ակամա:

Փոքրիկ սենյակում նրա երկու բնակիչների համար հեղձուցիչ էր, նեղվածք, և նրանք մերթ մեկը, մերթ մյուսը, աչքի տակով նայում էին հյուրին:

Վերջապես Նիկոլայը վեր կենալով ասաց.

— Ես կուզեի պառկել քնել: Թե չէ նստել եմ, նստել, հանկարծ բաց են թողել, բավական ճանապարհ եմ անցել, Հոգնե՛լ եմ:

Երբ նա գնաց խոհանոց և, մի քիչ դեսուդեն շարժվելով, կարծես հանկարծ մեռավ այնտեղ, մայրը անզորություն ականջ դնելով Անդրեյին շշնջաց.

— Նա սարսափելի բան է մտածում...

— Մանր տղա է, — համաձայնեց խոխուրը՝ գլուխն օրորելով: — Բայց դա կանցնի: Ես էլ եմ այդպես եղել: Երբ սրտիդ ճրագը պայծառ չի վառվում, նրա մեջ շատ մուր է կիտվում: Է՛, դուք, մա՛յր, պառկեցե՛ք, իսկ ես դեռ մի քիչ կնստեմ, կկարդամ:

Մայրը գնաց այն անկյունն, ուր մահճակալն էր դրված, որը ծածկված էր շի վարագույրով, և Անդրեյը սեղանի մոտ նստած երկար ժամանակ լսում էր նրա աղոթքների և հառաչների ջերմ շշնջումը: Գիրքն արագ թերթելով՝ նա բորբոքված շփում էր ճակատը, երկար մատներով ոլորում ընչացքները, ոտները քսքստացնում: Ժամացույցի ճոճանակը զարկում էր, պատուհանից դուրս հառաչում էր քամին:

Հնչեց մոր մեղմ ձայնը.

— Ա՛խ, տե՛ր աստված: Ինչքա՛ն մարդ կա աշխարհումս և ամեն մեկը մի ցավից հառաչում է: Իսկ ո՞ր են նրանք, որոնց կյանքն ուրախ է:

— Կան և՛ այդպիսիները, կա՛ն: Շուտով դրանք ավելի շատ կլինեն, է՛, շա՛տ, — արձագանքեց խոխուրը:

Կյանքն արագ էր ընթանում, օրերը խալտաբղետ էին, բազմադեմ: Ամեն մի օրը իր հետ բերում էր մի նոր բան, և դա արդեն չէր անհանգստացնում մորը: Երեկոներն ավելի ու ավելի հաճախ էին երևում անծանոթ մարդիկ, մտահոգ, կիսաձայն գրուցում Անդրեյի հետ և ուշ գիշերին օձիքները բարձրացնելով, գլխարկներն աչքերի վրա խիստ իջեցնելով հեռանում էին մթության մեջ՝ զգուշ, անաղմուկ: Ամեն մեկի մեջ զգացվում էր զբոսոված հուզմունք, թվում էր, թե ամենքն էլ ուզում են երգել ու ծիծաղել, բայց ժամանակ չունեին, նրանք միշտ շտապում էին: Ոմանք ծաղրասեր ու լուրջ էին, ոմանք ուրախ, երիտասարդության ուժով շողշողուն, երրորդները՝ մտախոհ խաղաղ. նրանք ամենքը մոր աչքում ունեին մի ինչ-որ միատեսակ հաստատակամ ինքնավստահ բան, և թեև յուրաքանչյուրն ուներ իր դեմքը, մոր համար բոլոր դեմքերը միաձուլվում էին, դառնում մի նիհար, հանգիստ, վճռական, պայծառ դեմք՝ մուգ աչքերի խոր հայացքով, որ սիրալիր և խիստ էր, ինչպես Քրիստոսի հայացքն է մամուռի ճանապարհին:

Մայրը նրանց հաշվում էր՝ մտքում խմբովին հավաքելով Պավելի շուրջը, այդ խմբի մեջ որդին աննկատելի էր դառնում թշնամիների աչքերի համար:

Մի անգամ քաղաքից եկավ մի ժիր, գանգրահեր աղջիկ, նա Անդրեյի համար ինչ-որ կապոց էր բերել, և հեռանալիս ուրախ աչքերը շողացնելով վրասովային ասաց.

— Յտեսություն, ընկե՛ր:

— Գնաք բարո՛վ, — ժպիտը զսպելով պատասխանեց մայրը: Եվ աղջկան ճանապարհ դնելով մոտեցավ պատուհանին ու ծիծաղելով նայեց, թե ինչպես է փողոցով փոքրիկ ոտները շուտ-շուտ տրոփելով գնում իր ընկերը, որ թարմ էր, ինչպես գարնան ծաղիկը, և թեթև, ինչպես թիթեռը:

— Ընկե՛ր, — ասաց մայրը, երբ հյուրն անհայտացավ: — Ա՛խ, սիրելի՛ս: Աստված քեզ մի ազնիվ ընկեր տա ամբողջ կյանքիդ համար:

Քաղաքից եկող բոլոր մարդկանց մեջ նա հաճախ էր ինչ-որ մանկական բան նկատում և ներողամտորեն ժպտում, բայց նրան հուզում և ցնծագին զարմացնում էր նրանց հավատը, որի խորությունը նա քանի գնում՝ ավելի պարզ էր զգում, նրան

գուրգուրում և շերմացնում էին նրանց երազանքներն արդարության հաղթանակի մասին, նրանց ականջ դնելով՝ ակամա հառաչում էր մի անիմանալի տխրությունից: Բայց մանավանդ հուզում էին նրան՝ նրանց պարզությունն ու իրենց վերաբերմամբ ունեցած գեղեցիկ, շոյալ անփութությունը:

Նա արդեն շատ բան էր հասկանում այն ամենից, ինչ որ նրանք ասում էին կյանքի մասին, զգում էր, որ նրանք գտել են բոլոր մարդկանց դժբախտության իսկական աղբյուրը, և սովորել էր համաձայնել նրանց մտքերի հետ: Բայց հոգու խորվորել էր համաձայնել նրանց մտքերի հետ: Բայց հոգու խորվորել էր հավատում, թե նրանք կարող են կյանքը վերակառուցել իրենց ուզածի պես և, որ նրանց ուժը կբավի իրենց կրակի կողմը գրավելու ամբողջ բանվոր ժողովրդին: Ամեն մեկն ուզում է կուշտ լինել այսօր, ոչ ոք չի ցանկանում իր ճաշը հետաձգել նույնիսկ վաղվան, եթե կարող է այն հիմա ուտել: Ո՛չ շատերը կզնան այդ երկար և դժվարին ճանապարհով, ո՛չ շատ աչքեր կտեսնեն այդ ճանապարհի վերջում մարդկանց եղբայրության հեքիաթային թագավորությունը: Ահա թե ինչո՛ւ նրանք ամենքը, այդ՛ լավ մարդիկ, չնայած նրանց մորուքներին և, երբեմն, հոգնած դեմքերին, մանուկներ էին թվում նրան:

— Սիրելիներս, — մտածում էր նա զլուխը օրորելով:

Բայց նրանք ամենքն արդեն այժմ ապրում էին լավ, լուրջ և խելոք կյանքով, խոսում էին բարու մասին և ցանկանալով մարդկանց սովորեցնել իրենց գիտեցածը՝ այդ անում էին առանց իրենց խնայելու: Նա հասկանում էր, որ այդպիսի կյանքը կարելի է սիրել՝ չնայած նրա վտանգավորությանը և հառաչելով նայում էր ետ, ուր մութ, նեղ շերտի նման՝ տափակ ձգվում էր իր անցյալը: Նրա մեջ աննկատելիորեն առաջ էր եկել այդ նոր կյանքի համար իր պիտանի լինելու անվարան գիտակցությունը, առաջ նա երբեք չէր զգացել, որ ինքը հարկավոր է որևէ մեկին, իսկ այժմ պարզ տեսնում էր, որ հարկավոր է շատերին. դա նոր բան էր, հաճելի և բարձրացրել էր նրա զլուխը...

Նա ճշտապահությամբ գործարան էր տանում թուղիկները, դրա վրա նայում էր իբրև իր պարտականության, և նա սովորական մի մարդ էր դարձել լրտես-խուզարկուների համար ու աննշմար էր մնում: Մի քանի անգամ նրան խուզարկել էին, բայց միշտ թուղիկները գործարանում երևալու հետևյալ օրը: Երբ նրա հետ բան չէր լինում, նա կարողանում էր գրգռել խուզար-

կունքերի և պահակների կասկածը, նրանք ճանկում էին նրան, խուզարկում ոտից գլուխ, նա վերալորված էր ձևանում, վիճում էր նրանց հետ և ամաշեցնելով հեռանում՝ իր ճարպկությամբ հպարտ: Նրան դուր էր գալիս այդ խաղը:

Վեսովլը շիկովին գործարան շընգունեցին. նա բանվոր մտավ մի փայտավաճառի մոտ և ավանում գերաններ, տախտակ և փայտ էր կրում: Մայրը գրեթե ամեն օր տեսնում էր նրան. լարումից դողացող ոտներն ուժգին հենելով գետնին՝ մի գույգ սև ձիեր էին գնում, երկուսն էլ պառավ, ոսկրոտ, նրանց գլուխները հոգնած ու տաղտուկ տմբումբում էին, աղոտ աչքերը տանջված թարթում: Նրանց հետևից ցնցվելով քարշ էր գալիս մի երկար, թաց գերան կամ տախտակների մի կույտ՝ ծայրերը բարձրաձայն շառաչելով, իսկ կողքից՝ սանձերը բաց թողած քայլում էր նիկոլայը պատառտոված շորերով, կեղտոտ, ծանր կոշիկներով, դիտարկը ծոծրակին, անճոռնի, ինչպես գետնից հանած կոճղ: Նա էլ էր գլուխը տմբումբացնում իր ոտների տակ նայելով: Նրա ձիերը կուրորեն գնում են հանդիպող սայլերի վրա, մարդկանց վրա: Նրա շուրջն իշամեղունների պես պտտվում են բարկացկոտ հայհոյանքներ, շարացած ճիչերն օդն են կտրում: Նա առանց գլուխը բարձրացնելու, առանց նրանց պատասխանելու սուլում է սուր, խլացուցիչ սուլոցով և խուլ ձայնով մրթմրթում ձիերի վրա.

— Դա՛հ, դա՛հ:

Ամեն անգամ, երբ ընկերները հավաքվում էին Անդրեյի մոտ արտասահմանյան թերթի նոր համար կամ որևէ բրոշյուր կարդալու, գալիս էր և՛ նիկոլայը, անկյունում նստում և լուռ լուռ մեկ, երկու ժամ: Ընթերցանությունն ավարտելով երիտասարդները վիճում էին, բայց Վեսովլը շիկովը վեճերին չէր մասնակցում: Նա ամենքից երկար էր մնում և մեն-մենակ մնալով Անդրեյի հետ՝ նրան մոայլ հարց էր տալիս.

— Իսկ ո՞վ է ամենից մեղավորը:

— Մեղավորը նա է, հասկանո՞ւմ ես, ով առաջինն ասաց՝ սա ի՞մն է: Այդ մարդը մեռել է մի քանի հազար տարի սրանից առաջ, և նրա վրա բարկանալ չարժե՞,— կատակելով ասում էր խոխուրը, բայց նրա աչքերը նայում էին անհանգիստ:

— Իսկ հարուստները: Իսկ նրանք, որոնք հարուստների կողմն են:

խոխուրը բռնում էր գլուխը, ընչացքները քաշքշում և հասնում

րակ բառերով երկար խոսում կյանքի և մարդկանց մասին: Բայց նրա ասելով այնպես էր դուրս գալիս, որ մեղավոր են բոլոր մարդիկ ընդհանրապես, և դա նիկոլային չէր զոհացնում: Հաստ շրթունքներն ամուր սեղմելով նա բացասաբար օրորում էր գլուխը և թերահավատորեն հայտարարելով որ դա այդպես չէ, հեռանում էր դժգոհ ու մոայլ:

Մի անգամ նա ասաց.

— Ո՛չ, մեղավորներ պետք է որ լինեն, նրանք այստեղ են: Ես ասում եմ, մենք պետք է ամբողջ կյանքը շուռ տանք հերկելով, ինչպես մոլախոտով ծածկված դաշտը,— անխնայ:

— Ա՛յ, մի անգամ համարակալ Իսայը ձեր մասին այդպես ասաց,— հիշեց մայրը:

— Իսա՛յը,— հարցրեց Վեսովլը շիկովը քիչ լուռությամբ հետո:

— Այո՛, Չա՛ր մարդ է: Հետևում է ամենքին, հարց ու փորձ է անում, սկսել է մեր փողոցով անցուղարձ անել, մեր պատուհաններով մտիկ է տալիս...

— Մտի՞կ է տալիս,— կրկնեց նիկոլայը:

Մայրն արդեն պառկած էր անկողնում և չէր տեսնում նիկոլայի դեմքը, բայց հասկացավ, որ մի ավելորդ բան է ասել, որովհետև խոխունը շտապով և հաշտեցուցիչ կերպով ասաց.

— է՛հ, թո՛ղ անցուղարձ անի ու մտիկ տա: Ազատ ժամանակ ունի, ման է գալիս, էլի՛...

— Չէ՛, սպասի՛ր,— խուլ ձայնով ասաց նիկոլայը:— Ա՛յ, նա է մեղավորը:

— Ի՞նչ բանում,— արագ հարցրեց խոխուրը:— Որ հիմա՞ր է: Վեսովլը շիկովին առանց պատասխանելու գնաց:

խոխուրը դանդաղ և հոգնած քայլում էր սենյակում, իր բարակ, սարդային ոտները կամաց քստքստացնելով: Կոշիկները հանել էր, ինչպես միշտ անում էր, որպեսզի չթխկթխկացնի և վլասովային շանհանգստացնի: Բայց մայրը քնած չէր, և երբ նիկոլայը գնաց, անհանգստությունամբ ասաց.

— Ես նրանից վախենո՞ւմ եմ:

— Այո՛,— դանդաղ ձայնը երկարացրեց խոխուրը:— Չայրացկոտ տղա էր: Մա՛յր, դուք նրա հետ Իսայի մասին չխոսե՛ք, այդ Իսայն իսկապես լրտեսում է:

— Չարմանալու ի՞նչ կա: Նրա քավորը ժանդարմ է,— նկատեց մայրը:

— Երևի նիկոլայը նրան կծեծի,— երկյուղով շարունակեց խոխուրը։— Ա՛յ, տեսնո՞ւմ եք, թե ի՞նչ զգացմունքներ են ներշնչել մեր կյանքի պարոն հրամանատարները շարքային ղեկավորներին։ Երբ նիկոլայի պես մարդիկ զգան իրենց վիրավորանքը և համբերությունից դուրս գան, ի՞նչ կլինի։ Երկինքն արշուճով կցողեն, և երկիրն արշան մեջ սապնի պես կփրփրի...

— Սարսափելի՞ է, Անդրյո՛ւշա,— կամաց բացականչեց մայրը։

— Ճանճեր կուլ շտային, սիրտները հո չէին թափի,— քիչ լուռ մնալուց հետո ասաց Անդրեյը։— Եվ այնուամենայնիվ, մայր, նրանց արշան ամեն մի կաթիլը նախօրոք վիացված է ժողովրդի արցունքների լճերով...

Նա հանկարծ կամաց ծիծաղեց և ավելացրեց.

— Արդարացի է, բայց միխթարական չէ։

## XXII

Մի անգամ, մի տոն օր, մայրը խանութից եկավ, դուռը բաց արեց և շեմքում մնաց կանգնած, հանկարծակի ամբողջովին ուրախությամբ ողողված՝ ինչպես տաք, ամառվա անձրևով սենյակում հնչում էր Պավելի ուժեղ ձայնը։

— Ահա՛ մայրը,— գոչեց խոխուրը։

Մայրը տեսավ, թե ինչպես արագ շուռ եկավ Պավելը և նկատեց, որ նրա դեմքը բոցավառվեց մի զգացմունքով, որն իբր՝ մոր համար, ինչ-որ մեծ բան էր խոստանում։

— Ահա և եկար... ու տանն էս,— մրմնջաց մայրը, անսպասելիությունից իրեն կորցնելով, և նստեց։

Որդին դեպի մայրը կռացավ. գունատ, աչքերի անկյուններում պայծառ շողշողում էին փոքրիկ արցունքներ, շրթունքները ցնցվում էին։ Մի վայրկյան նա լուռ էր, մայրը նայեց նրան նույնպես լուռությամբ։

Խոխուրը մեղմ սուլելով, գլուխը կախ անցավ նրանց մոտով և բակը դուրս եկավ։

— Շնորհակալություն, մայրի՛կ,— խոր, ցածր ձայնով ասաց Պավելը ցնցվող մատներով նրա ձեռքը սեղմելով։— Շնորհակալություն, հարազա՛տս։

Որդու դեմքի արտահայտությամբ և ձայնի հնչյունով ուրախ, ցնցված մայրը շոյում էր նրա գլուխը և սրտի զարկը զսպելով, կամաց ասում,

— Քրիստո՛ս քեզ հետ։ Ինչի՞ համար...

— Նրա համար, որ օգնում ես մեր մեծ գործին՝ շնորհակալություն,— ասում էր Պավելը։— Երբ մարդ կարող է իր մորն անվանել հոգով ևս հարազատ, դա հազվագյու՛տ երջանկություն է։

Մայրը լուռ, բաց սրտով ազահությունով կլանելով նրա խոսքերը՝ հիանում էր որդով,— նա կանգնած էր իր առջև այնպե՛ս լուսավոր, մոտիկ։

— Մայրի՛կ, ես տեսել եմ, շատ բան էր դիպչում քո հոգուն, դժվար էր քեզ համար։ Կարծում էի՝ երբեք չես հաշտվի մեզ հետ, չես ընդունի մեր մտքերն իբրև քոնը, այլ միայն լուռ կհամբերես, ինչպես համբերել ես ամբողջ կյանքդ։ Դա ծա՛նր բան էր...

— Անդրյուշան ինձ շա՛տ բան հասկացրեց,— ավելացրեց մայրը։

— Նա ինձ պատմել է քո մասին,— ծիծաղելով ասաց Պավելը։

— Եզորը նույնպես։ Ես և նա հայրենակիցներ ենք։ Անդրյուշան նույնիսկ ուզում էր գրել-կարդալ սովորեցնել...

— Իսկ դու ամաչել ես և ինքդ ծածուկ սկսել ես սովորե՞լ։

— Նա տեսե՛լ է, հա՛,— շփոթված բացականչեց մայրը։ Եվ կործքը լցված ուրախության առատությունից անհանգստացած՝ առաջարկեց Պավելին.— կանչե՛նք նրան։ Դիտմամբ գնաց, որ չխանդարի։ Նա մայր չունի...

— Անդրե՛յ... — կանչեց Պավելը նախասենյակի դուռը բանալով։— Ո՞ւր ես։

— Այստեղ եմ։ Ուզում եմ փայտ կոտրել։

— Եկ այստե՛ղ։

Անդրեյն իսկույն շեկավ, այլ խոհանոց մտնելով՝ տնտեսավարի ասաց.

— Պետք է նիկոլային ասել, որ փայտ բերի, մեր փայտը քիչ է։ Տեսնո՞ւմ եք, մա՛յր, թե ոնց է Պավելը։ Իշխանությունը՝ պատժելու փոխարեն՝ միայն լավ կերակրում է խոռվարարներին...

Մայրը ծիծաղեց։ Նրա սիրտը դեռ քաղցր նվաղում էր, նա ուրախությունից հարբած էր, բայց արդեն մի ժլատ և զգույշ զգացմունք նրա մեջ ցանկություն էր հարուցում տեսնել որդուն հանգիստ, այնպես, ինչպես միշտ։ Նրա հոգում շափազանց լավ

էր, և նա ուզում էր, որ իր կյանքի առաջին մեծ ուրախությունը մի անգամ ընդմիջտ սպալորվի սրտում այնպես կենդանի և ուժգին, ինչպես որ եկել էր: Եվ երկուդ կրելով՝ շիհի թե այդ երջանկությունը պակասի, նա շտապում էր շուտով ծածկել այն, ինչպես թռչնորը ծածկում է իր պատահաբար բռնած հազվագյուտ թռչունը:

— Եկեք ճաշե՛նք: Պաշա՛, դու չէ՞ որ դեռ բան չես կերել,— այս ու այն կողմ ընկնելով առաջարկեց նա:

— Ոչ: Ես երեկ վերակացուից իմացա, որ որոշել են բաց թողնել ինձ, և այսօր ոռչ խմելս էր գալիս, ոչ ուտելս...

— Առաջինը ես այստեղ հանդիպեցի ծերունի Սիզովին,— պատմում էր Պավելը:— Նա ինձ տեսավ, ճանապարհի այն կողմից այս կողմն անցավ, բարևեց: Ես նրան ասում եմ. ինձ հետ դուք հիմա զգույշ եղեք, ես վտանգավոր մարդ եմ, ոստիկանության հսկողության տակ եմ գտնվում: «Վնաս չունի»,— ասում է: Եվ գիտե՞ս նա ինչպես հարցրեց քրոջ տղայի մասին: «Ի՞նչ,— ասում է,— Ֆլորոն իրեն լա՞վ պահեց»: Ի՞նչ է նշանակում բանտում իրեն լավ պահել: «էհ,— ասում է,— ընկերների դեմ ավելորդ բաներ դուրս չի՞ տվել»: Եվ երբ ես ասացի, թե Ֆեդյան աղանիվ մարդ է ու խելոք, նա մորուքը շփեց և հպարտ-հպարտ ասաց. «Մենք, Սիզովներս, մեր ընտանիքում վատ մարդիկ չունե՛նք»:

— Նա խելքը գլխին ծերունի է,— ասաց խոխուրը գլխով անելով:— Ես ու նա հաճախ ենք խոսում, լավ մուտիկ է: Ֆեդյային շուտով բաց կթողնեն:

— Բոլորին բաց կթողնեն, ես կարծում եմ: Նրանց դեմ ոչ մի բան չկա, բացի Իսայի ցուցմունքներից, իսկ նա ի՞նչ կարող էր ասել:

Մայրը ետ ու առաջ էր գնում և նայում էր որդուն. Անդրեյը Պավելի պատմություններին ականջ դնելով, կանգնել էր պատուհանի մոտ ձեռները մեջքին դրած: Պավելը շրջում էր սենյակում: Նրա մորուքը երկարել էր, բարակ և մուգ մազերի մանր օղակները խիտ ոլորվել էին այտերի վրա՝ մեղմացնելով դեմքի թուխ գույնը:

— Նստե՛ք,— առաջարկեց մայրը՝ սեղանին դնելով տաք կերակուրը:

Ճաշին Անդրեյը պատմեց Ռիբինի մասին: Եվ երբ նա վերջացրեց, Պավելը ցավակցությամբ բացականչեց.

— Եթե ես տանը լինեի, նրան բաց չէի թողնի: Նա ի՞նչ է տարել իր հետ: Վրդովմունքի մեծ զգացմունք և գլխում շփոթ:

— Է՛,— ասաց խոխուրը քմծիծաղով,— երբ մարդ քառասուն տարեկան է, և ինքն էլ իր հոգու մեջ երկար կովել է արջերի դեմ, դժվար է նրան վերափոխել...

Սկսվեց այն վեճերից մեկը, երբ մարդիկ սկսում էին խոսել այնպիսի խոսքերով, որոնք անհասկանալի էին մոր համար: Ճաշըն ավարտեցին, բայց դեռ էլի կատաղորեն իրար վրա էին թափում խորիմաստ բառերի ճոճուան կարկուտը: Երբեմն պարզ էին խոսում:

— Մենք պետք է գնանք մեր ճանապարհով՝ ոչ մի քաջ չթեքվելով ոչ մի կողմ,— հաստատապես հայտնում էր Պավելը:

— Եվ ճանապարհին դեմ կանենք մի քանի տասնյակ մարդկանց, որոնք կդիմավորեն մեզ իբրև թշնամիների...

Մայրն ականջ էր դնում վեճին և հասկանում էր, որ Պավելը գլուղացիներին չի սիրում, իսկ խոխուրը նրանց պաշտպանում է՝ ապացուցելով, որ մուծիկներին ևս պետք է բարիք սովորեցնել: Մայրն Անդրեյին ավելի էր հասկանում և թվում էր, թե նա իրավացի է, բայց ամեն անգամ, երբ Անդրեյը որևէ բան էր ասում Պավելին, մայրը ուշադրությունը լարելով և շնչառությունը պահելով՝ սպասում էր որդու պատասխանին, որպեսզի շուտով իմանա, թե արդյոք խոխուրը նրան չի՞ վիրավորել: Բայց նրանք իրար վրա գոռում էին առանց վիրավորելու:

Երբեմն մայրը հարցնում էր որդուն.

— Այդպե՞ս է արդյոք, Պա՛շա:

Պավելը ժպտալով պատասխանում էր.

— Այդպե՞ս է:

— Դուք, պարո՞ն,— սիրալիր նենգամտությամբ ասում էր խոխուրը,— կուշտ կերել եք, բայց վատ եք ծամել, ձեր կոկորդում պատառ է մնացել: Ողողեցե՛ք ձեր կոկորդը:

— Հիմարություններդ թո՛ղ,— խորհուրդ էր տալիս Պավելը:

— Ես կարծես հոգեհանգստի եմ...

Մայրը կամաց ծիծաղելով գլուխն օրորում էր...

## XXIII

Մտտենում էր գարունը, հավում էր ձյունը, մերկացնելով իր խորքում գտնվող ցեխն ու մուրը: Օրեցօր ցեխն ավելի համառորեն էր աչքի զարնում, թվում էր, թե ամբողջ ավանը ցնցոտի-

ներ է հագել, անլվա է: Յերեկը կտուրները կաթում էին, հոգնած ու քրտնած ծխում էին տների գորշ պատերը, իսկ գիշերվա դեմ աղոտ կերպով սպիտակին էին տալիս սառցե լուլաները: Երկընթում ավելի ու ավելի հաճախ էր երևում արեգակը: Եվ սկսել էին անդադրում խոխոջել առունները դեպի ճահիճը վազելով:

Պատրաստվում էին տոնելու Մայիսի մեկը:

Գործարանում և ավանում թռչում էին թոռցիկները, որոնք բացատրում էին այդ տոնի նշանակությունը, և նույնիսկ պրոպագանդայից շագղված երիտասարդները դրանք կարդալով ասում էին.

— Ա՛յ տոնը պետք է կազմակերպել:

Վեստովշիկովը խոժոռ ժպտալով բացականչում էր.

— Ժամանակն է: Հերի՛ք է պահմտոցի խաղալ:

Ուրախանում էր Ֆեդյա Մազինը: Սաստիկ նիհարած լինելով նա իր շարժումների և խոսքերի ջղային թրթռոցով նմանվում էր վանդակում գտնվող արտույտի: Նրան միշտ ուղեկցում էր ոչ իր տարիքի համեմատ լուրջ Յակով Սոմովը, որ այդ ժամանակ քաղաքում էր աշխատում: Սամոյլովը, որ բանտում ավելի կարմրաշեկ էր դարձել, Վասիլի Գուսևը, Բուկինը, Դրագունովը և էլի մի քանի հոգի ապացուցում էին, թե անհրաժեշտ է դենքը ձեռին դուրս գալ, բայց Պավելը, խոխոլը, Սոմովը և ուրիշները վիճում էին նրանց հետ:

Հայտնվում էր Եգորը, միշտ հոգնած, քրտնած, հեալով, և կատակում էր.

— Գոյություն ունեցող իրավակարգը փոխելու աշխատանքը մեծ աշխատանք է, ընկերներ, բայց որպեսզի դա ավելի հաջող ընթանա, ես պետք է ինձ համար նոր կոշիկներ գնեմ, — ասում էր նա մատնանշելով իր պատառոտված և թաց կոշիկները: — Կրկնակոշիկներս էլ են պատառոտվել անբուժելի կերպով, և ամեն օր ոտներս թրջվում են: Ծս չեմ կամենում փոխադրվել երկրի խորքերը, նախքան մեր հրաժարվելը հին աշխարհից հրապարակորեն և բացեիբաց, ուստի բացասելով ընկեր Սամոյլովի առաջարկը զինված ցույցի վերաբերյալ՝ առաջարկում եմ զինել ինձ ամուր կոշիկներով, քանզի խորապես համոզված եմ, որ սա ավելի՛ օգտակար է սոցիալիզմի հաղթանակի համար, քան նույնիսկ շատ մեծ տուրուղմբոցը...

Հենց այսպիսի սեթևեթ լեզվով էր նա պատմում բանվորներին այն մասին, թե ինչպես զանազան երկրներում ժողովուրդն

աշխատել է թեթևացնել իր կյանքը: Մայրը սիրում էր լսել նրա ճառերը և դրանցից նա տարօրինակ տպավորություն էր ստանում, — ժողովրդի ամենախորամանկ թշնամիները, որոնք ամենից ավելի անգթորեն և հաճախ են խաբել նրան, եղել են փոքրիկ, հաստափոր, կարմրամուրթ մարդուկները՝ անխիղճ ու ազահ, խորամանկ և անգութ: Երբ նրանց համար ցարերի իշխանության տակ ապրելը դժվարանում էր, նրանք խավար ժողովրդին գրգռել են ցարական իշխանության դեմ, իսկ երբ ժողովուրդը բարձրացել և այդ իշխանությունը կորզել է թագավորի ձեռքից, այդ մարդուկները խաբեբայությամբ իրենց ձեռքն են առել իշխանությունը և ժողովրդին քշել բները. իսկ եթե ժողովուրդը վիճել է նրանց հետ, կոտորել են նրան հարյուրներով ու հազարներով:

Մի անգամ, սիրտ անելով, մայրը Եգորին պատմեց կյանքի այն պատկերը, որ ինքը ստեղծել էր նրա ճառերի հիման վրա, և ամաչկոտությամբ ծիծաղելով հարցրեց.

— Այսպե՛ս է արդյոք, Եգո՛ր իվանիչ:

Եգորը քրքրաց աչքերը ծռելով, շնչասպառ եղավ, ձեռներով կուրծքը տրորեց:

— Հիրավի այդպես է, մայրի՛կ: Դուք միանգամայն ճիշտ եք ըմբռնել պատմությունը: Այդ դեղին ֆոնի վրա կան մի քանի զարդանկարներ, այսինքն ասեղնագործություններ, բայց դրանք բանը չեն փոխում: Հենց հաստիկ մարդուկներն են գլխավոր մեղավորները և ամենաթունավոր միջատները, որոնք կծում են ժողովրդին: Ֆրանսիացիները հաջող կերպով դրանց անվանում են բուրժուա: Հիշեցե՛ք, մայրի՛կ, բուրժուա՛: Խժոռում են նրանք մեզ, խժոռում ու հյուսթը ծծում...\*

— Նշանակում է՝ հարուստներ՞ըր, — հարցրեց մայրը:

— Ա՛յ, հենց նրա՛նք: Նրանց դժբախտությունն այդ է: Գիտե՞ք, եթե երեխայի կերակրի մեջ քիչ-քիչ պղինձ խառնեն, դրանից նրա ոսկորները ուշ կաճեն և նա թզուկ դուրս կգա, իսկ եթե մարդուն ոսկով թունավորես, նրա հոգին կդառնա փոքրիկ, մեռած և գորշ, հինգ կոպեկանոց ռետինե գնդակի պես...

Մի անգամ Եգորի մասին խոսելիս Պավելն ասաց.

\* Բնագրում բառախաղ է Ծур-жуа (Ծуржуа) жуиот (ծամում են) բաներից: Մամում բառը փոխարինեցինք «խժոռում» բառով որոշ նույնահնչյունությամբ պահպանելու համար: Մ. Բ.:

— Բայց գիտե՞ս, Անդրե՛յ, ամենից շատ այն մարդիկ են կատակում, որոնց սիրտը մրմռում է...

Խոխուրը քիչ լռեց և աչքերը կկոցելով պատասխանեց.

— Եթե քո ասածը ճիշտ լիներ, ամբողջ Ռուսաստանը ծիծաղից կմեռներ...

Երեւոյ Նատաշան, նա էլ էր բանտում նստած եղել մի ուրիշ քաղաքում, բայց այդ նրան չէր փոխել: Մայրը նկատեց, որ նրա ներկայութեամբ խոխուրը զվարթանում, կատակներ էր շոտում, բոլորին դիպում էր թեթև նենգախոսութեամբ՝ մոր մեջ ուրախ ծիծաղ հարուցելով: Բայց երբ Նատաշան հեռանում էր, Անդրեյն սկսում էր թախծալի սուլել իր անվերջ երգերը և երկար ժամանակ ման էր գալիս սենյակում ոտները վհատութեամբ քստքըստացնելով:

Հաճախ շտապ գալիս էր Սաշան, միշտ մոռացված, միշտ շտապելիս և ինչ-որ պատճառով ավելի ու ավելի կոշտ-կոպիտ, խիստ:

Մի անգամ, երբ Պավելը նախասենյակ էր դուրս եկել նրան ճանաչարհ դնելու և դուռը հետևից չէր փակել, մայրն այս արագ խոսակցությունը լսեց.

— Դրոշակը դո՞ւք եք տանելու, — կամաց հարցրեց աղջիկը:  
— Ես:

— Դա որոշված է:

— Այո: Դա իմ իրավունքն է:

— Նորի՞ց բանտ:

Պավելը լուռ էր:

— Դուք չէի՞ք կարող... — սկսեց Սաշան և կանգ առավ:

— Ի՞նչ, — հարցրեց Պավելը:

— Ուրիշին գիշել...

— Ո՛չ, — բարձրաձայն ասաց Պավելը:

— Մտածեցե՛ք, դուք այնպես աղղկեցիկ եք, ձեզ սիրո՞ւմ են... Դուք և Նախողկան այստեղ առաջինն եք, դուք որքա՞ն գործ կարող եք կատարել ազատության մեջ, մտածեցե՛ք: Իսկ չէ՞ որ դրա համար ձեզ կաքսորեն հեռու տեղ, երկա՛ր ժամանակով:

Մորը թվաց, թե աղչկա ձայնի մեջ ծանոթ զգացումներ են հնչում՝ թախիժ և երկյուռ: Եվ Սաշայի խոսքերն սկսեցին մոր սրտի մեջ ընկնել ինչպես սառցաչորի խոշոր կաթիլներ:

— Ո՛չ, ես վճռե՛լ եմ, — ասաց Պավելը: — Դրանից ես չեմ հրաժարվի ոչ մի պայմանով:

— Նույնիսկ եթե ե՞ս խնդրելու լինեմ...

Պավելը հանկարծ սկսեց խոսել արագ և առանձնապես խիստ.

— Դուք այդպես չպիտի խոսեք, ի՞նչ եք ասում: Դուք չպիտի խոսեք:

— Ես մա՛րդ եմ, — կամաց ասաց աղջիկը:

— Լավ մարդ եք, — նույնպես կամաց, բայց մի ինչ-որ առանձնահատկությամբ, կարծես շնչասպառ էր լինում, ասաց Պավելը: — Ինձ համար թանկագին մարդ: Ուստի և... ուստի և պետք չի այդպես խոսել...

— Մնաս բարո՞ւվ, — ասաց աղջիկը:

— Նրա կոշիկի կրունկների թխկթխկոցից մայրը հասկացավ, որ նա հեռացավ արագ, գրեթե վազեց: Պավելը նրա հետևից գնաց բակ:

Մի ծանր, ձնշող երկյուղ պատեց մոր սիրտը: Նա չէր հասկանում, թե ինչի մասին էր խոսքը, բայց զգում էր, որ առաջիկայում իրեն վիշտ է սպասում:

«Նա ի՞նչ է ուզում անել»:

Պավելը վերադարձավ Անդրեյի հետ միասին. խոխուրը գլուխը տարուբերելով ասում էր.

— Է՛հ, Իսա՛յկա, Իսա՛յկա. ի՞նչ անել դրան:

— Պետք է նրան խորհուրդ տալ, որ թողնի իր մտադրությունը, — մոռալ ասաց Պավելը:

— Պաշա՛, ի՞նչ ես ուզում անել, — հարցրեց մայրը

գլուխը կախելով:

— Ե՛րբ, Հիմա՞:

— Մայիսի... Մայիսի մեկին:

— Հա՛, — բացականչեց Պավելը ձայնն իջեցնելով: — Ես տանելու եմ մեր դրոշը, դրոշը ձեռքիս գնալու եմ բոլորի առջև: Դրա համար ինձ հավանորեն նորից բանտ կնստեցնեն:

Մոր աչքերը տաքացան և բերանում անախորժ շարժումն առաջ եկավ: Պավելը բռնեց նրա ձեռքը, շոյեց:

— Դա հարկավոր է, հասկացի՞ր:

— Ես բան չեմ ասում, — ասաց մայրը գլուխը դանդաղ բարձրացնելով: Եվ երբ նրա աչքերը հանդիպեցին որդու աչքերի համառ փայլին, վիզը նորից ծռեց:

Պավելը բաց թողեց մոր ձեռքը, հառաչեց և հանդիմանորեն ասաց.

— Ոչ թե պետք է վշտանաս դու, այլ պետք է ուրախանաս: Ե՞րբ են այնպիսի մայրեր լինելու, որ ուրախությամբ իրենց զավակներին ուղարկեն մեռնելու...

— Հո՛ւփ, հո՛ւփ,— փնթփնթաց խոխուրը,— տես ի՞նչ մեծ-մեծ է բրդում\*...

— Ես բան եմ ասում ո՞ր,— կրկնեց մայրը:— Ես քեզ չեմ խանգարում: Իսկ եթե քեզ խղճում եմ, ես մայր եմ, ինչպե՞ս չխղճամ...

Պավելը ետ քաշվեց մորից, և մայրը լսեց նրա կոշտ, սուր խոսքերը.

— Սեր կա, որը մարդու խանգարում է ապրել...

Ցնցվելով, վախենալով, որ որդին նորից իր սիրտը վանող որևէ բան կասի, մայրն արագ ասաց.

— Հարկավոր չի, Պա՛շա: Ես հասկանում եմ, որ դու ուրիշ կերպ չես կարող, ընկերների համար է...

— Ո՛չ,— ասաց Պավելը:— Այդ ևս ի՞նչ համար եմ անում: Դուան շեմքում կանգնեց Անդրեյը, նա դռնից բարձր էր և այժմ շեմքում կանգնելով, ինչպես շրջանակի մեջ, տարօրինակ կերպով ծնկները ծալեց՝ մի ուսը շրջանակին հենելով, իսկ մյուս ուսը, վիզը և գլուխն առաջ դուրս բերելով:

— Կա՛վ կլինեք, որ խոսելուն վերջ տայիք, պարո՞ն,— ասաց նա իր ուռուցիկ աչքերը մոռյլ հառելով Պավելի դեմքին: Նա նման էր քարի ձեղքում գտնվող մողեսի:

Մոր լացը գալիս էր: Չցանկանալով, որ որդին տեսնի իր արցունքները, նա հանկարծ մրմնջաց.

— Վա՛յ, ես մոռացել եմ...

Եվ դուրս եկավ նախասենյակ: Այնտեղ գլուխն անկյունը մտցնելով՝ նա ազատություն տվեց իր սրտնեղության արցունք-ներին և լաց եղավ լուռ, անմունչ, արցունքներից այնպես թուլանալով, որ կարծես դրանց հետ միասին դուրս էր հոսում իր սրտի արյունը:

Իսկ թույլ փակված դռան միջով նրա վրա էին սողում վեճի խուլ հնչյունները:

\* Բնագրում «Поскакал наш пан подогнув кафтан» (սլացավ մեր պարոնը՝ բաճկոնի փեշերը վեր քաշելով) շափածո ասացվածքի նշանակու-թյունն ենք տալիս: Մ. Բ.:

— Այդ ի՞նչ է, դու հիանո՞ւմ ես քեզանով՝ մորդ տանջե-լով:— հարցնում էր խոխուրը:

— Դու իրավունք չունես այդպես խոսելու,— գռչեց Պավելը:

— Կա՛վ ընկեր կլինեի ես քեզ, եթե լռեի՝ տեսնելով քո այդ հիմար այծի ոստյունները: Դու ինչո՞ւ ասացիր այդ խոսքերը, ինքդ հասկանո՞ւմ ես:

— Պետք է միշտ հաստատ ասել և՛ այդ-ն և՛ ոչ-չ:

— Մո՞րդ:

— Բոլորի՛ն: Չեմ ուզում ո՛չ սեր, ո՛չ բարեկամություն, որը ոտներիդ է փաթաթվում, արգելք է հանդիսանում...

— Հերո՞ւ: Քի՛թդ սրբիր: Սրբիր ու գնա այդ բոլորը Սաշեն-կային ասա: Դա նրան պետք է ասելի...

— Ասե՛լ եմ...

— Այսպե՛ս: Ստո՞ւմ ես: Դու նրան ասել ես սիրալիր, նրան ասել ես քնքուշ, ես չեմ լսել, բայց գիտե՞մ: Իսկ մորդ առաջ հե-րոսությունդ ես ցույց տալիս... Հասկացի՛ր, ա՛յծ, քո հերոսու-թյունը գրո՞շ չարժի:

Վլասովան սկսեց արագությամբ սրբել արցունքներն այտե-րից: Նա վախեցավ, որ խոխուրը կվիրավորի Պավելին, շտապով բացեց դուռը և խոհանոց մտնելով՝ դողալով, վշտով ու երկյու-ղով լի, բարձրաձայն ասաց.

— Ու-ո՛ւ, ցուրտ է: Դեռ գարուն էլ է...

Խոհանոցում զանազան իրեր աննպատակ մի տեղից մի ուրիշ տեղ փոխադրելով, աշխատելով խլացնել սենյակի քիչ հանդարտված ձայները, նա ալելի բարձրաձայն շարունակեց:

— Ամեն ինչ փոխվել է, մարդիկ տաքացել են, եղանակը սառել: Առաջներն այս ժամանակ եղանակները տաք էին լինում, երկինքը պարզ, արևոտ...

Սենյակում լռեցին: Մայրը սպասելով կանգ առավ խոհա-նոցի մեջտեղը:

— Լսեցի՞ր,— հնչեց խոխուրի կամաց հարցը:— Դա պետք է հասկանալ, սատանա՛: Նրա ասածն ալելի ուժեղ է, քան թե քոնը:

— Թե՛յ կիմե՞ք,— դողողուն ձայնով հարցրեց մայրը: Եվ պատասխանի չսպասելով՝ այդ դողը թաքցնելու նպատակով գո-չեց.

— Սա ի՞նչ բան է, այ թե սառել եմ, հա՛:



Պավելը դանդաղ դուրս եկավ մոր մոտ: Նա նայում էր աչքի տակով, շրթունքների վրա դողացող մեղավոր ժպիտով:

— Ների՛ր ինձ, մա՛յր,— ցածր ասաց նա:— Ես դեռ երեխա եմ, հիմար եմ...

— Դու ինձ հետ բան չունես,— վշտագին գուշեց մայրը՝ ողու գլուխն իր կրծքին սեղմելով:— Ոչինչ մի՛ ասա: Տերը քեզ հետ, քո կյանքը՝ քո՛ գործն է: Բայց սրտիս մի՛ դիպչիր: Մի՛թե մայրը կարող է շիղճալ: Չի՛ կարող: Ես ամենքի՛ն եմ խղճում: Դուք ամենքդ հարազատ եք, ամենքդ արժանավոր եք: Եվ ձեզ ո՞վ կխղճա բացի ինձանից... Դու գնում ես, քո հետևից էլ ուրիշները ամեն ինչ թողին, գնացին... Պա՛շա:

Մի մեծ, ջերմ միտք թպրտում էր նրա կրծքում, թևավորում նրա սիրտը տառապալից, մարտիրոսական ուրախության ներշնչված դգացմունքով, բայց մայրը բառեր չէր գտնում և իր տանջանքի համրության մեջ, ձեռքը թափ տալով նայում էր որդու դեմքին վառ և սուր ցավով այրվող աչքերով:

— Լա՛վ, մայրի՛կ, ների՛ր, ես տեսնում եմ,— մրմնջաց որդին գլուխը կախելով և ժպտադեմ, աչքի տակով նայելով մորը ավելացրեց, երեսը շփոթված, բայց ուրախ դարձնելով:

— Ես սա չեմ մոռանա, ազնիվ խո՛սք:

Մայրը նրան հեռացրեց իրենից և նայելով դեպի սենյակը, աղաչական-սիրալիր ձայնով ասաց Անդրեյին.

— Անդրե՛յ, նրա վրա մի՛ գոռաք: Դուք իհարկե՛ մեծ եք...

Մեջքը դեպի մայրը դարձրած և անշարժ՝ խոխուրը տարօրինակ և ծիծաղելի կերպով մոնջաց.

— Հը՛-ը՛-ը՛: Գոռալու եմ վրան: Դեռ ծեծելու էլ եմ:

Մայրը կամաց-կամաց գնում էր դեպի նա, ձեռքը մեկնած, ու ասում.

— Անո՛ւշ մարդ...

Խոխուրը երեսը դարձրեց, գլուխը կախեց եզի պես և ձեռները ետևում սեղմելով մոր մոտով անցավ խոհանոցը: Այնտեղից հնչեց նրա մույլ ծիծաղաշարժ ձայնը:

— Հեռացի՛ր, Պավե՛լ, թե չէ գլուխդ կկծեմ-կպոկե՛մ: Ես հանաք եմ անում, մա՛յր, դուք մի՛ հավատաք: Լավ է գնամ ինքնահեղ գցեմ: Հա՛: Մեր ածուխը... թաց է, սատանան տանի:

Նա լռեց: Երբ մայրը խոհանոց եկավ, նա հատակին նստած ինքնահեղ էր փչում: Մոր վրա շնայելով նա նորից սկսեց.

— Դուք մի՛ վախեցեք, ես նրան ձեռք չե՛մ տա: Սիրտս փափուկ է խաշած բոզկի պես: Եվ ես... է՛յ, դո՛ւ, հերոս, մի՛ լսիր, ես նրան սիրում եմ: Բայց ես նրա ժիլե՛տը չեմ սիրում: Նա, գիտե՞ք, նոր ժիլետ է հագել, որ իրեն շատ է դուր գալիս, դրա համար էլ փորը ցցած է ման գալիս և ամենքին հրում. ապա մի մտիկ արեք տեսեք ե՛ս ինչ ժիլետ ունեմ: Լավն է, ճիշտ է, բայց մարդկանց ինչո՞ւ հրել: Առանց այդ էլ նեղվածք է:

Պավելը քմծիծաղով հարցրեց.

— Դեռ երկա՞ր պիտի փնթփնթաս: Ինձ մի քոթակ տվիր՝ հերի՛ք էր:

Հատակին նստած՝ խոխուրը ոտները մեկնել էր ինքնալեռի երկու կողմը և նայում էր նրան: Մայրը կանգնել էր դռան մոտ, աչքերը սիրալիր և տրտում հառած Անդրեյի կլոր ծածրակին և նրա երկար, կուացած վզին: Անդրեյը մարմինը ետ թեքեց, ձեռներով հենվեց հատակին, նայեց մորը և որդուն, մի քիչ կարմրած աչքերով, և աչքերը ճպճպացնելով ցածրաձայն ասաց.

— Լա՛վ մարդիկ եք դուք, այո՛:

Պավելը կուացավ, բռնեց նրա ձեռքը:

— Մի՛ ձգիր,— խուլ ձայնով ասաց խոխուրը: Ինձ կգտրես...

— Ի՞նչ եք քաշվում,— տրտում ասաց մայրը:— Համբու՛կվեցեք գնա՛, պինդ-պինդ գրկվեցե՛ք...

— Ուզո՞ւմ ես,— հարցրեց Պավելը:

— Կարելի՛ է,— պատասխանեց խոխուրը տեղից բարձրա՛նալով:

Ամուր գրկվելով, նրանք մի վայրկյան քարացան, երկու մարմին՝ դարձան մի հոգի, որը ջերմ այրվում էր բարեկամության զգացումով:

Մոր դեմքով հոսում էին արցունքները, արդեն թեթև արցունքներ: Աչքերը սրբելով մայրը հուզված ասաց.

— Կինը սիրում է լաց լինել, վշտից լալիս է, ուրախությանից լալիս է...

Խոխուրը դեն հրեց Պավելին քնքուշ շարժումով և նույնպես աչքերը մատնելով սրբելով ասաց.

— Հերի՛ք է: Հորթերը շատ ցատկոտեցին, ժամանակն է, որ տապակվե՛ն: Ի՛նչ սատանայական ածուխ է: Փչեցի, փչեցի՛ աչքերս փոշի լցվեցին...

Պավելը գլուխը կախելով նստեց պատուհանի մոտ և ցածր ասաց.

— Այդպիսի արցունքների համար չպիտի ամաչել...

Մայրը մոտեցավ նրան, նստեց կողքին: Նրա սիրտը ջերմ ու քնքուշ համակվել էր մի ոգևորիչ զգացմունքով: Նա տխուր էր, բայց հաճելի և հանգիստ տրամադրություն մեջ:

— Ես ամանեղենը կհավաքեմ, դուք նստեցե՛ք, մայր,— ասաց խոխուրը սենյակ գնալով:— Հանգստացե՛ք: Ձեր սիրտը ցավացրել են...

Եվ սենյակում հնչեց նրա քաղցր ձայնը.

— Հիանալի՜ զգացի՛նք հիմա կյանքը, իսկական, մարդկային կյանքը...

Խոխուրը դեն հրեց Պավելին քնքուշ շարժումով և նույնպես

— Այո՛, — ասաց Պավելը մորը նայելով:

— Ամեն ինչ ուրիշ տեսակ է դարձել,— արձագանքեց մայրը:— Ցավն էլ է ուրիշ, ուրախությունն էլ է ուրիշ...

— Այդպես էլ պետք է լինի՛,— ասաց խոխուրը:— Որովհետև տև նոր սիրտ է աճում, իմ սիրելի մայր, կյանքի մեջ նոր սիրտ է աճում: Մարդը գալիս է, կյանքը լուսավորում բանականության կրակով և գոռում է, կանչում. «Հե՛յ, դո՛ւք, բոլոր երկրների մարդի՛կ, միացե՛ք դարձեք մի ընտանիք»: Եվ նրա կանչին բոլոր սրտերն իրենց առողջ կտորներով միանում դառնում են մի ահագին սիրտ, ուժեղ, հնչեղ, ինչպես արծաթե զանգ...

Մայրը շրթունքներն ամուր սեղմել էր, որ չդողան, և աչքերը պինդ փակել, որ լաց չլինեն:

Պավելը ձեռքը բարձրացրեց, ուզեց մի բան ասել, բայց մայրը վերցրեց նրա մյուս ձեռքը և ցած քաշելով շնչաց.

— Մի՛ խանգարիր նրան...

— Գիտե՛ք,— ասաց խոխուրը՝ դուրս շեմքում կանգնած,— Դեռ հետագայում մարդիկ շա՛տ ցավ կտեսնեն, դեռ շատ արյուն կքամեն նրանցից, բայց այդ բոլորը, իմ ամբողջ վիշտն ու արյունը, փո՛քր գինն է այն բանի, ինչ որ արդեն կա իմ կրծքում, իմ ուղեղում... Ես արդեն հարուստ եմ, ինչպես աստղը ճառագայթներով, ես ամեն բանի կղիմանամ, ամեն բանի կհամբերեմ, որովհետև իմ մեջ կա մի ուրախություն, որը ոչ ոք, ոչ մի բան, երբե՛ք չի կարող սպանել: Այդ ուրախության մեջ ո՛ւժ կա:

Թեյ խմեցին, սեղանի մոտ նստեցին մինչև կեսգիշեր, մտերմական զրույց անելով կյանքի, մարդկանց, ապագայի մասին:

Եվ մայրը, երբ մի միտք իր համար պարզ էր լինում, հանաչելով իր անցյալից վերցնում էր որևէ բան, միշտ ծանր ու

կոպիտ, և իր սրտից վերցրած այդ քարով հիմնավորում, հաստատում էր իր միտքը:

Ձրույցի տաք հոսանքում նրա երկյուղը հալվում էր, այժմ նա իրեն զգում էր այնպես, ինչպես այն օրը, երբ հայրը դաժանորեն ասաց իրեն.

— Ի՞նչ ես ռեխո՞ ծոում: Գտնվել է մի հիմար, քեզ կին է առնում, գնա՛: Բոլոր աղջկերթն են մարդու գնում, բոլոր կանայք են երեխա ծնում, բոլոր ծնողների համար երեխաները ցավ են: Դո՛ւ ինչ է, մարդ չե՞ս:

Այդ խոսքերից հետո նա իր առջև տեսնում էր մի անխուսափելի շավիղ, որ անպատասխան ձգվում էր մի դատարկ, խափելի վայրի շուրջը: Եվ այդ շավղով գնալու անխուսափելիությունը նրա սիրտը լցնում էր կույր հանգստությամբ: Այնպես էր և այժմ: Բայց զգալով նոր վշտի գալուստը՝ նա իր ներսում ասում էր ինչ-որ մեկին.

«Առե՛ք, վերցրե՛ք»:

Դա թեթևացնում էր նրա սրտի ցավը, որը ցնցվելով երգում էր նրա կրծքում ինչպես ձգված լար:

Եվ սպասումի տխրությանը վրդովված նրա հոգու խորքում ոչ ուժեղ, բայց անշեղ վառվում էր այն հույսը, որ իրենից ամեն ինչ չեն վերցնի, չե՛ն կորզի: Մի բան կմնա...

## XXIV

Վաղ առավոտյան, երբ Պավելն ու Անդրեյը դեռ նոր էին գնացել, Կորստնովան տագնապալի ծեծեց պատուհանը և շտապ աղաղակեց.

— Իսային սպանե՛լ են: Գնանք տեսնենք...

Մայրը ցնցվեց. նրա ուղեղում կայծի պես փայլատակեց սպանողի անունը:

— Ո՞վ,— հակիրճ հարցրեց նա շալն ուսերին պցելով:

— Դե հո սպանողն այնտեղ՝ Իսայի վրա նստած չի, խփել է ու գնացե՛լ,— պատասխանեց Մարյան:

Փողոցում նա ասաց.

— Հիմա նորից կսկսեն տակնուվրա անել, մեղավորին փնտրել: Լավ է, որ քոնոնք գիշերը տանն են եղել, ես դրան վկա եմ: Կեսգիշերից հետո ձեր տան մոտով անցնում էի, ձեր պատուհանով մտիկ տվի, դուք բոլորդ սեղանի շուրջը նստած էիք...

— Ի՞նչ ևս ասում, Մարյա: Մի՞թե նրանց վրա կարելի է կասկածել,— վախեցած բացականչեց մայրը:

— Ապա ո՞վ է սպանել նրան: Հավանական է որ ձերո՞ւնք,— համոզված ասաց Կորսունովան:— Ամենքին հայտնի է, որ Իսայր հետևում էր նրանց...

Մայրը կանգ առավ շնչասպառ, ձեռք դրեց կրծքին:

— Քեզ ի՞նչ եղավ: Դու մի՞ վախենար: Ով արել է, թող նա էլ վախենա՛: Շուտ-շուտ գնանք, թե չէ կտանեն նրան...

Մորը ցնցում էր Վեսովշչիկովի մասին ունեցած ծանր միտքը:

«Ահա՛, ուզածը եղավ»,— ծանր մտածում էր մայրը:

Գործարանի պատերից ոչ հեռու, մոտ ժամանակներս այրված տան տեղում ոտներով ածուխը տրորելով և փոշի բարձրացնելով կանգնած էր ժողովրդի մի բազմություն և իշամեղուների պարսի պես դռբում էր: Շատ էին կանայք, է՛լ ավելի շատ էին երեխաները, կային խանութպաններ, պանդուկի սպասավորներ, ոստիկաններ և ժանդարմ Պետլինը, բարձրահասակ մի ծերունի, թավ արծաթագույն մորուքով, շքանշանները կրծքին:

Իսայր կիսապառկած էր գետնին, մեջքը հենած խանձված գերաններին և բաց գլուխն աչ ուսի վրա կախած: Աչ ձեռքը կոխել էր անդրավարտիքի գրպանը, իսկ ձախ ձեռքի մատներով կառչել էր փխրուն հողից:

Մայրը նայեց նրա դեմքին. Իսայի մի աչքն աղոտ նայում էր հոգնած շոտ ոտների արանքում ընկած գլխարկին, բերանը զարմանքից ապշած՝ կիսաբաց էր, նրա կարմրաշեկ փոքր մորուքը ցցված էր կողքի: Սրագլուխ և ոսկրոտ, պեպենոտ դեմքով նիհար մարմինն է՛լ ավելի էր փոքրացել, մեռնելուց կուշ եկել: Մայրը երեսը խաշակնքեց հառաչելով: Կենդանի ժամանակ Իսայը զզվանք էր ազդում նրան, իսկ այժմ զուսպ խղճահարություն էր զարթեցնում նրա մեջ:

— Արյուն չկա՛,— նկատեց մեկը կիսաձայն:— Երեի բուռնցքով են զարկել...

Մի շար ձայն բարձր արտասանեց.

— Ամբաստանողի բերանը փակել են...

Ժանդարմը ցնցվեց և ձեռներով դեն հրելով կանանց՝ սպանա նազին հարցրեց.

— Այդ ո՞վ է դատողություններ անում, հը՛:

Մարդիկ ցրվեցին նրա հրումներից: Մի քանիսն արագ փախան: Մեկը շարախնդությամբ ծիծաղեց:

Մայրը տուն գնաց:

«Ոչ ոք չի՛ խղճում»,— մտածում էր նա:

Իսկ նրա առջև ստվերի պես կանգնած էր նիկոլայի թիկնեղ կերպարանքը. նրա նեղ-նեղ աչքերը նայում էին սառը, դաժան հայացքով, և աչ ձեռքը ճոճվում էր, կարծես շարդվել էր...

Երբ որդին և Անդրեյը ճաշելու եկան, նա ամենից առաջ հարցրեց.

— Հը՛ ի՞նչ կա: Ոչ ոքի չե՞ն ձերբակալել Իսայի համար:

— Բան չենք լսել,— պատասխանեց խոխուրը:

Մայրը տեսնում էր, որ երկուսն էլ ընկճված են:

— Նիկոլայի մասին բան չե՞ն ասում,— կամաց հարցրեց

մայրը: Որդու խիստ աչքերը կանգ առան մոր դեմքին և նա որոշակի ասաց.

— Բան չեն ասում: Եվ դժվար թե կասկածեն նրա վրա: Նա այստեղ չի: Երեկ գնացել է դետը և դեռ չի վերադարձել: Ես նրա մասին հարցրել եմ...

— Դե փա՛ռք աստծու,— թեթևացած շունչ քաշելով ասաց մայրը:— Փա՛ռք աստծու:

Խոխուրը նայեց մորը և գլուխը կախեց:

— Նա ընկած էր,— մտախոհ պատմում էր մայրը,— և կարծես զարմանում էր, այդպես է նրա դեմքը: Եվ ո՛չ ոք նրան չէր խղճում, ոչ ոք մի բարի խոսքով չպաշտպանեց նրան: Այնպես փոքրիկ է, աննկատելի: Կարծես մի բեկոր է, մի բանից կոտրվել է, ընկել է ու ընկած մնացել...

Ճաշին Պավելը հանկարծ գզալը նետեց և բացականչեց.

— Այդ ես չեմ հասկանում:

— Ի՞նչը,— հարցրեց խոխուրը:

— Կենդանուն սպանել միմիայն նրա համար, որ ուտել է հարկավոր, դա արդեն զզվելի բան է: Սպանել գազանին, գիշատչին... դա հասկանալի է: Ես ինքս կարող էի սպանել այն մարդուն, որը գազան է դարձել մարդկանց համար: Բայց սպանել այդպիսի ողորմելուն, ի՞նչպես է ձեռքը բարձրացել...

Խոխուրն ուսերը թոթվեց: Ապա ասաց.

— Նա գազանից ոչ պակաս վնասակար էր: Մոծակը, որ

մեր արյունից մի քիչ ծծում է, մենք սպանում ենք,— ավելացրեց խոխուրը:

— Դե, իհարկե՛: Ասելս դա չի: Ես ասում եմ, զգվելի՛ է:

— Ի՞նչ արած,— արձագանքեց Անդրեյը ուսերը նորից թոթվելով:

— Դու կարո՞ղ էիր սպանել այդպիսի մեկին,— մտախոհ հարցրեց Պավելը երկար լուռթյունից հետո:

Խոխուրը նայեց նրան իր կլոր աչքերով, աչքի տակով նայեց մորը և տրտմորեն, բայց հաստատապես պատասխանեց.

— Ընկերների համար, գործի համար ես ամեն ինչ կանեմ: Կսպանեմ էլ: Թեկուզ որդուս...

— Վա՛յ, Անդրյո՛ւշա,— կամաց բացականչեց մայրը:

Անդրեյը ժպտաց մորը, ասաց.

— Այլ կերպ չի՛ կարելի: Կյա՛նքն է այդպես...

— Այո՛ր... — դանդաղ ծոր տվեց Պավելը: — Կյանքն այդպե՛ս է...

Հանկարծ վրոդված, ներքին մի մղումի ենթարկվելով՝ Անդրեյը վեր կացավ, ձեռները շարժեց և ասաց.

— Ի՞նչ կարող եք անել: Ստիպված ես ատել մարդուն, որպեսզի շուտ հասնի այն ժամանակը, երբ կարելի կլինի միայն հիանալ մարդկանցով: Պետք է ոչնչացնել նրան, ով խանգարում է կյանքի ընթացքը, ով մարդկանց վաճառում է փողով, որպեսզի դրանով գնի իր համար հանգիստ կամ պատիվ: Եթե ազնիվների ճանապարհին Հուդա է կանգնած, սպասում է, որ մատնի նրանց, ես ինքս Հուդա կլինեմ, եթե շոշնջացնեմ նրան: Ես իրավունք չունեմ: Իսկ նրանք՝ մեր տերերը, նրանք իրավունք ունեն պահելու զինվորներ ու դահիճներ, հասարակաց տներ ու բանտեր, տաժանակրոթյուն և այն բոլոր պղծությունները, որոնք պահպանում են իրենց հանգիստը, իրենց հարմարավոր կյանքը: Երբեմն ես ստիպված եմ լինում ձեռքս առնել նրանց փայտը, ի՞նչ արած: Ես կվերցնեմ այդ փայտը, չեմ հրաժարվի: Նրանք մեզ սպանում են տասնյակներով և հարյուրներով, դա ինձ իրավունք է տալիս ձեռքս բարձրացնել և իջեցնել թշնամիներից մեկի գլխի վրա, այն թշնամու վրա, որն ամենից ավելի՛ է մոտեցել ինձ և մյուսներից ավելի վտանգավոր է իմ կյանքի, գործի համար: Այսպես է կյանքը: Ես էլ հենց դրա՛ դեմ եմ գնում, ես էլ հենց այդ է, որ չեմ ուզում: Ես գիտեմ, նրանց արյունով ոչինչ չի ստեղծվում, անպտուղ է այդ արյունը... Լավ է աճում ճշմարտու-

թյունն այն ժամանակ, երբ մե՛ր արյունը հորդ անձրևի պես ոռոգում է հողը, իսկ նրանցը հոտած է, կորչում է անհետ, ես այդ գիտեմ: Բայց ես վրաս մեղք կվերցնեմ, կսպանեմ, եթե տեսնեմ, որ հարկավոր է: Ես չե՞ որ միայն ի՛նձ համար եմ ասում: Իմ մեղքն ինձ հետ կմեռնի, ապագայի վրա բիծ չի դառնա, ոչ ոքի չի կեղտոտի, բացի ինձանից, ոչ ոքի՛:

Նա շրջում էր սենյակում ձեռքը դեմքի առջև թափահարելով և կարծես թե օդը կտրում էր, պոկում էր իրենից: Մայրը նրա վրա նայում էր թախծով և անհանգստությունամբ, զգալով, որ նրա մեջ մի բան փշրվել է և ցավ է զգում: Սպանություն խավար, վտանգավոր մտքերը հեռացել էին մորից. «Եթե վեսով շշիկովը չի սպանել, ապա Պավելի ընկերներից ոչ ոք չէր կարող անել այդ», — մտածում էր նա: Պավելը գլխիկոր ականջ էր դնում խոխուրին, իսկ խոխուրը համառորեն և ուժգին ասում էր.

— Առաջ գնալիս հարկ է լինում, որ ինքդ քո՛ դեմ էլ գնաս: Պետք է կարողանալ ամեն բան տալ, ամբողջ սիրտդ անգամ: Կյանքը տալը, գործի համար մեռնելը, դա հասարակ բան է: Տուր ավելի՛, և ա՛յն, ինչ որ կյանքիցդ ավելի թանկ է, տո՛ւր, այն ժամանակ խիստ կաճի և՛ քո ամենաթանկագինը՝ քո ճշմարտությունը...

Նա կանգ առավ սենյակի մեջտեղը գունատված, աչքերը կիսափակ ու ձեռքը բարձրացնելով հանդիսավոր խոստում տալով ասաց.

— Ես գիտեմ, կգա ժամանակը, երբ մարդիկ կսկսեն իրարով հիանալ, երբ յուրաքանչյուրը մյուսի առջև իբրև աստղ կլինի: Երկրի երեսով կշրջեն ազատ, իրենց ազատությամբ մեծ մարդիկ, ամենքը կշրջեն բաց սրտերով, ամեն մեկի սիրտը զերծ կլինի նախանձից, և անոխակալ կլինեն ամենքը: Այն ժամանակ ոչ թե կյանք կլինի, այլ՝ ծառայություն մարդուն. նրա պատկերը կհամբառնա բա՛րձր, շատ բարձր. ազատների համար բոլոր կհամբառնա բա՛րձր, շատ բարձր. ազատների համար բոլոր բարձունքներն են մատչելի: Այն ժամանակ կապրեն ճշմարտության և ազատության մեջ գեղեցկության համար, և լավագույններ կհամարվեն նրանք, որոնք սրտով ավելի լա՛յն կգրկեն աշխարհը, որոնք ավելի խո՛ր կսիրեն աշխարհը, լավագույններ կլինեն ամենաազատները, նրանց մեջ ամենից շատ գեղեցկություն կլինի: Մեծ կլինեն ա՛յդ կյանքի մարդիկ...

Նա լռեց, շտկվեց, խլաձայն, ամբողջ կրծքով ասաց.

— Այդպե՛ս, ա՛յդ կյանքի համար ես ամեն բան կանեմ...

Նրա դեմքը ցնցվեց, աչքերից արցունքներ էին հոսում իրար հետևից, խոշոր ու ծանր:

Պավելը գլուխը բարձրացրեց և նայում էր նրան գունատ, աչքերը լայն բացած: Մայրն աթոռից վեր կացավ՝ դաջալով, թե ինչպես է աճում և դեպի իրեն շարժվում մթին տաքնապար:

— Քեզ ի՞նչ պատահեց, Անդրե՛յ,— կամաց հարցրեց Պավելը:

Խոխուրը գլուխը թափ տվեց, շտկվեց լարի պես և մորը նայելով ասաց.

— Ես տեսել եմ... Գիտեմ...

Մայրը վեր կացավ, արագ մոտեցավ նրան, բռնեց նրա ձեռները, Անդրեյը փորձեց աչքերը դուրս քաշել, բայց մայրն ամուր բռնել էր և շնչում էր ջերմ շշուկով:

— Սիրելիս՛, հանգի՛ստ: Հարազատ...

— Սպասեցե՛ք,— խուլ քրթմնջաց խոխուրը:— Ես կասեմ ձեզ թե դա ինչպես եղավ...

— Հարկավոր չի՞,— շնչում էր մայրը՝ արցունքոտ աչքերով նրան նայելով:— Հարկավոր չի, Անդրեյ՛ու...

Պավելը կամաց մոտեցավ թաց աչքերով նայեց ընկերոջը: Նա գունատ էր և ժպտալով ցածրաձայն ասաց նրան դանդաղ.

— Մայրս վախենում է, թե այդ դո՛ւ...

— Ես չեմ վախենում: Չե՛մ հավատում: Տեսնե՛ի էլ, էլի չէի հավատա:

— Սպասեցե՛ք,— ասում էր խոխուրը նրանց շնայելով, գլուխըն օրորելով և միշտ աշխատելով ազատել ձեռքը:— Այդ ես չեմ եղել, բայց ես կարող էի թույլ շտալ...

— Թո՛ղ, Անդրե՛յ,— ասաց Պավելը:

Մի ձեռքով սեղմելով Անդրեյի ձեռքը՝ Պավելը մյուս ձեռքը դրեց նրա ուսին, կարծես կամենալով կանգնեցնել նրա բարձր մարմնի դողը: Խոխուրը գլուխը թեքեց դեպի նրանց և կամաց, կցկտուր ասաց.

— Ես այդ չէի ուզում, դու հո գիտես, Պավել: Այսպես պատահեց, երբ դու առաջ գնացիր, իսկ ես կանգ առա անկյունում Դրագունովի հետ, Իսայր դուրս եկավ անկյունից, կանգնեց մի կողմ: Նայում է մեզ, քմծիծաղում... Դրագունովն ասաց. «Տեսնո՞ւմ ես: Նա ինձ է հետապնդում, ամբողջ գիշերը հետևել է: Ես նրան կչարդեմ»: Եվ գնաց, ինձ թվաց թե՛ տուն... Իսկ Իսայր մոտեցավ ինձ...

Խոխուրը ի շնչեց:

— Ոչ ոք ինձ այնպես զզվելի կերպով չի վիրավորել, ինչպես նա, այդ շունը...

Մայրը լուռ քաշեց նրա ձեռքից դեպի սեղանը և վերջապես նրան հաջողվեց աթոռին նստեցնել Անդրեյին: Իսկ ինքը նստեց նրա կողքին՝ ուսուսի: Իսկ Պավելը մտալ կանգնել էր Անդրեյի առաջ, մորուքը քրքրելով:

— Նա ինձ ասում էր, թե ամենքիս ճանաչում են, ժանդարմները մեր բոլորիս հաշիվը պահում են և Մայիսից առաջ բոլորիս բռնելու են: Ես չէի պատասխանում, ծիծաղում էի, բայց սիրտս փոթորկվում էր: Նա սկսեց ասել, թե ես խելոք տղա եմ և պետք է որ այդպիսի ճանապարհով գնամ, այլ ավելի լավ է...

Նա կանգ առավ, ձախ ձեռքով երեսը սրբեց, նրա աչքերը չոր-չոր փայլատակեցին:

— Ես հասկանում եմ,— ասաց Պավելը:

— Ավելի լավ է, ասում է, օրենքի ծառայության մտնել,

հը՛:

Խոխուրը ձեռքը շարժեց և սեղմված բռունցքը թափ տվեց:

— Օրենքի՞, անիծյալ՛ հոգի,— ատամների արանքով ասաց նա.— ավելի լավ կլինե՛ր՝ երեսիս ապտակեր... ավելի տանելի կլինե՛ր ինձ համար, և գուցե նրա համար էլ: Բայց այդպես, երբ նա թեք սրտիս մեջ իր նեխած թուքը, ես չհամբերեցի:

Անդրեյը ջղաձգաբար ձեռքը դուրս էր քաշում Պավելի ձեռքից և ավելի խուլ ձայնով գարշանքով ասում էր.

— Ես խփեցի նրա թշին և գնացի: Լսում եմ, Դրագունովը հետևիցս կամաց ասում է. «Բռնվեցի՞ր»: Նա երևի կանգնած է եղել անկյունում...

Քիչ լուռ մնալով խոխուրն ասաց.

— Ես ետ շնայեցի, թեև զգում էի... Հարված լսեցի... Ինքս ինձ համար հանգիստ գնում եմ, կարծես գորտ եմ կոխատել: Սկսեցի աշխատել, տեսա՞ գոռում են. «Իսային սպանե՛լ են»: Հավատա չէր գալիս: Բայց ձեռքս թուլացավ, էլ չեմ կարողանում բռնեցնել, չի ցավում, բայց կարծես կարճացել է...

Նա խեթ-խեթ նայեց ձեռքին և ասաց.

— Երե՛ի ամբողջ կյանքումս չեմ կարող լվանալ այդ գարշելի բիծը...

— Մի՛րոդ մաքուր լինի, սիրելի՛ս,— կամաց ասաց մայրը:

— Ես ինձ չեմ մեղադրում, ո՛չ,— հաստատապես ասաց խո-

խորը:— Բայց ախր զզվելի՛ է դա ինձ համար: Ավելորդ է ինձ համար:

— Ես քեզ լա՛վ չեմ հասկանում,— ասաց Պավելը ուսերը թռթկելով:— Սպանողը դո՛ւ չես, բայց եթե նույնիսկ...

— Եղբա՛յր, իմանաս, որ սպանում են, և չխանգարես...

Պավելը հաստատուն ձայնով ասաց.

— Ես այդ բոլորովին չեմ հասկանում...

Եվ քիչ խորհելով ավելացրեց.

— Այսինքն՝ կարող եմ հասկանալ, բայց զգալ չեմ կարող: Շշակը հնչեց: Խոխորը գլուխը ծռեց, ականջ դրեց զորեղ մռնչյունին և ուշքի գալով ասաց.

— Աշխատելու չեմ գնա...

— Ես էլ,— արձագանքեց Պավելը:

— Բաղնի՛ս կգնամ,— քմծիծաղով արտասանեց խոխորը և շտապ, լուռ, շորերը պատրաստելով մտալլ դուրս գնաց:

Մայրը, նրան կարեկցական հայացքով ճանապարհ դնելով, որդուն ասաց.

— Ինչ ուզում ես ասա՛, Պա՛շա: Գիտեմ, մեղք է մարդ սպանելը, բայց ոչ ոքի մեղավոր չեմ համարում: Խղճում եմ Իսային, նա այնպես փոքրի՛կ էր. ես մտիկ արի նրան, հիշեցի, թե ինչպես էր սպառնում քեզ կախել տալ, և ոչ քե՛ն զգացի դեպի նա, ոչ սիրտս ուրախացավ, որ նա մեռել է: Ուղղակի խղճացի: Իսկ հիմա մեղքս է՛լ չի գալիս:

Նա լռեց, մտածեց մի քիչ և զարմացած ժպտալով ասաց.

— Տե՛ր Հիսուս, լսո՛ւմ ես, Պա՛շա, թե ես ինչ եմ խոսում...

Պավելը երևի չէր լսել: Սենյակում դանդաղ շրջելով, գլխիկոր, նա մտախոհ ու մտալլ ասաց.

— Ահա նա, կյա՛նքը: Տեսնո՞ւմ ես, թե ինչպես են մարդիկ իրար դեմ կանգնեցված: Չես ուզում, բայց պետք է խփես: Եվ ո՞ւմ: Քեզ պես իրավազուրկ մի մարդու: Նա քեզանից ավելի է դժբախտ, որովհետև հիմար է: Ոստիկանությունը, ժանդարմները, լրտեսները, դրանք բոլորը մեր թշնամիներն են, բայց նրանք բոլորն էլ նույնպիսի մարդիկ են, ինչպես մենք, նույնպես ծծում են նրանց արյունը և նույնպես մարդ չեն համարում նրանց: Ամենքն էլ այդպես են: Բայց, ա՛յ, մարդկանց կանգնեցրել են իրար դեմ, կուրացրել հիմարությունը ու երկյուղով, կապել բոլորի ձեռնուտուրը, հուպ տվել և ծծում են, ճգմում և ծեծում մեկին՝

մյուսի միջոցով: Մարդկանց դարձրել են հրացաններ, փայտեր, քարեր ու ասում են. «Սա պետություն է...»

Նա ավելի՛ մոտեցավ մորը:

— Սա ո՛ճիր է, մա՛յր: Միլիոնավոր մարդկանց դազրելի սպանությունը հոգիների սպանություն է... Հասկանո՞ւմ ես, հոգին են սպանում: Տեսնո՞ւմ ես մեր և նրանց մեջ եղած տարբերությունը. մարդն ապտակ է խփել և նա զզվում է, ամաչում, ցավ է զգում, գլխավորը՝ զզվո՞ւմ է, իսկ նրանք հազարներով են սպանում հանգիստ, առանց խղճահարության, առանց սրտի թպրտոցի, բավականությամբ են սպանում: Եվ միայն նրա համար են մահու շափ ճգմում ամենքին և ամեն ինչ, որ պահպանեն արծաթը, ոսկին, շնչին թղթադրամները, այն բոլոր ողորմելի աղբը, որը նրանց տալին է իշխանություն մարդկանց վրա: Մտածիր, տե՛ս, ո՛չ թե իրենց են պահպանում՝ ժողովրդի սպանության մեջ պաշտպանվելով, մարդկանց հոգիներն աղավաղելով, ո՛չ թե իրենց համար են անում այդ, այլ իրենց գույքի համար: Ո՛չ թե ներսից են իրենց պահպանում, այլ դրսից...

Նա վերցրեց մոր ձեռները, կողացավ և թափ տալով ասաց.

— Եթե դու զգասիր այս բոլոր աղտեղությունը և ամոթալի փտածությունը, կհասկանայիր մեր ճշմարտությունը, կտեսներիր, թե ի՞նչ վե՛հ ու պայծառ է այն...

Մայր հուզված վեր կացավ իր և որդու սրտից մի կրակ ձուլելու ցանկությամբ լի:

— Սպասի՛ր, Պա՛շա, սպասի՛ր,— շնչակտուր լինելով մերմընջաց նա:— Ես զգում եմ, սպասի՛ր...

## XXV

Նախասենյակում որոշակի լսվեց մեկի շարժվելու ձայնը: Մայրն ու որդին ցնցվելով՝ իրար նայեցին:

Գուռը կամաց-կամաց բացվեց և ծանր ներս մտավ Ռիբինը: — Ահա՛,— գլուխը բարձրացնելով և ժպտալով ասաց նա:—

Կասե՛ք՝ կամ աղն է պակաս, կամ մաղը:

Նա հագել էր ձյութով կեղտոտված կիսամուշտակ, տրեխներ, գոտկի միջից ցցված էին սև ձեռնոցներ և գլխին բրդոտ գլխարկ կար:

— Առո՞ղջ եք: Քեզ բա՞ց թողեցին, Պավե՛լ: Այդպես: Ինչպե՞ս ես, Նի՛լովնա:— Նա բերանը լայն բանալով ժպտաց ցույց

տալով սպիտակ ատամները, նրա ձայնը հնչում էր ավելի մեղմ, քան առաջ, դեմքն ավելի խիտ էր պատել մորուքով:

Մայրն ուրախացավ, մոտեցավ նրան, սեղմեց նրա մեծ, սև ձեռքը և կպրածյութի առողջարար, թունդ հոտը ներշնչելով ասաց.

— Ա՛խ, այդ դու ես... է՛ շատ ուրախ եմ...

Պավելը ժպտում էր, Ռիբինին տնտղելով:

— Լա՛վ մուժիկ է:

Մուշտակը կամաց-կամաց հանելով՝ Ռիբինն ասում էր.

— Այո, էլի մուժիկ եմ դարձել, դուք քիչ-քիչ պարոն եք դառնում, իսկ ես ետ եմ գնում... ա՛յ թե ինչ:

Շերտավոր քաթանե շապիկը շտկելով՝ նա անցավ սենյակ, ուշադիր հայացք գցեց և հայտնեց.

— Երևում է, որ ձեր գույքը չի ավելացել, իսկ գրքերը շատացել են, այդպե՛ս: Դե՛, պատմեցեք, գործերն ի՞նչպես են:

Նա նստեց ոտները լայն դնելով, ձեռքի ափերը հենեց ծնկներին և մուգ աչքերով Պավելին հարցականորեն շոշափելով, բարեմիտ ժպիտը դեմքին՝ պատասխանի էր սպասում:

— Գործերն աշխու՛յժ են ընթանում, — ասաց Պավելը:

— Վարում ենք ու ցանում, պարծենալ չենք սիրում, իսկ բերք կվերցնենք, բրազա կշինենք, կխմենք ու կքնենք, չէ՞, — շաղակրատեց Ռիբինը:

— Դո՛ւք ոնց եք, Միխա՛յլո Իվանիչ, — հարցրեց Պավելը՝ նրա դիմաց նստելով:

— Վնաս չունի: Լավ եմ: Բնակություն եմ հաստատել Եգիլդեևոյում, լսե՛լ եք Եգիլդեևո անունը: Մի լավ գյուղ է: Տարեկան երկու անգամ տոնավաճառ է լինում, երկու հազարից ավելի բնակիչ ունի, շարասի՛րտ ժողովուրդ է: Հող չունեն, արքայական կավածքից են վարձում, վատ հող է: Բատրակ եմ մտել մի ցեցի մոտ, այնտեղ այնքան ցեցեր կան, որքան դիակի վրա ճանձեր են լինում: Կպրածյութ ենք պատրաստում, ածուխ ենք շինում: Աշխատանքի համար ստանում եմ շորս անգամ քիչ, բայց մեջքս կոտրում եմ երկու անգամ շատ, քան այտեղ, ա՛յ թե ինչ: Նրա, այդ ցեցի մոտ, յոթ հոգի ենք: Վնաս չունի, բոլորը շահել տղերք են, բոլորը տեղացի են, բացի ինձանից, բոլորը գրագետ են: Մի տղա կա Եֆիմ անունով, այնպե՛ս կատաղածն է, որ ասել չի լինի:

— Դուք նրանց հետ զրուցո՞ւմ եք, ի՞նչ է, — աշխույժ հարցրեց Պավելը:

— Չեմ լուում: Ես հետս տարել եմ այտեղի բոլոր թոուցիկները, երեսունչորս հատ են: Բայց ես ավելի Աստվածաշնչից եմ օգտվում, այնտեղից վերցնելու բաներ շատ կան, հաստ գիրք է պետական, սինոդն է տպագրել, կարելի՛ է հավատալ:

Նա Պավելին աչքով արեց և քմծիծաղով շարունակեց.

— Միայն թե դա քիչ է: Ես եկել եմ քեզանից գրքեր տանեմ: Մենք այտեղ երկուսով ենք, այդ Եֆիմն ինձ հետ է, ձյութ ենք բերել, է՛հ, ճանապարհներս ծոել ենք, եկել քեզ մոտ: Դու գրքերը տուր ինձ, քանի դեռ Եֆիմը չի եկել, կարիք չկա, որ նա շատ բան իմանա...

Մայրը նայում էր Ռիբինին և նրան թվաց, թե Ռիբինը պիշակի հետ իր վրայից մի բան ևս հանեց: Նա դարձավ պակաս պատկանելի, և նրա աչքերը նայում էին ավելի խորամանկորեն, ոչ այնպես բացսիրտ, ինչպես առաջ:

— Մայրի՛կ, — ասաց Պավելը, — գնացե՛ք գրքե՛ր բերեք: Այնտեղ գիտեն, թե ինչ պիտի տան: Ասացե՛ք՝ գյուղի համար է:

— Լա՛վ, — ասաց մայրը: — Հիմա ինքնաեռը կեռա՛ կգնամ:

— Դու է՛լ ես այդ գործի հետևից ընկել, նի՛լովնա, — քմծիծաղով հարցրեց Ռիբինը: — Այդպես: Գիրք ուզող շատ կա այն-ժաղով հարցրեց Ռիբինը: — Այդպես: Գիրք ուզող շատ կա այն-տեղ մեզ մոտ: Ուսուցիչը սեր է վարթեցնում դեպի գրքերը, ասում են՝ լավ տղա է, թեև հոգևոր կոչում ունի: Մի վարժուհի էլ կա յոթ վերստի վրա: է՛հ, նրանք արգելված գրքեր չեն օգտագործում, տերունական մարդիկ են, վախենում են: Իսկ ինձ հարկավոր է արգելված, կծու գիրք, ես նրանց թևի տակ կդնեմ... Եթե գավառամասի վերակացուն կամ տերտերը տեսնեն, որ արգելված գիրք է, կկարծեն, թե վարժապետներն են տարածում: Իսկ ես ժամանակավորապես մի կողմ կմնամ:

Եվ իր իմաստությունից գո՛հ՝ նա ուրախ-ուրախ ատամները բաց արեց:

«Մի սրա՛ն տեսեք, — մտածեց մայրը: — Վրան նայես՝ հիմար արջ է, արարմունքից դատես՝ խորամանկ աղվես է...»

— Ի՞նչ եք կարծում, — հարցրեց Պավելը, — եթե ուսուցիչների վրա կասկածեն, որ նրանք են արգելված գրքերը տարածում, նրանց բանտ կնստեցնե՞ն դրա համար:

— Կնստեցնեն, ի՞նչ կա որ, — հարցրեց Ռիբինը:

— Գրքերը դո՛ւք եք տվել, և ոչ թե նրանք: Ուրեմն դո՛ւք էլ պետք է բանտ գնաք...

— Տարօրինակ մարդ ես,— քմծիծաղեց Ռիբինը՝ ձեռքը ծնկին խփելով:— Ինձ վրա ո՞վ կկասկածի: Հասարակ գյուղացին այդպիսի բանով չի զբաղվում, մի՞թե այդպիսի բան լինում է: Գիրքը պարոնների գործն է, նրանք էլ պետք է դրա համար պատասխան տան...

Մայրն զգում էր, որ Պավելը Ռիբինին չի հասկանում, և տեսնում էր, որ նա աչքերը կկոցել է, նշանակում է՝ բարկացած է: Մայրն զգուշորեն և մեղմությամբ ասաց.

— Միխայիլ Իվանովիչն այնպես է ուզում, որ ինքը գործը կատարի, իսկ դրա համար ուրիշները պատասխանատվություն կրեն...

— Ահա՛,— ասաց Ռիբինը մորուքը հարդարելով:— Առժամանակ:

— Մայրի՛կ,— չոր-չոր ձայն տվեց Պավելը:— Եթե մեզնից որևէ մեկը, Անդրեյն՝ օրինակ, մի բան անի իմ ձեռքի տակ, իսկ ինձ բանտ նստեցնեն, դու ի՞նչ կասես:

Մայրը ցնցվեց, վարանած նայեց որդուն և բացասաբար գլուխը օրորելով ասաց.

— Մի՞թե կարելի է ընկերոջ հետ այդպես վարվել:

— Հա՛-հա՛,— ծոր տվեց Ռիբինը:— Ես քեզ հասկացա, Պա՛վել:— Մաղաբար աչքով անելով նա դարձավ մորը.

— Այստեղ, մայր, մի նրբություն կա:

Եվ նորից խրատաբար դիմեց Պավելին.

— Դու դեռ խամ ես, եղբայ՛ր: Գաղտնի գործում պատվի հարց չկա: Դատիր, տես. առաջինը, բանտ կնստեցնեն ամենից առաջ այն տղային, որի մոտ գիրքը գտնեն, և ոչ թե ուսուցիչներին, այս մեկ: Երկրորդ, թեև ուսուցիչները տալիս են թույլատրված գիրք, բայց նրա էությունը նույնն է, ինչ որ արգելվածինը, միայն բառերն են ուրիշ, ճշմարտությունն է քիչ, այս երկու նշանակում է՝ նրանք նույն բանն են ուզում, ինչ որ ես, միայն, թե ծուռումուռ ճանապարհով են գնում, իսկ ես մեծ ճանապարհով. իսկ իշխանության առաջ մենք միատեսակ մեղավոր ենք, ճի՛շտ է: Իսկ երրորդը, եղբայ՛րս, ես նրանց հետ գործ չունեմ, ոտով գնացողը ձեռքը չի: Մուտիկի հետ ես գուցե՛ն՝ չուզեմամ այդպես վարվել: Իսկ այդ ուսուցիչներից մեկը տերտերի տղա է, մյուսը կալվածատիրոջ աղջիկ է, նրանց

ինչի՞ն է հարկավոր ժողովրդին ապստամբեցնել, ես չեմ հասկա՜նում: Նրանց պարոնային մտքերն ինձ՝ մուտիկիս անհայտ են, ինչ որ ինքս եմ անում, ես գիտեմ, իսկ ինչ նրանք են անում, ինձ անհայտ է: Հազար տարի շարունակ մարդիկ պարոններ են եղել, մուտիկի կաշին են քերթել, և հանկարծ զարթնել են և սկզբնեղիկի աչքը բանալ: Ես, եղբայ՛րս, հեքիաթներ լսելու ցանսել մուտիկի աչքը բանալ: Ձեռն անցնում ես դաշտով, մի պարոնից հեռու եմ համարում: Ձմեռն անցնում ես դաշտով, առջևդ ինչ-որ բան է աչքովդ ընկնում, բայց ի՞նչ բան է, գա՛մ է, աղվե՛ս, թե պարզապես շո՞ւն է, չի երևում: Հեռու է:

Մայրը նայեց որդուն: Նրա դեմքը թախծոտ էր:

Իսկ Ռիբինի աչքերը փայլում էին մութ փայլով, նա Պավելին նայում էր ինքնագոհ հայացքով և բորբոքված մատներով մորուքը սանրելով՝ ասում.

— Ես սիրաշահելու ժամանակ չունեմ: Կյանքը խիստ աչքով է նայում մարդու վրա. մենք շնանոցում ենք, ոչ թե ոչխարների փարախում, ամեն մի ոհմակ իր իմացած ձևով է հաշում...

— Կան պարոններ,— խոսեց մայրը՝ հիշելով ծանոթ դեմքեր,— որոնք իրենց սպանում են ժողովրդի համար, իրենց ամբողջ կյանքում տանջվում են բանտերում...

— Նրանց հաշիվն էլ առանձին է պահվում, նրանց պատիվն էլ ուրիշ է,— ասաց Ռիբինը:— Մուտիկը որ հարստանում է, մուձգտում է պարոն դառնալ, իսկ պարոնը որ աղքատանում է, մուձգտում է պարոն դառնալ, իսկ պարոնը որ աղքատանում է, հոգին ակամայից ժիկի մոտ է գալիս: Երբ քսակը դատարկ է, հոգին ակամայից սրբանում է: Հիշում ես, Պավել, դու ինձ բացատրում էիր, թե ով ինչպես ապրում է, այնպես էլ մտածում է, և եթե բանվորն ասում է՝ ո՛չ, տերն էլ իր սովորության համեմատ անպայման գոռում է՝ այո՛: Այսպիսով, մուտիկի ու պարոնի բնությունը տարբեր է: Եթե գյուղացին կուշտ է, պարոնի քունը գիշերը չի տանում: Իհարկե, ամեն տեղ էլ իր շանորդին կա, ես բոլոր գյուղացիներին պաշտպանելու համաձայն չեմ...

Նա ոտքի կանգնեց մոռալ, հուձկու: Նրա դեմքն աղոտացել էր, մորուքը ցնցվում էր, կարծես ատամներն անլսելիորեն կրճտացնում էր, և ձայնը ցածրացնելով շարունակեց.

— Ես գործարաններում հինգ տարի թափառեցի, գյուղից խորթացա, ա՛յ թե ինչ: Եկա գյուղ, տեսա էլ չե՛մ կարող այնպես ապրել: Հասկանո՞ւմ ես: Չե՛մ կարող: Դուք այստեղ եք ապրում, դուք այնպիսի զրկանքներ չեք տեսնում: Իսկ այստեղ՝ սո-



վը սողում է մարդու հետևից ստվերի պես և հաց ճարելու հույս չկա, չկա՛: Քաղցը լափել է հոգիները, շնչել մարդկային կերպարանքները, մարդիկ շեն ապրում, այլ փտում են անծայր կարիքի մեջ... Եվ չորս կողմն ազոավների պես իշխանավորն է հըսկում, տեսնելու, թե հացի ավելորդ կտոր չկա՞ քեզ մոտ: Տեսնելուն պես խլում է, դեռ մոռութդ էլ ջարդում...

Ռիբինը շուրջը նայեց, կոացավ դեպի Պավելը՝ ձեռքը սեղանին հենելով:

— Մինչև անգամ սիրտս խառնեց, երբ նորից մտիկ արի այդ կյանքին: Տեսա, չե՛մ կարող: Սակայն ինձ հաղթահարեցի՝ ո՛չ, ասացի, խելո՞ք կաց, հոգի՛: Ես կմնա՛մ: Ես ձեզ համար հաց չեմ ճարի, բայց խառնակութուն կզցեմ, անպատճա՛ռ կզցեմ, Լցված եմ վիրավորանքով՝ թե՛ մարդկանց հասցրած, թե՛ մարդկանցից ինձ հասցրած: Այդ վիրավորանքը դանակի պես ցցված է սիրտս և օրորվում է:

Նրա ճակատը քրտնեց, նա կամաց մոռենալով Պավելին, ձեռքը դրեց նրա ուսին: Ձեռքը դողում էր:

— Ինձ օգնությո՛ւն տուր: Գրքե՛ր տուր, բայց այնպիսի գրքեր, որ կարդալուց մարդ այլևս դադար չգտնի. պետք է մարդկանց գանգի տակ ոզնի դնել, ծակող ոզնի՛: Ասա քաղաքի ընկերներին, որոնք ձեզ համար գրում են, թո՛ղ գյուղի համար է՛լ գրեն: Թո՛ղ այնպես գրեն, որ եռացած ջրի պես փոթորկի, որ ժողովուրդը դեպի մա՛հ գնա:

Նա ձեռքը բարձրացրեց և ամեն մի բառ առանձին արտասանելով՝ խուլ ձայնով ասաց.

— Մահվամբ զմահ կոխյաց, ա՛յ, թե ինչ: Այսինքն՝ մեռի՛ր, որպեսզի մարդիկ հարություն առնեն: Եվ թո՛ղ հազարներ մեռնեն, որպեսզի հարություն առնեն անթիվ ժողովուրդներ ամբողջ աշխարհում: Ա՛յ, թե ինչ: Մեռնելը հեշտ է: Միայն թե հարությո՛ւն առնեն: Տեղներից բարձրանալի՛ն մարդիկ:

Մայրն ինքնանոր ներս բերեց՝ Ռիբինին խեթ-խեթ նայելով: Նրա ծանր և ուժգին խոսքերը ճնշում էին մորը: Եվ Ռիբինի մեջ մի բան կար, որ մորը հիշեցնում էր իր ամուսնուն, նա էլ էր սրա նման ատամները ծնգում, ձեռները շարժում թևքերը ծալելով, նրա մեջ էլ այդպիսի անհամբեր շարություն կար, անհամբեր, բայց համր: Սա՛ խոսում է: Եվ պակաս սարսափելի է, քան նա:

— Այդ հարկավոր է,— ասաց Պավելը գլուխը թափահարելով:— Մեզ նյութ տվեք, մենք ձեզ համար թերթ կտպենք...

Մայրը ժպիտով նայեց որդուն, գլուխն օրորեց և լուռ հազնրվելով՝ տնից դուրս գնաց:

— Արա՛: Ամեն ինչ կբերենք: Գրեցեք որքան կարելի է պարզ, այնպես, որ հորթերն էլ հասկանան,— գոչում էր Ռիբինը:

Խոհանոցի դուռը բացվեց: Մեկը ներս մտավ:

— Սա Եֆիմն է,— ասաց Ռիբինը՝ նայելով դեպի խոհանոց:— Այստե՛ղ արի, Եֆի՛մ, իսկ այս մարդու անունը Պավել է, ես նրա մասին քեզ ասել եմ:

Պավելի առջև գլխարկը ձեռքին բռնած և մոխրագույն աչքերի տակով նրան նայելով կանգնած էր մի խարտյաշ, լայնեղև տղա, կարճ կիսամուշտակով, վայելչակազմ և, երևի, ուժեղ:

— Բարև՛ ձեզ,— խոպոտ ձայնով ասաց նա և Պավելի ձեռքը սեղմելով երկու ձեռքով հարդարեց ուղիղ մազերը: Սենյակը տնտղեց և իսկույն կամաց-կամաց, կարծես գաղտագողի, գնաց դեպի գրքերի դարակը:

— Տեսա՛վ,— ասաց Ռիբինը՝ Պավելին աչքով անելով: Եֆիմը ետ դարձավ, նայեց նրան և սկսեց գրքերը նայել՝ ասելով.

— Ինչքա՛ն կարդալու բան ունեք: Բայց երևի կարդալու ժամանակ չունեք: Գյուղում շատ ավելի ժամանակ կա դրա համար...

— Իսկ ցանկություն ավելի քի՛չ,— հարցրեց Պավելը:

— Ինչո՞ւ: Ցանկություն է՛լ կա,— պատասխանեց տղան ծնոտը սրբելով:— Ժողովուրդն սկսել է բան հասկանալ: «Ծրկրաբանություն»... սա ի՞նչ բան է:

Պավելը բացատրեց:

— Մեզ պետք չի՞,— ասաց տղան գիրքը դարակին դնելով: Ռիբինն աղմկալի հառաչեց և նկատեց.

— Մուժիկի համար հետաքրքիրն այն չի, թե հողը ո՛րտեղից է դուրս եկել, այլ թե ի՞նչպես է նա սրա-նրա ձեռքն ընկել, ի՞նչպես են ժողովրդի ոտքի տակից պարոնները դուրս քաշել, ի՞նչ հողը: Կանգնած է նա, թե պտտվում է, այդ կարևոր չի, կուղես թեկուզ մի պարանից կախ տուր, միայն թե հաց տա, թե կուզ երկնքից մեխի՛ր, միայն թե մարդկանց կերակրի՛...

— «Ստրկութեան պատմութիւնը», — նորից կարդաց Եֆիմը և հարցրեց Պավելին:

— Մե՞ր մասին է:

— Ճորտատիրական իրավունքի մասին է՛լ կա, — ասաց Պավելը՝ նրան ուրիշ գիրք տալով: Եֆիմը գիրքը վերցրեց, շուտով սովորեց ձեռքում և մի կողմ դնելով՝ հանգիստ ասաց.

— Սա՛ անցել գնացե՛լ է:

— Դուք ինքներդ հողաբաժին ունե՞ք, — ուզեց տեղեկանալ Պավելը:

— Մե՞նք: Ունե՛նք: Երեք եղբայր ենք, իսկ հողաբաժինը չորս դեսյատին է: Ավազ է, պղինձ մաքրելու համար լավ է, իսկ հացահատիկի համար՝ անընդունակ հող է...

Մի քիչ լուռ մնալով նա շարունակեց.

— Ես հողից ձեռք եմ քաշել, ինչի՞ է պետք, Հաց չի տալիս, բայց ձեռնուտուս կապում է: Չորրորդ տարին է բատրակութիւն եմ անում: Իսկ աշնանը զինվոր եմ գնալու: Քեռի Միխայլոն ասում է մի՛ գնա: Հիմա, ասում է, զինվորներին ուղարկում են մարդկանց կոտորելու: Իսկ ես ուզում եմ գնալ: Զորքը Ստենկա Ռազինի ժամանակ էլ է կոտորել ժողովրդին, Պուգաչովի ժամանակ էլ: Ժամանակն է վերջ տալ դրան: Դուք ի՞նչ եք կարծում, — հարցրեց նա հայացքը հառելով Պավելին:

— Ժամանակն է, — ժպտալով պատասխանեց Պավելը: — Միայն թե՛ դժվար է: Պետք է իմանալ, թե զինվորներին ի՞նչ պետք է ասես և ի՞նչպես պետք է ասես...

— Կսովորենք՝ կկարողանա՞նք, — ասաց Եֆիմը:

— Եթե իշխանութիւնն այդ բանն անելիս բռնի, կարող է գնդակահարել, — վերջացրեց Պավելը հետաքրքրութեամբ նայելով Եֆիմին:

— Նա չի՞ ների, — հանգիստ համաձայնեց տղան և սկսեց նորից նայել գրքերը:

— Թե՛յ խմիր, Եֆիմ, շուտով պիտի գնանք, — նկատեց Ռիբինը:

— Իսկույն, — պատասխանեց տղան և նորից հարցրեց. — Ուսուցիչի խոսքով ի՞նչ է:

Եկավ Անդրեյը կարմրած, քրտնաթոր ու խոժոռ: Լուռ սեղմեց Եֆիմի ձեռքը, նստեց Ռիբինի կողքին և նրան տնտեսելով քմծիծաղեց:

— Ինչո՞ւ ես տխուր, — հարցրեց Ռիբինը ափով նրա ծընկանը լսելով:

— Հենց այնպես, — պատասխանեց խոխուր:

— Նույնպես բանվոր է, — հարցրեց Եֆիմը գլխով Անդրեյին ցույց տալով:

— Նույնպես, — պատասխանեց Անդրեյը: — Ի՞նչ կա որ:

— Նա առաջին անգամն է գործարանի բանվորներ տեսնում, — բացատրեց Ռիբինը: — Ասում է՝ մի ուրիշ տեսակ մարդիկ են...

— Ինչո՞ւ, — հարցրեց Պավելը:

Եֆիմն ուշադրութեամբ տնտեսեց Անդրեյին, ասաց.

— Ձեր ոսկորը սուր է: Մուծիկի ոսկորն ավելի կտր է:

— Մուծիկը ոտի վրա ավելի՛ հանգիստ է կանգնում, — ավելացրեց Ռիբինը: — Նա իր տակը հող է զգում, թեև հող էլ չունի, բայց զգում է, թե կա՛: Իսկ գործարանի բանվորը թունի նման բան է. հայրենիք չունի, տուն-տեղ չունի, այսօր այստեղ է, վաղը մի ուրիշ տեղ: Կինն անգամ նրան չի կարողանում մի տեղի հետ կապել, մի բան եղավ թե չէ՝ մնաս բարով, սիրելի՛ս, գնա կորի՛ր: Ու գնում է փնտրելու, թե որտեղ է ավելի լավ: Իսկ մուծիկն ուզում է իր շուրջը լավացնել՝ առանց տեղից շարժվելու: Ա՛յ, մայրը եկա՛վ:

Եֆիմը մոտեցավ Պավելին հարցնելով.

— Գուցե ինձ որևէ գի՞րք կտաք:

— Ինդրեմ, — պատրաստակամութեամբ պատասխանեց Պավելը:

Տղայի աչքերը ազահութեամբ բոցավառվեցին, նա արագ ասաց.

— Ես կվերադարձնե՛մ: Մերոնք այստեղ մի մոտիկ տեղ կպրածութեան բերում, նրանք կբերեն:

Ռիբինն արդեն հագնված, ամուր գոտեպնդված, Եֆիմին ասաց.

— Գնա՛նք, ժամանակն է:

— Ա՛յ թե կկարդամ, — բացականչեց Եֆիմը՝ ցույց տալով գրքերը, և լայն ժպտաց:

Երբ նրանք գնացին, Պավելն աշխույժ բացականչեց Անդրեյին դիմելով.

— Տեսա՞ր այդ սատանաներին...

— Այո՛,— դանդաղ ծոր տվեց խոխուլը:— Ամպերի պես են...

— Միխայլո՞ն,— բացականչեց մայրը:— Կարծես իսկի գործարանում չի ապրել, բոլորովին մուծիկ է դարձել: Եվ ի՞նչ սարսափելի է:

— Ափսո՛ս, դու այստեղ չէիր,— ասաց Պավելն Անդրեյին, որը սեղանի մոտ նստած մռայլ նայում էր իր թեյի բաժակին:— Ա՛յ թե սրտի խաղ կտեսնեիր, դու միշտ սրտի մասին ես խոսում: Այստեղ Ռիբինն ինձ այնպե՛ս քրտնացրեց, զլորեց ինձ, խեղդեց... Ես չկարողացա առարկել նրան: Ինչքան անվստահություն կա նրա մեջ դեպի մարդիկ, և ի՞նչ էժան է գնահատում մարդկանց: Մայրս ճիշտ է ասում, սարսափելի ուժ է կրում իր մեջ այդ մարդը...

— Այդ ես տեսե՛լ եմ,— մռայլ ասաց խոխուլը:— Այդ մարդկանց թունավորե՛լ են: Երբ նրանք ոտքի ելնեն՝ նրանք ամեն ինչ կզորե՛ն մեկը մյուսի հետևից: Նրանց հարկավոր է լերկ հող, և նրանք ամեն ինչ կմերկացնեն, ամեն ինչ կպոկե՛ն:

Նա խոսում էր դանդաղ և երևում էր, որ ուրիշ բանի մասին է մտածում: Մայրն զգուշությամբ ձեռք տվեց նրան:

— Մի քիչ սթափվեիր գոնե, Անդրո՛ւշա:

— Սպասեցե՛ք, մայրի՛կ, հարազա՛տս,— կամաց և սիրալիր խնդրեց խոխուլը:

Եվ հանկարծ գրգռվելով նա սկսեց խոսել, ձեռքը սեղանին խփելով:

— Այո՛, Պա՛վել, մուծիկը հողը կմերկացնի իր համար, եթե ոտքի կանգնի: Ինչպես ժանտախտից հետո նա ամեն ինչ կհրդեհի, որ իր զրկանքների հետքերը մոխրի պես քամուն տա...

— Իսկ հետո դեմ կառնի մեր ճանապարհին,— կամաց նկատեց Պավելը:

— Մեր գործն է՝ թույլ շտա՛լ այդ: Մեր գործն է, Պավե՛լ, դրա առաջն առնե՛լ: Մենք ամենից մոտ ենք նրան, նա մեզ կհավատա, մեր հետևից կգա՛:

— Գիտե՛ս, Ռիբինը մեզ առաջարկում է թերթ հրատարակել գյուղի համար,— հաղորդեց Պավելը:

— Եվ պետք է:

Պավելը քմծիծաղեց և ասաց.

— Ցավում եմ, որ նրա հետ չվիճեցի:

Խոխուլը զլուխը տրորելով հանգիստ նկատեց:

— Դեռ կվիճե՛նք, Դու սրինգդ նվագիր, ում ոտները հողի մեջ չեն խրված ու կպած, կպարի՛ քո երաժշտությամբ: Ռիբինը ճիշտ ասաց, մենք մեր ոտքի տակ հող չենք զգում, և շալտի էլ զգանք, որովհետև հենց մեզ վրա է պարտականություն ընկած թափ տալու հողը: Մի անգամ որ թափ տվինք, մարդիկ նրանից կկտրվեն, երկրորդ անգամ թափ կտանք, էլի՛ ու էլի՛:

Մայրը քմծիծաղելով ասաց.

— Քեզ համար ամեն ինչ հեշտ է, Անդրո՛ւշա:

— Է, իհարկե՛, — ասաց խոխուլը:— Հե՛շտ է: Ինչպե՛ս

կյանքը:

Մի քանի րոպե հետո նա ասաց.

— Ես գնում եմ դաշտը, մի քիչ ման կգամ...

— Բազնիսից հետո՞: Քամի է, կմրսես,— նախազգուշացրեց մայրը:

— Հենց ուզում եմ, որ քամին տա՛ ինձ,— պատասխանեց Անդրեյը:

— Տե՛ս, կմրսե՛ս,— սիրալիր ասաց Պավելը:— Ավելի լավ է պառկես:

— Ո՛չ, ես կգնամ:

Եվ հագնվելով լուռ հեռացավ...

— Ծանր է նրա համար,— նկատեց մայրը հառաչելով:

— Գիտե՛ս ինչ,— ասաց Պավելը մորը,— դու լավ ես արել, որ սկսել ես նրա հետ «դու»-ով խոսել:

Մայրը զարմանքով նայեց որդուն, ասաց.

— Ես իսկի չեմ էլ նկատել, թե այդ ի՞նչպես եղավ: Նա ինձ համար այնքան մոտիկ է դարձել, որ չեմ էլ իմանում, թե ինչպես ասեմ:

— Լա՛վ սիրտ ունես, մա՛յր,— կամաց ասաց Պավելը:

— Միայն թե կարողանայի քեզ և ձեզ բոլորիդ որևէ կերպ օգնել: Կարողանայի՛:

— Մի՛ վախենա, կկարողանա՛ս...

Մայրը կամաց ծիծաղեց, ասելով.

— Բայց, ա՛յ, չեմ կարողանում չվախենա՛լ:

— Լա՛վ, մայրի՛կ, թողնենք,— ասաց Պավելը:— Իմացի՛ր, ես քեզնից շա՛տ, շա՛տ շնորհակալ եմ:

Մայրը գնաց խոհանոց, որպեսզի որդուն չհուզի իր արցունքներով:

խոխուրը վերադարձավ ուշ երեկոյան հոգնած և իսկույն պառկեց քնելու՝ ասելով.

— Մի տասը վերստ վազեցի կարծեմ...

— Օգնե՞ց,— հարցրեց Պավելը:

— Մի՛ խանգարի, քնելու եմ:

Եվ լռեց, կարծես մեռավ:

Քիչ ժամանակ անց եկավ Վեսովշչիկովը՝ պատառուտված, ցեխոտ և դժգոհ ինչպես միշտ:

— Չե՞ս լսել, թե Իսային ո՞վ է սպանել,— հարցրեց նա Պավելին, անճոռնի կերպով սենյակում քայլելով:

— Ո՛չ,— կարճ պատասխանեց Պավելը:

— Ճարվեց մի մարդ, որը չզգվե՞ց: Իսկ ես միշտ պատրաստվում էի ինքս ճզմել նրան: Դա իմ գործն էր, ամենից շատ ի՛նձ էր հարմարում:

— Թո՛ղ, Նիկոլա՛յ, այդպիսի բաներ խոսելը,— բարյացակամորեն ասաց Պավելը:

— Դա ի՛նչ է, իսկապես,— սիրալիր կցեց մայրը:— Սիրտն այդքան բարի է, իսկ ինքը մռնչում է: Դա ինչի համար է:

Այդ բոպեին մոր համար հաճելի էր տեսնել Նիկոլային, նույնիսկ նրա շեշտ դեմքն ավելի գեղեցիկ էր թվում:

— Ես ոչ մի բանի պետք չեմ, բացի այդպիսի գործերից,— ասաց Նիկոլայը ուսերը թոթվելով:— Միտք եմ անում, միտք, թե ո՛ւր է իմ տեղը: Ես տեղ չունե՛մ: Պետք է մարդկանց հետ խոսել, իսկ ես չեմ կարողանում: Ես տեսնում եմ ամեն ինչ, մարդկային բոլոր զրկանքներն զգում եմ, բայց ասել չե՛մ կարողանում: Լուռումունջ է հոգիս:

Նա մոտեցավ Պավելին և գլուխը կախելով, սեղանը մատով քշփորելով ասաց մի տեսակ երեխայի պես ողբագին, որ իրեն չէր սազում.

— Ինձ որևէ մի ծանր գո՛րծ տվեք, եղբայրնե՛ր: Ես չե՛մ կարող այսպես անմիտ կերպով ապրել: Դուք բոլորդ գործի մեջ եք: Ես տեսնում եմ, որ գործն աճում է, իսկ ես մի կողմ կանգնած եմ մնացել: Տեսնում եմ միայն գերաններ, տախտակներ: Մի՛թե կարելի է սրա համար ապրել: Ծանր աշխատա՛նք տվեք: Պավելը բռնեց նրա ձեռքից և դեպի իրեն քաշեց.

— Կտա՛նք...

Բայց վարագույրի հետևից լսվեց խոխուրի ձայնը.

— Նիկոլա՛յ, ես քեզ կսովորեցնեմ տառեր շարել, և դու մեզ մոտ գրաշար կդառնաս, լա՛վ:

Նիկոլայը գնաց նրա մոտ, ասելով.

— Եթե սովորեցնես, ես դրա համար քեզ մի դանակ կնվիրեմ...

— Կորի՛ր քո դանակով,— գոռաց խոխուրը և հանկարծ ծիծաղեց:

— Լա՛վ դանակ,— պնդեց Նիկոլայը: Պավելն էլ ծիծաղեց: Այն ժամանակ Վեսովշչիկովը կանգ առավ սենյակի մեջտեղը և հարցրեց.

— Այդ ի՞նձ վրա եք ծիծաղում:

— Է՛, իհարկե,— պատասխանեց խոխուրը անկողնից վեր ցատկելով:— Ա՛յ թե ինչ. գնանք դաշտ զբոսնելու: Լուսնյակ, լավ գիշեր է: Գնա՛նք:

— Լա՛վ,— ասաց Պավելը:

— Ե՛ս էլ կգամ,— հայտնեց Նիկոլայը:— Ես սիրում եմ, խոխո՛ւլ, երբ դու ծիծաղում ես...

— Իսկ ես սիրում եմ, երբ դու նվերներ ես խոստանում,— պատասխանեց խոխուրը քմծիծաղով:

Երբ նա հագնվում էր խոհանոցում, մայրը փնթփնթալով ասաց նրան.

— Ավելի տա՛ք հագնվիր...

Եվ երբ նրանք երեքով գնացին, մայրը պատուհանից նրանց նայելուց հետո երեսը դարձրեց սրբապատկերներին, կամաց ասաց.

— Տե՛ր, օգնի՛ր նրանց...

## XXVI

Օրերն իրար հետևից թռան այնպիսի արագությամբ, որ մոտորը թույլ չտվին մտածել Մայիսի մեկի մասին: Միայն գիշերները, երբ օրվա աղմկալից, հուզիչ հոգսերից հոգնած՝ մայրը պառկում էր անկողնում, նրա սիրտը կամաց նվում էր:

«Երանի շուտ գար...»

Լուսաբացին ոռնում էր գործարանի շշակը, որդին և Անդրեյն շտապ թեյ էին խմում, մի բան ուտում ու գնում՝ մորը տասնյակ հանձնարարություն անելով: Եվ ամբողջ օրը մայրը պատույտ էր գալիս, ինչպես սկյուռը անփշի վրա, ճաշ էր եփում,

բաց մանուշակագույն դոնդող և սոսինձ էր եփում թոուցիկների համար, ինչ-որ մարդիկ էին գալիս, թղթեր էին տալիս Պավելին հանձնելու համար ու անհայտանում՝ մորը վարակելով իրենց հուզվածությամբ:

Գրեթե ամեն գիշեր Մայիսի մեկը տոնելու համար բանվորներին կոչ անող թոուցիկներ էին կպցնում ցանկապատերին, կպցնում էին նույնիսկ ոստիկանական վարչության դռներին, ամեն օր գործարանում գտնում էին դրանցից: Առավոտները ոստիկանները հայհոյելով ավանն էին ընկնում՝ ցանկապատերից պոկելով և քերելով բաց մանուշակագույն թղթերը, իսկ ճաշին դրանք նորից էին թռչկոտում փողոցում՝ անցորդների ոտների տակ գլորվելով: Քաղաքից խուզարկուներ ուղարկեցին. նրանք անկյուններում կանգնած՝ աչքերով տնտղում էին բանվորներին, որոնք ուրախ և աշխույժ անցնում էին գործարանից ձաշելու և ետ էին գալիս: Ամենքին դուր էր գալիս տեսնել ոստիկանության անզորությունը, և նույնիսկ հասակավոր բանվորները, քմծիծաղով իրար ասում էին.

— Տես ի՞նչ են անում, է՛:

Ամեն տեղ մարդկանց խմբեր էին հավաքվում՝ տաք-տաք քննարկելով հուզիչ կոչը: Կյանքը ետում էր, դա այդ գարնանն ամենքի համար ավելի հետաքրքիր էր, ամենքի համար մի ինչ-որ նոր բան էր բերում, ոմանց՝ խոտվարարներին կատաղած Կայհոյելով գրգռվելու նոր պատճառ, ոմանց էլ՝ աղոտ անհանգստություն և հույս, իսկ երրորդներին, որ փոքրամասնությունն էին, բերում էր այն գիտակցության թունդ ուրախությունը, թե իրենք հանդիսանում են մի ուժ, որ զարթեցնում է բոլորին:

Պավելը և Անդրեյը համարյա թե չէին քնում գիշերները, տուն էին գալիս արդեն շշակից քիչ առաջ, երկուսն էլ հոգնած, ձայները խզված, գունատ: Մայրը գիտեր, որ նրանք ժողովներ են գումարում անտառում, ճահճի վերևը. նրան հայտնի էր, որ գիշերներն ավանի շուրջը վխտում են հեծյալ ոստիկանների պահակախմբեր, խուզարկուներ են սողում՝ բռնելով և խուզարկելով առանձին բանվորների, խմբերը ցրելով և երբեմն սրան կամ նրան ձեռքակալելով: Հասկանալով, որ որդուն ևս Անդրեյի հետ կարող են կալանավորել ամեն գիշեր, նա գրեթե ցանկանում էր, որ այդպես լինի, — այդ նրանց համար ավելի լավ կլիներ, թվում էր մորը:

Համարակալի սպանման գործը տարօրինակ կերպով քնել էր: Երկու օր տեղական ոստիկանությունը հարցուփորձ էր արել մարդկանց այդ առիթով և մի տասը հոգու հարցուփորձ անելով՝ կորչրել էր հետաքրքրությունը դեպի այդ սպանությունը:

Մարյա Կորսունովան մոր հետ խոսելիս ասաց նրան՝ իր խոսքերում արտացոլելով ոստիկանության կարծիքը, որի հետ նա հաշտ էր ապրում, ինչպես բոլոր մարդկանց հետ.

— Մի՞թե այստեղ կարելի է գտնել հանցավորին: Այն առավոտ գուցե մի հարյուր հոգի տեսել են Իսային և դրանցից իննըսունը, եթե ոչ ավելին, կարող էին Իսային ապտակ հասցնել: Յոթ տարվա ընթացքում նա ամենքին էլ դաղել է...

Խոխուրը նկատելի կերպով փոխվել էր: Նրա դեմքը դուրս էր պրծել և արտևանունքները ծանրացել էին ուռուցիկ աչքերի վրա կախվելով, նրանց կիսածածկելով: Մի բարակ կնճիռ էր գոյացել նրա դեմքին՝ ռունգներից դեպի շրթունքների անկյունները: Նա սկսել էր ավելի քիչ խոսել առօրյա բաների ու գործերի մասին, բայց ավելի ու ավելի հաճախ էր բռնկվում և ընկնելով գիտնովի ու ամենքին արբեցնող զմայլանքի մեջ՝ խոսում էր ապագայի մասին, — ազատության և բանականության հաղթանակի հիանալի, լուսապայծառ տոնի մասին:

Երբ Իսայի սպանության գործը լուծված մատնվեց, Անդրեյը, զզվանքով և տխուր քմծիծաղով ասաց.

— Ոչ միայն ժողովուրդը, այլև այն մարդիկ, որոնց նրանք մեզ վրա են արձակում, ինչպես շներին, նրանց համար արժեք չունեն: Ափսոսում են ոչ թե իրենց հավատարիմ Հուդային, այլ արծաթը...

— Բավակա՛ն է այդ մասին խոսել, Անդրե՛յ, — կտրուկ ասաց Պավելը: Մայրը կամաց ավելացրեց.

— Փտած բան էր, կպան, ցրիվ եկա՛վ:

— Իրավացի է, բայց մխիթարական չէ, — մռայլ արձագանքեց խոխուրը:

Նա հաճախ էր ասում այս խոսքերը, և դրանք նրա շրթունքներում մի առանձին, ամեն ինչ ընդգրկող, դառն և կծու իմաստ էին ձեռք բերում...

...եվ ահա, եկավ այդ օրը — Մայիսի մեկը:

Շշակը մոնշաց, ինչպես միշտ, պահանջկոտ և տիրաբար: Մայրը, որ գիշերը ոչ մի բոպե չէր քնել, վեր թռավ անկողնից, երեկոյից պատրաստ ինքնաեռը կրակ գցեց, ուզեց սովորա-

կանի պես բախել որդու և Անդրեյի դուռը, բայց մի քիչ մտածելով ձեռքը թափ տվեց և նստեց պատուհանի մոտ, ձեռքը դեմքին այնպես դրած, որ կարծես ատամները ցավում էին:

Գունատ-կապույտ երկնքով արագ լողում էր թեթև ամպերի ճերմակ և վարդագույն երամը, կարծես շոգու դղրդեցուցիչ մորնչոցից վախեցած մեծ-մեծ թռչուններ էին թռչում: Մայրը նայում էր ամպերին և ինքն իրեն ականջ դնում: Նրա գլուխը ծանր էր և անքուն գիշերից բորբոքված աչքերը չոր էին: Մի տարօրինակ անդորրութուն կար կրծքում, սիրտը համաշափ էր զարկում, և մայրը մտածում էր հասարակ բաների վրա...

«Ինքնանոր շուտ դրի, կեռա կանցնի: Թող այսօր մի քիչ երկար քնեն: Երկուսն էլ հալից ընկել են...»

Զվարթ խաղալով՝ լուսամուտից նայում էր արևի նոր ճառագայթը. մայրը ձեռքը պահեց նրա տակ, և երբ այդ լուսավոր ճառագայթն ընկավ նրա ձեռքի մորթին, մյուս ձեռքով նա շոյեց այն՝ մտախոհ և սիրալիք ժպտալով: Ապա վեր կացավ, ինքնանեոից խողովակը վերցրեց, աշխատելով շաղմկել, լվացվեց և սկսեց աղոթել չերմեռանդությամբ երեսը խաչ հանելով և շրթունքներն անբարբառ շարժելով: Նրա դեմքը պայծառանում էր, իսկ աչ հոնքը մերթ դանդաղորեն վեր էր բարձրանում, մերթ հանկարծ իջնում...

Երկրորդ շշակը սուլեց ավելի կամաց, ո՛չ այնքան վստահ, դողդոջուն, խիստ և խոնավ հնչյունով: Մորն այնպես թվաց, թե այդ օրը նա ավելի երկար է կանչում, քան սովորաբար:

Սենյակում հնչեց խոխոլի բամբ և պարզ ձայնը.

— Պա՛վել: Կո՛ւմ ես:

Նրանցից մեկը բորիկ ոտը հատակին շրմփացրեց, մեկը անուշ հորանջեց...

— Ինքնանոր պատրաստ է,— կանչեց մայրը:

— Վեր ենք կենում,— ուրախ-ուրախ ասաց Պավելը:

— Արևը ծագում է,— ասում էր խոխոլը:— Ամպերն էլ փախչում են: Այսօր ավելորդ են ամպերը...

Եվ խոհանոց դուրս եկավ զզզված, քնից ճմռթված, բայց ուրախ...

— Բարի լույս, մա՛յր: Լա՛վ քնեցիք:

Մայրը մոտեցավ նրան և կամաց ասաց.

— Անդրյո՛ւշա, խնդրում եմ նրանից չհեռանաս:

— Դե իհարկե՛,— շնչաց խոխոլը:— Քանի մենք միասին ենք, միշտ էլ կողք-կողքի կզնանք, այդ Լա՛վ իմացեք:

— Ի՞նչ եք այստեղ փսփսում,— հարցրեց Պավելը:

— Ոչինչ, Պա՛շա:

— Նա ինձ ասում է՝ մաքո՛ւր լվացվիր: Աղջիկները մտիկ են տալու,— պատասխանեց խոխոլը դուրս գնալով նախասենյակը լվացվելու:

«Դե, ե՛լ, բարձրացիր, դու բանվոր ժողովուրդ»,— կամաց երգեց Պավելը:

Օրն ավելի էր պարզում, ամպերը հեռանում էին քամուց հալածված, մայրը ժողովում էր թեյի պարագաները և գլուխն օրորելով մտածում, թե ինչպես ամեն բան տարօրինակ է, նրանք երկուսն էլ կատակում, ժպտում են այդ առավոտ, իսկ կեսօրին նրանց ո՛վ գիտե ի՞նչ է սպասում: Եվ ինքն էլ չգիտեր ինչու հանգիստ էր, գրեթե ուրախ:

Թեյին երկար նստեցին, աշխատելով սպասումը կրճատել: Պավելն էլ սովորականի պես գդալով դանդաղ և խնամքով խառնում էր բաժակի մեջ շաքարը, ճշտապահությամբ աղ էր ցանում մի կտոր հացի՝ իր սիրած շորուկին: Խոխոլը սեղանի տակ ոտներն էր շարժում, նա երբեք չէր կարողանում ոտները դնելու համար հարմար տեղ գտնել, և տեսնելով, թե ինչպես է առաստաղից ու պատի վրայով թրթռում հեղուկի մեջ արտացոլված արևի ճառագայթը, պատմում էր.

— Երբ ես տասը տարեկան երեխա էի, ուզեցի արևը բռնել բաժակով: Եվ ահա վերցրի բաժակը, գաղտագողի մոտեցա և, թրա՛խկ, բաժակը կպցրի պատին: Ձեռքս կտրտեցի: Դրա համար ինձ ծեծեցին: Հենց որ ծեծեցին, դուրս եկա բակ, տեսա արևը ջրափոսի մեջ ու սկսեցի ոտներով կոխ տալ: Ամբողջովին ցեխով շաղախվեցի, ինձ էլի ծեծեցին... Ի՞նչ անեմ: Սկսեցի գոռալ արևի վրա. «Իսկի էլ ոչ մի տեղս չի ցավում, կարմրաշեկ սատանա, չի՛ ցավում»: Եվ ամբողջ ժամանակ լեզուս հանելով՝ ծաղրում էի նրան: Դա մխիթարում էր ինձ:

— Ինչո՞ւ էր արևը քեզ կարմրաշեկ թվում,— հարցրեց Պավելը ծիծաղելով:

— Մեր դիմացը մի դարբին կար, այնպես կարմրամորթ ու կարմրաշեկ մորուքով: Ուրախ, բարի մուծիկ էր: Ինձ թվում էր՝ արեգակը նրան նման էր...

Զհամբերելով մայրն ասաց.

— Մի ասեք տեսնեմ, թե ինչպես եք գնալու:

— Որոշված բանի մասին խոսել՝ նշանակում է ամեն ինչ իրար խառնել, — մեղմ նկատեց խոխուլը: — Այն դեպքում, եթե մեզ բոլորիս բռնեն, մա՛յր, ձեզ մոտ կգա նիկոլայ Իվանովիչը և կասի, թե ինչ անեք:

— Լա՛վ, — հառաչելով ասաց մայրը:

— Չգնանք փողոց, — երազկոտ ասաց Պավելը:

— Ոչ, ավելի լավ է՝ առայժմ տանը նստես, — արձագանքեց Անդրեյը: — Ինչո՞ւ զուր տեղը ոստիկանություն աչքը մտնել: Գու բավական լա՛վ հայտնի ես նրան:

Վազելով եկավ Ֆեդյա Մազինը, պսպղուն, այտերին կարմիր բծեր: Ուրախության դողով լի նա ցրեց սպասումի ձանձրույթը:

— Սկսվե՛ց, — ասաց նա: — Ժողովուրդը շարժվե՛ց, թափվում են փողոցը, բոլորի մոտի՞նները կացնի պես են: Գործարանի դարպասի մոտ ամբողջ ժամանակ Վեսովչիկովը Գուսև Վասյայի և Սամոյլովի հետ կանգնել, ճառեր էին ասում: Շա՛տ մարդկանց տուն վերադարձրին: Գնա՛նք, ժամանակն է: Արդեն ժամը տասն է...

— Ես կգնամ, — վճռական ասաց Պավելը:

— Կտեսնեք, — խոստացավ Ֆեդյան, — կեսօրից հետո ամբողջ գործարանը կանգ կառնի:

Եվ նա վազելով գնաց:

— Այրվում է, ինչպես մեղրամոմը քամու առաջ, — ուղեկցեց նրան մայրը կամաց ասելով, վեր կացավ և խոհանոց դուրս գալով, սկսեց հագնվել:

— Ո՛ւր եք գնում, մա՛յր:

— Ձեզ հետ կգա՛մ, — ասաց մայրը:

Անդրեյը նայեց Պավելին ընչացքները քաշելով: Պավելն արագ շարժումով գլխի մազերն ուղղեց և գնաց մոր մոտ:

— Մայրի՛կ ես քեզ ոչինչ չեմ ասի... Դու էլ ինձ բան մի՛ ասիր: Լա՛վ:

— Լա՛վ, լա՛վ, Քրիստո՞ս ձեզ հետ, — մրմնջաց մայրը:

## XXVII

Երբ մայրը փողոց դուրս եկավ և լսեց օդում մարդկային ձայների անհանգիստ, սպասողական աղմուկը, երբ տեսավ ամեն տեղ տների պատուհաններում և դարպասների մոտ մարդկանց

խմբերը, որոնք իր որդուն և Անդրեյին ուղեկցում էին հետաքրքրված հայացքներով, նրա աչքերում մի ամպամած բիծ գոյացավ և սկսեց տարուբերվել՝ գույները փոխելով մերթ թափանցիկ կանաչի, մերթ պղտոր-մոխրագույնի:

Նրանց բարևում էին, և այդ բարևներում մի առանձին բան կար: Նրա լսողությունը որսում էր կցկտոր, ցածրաձայն ձայներ.

— Ահա նրանք, գորավարները...

— Մեզ հայտնի չի, թե ով է զորավարություն անում...

— Ես հո ոչ մի վատ բան չե՛մ ասում...

Մի այլ տեղ բակում մեկը հուզված գոչում էր.

— Ոստիկանությունը նրանց կբռնի, — նրանք կկորչե՛ն...

Մի կնոջ ողբագին ձայն պատուհանից վախեցած թռչում էր փողոց.

— Խելքդ գլո՛ւխդ հավաքիր: Ի՞նչ ես լսել, ամո՛ւրի ես, ի՞նչ է:

Երբ անցնում էին անոտ Զոսիմովի տան մոտով, այն Զոսիմովի, որն իր հաշմանդամության համար գործարանից ամսական նպաստ էր ստանում, նա գլուխը պատուհանից հանելով գոռաց.

— Պա՛շկա: Գլուխդ ուղրելով կարկեն, ստո՛ր մարդ, արարքներիդ համար, սպասիր՝ կտեսնե՛ս:

Մայրը ցնցվեց, կանգ առավ: Այդ գոռոցը նրա մեջ շարունակյալ զգացում առաջացրեց: Մայրը նայեց հաշմանդամի ուռած, հաստ դեմքին, նա հայհոյելով գլուխը թաքցրեց: Այն ժամանակ մայրը քայլերն արագացնելով հասավ որդուն և աշխատելով ետ շմնալ նրանից՝ գնաց նրա հետևից:

Թվում էր, թե Պավելն ու Անդրեյը ոչինչ չէին նկատում, չէին լսում իրենց ուղեկցող բացականությունները: Գնում էին հանգիստ, առանց շտապելու: Ահա նրանց կանգնեցրեց Միրոնովը, մի հասակավոր և համեստ մարդ, բոլորից հարզված իր ղգաստ, մաքուր կյանքի համար:

— Դուք է՞լ չեք աշխատում, Դանի՛լո Իվանովիչ, — հարցրեց Պավելը:

— Կինս երեխա է բերում: Դե, օրն էլ մի տեսակ է, անհանգիստ օր է, — բացատրեց Միրոնովը ուշի-ուշով նայելով ընկերների և կամաց հարցրեց.

— Տղե՛րք, ասում են, թե ուզում եք դիրեկտորի գլխին խայտառակություն սարքել, ապակինե՞րը կտորատիր:

— Մի՞թե մենք հարբած ենք,— բացականչեց Պավելը:

— Մենք ուղղակի փողոցով անցնելու ենք դրոշակներով և երգեր ենք երգելու,— ասաց խոխուլը:— Ա՛յ կլսեք մեր երգերը, նրանց մեջ է մեր հավատը:

— Ձեր հավատը ես գիտե՛մ,— մտախոհ ասաց Միրոնովը:— Այդ թղթերը կարդացել եմ: Վա՛հ, նի՛լովնա,— բացականչեց նա խելոք աչքերով ժպտալով մոր դեմքին:— Դո՛ւ էլ ես եկել բուստ անելու:

— Դոնե մահից առաջ ճշմարտության հետ կողք-կողքի գնա՛նք:

— Տե՛ս, տե՛ս,— ասաց Միրոնովը:— Երևի ճիշտ են ասում քեզ համար, թե դո՛ւ ես արգելված գրքեր բերել գործարան:

— Այդ ո՛վ է ասում,— հարցրեց Պավելը:

— Է՛հ, ասում են, է՛լի: Դե, մնաք բարով, հաստա՛տ կացեք: Մայրը կամաց ծիծաղում էր, նրան դուր էր եկել, որ իր մասին այդպես են խոսում: Պավելն ասաց նրան քմծիծաղով.

— Բանտ ես ընկնելու, մայրի՛կ:

Արեգակն ավելի ու ավելի էր բարձրանում իր ջերմությունը թափելով գարնանային օրվա աշխույժ թարմության մեջ: Ամպերը լողում էին առաջվանից դանդաղ, նրանց ստվերներն ավելի բարակ, ավելի թափանցիկ էին դարձել: Նրանք քնքռորեն սողում էին փողոցով և տների կտուրներով, փաթաթվում մարդկանց և կարծես մաքրում էին ավանը՝ սրբելով ցեխն ու փոշին պատերից ու կտուրներից, ձանձրույթը՝ դեմքերից: Ավելի ուրախ էր դառնում, ձայներն ավելի բարձր էին հնչում՝ խլացնելով մեքենաների շարժման հեռավոր աղմուկը:

Կրկին ամեն կողմից, պատուհաններից, բակերից մոր աղանջների մեջ սողացին ու թռան տազնապալի և շար խոսքեր, խոհուն և ուրախ: Բայց այժմ մայրն ուզում էր առարկել, շնորհակալություն հայտնել, բացատրել, ուզում էր խառնվել այդ օրվա տարօրինակ խայտաբղետ կյանքին:

Փողոցի անկյունում, մի նեղ նրբանցքում հավաքվել էր մոտ հարյուր հոգուց բաղկացած մի ամբոխ և նրա խորքում հնչում էր Վեսովշչիկովի ձայնը:

— Ձեր արյունը քամում են այնպես, ինչպես լոռամրդի հյուսթը,— մարդկանց գլխներին էին թափվում անտաշ բառերը:

— Ճի՛շտ է,— բամբ հնչյունով պատասխանում էին միանգամից մի քանի ձայներ:

— Տղան աշխատո՛ւմ է,— ասաց խոխուլը:— Հապա, գնամ, օգնե՛մ նրան...

Նա կռացավ և նախքան Պավելը կարողանար կանգնեցնել նրան, ամբոխի մեջ խոթեց իր երկար, ճկուն մարմինը, ինչպես խցանահանը խցանի մեջ: Հնչեց նրա քաղցրահնչուն ձայնը.

— Ընկերնե՛ր: Ասում են, թե երկրի վրա ապրում են զանազան ժողովուրդներ՝ հրեաներ ու գերմանացիներ, անգլիացիներ ու թաթարներ: Իսկ ես դրան չե՛մ հավատում: Կա երկու ժողովուրդ միայն, անհատների երկու ցեղ՝ հարուստնե՛ր և աղքատնե՛ր: Մարդիկ տարբեր տեսակ են հագնվում և տարբեր խոսում, բայց նայեք, թե ինչպես են հարուստ ֆրանսիացիները, գերմանացիները, անգլիացիները վարվում բանվոր ժողովրդի հետ, և կտեսնեք, որ նրանք բոլորն էլ բանվորի համար նույնպես բաշխողուկ են, ոսկո՛ր մնա նրանց բկում:

Ամբոխի մեջ մեկը ծիծաղեց:

— Իսկ եթե մյուս կողմից նայենք, կտեսնենք, որ և՛ ֆրանսիացի բանվորը, և՛ թաթարը, և՛ թուրքը նույնպիսի շան կյանքով են ապրում, ինչպես և մենք՝ ուսա բանվոր ժողովուրդս:

Փողոցից ժողովուրդն ավելի ու ավելի էր մոտենում, և մարդիկ իրար հետևից լուռումունջ, վիզները երկարացնելով, ոտների ծայրերի վրա կանգնելով՝ խցկվում էին նրբանցք:

Անդրեյը ձայնն ավելի բարձրացրեց.

— Արտասահմանում բանվորներն՝ արդեն հասկացել են այս պարզ ճշմարտությունը, և այսօր, Մալխի մեկի լուսավոր օրը...

— Ոստիկանությունը,— զոչեց մեկը:

Փողոցից դեպի նրբանցք, ուղղակի մարդկանց վրա էին գալիս շորս հեծչալ ոստիկան, մտրակները ճոճելով և դռալով.

— Ցրվեցե՛ք:

Մարդիկ մոայլվում էին՝ դժկամորեն ձիերին ճանապարհ տալով: Ոմանք ցանկապատերն էին բարձրանում:

— Խողերին ձի են նստեցրել և նրանք խոխոտում են, թե տեսե՛ք, տեսե՛ք, մենք զորավարներ ենք,— գոռում էր մեկի հընչեղ, կովի հրավիրող ձայնը:

Խոխուլը մենակ մնաց նրբանցքի մեջտեղը. գլուխը տմբորմբացնելով նրա վրա արշավեցին երկու ձի: Նա մի կողմ քաշվեց, և նույն ժամանակ մայրը նրա ձեռքից բռնելով՝ տարալ իր հետևից, փնթփնթալով.



— Խոստացել է Պաշայի հետ լինել, բայց ինքը մե՛նա՛կ է գնում ուժի գեմ:

— Ներողութի՛ւն,— ասաց խոխուրը ժպտալով:

Նիլովնային համակեց մի տապանապալից, ուժասպառ անող հոգնածութիւն, որը բարձրանում էր ներսից և պատում գլուխը, սրտում տարօրինակ կերպով փոխնիփոխ առաջացնելով և՛ սրտածութիւն, և՛ ուրախութիւն: Մայրն ուզում էր, որ շուտ հնչի ճաշի շշակը:

Գուրս եկան հրապարակ, եկեղեցու մոտ: Նրա շուրջը՝ բակում խիտ կանգնած և նստած էր ժողովուրդը, այդտեղ կային հինգ հարյուրի շափ ուրախ երիտասարդներ և մանուկներ: Ամբոխը ծփում էր, մարդիկ անհանգիստ վեր էին բարձրացնում գլուխները և նայում հեռուն, բոլոր կողմերը, անհամբեր սպասելով: Զգացվում էր մի ինչ-որ բարձր տրամադրութիւն, ումանց հայացքը վարանու էր, ումանք իրենց ցույց էին տալիս արտաքուստ խիզախ: Կամաց էին հնչում կանանց ճնշված ձայները, տղամարդիկ բարկութիւնք երեսները շուտ էին տալիս կանանցից, երբեմն ցածրաձայն հայհոյանք էր լսվում: Թշնամական ընդհարման խուլ աղմուկը պատել էր խայտաբղետ ամբոխին:

— Մի՛ տեսե՛կա,— կամաց դողում էր մի կանացի ձայն:— Խնայիք քեզ...

— Ձեռք քաշի՛ր,— զնգում էր պատասխանը:

Իսկ Սիզովի պատկանելի ձայնը խոսում էր հանգիստ, համոզիչ:

— Ո՛չ, մենք չպիտի՛ թողնենք երիտասարդներին: Նրանք մեզանից խելոք են դարձել, մեզանից համարձակ են: Ծահճի կուպեկն ո՞վ պահպանեց: Նրա՛նք: Դա պետք է միտը պա՛նել: Դրա համար նրանց բանտերը քարշ տվին, իսկ դրանից շահեցին բոլորը...

Շչակը մոնչաց իր սև հնչյունով կլանելով մարդկային խոսակցութիւնը: Ամբոխը ցնցվեց, նստածները կանգնեցին, մի րոպե ամեն ինչ բարացավ, ամենքի ուշադրութիւնը լարվեց, և շատ դեմքեր գունատվեցին:

— Ընկերնե՛ր,— լավեց Պավելի ձայնը զիլ ու հաստատ: Մի չոր, ջերմ մառախուղ այրեց մոր աչքերը, և նա հանկարծ պիւրկ մարմնի մի շարժումով կանգնեց որդու հետևը: Բոլորը դեմքերը դարձրին դեպի Պավելը, շրջապատելով նրան, ինչպես երկաթի փշրանքը՝ մագնիսի կտորին:

Մայրը նայում էր որդու դեմքին և տեսնում միայն աչքերը, հպարտ ու համարձակ, տոչորող...

— Ընկերնե՛ր: Մենք որոշել ենք բացելիբաց հայտարարել, թե ովքեր ենք, մենք այսօր բարձրացնում ենք մեր դրոշակը, բանականութեան, ճշմարտութեան, ազատութեան դրոշակը:

Սպիտակ և երկար մի ձող երևաց օդում, թեքվեց, ճեղքեց ամբոխը, անհետացավ նրա մեջ և մի րոպե հետո մարդկանց վեր դարձրած դեմքերից բարձր, կարմիր թուռնի պես ծածանվեց բանվոր ժողովրդի դրոշակի լայն կտավը:

Պավելը ձեռքը բարձրացրեց, ձողը ճոճվեց, այն ժամանակ տասնյակ ձեռքեր բռնեցին սպիտակ հարթ փայտը. դրանց մեջ էր նաև մոր ձեռքը:

— Կեցցե՛ք բանվոր ժողովուրդը,— գոչեց Պավելը:

Հարյուրավոր ձայներ արձագանքեցին նրան թնդացող գոչյունով:

— Կեցցե՛ք սոցիալ-դեմոկրատական բանվորական պարտիան, մե՛ր պարտիան, ընկերնե՛ր, մեր հոգևոր հայրենիքը:

Ամբոխը նոսում էր: Ուրիշներին դեռ ու դեն հրելով դեպի դրոշակն էին դիմում նրանք, ովքեր հասկացել էին նրա նշանակութիւնը, Պավելի կողքին կանգնած էին Մազինը, Սամոյլովը, Գուսենները. գլուխը կորացրած Նիկոլայը հրում էր մարդկանց, և էլի մորն անծանոթ, երիտասարդ, վառվառն աչքերով մարդիկ հրում էին նրան...

— Կեցցե՛ն բոլոր երկրների բանվոր մարդիկ,— գոչեց Պավելը: Եվ ավելի ու ավելի սաստկացնելով իր ուժը և ուրախութիւնը՝ հաղարաշուրթ արձագանքը պատասխանեց նրան հոգեցունց հնչյունով:

Մայրը բռնեց Նիկոլայի և էլի մի ուրիշի ձեռքից. նա արցունքից խեղդվում էր, բայց չէր լալիս, նրա ոտները դողում էին, և դողոջուն շրթունքներով ասում էր.

— Հարազատե՛նքս...

Նիկոլայի շեշտ դեմքի վրա մի լայն ժպիտ տարածվեց, նա նայում էր դրոշակին և ինչ-որ բան մոնչում՝ ձեռք մեկնելով դեպի դրոշակը, իսկ հետո այդ ձեռքով գրկեց մոր պարանոցը. համբուրեց նրան և ծիծաղեց:

— Ընկերնե՛ր,— երգաձայն ասաց խոխուրը՝ իր փափուկ ձայնով ծածկելով ամբոխի խուլ աղմուկը:— Մենք այժմ թափոր ենք կատարում հանուն նոր աստծու, լույսի և ճշմարտութեան

աստծու, բանականութեան և բարու աստծո՛ւ: Հեռո՛ւ է մեզնից մեր նպատակը, փշե պսակները մո՛տ են: Ո՛վ չի հավատում ճշմարտութեան ուժին, ում մեջ համարձակութիւն չկա մինչև մահ պաշտպանելու այն, ով իր վրա հավատ չունի և վախեցնում է տանջանքներից, թող մեզանից հեռանա: Մենք կոչ ենք անում զալու մեր հետևից նրանց, ովքեր հավատում են մեր հաղթանակին: Նրանք, ովքեր չեն տեսնում մեր նպատակը, թող չգան մեզ հետ, այդպիսիներին միայն դժբախտութիւն է սպասում: Շարքե՛րը մտե՛ք, ընկերնե՛ր: Կեցցե՛՜ ազատ մարդկանց տունը: Կեցցե՛՜ Մայիսի մեկը:

Ամբոխը ավելի խտացավ: Պավելը թափահարեց դրոշակը, որը տարածվեց օդում և առաջ լողաց արևից շողշողալով, կարմիր և լայն ժպտալով...

Հրաժարվեք, ընկերներ հին օրենքներից...

Լավեց Ֆեդյա Մազինի զիւ ձայնը, և տասնյակ ձայներ միացան նրան փափուկ, ուժգին ալիքի պես...

Թափ տանք նրա փոշին մեր ոտքերից...

Մայրը ջերմ ժպտը շրթունքներին գնում էր Մազինի հետևից և նրա գլխի վրայով նայում որդուն և դրոշակին: Շուրջն աչքովն էին ընկնում հրճվալից դեմքեր, զանազան գույների աչքեր, բոլորի առջևից գնում էին նրա որդին, և Անդրեյը: Նա լսում էր նրանց ձայները, Անդրեյի փափուկ և խոնավ ձայնը ներդաշնակորեն ի մի էր ձուլվում իր որդու թանձր և թավ ձայնին:

Դե, ե՛լ, բարձրացի՛ր, բանվո՛ր ժողովուրդ,  
Օլիբ պայթարի՛, բաղցած մարդկութեան...

Եվ ժողովուրդը վազում էր դեպի դրոշակը, ինչ-որ բան էր գոռում, խառնվում ամբոխին ու նրա հետ ետ դառնում, և նրա աղաղակները հանգչում էին երգի հնչյունների մեջ, այն երգի, որ տանը երգում էին մյուս երգերից ավելի կամաց, փողոցում դա հնչում էր համաշափ, շիտակ, ահեղ մի ուժով: Նրա մեջ հընչում էր երկաթե արիութիւն, մարդկանց կանչելով հեռավոր ճանապարհ՝ դեպի ապագան, այդ երգն ազնվաբար հայտնում էր ճանապարհի դժվարութիւնները: Նրա մեծ, խաղաղ բոցում հալվում էր անցած կյանքի մութ տականքը, սովորական դարձած զգացմունքների ծանր գուլձը և այրվելով մոխիր էր դառնում անիծյալ երկյուղը նորի հանդեպ...

Մեկի վախեցած և ուրախ դեմքը տատանվում էր մոր կողքին, և մի դողդոջուն ձայն հեծկտալով բացականչում էր.

— Մի՛տյա, ո՛ւր ես գնում:

Մայրն առանց կանգ առնելու ասում էր.

— Թո՛ղ գնա, մի՛ անհանգստանաք: Ես էլ էի շատ վախեցնում, իմն մանից առաջ է: Նա, որ դրոշակն է տանում, որդի՛ս է:

— Ավազակնե՛ր: Ո՛ւր եք գնում: Զինվորներն այնտե՛ղ են: Եվ հանկարծ ոսկրոտ ձեռքով բռնելով մոր ձեռքը այդ բարձրահասակ ու նիհար կինը բացականչեց.

— Քույրի՛կս, մի տես ո՛նց են երգում: Միտյան էլ է երգում...

— Դուք մի՛ անհանգստանաք, — մրմնջաց մայրը: — Սասուրը գործ է... Մտածեցեք, տեսե՛ք, չէ՞ որ Քրիստոսն էլ չէր լինի, եթե նրա համար մարդիկ չկոտորվեին:

Այդ միտքը հանկարծ ծագեց նրա գլխում և ապշեցրեց նրան իր պարզ ու պայծառ ճշմարտութեամբ: Նա նայեց այդ կնոջ դեմքին, որ ամուր բռնել էր իր ձեռքը, և զարմացած ժպտալով կրկնեց.

— Քրիստոսն էլ չէր լինի, եթե մարդիկ չկոտորվեին նրա սիրոջ, համար:

Նրա կողքին երևաց Սիզովը: Նա գլխարկը վերցնելով՝ շարժում էր երգի շափով և ասում.

— Բացեիբաց դուրս եկանք, մա՛յր, հը՛: Երգ են հորինել: Ի՛նչ երգ է, մայր, հը՛:

Ցարին պետք են զորքի համար զինվորներ,  
Նրա՛ն տվե՛ք ձեր որդիներ...

— Ոչ մի բանից չե՛ն վախենում, — ասում էր Սիզովը: — Իսկ իմ որդին գերեզմանոցումն է...

Մոր սիրտը շափազանց ուժեղ զարկեց, և մայրն սկսեց ետ մնալ: Նրան արագ մի կողմ հրեցին, սեղմեցին ցանկապատին, և նրա մոտով օրորվելով հոսեց մարդկանց մի թանձր ալիք. նրանք շատ էին, և այդ ուրախացնում էր մորը:

Դե, ե՛լ, բողբոջի՛ր, բանվո՛ր ժողովուրդ:

Թվում էր, թե օդում երգում է մի ահագին պղնձե փող, երգում և զարթեցնում է մարդկանց, առաջացնելով մի կրծքում պայթարի պատրաստակամութիւն, մյուսում՝ անորոշ ուրախու-

թյուն, մի նոր բանի նախագագում, այրող հետաքրքրություն, այնտեղ հույսերի աղոտ թրթիռ զարթեցնելով, այստեղ էլք բանալով տարիներով կուտակված դայրույթի կծու հոսանքի համար: Ամենքը նայում էին դեպի առաջ, ուր ծածանվում և փողփողում էր օդում կարմիր դրոշակը:

— Գնա՛նք,— մոնչում էր մեկի ոգևորված ձայնը:— Հիանալի՛ է, տղե՛րք:

Եվ երևի ավելին զգալով, քան կարող էր արտահայտել սովորական բառերով, այդ մարդը թունդ հիշոցով հայհոյում էր: Բայց և՛ զայրույթը, ստրուկի խավար, կույր զայրույթը ֆշշում էր օձի պես՝ շարացած բառերի մեջ զայլարվելով, իր վրա ընկած լույսից վրդովված:

— Հերետիկոսնե՛ր,— բռունցքով սպառնալով՝ պատուհանից գոռում էր մի ճաթած ձայն:

Եվ համառորեն մոր ականջն էր մտնում մեկի սուր ճիշը:

— Թագավոր-կայսե՛ր դեմ, նորին մեծություն-ցարի՞ դեմ: Խոտվություն անե՛լ:

Մոր կողքով շողում-անհետանում էին շփոթված դեմքեր, ցատկոտելով վազվզում էին տղամարդիկ, կանայք, սև լավայի պես թափվում էր ժողովուրդը՝ հրապուրված այն երգից, որի հնչյունների թափով կարծես ամեն ինչ գլորում էր առջևում՝ ճանապարհը մաքրելով: Նայելով հեռուն, կարմիր դրոշակին, մայրն առանց նկատելու տեսնում էր որդու դեմքը, նրա բրոնզե ճակատը և հավատի վառ կրակով այրվող աչքերը:

Բայց ահա մայրն ամբոխի հետևի մասում է, այն մարդկանց մեջ, որոնք գնում էին առանց շտապելու, անտարբեր առաջ նայելով, այնպիսի հանդիսատեսների սառն հետաքրքրությամբ, որոնց առաջնօց է հայտնի տեսարանի վերջը: Գնում և ցածրաձայն, վստահ խոսում էին:

— Մի վաշտ դպրոցի մոտ է կանգնած, մեկն էլ գործարանի մոտ...

— Նահանգապետը եկել է...

— Ծի՞շտ:

— Ի՛նքս տեսա՛ եկել է...

Մեկն ուրախ հայհոյեց և ասաց.

— Այնուամենայնիվ սկսել են մեզանից վախենալ: Թե՛ գործ, թե՛ նահանգապետ:

«Հարազատնե՛րս», բարախում էր մոր կրծքի տակ:

Բայց նրա շուրջը խոսքերը հնչում էին մեռած և սառն: Նա քայլերն արագացրեց, որպեսզի այդ մարդկանցից հեռանա, և նրա համար դյուրին էր նրանց դանդաղ, ծուլ ընթացքից առաջ անցնել:

Եվ հանկարծ ամբոխի գլուխը կարծես ինչ-որ բանի խփվեց, նրա մարմինն առանց կանգ առնելու ընկրկեց տազն: Կայլից, ցածր, խուլ ձայնով, Երգը նույնպես դողաց, ասլա հոսեց ավելի արագ, ավելի բարձր: Եվ նորից հնչյունների թանձր ալիքն իջավ, ետ սողաց: Երգեցիկ խմբից ձայները մեկ-մեկ պակասում էին, լավեցին առանձին բացականչություններ, որոնք աշխատում էին երգը հասցնել նախկին բարձրության, առաջ մղել:

Դե, ե՛լ, բողոքի՛ր բանվոր ժողովուրդ,  
Ընդդեմ թշնամու գնա, բաղցած մարդկություն...

Բայց այդ կոշի մեջ չկար ընդհանուր, միաձուլվ վստահություն, և նրա մեջ արդեն անհանգստությունն էր թրթուում:

Ոչինչ շտեմնելով, շիմանալով, թե ինչ է պատահել առջևում, մայրը հրում էր ամբոխին՝ արագ-արագ առաջ շարժվելով, խել մայրը դիմացն էին գալիս ընկրկող մարդիկ, ոմանք գլուխները նրա դիմացն էին գալիս ընկրկող մարդիկ, ոմանք շվարած ժպտալով, ոմանք կախած և հոնքերը կիտած, ոմանք շվարած ժպտալով, ոմանք հեզնորեն սուլելով: Մայրը վշտագին տնտղում էր նրանց դեմքերը, նրա աչքերը լուռ հարցնում էին, խնդրում, կանչում...

— Ընկերներ, — հնչեց Պավելի ձայնը:— Զինվորները նույնպիսի մարդիկ են, ինչ որ մենք: Նրանք մեզ չեն խփի: Ինչի՞ համար պետք է խփեն: Նրա՞ համար, որ մենք կրում ենք այն ճշմարտությունը, որ հարկավոր է ամենքին: Չէ՞ որ այս ճշմարտությունը նրանց էլ է հարկավոր: Առայժմ նրանք այս բանը չեն հասկանում, բայց արդեն մոտ է ժամանակը, երբ նրա՛նք էլ կկանգնեն մեր կողքին, երբ կքայլեն ոչ թե կողոպտատների և սպանությունների դրոշակի տակ, այլ մեր՝ ազատության դրոշակի տակ: Եվ որպեսզի նրանք շուտ հասկանան մեր ճշմարտությունը, մենք պետք է առաջ գնանք: Առա՛ջ, ընկերներ: Մի՛շտ առաջ:

Պավելի ձայնը հնչում էր անհողողող, խոսքերը զնգում էին օդում որոշակի ու պարզ, բայց ամբոխը ցրվում էր, մարդիկ իրար հետևից հեռանում էին աչ ու ձախ դեպի տները, հենվում ցանկապատերին: Այժմ ամբոխը սեպի ձև ուներ, որի սուր ծայրը Պավելն էր, և նրա գլխավերևը կարմիր վագուում էր բանվոր

ժողովրդի դրոշակը: Ամբոխը նման էր նաև սև թռչնի, որն իր թևերը լայն տարածած՝ ականջները սրել է՝ պատրաստ բարձրանալու և թռչելու, իսկ Պավելը նրա կտուցն էր...

### XXVIII

Մայրը տեսնում էր, որ փողոցի ծայրում, հրապարակի մուտքը փակած, կանգնած էր անդամ, միատեսակ մարդկանց մի գորշ պատ: Նրանցից ամեն մեկի ուսին սառը և նուրբ փայլում էր սվիների սուր շերտը: Եվ այդ լուռ, անշարժ պատից բանվորների վրա ցուրտ էր փչում, այդ ցուրտը բախվում էր մոր կրծքին և թափանցում սիրտը:

Մայրը խցկվեց ամբոխի մեջ, այնտեղ, ուր նրան ծանոթ մարդիկ, որոնք կանգնած էին առջևում դրոշակի մոտ, խառնվում էին անծանոթների հետ, կարծես նրանց վրա հենվելով: Մայրը կիպ սեղմեց մի բարձրահասակ, սափրված, միականի մարդու, որը մորը նայելու համար գլուխը թափով դարձրեց:

— Դու այդ ի՞նչ է: Դու ո՞ւմն ես... — հարցրեց նա:

— Պավել Վլասովի մայրն եմ, — պատասխանեց մայրը, զգալով, որ ծնկները դողում են և ստորին ծնոտն ակամա կախ է ընկնում:

— Հա՛, — ասաց միականին:

— Ընկերներ՛ր, — ասաց Պավելը: — Ամբողջ կյանքում առա՛ջ, մեզ համար ուրիշ ճանապարհ չկա՛:

Տիրեց զգոն մի լուռություն: Դրոշակը բարձրացավ, օրորվեց և կարծես մտախոհ փողփողալով մարդկանց գլխին՝ սահուն շարժվեց դեպի զինվորների գորշ պատը: Մայրը ցնցվեց, փակեց աչքերը և հառաչեց, Պավելը, Անդրեյը, Սամոյլովը և Մազինը միայն չորս հոգով կտրվեցին ամբոխից:

Բայց օդում դանդաղ դողողաց Ֆեդյա Մազինի հստակ ձայնը:

Դուք զոհ գնացիք...

Սկսեց երգել նա,

...Պայքարում... օրհասական....

երկու ծանր հառաչով արձագանքեցին թանձր, ցածր ձայները: Մարդիկ առաջ քայլեցին՝ ոտները հատ-հատ գետնին զարկելով: Եվ հոսեց նոր երգը, վճռական ու խիզախ:

Դուք տվիք ամենն, ինչ կարող էիք, նրա համար...

պայծառ ժապավենի պես ոլորվում էր Ֆեդյայի ձայնը...

...Ազատության համար...

ներդաշնակ երգում էին ընկերները:

— Ըհը՛-ը՛, — շարախնդությամբ գոռաց մեկը մի կողմից: —

Հոգեհանգիստ սկսեցին երգել, շա՛ն որդիք...

— Զարդեցե՛ք դրանց, — հնչեց մի վայրագին բացականչություն:

Մայրը ձեռներով ճանկեց կուրծքը, շուրջը նայեց և տեսավ, որ ամբոխը, որն առաջ խիտ լցված էր փողոցը, կանգնել է տատանման մեջ, վարանում և նայում է, թե ինչպես են հեռանում դրոշակ տանողները: Նրանց հետևից գնում էին մի քանի տասնյակ մարդիկ և ամեն մի քայլը դեպի առաջ՝ որևէ մեկին ստիպում էր մի կողմ ցատկել, կարծես փողոցի մեջտեղով ճանապարհը շիկացած էր, այրում էր ներբանները:

Կործանվի կամայականությունը...

մարգարեանում էր երգը Ֆեդյայի շրթունքներում...

...և կհասնի ժողովուրդը...

վստահ և հաջարկու կրկնում էր ուժեղ ձայների խումբը:

Բայց երգի ներդաշնակ հոսանքի միջով դուրս էին պրծնում խուլ հնչող բառեր:

— Հրաման է տալիս...

— Հրացանները ձեռքի՛, — առջևում հնչեց մի զիլ աղաղակ: Օդում ոլոր-մոլոր ճոճվեցին սվիները, իջան և ձգվեցին դրոշակի դեմ՝ խորամանկ ժպտալով:

— Մա՛րջ:

— Գնա՛նք, — ասաց միականին և ձեռները գրպանը դնելով լայն քայլեց մի կողմ:

Մայրն անթարթ նայում էր: Զինվորների գորշ ալիքը տատանվեց և փողոցի ամբողջ լայնությամբ ձգվելով՝ համաշափ, սառնությամբ շարժվեց՝ առջևից տանելով արծաթի պես պսպրողուն նոսրատամ պողպատե սանրը: Մայրը լայն քայլեր անելով ավելի մոտեցավ որդուն, տեսավ, թե ինչպես Անդրեյը նույնպես քայլեց Պավելի առջև և նրան ծածկեց իր երկար մարմնով:

— Կողքի՛ցս գնա, ընկե՛ր, — խիստ գոռաց Պավելը:

Անդրեյը երգում էր, նրա ձեռները հետևն էին դրված, նա գլուխը վեր բարձրացրեց: Պավելը հրեց նրան ուսով և նորից գոչեց.

— Կողքի՛ցս գնա: Իրավունք չունե՛ս: Առջևում դրոշակը պիտի լինի:

— Յը՛ր-վե՛լ,— բարակ ձայնով գոռում էր մի փոքրիկ սպա սպիտակ սուրը շարժելով: Նա ոտները բարձրացնում էր և ժընկները շծալելով ներբանները թափով խփում գետնին: Մոր աչքին ընկան նրա լավ մաքրված կոշիկները:

Իսկ սպայի կողքից և նրանից մի քիչ ետ ծանր-ծանր գնում էր մի երկարահասակ, ածիլված մարդ՝ հաստ, ալեզարդ ընչացքներով, կարմիր աստառով երկար մոխրագույն վերարկուով և դեղին շերտերը լայն անդրավարտիքին: Նա ևս խոխուրի պես ձեռները հետևն էր դրել, բարձրացրել էր ալեզարդ խիտ հոնքերը և Պավելին էր նայում:

Մայրն անընդգրկելիորեն շատ բան էր տեսնում, նրա կըրծքում անշարժ կանգնած էր մի բարձր ճիչ, որ պատրաստ էր ամեն մի շնչի հետ դուրս նետվելու, դա խեղդում էր մորը, բայց մայրը պահում էր ճիչը, ձեռներով կուրծքը բռնած: Մորը հրում էին, նա երերվում էր ոտքի վրա և առաջ գնում առանց մտածելու, գրեթե առանց գիտակցության: Նա զգում էր, որ իր հետևից եկող մարդիկ ավելի ու ավելի են քշանում, սառը կոհակը նրանց դեմ հանդիման էր գալիս և քշում նրանց:

Ավելի ու ավելի էին իրար մոտենում կարմիր դրոշակի մարդիկ և գորշ մարդկանց խիտ շղթան, պարզ երևում էր զինվորների դեմքը, ամբողջ փողոցի լայնությունը, այլանդակորեն տափակած՝ կեղտոտ-դեղին նեղ շերտ դարձած, անհամաչափորեն այդ շերտի մեջ էին մտցված գույնզգույն աչքեր, իսկ նրա առջև անողոքաբար շողշողում էին սվինների բարակ սայրերը: Դրանք դեպի մարդկանց կրծքերն ուղղվելով, դեռ նրանց չկպած, մեկ-մեկ պոկում էին նրանց ամբոխից՝ քայքայելով այդ ամբոխը:

Մայրն իր հետևում լսում էր վաղողների ոտների դոփշունը: Ծնշված, անհանգիստ ձայները գոռում էին.

— Ցրվեցե՛ք, տղե՛րք...

— Վլա՛սովա, փախի՛ր...

— Ե՛տ, Պավլո՛ւփա:

— Դրոշակը թո՛ղ, Պա՛վել,— մռայլ ասաց Վեսովշիկովը:— Տո՛ւր ինձ, ես կթաքցնեմ:

Նա ճանկեց կոթը, դրոշակը ետ ճոճվեց:

— Թո՛ղ,— գոչեց Պավելը:

Նիկոլայը ձեռքը ետ քաշեց, կարծես դաղվեց: Երգը մարեց: Մարդիկ կանգ առան՝ Պավելին կիս շրջապատելով, բայց նա առաջ անցավ: Լուսնյուն տիրեց, հանկարծ, միանգամից, կարծես աներևույթ կերպով վերից իջնելով և թափանցիկ ամպի պես գրկելով մարդկանց:

Դրոշակի տակ քսանի չափ մարդ էր կանդնած, ոչ ավելի, բայց նրանք կանգնած էին անհողողող՝ մորը ձգելով դեպի իրենց, իրենց համար ունեցած երկյուղի զգացումով և ինչ-որ բան սսելու աղոտ ցանկությունը...

— Պորո՛ւչիկ, վերցրե՛ք նրանից այդ բանը,— լսվեց բարձրահասակ ծերունու համաչափ ձայնը:

Ձեռքը մեկնելով նա ցույց տվեց դրոշակը:

Պավելի մոտ ցատկեց փոքրիկ սպան, ճանկեց դրոշակի կոթը, սուր ճշաց.

— Բա՛ց թող:

— Ձեռներդ հեռո՛ւ,— բարձրաձայն ասաց Պավելը:

Կարմիր դրոշակը թրթռում էր օդում՝ աչ ու ձախ թեքվելով, և նորից ուղիղ կանգնեց. սպայիկը ետ թռավ, նստեց գետնին: Մոր կողքով ոչ իրեն հատուկ արագությունը սահեց Նիկոլայը՝ բռունցքը պարզած:

— Տանել դրանց,— մոնչաց ծերունին ոտը գետնին խփելով: Մի քանի զինվոր անցան առաջ: Նրանցից մեկը հրացանի կոթը թափ տվեց, դրոշակը ցնցվեց, թեքվեց և անհետացավ զինվորների գորշ կույտի մեջ:

— Ա՛խ,— թախծագին գոչեց մեկը:

Նվ մայրը ճշաց գազանային, ոռնացող ձայնով: Բայց որպես պատասխան զինվորների խմբի միջից հնչեց Պավելի հըստակ ձայնը.

— Ցտեսություն, մայրի՛կ: Ցտեսություն, հարազա՛տս...

«Կենդանի՛ է: Շիշե՛ց ինձ»,— կրկնակի խփեց մոր սիրտը: Ցտեսություն, մայրի՛կս:

Ոտների մատների վրա բարձրանալով, ձեռները թափահարելով մայրն աշխատում էր տեսնել նրանց, և զինվորների գլուխների վրայով տեսնում էր Անդրեյի կլոր դեմքը, ժպտում էր դեմքը, բարևում էր մորը:

— Հարազատներս... Անդրյո՛ւշա... Պա՛շա... — աղաղակում էր մայրը:

— Յտեսությո՛ւն, ընկերնե՛ր, — գոչեցին նրանք, զինվորների խմբի միջից:

Նրանց պատասխանեց կրկնվող, պատառոտված արձագանքը: Գա հնչեց պատուհաններից, ինչ-որ տեղ՝ վերևից, կտուրներից:

## XXIX

Մոր կրծքին հրեցին: Աչքերը պատած մառախուղի միջով նա իր առջև տեսնում էր փոքրիկ սպային. սպայիկի դեմքը կարմիր էր, ձգված, նա գոռում էր մոր վրա.

— Հեռացի՛ր, պառա՛վ:

Մայրը նայեց նրան վերևից ներքև, տեսավ նրա ոտքի տակ դրոշակի կոթը երկու մաս եղած, մեկի վրա մի քիչ կարմիր կտոր էր մնացել: Կռանալով մայրը վերցրեց դրոշակը: Սպան նրա ձեռներից դուրս կորզեց փայտը, դեն շարտեց և ոտները դոփեց, գոռաց.

— Կորի՛ր, ասում եմ:

Զինվորների մեջ բռնկվեց և ծորաց երգը.

Գե, ե՛լ, բարձրացի՛ր, բանվո՛ր ժողովուրդ...

Ամեն ինչ պտտվում էր, օրորվում, ցնցվում: Օդում կանգնած էր մի բազմաձայն, տազնապալից աղմուկ, որ նման էր հեռագրական լարերի փայլատ աղմուկին: Սպան տեղից վեր թռավ և վրդովված ճչաց.

— Վե՛րջ տալ երգին: Ֆելդֆե՛բել Կրայնով...

Մայրը երերալով մոտեցավ փայտի կտորին, որ սպան նետել էր, և նորից վերցրեց:

— Փակե՛լ դրանց կոկորդները...

Երգը խառնվեց, դողողաց, կտրվեց, մարեց: Մեկը բռնեց մոր ուսերից, շուռ տվեց նրան, հրեց մեջքին...

— Գնա՛, գնա՛...

— Մաքրե՛լ փողոցը, — գոռում էր սպան:

Մայրն իրենից մի տասնյակ քայլ հեռու տեսնում էր նորից մարդկանց մի հոծ բազմություն: Նրանք մոնչում էին, քրթմընջում, սուլում և դանդաղ նահանջելով փողոցի խորքը՝ թափվում էին բակերը:

— Գնա՛, դե՛, — ուղղակի մոր ականջին գոռաց մի երիտասարդ, մեծ ընչացքներով զինվոր նրան հասնելով, և հրեց դեպի մայթը:

Մայրն սկսեց գնալ՝ փայտին հենված, նրա ծնկները ծալվում էին: Զրնկնելու համար նա մի ձեռքով կառչում էր պատերին ու ցանկապատերին: Մարդիկ նրա առջևից ընկրկում էին, նրա կողքից և հետևից զինվորներ էին գնում՝ գոռալով.

— Գնա՛, գնա՛...

Զինվորները նրանից առաջ անցան, նա կանգ առավ, նայեց շուրջը: Փողոցի ծայրում ցանցառ շղթայով կանգնած էին էլի նրանք, զինվորները, փակելով հրապարակի մուտքը: Հրապարակը դատարկ էր: Առջևում ևս գորշ կերպարանքներ էին օրորվում, դանդաղ շարժվելով դեպի մարդիկ...

Մայրն ուզում էր ետ դառնալ, բայց անգիտակցորեն նորից գնաց դեպի առաջ և մի նրբանցքի հասնելով՝ շուռ եկավ դեպի այնտեղ, որը նեղ էր և ամայի: Մայրը նորից կանգ առավ: Մանր շնչեց, ականջ դրեց: Առջևում ինչ-որ տեղ աղմկում էր ժողովուրդը:

Փայտին հենված նա քայլեց առաջ, հոնքերը շարժելով, հանկարծ քրտնելով, շարժելով շրթունքները, ձեռքը թափ տալով. նրա սրտում կայծերի պես բռնկվում էին ինչ-որ բառեր, բորնիվում, սեղմվում, դրանք ասելու, բարձրաձայն գոչելու մի համառ, հրամայական ցանկություն վառելով...

Նրբանցքը շեշտակի դառնում էր դեպի ձախ, և անկյունից դենը մայրը տեսավ մարդկանց մի մեծ, սեղմ խումբ, մեկի ձայնն ուժգին և բարձր ասում էր.

— Եղբայրնե՛ր, իրեն խիղախ ցույց տալու համար սվինների դեմ շեն գնում:

— Ի՛նչ մարդիկ էին նրանք, հա՛: Վրա են գալիս, իսկ իրենք կանգնած են մնում: Մնում են տեղում, եղբայրնե՛ր, անվախ...

— Ա՛յ թե Պաշա Վլա՛սովը...

— Ապա խոխո՛ւր:

Ձեռները հետևը դրած՝ ժպտում է, սատանան...

— Սիրելիներս: Ա՛յ մարդիկ, — աղաղակեց մայրը խցկվելով ամբոխի մեջ: Նրա առջև պատկառանքով ետ-ետ գնացին: Մեկը ծիծաղեց:

— Տե՛ս, տե՛ս, դրոշակո՞վ է: Ձեռքում դրոշակն է:

— Լոի՛ր, — խստորեն ասաց մի ուրիշ ձայն:

Մայրը ձեռները լայն տարածեց...

— Լսեցե՛ք, ի սեր Քրիստոսի: Դուք բոլորդ հարազատներս եք... դուք բոլորդ սրտակիցներս եք... մտիկ արեք անվախ, ի՞նչ պատահեց: Գնում են աշխարհում մեր զավակները, մեր արյունը, գնում են ճշմարտության հետևից... ամենքի համար: Ձեր բոլորիդ համար, ձեր մանուկների համար իրենց դատապարտեցին խաչի ճանապարհին... փնտրում են լուսավոր օրեր: Ուզում են մի ուրիշ կյանք՝ ապրել ճշմարտության, արդարության մեջ... բարիք են ցանկանում ամենքին:

Նրա սիրտը պատռվում էր, կրծքի տակ նեղվածք էր, կոկորդը շոր ու տաք: Նրա սրտի խորքում ծնվում էին մեծ, ամեն ինչ և ամենքին գրկող սիրո խոսքեր և այրում նրա լեզուն՝ շարժելով այն ավելի ուժգին, ավելի ազատ:

Նա տեսնում էր իրեն լուռ են, ամենքը լուռ են, զգում էր մարդիկ մտածում են՝ իրեն կիպ շրջապատված, և նրա մեջ մի ցանկություն էր աճում, որ այժմ արդեն ավելի պարզ էր իր համար, ցանկություն մարդկանց հրելու այնտեղ, որդու հետևից, Անդրեյի հետևից, բոլորի հետևից, որոնց տվել են զինվորների ձեռքը, մենակ են թողել:

Դիտելով շուրջը գտնվող մոռյլ, ուշադիր դեմքերը, նա շարունակեց մեղմ ուժգնությամբ.

— Գնում են աշխարհում մեր զավակները դեպի ուրախություն, նրանք գնացին բոլորի համար և Քրիստոսի ճշմարտության համար, այն բոլորի դեմ, ինչով որ մեզ գերել են, կապկըպել, խեղդել են մեզ մեր շարերը, կեղծերը, մեր ազահները: Սրտակիցներս, չէ՞ որ ամբողջ ժողովրդի համար բարձրացավ մեր շահել արյունը, ամբողջ աշխարհի համար, բոլոր բանվոր մարդկանց համար գնացին նրանք... Ուրեմն մի՞ հեռացեք նրանցից, մի՞ հրաժարվեք, մի՞ թողեք ձեր զավակներին մենակ ճանապարհին: Խղճացեք ձեզ... հավատացեք ձեր որդիների սրտերին, նրանք ճշմարտություն են ծնել, նրա՛ համար են կորչում: Հավատացե՛ք նրանց

Նրա ձայնը խզվեց, նա ուժասպառ օրորվեց, մեկը բռնեց նրա կռնատակից...

— Աստվածային բան է ասում, — հուզված և խուլ ձայնով գոչեց մեկը: — Աստվածային բան է, բարի մարդիկ: Լսեցի՞ր:

Մի ուրիշը խղճահարվեց.

— Է՛հ, ինչպես է մորմոքվում:

Նրան հանդիմանորեն առարկեցին:

— Նա չի մորմոքվում, այլ մեզ՝ հիմարներին է խփում, հասկացի՛ր:

Ամբոխից վեր սլացավ մի բարձր, թրթուռն ձայն.

— Ուղղափառներ: Իմ Միտյան, այդ մաքուր հոգին, ի՞նչ արեց նա: Նա ընկերների հետևից գնաց, սիրած ընկերներին... Ճշմարիտ է ասում մայրը, ինչի՞ համար ենք մենք երեխաներին մենակ թողնում: Նրանք մեզ ի՞նչ վատություն են արել:

Մայրը դողաց այդ խոսքերից և մեղմ արցունքներով արձագանքեց:

— Գնա տո՛ւն, Նի՛լովնա: Գնա՛, մա՛յր: Տանջվե՛լ ես, — բարձրաձայն ասաց Սիզովը:

Սիզովը գունատ էր, նրա մորուքը զզզված էր և դողդողում էր: Հանկարծ հոնքերը կիտելով՝ նա աչքերը խստորեն շուռ տվեց բոլորի վրա, ամբողջ մարմնով շտկվեց և պարզ ու որոշ ասաց.

— Դուք գիտեք, որդիս, Մատվեյը, գործարանում մեքենայի տակ ջարդվեց: Բայց եթե կենդանի լիներ, ես ինքս կուղարկեի նրանց հետ մի շարքում կանգնելու, ինքս կասեի. դո՛ւ էլ գնա, Մատվե՛յ: Գնա՛, սա ճշմարիտ գործ է, սա՛՛ ազնի՛վ գործ է: Նրա ձայնը կտրվեց, նա լռեց և ամենքը մոռյլ, լուռ էին, համակված մի ինչ-որ ահագին, նոր, բայց արդեն իրենց շփախեցնող բանով: Սիզովը ձեռքը բարձրացրեց և թափահարելով շարունակեց.

— Խոսում է մի ծեր մարդ, դուք ինձ ճանաչում եք: Երեսունինը տարի է աշխատում եմ այստեղ, հիսուներեք տարի ապրում եմ աշխարհիս երեսին: Քրոջս որդուն, մի մաքուր, խելոք երեխայի, այսօր նորից տարան: Նա էլ առջևից էր գնում, Վլասովի կողքից, հենց դրոշակի մոտ...

Նա ձեռքը թափ տվեց, կուշ եկավ և մոր ձեռքից բռնելով ասաց.

— Այս կինը ճշմարիտ ասաց: Մեր երեխաներն ուզում են ապրել պատվով, բանականությամբ, իսկ մենք, ա՛յ, թողել ենք նրանց, հեռացել, այո՛: Գնա՛, Նի՛լովնա...

— Հարազատներս, — ասաց մայրը լացակումած աչքերը բոլորի վրա գցելով: — Երեխաների՛ համար է կյանքը, նրա՛նց համար է երկիրը...

— Գնա՛, Նի՛լովնա: Ա՛ռ, փայտն էլ վերցրո՛ւ, — ասում էր Սիզովը՝ դրոշակի կոթի կտորը նրան տալով:

Մոր վրա նայում էին տրտմությամբ, հարզանքով, կարեկցության քրթմնջյունն էր ուղեկցում նրան: Միզովը ճանապարհից լուռ հեռացնում էր մարդկանց, նրանք լուռությամբ մի կողմ էին քաշվում և ենթարկվելով մի անորոշ ուժի, որը իրենց քաշում էր մոր հետևից, առանց շտապելու գնում էին նրա հետևից՝ իրար հետ կիսաձայն կարճ խոսքեր փոխանակելով:

Իր տան դարպասի մոտ մայրը դարձավ դեպի նրանց՝ դրոշակի բեկորի վրա հենվելով, գլուխ տվեց և գոհունակությամբ, կամաց ասաց.

— Շնորհակալ եմ ձեզանից...

Եվ նորից մտաբերելով իր միտքը, նոր միտքը, որը թվում էր, թե իր սիրտն է ծնել, նա արտասանեց.

— Մեր տեր Հիսուս Քրիստոսը շէր լինի, եթե մարդիկ չմեռնեին նրա փառքի համար...

Ամբոխը լուռ ու մունջ նայում էր նրան:

Նա կրկին գլխով հրաժեշտ տվեց մարդկանց և մտավ իր տունը, իսկ Միզովը գլուխը կռացնելով մտավ նրա հետ:

Մարդիկ դարպասի մոտ կանգնել՝ խոսում էին:

Ապա ցրվեցին առանց շտապելու:

## Երկրորդ մաս

### I

Օրվա մնացորդն անց կացավ հիշողությունների խայտաճամուկ մառախուղի մեջ, ծանր հոգնածության մեջ, որ ամուր գրկել էր մոր մարմինն ու հոգին: Գորշ բժի պես ցատկատում էր փոքրիկ սպան, շողշողում էր Պավելի բրոնզազույն դեմքը, ժրպտում էին Անդրեյի աչքերը:

Մայրը շրջում էր սենյակում, նստում պատուհանի մոտ, նայում փողոցին, նորից շրջում՝ հոնքը բարձրացրած, ցնցվելով, շուրջը նայելով և առանց մտածելու ինչ-որ բան էր որոնում: Զուր էր խմում առանց ծարավը հագեցնելու և շէր կարողանում հանգցնել թախծի և վիրավորանքի այրող մարմրոցը կրծքում: Օրը միջից կտրված էր, նրա սկզբում բովանդակություն կար, իսկ այժմ ամեն ինչ նրա միջից դուրս էր հոսել, մոր առջև տարածվում էր մի թախծալի ամայություն և երեբվում էր մի տարակուսական հարց:

«Իսկ հիմա՞ ինչ...»

Եկավ Կորսունովան: Նա ձենները թափ էր տալիս, դռում, լայիս, ոտները դոփում, ինչ-որ բան առաջարկում ու խոստանում, ինչ-որ մեկին սպառնում: Այս բոլորը շէր հուղում մորը:

— Ըհը՛, — լսում էր մայրը Մարյայի ճղճղան ձայնը, — էլի դիպան ժողովրդին: Գործարանը կանգ է առել, ամբողջովին կանգ է առել:

— Այո՛, այո՛, — կամաց ասում էր մայրը գլուխը տմբումբացնելով, իսկ նրա աչքերն անշարժ տնտղում էին այն, ինչ որ արդեն անցյալ էր դարձել, հեռացել էր իրենից Անդրեյի և Պավելի



հետ: Նա չէր կարողանում լալ, սիրտը ճմլվում էր, շորացել էր, շրթունքներն էլ էին շորացել և բերանում պակասում էր թացութունը: Ձեռները դողում էին, մեջքի կաշին ցնցվում էր մանրիկ գողոցով:

Երեկոյան եկան ժանդարմները: Մայրը նրանց դիմավորեց առանց զարմանքի, աներկյուղ: Նրանք մտան աղմուկով և նրանց մեջ մի ինչ-որ ուրախ, գոհ բան կար: Դեղնադեմ սպան ատամները բաց անելով ասում էր.

— Հը՞, ո՞նց եք: Երրորդ անգամն ենք իրար պատահում, հա՞:

Մայրը լուռ էր մնում, չոր լեզվով շրթունքները լիզելով: Սպան խոսում էր շատ, խրատական տոնով, մայրն զգում էր, որ սպայի համար խոսելը հաճելի է: Բայց նրա խոսքերը չէին հասնում մորը, չէին խանգարում նրան: Միայն երբ սպան ասաց. «Դու ինքդ ես մեղավոր, մայրիկ, եթե չես կարող որդուդ հարգանք ներշնչել դեպի աստված և ցարը...», մայրը դուռն մոտ կանգնած և առանց սպայի վրա նայելու խուլ ձայնով պատասխանեց.

— Այո, մեր զավակները մեզ դատավոր են: Նրանք իրավացի կերպով կդատապարտեն մեզ նրա համար, որ մենք նրանց թողնում ենք այդ ճանապարհին:

— Ի՞նչ, — գոռաց սպան: — Բա՛րձր ասա:

— Ես ասում եմ. դատավորները մեր զավակներն են, — կրկնեց մայրը հառաչելով:

Սպան այդ ժամանակ ինչ-որ բան ասաց արագ ու բարկացած, բայց նրա խոսքերը մոր շուրջը բոլորվեցին առանց նրան դիպչելու:

Վկաների մեջ էր Մարյա Կորսունովան: Նա կանգնած էր մոր կողքին, բայց նրան չէր նայում, և երբ սպան դիմում էր նրան որևէ հարցով, նա շտապ և խոր գլուխ տալով՝ միօրինակ պատասխանում էր.

— Չգիտեմ, ձերդ բարեծնություն: Ես մի անուսում կին եմ, առևտրով եմ զբաղվում, հիմարությունիցս ոչինչ չգիտեմ...

— Դե՛, լու՛ր, — հրամայում էր սպան՝ ընչացքները շարժելով: Մարյան գլուխ էր տալիս և աննկատելի շանչելով նրան, շշնջում էր մորը.

— Ա՛ռ, կե՛ր:

Նրան հրամայեցին խուզարկել Վլասովային: Նա աչքերը, ճպճպացրեց, շոնց սպայի վրա և վախեցած ասաց.

— Ձե՛րդ բարեծնություն, ես այդ բանը չե՛մ իմանում:

Սպան ոտը դոփեց, գոռաց, Մարյան ցած գցեց աչքերը և մորը կամաց խնդրեց.

— Ինչ արած, կոճակներդ բա՛ց, Պելագե՛յա Նիլովնա...

Տակնուվրա անելով և շոշափելով մոր դգեստը՝ նա արյունով լցված դեմքով շշնջում էր.

— Ախ, շներ են, հա՛:

— Դու այդ ի՞նչ ես խոսում, — դաժանաբար գոնեց սպան՝ նայելով այն անկյունը, որտեղ Մարյան խուզարկում էր:

— Կանացի գործի մասին եմ խոսում, ձե՛րդ բարեծնություն, — մրմնջաց Մարյան վախեցած:

Երբ սպան մորը հրամայեց ստորագրել արձանագրությունը, մայրն անվարժ ձեռքով տպագրական հաստ-հաստ փայլուն տառերով թղթի վրա գծեց.

«Բանվոր մարդու այրի Պելագեյա Վլասովա»:

— Այս ի՞նչ ես գրել: Ինչի՞ համար է սա, — բացականչեց սպան դեմքը զզվանքով կնճռելով և ապա քմծիծաղով ասաց. — վայրենիներ...

Նրանք հեռացան: Մայրը կանգնեց պատուհանի մոտ, ձեռները կրծքին ծալած և առանց աչքը թարթելու, առանց որևէ բան տեսնելու երկար նայում էր իր առջև, հոնքերը բարձրացրած, սեղմում էր շրթունքները և ծնոտներն այնպես սեղմում, որ շուտով զգաց ատամների ցավը: Ծրագի նավթը վերջացել էր, լույսը ճրճտալով մարում էր: Նա ճրագը փչեց և մնաց խավարի մեջ: Թախծալի խոհադրկության մութ ամալը լցնում էր նրա կուրծքը՝ դժվարացնելով սրտի բաբախումը: Երկար ժամանակ նա կանգնած էր, հոգնել էին ոտներն ու աչքերը: Նա լսեց, թե ինչպես պատուհանի տակ կանգ առավ Մարյան և հարբած ձայնով կանչեց.

— Պելագե՛յա: Քնա՞ծ ես: Իմ թշվառ նահատակ, քնի՛ր:

Մայրն առանց հանվելու պառկեց անկողնում և արագ խորասուզվեց ծանր քնի մեջ, կարծես խոր փոսի մեջ էր ընկել:

Նա երազում տեսնում էր ճահճի հետևում, քաղաք տանող ճանապարհի վրա մի դեղին ավազե բլուր: Նրա ծայրին դեպի փոսերն իջնող ձորակողի վրա, որտեղից ավազ էին տանում, կանգնած էր Պավելը և Անդրեյի ձայնով կամաց, հնչեղ երգում էր.

Ելի՛ր, բարձրացի՛ր, բանվո՛ր ժողովուրդ...

Մայրը գնում էր բլրի մոտի ճանապարհով և ձեռքը ճակատին դրած նայում էր որդուն: Կապույտ երկնքի ֆոնի վրա որդու պատկերը գծագրված էր պարզ և որոշ: Մայրն ամաչում էր մոտենալ որդուն, որովհետև հղի էր: Ձեռներին էլ երեսառուններ: Ճանապարհը շարունակեց: Դաշտում երեսառները գնդակ էին խաղում. նրանք շատ էին. գնդակն էլ կարմիր էր: Ձեռքից երեսառն ձգվեց դեպի խաղացողները և սկսեց բարձրաձայն լալ: Մայրը կուրծք տվեց նրան և ետ դարձավ, իսկ բլրի վրա արդեն գինվորներ էին կանգնած՝ սվիններն իր վրա ուղղած: Նա արագ փախավ դեպի դաշտի միջի եկեղեցին, սպիտակ, թեթև եկեղեցին, որ կարծես ամպերից էր կառուցված և անշափ բարձր էր: Այնտեղ մեկին թաղում էին, դագաղը մեծ էր, սև կափարիչն ամուր ծածկված: Բայց քահանան և սարկավագը եկեղեցում շրջում էին սպիտակ շուրջառներով և երգում:

Քրիստոս հարյավ ի մեռելոց...

Սարկավագը խնկարկում էր, երկրպագում մորը, ժպտում: Սարկավագի մաղերը վառ կարմրաշեկ էին և դեմքն ուրախ, ինչպես Սամոյլովինը: Վերևից, գմբեթից թափվում էին արևի ճառագայթները, սրբիչների պես լայն: Երկու դասերում էլ տղաները մեղմ երգում էին.

Քրիստոս հարյավ ի մեռելոց...

— Վերցնել դրանց, — հանկարծ գոռաց քահանան եկեղեցու մեջտեղը կանգնելով: Նրա վրայից շուրջառը չբացավ, նրա դեմքին երևան եկան ալեխառն, խիստ ընշացքներ: Բոլորն սկսեցին փախչել, սարկավագն էլ փախավ բուրվառը նետելով մի կողմ, ձեռքով զուխը բռնելով, ինչպես խոխուն է անում: Մայրը երեսառին զցեց հատակին, մարդկանց ոտների տակ, մարդիկ վազում էին իր շուրջը, հեռվից, վախվիսելով նայելով երեսառի մերկ մարմնին, իսկ ինքը ծունկ չոքեց և աղաղակում էր:

— Երեսառին մի՛ թողեք: Վերցրե՛ք նրան...

Քրիստոս հարյավ ի մեռելոց...

Երգում էր խոխուն՝ ձեռները մեջքին դրած և ժպտալով:

Մայրը կուցացավ, երեսառին վերցրեց և դրեց տախտակների բեռան վրա, որի կողքով կամաց-կամաց գնում էր նիկողայը և քրթում ասելով.

— Մանր գործ եք տվել ինձ...

Փողոցում ցեխ էր, տների պատուհաններից մարդիկ գլուխները հանել էին և սուլում, գոռում, ձեռքերը թափ էին տալիս: Օրը պարզ էր, արևը վառում էր պայծառ, իսկ շվաք չկար ոչ մի տեղ:

— Երգեցե՛ք, մայր, — ասում էր խոխունը: — Կյանքն է այսպես:

Եվ երգում է Անդրեյը բոլոր հնչյուններն իր ձայնով խափանելով: Մայրը գնում էր նրա հետևից, հանկարծ սայթաքեց, արագ թռավ մի անհատակ անդունդ, և այդ խորութունն ահավոր ոռնում էր նրա դեմ...

Նա զարթնեց դողով բռնված: Կարծես մեկի բիրտ, ծանր ձեռքը ճանկեց նրա սիրտը և շարունակաբար խաղալով կամաց-կամաց սեղմում է: Համառ կերպով շշկն աշխատանքի էր հրավիրում. մայրը որոշեց, որ դա արդեն երկրորդ կանչն է: Սենյակում անկարգ թափթփված էին գրքեր, ամեն ինչ տեղահանված էր, շուռ տված. հատակը կոխկռտված:

Մայրը վեր կացավ և առանց լվացվելու, առանց աստծուն աղոթելու, սկսեց սենյակը հավաքել: Խոհանոցում նրա աչքովն ընկավ կտավի կտորը վրան փայտը, նա անբարյացակամորեն ձեռքն առավ և ուզում էր կոխել վառարանի տակ, բայց հառաչելով՝ պոկեց նրանից դրոշակի կտորը, խնամքով ծալեց և դրեց գրպանը, իսկ փայտը ծնկան վրա կոտրեց և զցեց վառարանի առաջակողմը: Ապա պատուհանը և հատակը սառը ջրով լվաց, ինքնահեղ դրեց, հագնվեց: Նստեց խոհանոցում պատուհանի մոտ, և նրա առջև նորից ծառայավ մի հարց.

«Հիմա ի՞նչ անել»:

Հիշելով, որ դեռ չի աղոթել, նա կանգնեց սրբապատկերների առջև և մի քանի վայրկյան կանգնած մնալով նորից նըստեց, սիրտը դատարկ էր:

Տարօրինակ անդորրութուն էր տիրում, կարծես, մարդիկ, որ երեկ այնքան գոռացել էին փողոցում, այդ օրը թաքնվել էին տներում և լուռ մտածում արտասովոր օրվա մասին:

Հանկարծ մոր միտն ընկավ մի պատկեր, որ նա տեսել էր մի անգամ իր երիտասարդութան օրերին. պարոն Չաուսայլովների հին պուրակում մի մեծ լճակ կար՝ հարսնամատներով խիտ ծածկված: Աչնան մի գորշ օր նա անցնում էր լճակի մոտով և նրա մեջ տեսավ մի մակույկ: Լճակի ջուրը սև էր, խաղաղ, և

մակույկը կարծես սոսնձված էր սև ջրին, որը խիտ զարդարված էր դեղին տերևներով: Խորին տխրություն, շտանված վիշտ էր հառնում թիակ և ձող շունեցող այդ մակույկից, որ միայնակ, անշարժ ընկած էր փայլատ ջրի վրա, մեռած տերևների մեջ: Մայրն այն ժամանակ երկար կանգնեց լճափին, մտածելով, այդ ո՞վ է ափից մակույկը դեն հրել, ինչո՞ւ: Նույն օրվա երեկոյան իմացան, որ լճակում խեղդվել է Զատուսայլովների գործակատարի կինը, սև, միշտ գլգլված մազերով, արագ քայլող մի փոքրիկ կին:

Մայրը ձեռքը քսեց դեմքին, և նրա միտքը դողդոջուն կերպով դուրս լողաց երեկվա տպավորությունների վրա: Այդ տպավորություններով համակված՝ մայրը երկար նստած էր, աչքերը սառած թեյի բաժակին հառած, իսկ նրա հոգում վառվում էր մի խելոք, պարզ մարդ տեսնելու, նրանից շատ բան հարցնելու ցանկությունը:

Եվ կարծես նրա ցանկությանն ընդառաջելով՝ կեսօրից հետո եկավ Նիկոլայ Իվանովիչը: Բայց երբ մայրը նրան տեսավ, հանկարծ մի անհանգստություն տիրեց իրեն, և նրա ողջույնին չպատասխանելով կամաց ասաց.

— Վա՛յ, սիրելի՛ս, միանգամայն զո՛ւր եք եկել: Անզգույշ բան եք արել, չէ՞ որ ձեզ կրճեն, եթե տեսնեն...

Մոր ձեռքն ամուր սեղմելով՝ Նիկոլայ Իվանովիչն ուղղեց ականջը և դեմքը մոտեցնելով նրան՝ շտապ խոսքերով բացատրեց.

— Ես, գիտե՞ք, Պավելի և Անդրեյի հետ պայմանավորվել եմ, որ եթե նրանց ձերբակալելու լինեն, մյուս օրը ձեզ պետք է քաղաք փոխադրեմ, — ասաց նա սիրալիր և մտահոգված: — Ձեզ մոտ խուզարկություն եղա՞վ:

— Եղավ: Տակնուվրա արին, պտրտեցին: Այդ մարդիկ ոչ ամոթ ունեն, ոչ խիղճ, — բացականչեց մայրը:

— Ամոթը նրանց ինչի՞ն է պետք, — ուսերը թոթվելով ասաց Նիկոլայը և սկսեց պատմել, թե ինչո՞ւ է հարկավոր, որ մայրը քաղաքում ապրի:

Մայրը լսում էր այդ բարեկամական հոգատար ձայնը, նայում էր Նիկոլային գունատ ժպտով և նրա ապացույցները չհասկանալով՝ զարմանում էր դեպի այդ մարդն ունեցած սիրալիր վստահության իր ղգացմունքի վրա:

— Եթե Պաշան այդպես է ցանկացել, — ասաց նա, — և եթե ձեզ նեղություն չեմ պատճառի...

Նիկոլայն ընդհատեց նրան.

— Այդ մասին մի՛ անհանգստանաք: Ես մենակ եմ ապրում, միայն երբեմն քույրս է գալիս:

— Ձրի հաց չեմ ուտի, — բարձրաձայն մտածում էր նա:

— Ուղենաք՝ գործ կճարվի՞, — պատասխանեց Նիկոլայը:

Մոր համար գործ հասկացողությունն արդեն անբակտելիտրեն միանում էր որդու և Անդրեյի ու ընկերների աշխատանքի պատկերացմանը: Նա մոտեցավ Նիկոլային և նայելով նրա աչքերի մեջ հարցրեց.

— Կճարվի՞:

— Իմ տնտեսությունը փոքր է, ամուրի մարդու տնտեսություն է...

— Ես դրա մասին, տնայինի մասին չեմ հարցնում, — կամաց ասաց մայրը:

Եվ սրտում հառաչեց իրեն վիրավորված զգալով, որ Նիկոլայն իրեն չի հասկացել: Նիկոլայը իր կարճատես աչքերով ժպտալով մտախոհ ասաց.

— Ա՛յ, եթե դուք Պավելի հետ տեսակցելիս աշխատեիք իմանալ նրանից այն գյուղացիների հասցեն, որոնք խնդրել էին թերթ հրատարակել...

— Ես նրանց ճանաչում եմ, — բացականչեց մայրն ուրախացած: — Կգտնեմ և ամեն բան կանեմ, ինչպես կասեք: Ո՞վ կկարծի, որ ես արգելված բան եմ տանում: Գործարան հո տանում էի, փա՛ռք աստծո:

Հանկարծ նա ցանկություն ունեցավ որևէ տեղ գնալ ճանապարհներով, անտառների և գյուղերի մոտով, մախաղն ուսից կախած, փայտը ձեռքին:

— Սիրելի՛ս, դուք ինձ այդ գործի վրա դրեք, խնդրում եմ ձեզ, — ասում էր մայրը: Ես ձեզ համար ամեն տեղ կգնամ: Բոլոր նահանգները կգնամ բոլոր ճանապարհները կգտնեմ: Կգնամ ձմեռ ու ամառ, մինչև գերեզման մտնելս, պանդուխտ լինելը մի՞թե վատ վիճակ է ինձ համար:

Նա տխրեց, երբ մտածեց, որ պիտի դառնա անտուն-անօթևան պանդուխտ, որը գյուղական խրճիթների պատուհանների տակ ողորմություն է խնդրում ի սեր Քրիստոսի:

Նիկոլայն զգուշութեամբ վերցրեց նրա ձեռքը և շոյեց իր տաք ձեռքով: Ապա ժամացույցին նայելով ասաց.

— Այդ մասին մենք հետո կխոսենք:

— Սիրելի՛ս,— բացականչեց մայրը:— Երեխաները, մեր սրտի ամենաթանկագին կտորները, իրենց ազատութունն ու կյանքը զոհում են, կորչում առանց իրենց խղճալու, իսկ ես ի՞նչ եմ, մայր չե՞մ:

Նիկոլայի դեմքը գունատվեց, նա սիրալիր ուշադրութեամբ մորը նայելով հանդարտ ասաց.

— Ես, գիտե՞ք, առաջին անգամն եմ այդպիսի խոսքեր լսում...

— Ես ի՞նչ կարող եմ ասել,— գլուխը տխուր օրորելով ասաց մայրը և տկար շարժումով ձեռքերը տարածեց:— Եթե ես բռներ ունենայի՞, որ պատմեի իմ մայրական սրտի մասին...

Նա վեր կացավ՝ բարձրացվելով այն ուժով, որ աճում էր իր սրտում և հարբեցնում գլուխը զայրույթի բռների հախուռն թափով:

— Շատերը լաց կլինեին... Նույնիսկ շարերը, անխիղճները...

Նիկոլայը նույնպես վեր կացավ նորից նայելով ժամացույցին:

— Ուրեմն որոշված է, դուք գալիս եք քաղաք ինձ մոտ:

Մայրը լուռ գլխով արեց:

— Ե՛րբ: Շտապեցե՛ք,— խնդրեց Նիկոլայը և քնքշորեն ավելացրեց:— Ձեզ համար անհանգստանալու եմ. ճշմարիտ:

Մայրը զարմանքով նայեց նրան,— ինչո՞վ է հետաքրքիր ինքը նրա համար: Գլուխը կախած, շփոթված ժպտալով՝ Նիկոլայը կանգնած էր իր առջև կոր ու կարճատես, հասարակ սև պիջակը հագին և վրայի ամեն ինչը ոչ իրենը...

— Դուք փող ունե՞ք,— հարցրեց Նիկոլայը աչքերը ցած գցելով:

— Ո՛չ:

Նիկոլայը գրպանից արագ հանեց քսակը, բաց արեց և մեկնեց մորը:

— Ահա, խնդրեմ, վերցրե՛ք...

Մայրն ակամա ժպտաց և գլուխն օրորելով նկատեց.

— Ամեն ինչ նոր ձևով է: Փողն էլ արժեք չունի: Մարդիկ դրա համար իրենց հոգին են կորցնում, իսկ ձեզ համար՝ մի

առանձին բան չի: Կարծես թե մարդկանց շնորհ անելու համար եք ձեզ մոտ փող պահում:

Նիկոլայը ցածրաձայն ծիծաղեց:

— Սարսափելի անհարմար և անդուրեկան բան է փողը: Միշտ մարդ քաշվում է և՛ վերցնելուց, և՛ տալուց...

Նա վերցրեց մոր ձեռքը, ամուր սեղմեց և կրկին անգամ խնդրեց նրան.

— Ուրեմն շո՛ւտ արեք:

Եվ հանգիստ՝ ինչպես միշտ, հեռացավ:

Նրան ճանապարհ դնելով մայրը մտածեց.

«Այդպես բարի է, բայց շխղճաց»:

Եվ շկարողացավ հասկանալ իր համար տհա՞ճ է այդ, թե՞ միայն զարմանալի:

## II

Մայրը պատրաստվում էր Նիկոլայի մոտ գնալ նրա այցելութեան շորորդ օրը: Երբ սալը նրա երկու արկղները բարձած ավանից դուրս եկավ դաշտը, մայրը ետ նայելով՝ հանկարծ զգաց, որ ընդմիշտ թողնում է այն վայրը, որտեղ անցել է նրա կյանքի մութ և ծանր ժամանակաշրջանը, որտեղ սկսվել է մի ուրիշ, լի նոր վշտով և ուրախութեամբ, օրերն արագ կլանող մի շրջան:

Մրից սևացած գետնի վրա ահագին մուգ կարմիր սարդի պես փովել էր գործարանը՝ բարձր, դեպի երկինք ցցած իր ծրխնելույզներով: Նրան սեղմվել էին բանվորների միհարկանի տնակները: Գորշ, տափակած, նրանք հոծ կուտակված խմբվել էին ճահճի եզրին և խեղճ-խեղճ իրար էին նայում փոքրիկ, աղոտ պատուհաններով: Նրանց վրա բարձրացել էր եկեղեցին, նույնպես մուգ կարմիր, գործարանի գույնի. նրա զանգակատունը գործարանի ծխնելույզներից ցածր էր:

Մայրը հառաչելով ուղղեց զգեստի օձիքը, որ կոկորդը խեղդում էր:

— Քայլի՛ր,— քրթմնջաց սալապանը սանձը ձիու վրա շարժելով: Դա ոտը ծուռ մի մարդ էր, անորոշ տարիքի, դեմքին և գլխին նոսր, գունազուրկ մազերով, անգույն աչքերով: Կողքից կողք ճոճվելով՝ նա գնում էր սալի կողքով, և պարզ էր, որ նրա համար նույնն է՝ աջ գնա, թե՛ ձախ, ուր կուզի լինի:

— Քայլի՛ր,— ասում էր նա դժգույն ձայնով և ծիծաղելի

կերպով առաջ էր նետում իր ծուռ-ծուռ ոտները՝ շորացած ցեխը վրան ծանր կոշիկներով: Մայրը շուրջը նայեց. դաշտն ամալի էր, ինչպես իր հոգին...

Գլուխը վհատ շարժելով՝ ձին ոտները ծանր-ծանր հենում էր խոր, արևից տաքացած ավազին, որը կամաց խշխշում էր: Ճոռում էր վատ ձյութված, կոտորոված սալը, և բոլոր հնչյունները փոշու հետ միասին մնում էին հետևում...

Նիկոլայ Իվանովիչն ապրում էր քաղաքի ծայրում, մի ամալի փողոցում, երկհարկանի, հնությունից ուռած, մի մութ տան կից փոքրիկ ֆլիգելում: Ֆլիգելի առջև կար մի ցցապատ պարտեզ և բնակարանի երեք սենյակի պատուհաններով սիրալիք նայում էին հասմիկի, հակակու ճյուղերը, մատղաշ բարդիների արծաթագույն տերևները: Սենյակները խաղաղ էին, մաքուր, հատակի վրա անմոռնչ դողում էին նկարի ստվերները, պատերի վրա ձգվում էին դարակները, վրաները խիտ դասավորված գրքեր, և կախված էին ինչ-որ լուրջ մարդկանց նկարներ:

— Ձեզ համար այստեղ հարմար կլինի, — հարցրեց Նիկոլայը՝ առաջնորդելով մորը մի ոչ մեծ սենյակ, որի մի լուսամուտը նայում էր դեպի ցցապատ պարտեզը, իսկ մյուսը՝ դեպի խոտով խիտ ծածկված բակը: Այս սենյակում էլ բոլոր պատերը բռնված էին պահարաններով և գրքերի դարակներով:

— Ավելի լավ կլինե՞ր՝ ես խոհանոցում տեղավորվեի, — ասաց մայրը: — Խոհանոցը լուսավոր, մաքուր է...

Մորը թվաց, թե Նիկոլայն ինչ-որ բանից վախեցավ: Իսկ երբ նա անպատեհ և շփոթված սկսեց հորդորել մորը և մայրը համաձայնեց, Նիկոլայն իսկույն ուրախացավ:

Բոլոր երեք սենյակներն էլ լի էին մի ինչ-որ հատուկ օդով, — հեշտ և դուրեկան էր շնչել, բայց մարդու ձայնն ակամայից ցածրանում էր, մարդ չէր ուզում բարձր խոսելով խանգարել պատերից կենտրոնացած հայացքով նայող մարդկանց խաղաղ մտախոհությունը:

— Մաղիկները հո հարկավոր է ջրել, — ասաց մայրը՝ շոշափելով պատուհաններում դրված ծաղկամանների հողը:

— Այո՛, այո՛, — ամոթապարտ ասաց տանտերը: — Գիտե՞ք, ես սիրում եմ ծաղիկներ, բայց դրանցով զբաղվելու ժամանակ չունեմ...

Նրան դիտելով՝ մայրը տեսնում էր, որ իր հարմարավոր բնակարանում ևս Նիկոլայը շրջում էր զգույշ, խորթ և հեռու այն ամենից, ինչ որ շրջապատում է իրեն: Նա իր դեմքն ընդհուպ

մոտեցնում էր այն բանին, ինչի որ նայում էր, և աչ ձեռքի բարակ մատներով ակնոցն ուղղելով՝ աչքերը կուչ էր ածում, անմոռնչ հարցով նշան բռնելով իրեն հետաքրքրող առարկային: Նա երբեմն առարկան վերցնում էր, մոտեցնում դեմքին և խնամքով զննում աչքերով, թվում էր, թե նա սենյակ էր մտել մոր հետ միասին, և ինչպես մորը, այնպես էլ իրեն այդտեղ ամեն ինչ անծանոթ էր, անսովոր: Նրան այդպես տեսնելով՝ մայրը միանգամից զգաց, որ այդ սենյակներում ինքն իր տեղումն է: Նա գնում էր Նիկոլայի հետևից, նկատելով, թե ինչը որտեղ է գտնվում, հարցնում էր այդտեղ տիրող ապրելակերպի մասին. Նիկոլայը նրան պատասխանում էր այնպիսի մի մարդու հանցավոր տոնով, որը գիտե, որ ամեն բան անում է ոչ այնպես, ինչպես պետք է, բայց ուրիշ կերպ էլ չի կարող:

Մաղիկները շրջելով և դաշնամուրի վրա թափթփված նոտաները կանոնավոր դարսելով՝ մայրը նայեց ինքնաեռին և նկատեց.

— Պետք է մաքրել...

Նիկոլայը մատները քսեց աղոտ մետաղին, մատը տարավ դեպի քիթը և լրջորեն զննեց: Մայրը սիրալիք քմծիծաղեց:

Երբ մայրը պառկեց քնելու և հիշեց իր անցկացրած օրը, գլուխը զարմացած բարձրացրեց բարձից՝ շուրջը նայելով: Ամբողջ կյանքում առաջին անգամն էր նա ուրիշի տանը և դրանից չէր քաշվում: Նա Նիկոլային նայում էր հոգատարությամբ, ցանկություն էր զգում նրա համար ամեն բան անել որքան կարելի է լավ, նրա կյանքի մեջ մտցնել մի սիրալիք, ջերմացնող բան: Նրա սիրտը հուզում էր Նիկոլայի անշնորհքությունը, ծիծաղելի անկարողությունը, նրա խորթացումը սովորականից և նրա պայծառ աչքերի ինչ-որ մի խելացի մանկական բանը: Հետո մոր միտքը համառորեն կանգ առավ որդու վրա և նրա առջև նորից ծավալվեց Մայիսի մեկի օրը՝ ամբողջովին նոր հնչյուններով, նոր իմաստով թևավորված: Եվ այդ օրվա վիշտը՝ ինչպես այդ ամբողջ օրը, առանձնահատուկ էր. դա գլուխը դեպի գետին չէր ծռում, ինչպես բուռնցքի բութ, խլացուցիչ հարված, դա ծակոտում էր սիրտը բազմաթիվ ծակոցներով և նրա մեջ առաջացնում մի մեղմ զայրույթ՝ կորացած մեջքը շտկելով:

«Երեսխաները շրջում են աշխարհում», մտածում էր նա ականջ դնելով քաղաքի գիշերային կյանքի անծանոթ հնչյուններին: Դրանք ներս էին սողում բաց պատուհաններով, խշխշաց-

նում պարտեզի սաղարթը, թռչում գալիս էին հեռվից, հոգնած, գունատ և խաղաղ մեռնում սենյակում:

Վաղ առավոտյան մայրն ինքնաեռ մաքրեց, եռացրեց, անաղմուկ հավաքեց ամանեղենը և խոհանոցում նստելով սկսեց սպասել, թե երբ է զարթնելու Նիկոլայը: Լսվեց Նիկոլայի հազը, և նա երևաց շնմբում՝ մի ձեռքում ակնոցը բռնած, մյուսով կոկորդը ծածկելով: Նրա բարեին պատասխանելով մայրն ինքնաեռ տարավ սենյակ, իսկ Նիկոլայը փնջացնելով սկսեց լվացվել ջուրը գետնին թափելով, գցելով օձառը, ատամի խոզանակը: Թեյի ժամանակ Նիկոլայը պատմեց նրան.

— Ես զեմստվոյի վարչության մեջ զբաղվում եմ մի տխուր աշխատանքով, դիտում եմ, թե ինչպես են քայքայվում մեր գյուղացիները...

Եվ ժպտալով հանցավոր կերպով կրկնեց.

— Սովից հյուծված մարդիկ վաղաժամ գերեզման են մըտնում, մանուկները ծնվում են թույլ, կոտորվում աշնան ճանճերի պես, մենք այս բոլորը գիտենք, գիտենք թշվառության պատճառները և դրանք դիտելով ոտճիկ ենք ստանում: Եվ ուրիշ ոչինչ, ճիշտն ասած...

— Իսկ դուք ի՞նչ է, ուսանո՞ղ եք, — հարցրեց նրան մայրը:

— Ոչ, ես ուսուցիչ եմ: Հայրս գործարանի կառավարիչ է վյատկայում, իսկ ես ուսուցիչ եմ դարձել: Բայց գյուղում ես սկսեցի մուծիկներին գրքեր տալ, և դրա համար ինձ բանտ նըստեցրին: Բանտից հետո մի գրախանութում գործակատար էի, բայց ինձ անզգույշ պահեցի և նորից բանտ ընկա, հետո Արխանգելսկ քաղաքից: Այնտեղ էլ անախորժություններ ունեցա նահանգապետի հետ, ինձ ուղարկեցին Սպիտակ ծովի ափը մի գյուղակ, ուր հինգ տարի ապրեցի:

Լուսավոր, արևոտ սենյակում նրա ձայնը հնչում էր խաղաղ և համաշափ: Մայրն արդեն շատ էր լսել այդպիսի պատմություններ և երբեք չէր հասկացել, թե ինչու են դրանք այդպես հանգիստ պատմում, դրանց վերաբերվելով որպես մի անխուսափելի բանի:

— Քույրս այսօր գալու է, — հաղորդեց Նիկոլայը:

— Ամուսնացա՞ծ է:

— Այրի է: Նրա ամուսինը Սիբիր էր աքսորված, բայց այնտեղից փախավ և թոքախտով մեռավ արտասահմանում սրանից երկու տարի առաջ...

— Ձեր քույրը ձեզանից փո՞քր է:

— Մեծ է վեց տարով: Ես նրան շատ բան եմ պարտավան: Ա՛յ, դուք նրան կլսեք, կտեսնեք ինչպես է նվագում: Սա նրա դաշնամուրն է... այստեղ նա ընդհանրապես շատ բան ունի, ի՞մա գրքերն են...

— Իսկ նա ո՞րտեղ է ապրում:

— Ամեն տեղ, — պատասխանեց Նիկոլայը ժպտալով: — Ուր խիզախ մարդու կարիք կա, նա էլ այնտեղ է:

— Նա է՞լ այս գործի մեջ է, — հարցրեց մայրը:

— Իհարկե՛, — ասաց Նիկոլայը:

Նա շուտով գնաց ծառայության, իսկ մայրն սկսեց մտածել «այդ գործի» մասին, որ օրեցօր մարդիկ համառորեն և հանգիստ կատարում են: Եվ նա իրեն այդ մարդկանց առջև զգում էր այնպես, ինչպես մարդ կարող է զգալ սարի առջև գիշեր ժամանակ:

Կեսօրին մոտ եկավ մի սևազգեստ, բարձրահասակ և բարեկազմ տիկին: Երբ մայրը դուռը բաց արեց նրա առաջ, նա հատակին գցեց փոքրիկ, դեղին ճամպուրակը և վլասովայի ձեռքն արագ բռնելով հարցրեց.

— Դուք Պավել Միխայլովիչի մայրի՞կն եք, այո՞:

— Այո, — պատասխանեց մայրը նրա ճոխ զգեստից շփոթված:

— Ես ձեզ այդպես էլ պատկերացնում էի: Եղբայրս գրել էր, որ դուք իր մոտ պետք է ապրեք, — ասում էր տիկինը՝ հայելու առջև գլխարկը հանելով: — Ես և Պավել Միխայլովիչը վաղուց բարեկամներ ենք: Նա ինձ պատմել է ձեր մասին:

Նրա ձայնը խլավուն էր, խոսում էր դանդաղ, բայց շարժվում էր ուժեղ և արագ: Մեծ-մեծ մոխրագույն աչքերը ժպտում էին երիտասարդական և պայծառ ժպտով, իսկ քունքերին արդեն փայլում էին բարակ ճառագայթաձև կնճիռներ և փոքրիկ ականջաբլթակների վրա արծաթափայլում էին ալեխառն մազերը:

— Քաղցա՞ծ եմ, — հայտնեց նա: — Մի գավաթ սուրճ լինե՛ր, կխմեի...

— Հենց հիմա կեփեմ, — արձագանքեց մայրը և պահարանից հանելով սուրճի սպասքը՝ կամացուկ հարցրեց. — Բայց մի՞թե Պաշան խոսում էր իմ մասին:

— Շատ...

Նա հանեց կաշվե փոքրիկ պորտսիգարը, մի ծխախոտ վառեց և սենյակում շրջելով հարցրեց մորը.

— Դուք շա՛տ եք վախենում նրա համար:

Դիտելով, թե ինչպես են դողում կրակի կապույտ լեզուները սպիրտի ճրագի վրա դրված սրճամանի տակ, մայրը ժպտում էր: Տիկնոջ հանդեպ ունեցած նրա շփոթմունքը չքացավ ուրախության խորքում:

«Ուրեմն նա իմ մասին պատմում է. լավի՛կա»,— մտածում էր մայրը և միևնույն ժամանակ դանդաղ ասում.— Իհարկե, հեշտ բան չի, բայց առաջներն ավելի վատ կլինեն, հիմա ես գիտեմ, նա մենակ չի...

Ապա, կնոջ դեմքին նայելով, հարցրեց նրան.

— Իսկ ի՞նչպես է ձեր անունը:

— Սոֆյա,— պատասխանեց կինը:

Մայրն ուշի-ուշով դիտեց նրան: Այդ կնոջ մեջ կար մի ինչ որ փարթամ, շափազանց ժիր և փութկոտ բան:

Սուրճն արագ խմելով նա վստահորեն ասաց.

— Գլխավորն այն է, որ նրանք բանտում երկար չնստեն, նրանց շուտով դատապարտեն: Իսկ հենց որ աքսորեն, մենք իսկույն կեթ կհաջողացնենք Պավել Միխայլովիչի փախուստը, նա անհրաժեշտ է այստեղ:

Մայրը թերհավատորեն նայեց Սոֆյային, իսկ նա աչքերով ծխախոտի մնացորդը գցելու տեղ որոնելով՝ խրեց ծաղկամանի հողի մեջ:

— Մաղիկները դրանից փչանում են,— մեքենայորեն նկատեց մայրը:

— Ներեցե՛ք,— ասաց Սոֆյան:— Նիկոլայն էլ է միշտ ասում ինձ այդ:— Եվ ծաղկամանից գլանակի մնացորդը հանելով նա լուսամուտից դուրս շարտեց:

Մայրը շփոթված նայեց նրա դեմքին և ամաչելով ասաց.

— Դուք ինձ ներեցե՛ք: Ես այդ այնպե՛ս ասացի, առանց մտածելու: Մի՞թե ես կարող եմ ձեզ բան սովորեցնել:

— Իսկ ինչո՞ւ չպիտի սովորեցնեք, քանի որ ես փնթի եմ,— արձագանքեց Սոֆյան ուսերը թոթվելով:— Սուրճը պատրաստ է: Շնորհակալություն: Իսկ ինչո՞ւ միայն մի՛ բաժակ է: Դուք չե՞ք խմելու:

Եվ հանկարծ մոր ուսերից բռնելով, քաշելով գեպի իրեն և աչքերին նայելով զարմացած հարցրեց.

— Մի՞թե դուք քաշվում եք:

Մայրը ժպտալով պատասխանեց.

— Հենց նոր ասացի ձեզ ծխախոտի մնացորդի մասին, իսկ դուք ինձ հարցնում եք՝ քաշվո՞ւմ եմ:

Եվ շթաքցնելով իր զարմանքը, նա ասաց կարծես հարցնելով.

— Երեկ եմ եկել ձեզ մոտ, իսկ ինձ պահում եմ ինչպես իմ տանը, ոչնչից չեմ վախենում, խոսում եմ, ինչ որ ուղում եմ...

— Այդպես էլ պե՛տք է,— բացականչեց Սոֆյան:

— Գլուխս պտտվում է, և կարծես ինքս ինձ համար օտար եմ,— շարունակեց մայրը:— Մի ժամանակ շատ անգամ կգայի, կգնայի մեկի մոտ, մինչև որ մի բան ասեի սրտանց, իսկ հիմա՝ հոգիս միշտ բաց է, և միանգամից ասում եմ այն, ինչ որ առաջները մտքովս էլ չէր անցնի...

Սոֆյան նորից մի ծխախոտ վառեց, սիրալիր և լուռ լուսավորելով մոր դեմքն իր մոխրագույն աչքերով:

— Դուք ասում եք՝ փախու՛ստ եք կաղմակերպելու: Է՛, բայց նա ի՞նչպես պիտի ապրի, փախստակա՞ն,— ասաց մայրը իրեն հուզող հարցը:

— Դա դատա՛րկ բան է,— պատասխանեց Սոֆյան իր համար կրկին սուրճ լցնելով:— Կապրի այնպես, ինչպես ապրում են տասնյակ փախածներ... Ես, ա՛յ, հենց նոր պատահեցի և ճանապարհ դրի մեկին, նույնպես շատ արժեքավոր մարդ է, աքսորված է եղել հինգ տարով, իսկ աքսորում մնացել է երեք և կես ամիս...

Մայրն ուշադրությամբ նայեց նրան, ժպտաց և գլուխն օրորելով կամաց ասաց.

— Չէ՛, ինչպես երևում է, տրորել է ինձ այդ օրը, Մայիսի մեկը: Մի տեսակ անհարմար դրություն մեջ եմ, և կարծես միանգամից երկու ճանապարհով եմ գնում. երբեմն ինձ թվում է, թե ամեն ինչ հասկանում եմ, բայց հանկարծ՝ կարծես մառախուղի մեջ եմ քնկել: Ա՛յ, հիմա, դուք, նայում եմ ձեզ, տիրուհի՛ եք, և զբաղվում եք այդ գործով... Պաշային ճանաչում եք և գնահատում եք նրան, շնորհակալ եմ ձեզանից...

— Է՛, դրա համար արդեն ձեզանից պետք է շնորհակալ լինել,— ծիծաղեց Սոֆյան:

— Ես՝ ի՞նչ: Նրան այդ բանը ե՛ս չեմ սովորեցրել,— հառաչելով ասաց մայրը:

Սոֆյան ծխախոտի մնացորդները դրեց իր գավաթի պնակում, գլուխը թափահարեց, նրա ոսկեգույն մազերը խիստ փրնչերով մեջքին փովեցին, և նա գնաց ասելով.

— Է՛հ, ժամանակն է, որ վրայիցս հանեմ այս բոլոր շքեղությունը...

### III

Երեկոյան դեմ եկավ Նիկոլայը: Ճաշեցին, և ճաշի շուրջ Սոֆյան պատմում էր ծիծաղելով, թե ինչպես էր պատահել և թաքցրել աքսորից փախած մի մարդու, ինչպես էր վախենում լրտեսներից՝ բոլոր մարդկանց լրտես համարելով, և ինչ ծիծաղելի էր պահում իրեն այդ փախածը: Նրա տոնի մեջ մի բան կար, որը մորը հիշեցնում էր այն բանվորի պարծենկոտությունը, որը մի դժվար աշխատանք լավ է կատարել և գոհ է:

Այժմ Սոֆյան հագել էր պողպատագույն, թեթև, լայն զգեստ: Այդ զգեստով նա ավելի բարձրահասակ էր երևում, նրա աչքերը կարծես ավելի մգացել էին, և շարժումներն ավելի հանգիստ էին դարձել:

— Սոֆյա, — ասաց Նիկոլայը ճաշից հետո, — դու պետք է մի գործ ևս հանձն առնես: Դու գիտես, մենք սկսել ենք գյուղի համար թերթ հրատարակել, բայց այնտեղի մարդկանց հետ կապը կտրված է վերջին ձերբակալությունների պատճառով: Ահա միայն Պելագեյա Նիլովնան է կարող մեզ ցույց տալ, թե ինչպես գտնել մեկին, որն իր վրա վերցնի թերթի տարածումը: Դու նրա հետ գնա այնտեղ: Շուտ է հարկավոր:

— Լա՛վ, — ծխախոտը ծխելով ասաց Սոֆյան: — Գնա՛նք, Պելագեյա Նիլովնա:

— Ի՞նչ կա որ, գնանք...

— Հեռո՞ւ է:

— Ութսուն վերստ կլինի...

— Հրաշալի՛... Իսկ այժմ ես մի քիչ կնվազեմ: Դուք ինչպես եք, Պելագեյա Նիլովնա, կարո՞ղ եք մի քիչ երաժշտություն լսել:

— Դուք ինձ մի՛ հարցնեք, — այնպես համարեցեք, թե ես այստեղ չեմ, — ասաց մայրը նստելով բազմոցի անկյունում: Նա տեսնում էր, որ եղբայր և քույր կարծես նրա վրա ուշադրություն չեն դարձնում, և միևնույն ժամանակ այնպես էր դուրս գալիս,

որ ինքն ամբողջ ժամանակ ակամա խառնվում էր նրանց խոսակցությանը, նրանց կողմից աննկատելիորեն ներգրավվելով:

— Ա՛յ, լսի՛ր, Նի՛կոլայ: Սա Գրիգն է: Ես այսօր բերի... Պատուհանները փակիր:

Նա բաց արեց նոտաները, ձախ ձեռքով ոչ ուժեղ խփեց ստեղներին: Լարերը հյութեղ և թանձր հնչեցին: Խոր շնչելով՝ նրանց միացավ հնչյունով հարուստ մի նոտա ևս: Աջ ձեռքի մատների տակից պայծառ հնչեցին, անհանգիստ երամի նման թռան լարերի տարօրինակ թափանցիկ ճիչերը և երերացին, ընդհարվեցին վախեցած թռչունների պես ցածր նոտաների մութ ֆոնի վրա:

Այդ ձայները սկզբում մորք չէին հուզում, նրանց ընթացքի մեջ նա միայն հնչող քառս էր լսում: Նրա լսողությունը չէր կարող ըմբռնել մեղեդին նոտաների զանգվածի բարդ թրթռումի մեջ: Կիսաննչելով նա նայում էր Նիկոլային, որը ոտները ծալած՝ նստած էր լայն բազմոցի ծայրին, մայրը դիտում էր Սոֆյայի լուրջ կիսադեմքը և ոսկեգույն մազերի ծանր զանգվածով ծածկված նրա գլուխը: Արևի ճառագայթն առատ ջերմությամբ լուսավորում էր Սոֆյայի գլուխը և ուսը, ապա ընկավ դաշնամուրի ստեղների վրա և թովոաց կնոջ մատների տակ, պարուրելով նրանց: Երաժշտությունն ավելի և ավելի հոծ լցնում էր սենյակը և մոր համար աննկատելիորեն արթնացնում էր նրա սիրտը:

Եվ հայտնի չէ, թե ինչու անցյալի մութ փոսից ծառանալ սկսեց իր կրած մի վիրավորանքը, որ վաղուց մոռացել էր, բայց այժմ դառն պարզությամբ հարություն էր առել:

Մի անգամ հանգուցյալ ամուսինը տուն եկավ ուշ դիշերով, սաստիկ հարբած, իր ձեռքից բռնեց, նետեց անկողնից հատակին, ոտքով խփեց կողքին ու ասաց.

— Դո՛ւրս կորիր, գարշելի՛, դու ինձ ձանձրացրել ևս:

Նրա հարվածներից իրեն պաշտպանելու համար արագ վերցրեց երկու տարեկան տղային և ծունկ շոքած ծածկվեց նրա մարմնով, ինչպես վահանով: Տղան լալիս էր, թպրտում էր իր ձեռքերում վախեցած, մերկ ու տաքով:

— Կորի՛ր, — գոռում էր Միխայիլը:

Մայրը ոտքի թռավ, նետվեց խոհանոց, ուսին պցեց կոֆուսան, երեխային փաթաթեց շալի մեջ և լուռ, առանց ձիչերի ու բողբոջների, բոբիկ, միայն շապիկով և կոֆտան վրայից



հագած սկսեց փողոցով գնալ: Մայիս էր, գիշերը զով. փողոցի փողին սա-սառ կաշում էր ոտներին՝ մատների արանքը լցվելով: Երեխան լալիս էր, թպրտում: Կուրծքը բաց արեց, որդուն սեղմեց իր մարմնին և երկյուղից հալածված գնում էր փողոցով, գնում, մեղմիկ օրոր ասելով.

— Օ՛-օ՛-օ՛... օ՛-օ՛-օ՛...

Արդեն լուսանում էր, նա վախենում էր և ամաչում՝ սպասելով, որ որևէ մեկը փողոց դուրս կգա, իրեն կտեսնի կիսամերկ: Նա գնաց ճահիճը և նստեց գետնին, մատղաշ կաղամախինների խիտ խմբի տակ: Եվ այդպես նստած էր երկար, գիշերվա խավարով պարուրված, լայն բացված աչքերով անշարժ նայելով մութի մեջ, և վախվիտելով երգում էր՝ օրորելով քնած մանկանը և իր վերավոր սիրտը...

— Օ՛-օ՛-օ՛... օ՛-օ՛-օ՛... օ՛-օ՛-օ՛-օ՛...

Այնտեղ նրա անցկացրած ընթացքից մեկում նրա գլխավերևը երևաց հեռու թռչող ինչ-որ սև, խաղաղ թռչուն, նա մորթ արթնացրեց, տեղից վեր կացրեց: Ցրտից դողալով մայրը բռնեց տան ճամփան, ծեծի սովորական սարսափին և նոր վերավորանքներին ընդառաջ գնալով...

Վերջին անգամ հառաչեց մի մեծածայն ակկորդ, անտարբեր, սառն, հառաչեց և մեռավ:

Սոֆյան երեսը դարձրեց՝ եղբորը կամաց հարցնելով.

— Դո՞ւր եկավ:

— Շա՛տ,— ասաց նիկոլայը արթնացածի պես ցնցվելով:—

Շա՛տ...

Մոր կրծքում երգում և դողում էր հիշողությունների արձագանքը: Եվ ինչ-որ մի կողմ, կողմնակի, տարածվում էր միտքը.

«Ա՛յ, ապրում են մարդիկ, միաբան, խաղաղ: Չեն հայհոյում, օղի չեն խմում, մի կտոր հացի համար չեն վիճում... ինչպես այդ լինում է սև կյանքի մարդկանց մեջ...»

Սոֆյան ծխախոտ էր ծխում: Նա շատ էր ծխում, գրեթե անընդհատ:

— Սա հանգուցյալ Կոստյայի սիրած բանն է,— ասաց նա՝ ծուխն արագ ներս քաշելով, և նորից վերջրեց ցածր, տխուր ակկորդը: Ի՛նչպես սիրում էի նվագել նրա համար: Ի՛նչ զգայուն էր նա, ամեն բանի արձագանքող, ամեն ինչով լի...

«Մարդուն է հիշում երևի,— անցողակի նկատեց մայրը:— Իսկ՝ ժպտում է...»

— Որքա՛ն երջանկություն տվեց ինձ այդ մարդը...— կամաց ասում էր Սոֆյան՝ իր խոհերին ընկերակցելով լարերի թև-թև հնչյունները:— Ի՛նչպես էր կարողանում ապրել...

— Այո՛-ո՛,— ասաց նիկոլայը՝ մորուքը քրքրելով:— Քաղցրահնչյուն հոգի էր...

Սոֆյան ինչ-որ տեղ նետեց նոր սկսած ծխախոտը, դարձավ դեպի մայրը և հարցրեց նրան.

— Ձեզ չի՞ խանգարում իմ աղմուկը, ո՞չ:

Մայրը պատասխանեց սրտնեղությամբ, որը շկարողացավ թաքցնել.

— Դուք ինձ մի՛ հարցնեք, ես ոչինչ չեմ հասկանում: Նրստում եմ, ականջ դնում, մտածում ինքս ինձ...

— Ոչ,— դուք պետք է հասկանաք,— ասաց Սոֆյան:— Կինը չի կարող երաժշտություն չհասկանալ, մանավանդ եթե տխուր է...

Նա ուժգին խփեց ստեղներին և հնչեց մի բարձր ճիշ, կարծես մեկն իր համար սոսկալի մի լուր էր լսել, որը խփել էր իր սրտին և դուրս կորզել այդ ցնցող հնչյունը: Վախեցած դողողացին մատաղ ձայները և շտապ, շփոթված նետվեցին մի կողմ. նորից աղաղակեց մի բարձր, զայրագին ձայն՝ ամեն ինչ խլացնելով: Երևի դժբախտություն էր պատահել, բայց կյանքի էր կոչում ոչ թե բողոքներ, այլ ցասում: Ապա երևան եկավ սիրալիր, ուժեղ մեկը և երգեց մի պարզ, գեղեցիկ երգ՝ հորդորելով, իրեն հետևելու կոչ անելով:

Մոր սիրտը լցվեց այդ մարդկանց մի լավ բան ասելու ցանկությամբ: Նա ժպտաց, երաժշտությունից արբեցած, իրեն բնդունակ զգալով եղբոր և քրոջ համար մի ինչ-որ հարկավոր բան անելու:

Եվ աչքերով փնտրելով, թե ինչ կարելի է անել, կամաց գնաց խոհանոց ինքնաեռը դնելու:

Բայց այդ ցանկությունը նրա միջից չբացավ, և թեյ լցնելիս նա խոսում էր՝ շփոթված քմծիծաղելով, և կարծես, իր սիրտը սրբելով ջերմ գգվանքի բառերով, գգվանք, որը տալիս էր հավասարաշափ նրանց և իրեն:

— Մենք, սև կյանքի մարդիկս, ամեն ինչ զգում ենք, բայց մեզ համար դժվար է արտահայտել, մենք ամաչում ենք, որ, ա՛յ, հասկանում ենք, իսկ ասել չենք կարողանում: Եվ շատ անգամ ամոթից մենք բարկանում ենք մեր մտքերի վրա: Կյանքն

ամեն կողմից և՛ խփում է, և՛ ծակում, ուզում ես հանգստանալ, իսկ մտքերը խանգարում են:

Նիկոլայը լսում էր ակնոցը սրբելով, Սոֆյան նայում էր իր խոշոր աչքերը լայն բացած և հանգած ծխախոտը ծխելը մոռացած: Նա նստած էր դաշնամուրի մոտ՝ կիսով շափ դարձած դեպի դաշնամուրը և երբեմն աչք ձեռքի բարակ մատները կամաց կպցնում էր ստեղծներին: Ակկորդն զգուշորեն միաձուլվում էր մոր խոսքին, որը շուտափույթ պարուրում էր նրա զգացմունքները և պարզ, հոգեպարար բառերը:

— Ես, ա՛յ, այժմ կարող եմ մի կերպ խոսել իմ մասին, մարդկանց մասին, որովհետև սկսել եմ հասկանալ, կարող եմ համեմատել: Առաջներն ապրում էի, բան չկար, որ հետը համեմատելի: Մեր կենցաղում բոլորը միատեսակ են ապրում: Իսկ հիմա տեսնում եմ՝ թե ուրիշներն ինչպես են ապրում, հիշում եմ, թե ես ինչպես էի ապրում, և դա՛ն, ծա՛նր է թվում:

Նա ձայնն իջեցրեց՝ շարունակելով.

— Գուցե ես որևէ բան այնպես չեմ ասում, ինչպես պետք է, գուցե և պետք էլ չի ասել, որովհետև դուք ինքներդ ամեն բան գիտեք...

Արցունքները զրնգացին նրա ձայնի մեջ, և ժպիտն աչքերում ասաց, նրանց նայելով.

— Բայց ուզում եմ սիրոս բանալ ձեր առաջ, որպեսզի տեսնեք դուք, թե ի՛նչպես եմ ես լավը, բարին, ցանկանում ձեզ:

— Մենք այդ տեսնում ենք, — մեղմ ձայնով ասաց Նիկոլայը:

Մայրը շէր կարողանում հագուրդ տալ իր ցանկությանը և նրանց կրկին ասում էր այն, ինչ որ իր համար նոր էր և իրեն թվում էր անգնահատելի կարևոր: Սկսեց պատմել իր կյանքի մասին, որ անց էր կացրել վիրավորանքների և համբերատար տառապանքի մեջ, պատմում էր անհիշաչաբությունները, շրթունքներին ափսոսանքի քմծիծաղ, բաց անելով տրտում օրերի գորշ փաթեթը, թվելով ամուսնու տված ծեծերը, և ինքը զարմանում էր, թե որքան շնչին էին այդ ծեծերի առիթները, ինքը զարմանում էր, թե ինչպես շէր կարողանում խուսափել այդ ծեծերից...

Նրանք մորը լսում էին լուռ, ճնշված նրա պարզ պատմությունների խոր մտքից, նրա, որին անասուն էին համարում և որն ինքն էլ երկար ժամանակ և անտրտունջ իրեն այն էր զգում, ինչ որ համարում էին: Թվում էր, թե հազարավոր կյանքեր են խո-

սում նրա շրթունքներով. առօրյա և պարզ էր այն ամենը, ինչով նա ապրում էր, բայց այդպես պարզ և սովորական կերպով էր ապրում մարդկանց անթիվ բազմությունն աշխարհում, և նրա պատմությունը սիմվոլի նշանակություն էր ստանում: Նիկոլայն արմունկները դրեց սեղանին, գլուխն առավ ափերի մեջ և շէր շարժվում՝ ակնոցի վրայով նայելով նրան լարված կկոցված աչքերով: Սոֆյան ետ էր ընկել աթոռի մեջքին և երբեմն ցնցվում էր՝ բացասաբար շարժելով գլուխը: Նրա դեմքը ավելի նիհար և գունատ էր դարձել, նա շէր ծխում:

— Մի անգամ ես ինձ դժբախտ համարեցի, ինձ թվաց, թե իմ կյանքը մի տենդ է, — կամաց ասաց Սոֆյան՝ գլուխը կախելով: — Դա աքսորավայրում էր: Փոքրիկ գավառական քաղաք էր, անելու բան չկար, բացի սեփական անձից ոչինչ չկար, որի մասին մտածելի: Ես իրար վրա էի դարսել իմ բոլոր դժբախտությունները և պարապությունից կշռում էի. ահա, կովել եմ հորս հետ, որին սիրում էի, ինձ դուրս են արել գիմնազիայից և վիրավորել, բանտը, մատնությունը մի ընկերոջ, որ մոտ էր եղել ինձ, ամուսնուս ձերբակալումը, նորից բանտն ու աքսորը, ամուսնուս մահը: Բայց իմ բոլոր դժբախտությունները — և տասն անգամ է՛լ ավելին — շարժեն ձեր կյանքի մեկ ամսին, Պելագեյա Նիլովնա... Դա ամենօրյա շարշարանք է տարիների ընթացքում... Տանջվելու համար մարդիկ որտեղի՞ց են ուժ ճարում:

— Վարժվում են, — հառաչելով պատասխանեց Վլասովան:

— Ինձ թվում էր, թե ես կյանքը ճանաչում եմ, — մտախոհ ասաց Նիկոլայը: — Բայց երբ կյանքի մասին խոսում է ոչ թե գիրքը և ոչ էլ իմ իրարից անջատ տպավորությունները այլ, ա՛յ, այսպես, ինքը կյանքը, սարսափելի՛ է: Եվ սարսափելի են մանրմունը բաները, սարսափելի է ոչնչությունը, վայրկյանները, որոնցից տարիներ են կազմվում...

Ձրույցը հոսում, ուռճանում էր, ընդգրկելով սև կյանքն ամեն կողմից, մայրը խորանում էր իր հիշողությունների մեջ և անցյալի աղջամուղջից ամենօրյա վիրավորանքներ դուրս քաշելով, ստեղծում էր այն համր սարսափի ծանր պատկերը, որի մեջ սուզված է եղել նրա երիտասարդությունը: Վերջապես նա ասաց.

— Վա՛յ, ես խոսելով ձեզ հոգնեցրի, — ձեր հանգստանալու ժամանակն է: Ամբողջը պատմել չի լինի...

Քույր ու եղբայր լուռ հրածեշտ տվին նրան: Մորը թվաց, 24 Մախմ Գալիի — 369 —

Բե նիկոլայն ավելի՛ խոր գլուխ տվեց, քան սովորաբար, և ձեռքերն ավելի ամուր սեղմեց: Իսկ Սոֆյան նրան ուղեկցեց մինչև սենյակը և շեմքում կանգնելով կամաց ասաց.

— Հանգստացե՛ք, բարի գիշե՛ր:

Նրա ձայնի մեջ ջերմություն էր հնչում, մոխրագույն աչքերը քնքուշ շոյում էին մոր դեմքը...

Մայրը բռնեց Սոֆյայի ձեռքը և իր ձեռքերով սեղմելով՝ պատասխանեց.

— Շնորհակալություն...

#### IV

Մի քանի օր անց մայրը և Սոֆյան նիկոլային ներկայացան աղքատ քաղքենուհիների պես հագնված, մաշված շքե զգեստներով և կոֆտաներով, մախաղներն ուսերին և ձեռնափայտերով: Զգեստը Սոֆյայի հասակը կարճացրել էր և նրա գունատ դեմքն ավելի էր խստացրել:

Քրոջը հրածեշտ տալով նիկոլայն ամուր սեղմեց նրա ձեռքը, և մայրը մի անգամ ևս նկատեց նրանց հարաբերությունների պարզությունն ու հանգստությունը: Ոչ համբույրներ, ոչ սիրալիիր խոսքեր ունեին այդ մարդիկ, իսկ իրար վերաբերվում են այնպես սրտանց, այնքա՛ն հոգատար: Այնտեղ, ուր մայրն էր ապրել, մարդիկ շատ են համբուրվում, հաճախ են սիրալիիր խոսքեր ասում և իրար միշտ կծոտում են քաղցած գայլերի պես:

Մայրը և Սոֆյան լուռ անցան քաղաքի փողոցներով, դաշտ դուրս եկան և ուս-ուսի քայլեցին լայն, տրորված ճանապարհով, հին կեղինների երկու շարքի միջով:

— Իսկ դուք չե՞ք հոգնի,— ասաց մայրը Սոֆյային:

— Դուք կարծում եք ես քի՞չ եմ ման եկել: Սա ինձ ծանոթ գործ է...

Ուրախ, կարծես պարծենալով մանկության շարունակներով, Սոֆյան սկսեց մորը պատմել իր ուսուցիչուն աշխատանքի մասին: Նա ստիպված էր եղել ապրել ուրիշի անունով՝ օգտորվելով կեղծ փաստաթղթից, կերպարանափոխվել՝ լրտեսներից թաքնվելիս, փթերով արգելված գրքեր տանել զանազան քաղաքներ, աքսորված ընկերների փախուստը կաղճակերպել՝ նրանց ճանապարհ դնել արտասահման: Նրա բնակարանում գաղտնի տպարան էր սարքվել և երբ ժանդարմներն այդ մասին

իմանալով խուզարկության էին եկել, նրանց գալուց մի րոպե առաջ նա սպասուհու պես հագնվելով, կարողացել էր հեռանալ, տան դարպասի մոտ հանդիպելով իր հյուրերին, և առանց վերնազգեստի, գլխին թեթև թաշկինակ և ձեռքին նավթի թիթեղե աման, ձմեռը, խիստ սառնամանիքին անցել էր ամբողջ քաղաքը ծայրից ծայր: Մի ուրիշ անգամ նա գնացել էր մի այլ քաղաք՝ ծանոթների մոտ և երբ արդեն սանդուղքով բարձրանում էր նրանց բնակարանը, նկատել էր, որ այնտեղ խուզարկություն է կատարվում: Ետ դառնալն ուշ էր, այն ժամանակ նա համարձակ զանգահարել էր ծանոթների բնակարանից մի հարկ ցած գտնվող մի դուռ և իր ճամպուղով մտնելով անծանոթ մարդկանց մոտ՝ բացեիբաց բացատրել նրանց իր դրությունը:

— Կարող եք ինձ մատնել, եթե ուզում եք, բայց ես կարծում եմ, դուք այդ բանը չեք անի,— ասել էր նա վստահորեն:

Նրանք սաստիկ վախեցել էին և ամբողջ գիշերը չէին քնել ամեն րոպե սպասելով, թե իրենց դուռը կծեծեն, բայց սիրտ չէին արել նրան ժանդարմների ձեռքը տալ, իսկ առավոտյան չէին արել նրան ժանդարմների ձեռքը վրա: Մի անգամ նա կույսի զգեստ հագած՝ միևնույն վագոնում և միևնույն նրստարանին նստած գնացել է մի լրտեսի հետ, որը հետևում էր իրեն և, իր ճարպկությամբ պարծենալով, լրտեսը պատմում էր իրեն, թե ինչպես է կատարում իր գործը: Լրտեսը հավատացած էր, թե Սոֆյան գնում է այդ նույն գնացքով՝ երկրորդ կարգի վագոնում, և ամեն կանգ առնելուց վար իջնելով ու վերադառնալով ասում էր.

— Չի երևում, երեի պառկել է քնելու: Նրանք էլ են հոգնում, անշուշտ, ծա՛նր է նրանց կյանքն էլ մերի պես:

Մայրը լսում էր նրա պատմությունները, ծիծաղում և զրգվող աչքերով նայում էր նրան: Բարձրահասակ, չոր, Սոֆյան իր բարեկազմ ոտքերով թեթև ու հաստատաքայլ էր գնում ճանապարհով: Նրա քայլվածքում, բառերում, հենց ձայնի հնչյունի մեջ, որը թեև խլավուն էր, բայց աշխույժ, նրա ամբողջ շիտակ կերպարանքի մեջ շատ կար հոգեկան առողջություն, ուրախ համարձակություն: Նրա աչքերն ամեն բանի վրա նայում էին երիտասարդի հայացքով և ամենուրեք տեսնում էին մի բան, որն ուրախացնում էր նրան պատանեկան ուրախությամբ:

— Տեսեք ի՞նչ հիանալի սոսի է,— բացականջում էր Սոֆյան ծառը ցույց տալով մորը: Մայրը կանգ էր առնում և մտիկ

տալիս, սոսին մյուսներին ոչ ավելի բարձր էր, ոչ ավելի խիտ:  
— Լավ ծառ է,— քմծիծաղով ասում էր մայրը: Եվ տեսնում էր, թե քամին ինչպես է խաղում այդ կնոջ ականջի վրա թափված ավելի ան մազերի հետ:

— Արտո՛ւյտ,— Սոֆյայի մոխրագույն աչքերը սիրազեղ վառվում էին, և մարմինը կարծես գետնից վեր էր ելնում ընդառաջ գնալու պայծառ բարձունքի մեջ աներևույթ հնչող երաժշտությունը: Երբեմն նա ճկունորեն կռանալով մի դաշտային ծաղիկ էր պոկում և բարակ, արագաշարժ մատների թեթև հպումով սիրալիք շոյում էր դողդոջուն թերթիկները: Եվ մի ինչ-որ բան էր երգում մեղմ ու գեղեցիկ:

Այս բոլորը մարդու սիրտն ավելի էր մոտեցնում պայծառ աչքերով այդ կնոջը, և մայրն ակամա սեղմվում էր նրան՝ աշխատելով նրա հետ համընթաց գնալ: Բայց երբեմն Սոֆյայի խոսքերում ինչ-որ սուր բան էր երևում, որ մորն ավելորդ էր թվում և նրա մեջ մի երկյուղալի միտք էր առաջացնում.

«Դուր չի գա սա Միխայլոյին...»

Իսկ մի րոպե հետո Սոֆյան նորից էր խոսում պարզ, մտերմորեն, և մայրը ժպտալով նայում էր նրա աչքերի մեջ:

— Դեռ ինչքա՛ն ջահել եք դուք,— հառաչելով ասաց մայրը:

— Օ՛, ես արդեն երեսուներկու տարեկան եմ,— բացականչեց Սոֆյան:

Վլասովան ժպտաց:

— Ես այդ չեմ ուզում ասել— ձեր դեմքին նայելով՝ ձեզ ավելի մեծ կարելի է համարել: Բայց երբ մարդ մտիկ է տալիս ձեր աչքերին, ականջ է դնում ձեզ, նույնիսկ զարմանում է, կարծես թե ջահել աղջիկ եք: Ձեր կյանքը անհանգիստ ու դժվար է, վտանգավոր է, իսկ ձեր սիրտը ժպտում է:

— Ես չեմ զգում, որ կյանքս դժվար է, և չեմ կարող երևակայել սրանից ավելի լավ, ավելի հետաքրքիր կյանք... Ես ձեզ նիւովնա եմ անվանելու. Պելագեյա ձեզ չի սազում:

— Անվանեցեք այնպես, ինչպես ուզում եք,— մտախոհ ասաց մայրը:— Ինչպես կուզեք, այնպես էլ անվանեցեք: Ես ա՛յ, ամբողջ ժամանակ ձեզ եմ նայում, լսում, մտածում: Ինձ համար հաճելի է տեսնել, որ դուք գիտեք մարդկային սրտի ճանապարհը: Մարդու մեջ ամեն բան բացվում է ձեր առաջ առանց վախի, առանց երկյուղի, հոգին ինքն իրեն բացվում է ձեր առաջ: Եվ

ես մտածում եմ ձեր բոլորիդ մասին — սրանք կյանքի մեջ եղած շարք կհաղթահարեն, անպատճա՛ռ կհաղթահարեն:

— Մենք կհաղթենք, որովհետև բանվոր ժողովրդի հետ ենք,— վստահ և բարձրաձայն ասաց Սոֆյան,— նրա մեջ են թաքնված բոլոր հնարավորությունները, և նրա հետ ամեն ինչի կարելի է հասնել: Հարկավոր է միայն դարթեցնել նրա գիտակցությունը, որին աճելու ազատություն չեն տալիս...

Նրա խոսքերը մոր սրտում արթնացնում էին մի բարդ զգացմունք. նա հայտնի չէ թե ինչու խղճում էր Սոֆյային՝ ոչ վիրավորական, մտերմական խղճահարությունը և ուզում էր նրանից լսել այլ խոսքեր, ավելի պարզ խոսքեր:

— Ձեզ ո՛վ կվարձատրի ձեր արածների համար,— հարցրեց մայրը, կամաց և տխուր:

Սոֆյան, ինչպես թվաց մորը, պատասխանեց հպարտությամբ.

— Մենք արդեն վարձատրված ենք: Մենք մեզ համար գտել ենք մի կյանք, որը մեզ բավարարում է, մենք ապրում ենք մեր հոգու բոլոր ուժերով, էլ ի՞նչ կարելի է ցանկանալ:

Մայրը նայեց նրան և զլուխը կախեց նորից մտածելով.  
«Միխայլոյին դուր չի գա սա...»

Քաղցր օդը լիաթոք շնչելով, նրանք գնում էին ոչ շտապ, բայց արագ քայլերով, և մորը թվում էր, թե ուխտի է գնում: Նա հիշում էր մանկությունը և այն լավ ուրախությունը, որով նա մի ժամանակ տոնին գյուղից գնում էր մի հեռավոր վանք՝ հրաշագործ սրբապատկերի մոտ:

Երբեմն Սոֆյան ցածրաձայն, բայց գեղեցիկ երգում էր ինչ-որ նոր երգեր երկնքի մասին, սիրո մասին կամ հանկարծ սկսում էր ոտանավորներ ասել դաշտի և անտառների, Վոլգայի մասին. իսկ մայրը ժպտալով ականջ էր դնում և ակամայից շարժում զլուխը, ոտանավորի ուրիշ մի համեմատ՝ անձնատուր լինելով նրա երաժշտությանը:

Նրա կրծքում տիրում էր ջերմություն, անդորրություն և մտախոհություն, ինչպես փոքրիկ հին այգում ամռան երեկոյին:

## V

Երրորդ օրը մոտեցավ գյուղին: Մայրը դաշտում աշխատող մի մուժիկի հարցրեց, թե որտեղ է կարածյութի գործարանը, և նրանք շուտով իջան անտառի մի թեք շավղով, նրա վրա ծա-

ուրի արմատները փոփել էին աստիճանների պես, հասան մի փոքրիկ կլոր մարգագետին, որը կեղտոտված էր ածուխով, տաշեղներով, ողողված էր կպրածյութով:

— Ահա և եկանք,— անհանգստությամբ շուրջը նայելով ասաց մայրը:

Չողերից և ճյուղերից կառուցված հուլիկի մոտ, գետնի մեջ խրած խաչմերուկի վրա դրված երեք անտաշ տախտակներից շինված սեղանի առաջ նստած ճաշում էին Ռիբինը, ամբողջովին սև, կուրծքը բացած շապկով, Եֆիմը և էլի իրկու երիտասարդ տղաներ: Ռիբինն առաջինը նկատեց եկողներին և ձեռքի ափն աչքերին բարձրացրած սպասում էր:

— Բարև՝ ձեզ, եղբայր Միխայլո,— գուշեց մայրը դեռ հեռվից:

Ռիբինը վեր կացավ, առանց շտապելու դիմավորելու գնաց. մորը ճանաչելով կանգ առավ և ժպտալով սև ձեռքով մորուքը շփեց:

— Ուխտի ենք գնում,— ասում էր մայրը մոտենալով:— Ասացի, գնանք տեսնենք եղբորս: Ա՛յ, ընկերուհիս է, անունն Աննա է...

Իր հնարքներով պարծենալով, մայրը խեթ նայեց Սոֆյայի վրա և խիստ դեմքին:

— Բարև,— ասաց Ռիբինը մոռալ քմծիծաղելով, թոթվեց մոր ձեռքը, գլուխ տվեց Սոֆյային և շարունակեց.— սուտ մի՛ ասիր, այստեղ քաղաք չի, ստելու կարիք չկա, բոլորն էլ մեր մարդիկն են...

Եֆիմը սեղանի առաջ նստած ուշադրությամբ տնտղում էր օտարականներին և բզզացող ձայնով ինչ-որ բան էր ասում ընկերներին: Երբ կանայք սեղանին մոտեցան, Եֆիմը վեր կացավ և լուռ գլուխ տվեց նրանց. նրա ընկերներն անշարժ նստած էին, կարծես հյուրերին չնկատելով:

— Այստեղ մենք մենակյացների պես ենք ապրում,— ասաց Ռիբինը թեթևակի խփելով վլաստվայի ուսին:— Ոչ ոք մեզ մոտ չի գալիս, մեր տերը գյուղում չի, տիրուհուն հիվանդանոց են տարել, և ես կառավարչի պես բան եմ: Ապա՛, սեղանի մոտ նստեցեք: Սոված կլինեք: Եֆիմ, կաթ ճարեիր՝ լավ կլիներ:

Առանց շտապելու Եֆիմը գնաց վրանը, ուխտավորները ասերից հանեցին մախաղները, տղաներից մեկը, բարձրահասակ

ասակ ու նիհար, վեր կացավ սեղանի հետևից նրանց օգնելու, մյուսը՝ թիկնավետ և մաղմղոտ, արմունկը սեղանին հենած նայում էր նրանց, գլուխը քորելով և կամաց մի երգ մոռալով:

Կպրածյութի ծանր բույրը խառնվում էր փտած տերևների հեղձուցիչ հոտի հետ և գլուխ պտտեցնում:

— Ա՛յ, սրան Յակով են ասում,— բարձրահասակ տղային ցույց տալով ասաց Ռիբինը,— իսկ այն մյուսի անունն Իգնատ է՛: է՛, ի՞նչպես է որդիդ:

— Բանտումն է,— հառաչելով ասաց մայրը:

— Նորի՛ց բանտում,— բացականշեց Ռիբինը:— Ա՛յ թե դուր է եկել նրան այդ բանտը...

Իգնատը դադարեց երգել, Յակովը մոր ձեռքից վերցրեց փայտը և ասաց.

— Նստի՛ր...

— Իսկ դո՞ւք ինչու եք կանգնել: Նստեցե՛ք,— հրավիրեց Ռիբինը Սոֆյային: Սոֆյան լուռ նստեց փայտի կտորի վրա, Ռիբինին ուշադրությամբ տնտղելով:

— Ե՛րբ են տարել,— հարցրեց Ռիբինը, նստելով մոր դիմաց և գլուխն օրորելով՝ բացականշեց.— բախտ չունես, Նի՛լովնա:

— Ոչինչ,— ասաց մայրը:

— է, ընտելանո՞ւմ ես:

— Չեմ ընտելանում, այլ տեսնում եմ՝ առանց դրան չի՛ կարելի:

— Այդպե՛ս,— ասաց Ռիբինը:— Դե՛ պատմիր տեսնենք...

Եֆիմը մի կճուճ կաթ բերեց, սեղանից վերցրեց մի գավաթ, ջրով ողողեց և կաթ ցնեցելով մոտեցրեց Սոֆյային, մոր պատմությունն ուշադրությամբ լսելով: Նա շարժվում և ամեն բան անում էր անաղմուկ, զգույշ: Երբ մայրը վերջացրեց իր համառոտ պատմությունը, բոլորը մի ըուպե լեցին՝ առանց իրար նայելու: Իգնատը սեղանի առաջ նստած եղունգով մի նախշ էր քաշում տախտակների վրա, Եֆիմը կանգնած էր Ռիբինի հետևը, արմունկը նրա ուսին հենած, Յակովը ծառի բնին թիկնած՝ ձեռները խաչել էր և գլուխը կախել: Սոֆյան աչքի տակով տնտղում էր մուծիկներին:

— Հա՛, — դանդաղ և խոժոռ ծոր տվեց Ռիբինը:— Ա՛յ թե ինչպես բացեիրա՛ց...

— Ա՛յ, եթե մեզ մոտ այդպիսի հանդես սարքեի՛նք,—

ասաց Եֆիմը և մոայլ ժպտաց,— մուժիկները մեզ շարդելով կսպանեին:

— Կշարդե՞ն,— հաստատեց Իգնատը գլխով անելով:— Չէ՛, ես գործարան եմ գնալու, այնտեղ ավելի լավ է...

— Ասում ես՝ Պավելին դատելու՞ են,— հարցրեց Ռիբինը:— Եվ ի՞նչ, ի՞նչ պատիժ կտան, շե՞ս լսել:

— Տաժանակիր աշխատանք կամ մշտական աքսոր Սիբիրում... — կամաց պատասխանեց մայրը:

Երեք տղաներն էլ միանգամից նայեցին նրան, իսկ Ռիբինը գլուխը կախեց և դանդաղ հարցրեց.

— Իսկ նա, երբ այդ գործն ուղում էր անել, գիտե՞ր, թե իրեն ինչ է սպառնում:

— Գիտե՞ր,— բարձրաձայն ասաց Սոֆյան:

Բոլորը լռեցին առանց շարժվելու, կարծես մի ցրտաշունչ մտքի մեջ սառչելով:

— Այդպե՛ս,— շարունակեց Ռիբինը խիստ և ծանրաբարո:— Ես էլ եմ կարծում, որ գիտեր: Առանց չափելու նա շի ցատկի, լուրջ մարդ է: Ա՛յ, տղե՛րք, տեսա՞ք: Մարդը գիտեր, որ կարող են իրեն սվինով իսկ խփել, և տաժանակիր աշխատանքով պատվել, բայց գնաց: Մայրը նրա ճանապարհին պառկե՞ր՝ վրայից կանցներ: Կանցնե՞ր վրայովդ, նի՛լովնա:

— Կանցնե՛ր,— ցնցվելով ասաց մայրը և շուրջը նայեց ծանր հառաչելով: Սոֆյան լուռ շոյեց նրա ձեռքը և հոնքերը կիտելով շեշտակի նայեց Ռիբինին:

— Մարդը դա՛ է,— կամաց ասաց Ռիբինը և բոլորին նայեց իր թուխ աչքերով: Եվ վեցն էլ նորից լռեցին: Արևի բարակ ճառագայթները ոսկե ժապավենների պես կախված էին օդում: Ինչ-որ մի տեղ ինքնավստահ կոնչում էր ագռավը: Մայրը շուրջըն էր նայում՝ Մայիսի մեկի հիշողութուններով, որդու և Անդրեյի կարոտով տրամադրութունը փշացած: Փոքրիկ, նեղ բացատում ընկած էին կպրածյութի տակառները, ցցված էին արմատախիլ արված կոճղերը: Կաղնիները և կեչիները բացատի շուրջը խիտ խոնված՝ աննկատելիորեն ամեն կողմից տարածվում էին նրա վրա, և, անդորրությամբ կաշկանդված, անշարժ գետնին փռել էին իրենց մուգ, թանձր սավերները:

Հանկարծ Յակովը ծառից ընկրկելով քայլեց մի կողմ, կանգ առավ և գլուխը թափ տալով շոր ու բարձրաձայն հարցրեց.

— Այդպիսիների՞ դեմ պետք է ուղարկեն ինձ ու Եֆիմին:

— Իսկ դու կարծում ես՝ ո՞ւմ դեմ,— պատասխանեց Ռիբինը մոայլ հարցով:— Մեզ խեղդում են հե՛նց մեր ձեռքերով, հենց աչքակապութունն էլ այդ է:

— Այնուամենայնիվ ես զինվո՞ր եմ գնալու,— ցածր ու համառ հայտնեց Եֆիմը:

— Ո՞վ է քեզ ասում մի՛ գնա,— բացականչեց Իգնատը:— Գնա՛:

Եվ շեշտակի նայելով Եֆիմին, քմծիծաղով ասաց.

— Միայն երբ վրաս կրակելու կլինես, գլխի՛ս նշան բռնիր... հաշմանդամ չդարձնես, այլ միանգամի՛ց սպանիր:

— Ես այդ լսել եմ,— խստորեն գոչեց Եֆիմը:

— Կացե՛ք, տղե՛րք,— խոսեց Ռիբինը, նրանց տնտղելով և ոչ շտապ շարժումով ձեռքը բարձրացրեց:— Ա՛յ, այս կի՛ներ, տեսե՛ք,— ասաց նա մորը ցույց տալով:— Սրա որդին հավանական է, որ կորած է հիմա...

— Ինչի՞ համար ես այդ բանն ասում,— հարցրեց մայրը թախծագին և կամաց:

— Պե՛տք է,— դժկամ պատասխանեց Ռիբինը:— Հարկավոր է, որ քո մազերը զուր չլինեն ճերմակած: Հը՛, ի՞նչ կա որ, դրանով սպանեցի՞ն սրան: Նի՛լովնա, գրքույկներ բերե՛լ ես:

Մայրը նայեց նրան և քիչ լռելուց հետո պատասխանեց.

— Բերել եմ...

— Այդպե՛ս,— ասաց Ռիբինը՝ ձեռքի ափը սեղանին խփելով:— Ես իսկույն հասկացա, հենց որ քեզ տեսա. դու ինչո՞ւ պիտի այստեղ գայիր, եթե դրա համար չլիներ: Տեսա՞ք: Որդուն շարքից դուրս են գցել, մա՛յրն է նրա տեղը կանգնել:

Նա, շարագուշակորեն ձեռքով սպառնալով, կոպիտ հայհոյեց:

Մայրը վախեցավ նրա աղաղակից, նայեց նրան և տեսավ, որ Միխայիլի դեմքը սաստիկ փոխվել է, նիհարել է, մորուքն անհավասար է դարձել, նրա տակ զգացվում էին այտուցները: Աչքերի կապտավուն սպիտակուցների վրա երևան էին եկել կարմիր երակներ, կարծես թե նա երկար ժամանակ չէր քնել, նրա քիթն ավելի կրճկավուն էր դարձել, գիշատիչ թռչնի կտցի պես կեռացել: Կուպր ծծած երբեմնի կարմիր շապկի բացված օձիքը մերկացնում էր շոր անրակները, կրծքի խիտ, սև մազերը, և ամբողջ կերպարանքում այժմ ավելի մոայլ, սգավոր մի բան

կար: Բորբորված աչքերի շոր փայլը լուսավորում էր թուխ դեմքը գայրույթի կրակով: Սոֆյան, գունատվելով, լուր էր՝ աչքերը մուծիկների վրայից չհեռացնելով: Իգնատը գլուխն էր օրորում աչքերը կկոցած, իսկ Յակովը նորից վրանի մոտ կանգնած՝ սեացած մատներով բարկացած պոկոտում էր ձողի կեղևը: Մոր հետևը, սեղանի երկարությամբ, դանդաղ քայլում էր Ծֆիմը:

— Մի քանի օր առաջ, — շարունակեց Ռիբինը, — ինձ կանչեց վիճակապետը, ասում է. «Դու, գարշելի՛, ի՞նչ ես ասել քահանային»: «Ես ինչո՞վ եմ գարշելի: Ես իմ հացը մեջքս կոտրելով եմ աշխատում, մարդկանց ոչ մի վատություն չեմ արել, ասում եմ, — ա՛յ, թե ինչ»: Նա գոռգոռաց, հասցրեց ատամնեքրիս... երեք օր կալանքի տակ նստեցի: Դուք, ուրեմն, այդպես եք խոսում ժողովրդի հետ: Այդպե՛ս: Թողություն չսպասե՛ս, դե՛: Ես չլինեմ՝ մի ուրիշը կլինի, քեզնից չլինի՝ ջո երեսաներից կառնեն վրեժս, մի՛տդ պահիր: Երկաթե ճանկերով դուք հերկել եք ժողովրդի կուրծքը, այնտեղ շարիք ցանել, ներողամտություն չսպասե՛ք, մեր հոգեհաննե՛ր: Ա՛յ, թե ինչ:

Նա ամբողջովին լցված էր եռացող գայրույթով և նրա ձայնի մեջ ցնցվում էին հնչյուններ, որոնք վախեցնում էին մորը:

— Իսկ ես ի՞նչ էի ասել տերտերին, — շարունակեց նա ավելի հանգիստ: — Գյուղական ժողովից հետո նա մուծիկների հետ նստած է փողոցում և պատմում է նրանց, թե մարդիկ իբր անասունների հոտ են, նրանց միշտ հովիվ է հարկավոր, — ա՛յ թե ինչ: Իսկ ես հանաք արի. «երբ անտառում աղվեսն է զորավար դառնում, փետուրը կշատանա, իսկ թռչունը կվերանա»: Նա խեթ-խեթ մտիկ տվեց ինձ, խոսեց՝ թե ժողովուրդը պետք է համբերի և աղոթի աստծուն, որ նա համբերելու համար ուժ տա: Իսկ ես ասացի, թե՛ — է՛հ, ժողովուրդը շատ է աղոթում, բայց աստված երևի ժամանակ չի գտնում, չի շտամ: Ա՛յ թե ինչ: Նա կպավ ինձ թե ես ի՞նչ աղոթքներով եմ աղոթում: Ես էլ ասում եմ՝ ամբողջ կյանքում մի՛ աղոթք եմ անում, ինչպես և՛ ամբողջ ժողովուրդը, «Ուսուցանի՛ր, տե՛ր աստված, տերերի համար կրել աղյուսներ, քարեր ուտել, փայտեր թքել»: Նա շթողեց էլ, թե խոսքս վերջացնեմ: Դուք, խանո՞ւմ եք, — հանկարծ պատմությունն ընդհատելով հարցրեց Ռիբինը Սոֆյային:

— Ինչո՞ւ եմ խանում, — արագ հարցրեց Սոֆյան անակնկալից ցնցվելով:

— Ինչո՞ւ, — քմծիծաղեց Ռիբինը: — Այդպես է ձեզ վիճակ-

վել, այդպես եք ծնվել: Ա՛յ, թե ինչ: Կարծում եք՝ չթե աղյուսով կարելի՞ է մարդկանցից թաքցնել ազնվականի մեղքը: Մենք տերտերներին խսիրի մեջ թաքնված է՛լ կճանաչենք: Ա՛յ, դուք ձեր արմունկը սեղանի վրա թաց տեղ դրի՛ք՝ ցնցվեցի՛ք, կնճրովեցի՛ք: Զեր մեջքը բանվոր մարդու կորացած մեջք չի...

Վախենալով, որ Ռիբինը Սոֆյային կվիրավորի իր կոշտ ձայնով, ծաղրով և բառերով, մայրն շտապ և խստորեն ասաց.

— Սա իմ ընկերուհին է, Միխայլո Իվանիչ, նա լավ մարդ է, ա՛յս գործի մեջ են մազերն սպիտակել: Դու շատ էլ մի՛...

Ռիբինը ծանր շնչեց:

— Մի՞թե ես վիրավորական բան եմ ասում:

Սոֆյան նրան նայելով շոր-շոր ասաց.

— Դուք ինչ-որ բան էիք ուզում ասել ինձ:

— Ե՛ս: Այո: Ա՛յ, վերջերս յայտեղ մի նոր մարդ է հայտնրվել, Յակովի հորեղբոր տղան, հիվանդ է, թոքախտ ունի: Կարելի՞ է նրան կանչել:

— Ի՞նչ կա որ, կանչեցե՛ք, — պատասխանեց Սոֆյան:

Ռիբինը նայեց նրան կկոցելով աչքերը և ձայնն իջեցնելով ասաց.

— Եֆիմ, մի նրա հետևից գնայիր. ասա՛ թող գիշերվա դեմ գա, ա՛յ, թե ինչ:

Եֆիմը գլխարկը դրեց և սուսուփուս, առանց որևէ մեկի վրա նայելու, առանց շտապելու շքացավ անտառում: Ռիբինը գլխով արեց նրա հետևից, խուլ ձայնով ասելով.

— Տանջվո՞ւմ է: Նա պետք է զինվոր գնա, նա և ա՛յ, Յակովը: Յակովն ուղղակի ասում է՝ չեմ կարող, նա էլ չի կարող, բայց ուզում է գնալ: Կարծում է, թե զինվորներին կարելի է մի քիչ գրգռե՛լ: Ես կարծում եմ՝ պատը ճակատով ջարդել չի լինի... Նրանց բանն այս է, — սվինները ձեռքերն առան ու գնացին: Այո-ո, տանջվում է: Իսկ Իգնատին ցավացնում է նրա սիրտը, զուր տեղը...

— Իսկի էլ զուր էի՛, — մռայլ ասաց Իգնատը Ռիբինին շնայելով: — Այնտեղ նրան այնպես կխրատեն, որ կսկսի կրակել մյուսներից ոչ վատ:

— Հազի՛վ թե, — մտախոհ արձագանքեց Ռիբինը: — Բայց, իհարկե, ավելի լավ է փախչել այդ բանից: Ռուսաստանը մեծ երկիր է, որտե՞ղ պիտի գտնեն: Մի անձնագիր ձեռք կգցես ու ման կգաս գյուղերում...

— Ես այդպես էլ կանեմ,— նկատեց Իգնատը տաշեղով իր ոտին խփելով:— Մարդ քանի որ վճռում է դեմ գնալ, պետք է ուղիղ գնա:

Խոսակցութունն ընդհատվեց: Զանասիրությամբ պտտվում էին մեղուները և բոռերը՝ բզզալով անդորրության մեջ և երանգավորելով այն: Թռչունները ծլվում էին, հեռվում մի տեղ մի երգ էր հնչում՝ դաշտերում թափառելով: Քիչ լուռ մնալով Ռիբինն ասաց.

— Դեհ, մենք պետք է աշխատենք... Դուք գուցե կհանգրտանա՞ք: Այնտեղ, հուլիկում թախտ կա: Զոր տերև հավաքի սրանց համար, Յակով... Իսկ դու, մա՛յր, գրքերը տուր...

Մայրն ու Սոֆյան սկսեցին մախաղները բաց անել: Ռիբինը թեքվեց մախաղների վրա և գոհ ասաց.

— Քի՛չ բան չեք բերել, տե՛ս, տե՛ս: Վաղո՞ւց եք այս գործի մեջ, ինչպե՞ս է ձեր անունը,— դիմեց նա Սոֆյային:

— Աննա Իվանովնա,— պատասխանեց Սոֆյան:— Տասներկու տարի է... Ի՞նչ կա որ:

— Ոչինչ: Բանտում եղե՞լ եք երևի:

— Եղել եմ:

— Տեսնո՞ւմ ես,— ցածրաձայն և հանդիմանությամբ ասաց մայրը:— Իսկ դու նրա ներկայությամբ կոպիտ բաներ էիր ասում...

Ռիբինը լռեց և մի կույտ գրքեր ձեռքն առնելով, ասաց ատամները բաց անելով.

— Դուք ինձանից մի՛ վիրավորվեք: Մուժիկը պարոնի հետ նույնն է, ինչ կուպրը ջրի հետ, դժվար բան է միասին լինելը, իրարից ե՛տ են թռչում:

— Ես խանում չեմ, այլ մա՛րդ,— առարկեց Սոֆյան մեղմորեն ժպտալով:

— Այդ էլ կարող է լինել,— արձագանքեց Ռիբինը:— Ասում են, թե շունն առաջ իբր գայլ է եղել: Գնամ սրանք թաքցնեմ: Իգնատն ու Յակովը մոտեցան նրան ձեռքերը մեկնելով:

— Տուր մե՛զ,— ասաց Իգնատը:

— Բոլորը միատեսա՞կ են,— հարցրեց Ռիբինը Սոֆյային:

— Զանազան են: Այդտեղ թերթ կա:

— Օ՛:

Նրանք երեքով շտապ հուլիկ մտան:

— Այրվո՞ւմ է այդ մուժիկը,— կամաց ասաց մայրը խոհուն հայացքով ուղեկցելով նրանց:

— Այո,— կամաց արձագանքեց Սոֆյան:— Ես դեռ երբեք չեմ տեսել այնպիսի դեմք, ինչպես նրանն է, մի նահատակ է կարծես: Մենք էլ գնանք այնտեղ, ես ուզում եմ նայել նրանց...

— Դուք նրա վրա մի՛ բարկանաք, որ նա խստասիրտ մարդ է...— կամաց խնդրեց մայրը:

Սոֆյան քմծիծաղեց:

— Ի՛նչ հրաշալի եք դուք, նի՛լովնա...

Երբ նրանք շեմքում էին, Իգնատը գլուխը բարձրացրեց, թեթևակի նայեց նրանց և մատները գանգուր մագերի մեջ խրելով՝ կոացավ մի թերթի վրա, որ ընկած էր իր ծնկներին. Ռիբինը կանգնած՝ թղթի վրա բռնեց արևի ճառագայթը, որ հուլիկ էր թափանցել կտրի մի ձեղքով, և թերթը ճառագայթի տակ ետ ու առաջ տանելով՝ կարդում էր շրթունքները շարժելով: Յակովը ծնկաչոք՝ կրծքով ընկել էր թախտի եզրին և նույնպես կարդում էր:

Մայրը հուլիկի անկյունն անցնելով նստեց այնտեղ, իսկ Սոֆյան նրա ուսերը գրկած լուռ դիտում էր:

— Միխայլո հորեղբայր, հայհոյում են մեզ՝ մուժիկներիս,— կիսաձայն ասաց Յակովն առանց դեմքը ետ դարձնելու: Ռիբինը դեմքը դարձրեց, նայեց նրան և քմծիծաղով պատասխանեց.

— Սիրելով:

Իգնատը խոր շնչեց, բարձրացրեց գլուխը և աչքերը փակելով ասաց.

— Այստեղ գրված է՝ «գյուղացին դադարել է մարդ լինելուց», իհարկե՛, դադարել է:

Նրա պարզ, անձածկամիտ դեմքով վիրավորանքի ստվեր սահեց:

— Ապա մի եկ հագիր իմ կաշին, վրադ հագած մի քիչ ման եկ, տեսնեմ՝ թե ինչ կդառնաս, խելո՞ք:

— Ես ուզում եմ պառկել,— կամաց ասաց մայրը Սոֆյային:— Այնուամենայնիվ մի քիչ հոգնել եմ, գլուխս էլ հոտից պտտվում է: Իսկ դո՞ւք:

— Զեմ ուզում:

Մայրը մեկնվեց թախտի վրա ու թեթև քնեց: Սոֆյան նստել էր նրա գլխավերևը, դիտելով ընթերցողներին, և երբ մի բոռ



կամ իշամեղու պտտվում էր մոր դեմքի վրա, Սոֆյան հոգատարու թխամբ քշում էր:

Մայրն այդ տեսնում էր կիսափակ աչքերով, և նրա համար հաճելի էր Սոֆյայի հոգատարությունը:

Մոտեցավ Ռիբինը և բամբ շնչելունով հարցրեց.

— Քնա՞ծ է:

— Այո:

Ռիբինը լռեց, ուշի-ուշով նայեց մոր դեմքին, հառաչեց և կամաց ասաց.

— Նա գուցե առաջին կինն է, որ գնացել է որդու հետևից՝ նրա ճանապարհով, առաջի՛նը:

— Զխանգարենք նրան, գնանք,— առաջարկեց Սոֆյան:

— Այո, մենք պետք է աշխատենք: Կուզեի մի քիչ խոսել բայց մնա երեկոյան: Գնա՛նք, տղե՛րք:

Երեքն էլ գնացին, Սոֆյային հյուղակի հոլիկի մոտ թողնելով: Իսկ մայրը մտածում էր.

«Է, վնաս չունի, փա՛ռք աստծու Բարեկամացան...»

Եվ խաղաղ քնեց, շնչելով փայտի և ճյուղի բարկ հոտը:

## VI

Զյուլթագործները եկան, գոհ, որ աշխատանքն ավարտել էին:

Նրանց ձայներից արթնացած մայրը հոլիկից դուրս եկավ հորանջելով և ժպտալով.

— Դուք աշխատել եք, իսկ ես խանումի պես քնել եմ,— ասաց նա սիրալիր աչքերով տնտղելով բոլորին:

— Քեզ ներելի է,— արձագանքեց Ռիբինը: Նա ավելի հանգիստ էր, հոգնածությունը կլանել էր վրդովմունքի առատությունը:

— Իգնա՛տ,— ասաց նա,— ապա մի թեյի համար հո՛գս քաշիր: Մենք այստեղ հերթով ենք տնտեսությունը վարում, այսօր Իգնա՛տն է մեզ ուտեցնում-խմեցնում:

— Ես իմ հերթը կգիշերի՛,— նկատեց Իգնատը և սկսեց տաշեղներ և ճյուղեր հավաքել խարույկի համար խոսակցությանն ականջ դնելով:

— Հյուրերն ամենքի համար են հետաքրքիր,— ասաց Եֆիմը նստելով Սոֆյայի կողքին:

— Ես քեզ կօգնեմ, Իգնա՛տ,— կամաց ասաց Յակովը՝ հոլիկ գնալով: Նա այնտեղից դուրս բերեց մի բոբոն և սկսեց կտրրտել՝ սեղանի վրա դարսելով:

— Լսո՞ւմ եք,— կամաց գոչեց Եֆիմը:— Հազում է...

Ռիբինն ականջ դրեց և գլխով անելով ասաց.

— Այո, գալիս է...

Եվ Սոֆյային դառնալով՝ բացատրեց.

— Հիմա կգա վկան: Ես նրան քաղաքից քաղաք կտանեի, հրապարակներում կկանգնեցնեի, որ ժողովուրդը լսեր նրան: Նա միշտ միևնույն բանն է ասում, բայց դա բոլո՛րը պետք է լսեն...

Անդորրությունը և աղջամուղջն ավելի էին խտանում, մարդկանց ձայներն ավելի մեղմ էին հնչում: Սոֆյան և մայրը դիտում էին մուծիկներին, նրանք բոլորը ման էին գալիս դանդաղ, ծանր, ինչ-որ տարօրինակ զգուշությամբ և նույնպես հետևում էին կանանց:

Անտառից բացատ դուրս եկավ մի բարձրահասակ, կործմեջք մարդ. նա քայլում էր դանդաղ, ձեռնափայտին կոթնելով, և լսելի էր նրա խոպոտ շնչառությունը:

— Ահա և ես,— ասաց նա և սկսեց հազալ:

Նա հագել էր երկար, մինչև կրունկները հասնող մաշված վերարկու, կլոր, տրորված գլխարկի տակից ցանցառ փնջերով անուծ կախկիսվել էին դեղնավուն, հարթ մագերը: Բաց գույնի մորուք էր բուսել նրա դեղնած, ոսկրոտ դեմքին, բերանը կիսաբաց էր, աչքերը խոր ընկել էին ճակատի տակ և տենդորեն փայլում էին այնտեղից, մութ փոսերից:

Երբ Սոֆյայի հետ Ռիբինը ծանոթացրեց նրան, նա Սոֆյային հարցրեց.

— Լսել եմ, գրքե՛ր եք բերել:

— Բերել եմ:

— Շնորհակալություն... ժողովրդի՛ կողմից... Նա ինքը դեռ չի կարողանում հասկանալ ճշմարտությունը... ուստի ես, որ հասկացել եմ... շնորհակալություն եմ հայտնում նրա փոխարեն:

Նա շնչում էր արագ, օդը կարծես բռնելով կարճատև, անհագ շնչելով: Նրա ձայնն ընդհատվում էր, տկար ձեռների ոսկրոտ մատները սողում էին կրծքի վրա՝ աշխատելով կոճկել վերարկուի կոճակները:

— Ձեզ համար վնասակար է այսպես ուշ անտառում լի-

նելը: Անտառը սաղարթավոր է, այստեղ խոնավ է և տոթ, — նկատեց Սոֆյան:

— Ինձ համար այլևս օգտակար բան չկա, — պատասխանեց նա հեալով: — Ինձ համար միայն մահն է օգտակար...

Նրա ձայնը լսելը ծանր էր, և նրա ամբողջ պատկերն առաջ էր բերում այն ավելորդ կարեկցությունը, որը գիտակցելով իր տկարությունը, մտալ սրտնեղություն է զարթեցնում: Նա նստեց մի տակառի վրա, ծնկներն այնպես զգուշ ծալելով, որ կարծես վախենում էր, թե ոտները կկոտրատվեն, սրբեց քրտնած ճակատը: Նրա մազերը չոր էին, մեռած:

Նարույկը բոցավառվեց, շուրջն ամեն ինչ դողաց, երեբաց, խանձված ստվերները վախեցած նետվեցին անտառ, և կրակի վրա երևաց Իգնատի կլոր դեմքն ուռած այտերով: Կրակը հանգավ: Ծխի հոտ եկավ, անդորրն ու մեզը կրկին խտացան բացատի վրա, կարծես ուշադրությունը լարելով և հիվանդի խոպոտ խոսքերին ականջ դնելով:

— Իսկ ժողովրդին ես դեռ կարող եմ օգուտ բերել որպես ոճրագործության վկա... Ահա, նայեցե՛ք վրաս... ես քսանութ տարեկան եմ, բայց մեռնում եմ: Իսկ տասը տարի առաջ ես առանց ուժերս լարելու ամեն մի ուսիս բարձրացնում էի տասներկու փութ, և վնաս չկար: Այդպիսի առողջությունը ես կարծում էի, թե յոթանասուն տարեկանի կհասնեմ առանց սայթաքելու Բայց ապրեցի տասը տարի, ավելի չեմ կարող: Ինձ կողոպտեցին տերերս, քառասուն տարվա կյանքս թալանեցին, քառասուն տարվա:

— Այ, սա է սրա երգը, — խուլ ասաց Ռիբինը:

Նորից բոցավառվեց կրակը, բայց արդեն ավելի ուժգին, ավելի պայծառ, ստվերները կրկին նետվեցին դեպի անտառ, էլի ետ խոնավեցին դեպի կրակը և դողողացին խարույկի շուրջն անմոռն, թշնամական պարով: Կրակի մեջ ճրճտում ու նվում էին թաց ճյուղերը: Շշնջում, խշխշում էր ծառերի սաղարթը, տաքացած օդի ալիքից այլայլված: Բոցի ուրախ, կենդանի լեզուները՝ դեղին ու կարմիր, խաղում էին գրկվելով, վեր էին սլանում կայծեր ցանելով, թռչում էր վառվող տերևը, իսկ աստղերը երկնքում ժպտում էին կայծերին՝ իրենց մոտ կանչելով...

— Սա ի՛մ երգը չի, սա հազարավոր մարդիկ են երգում, շհասկանալով ժողովրդի համար բուժիչ դասն իրենց թշվառ կյանքում: Որքա՛ն աշխատանքից հոգեհան արված խեղանդամներ

լուռումունջ մեռնում են քաղցից... — Նա հազաց կորանալով, ցնցվելով:

Յակովը սեղանին դրեց մի դուլ կվաս, գցեց կանաչ սոխի մի կապոց և հիվանդին ասաց.

— Արի՛, Սավելի՛, ես քեզ համար կաթ եմ բերել:

Սավելին բացասաբար զուլսը շարժեց, բայց Յակովը բռնեց նրա կոնատակից, բարձրացրեց և սեղանի մոտ տարավ:

— Լսեցե՛ք, — կամաց ասաց Սոֆյան Ռիբինին նախատական տոնով, — դուք նրան ինչո՞ւ եք այստեղ կանչել: Նա ամեն մի ըոպե կարող է մեռնել...

— Կարո՞ղ է, — համաձայնեց Ռիբինը: — Առայժմ քանի կա՞ թո՞ղ խոսի: Գատարկ բաների համար կյանքը փչացրել է, թող մարդկանց համար էլ մի քիչ նեղություն քաշի, վնաս չունի՛: Ա՛յ, թե ինչ:

— Դուք կարծես թե մի բանով հրճվում եք, — բացականչեց Սոֆյան:

Ռիբինը նայեց նրան և խոժոռված պատասխանեց.

— Դա պարոններն են, որ Քրիստոսով հրճվում են, թե ինչպես է նա խաչի վրա հեծեծել, իսկ մենք մարդուց սովորում ենք և ուզում ենք, որ դուք էլ սովորեք մի քիչ...

Մայրը վախեցած բարձրացրեց հոնքը և ասաց նրան.

— Դե՛, դե՛, բավական է...

Հիվանդը սեղանի մոտ նստած նորից խոսեց.

— Մարդկանց ոչնչացնում են աշխատանքով, ինչո՞ւ: Մարդու կյանքը գողանում են, ինչո՞ւ, ասում եմ: Մեր տերը, ես նեֆեղովի գործարանում եմ կյանքս փչացրել, մեր տերը մի երգչուհու ոսկե աման նվիրեց լվացվելու համար, նույնիսկ ոսկե միզաման: Այդ միզամանի մեջ է իմ ուժը, իմ կյանքը: Ահա՛, թե ինչի համար է գնացել կյանքս, մարդն աշխատանքով ինձ սպանեց, որպեսզի իր սիրուհուն ղվարձացնի իմ արյունով, ոսկե միզաման գնեց նրա համար իմ արյունով:

— Մարդը ստեղծված է աստծու պատկերով և նմանությամբ, — ասաց Ֆիմը քմծիծաղով, — բայց ա՛յ, տեսե՛ք ինչի համար են բանեցնում մարդուն...

— Ուրեմն սուս մի՛ կաց, — բացականչեց Ռիբինը՝ թաթը խփելով սեղանին:

— Մի՛ համբերիր, — կամաց ավելացրեց Յակովը:

Իգնատը ծիծաղեց:

Մայրը նկատեց, որ տղաները երեքն ականջ էին դնում քաղցած հոգիների անհագ ուշադրութեամբ և ամեն անգամ, երբ Ռիբինը խոսում էր, նայում էին նրա դեմքին դարանակալ աչքերով: Սավելիի խոսածը նրանց դեմքերի վրա տարօրինակ, կծու ծաղր էր առաջ բերում: Դեպի հիվանդը նրանց մեջ խղճահարություն չէր նկատվում:

Սոֆյային թեքվելով, մայրը կամաց հարցրեց.

— Մի՞թե ճիշտ է ասում նա:

Սոֆյան բարձրաձայն պատասխանեց.

— Այո, դա ճիշտ է: Այդպիսի մի պարզեի մասին թերթում գրեցին, դա Մոսկվայում էր...

— Եվ ո՛չ մի պատիժ չստացավ նա,— խուլ ձայնով ասաց Ռիբինը:— Բայց հարկավոր էր նրան պատժել, դուրս բերել ժողովրդի առաջ, կտոր-կտոր անել և նրա գարշելի միսը շների առաջը գցել: Մեծ պատիժներ կտա ժողովուրդը, երբ ոտքի կանգնի: Շատ արյուն կթափի նա, որ լվանա իր կրած վիրավորանքները: Այդ արյունը նրա արյունն է, նրա երակներից են խմել, այդ արյան տերը ժողովուրդն է:

— Ցուրտ է,— ասաց հիվանդը:

Ցակովն օգնեց նրան, որ վեր կենա, և տարավ կրակի մոտ: Խարույկը պայծառ վառվում էր, և անդեմ սովերները դողդողում էին նրա շուրջը՝ ապշած դիտելով կրակի զվարթ խաղը: Սավելին նստեց մի կոճղի և դեպի կրակը մեկնեց թափանցիկ, շոր ձեռները: Ռիբինը գլխով արեց նրա կողմը և Սոֆյային ասաց.

— Սա, գրքից ավելի խիստ է: Երբ մեքենան բանվորի ձեռքն է պոկում կամ սպանում նրան, բացատրում են, թե ինքն է մեղավորը: Իսկ ա՛յ, երբ ծծում են մարդու արյունը և դեն գցում նրան լեշի պես, դա ոչ մի բանով չի բացատրվում: Ամեն մի սպանություն ես հասկանում եմ, բայց կատակի համար տանջելը, շե՛մ հասկանում: Ինչի՞ համար են շարչարում ժողովրդին, ինչի՞ համար են բուրբիս տանջում: Կատակի համար, ուրախանալու համար, զվարճալի լինի աշխարհումս ապրելը, կարելի լինի արյունով գնել ամեն ինչ՝ երգչուհի, ձիեր, արծաթե դանակներ, ոսկե ամանեղեն, երեխաների համար թանկագին խաղալիքներ: Դու աշխատի՛ր, որքան կարելի է շատ աշխատի՛ր, իսկ ես քո աշխատանքով փող կդիզեմ և ոսկե միզաման կնվիրեմ սիրուհուս:

Մայրն ականջ էր դնում, նայում, և նրա առջև նորից խավարի մեջ փայլեց և լուսավոր շերտի պես ձգվեց Պավելի և նրա հետ բոլոր գնացողների ուղին:

Ընթրիքն ավարտելով՝ բոլորը տեղավորվեցին խարույկի շուրջը. նրանց առջև փայտն արագ կլանելով վառվում էր կրակը, հետևում կախվել էր խավարը՝ անտառն ու երկինքը պատելով: Հիվանդն աչքերը լայն բացած՝ նայում էր կրակին, անընդհատ հազում, ամբողջ մարմնով դողում, թվում էր, թե կյանքի մնացորդներն անհամբերությամբ դուրս են նետվում նրա կրծքից, ձգտելով թողնել հիվանդությունից հյուսված մարմինը: Բոցի արտացոլումները դողդողում էին նրա դեմքին, առանց կենդանացնելու մեռած մորթը: Միայն հիվանդի աչքերն էին վառվում մարվող կրակով:

— Գուցե լա՛վ է հյուղա՞կը գնաս, Սավելի՛,— հարցրեց Ցակովը նրա վրա թեքվելով:

— Ի՞նչ կարիք կա,— պատասխանեց նա ուժերը լարելով:— Ես կնստեմ, շա՛տ ժամանակ չի մնացել ինձ մարդկանց հետ լինելու...

Նա գննեց ամենքին, մի քիչ լռեց և շարունակեց դժգույն քմծիծաղով.

— Չեզ հետ լինելն ինձ հաճելի է: Նայում եմ ձեզ և մտածում, գուցե սրանք հատուցեն նրանց փոխարեն, ում կողոպտել են, այն ժողովրդի փոխարեն, որն սպանվել է ազահույթյան պատճառով...

Նրան շպտապատասխանեցին, և շուտով նա ննջեց, գլուխն անուժ կախելով կրծքին: Ռիբինը նայեց նրան և կամաց ասաց.

— Գալիս է մեզ մոտ, նստում ու պատմում միշտ միևնույն բանը, այդ ծաղրուծանակի մասին, որին ենթարկել են մարդուն: Դրանով է ամբողջովին զբաղված նրա հոգին, կարծես թե դրանով նրա աչքերը հանել են և էլ ոչինչ չի տեսնում:

— Դե էլ ի՞նչ է հարկավոր,— մտախոհ ասաց մայրը:— Քանի որ մարդիկ ամեն օր հազարներով կոտորվում են աշխատանքի մեջ նրա համար, որ տերը կարողանա փողերը կատակի համար շոսյլել, էլ ի՞նչ...

— Չանձրալի է նրան լսելը,— ցածր ասաց Իգնատը:— Դու մի անգամ որ լսեցիր, էլ չես մոռանա, իսկ նա մի՛շտ միևնույնն է ասում:

— Այստեղ ամեն ինչ խտացված է մի՛ բանի մեջ... ամ-

բո՛ղջ կյանքը, հասկացի՛ր, խոժոռվելով նկատեց Ռիբինը:— Ես տասն անգամ լսել եմ նրա վիճակի մասին, բայց էլի երբեմն մարդ կասկածում է: Լինում են բարի ժամեր, երբ շես ուզում հավատալ մարդու գարշելիությանը, նրա խենթությանը... երբ ամենքին խղճում ես, թե՛ հարուստին, թե՛ աղքատին... հարուստն էլ կարող է մոլորված լինել: Մեկը կույր է քաղցից, մյուսը՝ ոսկուց: Է՛, մարդի՛կ, մտածում ես, է՛հ, եղբայրնե՛ր: Սթափվեցե՛ք, մտածեցե՛ք ազնվորեն, մտածեցե՛ք առանց ձեզ խնայելու, մտածեցե՛ք:

Հիվանդն օրորվեց, աչքերը բաց արեց, պառկեց գետնին: Յակովը սուսուփուս վեր կացավ, գնաց հոլիկը, բերեց մի կիսամուշտակ, հագրեց եղբորը և նորից նստեց Սոֆյայի կողքին:

Կրակի կարմիր դեմքը շլացուցիչ ժպտալով լուսավորում էր իր շուրջը գտնվող մութ պատկերները, և մարդկանց ձայները մտախոհ խառնվում էին բոցի մեղմ ճրճտոցին և սոսափյունին:

Սոֆյան պատմում էր ժողովրդի՝ ապրելու իրավունքի համար մղած համաշխարհային մարտի մասին, Գերմանիայի գյուղացիների հնում ունեցած կոիվների մասին, դժբախտ իռլանդացիների, բանվոր ֆրանսիացիների՝ ազատության համար մղած հաճախակի կոիվներում կատարած մեծ սխրագործությունների մասին...

Գիշերվա թավիչ հագած անտառում, ծառերով ցանկապատված, մութ երկնքով ծածկված փոքրիկ բացատում, կրակի առաջ, թշնամորեն վարմացած սովերների շրջանում՝ հառնում էին դեպքեր, որոնք ցնցել էին կուշտերի և ազահների աշխարհը, իրար հետևից անցնում էին երկրի ժողովուրդները՝ արյունաքամ լինելով, կոիվներից հոգնած, հիշվում էին ազատության և ճշմարտության մարտիկների անունները:

Կամաց հնչում էր այդ կնոջ խլավուն ձայնը: Կարծես անցյալից գալով հասնելով՝ այդ ձայնը հույսեր էր զարթեցնում, վստահություն էր ներշնչում, և մարդիկ լուռ ունկնդրում էին այդ պատմությունն իրենց հոգևոր եղբայրների մասին: Նրանք նաչում էին այդ կնոջ նիհար, գունատ դեմքին... նրանց առջև ավելի և ավելի պայծառ էր լուսավորվում աշխարհի ժողովուրդների սուրբ գործը՝ ազատության համար մղվող անվերջ պայքարը: Մարդը տեսնում էր իր ցանկություններն ու խոհերը հեռավոր, մութ, արյունոտ վարագույրով ծածկված անցյալում, իրեն անծանոթ ալլազգիների մեջ, և ներքնապես, խելքով ու սրտով հաղոր-

դակցվում էր աշխարհին, նրա մեջ տեսնելով բարեկամներ, որոնք վաղուց արդեն համամտորեն և հաստատապես որոշել են ձեռք բերել աշխարհում ճշմարտությունը, իրենց որոշումը սրբազործել են անհաշիվ տառապանքներով, իրենց արյան գետերը են թափել հանուն նոր, լուսավոր և ուրախ կյանքի հաղթանակի: Առաջանում և աճում էր ամենքի հետ հոգևոր մոտիկության զգացմունքը, ծնվում էր երկրի նոր սիրտը՝ ամեն ինչ հասկանալու, ամեն ինչ իր մեջ միացնելու ջերմ ձգտումով լի:

— Կգա այն օրը, երբ բոլոր երկրների բանվորները գլուխները կբարձրացնեն և հաստատապես կասեն՝ բավական է: Մենք այլևս չե՛նք ուզում այս կյանքը,— վստահ հնչում էր Սոֆյայի ձայնը:— Այն ժամանակ կխորտակվի իրենց ազահությամբ ուժեղ մարդկանց խաբուսիկ ուժը, նրանց ոտների տակից հողը կկորչի, և նրանք հենվելու տեղ չեն ունենա...

— Այդպես էլ կլինի,— ասաց Ռիբինը գլուխը կախելով:— Քեզ մի՛ ափսոսա և ամեն ինչ կհաղթահարե՛ս:

Մայրն ականջ էր դնում հոնքը խիստ բարձրացրած, ուրախ զարմանքի ժպիտով, որ սառել էր դեմքին: Նա տեսնում էր, որ այն բոլորը, ինչ որ կտրուկ էր, զիլ, համարձակ, այն բոլորը, ինչ որ ավելորդ էր թվում Սոֆյայի մեջ, այժմ անհետացել է, սուզվել նրա պատմության տաք, սահուն հոսանքի մեջ: Նրան դուր էր գալիս գիշերվա անդորրությունը, կրակի խաղը, Սոֆյայի դեմքը, բայց ամենից ավելի՝ մուժիկների լարված ուշադրությունը: Նրանք նստել էին անշարժ, աշխատելով չխանգարել պատմության խաղաղ ընթացքը, վախենալով կտրել աշխարհի հետ իրենց կապող լուսավոր թելը: Միայն երբեմն նրանցից մեկը կրակի մեջ զգուշությամբ փայտ էր դնում և, երբ խարույկից կայծերի խուրձ և ծուխ էր բարձրանում, ձեռքն օդում շարժելով, կայծերն ու ծուխը քշում էր, որ կանանց կողմը չգնան:

Մի անգամ Յակովը վեր կացավ, ցածրաձայն խնդրեց.

— Մի քիչ սպասեցեք...

Վազեց հոլիկ, այնտեղից բերեց և Իգնատի հետ լուռ ծածկեց կանանց ոտները և ուսերը: Սոֆյան նորից սկսեց խոսել՝ նկարագրելով հաղթության օրը, մարդկանց հավատ ներշնչելով դեպի իրենց ուժերը, նրանց մեջ զարթեցնելով այն բոլորի հետ ունեցած ընդհանրության գիտակցությունը, ովքեր իրենց կյանքը զոհում են անպտուղ աշխատանքի, հղիացածների տխար զվարճությունների համար: Բառերը չէին հուզում մորը, բայց

Սոֆյայի պատմութեան առաջ բերած մեծ, ամենքին ընդգրկող զգացմունքը լցնում էր և՛ նրա կուրծքը գոհունակ, ազոթային խոհով ա՛յն մարդկանց մասին, որոնք վտանգներին միջով գնում են դեպի նրանց, ովքեր շղթայված են աշխատանքի շղթաներով, և նրանց համար բերում են իրենց հետ ազնիվ մտքի պարզակներ, ճշմարտութեան սիրո պարզակներ:

«Դո՛ւ օգնես, տե՛ր»,— մտածում էր մայրը աչքերը փակելով:

Լուսադեմին Սոֆյան հոգնած լռեց և ժպտալով գննեց իր շուրջը գտնվող մտախոհ, պայծառացած դեմքերը:

— Մեր գնալու ժամանակն է,— ասաց մայրը:

— Ժամանակն է,— հոգնած ասաց Սոֆյան:

Տղաներից մեկն աղմկալի հառաչեց:

— Ափսո՛ս որ գնում եք,— անսովոր քնքուշ ձայնով ասաց Ռիբինը:— Լա՛վ եք խոսում: Մե՛ծ գործ է դա՛ մարդկանց իրար հարազատ դարձնելը: Երբ այսպես իմանում ես, որ միլիոնավոր մարդիկ նույնն են ուզում, ինչ որ մենք, սիրտդ ավելի է բարիանում: Իսկ բարութեան մեջ մե՛ծ ուժ կա:

— Դու նրան բարիք տուր, իսկ նա քեզ ցից հանի,— կամաց ծիծաղելով ասաց Եֆիմը և արագ ոտքի ցատկեց:— Նրանց գնալու ժամանակն է, Միխայլո հորեղբայր, քանի դեռ ոչ ոք չի տեսել: Գրքույկները որ բաժանենք, իշխանությունը կսկսի փրկարել, թե որտեղից են: Մեկնումեկը կհիշի՝ թե, ա՛յ, օտարական կանայք էին եկել...

— Դե՛հ, շնորհակալութի՛ւն, մա՛յր, նեղութիւններիդ համար,— ասաց Ռիբինը Եֆիմին ընդհատելով:— Ես միշտ Պավելի մասին եմ մտածում՝ քեզ մտիկ տալով, լա՛վ ճանապարհով ես գնում:

Քնքշացած, Ռիբինը ժպտում էր լայն և բարի ժպտով: Օդը սառն էր, իսկ նա կանգնել էր միայն օձիքը բաց շապկով, կուրծքը բուրդովին մերկ: Մայրը նայեց նրա մեծ կերպարանքին և սիրալիր խորհուրդ տվեց.

— Մի բան հագնեիր, լավ կլիներ, ցո՛ւրտ է:

— Ներսիս տաքանում եմ,— պատասխանեց Ռիբինը:

Երեք տղաները խարույկի մոտ կանգնած, կամաց զրուցում էին, իսկ նրանց ոտների մոտ պառկած էր հիվանդը՝ կիսամուշտակներով ծածկված: Երկինքը դժգունում էր, ստվերները հալվում էին, ցնցվում էին տերևներն արևի սպասելով:

— Դե՛հ, գնաք բարո՛վ ուրեմն,— ասաց Ռիբինը Սոֆյայի ձեռքը սեղմելով:— Իսկ քաղաքում ձեզ ի՞նչպես գտնենք:

— Դու ի՛նձ կփնտրես,— ասաց մայրը:

Տղաները դանդաղ, խիտ խմբված մոտեցան Սոֆյային և լուռ սեղմեցին նրա ձեռքը՝ անշնորհք, սիրալիր կերպով: Ամեն մեկի մեջ պարզ երևում էր թաքնված բավականություն՝ գոհունակ ու բարեկամական, և այդ զգացմունքը երևի շփոթեցնում էր նրանց իր նորութեամբ: Անքուն գիշերվանից շուր աչքերով ժպտալով՝ նրանք լուռ նայում էին Սոֆյայի դեմքին և մի ոտից մյուսի վրա էին ծանրանում:

— Կաթ չեք խմի՞՞ ճանապարհից առաջ,— հարցրեց Յակովը:

— Կաթ կա՞ արդյոք,— ասաց Եֆիմը:

Իգնատը շփոթված, մազերը հարթելով ասաց.

— Չկա, ես թափել եմ...

Եվ երեքն էլ ծիծաղեցին:

Կաթի մասին էին խոսում, բայց մայրն զգում էր, որ նրանք մտածում են այլ բանի մասին, առանց բառերի՝ Սոֆյային և իրեն բարիք, լավութիւն ցանկանալով: Դա նկատելիորեն հուզում էր Սոֆյային և նրա մեջ ևս առաջ էր բերում շփոթմունք, պարկեշտ համեսություն, որը թույլ չէր տալիս նրան որևէ այլ բան ասել, բացի կամաց՝

— Շնորհակալութի՛ւն, ընկերնե՛ր:

Տղաներն իրար նայեցին, կարծես այդ բառը քնքշորեն օրորեց նրանց:

Լավեց հիվանդի խուլ հազը: Հանգան վառ ածուխները մաքող խարույկում:

— Գնաք բարո՛վ,— կիսաձայն ասում էին մուժիկները, և այդ տխուր բառերը երկար ժամանակ ուղեկցում էին կանանց: Նրանք առանց շտապելու գնում էին ցայգաբացի աղջամուղջում, անտառի արահետով, և մայրը Սոֆյայի հետևից քայլելով, ասում էր.

— Լա՛վ է. այս բուրդը, կարծես երազում է, այնքա՛ն լավ է: Մարդիկ ուզում են ճշմարտությունը ճանաչել, սիրելի՛ս, ուզո՞ւմ են: Եվ սա նման է այն բանին, ինչ որ եկեղեցում է լինում՝ մեծ տոնի առավոտյան ժամերգությունից առաջ... քահանան դեռ չի եկել, մութ է և խաղաղ, տաճարի ներսն ահավոր է, իսկ ժողովուրդն արդեն հավաքվում է... այստեղ են մոմ վա-

ուում սրբապատկերի առաջ, այնտեղ են վառում և քիչ-քիչ քշում խավարը, լուսավորելով աստծու տունը:

— Ճիշտ է,— ուրախ պատասխանեց Սոֆյան:— Միայն թե այստեղ աստծու տունն ամբողջ երկիրն է:

— Ամբողջ երկիրը,— գլուխը մտախոհ օրորելով կրկնեց մայրը:— Այնպե՛ս լավ է այդ, որ հավատալն անգամ դժվար է... եվ լավ էիք խոսում դուք, թանկագինս, շա՛տ լավ: Իսկ ես վախենում էի, թե դուք նրանց դուր չեք գա...

Սոֆյան մի քիչ լռելով՝ մեղմ և տխուր պատասխանեց.

— Նրանց հետ մարդ ավելի պարզ է դառնում...

Նրանք գնում էին և խոսում Ռիբինի մասին, հիվանդի և տղաների մասին, որոնք այնպես ուշադիր լուռ էին մնում և այնպես քաշվելով, բայց պերճախոս կերպով արտահայտում էին իրենց գոհունակ բարեկամության զգացմունքները կանանց համար մանր հոգացողություններ անելով: Դաշտը դուրս եկան: Դիմացից բարձրանում էր արևը: Աչքից դեռ անտեսանելի՝ նա երկնքի վրա սփռել էր վարդագույն ճառագայթների թափանցիկ հովհարը, և ցողի կաթիլները խոտի մեջ փայլփլում էին զարնանային աշխույժ ուրախության գույնզգույն կայծերով: Զարթնում էին թռչունները՝ ուրախ ծվլոցով առավոտը կենդանացնելով: Փութաջանորեն կոնչալով, թևերը ծանր շարժելով թռչում էին հաստամարմին ազոավները, մի ինչ-որ տեղ անհանգիստ սուլում էր պիրոլը: Բացվում էին հեռաստանները՝ արևի դիմաց իրենց բլուրներից գիշերային ստվերները վեր քաշելով:

— Երբեմն մարդ խոսում է, խոսում, իսկ դու նրա ասածը չես հասկանում, մինչև որ չի հաջողվում նրան մի որևէ հասարակ խոսք ասել քեզ, և այդ խոսքը միայն հանկարծ ամեն ինչ պարզում է,— մտախոհ ասաց մայրը:— Այնպես էլ, այդ հիվանդը: Ես լսել եմ և ինքս գիտեմ, թե բանվորներին ինչպես են հույ տալիս գործարաններում և ամեն տեղ: Բայց այդ բանին մանկությունից վարժվում ես, և այնքան էլ սրտիդ չի դիպչում դա: Իսկ նա հանկարծ մի այնպիսի վիրավորական, այնպիսի անպիտան բան ասաց, որ... Տե՛ր աստված, մի՞թե մարդիկ նրա համար են ամբողջ կյանքն աշխատանքին նվիրում, որ տերերը նրանց ծաղրուծանակի ենթարկեն: Դա արդարացում չունի:

Մոր միտքը կանգ առավ այդ դեպքի վրա, և այդ դեպքն իր բույթ, լկտի փայլով նրա առջև պարզեց մի շարք համանման արարքներ, որոնք հայտնի էին, և նա մոռացել էր:

— Երևի նրանք ամեն բանից կուշտ են և սրտները խառնում է: Ես գիտեմ, որ մի վիճակապես մուժիկներին ստիպում էր, որ իր ձիուն գլուխ տան գյուղում ման ածելու ժամանակ, և ով որ գլուխ շէր տալիս, նրան բանտարկում էր: Է՛, դա ինչի՞ էր հարկավոր այդ մարդուն: Չի կարելի հասկանալ, չէ՛:

Սոֆյան սկսեց կամաց երգել մի երգ, առույգ, ինչպես առավոտը...

## VII

Նիլովնայի կյանքն ընթանում էր տարօրինակ կերպով հանգիստ: Այդ հանգստությունը երբեմն զարմացնում էր նրան: Որդին նստած էր բանտում, մայրը գիտեր, որ նրան ծանր պատիժ է սպասում, բայց ամեն անգամ, երբ նա մտածում էր այդ մասին, նրա հիշողությունն ակամա դուրս էր կանչում իր առջև՝ Անդրեյին, Ֆեդյային և մյուս անձերի երկար շարքը: Որդու կերպարանքը, կլանելով նրան վիճակակից բոլոր մարդկանց, մեծանում էր մոր աչքում, դիտողական զգացմունք էր առաջացնում, ակամա և աննկատելիորեն ընդարձակելով Պավելի վերաբերյալ խոհերը, ամեն կողմ վանելով դրանք: Այդ խոհերը սփռվում էին ամեն կողմ բարակ, անհավասար շողերի պես. ամեն ինչի դիպչելով, աշխատում էին ամեն ինչ լուսավորել, հավաքելով մի պատկեր դարձնել և մորը թույլ չէին տալիս կանգ առնել մի բանի վրա, թույլ չէին տալիս, որ խտանա թախիծը և երկյուղը որդու համար:

Սոֆյան շուտով ինչ-որ տեղ գնաց, մի հինգ օրից հետո վերադարձավ ուրախ, կայտառ, իսկ մի քանի ժամ հետո նորից անհայտացավ և մի երկու շաբաթից կրկին երևաց: Թվում էր, թե նա կյանքում պտտվում է լայն շրջաններ անելով, երբեմն եղբորը տեսության գալով, որպեսզի նրա բնակարանը լցնի իր կայտառությամբ և երաժշտությամբ:

Երաժշտությունն սկսեց մորը դուր գալ: Ականջ դնելով՝ մայրն զգում էր, որ ջերմ հորձանքներ են զարնվում իր կրծքին, թափվում սրտի մեջ, որը բաբախում է ավելի համաշափ, և ինչպես առատ ջրված, խոր հերկված հողում հատիկները, այնպես էլ իր սրտում խոհերի ալիքներն են արագ, աշխուժորեն աճում, հեշտ և գեղեցիկ ծաղկում են հնչյունների ուժով արթնացած խոսքերը:

Մոր համար դժվար էր հաշտվել Սոֆյայի թափփովածու-  
թյանը, որն ամեն տեղ ցրիվ էր տալիս իր իրեղենները, ծխուկ-  
ները, մոխիրը, և ավելի դժվար էր սովորել նրա համարձակ խոս-  
քերին, այդ բոլորը աչք էր ծակում մանավանդ Նիկոլայի հան-  
գիստ վստահության, նրա խոսքերի անփոփոխ, մեղմ լրջու-  
թյան կողքին: Սոֆյան մորը թվում էր մի պատանի, որն շտա-  
պում է հասակավոր ցույց տալ իրեն, իսկ մարդկանց վրա նա-  
յում է որպես հետաքրքիր խաղալիքների: Նա շատ էր խոսում  
աշխատանքի սրբության մասին և իր փնթիության մասին անմտորեն  
ավելացնում էր մոր աշխատանքը, խոսում էր ազատության մա-  
սին և մոր համար նկատելի կերպով ամենքին անհարմար դրու-  
թյան մեջ էր դնում սուր անհամբերատարության մշտական  
վեճերով: Նրա մեջ հակասական շատ բան կար, և մայրն այդ  
տեսանկյունով՝ նրա հետ վարվում էր լարված զգուշությամբ, հետա-  
պնդող ուշադրությամբ, առանց այն մշտական սրտի շերմու-  
թյան, որ Նիկոլայն էր առաջացնում նրա մեջ:

Նիկոլայը միշտ մտազբաղ՝ օրերն անց էր կացնում միօրի-  
նակ, չափված-ձևված կյանք վարելով. առավոտյան ժամը ութին  
նա թեյ էր խմում և լրագիր կարդալով՝ մորը հաղորդում էր նո-  
րությունները: Նրան ունկնդրելով՝ մայրն ապշեցուցիչ պարզու-  
թյամբ տեսնում էր, թե ինչպես կյանքի ծանր մեքենան մարդ-  
կանց անողորմաբար կտրտում՝ փող է դարձնում: Մայրը նրա և  
Անդրեյի մեջ մի ընդհանուր բան էր զգում: Նա էլ խոխուի պես  
մարդկանց մասին խոսում էր առանց ոխակալության, կյանքի  
հոռի դասավորման մեջ հանցավոր համարելով ամենքին, բայց  
դեպի նոր կյանքն ունեցած հավատը նրա մեջ այնպես վառ չէր,  
ինչպես Անդրեյի մեջ, և ոչ այնպես պայծառ: Նա խոսում էր  
միշտ հանգիստ, ազնիվ և խիստ դատավորի ձայնով և, թեև՝  
նույնիսկ սարսափելի բանի մասին խոսելիս՝ ժպտում էր ափսո-  
սանքի մեղմ ժպիտով, բայց նրա աչքերը փայլում էին սառն և  
հաստատապես: Նրանց փայլը տեսնելով մայրը հասկանում էր,  
որ այդ մարդը ոչ ոքի ոչ մի բան չի ներում, ներել չի կարողա-  
նում, և զգալով, որ նրան ծանր է թվում այդ հաստատունու-  
թյունը, խղճում էր Նիկոլային: Եվ Նիկոլայն ավելի ու ավելի էր  
դուր գալիս մորը:

Նիկոլայը ժամը իննին գնում էր ծառայության, մայրը հա-  
վաքում էր սենյակը, ճաշ պատրաստում, լվացվում, հագնում  
մաքուր զգեստը և իր սենյակում նստած՝ նայում գրքերի նկար-

ներին: Նա արդեն սովորել էր կարդալը, բայց դա նրանից միշտ  
լարում էր պահանջում, և կարդալուց նա շուտով հոգնում էր,  
սկսում էր խոսքերի կապը չհասկանալ: Իսկ նկարներ դիտելը  
նրան հրապուրում էր ինչպես երեսայի, նկարները նրա առջև  
բաց էին անում մի հասկանալի, գրեթե շոշափելի աշխարհ, նոր  
ու հրաշալի: Հառնում էին ահագին քաղաքներ, հիանալի շեն-  
քեր, մեքենաներ, նավեր, հուշարձաններ, անհաշիվ հարստու-  
թյուններ, որ մարդիկ էին ստեղծել, և բնության ստեղծագոր-  
ծության բազմազանություն, որ ապշեցնում էր մարդու միտքը:  
Կյանքն անսահման ընդլայնվում էր՝ ամեն օր աչքերի առջև  
բաց անելով վիթխարին, անծանոթը, հրաշալին, և ավելի ու  
ավելի էր հուզում այդ կնոջ արթնացող ծարավի հոգին իր հա-  
րըստությունների առատությամբ, գեղեցկությունների անհամա-  
րելիությամբ: Նա առանձնապես սիրում էր նայել կենդանաբա-  
նական ատլասի հատորները, և թեպետ դրանք օտար լեզվով էին,  
բայց նրան ամենից ավելի վառ պատկերացում էին տալիս երկ-  
րի գեղեցկության, հարստության ու լայնարձակության մա-  
սին:

— Մե՛ծ է երկիրը, — ասում էր նա Նիկոլային:

Ամենից շատ հուզում էին նրան միջատները և մանավանդ  
թիթեռները. նա խորին զարմանքով էր դիտում նրանց պատկե-  
րող նկարները և այսպես էր դատում.

— Ի՛նչ գեղեցկություն է, Նիկոլայ՛յ Իվանովիչ, հը՛: Եվ ի՛նչ-  
քան կա այս հաճելի գեղեցկությունից ամեն տեղ, բայց դե բո-  
լորը մեզնից թաքնված է և չենք վայելում, չենք տեսնում: Մար-  
դիկ գեսուդեն են ընկնում, բան չեն իմանում, ոչ մի բանով հիա-  
նալ չեն կարողանում, դրա համար ոչ ժամանակ ունեն, ոչ ցան-  
կություն: Որքա՛ն ուրախություն կարող էին ստանալ, եթե իմա-  
նային, թե երկիրն ի՛նչքան հարուստ է, նրա վրա ի՛նչքան շատ  
զարմանալի բան է ապրում: Եվ բոլորը ամենքի համար, ամեն  
մեկը բոլորի համար, այնպես չէ՛:

— Ի՛սկ որ, — ասում էր Նիկոլայը ժպտալով: Եվ էլի նկա-  
րագարդ գրքեր էր բերում:

Երեկոները հաճախ Նիկոլայի մոտ հյուրեր էին հավաքվում,  
գալիս էր Ալեքսեյ Վասիլևիչը, դժգույն դեմքով և սև մորուքով  
լուրջ ու լուսկյաց մի գեղեցիկ տղամարդ. Ռոման Պետրովիչը,  
դեմքը կարմիր բշտիկներով ծածկված, կլոր գլխով մի մարդ,  
որ շրթունքները միշտ ծպծպացնում էր ափսոսանքով. Իվան

Դանիլովիչը, վտիտ ու փոքրիկ, սրամորուք ու բարակաձայն, տաքարյուն, ճվճվան և բզի նման սուր. Եզորը, որ միշտ կատակում էր իր ու ընկերների մասին, և իր ավելի ու ավելի սաստկացող հիվանդության մասին: Երևում էին և զանազան հեռավոր քաղաքներից եկած այլ մարդիկ: Նիկոլայը նրանց հետ երկար և ցածրաձայն զրույցներ էր ունենում միշտ միևնույն բանի շուրջը, երկրի բանվոր մարդկանց մասին: Վիճում էին, տաքանում ձեռքները թափահարելով, շատ թեյ էին խմում, երբեմն Նիկոլայը զրույցի աղմուկի մեջ լուռումունջ գրում էր թուուցիկներ, ապա կարդում ընկերներին, դրանք հենց այդտեղ արտագրում էին տպագիր տառերով, մայրը խնամքով հավաքում էր պատառուտված սևագրությունների կտորները և այրում:

Մայրը թեյ էր լցնում և զարմանում այն դուրաբորբորության վրա, որով նրանք խոսում էին բանվոր ժողովրդի կյանքի և վիճակի մասին, այն մասին, թե ինչպես անեն, որ այդ բանվոր ժողովրդի մեջ որքան կարելի է արագ և լավ սերմանեն մրտաքեռը ճշմարտության մասին, բարձրացնեն նրա ոգին: Հաճախ նրանք բարկանալով՝ իրար հետ չէին համաձայնվում, իրար մեղադրում էին ինչ-որ բանում, վիրավորվում և նորից վիճում:

Մայրն զգում էր, որ ինքը բանվորների կյանքն ավելի լավ է ճանաչում, քան այդ մարդիկ, նրան թվում էր, թե ինքը նրանցից ավելի պարզ է տեսնում այդ մարդկանց հանձն առած խընդրի մեծությունը, և դա իրեն թույլ էր տալիս վերաբերվել նրանց բոլորին մեծի ներողամիտ, մի քիչ թախծագին՝ զգացմունքով դեպի փոքրերը, որոնք մարդ ու կին խաղն են խաղում՝ առանց հասկանալու այդ հարաբերությունների դրաման: Նա ակամա համեմատում էր նրանց ճառերն իր որդու և Անդրեյի ճառերի հետ և համեմատելով զգում էր տարբերություն, որն առաջ չէր կարողանում հասկանալ: Երբեմն նրան թվում էր, թե այդտեղ ավելի ուժեղ են գոռում, քան մի ժամանակ գոռում էին ավանում. նա ինքն իրեն այսպես էր բացատրում այդ.

«Ավելի շատ գիտեն— ավելի բարձր էլ խոսում են...»

Բայց շափից դուրս հաճախ նա տեսնում էր, որ այս բոլոր մարդիկ կարծես դիտմամբ են իրար հրահրում և բորբոքվում են ձևի համար, կարծես նրանցից ամեն մեկն ուզում է ընկերներին ապացուցել, որ իր համար ճշմարտությունն ավելի է սրտին մոտ և թանկագին, քան նրանց համար, իսկ մյուսները դրանից վիրավորվում էին, իրենց հերթին ապացուցելով՝ ճշ-

մարտությունն իրենց ավելի մոտ լինելը, սկսում էին վիճել կտրուկ, կոպիտ: Յուրաքանչյուրն ուզում էր մյուսից ավելի բարձր ցատկել, ինչպես թվում էր մորը, և դա նրա մեջ անհանգիստ տխրություն էր առաջ բերում: Մայրը շարժում էր հոնքը և ամենքի վրա նայելով աղաչական աչքերով մտածում էր.

«Մոռացել են Պավելին ու ընկերներին...»

Միշտ լարված ունկնդրելով վեճերին, իհարկե, չհասկանալով դրանք, նա այդ խոսքերի տակ զգացմունք էր որոնում և տեսնում էր, որ, երբ ավանում խոսում էին բարու մասին, ընդհանուր առմամբ, իբրև մի ամբողջություն էին դիտում այն, իսկ այստեղ ամեն ինչ կտոր-կտոր էին անում և մանրացնում, այնտեղ ավելի խոր և ուժգին էին զգում, այստեղ սուր, ամեն ինչ կտրատող խոհերի բնագավառն էր: Այստեղ, վերջապես, ավելի շատ էին խոսում հինը կործանելու մասին, իսկ այնտեղ երազում էին նորը, սրանից էլ իր որդու և Անդրեյի ճառերն ավելի մոտ էին մոր սրտին, ավելի հասկանալի էին նրան...

Մայրը նկատել էր, որ երբ Նիկոլայի մոտ էր գալիս բանվորներից մեկնումեկը, տանտերն անսովոր համարձակ էր դառնում, նրա դեմքի վրա մի ինչ-որ քաղցրություն էր գալիս, և խոսում էլ էր այլ կերպ, քան ընդհանրապես, չգիտես՝ ավելի կոպիտ թե՛ ավելի անփույթ:

«Աշխատում է, որ իրեն հասկանան»,— մտածում էր մայրը:

Բայց դա մորը չէր գոհացնում, և նա տեսնում էր, որ բանվոր-հյուրն էլ է կուշ գալիս, կարծես ներքուստ կաշկանդվում է և չի կարող այնպես հեշտ և ազատ խոսել, ինչպես խոսում է իր հետ՝ հասարակ կնոջ հետ: Մի անգամ, երբ Նիկոլայը դուրս էր գնացել, մայրը հարցրեց մի տղայի.

— Ի՞նչ ես քաշվում: Քննության կանգնած երեխա հո՞ չես...

Տղան խոր ծայտաց:

— Անսովոր լինելուց խեղդետինն էլ է կարմրում... այնուամենայնիվ՝ մեզ նման մարդ չի...

Երբեմն գալիս էր Սաշինկան, նա երբեք երկար չէր նստում, միշտ դատում էր բանիմաց, չէր ծիծաղում, և ամեն անգամ հեռանալիս հարցնում էր մորը.

— Ինչպե՞ս է Պավել Միխայլովիչն, առո՞ղջ է:

— Փա՛ռք ասածու,— ասում էր մայրը:— Վնաս չունի, քեֆը տեղն է:



— Բարևեցե՛ք նրան,— խնդրում էր աղջիկը և անհետանում:

Նրբեմն մայրը գանգատվում էր Սաշինկային, թե Պավելին երկար են պահում, նրա դատի օրը չեն նշանակում: Սաշինկան մոռացվում և լուռ էր, իսկ նրա մատներն արագ-արագ շարժվում էին:

Նիլովնան ցանկություն էր զգում ասել նրան.

«Անուշիկս, ես հո գիտեմ, որ դու նրան սիրում ես...»

Բայց սիրտ չէր անում, «աղջկա խիստ դեմքը, նրա ամուր սեղմված շրթունքները և խոսքի շոր, գործնական բնույթը կարծես նախօրոք վանում էին ամեն մի փաղաքշանք: Հառաչելով մայրը սեղմում էր իրեն մեկնած ձեռքը և մտածում.

«Իմ դժբախտս...»

Մի անգամ եկավ Նատաշան: Նա շատ ուրախացավ մորը տեսնելով, համբուրեց նրան և ի միջի այլոց, մի տեսակ հանկարծակի և կամացուկ հաղորդեց.

— Իսկ իմ մայրիկը մեռավ, մեռավ խեղճը...

Գլուխը թափ տվեց, ձեռքի արագ շարժումով սրբեց աչքերը և շարունակեց.

— Ափսոսում եմ նրան, նա հիսուն տարեկան չկար, դեռ կարող էր երկար ապրել: Իսկ մյուս կողմից նայում ես և ակամա մտածում՝ մահը հավանորեն ավելի թեթև է այս կյանքից: Միշտ մենակ, ամենքի համար օտար, հորս գոռգոռոցից վախեցած, մի՞թե նա ապրում էր: Մարդիկ ապրում են մի լավ բանի սպասելով, իսկ մայրս սպասելու բան չունեիր, բացի վիրավորանքներից...

— Դուք ճիշտ եք ասում, Նատաշա,— ասաց մայրը քիչ մտածելուց հետո:— Մարդիկ ապրում են՝ լավին սպասելով, իսկ եթե սպասելու բան չկա, էլ ի՞նչ կյանք:— Եվ աղջկա ձեռքը գգվանքով շոյելով հարցրեց,— դուք հիմա մենակ եք մնացել:

— Մենակ,— թեթևությամբ պատասխանեց Նատաշան:

Մայրը մի քիչ լռեց և հանկարծ ժպտալով ասաց.

— Վնաս չունի: Լավ մարդը մենակ չի ապրում, մարդիկ միշտ կմոտենան նրան...

### VIII

Նատաշան գավառում ուսուցչուհի դարձավ մի մանածագործարանում, և Նիլովնան սկսեց արգելված գրքույկներ, թուղթիկներ, լրագրեր տանել նրա մոտ:

Դա դարձավ մոր գործը: Ամիսը մի քանի անգամ կույսի զգեստ հագած, իբրև ժանյակներ և տանու քաթան վաճառող, իբրև հարուստ քաղցեհուհի կամ ուխտավորուհի պանդուխտ՝ նա շրջագայում էր նահանգում քսակը մեջքին կամ ճամպուրիկը ձեռքին: Վագոններում և նավերում, հյուրանոցներում և իջևաններում նա իրեն պահում էր միշտ պարզ և հանգիստ, առաջինն ինքն էր զրույցի բռնվում անծանոթ մարդկանց հետ՝ անվախ, իր վրա ուշադրություն հրավիրելով իր սիրալիք, սրտաբաց խոսքերով և փորձված, շատ բան տեսած մարդու վստահ շարժումներով:

Նրան դուր էր գալիս մարդկանց հետ խոսել, լսել նրանց պատմությունները կյանքի մասին, գանգատները և տարակուսանքները: Ամեն անգամ նրա սիրտը ուրախությամբ լցվում էր, երբ մարդու մեջ նկատում էր սուր դժգոհություն, այն դժգոհությունը, որը բողոքելով ճակատագրի հարվածների դեմ՝ լարվածորեն պատասխան է որոնում արդեն մտքում ձևակերպված հարցերին: Նրա առջև ավելի ու ավելի լայն ու խայտաբղետ տեսքով էր ծավալվում մարդկային կյանքի պատկերը — կուլտ լինելու համար մղվող պայքարի մեջ անցնող անհանգիստ, խռովված կյանքի: Ամենուրեք պարզ երևում էր մարդուն խաբելու, նրան կողոպտելու, նրանից որքան կարելի է իր համար շատ օգուտ քամելու, նրա արյունը ծծելու կոպտորեն մերկ, լկտիորեն պարզ ձգտումը: Եվ մայրը տեսնում էր, որ երկրիս երեսին ամեն բան առատ է, իսկ ժողովուրդը կարիքի մեջ է և անհամար հարստությունների շուրջն ապրելով՝ կիսաքաղց է: Քաղաքներում կան տաճարներ ոսկով ու արծաթով լի, որոնք պետք չեն աստծուն, իսկ տաճարների գավիթներում մուրացկաններն են դողդողում՝ ապարդյուն սպասելով, թե երբ իրենց ձեռքը կդնեն մի փոքրիկ պղնձե դրամ: Մայրն առաջ էլ էր տեսել այդ հարուստ եկեղեցիները և տերտերների ոսկեկար շուրջառնները, աղքատ ժողովրդի հյուղերը և նրա խայտառակ ցնցոտիները, բայց առաջ դա նրան բնական էր թվում, իսկ այժմ՝ անհաշտելի և վիրավորական չքավոր մարդկանց համար, մարդկանց, որոնց, նա գիտեր, եկեղեցին ավելի հարազատ և հարկավոր էր, քան հարուստներին:

Քրիստոսին պատկերող նկարներից, նրա մասին լսած պատմություններից մայրը գիտեր, որ նա, չքավորների այդ բարեկամը, պարզ էր հագնվում, իսկ եկեղեցիներում, ուր չքա-

վոր ժողովուրդը գալիս էր նրա մոտ մխիթարութիւն ստանալու, մայրը տեսնում էր նրան շղթայված լպիրշ ոսկով և մետաքսով, որը պծգանքով խշխշում էր աղքատութիւն տեսնելիս: Եվ մայրն ակամա միտն էր բերում Ռիբինի խոսքերը:

«Աստուծով էլ են խաբել մեզ»:

Իր համար աննկատելի կերպով մայրն սկսեց ավելի քիչ աղոթել, բայց ավելի ու ավելի շատ էր մտածում Քրիստոսի և այն մարդկանց մասին, որոնք առանց նրա անունը տալու, կարծես նույնիսկ առանց նրան ճանաչելու ապրում էին, ինչպես մորն էր թվում, նրա պատվերներով և նրա պես երկիրը չթափորների թագավորութիւն համարելով՝ կամենում էին մարդկանց մեջ հավասարապես բաժանել երկրի ամբողջ հարստութիւնը: Մայրն այդ մասին շատ էր մտածում, և նրա հոգում աճում էր այդ մտածմունքը՝ խորանալով և ընդգրկելով նրա համար տեսանելի ամեն ինչ, այն ամենը, ինչ որ լսել էր նա, աճում էր՝ աղոթքի լուսավոր դեմք ընդունելով, աղոթքի, որը համահավասար լույսով ողողում էր խավար աշխարհը, ամբողջ կյանքը և բոլոր մարդկանց: Եվ մորը թվում էր, թե ինքը Քրիստոսը, որին մայրը միշտ սիրել էր աղոտ սիրով, մի բարդ զգացմունքով, որի մեջ երկյուղը սերտորեն շաղկապված էր հույսի հետ և խանդաղատանքը տրտմութեան հետ, Քրիստոսն այժմ իր սրտին ավելի մոտ է դարձել և արդեն ուրիշ էր նա, ավելի բարձր և իր համար ավելի տեսանելի, ավելի ուրախալի և ավելի պայծառադեմ, — կարծես թե նա իրոք հարութիւն է առել կյանքի համար՝ լվացված և աշխուժացած ա՛յն ջերմ արյունով, որ մարդիկ առատաձեռն կերպով թափել են նրա համար, ողջախոհութեամբ չհայտարարելով մարդկութեան տարաբախտ բարեկամի անունը: Իր ճանապարհորդութիւններից մայրը վերադառնում էր Նիկոլայի մոտ միշտ ուրախ, հուզված այն բանից, ինչ որ տեսնում և լսում էր ճանապարհին, առույգ և կատարած գործից գոհ:

— Լա՛վ բան է ամեն տեղ ման գալը և շատ բան տեսնելը, — ասում էր նա Նիկոլային երեկոները: — Հասկանում ես, թե կյանքն ի՛նչպես է կառուցվում: Քերում, շարտում են ժողովրդին կյանքի մի անկյունը, մարդը վիրավորված դեսուդեն է ընկնում այնտեղ, բայց ուզի-չուզի, մտածում է՝ ինչի՞ համար: Ինձ ինչո՞ւ են դեն քշում: Ինչո՞ւ ամեն ինչ առատ է, իսկ ես քաղցած եմ: Եվ որքան խելք կա ամեն տեղ, իսկ ես հիմար ու

տգետ եմ: Եվ ո՞ւր է այն ողորմած աստվածը, որի առաջ հարուստ ու աղքատ չկա, այլ ամենքը նրա զավակներն են, նրա սրտի համար թանկագին: Ժողովուրդը քիչ-քիչ վրդովվում է իր կյանքով, զգում է, որ ստութիւնը կխեղդի իրեն, եթե ինքն իր մասին չմտածի:

Եվ մայրն ավելի ու ավելի էր պահանջկոտ ցանկութիւն զգում իր լեզվով ասելու մարդկանց կյանքի անարդարութիւնների մասին. երբեմն նրա համար դժվար էր լինում զսպել այդ ցանկութիւնը...

Նիկոլայը նրան նկարներով զբաղված տեսնելով՝ ժպտալով միշտ մի որևէ զարմանալի բան էր պատմում: Մարդու նպատակների խիզախութեամբ ապշած՝ մայրը թերահավատութեամբ հարցնում էր Նիկոլային.

— Բայց մի՞թե կարելի բան է դա:

Եվ Նիկոլայը համառորեն, իր մարգարեութիւնների ճշմարտութեանը անհողողող կերպով հավատացած, ակնոցի միջից բարի աչքերով նայելով մոր դեմքին, ապագայի մասին հեթաթներ էր պատմում նրան:

— Մարդու ցանկութիւններին չափ չկա, նրա ուժն անսպառ է: Բայց աշխարհն, այնուամենայնիվ, դեռ շատ դանդաղ է հարստանում ոգով, որովհետև այժմ ամեն մարդ կամենալով ազատել իրեն կախվածութիւնից՝ ստիպված է կուտակել ոչ թե գիտելիքներ, այլ փող: Իսկ երբ մարդիկ կսպանեն ազահութիւնը, երբ նրանք իրենց կազատեն անազատ աշխատանքի գերութիւնից...

Մայրը հազվադեպ էր հասկանում նրա բառերի իմաստը, բայց այդ խոսքերին կենդանի շունչ տվող անվարան հավատի զգացմունքն իր համար ավելի ու ավելի մատչելի էր դառնում:

— Երկրիս երեսին ազատ մարդիկ չափազանց քիչ կան, ասա երկրի դժբախտութիւնը, — ասում էր Նիկոլայը:

Դա հասկանալի էր — մայրը ճանաչում էր ազահութիւնից և շարութիւնից ազատագրվածներին, նա հասկանում էր, որ եթե այդպիսի մարդիկ ավելի շատ լինեին, կյանքի խավար և ահուկի դեմքն ավելի բարեհամբույր և պարզ, ավելի բարի և լուսավոր կլիներ:

— Մարդ ակամա պետք է անողոք լինի, — տխրութեամբ ասում էր Նիկոլայը:

Մայրը գլխով հավանութեան նշան էր տալիս՝ խոխոլի խոսքերը մտաբերելով:

## IX

Նիկոլայը, որ միշտ ճշտապահ էր, մի անգամ ծառայութունից եկավ շատ ավելի ուշ, քան ընդհանրապես, և առանց վերարկուն հանելու, ձեռները վրդովված տրորելով՝ շտապ ասաց.

— Գիտե՞ք, Նի՛լովնա, այսօր մեր ընկերներին մեկը բանտից փախել է: Բայց ո՞վ է նա: Չհաջողվեց իմանալ...

Մայրը հուզմունքով բռնված օրորվեց ոտների վրա, նստեց աթոռին շշուկով հարցնելով.

— Գուցե Պաշա՞ն է:

— Գուցե՞,— պատասխանեց Նիկոլայն ուսերը թոթովելով:— Բայց ի՞նչպես օգնել նրան թաքնվելու, ի՞նչպես գտնել նրան: Ես հիմա փողոցներով շրջում էի, որպեսզի տեսնեմ՝ կգտնե՞մ նրան: Սա հիմարութուն է, բայց պետք է որևէ բան անել: Եվ ես նորից կգնամ...

— Ե՛ս էլ,— գուցե մայրը:

— Դուք գնացե՛ք Եգորի մոտ, տեսե՛ք՝ նա որևէ բան գիտե՞,— առաջարկեց Նիկոլայը շտապ հեռանալով:

Մայրը թաշկինակը գլխից պահեց և հույսով համակված՝ Նիկոլայի հետևից արագ դուրս եկավ փողոց: Աչքերը պղտորվում էին, և սիրտը խփում էր շտապ-շտապ, մորն ստիպելով գրեթե վազել: Նա գնում էր հույսը դիպվածի վրա դրած, գլխահակ, և շուրջը ոչինչ չէր նկատում:

«Գնամ՝ տեսնեմ հանկարծ, նա այնտե՛ղ է»,— առկայծում էր մի հույս առաջ մղելով նրան:

Շոգ էր, մայրը հոգնածութունից շնչասպառ էր լինում և երբ հասավ Եգորի բնակարանի սանդուղքին, կանգ առավ այլևս առաջ գնալու ուժ չունենալով, ետ նայեց և զարմացած, կամաց ճշարով, մի պահ աչքերը փակեց, նրան թված, թե դարպասի մոտ կանգնած է Նիկոլայ Վեսովշչիկովը, ձեռները գրպանում դրած: Բայց երբ մայրը նորից նայեց, ոչ ոք չկար...

«Աչքի՛ս երևաց»,— մտքում ասաց մայրը աստիճաններով բարձրանալով և ականջ դնելով: Ներքևում, բակում լսելի էր դանդաղ քայլերի խուլ թմփթմփոց: Սանդուղքի դարձում կանգ առնելով՝ մայրը կռանալով ներքև նայեց և նորից տեսավ իրեն ժպտացող չեչուտ դեմքը:

— Նիկոլայ՛, Նիկոլայ՛...— բացականչեց մայրը իջնելով նրան դիմավորելու, իսկ սիրտը հոսափխար նվաղեց:

— Դու գնա՛, Գնա՛,— ցածր պատասխանեց Նիկոլայը ձեռքով անելով:

Մայրն արագ վազեց սանդուղքով, մտավ Եգորի սենյակը և նրան բազմոցի վրա պառկած տեսնելով՝ շնչասպառ շնչաց.

— Նիկոլայը փախե՛լ է... բանտից...

— Ո՞րը,— խոպոտ ձայնով հարցրեց Եգորը, գլուխը բարձրացնելով բարձից:— Այնտեղ երկու Նիկոլայ կա...

— Վեսովշչիկովը... Այստե՛ղ է գալիս:

— Հրաշալի՛ է:

Նիկոլայն արդեն մտել էր սենյակը, դռան կեռը պցել և գլխարկը հանած ցածր ծիծաղում էր, գլխի մազերը հարթելով: Եգորը արմունկները բազմոցին հենելով վեր կացավ, կոկորդը մաքրեց՝ գլխով անելով.

— Համեցե՛ք...

Լայն ժպտալով Նիկոլայը մոտեցավ մորը, բռնեց նրա ձեռքը:

— Եթե ես քեզ չտեսնեի, գուցե էլի բանտ վերադառնայի: Քաղաքում ոչ ոքի չեմ ճանաչում, իսկ ավանը գնայի՝ իսկույն կրռնեին: Գնում եմ ու միտք եմ անում. հիմա՛ր, ինչո՞ւ փախար: Հանկարծ տեսնեմ՝ Նի՛լովնան վազում է: Ես էլ քո հետևից եկա...

— Դու ի՞նչպես փախար,— հարցրեց մայրը:

Վեսովշչիկովն անհամարձակ նստեց բազմոցի ծայրին և առերը շփոթված կծկելով ասաց.

— Դեպքն այդպես բերեց: Ես զբոսնում էի, իսկ քրեականներն սկսեցին վերակացուին ծեծել: Այնտեղ մեկը կա, գողութեան համար ժանդարմութունից դուրս են արել, լրտեսում է, լուր է տալիս, ոչ ոքի չի թողնում ապրել: Քրեականները ծեծում էին նրան, իրարանցում ընկավ, վերակացուները վախեցան, սկսեցին վազվզել, սուլել: Ես տեսա, որ դարպասը բաց է, երևում են հրապարակը, քաղաքը: Եվ դուրս եկա առանց շտապելու... Կարծես երազումս էր: Մի քիչ հեռացա, ուշքի եկա, մտածեցի՝ ո՛ւր գնամ: Մտիկ տվի, տեսա բանտի դարպասը արդեն փակված է:

— Հը՛մ,— ասաց Եգորը,— իսկ դուք, պարո՞ն, լավ կլինե՞ր՝ վերադառնայիք, դուռը քաղաքավարի խփե՛ք և խնդրե՛ք, որ

ներս թողնեն ձեզ: Ներողութիւն, կասեիք, ես մի քիչ հրապուր-  
վել էի...

— Այո, — բժժիծադով շարունակեց Նիկոլայը, — սա հիմա-  
րութիւնն է: Է՛հ, այնուամենայնիվ, ընկերներին հետ լավ շփար-  
վեցի, ոչ ոքի բան չասացի... Գալիս տեսնում եմ՝ ննջեցյալ են  
տանում, մի երեխա: Գնացի դագաղի հետևից գլուխս կախ, չեմ  
նայում ոչ ոքի: Գերեզմանատանը մի քիչ նստեցի, օդ կպավ  
ինձ, և գլխումս մի միտք ծագեց...

— Հենց մի՞, — հարցրեց Եգորը և հառաչելով ավելացրեց. —  
ես կարծում եմ՝ գլուխդ նեղ չի լինի դրա համար...

Վեստվշիկովը առանց վիրավորվելու ծիծաղեց գլուխը թափ  
տալով:

— Է՛, հիմա գլուխս այնպես դատարկ չի, ինչպես առաջ  
էր: Իսկ դու, Եգոր՝ Իվանովիչ, դեռ հիվա՞նդ ես...

— Ամեն մարդ անում է այն, ինչ որ ձեռքից գալիս է, —  
պատասխանեց Եգորը թաց-թաց հազալով: — Շարունակի՛ր:

— Հետո գնացի գեմատոյի թանգարանը: Մի քիչ ման  
եկա, բայց ամբողջ ժամանակ մտածում էի՝ ի՞նչ անեմ, ո՞ւր  
գնամ հիմա: Մինչև անգամ վրաս բարկացա: Մաստիկ սոված  
էի: Դուրս եկա փողոց, ման եմ գալիս, վրդովվում եմ... Մեկ  
էլ տեսնեմ՝ ուտիկաններն ամենքին տնտղում են: Հը՛, մտածում  
եմ, ոեխս ինձ շատ շուտ կմատնի... Հանկարծ տեսնեմ Նիլով-  
նան դիմացս է վազում, ես մի կողմ անցա, հետո նրա հետևից  
բնկա, ահա՛ և բոլորը:

— Իսկ ես քեզ չեմ է՛լ նկատել, — քաշվելով ասաց մայրը:  
Նա զննում էր Վեստվշիկովին և թվում էր, թե Նիկոլայը կարծես  
թեթևացել է:

— Հիմա ընկերներս անհանգստանում են երևի... գլուխը  
քորելով ասաց Նիկոլայը:

— Իսկ իշխանավորներիդ չե՞ս խղճում: Չէ՞ որ նրանք էլ  
են անհանգստանում, — նկատեց Եգորը: Նա բերանը բաց արեց  
և սկսեց շրթունքներն այնպես շարժել, որ կարծես օդ էր ծա-  
մում: — Սակայն՝ կատակը մի կո՞ղմ: Պետք է քեզ թաքցնել, որը  
հեշտ բան չի, թեպետ և՛ հաճելի է: Եթե ես կարողանայի վեր  
կենա՞լ... — Նրա շունը կտրվեց, ձեռները նետեց կրծքին և թույլ  
շարժումներով սկսեց կուրծքը տրորել:

— Դու շատ հիվանդ ես, Եգոր՝ Իվանովիչ, — ասաց Նիկո-

լայը և գլուխը կախեց: Մայրը հառաչեց, աչքերն անհանդիսա  
ման ածեց փոքրիկ, նեղ սենյակում:

— Դա իմ անձնական գործն է, — պատասխանեց Եգորը: —  
Դուք, մայրի՛կ, հարցրեք Պավելի մասին, անտարբեր ձևանալու  
կարիք չկա:

Վեստվշիկովը խոր ժպտաց:

— Պավելը վատ չի: Առողջ է: Նա մի տեսակ ավագի պես  
բան է այնտեղ: Իշխանավորների հետ խոսում է և ընդհանրապես  
հրամանատարութիւնն է անում: Նրան հարգում են...

Վլասովան գլխով էր անում լսելով Վեստվշիկովի պատ-  
մածները և խեթ նայում էր Եգորի ուռած, կապտած դեմքին:  
Այդ դեմքն անշարժ սառած, արտահայտութիւնից զուրկ, տար-  
օրինակ տափակ էր թվում, և նրա վրա աչքերն էին միայն աշ-  
խույժ և ուրախ պսպղում:

— Ուտելու բան տայիք, լավ կլիներ, աստված վկա, շատ  
քաղցած եմ, — անսպասելիորեն բացականչեց Նիկոլայը:

— Մայրի՛կ, դարակի վրա հաց կա, հետո գնացեք մի-  
ջանցքը, ձախ կողմի երկրորդ դուռը խփեք: Կբանա մի կին,  
նրան ասացեք, թող այստեղ գա և, ինչ ուտելիք որ ունի, բոլորը  
հետը բերի:

— Բոլորն ի՞նչ պիտի անենք, — բողոքեց Նիկոլայը:

— Մի՛ հուզվիր, շատ բան չկա...

Մայրը դուրս գնաց, խփեց դուռը և ներսի անդորրութիւնն  
ականջ դնելով՝ տխրութիւնով մտածեց Եգորի մասին:

«Մեռնում է...»

— Ո՞վ է, — հարցրին դուռն հետևից:

— Եգոր Իվանովիչի մոտից եմ եկել, — ցածր ձայնով  
ասաց մայրը: — Ձեզ խնդրում է գալ իր մոտ...

— Իսկույն կգա՞մ, — առանց դուռը բանալու պատասխա-  
նեցին նրան: Մայրը մի քիչ սպասեց և դուռը նորից խփեց: Այն  
ժամանակ դուռն արագ բացվեց, և միջանցք դուրս եկավ մի  
բարձրահասակ, ակնոցավոր կին: Շտապ ուղղելով փոքրիկ կոֆ-  
տայի ճմրթված թևքը, խոտութիւնով հարցրեց մորը:

— Դուք ի՞նչ եք ուզում:

— Ես Եգոր Իվանովիչի մոտից եմ եկել...

— Հա՛: Գնանք: Օ՛, ես ձեզ ճանաչում եմ, — կամաց բա-  
ցականչեց կինը: — Բարև՝ ձեզ: Մութ է այստեղ...

Վլասովան նայեց նրան և հիշեց, որ նա երբեմն Նիկոլայի մոտ էր գալիս:

«Բոլորը մերոնք են»,— անցավ մոր մտքով:

Դեպի Վլասովան գալով՝ կինն ստիպեց նրան առաջ գնալ, իսկ ինքը հետևից գալով հարցրեց.

— Նա իրեն վա՞տ է զգում:

— Այո, պառկած է: Ձեզ խնդրեց ուտելիք տանել...

— Է՛, դա ավելորդ է...

Երբ նրանք մտնում էին Եզոբի սենյակը, նրանց դիմավորեց նրա խոռոցը.

— Նախահայրերիս մոտ եմ ուղևորվում, բարեկա՛մս: Լյուդմիլա Վասիլենա, այս մարդը բանտից հեռացել է առանց իշխանության թույլտվության, հանդո՛ւզն է: Ամենից առաջ կերակրե՛ք նրան, ապա թաքցրե՛ք որևէ տեղ:

Կինը գլխով արեց և, ուշադրությամբ նայելով հիվանդի դեմքին, խստությամբ ասաց.

— Դուք, Եզո՛ր, պետք է իսկո՛ւյն ուղարկեիք հետևիցս, հենց որ ձեզ մոտ էին եկել: Եվ դուք, տեսնում եմ, երկու անգամ է դեղ չեք խմել, դա ի՞նչ անփութություն է: Ընկերնե՛ր, եկեք ինձ մոտ: Հիմա հիվանդանոցից այստեղ կգան Եզոբի հետևից:

— Այնուամենայնիվ, ինձ հիվանդանո՞ց եք ուղարկում,— հարցրեց Եզոբը:

— Այո: Այնտեղ ես ձեզ հետ կլինեմ:

— Այնտե՞ղ էլ: Օ՛, տե՛ր աստված:

— Հիմարություն մի՛ անեք...

Խոսելով կինն ուղղեց վերմակը Եզոբի կրծքին, ուշի-ուշով գննեց Նիկոլային, աչքերով շփեց սրվակի դեղը: Նա խոսում էր միալար, կամաց, նրա շարժումները սահուն էին, դեմքը դժգույն, մուգ հոնքերը գրեթե իրար էին միանում քթարմատից վեր: Նրա դեմքը դուր չէր գալիս մորը, նա գոռոզ էր թվում, իսկ աչքերը նայում էին առանց ժպտալու, անփայլ: Եվ այնպես էր խոսում, կարծես հրամայում էր:

— Մենք գնա՛նք,— շարունակեց նա:— Ես շո՛տով կվերադառնամ: Դուք Եզոբին մի հացի գդալով ա՛յ սրանից տվեք: Թույլ չտաք նրան խոսել...

Եվ նա գնաց, Նիկոլային հետը տանելով:

— Հրաշալի՛ կին է,— ասաց Եզոբը հառաչելով:— Սքանչե-

լի կին է... Մայրիկ, ձեզ պետք է նրա մոտ գործի դնել, նա շատ է հոգնում...

— Այդքան մի՛ խոսիր: Ա՛ռ, խմի՛ր՝ ավելի լավ է...— մեղմորեն խնդրեց մայրը:

Եզոբը կուլ տվեց դեղը և մի աչքը կկոցելով շարունակեց.

— Լռեմ էլ, միևնույն է, մեռնելու եմ...

Մյուս աչքով նա նայում էր մոր դեմքին, շրթունքները դանդաղ շարժվում էին ժպտալու համար: Մայրը գլուխը կախեց, խղճահարություն սուր զգացմունքը նրա մեջ արցունքներ էր հարուցանում:

— Ոչի՛նչ, դա բնական է... Ապրելու հաճույքն իր հետևից մեռնելու պարտականություն է բերում...

Մայրը ձեռքը դրեց նրա գլխին և նորից կամաց ասաց.

— Սո՛ւս արա, է՛...

Եզոբն աչքերը փակեց, կարծես իր կրծքի խոռոցներին ականջ դնելով, և համառությամբ շարունակեց.

— Լռելը միտք չունի, մայրի՛կ: Լռությամբ ի՛նչ պիտի շահեմ: Շոգեվարքի մի քանի վայրկյաններ, բայց կկորցնեմ լավ մարդու հետ խոսակցելու բավականությունը: Ես կարծում եմ, որ մյուս աշխարհում այնպիսի լավ մարդիկ չկան, ինչպես այս աշխարհում...

Մայրն անհանգստությամբ ընդհատեց նրա խոսքը.

— Ահա կգա նա, խանութը, և ինձ կհայհոյի, որ դու խոսում ես...

— Նա խանութ չի, այլ ուսուցիչներ է, ընկեր է, հրաշալի հոգի է: Նա ձեզ անպայման հայհոյելու է, մայրի՛կ: Բոլորին է հայհոյում, միշտ...

Եվ դանդաղ, շրթունքները դժվարությամբ շարժելով, Եզոբն սկսեց պատմել իր հարևանուհու կյանքի պատմությունը: Նրա աչքերը ժպտում էին, մայրը տեսնում էր, որ նա դիտմամբ հակառակվում է իրեն, և նայելով նրա դեմքին, որ ծածկված էր թաց կապտությամբ, անհանգիստ մտածում էր.

«Կմեռնի...»

Ներս մտավ Լյուդմիլան, դուռը հետևից խնամքով ծածկեց, և Վլասովային դիմելով ասաց.

— Անհրաժեշտ է, որ ձեր ծանոթն զգեստը փոխի և որքան կարելի է շուտ հեռանա իմ մոտից. ուրեմն դուք, Պելագե՛յա Նիլովնա, իսկույն եեթ գնացեք, նրա համար զգեստ ճարեք և

բոլորն այստեղ բերեք: Ափսոս, Սոֆյան այստեղ չի, դա նրա մասնագիտութիւնն է, մարդկանց թաքցնելը:

— Նա վաղը գալու է,— նկատեց Վլասովան գլխաշորը ուսերին գցելով:

Ամեն անգամ, երբ մորը որևէ հանձնարարութիւն էին անում, նա սաստիկ ցանկութիւն էր զգում արագ և լավ կատարել այդ գործը, և արդեն շէր կարողանում ոչ մի բանի մասին մտածել, բացի իր անելիքից: Եվ այժմ նոթերը մտահոգված կիտելով՝ գործնականորեն հարցրեց.

— Դուք ի՞նչ շոր եք ուզում հագցնել նրան:

— Միևնո՛ւյնն է: Նա գիշերն է գնալու...

— Գիշերն ավելի վատ է, փողոցներում ավելի՛ քիչ մարդ կա, ավելի շատ են հետևում, իսկ նա շատ էլ ճարպիկ չի... Եզորը խոպոտ ծիծաղեց:

— Իսկ կարելի՞ է գալ հիվանդանոց քեզ մոտ,— հարցրեց մայրը:

Եզորը հազալով գլխով արեց. կյուղմիլան սև աչքերով նայեց մոր երեսին և առաջարկեց.

— Ուզում եք նրա մոտ հերթապահութիւն անել ինձ հետ: Այո՞: Լա՛վ: Իսկ հիմա շո՛ւտ գնացեք...

Միրալիբ, բայց հրամայողաբար մորը թևանցուկ անելով գոնից դուրս բերեց և այնտեղ կամաց ասաց.

— Մի՛ վիրավորվեք, որ ես ձեզ դուրս եմ բերում: Բայց նրա համար խոսելը վտանգավոր է... Իսկ ես հուշս ունեմ...

Նա բունցքները սեղմեց, մատները ճոճոացին, իսկ արտեանունքները հոգնած իջան աչքերի վրա...

Այդ բացատրութիւնը շփոթեցրեց մորը, և նա մրմնջաց.

— Այդ ի՞նչ եք ասում:

— Նայեցե՛ք տեսեք, լրտեսներ չկա՞ն,— կամաց ասաց կյուղմիլան: Ձեռքերը դեմքին դնելով նա տրորեց քունքերը, շրթունքները ցնցվում էին, դեմքը մեղմացել էր:

— Գիտե՞մ... — պատասխանեց նրան մայրը ոչ առանց հպարտութիւն:

Դարպասից դուրս գալով, նա մի բոպե կանգ առավ գլխաշորն ուղղելով և աննկատելիորեն, բայց ուշի-ուշով շուրջը նայեց: Նա արդեն կարողանում էր գրեթե անսխալ ճանաչել լրտեսին փողոցի ամբոխի մեջ: Նրան լավ ծանոթ էին քայլվածքի շեշտվող անփութութիւնը, ձեռքի շարժումների բռնազրոսիկ

համարձակութիւնը, հոգնածութիւն և ձանձրութի արտահայտութիւնը դեմքի վրա և այդ բոլորի հետևում վատ թաքցրված՝ անհանգիստ, անախորժ սուր աչքերի վախուկ, հանցավոր կայծկլտումը:

Այս անգամ մայրն այդ ծանոթ դեմքը չնկատեց և առանց շտապելու գնաց փողոցով, իսկ հետո կառք վարձեց և հրամայեց շուկա տանել իրեն: Նիկոլայի համար զգեստ գնելիս նա խիստ սակարկում էր վաճառողների հետ և ի միջի այլոց հայհոյում իր հարբեցող մարդուն, որի համար գրեթե սմեն ամիս ստիպված է լինում նոր զգեստ գնել: Այդ հնարքը քիչ էր ազդում վաճառականների վրա, բայց շատ դուր էր գալիս իրեն՝ մորը: Ծանապարհին նա կռահել էր, որ ոստիկանութիւնն անշուշտ կհասկանա Նիկոլայի զգեստ փոխելու անհրաժեշտութիւնը և խուզարկուներ կուղարկի շուկա: Նույնպիսի միամիտ նախազգուշութիւններով էլ նա վերադարձավ Եզորի բնակարանը, ապա հարկ եղավ, որ նա ուղեկցի Նիկոլային քաղաքի ծայրամասը: Ինքը փողոցի մի կողմից էր գնում, Նիկոլայը՝ մյուս, և իր համար ծիծաղելի և հաճելի էր տեսնել, թե Վեսովշիկովին ինչպե՞ս ծանր էր քայլում՝ գլխիկոր և ոտներն իրար փաթաթելով կարմրաշեկ վերարկուի երկար փեշերի մեջ, և ինչպե՞ս էր ուղղում քթի վրա ընկնող գլխարկը: Ամայի փողոցներից մեկում նրանց դիմավորեց Սաշինկան, և մայրը գլխի շարժումով հրաժեշտ տալով Վեսովշիկովին՝ տուն գնաց:

«Իսկ Պաշան նստած է... Անդրյուշան էլ...», — տխուր մտածում էր նա:

X

Նիկոլայը մորը դիմավորեց անհանգիստ բացականչությամբ.

— Գիտե՞ք, Եզորը շա՛տ վատ է, շա՛տ: Նրան տարել են հիվանդանոց, այստեղ էր կյուղմիլան, նա խնդրում է ձեզ գնալ այնտեղ իր մոտ...

— Հիվանդանո՞ց:

Ակնոցը ներվային շարժումով ուղղելով՝ Նիկոլայը մորն օգնեց կոֆտան հագնել և շոր, տաք ձեռքով նրա ձեռքը սեղմելով՝ ցնցվող ձայնով ասաց.

— Հա՛: Վերցրե՛ք ահա այս կապոցը: Վեսովշիկովին տեղավորեցի՞ք:

— Ամեն բան լավ է...

— Ես էլ կգամ Եգորի մոտ...

Հոգնածութիւնից մոր գլուխը պտտւում էր, իսկ Նիկոլայի անհանգիստ տրամադրութիւնը նրա մեջ ողբերգութեան թախ-  
ծալի նախազգացում առաջացրեց:

«Մեռնում է»,— մոր գլխում բութ կերպով զարկում էր այդ  
մտայլ միտքը:

Բայց երբ նա եկավ հիվանդանոցի փոքրիկ, մաքուր ու լու-  
սավոր սենյակը և տեսավ, որ Եգորը մահճակալի վրա բարձերի  
սպիտակ կուլտի մեջ նստած խոպոտ ձայնով քրքշում է, դա  
միանգամից հանգստացրեց մորը: Նա ժպտալով կանգնեց շեմ-  
քում և սկսեց ականջ դնել, թե հիվանդն ինչպես էր բժշկին  
ասում:

— Բուժումը՝ դա չեմ քորմ է...

— Խեղկատակութիւն մի՛ անիր, Եգոր,— բարակ ձայնով  
մտահոգ բացականչեց բժիշկը:

— Իսկ ես ունայնութիւններ հմ, ատում են չեմ քորմները...

Բժիշկն զգուշորեն ձեռքը դրեց Եգորի ծնկին, աթոռից վեր  
կացավ և մտախոհ, մորուքը ձգելով, սկսեց մատներով շոշա-  
փել հիվանդի դեմքի ուռուցյունները:

Մայրը լավ էր ճանաչում բժշկին. նա Նիկոլայի մոտ ընկեր-  
ներից մեկն էր, նրան անվանում էին Իվան Գանիլովիչ: Մայրը  
մոտեցավ Եգորին, որը լեզուն հանելով դիմավորեց նրան:  
Բժիշկը ետ նայեց:

— Հա՛, Նիկոլայն է: Բարև՝ ձեզ: Ձեռքինդ ի՞նչ է:

— Գրքեր են երկի:

— Նրան կարդալ չի կարելի,— նկատեց փոքրահասակ  
բժիշկը:

— Նա ուզում է ինձ ապուշ դարձնել,— զանգատվեց Եգորը:

Կարճառոտ, ծանր հառաչներ էին դուրս մղվում Եգորի  
կրծքից թաց խոռոցով, նրա դեմքը պատած էր քրտինքի մանր  
կաթիլներով, և շհնազանդվող, ծանր ձեռները դանդաղորեն  
բարձրացնելով նա ափով սրբում էր ճակատը: Ուռած այտերի  
տարօրինակ անշարժութիւնն այլանդակում էր նրա լայն, բարի  
դեմքը, բոլոր դիմագծերը շքացել էին մեռելային դիմակի տակ  
և միմիայն ուռուցյունների մեջ խորասուզված աչքերն էին պայ-  
ծառ նայում ներողամիտ ժպիտով:

— Հե՛յ, գիտութիւն, ես հոգնել եմ, կարելի՞ է պառկել...—  
հարցրեց նա:

— Չի կարելի,— կարճ ասաց բժիշկը:

— Լավ, ես կպառկեմ, հենց որ դու գնաս...

— Դուք, Նիկոլայնա, թույլ չտա՛ք նրան պառկել: Բարձերն  
ուղղեցե՛ք: Եվ, խնդրում եմ, նրա հետ չխոսեք, նրա համար դա  
վնասակար է...

Մայրը գլխով արեց: Բժիշկը հեռացավ արագ, մանր քայլե-  
րով: Եգորը գլուխը ետ տարավ, աչքերը փակեց և այգպես սա-  
ռած մնաց, միայն նրա ձեռքի մատներն էին կամաց շարժվում:  
Փոքր սենյակի սպիտակ պատերից շոր ցուրտ, աղոտ տխրու-  
թիւն էր փչում: Մեծ պատուհանից նայում էին լորենիների  
զանգուր գազաթները, մուգ փողոտ սաղարթի մեջ փայլում էին  
դեղին բծեր՝ մոտալուտ աշնան սառը հպումները:

— Մահն ինձ մոտենում է դանդաղ, դժկամորեն...— առանց  
շարժվելու և առանց աչքերը բանալու ասաց Եգորը:— Երևում է,  
որ նա մի քիչ խղճում է ինձ, մտածելով, թե յուր գնացող տղա  
եմ եղել...

— Սուս արա, էլի՛, Եգոր Իվանովիչ,— խնդրեց մայրը նրա  
ձեռքը կամաց շոյելով:

— Սպասիր, սուս կանեմ...

Շնչասպառվելով, բռներն ուժով արտասանելով՝ Եգորը շա-  
րունակեց, խոսքն ընդհատելով տկարութեան երկար պառկա-  
ներով:

— Դա շատ լավ է, որ դուք մեզ հետ եք, հաճելի է տեսնել  
ձեր դեմքը: Ի՞նչ է լինելու ձեր վերջը, մտածում եմ ինքս ինձ  
ձեր մասին: Մարդ տխրում է մտածելով, որ ձեզ ևս, ինչպես բո-  
լորին, սպասում է բանտը և ամեն տեսակ խոզութիւն: Դուք  
բանտից չե՞ք վախենում:

— Ո՛չ,— պարզ պատասխանեց մայրը:

— Դեհ, իհարկե: Բայց և այնպես բանտը զգվելի բան է,  
բանտն է ինձ այսպես խեղանդամել, ա՛յ: Խղճով ասած, ես չեմ  
ուզում մեռնել...

«Գուցե շե՛ս մեռնելու դեռ»,— ուզում էր ասել մայրը, բայց  
նրա դեմքին նայելով լռեց:

— Ես դեռ կարող էի աշխատել... Բայց եթե աշխատել կա-  
րելի չլինի, էլ ապրելու բան չի մնա, ապրելը հիմարութիւն  
կլինի...

«Իրավացի է, բայց մխիթարական չէ»,— ակամա հիշեց  
մայրն Անդրեյի խոսքերը և ծանր հառաչեց: Նա օրվա ընթաց-

քում շատ էր հոգնել, քաղցած էր: Հիվանդի միալար, թաց շուն-  
ջը սենյակը լցնելով անզոր սողում էր հարթ պատերի վրայով,  
պատուհանից դուրս լորենիների ծայրերը նմանվում էին ցածր  
կախ ընկած թուխ ամպերի, և զարմանք էին պատճառում իրենց  
տրտմագին սևությամբ: Ամեն ինչ տարորեն մեռնում էր աղ-  
ջամուղջի անշարժության, գիշերվա թախծագին սպասման մեջ:

— Ի՞նչպես վատ եմ զգում ինձ,— ասաց Եգորը և աչքերը  
փակելով լռեց:

— Քնի՛ր,— խորհուրդ տվեց մայրը:— Գուցե, լավանաս:

Ապա ականջ դրեց նրա շնչառությանը, նայեց շուրջը, մի  
քանի բույսեր նստեց անշարժ, սառը տխրությամբ համակված, և  
ննջեց:

Դռան մոտ լսվող զգուշ քայլերի ձայնը արթնացրեց նրան.  
ցնցվելով նա տեսավ Եգորի բաց աչքերը:

— Քնել էի, ների՛ր...— կամաց ասաց մայրը:

— Դու էլ ների՛ր...— կրկնեց Եգորը նույնպես կամաց:

Պատուհանից նայում էր երեկոյան մթնշաղը, պղտոր ցուր-  
տը ճնշում էր մարդու աչքերը, ամեն ինչ տարորինակ կերպով  
աղոտացավ, հիվանդի դեմքը մթնեց:

Լսվեց խշխշոց և Լյուդմիլայի ձայնը:

— Նստել են մթության մեջ և շնջում են: Ո՞ւր է այստեղի  
լույսի կոճակը:

Հանկարծ ամբողջ սենյակը լցվեց սպիտակ, անհրապույր  
լույսով: Սենյակի կենտրոնում կանգնած էր Լյուդմիլան՝ ոտքից  
գլուխ սև, բարձրահասակ, ձգված:

Եգորը հանկարծ ցնցվեց ամբողջ մարմնով, ձեռքը բարձ-  
րացրեց դեպի կուրծքը:

— Ի՞նչ է,— ճշաց Լյուդմիլան վազելով դեպի նա:

Եգորը նայեց մորը կանգ առած աչքերով, և այժմ դրանք  
մեծ-մեծ և տարորինակ պայծառ էին թվում:

Բերանը լայն բացած՝ նա գլուխը վեր բարձրացրեց, իսկ  
ձեռքը մեկնեց առաջ: Մայրն զգուշությամբ բռնեց նրա ձեռքը և  
շունչը պահած՝ նայում էր Եգորի դեմքին: Եգորը պարանոցի  
ջղաձգային և ուժեղ շարժումով գլուխը ետ գցեց և բարձրաձայն  
ասաց.

— Չեմ կարող, վերջացած է...

Նրա մարմինը թեթև ցնցվեց, գլուխը տկար ընկավ ուսին,

և լայն բացված աչքերում անկյանք արտացոլվեց մահճակալի  
վերևը վառվող լամպի սառը լույսը:

— Սիրելի՛ս,— շնջաց մայրը:

Լյուդմիլան դանդաղ հեռացավ մահճակալից, կանգնեց  
պատուհանի մոտ և ինչ-որ տեղ նայելով՝ Վլասովային անծա-  
նոթ, անսովոր բարձր ձայնով ասաց.

— Մեռավ...

Նա կոացավ, արմունկները դրեց պատուհանի գոգին և  
հանկարծ, կարծես գլխին խփեցին, ուժաթափ ընկավ ծնկների  
վրա, դեմքը ծածկեց ձեռներով ու խուլ տնքաց:

Եգորի ծանր ձեռները կրծքին ծալելով, բարձի վրա ուղղե-  
լով տարորինակ կերպով ծանր գլուխը, մայրն արցունքները  
սրբելով մոտեցավ Լյուդմիլային, կոանալով կամաց շոյեց նրա  
խիտ մազերը: Լյուդմիլան դանդաղորեն դարձավ դեպի մայրը.  
նրա կաթնագույն աչքերը հիվանդագին լայնացել էին, նա ոտքի  
կանգնեց և զոզոջոջուն շրթունքներով շնջաց:

— Մենք միասին ենք ապրել աքսորում, միասին ենք գնա-  
ցել այնտեղ, միասին ենք բանտ նստել... Երբեմն անտանելի էր,  
զգվելի, շատերն էին հուսահատվում...

Չոր, բարձրաձայն հեկեկանքը սեղմեց նրա կոկորդը, նա  
հաղթահարեց այդ և իր դեմքը, որ մի քնքուշ, թախծալի զգաց-  
մունքով մեղմացել էր, և երիտասարդացրել էր նրան, մոր դեմ-  
քին մոտեցնելով շարունակեց արագ շնջալով, անարցունք հե-  
կեկալով:

— Իսկ նա միշտ անընկճելի ուրախ էր, կատակում էր, ծի-  
ծաղում, արիաբար թաքցնելով իր տառապանքները... աշխա-  
տում էր քաջալերել թույլերին: Բարի էր, զգայուն, սիրալիր...  
Այնտեղ, Սիրիում անգործությունն այլասերում է մարդկանց,  
հաճախ վատ զգացմունքներ է ծնեցնում, ի՞նչպես էր նա կա-  
րողանում պայքարել դրանց դեմ... Ի՞նչ ընկեր էր նա, եթե  
իմանալի՞ք: Մանր, տանջալից էր նրա անձնական կյանքը, բայց  
ոչ ոք նրանից զանգատ չէր լսել, ոչ ո՞ք, երբե՞ք: Ես նրա մտերիմ  
բարեկամն էի: Ես նրա սրտին շատ բան եմ պարտական, նա  
իր խելքից ինձ տվեց այն բուրդն, ինչ կարող էր, և միայնակ,  
հոգնատանջ, փոխարենը երբեք չէր խնդրում ոչ փաղաքշանք,  
ոչ ուշադրություն...

Նա մոտեցավ Եգորին, կոացավ և նրա ձեռքը համբուրելով՝  
թախծագին, կամացուկ ասաց.



— Ընկե՛ր, սիրելի՛ս, հոգյա՛կս, շնորհակալ եմ, շնորհակալ եմ, ամբողջ սրտով, գնաս բարո՛ւ։ Կաշխատեմ քեզ նման առանց հոգնելու, առանց կասկածների, ամբողջ կյանքումս... գնաս բարո՛ւ։

Հեկեկանքները ցնցեցին նրա մարմինը, և նա շնչասպառվելով գլուխը դրեց մահճակալին՝ Եգորի ոտների մոտ։ Մայրը լուռ լալիս էր առատ արցունք թափելով։ Նա՛ շիմանալով ինչու, աշխատում էր արտասուքը պահել, ուզում էր կյուղմիլային փաղաքշել մի առանձին, ուժգին զգվանքով, ուզում էր Եգորի մասին սիրո և տխրության լավ խոսքեր ասել։ Արցունքների միջով նա նայում էր Եգորի ուռած դեմքին, իջած արտևանունքներով նինջանման փակված աչքերին, կապտած, թեթև ժպիտը վրան սառած շրթունքներին։ Անդորր էր և տաղտուկ լույս...

Մտավ իվան Դանիլովիչը ինչպես միշտ շտապ, մանրիկ քայլերով, մտավ, հանկարծ սենյակի մեջտեղը կանգ առնելով և արագ շարժումով ձեռները գրպանները կոխելով՝ հարցրեց զղայնորեն և բարձր.

— Վաղո՞ւց է։

Նրան շատասխանեցին։ Նա ոտների վրա կամաց օրորվելով և ճակատը սրբելով մոտեցավ Եգորին, սեղմեց նրա ձեռքը և մի կողմ գնաց։

— Զարմանալի չէ. ունենալով այն սիրտը, որ նա ուներ, այս բանը պետք է պատահեր կես տարի առաջ... առնվազն...

Նրա բարձր, անտեղի-բարձր, բռնազբոսիկ-հանգիստ ձայնը հանկարծ կտրվեց։ Մեջքը պատին դեմ տալով՝ նա արագաշարժ մատներով մօրուքն էր ոլորում և աչքերը արագ-արագ թարթելով նայում էր մահճակալի մոտ կանգնած խմբին։

— Մե՛կը ևս,— ասաց նա կամաց։

Կյուղմիլան վեր կացավ, մոտեցավ պատուհանին, բաց արեց։ Մի ընկերացի հետո նրանք երեքով կանգնած էին լուսամուտի մոտ՝ իրար կիպ սեղմված և նայում էին աշնան գիշերվա մռայլ դեմքին։ Ծառերի սև գագաթներից վեր աստղերն էին փայլում՝ անվերջ խորացնելով երկնային հեռաստանը...

Կյուղմիլան բռնեց մոր թևի տակից և լուռ սեղմվեց նրա օւսին։ Բժիշկը գլուխը վար կախած՝ թաշկինակով ակնոցն էր սրբում։ Պատուհանից դուրս անդորրության մեջ՝ հոգնած հանդարտվում էր քաղաքի երեկոյան աղմուկը, ցուրտը փչում էր դեմքերին, շարժում գլուխների մազերը։ Կյուղմիլան ցնցվում

էր, նրա այտի վրայով հոսում էր արցունքը։ Հիվանդանոցի միջանցքում շարժվում էին տրորված, ահաբեկված, հնչյուններ, ոտների շտապ քստքստոց, տնքոցներ, թախծալի շշուռ։ Իսկ նրանք պատուհանի մոտ անշարժ կանգնած՝ նայում էին խավարի մեջ և լուռ էին։

Մայրն իրեն ափելորդ զգաց և ձեռքն զգուշորեն ազատելով, գնաց դեպի դուռը, Եգորին գլուխ տալով։

— Դուք գնո՞ւմ եք,— կամաց և առանց ետ նայելու հարցրեց բժիշկը։

— Այո...

Փողոցում մայրը մտածեց կյուղմիլայի մասին, հիշելով նրա ժլատ արցունքները.

«Լաց լինել էլ չի կարողանում...»

Եգորի մահանալուց առաջ ասած խոսքերը մոր մեջ ցածր հառաչանք առաջ բերին։ Փողոցում դանդաղ քայլերով նա հիշեց Եգորի աշխույժ աչքերը, նրա կատակները, կյանքի մասին պատմածները։

— Կա՛մ արդու համար ապրելն է դժվար, մեռնելը հեշտ է։ Տեսնես ե՞ս ինչպես եմ մեռնելու...

Ապա պատկերացրեց կյուղմիլային և բժշկին պատուհանի մոտ՝ սպիտակ, շափազանց լուսավոր սենյակում, նրանց հետևում՝ Եգորի մեռած աչքերը, և դեպի մարդիկ հոգեմաշ խրդճահարությամբ համակված խոր հառաչեց ու սկսեց ավելի արագ գնալ. մի աղոտ զգացմունք շտապեցնում էր նրան։

— Պետք է շտապե՛լ,— մտածում էր նա ենթարկվելով այն տխուր, բայց կայտառ ուժին, որ մեղմորեն հրում էր նրան ներսից։

Հետևյալ ամբողջ օրը մայրը անցկացրեց հոգսերի մեջ՝ թաղումը կազմակերպելով, իսկ երեկոյան, երբ նա, Նիկոլայը և Սոֆյան թե՛ չէին խմում, եկավ Սաշան տարօրինակ աղմկալի և աշխուժացած։ Նրա այտերը կարմրությունից վառվում էին, աչքերն ուրախ փայլում, և մորը թվում էր, թե նա ամբողջովին լցված էր մի ուրախ հույսով։ Նրա տրամադրությունը բուռն և շեշտակի ներխուժելով մեռածի մասին հիշողությունների տխուր ընթացքի մեջ և չժուլվելով նրան՝ շփոթեցրեց ամենքին և կու-

բացրեց, խավարի մեջ անսպասելիորեն բռնկված լույսի պես: Նիկիոյաբ մատը սեղանին խփելով մտախոհ ասաց.

— Այսօր դուք նման չեք ձեզ, Մաշա...

— Այո՞: Գուցե՞,— պատասխանեց Սաշենկան և ծիծաղեց երջանիկ:

Մայրը նայեց նրան լուռ հանդիմանությամբ, իսկ Սոֆյան հիշեցնող տոնով նկատեց.

— Իսկ մենք խոսում էինք Եզոբ Իվանովիչի մասին...

— Ի՞նչ հրաշալի մարդ էր, այնպես չէ՞,— բացականչեց Սաշան:— Ես նրան չեմ տեսել առանց ժպիտի, առանց կատակի: Եվ ի՞նչպես էր աշխատում: Դա ունեցուցիչի արվեստագետ էր, նա տիրապետում էր ունեցուցիչի մտքին, ինչպես մեծ վարպետ: Ի՞նչ պարզությամբ և ուժով էր նա նկարագրում միշտ ստի, բըռնության, կեղծիքի պատկերները:

Նա խոսում էր կամաց, աչքերի խոհուն ժպիտով, բայց այդ ժպիտը չէր հանգցնում նրա հայացքում ամենքին անհասկանալի, բայց և ամենքի համար պարզ տեսանելի ցնծության կրակը:

Նրանք չէին ցանկանում ընկերոջ համար ունեցած տխրու-  
թյան տրամադրությունը զիջել Սաշայի ներս բերած ուրախու-  
թյան զգացմունքին և անգիտակցորեն պաշտպանելով վշտով սնվելու իրենց տխուր իրավունքը, ակամայից աշխատում էին աղջկան ընդգրկել իրենց տրամադրության շրջանակի մեջ...

— Եվ ահա նա մեռավ,— Սաշայի վրա ուշադիր նայելով համառորեն ասաց Սոֆյան:

Սաշան բոլորին զննեց, արագ, հարցական հայացքով, նրա հոնքերը մոռայվեցին: Եվ գլուխը կախելով, մի փոքր լռեց, ձեռքի դանդաղ շարժումով մազերն ուղղելով:

— Մեռավ,— բարձրաձայն ասաց նա լուռությունից հետո, նորից բոլորի վրա գցելով իր գրգռիչ աչքերը:— Ի՞նչ է նշանա-  
կում մեռավ: Ի՞նչն է մեռել: Մի՞թե մեռել է իմ հարգանքը դեպի Եզոբը, իմ սերը դեպի նա, ընկերս, հիշողությունս նրա մտքի աշխատանքի մասին, մի՞թե մեռել է այդ աշխատանքը, չբացե՞լ են այն զգացմունքները, որ նա է առաջացրել իմ սրտում, փշրված է իմ պատկերացումը նրա մասին իբրև արի, ազնիվ մարդու: Մի՞թե այս ամենը մեռել է: Դա ինձ համար երբե՞ք չի մեռնի, ես գիտեմ: Ինձ թվում է, թե մենք չափից դուրս շտապում ենք մարդու մասին ասել՝ նա մեռավ: «Մեռած են նրա

շրթունքները, բայց խոսքը մշտնջենապես թող ապրի կենդանի սրտերում»:

Հուզված՝ նա նորից նստեց սեղանի մոտ, արմունկը հենեց սեղանին և ավելի կամաց, ավելի խոհուն շարունակեց՝ ժպտուն, մշուշված աչքերը հառած ընկերներին.

— Գուցե ես հիմար ձևով եմ խոսում, բայց ես հավատում եմ, ընկերներ, ազնիվ մարդկանց անմահությունը, նրանց ան-  
մահությունը, ովքեր ինձ երջանկություն են պարգևել ապրելու այն հիանալի կյանքով, որով ես եմ ապրում, որն ուրախագին հարբեցնում է ինձ իր զարմանալի բարդությամբ, երևույթների բազմազանությամբ և գաղափարների աճումով, որոնք սրտիս պես թանկագին են ինձ համար: Մենք գուցե չափազանց խնայող ենք մեր զգացմունքները գործադրելուց, շատ ենք մտքով ապրում, և դա մի քիչ աղճատում է մեզ, մենք զնահատում ենք, այլ ոչ թե զգում...

— Ձեզ մի լավ բա՞ն է պատահել,— հարցրեց Սոֆյան ժրպտալով:

— Այո՞,— գլխով անելով ասաց Սաշան:— Շատ լավ, ինձ թվում է: Ես ամբողջ գիշեր գրուցել եմ վե՛ստովչիկովի հետ: Ես առաջ նրան չէի սիրում, նա ինձ թվում էր կոպիտ և տգետ: Նա հենց այդպես էլ էր անկասկած: Նրա մեջ ապրում էր մի քա-  
րացած, մութ զայրույթ բոլորի դեմ, նա միշտ մի տեսակ սոս-  
կալի ծանր կերպով իրեն դնում էր ամեն բանի կենտրոնում և կոպիտ, գազազած ասում էր ե՛ս, ե՛ս, ե՛ս: Դրա մեջ կար ինչ-որ քաղթենիական, գրգռիչ բան...

Նա ժպտաց և նորից ամենքի վրա իր պսպղուն հայացքը գցեց:

— Հիմա նա ասում է՝ ընկերներ, եվ պետք է լսել, թե նա ի՞նչպես է ասում այդ բառը: Մի վարանոտ, քնքուշ սիրով, դա դժվար է բառերով արտահայտել: Դարձել է զարմանալի պարզ ու անկեղծ և ամբողջովին լցված է աշխատելու ցանկությամբ: Նա խելքը գլուխն է հավաքել, տեսնում է իր ուժը, գիտի, թե իրեն ի՞նչ բան է պակասում. որ գլխավորն է, նրա մեջ ծնվել է ճշմարիտ ընկերական զգացմունք...

Վլասովան լսում էր Սաշայի խոսքը և նրա համար հա-  
ճելի էր տեսնել այդ խստասիրտ աղջկան քնքաշացած, ուրախ: Բայց միևնույն ժամանակ նրա հոգու խորքում ինչ-որ տեղ ծըն-  
վում էր մի խանդոտ միտք.

«Իսկ Պա՛շան հասա...»

— Նա,— շարունակեց Սաշան,— ամբողջովին համակված է մտքերով ընկերների մասին, և գիտե՞ք ի՞նչ է ուզում ինձ համոզել. որ անհրաժեշտ է գլուխ բերել նրանց փախուստը, այո՛ւ։ Նա ասում է, թե դա շատ հասարակ և հեշտ բան է...

Սոֆյան գլուխը բարձրացրեց և աշխուժորեն ասաց.

— Իսկ դո՞ւք ինչ եք կարծում, Սա՛շա։ Դա լա՛վ միտք է։ Մոր ձեռքի թելի բաժակը դողդողաց, Սաշան հոնքերը կիտեց՝ գսպելով իր աշխուժությունը, մի փոքր լռեց և լուրջ ձայնով, բայց ուրախ ժպտալով, շփոթված ասաց.

— Եթե հիրավի ամեն ինչ այնպես է, ինչպես նա՛ է ասում, մենք պետք է փորձենք։ Դա մեր պարտականությունն է...

Նա կարմրեց, նստեց աթոռին, լռեց։

«Սիրելի՛ս, անուշի՛կս»,— ժպտալով մտածում էր մայրը։ Սոֆյան նույնպես ժպտաց. իսկ Նիկոլայը մեղմապին նայելով Սաշայի դեմքին՝ կամաց ծիծաղեց։ Այդ ժամանակ աղջիկը գլուխը բարձրացնելով՝ խստությունով նայեց բոլորի վրա և գունատվելով, աչքերը շողացնելով, շոր-շոր, վերավորված ձայնով ասաց.

— Դուք ծիծաղում եք, ես ձեզ հասկանում եմ... Դուք ինձ առանձնապես շահագրգռված եք համարում։

— Ինչո՞ւ, Սա՛շա,— խորամանկորեն հարցրեց Սոֆյան վեր կենալով և մոտենալով նրան։ Մորն այդ հարցը թվաց ավելորդ և աղջկա համար վիրավորական, նա հառաչեց և հոնքը բարձրացնելով հանդիմանությունով նայեց Սոֆյային։

— Բայց ես հրաժարվում եմ,— բացականչեց Սաշան։ Ես հարցի լուծմանը չեմ մասնակցի, եթե դա քննարկելու լինեք...

— Թողե՛ք, Սա՛շա,— հանգիստ ասաց Նիկոլայը։

Մայրը նույնպես մոտեցավ Սաշային և կոանալով՝ զգուշորեն նրա գլուխը շոյեց։ Սաշան բռնեց մոր ձեռքը և կարմրած դեմքը դեպի վեր դարձնելով՝ շփոթված նայեց նրա երեսին։ Մայրը ժպտաց և Սաշային ասելու բան չգտնելով՝ տխուր հոգոց հանեց։ Իսկ Սոֆյան նստեց աթոռին, Սաշայի կողքին, գրկեց նրա ուսերը և հետաքրքրության ժպիտը դեմքին՝ նրա աչքերի մեջ նայելով ասաց.

— Դուք տարօրինակ աղջիկ եք...

— Այո, ես կարծեմ հիմարություն արի...

— Դուք ի՞նչպես կարողացաք կարծել, որ...— շարունակեց

Սոֆյան։ Բայց Նիկոլայը գործնականորեն և լուրջ կերպով ընդհատեց նրան.

— Փախուստ կազմակերպելու մասին, եթե դա հնարավոր է, երկու կարծիք լինել չի կարող։ Ամենից առաջ մենք պետք է գիտենանք՝ այդ բանն ուզո՞ւմ են արդյոք բանտարկված ընկերները...

Սաշան գլուխը կախեց։

Սոֆյան ծխախոտը վառելով նայեց եղբորը և ձեռքի լայն շարժումով լուցկին նետեց մի անկյուն։

— Ի՞նչպես թե նրանք չեն ուզենա,— հառաչելով ասաց մայրը։— Միայն թե ես չեմ հավատում, որ դա կարելի բան է..

Բոլորը լուռ էին, իսկ մայրն ա՛յնպես էր ցանկանում դեռ լսել փախուստի հնարավորության մասին։

— Ես պետք է տեսնվեմ Վեսովշիկովի հետ,— ասաց Սոֆյան։

— Վաղը ես ձեզ կասեմ, թե երբ և որտեղ կարելի է,— կամաց պատասխանեց Սաշան։

— Նա ի՞նչ է անելու,— հարցրեց Սոֆյան սենյակում շրջելով։

— Որոշել են նրան գրաշար դարձնել նոր տպարանում։ Իսկ մինչև այդ անտառապահի մոտ է ապրելու։

Սաշայի հոնքերը մռայլվեցին, դեմքն ստացավ սովորական խիստ արտահայտությունը, իսկ ձայնը շոր էր հնչում։ Նիկոլայը մոտեցավ մորը, որ գավաթներն էր լվանում, և ասաց նրան.

— Դուք վաղը չէ մյուս օրը տեսակցության եք գնում, հարկավոր է Պավելին մի թուղթ հանձնել։ Հասկանո՞ւմ եք, հարկավոր է իմանալ...

— Ես հասկանում եմ, հասկանո՞ւմ եմ,— շտապ արձագանքեց մայրը։— Ես կհանձնեմ, կկարողանամ։

— Ես գնում եմ,— հայտնեց Սաշան և արագ, լուռ սեղմելով բոլորի ձեռքը, ինչ-որ մի տեսակ հաստատուն քայլերով հեռացավ շիտակ ու շոր-շոր։

Սոֆյան ձեռները դրեց մոր ուսերին և նրան աթոռի վրա օրորելով՝ ժպտալով հարցրեց.

— Նի՛լովնա, դուք կսիրեի՞ք, եթե այսպիսի աղջիկ ունենայիք...

— Օ, տե՛ր աստված։ Թեկուզ մե՛կ օր միայն տեսնեի նրանց միասին,— բացականչեց Վլասովան՝ լալու պատրաստ։

— Այո, մի փոքր երջանկութիւն, դա լավ է ամենքի համար էլ, — ցածրաձայն նկատեց Նիկոլայը: — Բայց մարդ չկա, որ քիչ երջանկութիւն ցանկանա: Իսկ երբ երջանկութիւնը շատ է, էժան է...

Սոֆյան նստեց դաշնամուրի առջև և սկսեց մի տխուր բան նվագել:

## XII

Մյուս օրն առավոտյան մի քանի տասնյակ տղամարդիկ և կանայք կանգնած էին հիվանդանոցի դարպասի մոտ՝ սպասելով, թե ե՛րբ փողոց դուրս կբերեն իրենց ընկերոջ դագաղը: Նրանց շուրջն զգուշ պտտվում էին լրտեսները՝ նրբազգաց ականջներով որսալով այս կամ այն բացականչությունը, միտները պահելով դեմքեր, շարժուձևեր և բառեր, իսկ փողոցի մյուս կողմից նրանց նայում էր ատրճանակները կողքերից կապած ոստիկանների մի խումբ: Լրտեսների լկտիությունը, ոստիկանության ծաղրական ժպիտները և իր ուժը ցույց տալու նրա պատրաստակամությունը գրգռում էին բազմությունը: Ոմանք իրենց վրդովմունքը զսպելով՝ կատակում էին, ուրիշները գետին էին նայում մոռյլ հայացքով՝ աշխատելով չնկատել վիրավորականը, երրորդները զայրույթը չզսպելով՝ հեզնորեն ծիծաղում էին իշխանության վրա, որը վախենում է լոկ խոսքերով զինված մարդկանցից: Աշնան դժգույն-կապույտ երկինքը նայում էր փողոցին, որ սալահատակված էր կլոր, մոխրագույն քարերով, ծածկված դեղին սաղարթներով և քամին տերևներն ավելելով՝ նետում էր մարդկանց ոտների տակ:

Մայրը կանգնած էր բազմության մեջ և ծանոթ դեմքերը դիտելով՝ տխրութեամբ մտածում էր.

«Քիչ եք դուք, քիչ: Իսկ բանվոր ժողովուրդ չկա գրեթե...»

Դարպասը բացվեց, փողոց դուրս բերին դագաղի կափարիչը՝ կարմիր ժապավեններ կրող պսակներով: Մարդիկ միահամուռ հանեցին գլխարկները, կարծես սև թռչունների երամ թռավ նրանց գլուխների վրայից: Մի բարձրահասակ ոստիկանական սպա, կարմիր դեմքին խիտ, սև ընչացքներ, արագ մտավ ամբողջի մեջ, նրա հետևից առանց քաշվելու մարդկանց դեսուդեն հրելով քայլում էին զինվորները՝ ծանր կոշիկներով բարձրա-

ձայն թխկացնելով քարերի վրա: Խուլոտ, հրամայողական ձայնով սպան ասաց.

— Խնդրեմ, ժապավենները հանե՛լ:

Նրան կիպ շրջապատեցին տղամարդիկ և կանայք, ինչ-որ բան էին ասում, ձեռքները դեսուդեն շարժելով, վրդովվելով, իրար հրելով: Մոր աչքերի առջև երևում-չբանում էին գունատ, հուզված դեմքեր դողողուն շրթունքներով, մի կնոջ դեմքի վրա գլորվում էին վիրավորանքի արցունքներ...

— Կորչի՛ բռնությունը, — գուչեց մի երիտասարդ ձայն և միայնակ կորավ վիճաբանության աղմուկի մեջ:

Մայրը ևս դառնություն զգաց սրտում և դիմելով իր հարևանին, որ աղքատիկ հագնված մի երիտասարդ էր, վրդովված ասաց.

— Չեն էլ թողնում մարդուն թաղել այնպես, ինչպես ընկերներն են ուզում, սա ի՛նչ բան է:

Թշնամությունն աճում էր, մարդկանց գլուխներից վեր ճոճվում էր դագաղի կափարիչը, քամին խաղացնում էր ժապավենները, գլուխներին ու դեմքերին փաթաթելով, լսելի էր մետաքսի շոր և ներվային շփշփոցը:

Մորը համակեց հնարավոր ընդհարման երկյուղը, նա շտապ-շտապ և ցածրաձայն ասում էր աջ ու ձախ.

— Աստվա՛ծ նրանց հետ, քանի որ այդպես են ուզում, թո՛ղ ժապավենները հանեն: Թող զիջե՛ն, էլ ճար չկա՛:

Մի բարձր և սուր ձայն է հնչում՝ աղմուկը խլացնելով.

— Մենք պահանջում ենք, որ մեզ լիանգարեք վերջին անգամ ճանապարհ դնելու ձեր տանջած մարդուն...

Մեկը բարձր և բարակ ձայնով երգել սկսեց.

Դուք զոհ գնացիք պաշարում:

— Խնդրում եմ, հանե՛լ ժապավենները: Յա՛կովյե, կտրի՛ր:

Դուրս հանվող թրի շաշյուն լավեց: Մայրն աչքերը փակեց՝ սպասելով ճիշի: Բայց լռություն տիրեց, մարդիկ տրտնջում էին, իրար հետ կովում հետապնդվող գայլերի պես: Ապա լուռ, գլուխը խոր կախ զցած, նրանք առաջ շարժվեցին քայլերի թրստթրստոցով լցնելով փողոցը:

Առջևում օդի մեջ լողում էր դագաղի թալանված կափարիչը տրորված պսակներով, և կողքից կողք տարուբերվելով, գնում էին ձիավոր ոստիկանները: Մայրը գնում էր մայթով, նա դա-

գաղը շէր տեսնում իրեն շրջապատած խիտ բազմութեան մեջ, որն աննկատելիորեն աճեց և լցրեց փողոցի ամբողջ լայնքը: Բազմութեան հետևից նույնպես հեծյալների գորշ կերպարանքներ էին բարձր երևում, կողքերից քայլում էր հետևակ ոստիկանությունը ձեռքները թրերին դրած, և ամենուրեք նկատվում էին մորը ծանոթ լրտեսների սուր աչքերը, որոնք ուշի-ուշով մարդկանց դեմքերն էին շոշափում:

Հրածեշտ քեզ, մեր ընկեր, հրածեշտ...

տխուր երգել սկսեցին երկու գեղեցիկ ձայներ:

— Պետք չի,— հնչեց մի գոչում:— Լուռ մնանք, պարոններ:

Այդ գոչումն է մեջ կար մի խիտ, ազդեցիկ բան: Տխուր երգն ընդհատվեց, խոսակցությունն ավելի կամաց դարձավ, և միայն քարերի վրա ոտների ամուր հարվածներն էին լցնում փողոցները խուլ, համաշափ հնչյունով: Այդ հնչյունը բարձրանում էր մարդկանց գլուխներից վեր՝ լողալով թափանցիկ երկնքի մեջ, և օդը ցնցում էր դեռ հեռու ամպրոպի առաջին որոտի արձագանքի պես: Սառը քամին ավելի ու ավելի սաստկանալով՝ թշնամաբար մարդկանց դեմ էր տանում քաղաքի փողոցների փողին ու աղբը, փչելով բարձրացնում մարդկանց զգեստներն ու մազերը, աչքները կուրացնում, կրծքներին խփում, խճճվում ոտքերի արանքում...

Այդ լուռումունջ թաղումն առանց քահանաների և հոգեմաշ երգեցողության, մտախոհ դեմքերը, կիտած հոնքերը ահի զգացմունք էին հարուցում մոր մեջ, իսկ նրա միտքը դանդաղ պտրտվելով՝ տպավորություններն զգեստավորում էր տխուր բառերով.

«Քի՛չ եք դուք, որ ճշմարտության կողմն եք...»

Նա քայլում էր գլխահակ, և նրան թվում էր, թե թաղում են ոչ թե Եգորին, այլ մի ուրիշ, սովորական, իրեն հարազատ և հարկավոր բան: Նա թախծում էր, իրեն լավ չէր զգում: Նրա սիրտը լցվում էր Եգորին ուղեկցող մարդկանց հետ անհամաձայն լինելու մի խորոզբորոզ, անհանգիստ զգացմունքով:

«Անշուշտ,— մտածում էր նա,— Եգորուչկան աստծուն չէր հավատում, և սրանք բոլորն էլ...»

Բայց չէր ուզում ավարտել իր միտքը և հառաչում էր՝ կամենալով ծանրությունը վայր գլորել իր հոգու վրայից:

«Ո՞վ տեր աստված, տեր Հիսուս Քրիստոս: Մի՞թե ի՛նձ էլ են այսպես...»

Հասան գերեզմանատուն և այնտեղ երկար ժամանակ պտտվում էին շիրիմների մեջ նեղ շավիղներով, մինչև որ դուրս եկան մի բաց տարածություն, ուր ցածրադիր սպիտակ խաչեր էին սփռված: Խոնավեցին գերեզմանի շուրջը և լռեցին: Շիրիմների մեջ կենդանի մարդկանց խիտ լուսթյունը մի ինչ-որ սարսափելի բան էր խոստանում, որից մոր սիրտը ցնցվեց և քարացավ սպասողության մեջ: Խաչերի արանքում սուլում ու ոռնում էր քամին, դազաղի կափարիչի վրա տխուր դողդողում էին ճմլված ծաղիկները...

Ոստիկանությունն ուշադրությունը լարեց, շտկվեց՝ իր պետին նայելով: Գերեզմանի գլխին կանգնեց մի բարձրահասակ երիտասարդ, անգլխարկ, երկար մազերով, մրահոն, դժգույն: Հենց այդ նույն ժամանակ էլ հնչեց ոստիկանապետի խոսքը.

— Պարոններ...

— Ընկերներ,— բարձրաձայն և զիլ սկսեց մրահոնը:

— Թո՛ւյլ տվեք,— գոչեց ոստիկանը:— Հայտարարում եմ, որ շեմ կարող ճառեր թույլ տալ...

— Ես միայն մի քանի խոսք կասեմ,— հանգիստ հայտնեց երիտասարդը:— Ընկերներ, Մեր ուսուցչի և բարեկամի շիրիմի վրա եկեք երդվե՛նք, որ երբեք չենք մոռանա նրա ավանդները, որ մեզնից յուրաքանչյուրն ամբողջ կյանքում անդուլ կփորի՛ մեր հայրենիքի բոլոր թշվառությունների աղբյուրի, նրան կեղեքող շար ուժի՛ ինքնակալության գերեզմանը:

— Ձերբակալե՛լ,— գոռաց ոստիկանը, բայց նրա ձայնը խեղդվեց աղաղակների աններդաշնակ պայթյունի մեջ:

— Կորչի՛ ինքնակալությունը:

Ամբոխին հրհրելով ոստիկանները նետվեցին դեպի հեռորդը, իսկ նա ամեն կողմից խիտ շրջապատված, գոչում էր՝ ձեռքը թափ տալով.

— Կեցցե՛ ազատությունը:

Մորը հրեցին մի կողմ, այնտեղ նա առուղղի մեջ հենվեց մի խաչի և հարվածի սպասելով աչքերը փակեց: Աններդաշնակ հնչյունների կատաղի մորիկը նրան խլացնում էր, հողը տատանվում էր ոտների տակ, քամին և երկյուղը դժվարացնում էին շընչառությունը: Օդի մեջ անհանգիստ թռչում էին ոստիկանների

սուլոցները, լսվում էր մի կոպիտ, հրամայող ձայն, ջղաձգորեն աղաղակում էին կանայք, ճոնշում էին ցանկապատերի փայտերը, և խուլ հնչում էր ոտքերի ծանր դոփշունը շոր հողի վրա: Գա երկար տեկց, և մոր համար աչքերը փակ կանգնելն անտանելի ահավոր դարձավ:

Մայրը նայեց և աղաղակելով առաջ նետվեց՝ ձեռները մեկնած: Նրանից ոչ հեռու նեղ շավղում շիրիմների մեջ ոստիկանները երկարամազ մարդուն շրջապատած՝ ետ էին մղում ամեն կողմից իրենց վրա հարձակվող ամբոխին: Օղի մեջ սպիտակին տալով, սառը ցուցում էին մերկացված թրերը՝ գլուխներից վեր թռչելով և արագ ցած իջնելով: Երևում ու շքանում էին ձեռնափայտեր, ցանկապատերի բրերի բեկորներ, վայրենի պարով պտտվում էին իրար կպած մարդկանց աղաղակները, բարձրանում էր երիտասարդի գունատ դեմքը, կատաղի գրգռմունքի փոթորկից վեր ղողանջում էր նրա ամուր ձայնը:

— Ընկերներ՝: Ինչի՞ համար եք փշացնում ձեզ...

Նա հաղթում էր: Փայտերը նետելով՝ մարդիկ իրար հետևեց հեռանում էին, իսկ մայրն անդադար առաջ էր անցնում մի անպարտելի ուժով տարված, տեսնում էր, թե ինչպես Նիկոլայը գլխարկը ծոծրակին քաշած դեն էր հրում շարությամբ հարբած մարդկանց, և լսում էր նրա նախատող ձայնը:

— Դուք խելագարվե՞լ եք: Հանգստացեք, էլի՛...

Մորը թվում էր, թե իր մի ձեռքը կարմիր է:

— Նիկոլայ Իվանովիչ, հեռացե՛ք, — գոչեց նա Նիկոլայի մոտ նետվելով:

— Ո՛ւր եք գնում: Այնտեղ ձեզ կսպիեն...

Մոր ուսից բռնելով նրա կողքին կանգնեց Սոֆյան անգրլխարկ, մազերը գզգզված, մի տղայի, գրեթե երեխայի բռնած: Տղան ձեռքով սրբում էր ջախջախված, արյունոտ դեմքը և դողդոջուն շրթունքներով մրմնջում էր:

— Բա՛ց թողեք, բան չկա...

— Զբաղվեցեք նրանով, տարեք մեզ մոտ: Ահա թաշկինակ, երեսը կապեցե՛ք... — արագ-արագ ասում էր Սոֆյան և տղայի ձեռքը տալով մորը, դենը վազեց ասելով:

— Շո՛ւտ գնացեք, կձերբակալեն...

Գերեզմանատան բոլոր ուղղութիւններով ցրվում էին մարդիկ, նրանց հետևից գերեզմանների արանքով ծանր քայլում էին ոստիկաններն անշնորհքությամբ խճճվելով վերարկուները:

փեշերում, հայհոյելով և թրերը ճոճելով: Տղան նրանց ուղեկցում էր գայլի հայացքով:

— Շո՛ւտ-շո՛ւտ գնանք, — կամաց գոչեց մայրը, թաշկինակով տղայի երեսը սրբելով:

Տղան մրմնջում էր, արյուն թքելով:

— Դուք մի՛ անհանգստացեք, ոչ մի տեղս չի ցավում: Նա ինձ թրի կոթով խփեց... Է՛, ես էլ նրան փայտով ա՛յնպես հասցրի: Մինչև անգամ ոռնաց...

Եվ արյունոտ բուռնցքը թափ տալով՝ բեկբեկվող ձայնով ավարտեց:

— Սպասեցե՛ք, դեռ շատ բան կտեսնեք: Մենք ձեզ կջախջախենք առանց կովի, երբ ոտքի կկանգնենք, ամբողջ բանվոր ժողովուրդս:

— Շո՛ւտ-շո՛ւտ, — շտապեցնում էր մայրը արագ քայլելով դեպի գերեզմանատան ցանկապատի փոքրիկ դուռը: Նրան թվում էր, թե այնտեղ, ցանկապատից դուրս, դաշտում թաքնվել և իրենց է սպասում ոստիկանութիւնը, և հենց որ իրենք դուրս գան, ոստիկանները հարձակվելու են իրենց վրա, սկսելու են ծեծել: Բայց երբ դուռն զգուշորեն բանալով՝ նա նայեց աշնանային աղջամուղջի գորշ հյուսվածքներով պատած դաշտին, անդորրութիւնն ու ամայութիւնն իսկույն հանգստացրին նրան:

— Դե թողեք կապեմ ձեր երեսը, — ասում էր նա:

— Պետք չի, էլի՛, ես այսպես է՛լ չեմ ամաշում: Կոխն անխարդախ էր. նա ինձ խփեց, ես է՛լ նրան...

Մայրն շտապ կապեց վերքը: Արշան տեսքը նրա սիրտը լցնում էր կարեկցությամբ, և երբ նրա մատները շոշափում էին խոնավ ջերմութիւնը, սոսկումի դողը բռնում էր նրան: Նա լուռ և արագ դաշտով անցկացրեց վիրավորին, նրա ձեռքից բռնած: Բերանն ազատելով՝ տղան ծիծաղկոտ ձայնով ասաց:

— Դուք ինձ ո՛ւր եք քարշ տալիս, ընկե՛ր: Ես ինքս է՛լ կարող եմ գնալ...

Բայց մայրն զգում էր, որ նա երերվում է, նրա ոտները քայլում են անհաստատ և ձեռքը դողում է: Նվաղող ձայնով նա խոսում և հարցեր էր տալիս մորն առանց պատասխանի սպասելու:

— Ես թիթեղագործ Իվանն եմ, իսկ դո՛ւք ով եք: Մենք երեք հոգի էինք Եզոր Իվանովիչի խմբակում, երեք թիթեղագործներ... Իսկ ընդամենը տասնմեկ հոգի էինք: Մենք շատ էինք սիրում

նրան, աստված հոգին լուսավորի՛: Թեև աստծուն ես չեմ հավատում...

Մի փողոցում մայրը կառք վարձեց, Իվանին կառք նըստեցնելով շնչաց նրան.

— Հիմա լռեցե՛ք,— և նրա բերանն զգուշությամբ փաթաթեց թաշկինակով:

Տղան ձեռքը բարձրացրեց դեպի դեմքը և արդեն չկարողացավ բերանն ազատել, ձեռքն ուժասպառ ընկավ ծնկի վրա: Բայց այնուամենայնիվ շարունակեց թաշկինակի միջով փընթփընթալ:

— Ես ձեր այդ հարվածները չեմ մոռանա, բարեկամներս... Իսկ նրանից առաջ մեզ հետ պարապում էր ուսանող Տիտովիչը... Քաղաքատնտեսություն... Հետո ձերբակալեցին...

Մայրն Իվանին գրկելով՝ նրա գլուխը դրեց իր կրծքին, տղան հանկարծ ծանրացավ և լռեց: Երկյուղից դալկացած, մայրն աչքի տակով նայեց այս ու այն կողմ, նրան թվում էր, թե ահա ուր որ է մի անկյունից ոստիկանները դուրս կվազեն, կտեսնեն Իվանի կապկպած գլուխը, կբռնեն նրան և կսպանեն:

— Խմե՛լ է,— հարցրեց կառապանը՝ կառքի ուսի վրայից ետ նայելով, ժպտալով բարեմտորեն:

— Թունդ է կոնծել,— հառաչելով պատասխանեց մայրը:

— Որդի՞դ է:

— Այո, կոշկակար է: Իսկ ես խոհարարուհի եմ...

— Նահատակվում ես: Այդպե-ե՛ս...

Մտրակը ձիերի վրա շարժելով կառապանը նորից ետ դարձավ և կամաց շարունակեց.

— Իսկ նոր հենց լսեցինք՝ գերեզմանոցում կռի՛վ է եղել: Թաղելիս են եղել, ուրեմն, մի քաղաքական մարդու, նրանցից, որ իշխանության դեմ են... նրանք իշխանության հետ վիճելի գործեր ունեն: Նրան թաղելիս են եղել իր նման մարդիկ, այսինքն՝ նրա բարեկամները: Սկսել են գոռալ՝ կորչի՛ իշխանությունը, նա, իբր, ժողովրդին քայքայում է... Ոստիկանությունն սկսում է ծեծել նրանց: Ասում են՝ մի քանիսին կտրատել-մեռցրել են: Դե՛, ոստիկանությունն էլ է հասել... — Նա լռեց և սրտաբեկ օրորելով գլուխը՝ տարօրինակ ձայնով արտասանեց.— մեռելներին են անհանգստացնում, ննջեցյալներին են արթնացնում:

Կառքը թիկթիկալով ցնցվում էր քարերի վրա, Իվանի

գլուխը թեթևակի հրում էր մոր կուրծքը, իսկ կառապանը մտախոհ մրմնջում էր կողքի նստած.

— Ժողովրդի մեջ հուղմունք կա, խռովություն է բարձրանում, այո՛: Երեկ գիշեր մեր հարևանների մոտ եկան ժանդարմները, փորփրեցին մինչև լույս, իսկ առավոտյան իրենց հետ վերցրին մի դարբնի ու տարան: Ասում են, գիշերը նրան գետը կտանեն ու ծածուկ կխեղդեն: Իսկ դարբինը վատ մարդ չէր...

— Անունն ի՞նչ էր,— հարցրեց մայրը:

— Դարբնի՛: Սավել է, ազգանունը Եվչենկո: Դեռ ջահել էր, բայց արդեն շատ բան էր հասկանում: Երևում է, որ բան հասկանալն է՛լ է արգելված: Պատահում էր՝ մեկ-մեկ գալիս էր՝ ասում. «Ինչ կյանք է ձեր կյանքը, կառապաններ»: — «Ճիշտ է,— ասում ենք,— շան կյանքից էլ վատ է մեր կյանքը»:

— Կանգնի՛ր,— ասաց մայրը:

Իվանն ուշքի եկավ կառքի ցնցումից և կամաց տնքաց:

— Թուլացրե՛լ է տղային,— նկատեց կառապանը: — Է՛խ, օղի՛, օղի՛...

Ոտները դժվարությամբ փոխելով, ամբողջ մարմնով օրորվելով, Իվանը գնում էր դեպի բակն ու ասում.

— Վնաս չունի, ես կարող եմ...

### XIII

Սոֆյան արդեն տանն էր, նա մորը դիմավորեց ծխախոտը բերանին, անհանգիստ, վրդովված:

Վիրավորին բազմոցի վրա դնելով, Սոֆյան հմտությամբ քանդեց նրա գլխի կապը և կարգադրություններ էր անում՝ ծխախոտի ծխից աչքերը կկոցած:

— Իվան՝ Դանիլովիչ, բերին: Դուք հոգնե՛լ եք, նի՛լովնա: Վախեցե՛լ եք, այո՛: Դե՛, հանգստացեք: Նիկոլա՛յ, Նիլովնային մի ըմպանակ պորովե՛յն տուր:

Ապրումներից շմած, ծանր շնչելով և կրծքում հիվանդագին ծակոց զգալով, մայրը մրմնջաց.

— Դուք ինձ համար մի՛ անհանգստանաք...

Եվ իր ամբողջ էությունը թախանձագին խնդրում էր ուշադրություն, հանգստացուցիչ փաղաքշանք դեպի ինքը:

Հարևան սենյակից դուրս եկան ձեռքը կապած Նիկոլայը և ամբողջովին զգզված, ողնու պես մազերը բիզ-բիզ կանգնած

բժիշկ Իվան Դանիլովիչը: Նա արագ մոտեցավ Իվանին, կոացավ նրա վրա ասելով.

— Ջո՛ւր, որքան կարելի է՝ շա՛տ ջուր, քաթանի մաքուր կտո՛ր, բամբա՛կ:

Մայրը շարժվեց դեպի խոհանոց, բայց նիկոլայը ձախ ձեռքով բռնեց նրա թևից և նրան սեղանատուն տանելով ասաց.

— Դա ձե՛զ չեն ասում, այլ Սոֆյային: Դուք շատ եք հուզվել, սիրելի՛ս, այո՞:

Մայրը հանդիպեց նրա սևեռուն կարեկցական հայացքին և հեկեկանքով, որը չկարողացավ պահել, բացականչեց.

— Այդ ի՞նչ բան էր, բարեկա՛մս: Կտրատո՞ւմ էին, մարդկանց կտրատում էին:

— Ես տեսա՛, — նրան գինի տալով և գլխով անելով ասաց նիկոլայը: — Տաքացան մի քիչ երկու կողմերն էլ: Բայց դուք մի՛ անհանգստացեք, նրանք խփում էին թրերի տափակ կողմով, լուրջ վիրավորված է կարծեմ միայն մի հոգի: Նրանք իմ աչքի առջև խփեցին, հենց ե՛ս դուրս բերի նրան տուրուղմբոցի միջից...

Նիկոլայի դեմքն ու ձայնը, սենյակի տաքությունն ու լույսը հանգստացրին Վլասովային: Շնորհակալությամբ նայելով նիկոլային՝ մայրը հարցրեց.

— Ձեզ է՛լ խփեցին:

— Սա ինքս եմ արել, կարծեմ, անզգուշությամբ ձեռքս մի բանի եմ դիպցրել և կաշին քերծել: Թե՛յ խմեցեք, ցուրտ է, իսկ դուք բարակ եք հանգված...

Մայրը ձեռքը մեկնեց դեպի գավաթը, տեսավ, որ մատները ծածկված են շորացած արյան բծերով, ակամա շարժումով ձեռքը տարավ դեպի ծունկը, շրջազգեստը թաց էր: Աչքերը լայն բանալով, հոնքը բարձրացնելով՝ նա շեղակի նայեց իր մատներին, նրա գլուխը պտտվում էր և սրտի զարկերն ասում էին.

«Ա՛յ, այսպես, Պաշային էլ կարող են...»

Ներս մտավ Իվան Դանիլովիչը ժիլետով, շապկի թևերը ետ ծալած, և նիկոլայի լուռ հարցին իր բարակ ձայնով ասաց.

— Դեմքի վրա աննշան վերք կա, իսկ գանգը կտորված է, թեև ոչ սաստիկ, առողջ տղա է: Սակայն շատ արյուն է կորցրել: Հիվանդանո՞ց պիտի ուղարկենք:

— Ինչո՞ւ: Թո՞ղ այստեղ մնա, — բացականչեց նիկոլայը:

— Այսօր կարելի է, է, ասենք՝ վաղն էլ, իսկ հետո ինձ

համար ավելի հարմար կլինի, որ նա հիվանդանոցում պառկի: Ես ժամանակ չունե՛մ այցելություններ անելու: Դու թուղցիկ կգրե՞ս գերեզմանատան դեպքի մասին:

— Իհարկե, — պատասխանեց նիկոլայը:

Մայրը կամաց վեր կացավ և գնաց խոհանոց:

— Ո՞ւր եք գնում, նի՛լովնա, — անհանգստանալով կանգնեցրեց նրան նիկոլայը: — Սոնյան մենակ ամեն բան կանի՛:

Մայրը նայեց նրան և ցնցվելով պատասխանեց տարօրինակ կերպով քմծիծաղելով.

— Ես արյունոտ եմ...

Իր սենյակում զգեստը փոխելով՝ մայրը նորից միտք արեց այդ մարդկանց հանգստություն մասին, սարսափելին արագորեն վերապրելու նրանց ունակության մասին: Դա զգաստացնում էր նրան, երկյուղը սրտից դուրս վանելով: Երբ նա այն սենյակը մտավ, ուր պառկած էր վիրավոր տղան, Սոֆյան նրա վրա կոացած ասում էր.

— Հիմարություններ են, ընկե՛ր:

— Ախր ես ձեզ նեղություն կտամ, — առարկում էր տղան թույլ ձայնով:

— Իսկ դուք լո՛ւռ կացեք, դա ձեզ համար ավելի օգտակար է...

Մայրը կանգնեց Սոֆյայի հետևը և ձեռքը նրա ուսին դնելով, ժպիտով նայելով վիրավորի գունատ դեմքին, քմծիծաղով ասաց, թե նա ինչպես էր զառանցում կառքում և անզգուշ խոսքերով իրեն վախեցնում: Իվանը լսում էր, նրա աչքերը տենդորեն վառվում էին, շրթունքները չփշփացնում էր և կամաց, շփոթված բացականչում.

— Օ՛հ... Ի՛նչ հիմարն եմ:

— Դեհ, մենք ձեզ մենակ կթողենք, — նրա վրայի վերմական ուղղելով հայտնեց Սոֆյան: — Հանգստացե՛ք:

Նրանք սեղանատուն գնացին և այնտեղ երկար զրուցում էին օրվա դեպքի մասին: Եվ արդեն այդ դրամային վերաբերվում էին որպես մի ինչ-որ հեռավոր բանի, վստահ նայելով ապագային, քննարկելով վաղվա աշխատանքի հնարները: Դեմքերը հոգնած էին, իսկ մտքերը կայտառ, և իրենց գործի մասին խոսելով՝ այդ մարդիկ չէին թաքցնում իրենցից իրենց դժգոհ լինելը: Աթոռի վրա ջղայնորեն շարժվելով, բժիշկը հազիվ զսպելով իր բարակ, սուր ձայնը, ասում էր.



— Պրոպագանդա, պրոպագանդա: Դա քիչ է հիմա, բան-վոր երիտասարդութունն իրավացի է: Պետք է ավելի լայն ծա-վալել ազիտացիան,— բանվորներն իրավացի են՝ ասում եմ...

Նիկոլայը մտաշլ և բժշկի տոնով արձագանքեց.

— Ամեն տեղից գանգատներ են գալիս, թե գրականութու-նը քիչ է, իսկ մենք դեռ էլի չենք կարողանում լավ տպարան կազմակերպել: Լյուդմիլան ուժասպառ է լինում, նա կհիվան-դանա, եթե մենք նրան օգնականներ չտանք...

Իսկ Վեստվշիկովը,— հարցրեց Սոֆյան:

— Նա քաղաքում ապրել չի կարող: Նա գործի կկաշի միայն նոր տպարանում, իսկ Լյուդմիլային պակասում է մի մարդ ևս...

— Ես հարմար չեմ լինի,— կամաց հարցրեց մայրը:

Նրանք երեքն էլ նայեցին Վլասովային և մի քանի վայրկյան լուռ էին:

— Լավ միտք է,— բացականչեց Սոֆյան:

— Ոչ, դա դժվար բան է ձեզ համար, Նիլովնա,— չոր-չոր ասաց Նիկոլայը:— Դուք ստիպված կլինեիք ապրել քաղաքից դուրս, ընդհատել տեսակցությունները Պավելի հետ և ընդ-հանրապես...

Հառաչելով, մայրն առարկեց.

— Պաշայի համար դա մեծ կորուստ չի, ասենք՝ այդ տե-սակցություններն էլ միայն սիրտս կեղեքում են: Ոչ մի բանի մասին խոսել չի լինում: Որդուս առաջ կանգնում եմ հիմարի պես, իսկ նրանք բերանիս են նայում, սպասում, թե մի որևէ ավելորդ բան չեմ ասի արդյոք...

Վերջին օրերի դեպքերը մորը հոգնեցրել էին, և հիմա լսե-լով, որ իր համար հնարավոր կլինի ապրել քաղաքից դուրս, նրա դրամաներից հեռու, նա անձկորեն կառչեց այդ հնարավորու-թյանը:

Բայց Նիկոլայն ընդմիջեց այդ խոսակցությունը:

— Ինչի՞ մասին ես մտածում, Իվան,— հարցրեց նա բժշկին:

Սեղանի վրա կոացրած գլուխը բարձրացնելով, բժիշկը մտաշլ պատասխանեց.

— Մենք քիչ ենք, ահա՛, թե ինչի մասին եմ մտածում: Ան-հրաժեշտ է ավելի համառորեն աշխատել... և անհրաժեշտ է համոզել Պավելին և Անդրեյին՝ փախչել, նրանք երկուսն էլ այնքան պետք են, որ նրանց անգործ նստելը ձեռնտու չէ...

Նիկոլայը հոնքերը կիտեց և կասկածանքով գլուխն օրորեց, հապճեպ նայելով մորը: Մայրն զգաց, որ իր ներկայությամբ նրանք քաշվում են խոսել իր որդու մասին, և գնաց իր սենյա-կը, սրտում մարդկանցից վիրավորված այն բանի համար, որ նրանք այդպես անուշադրությամբ վերաբերվեցին իր ցանկու-թյանը: Անկողնում բաց աչքերով պառկած՝ նա ձայների ցածր շշուկի տակ ենթարկվեց անհանգիստ մտքերի:

Անցկացած օրը մտաշլորեն անհասկանալի էր և շարագու-շակ ակնարկներով լի, բայց մոր համար ծանր էր մտածել նրա մասին և իրենից վանելով դժկամ տպավորությունները՝ նա սկսեց մտածել Պավելի մասին: Նա ցանկանում էր տեսնել նրան ազատ, և միևնույն ժամանակ դա վախեցնում էր իրեն, նա զգում էր, որ իր շուրջն ամեն ինչ սուր կերպարանք է ստանում, խիստ ընդհարումներով է սպառնում: Մարդկանց լուռ համբե-րությունն անհետանում էր՝ տեղի տալով լարված սպասողու-թյանը, նկատելիորեն աճում էր վրդովմունքը, հնչում էին սուր խոսքեր, ամեն կողմից ինչ-որ գրգռիչ բանի հոտ էր փչում... Ամեն մի պրոկլամացիա տաք-տաք խոսակցություններ էր առաջ բերում շուկայում, խանութներում, ծառաների և արհեստավոր-ների մեջ, ամեն մի ձեռքակալություն քաղաքում զարթեցնում էր ձեռքակալության պատճառի մասին դատողությունների վախ-կոտ, վարանոտ, իսկ երբեմն նաև անգիտակցորեն համակրական արձագանք: Մայրն ավելի ու ավելի հաճախ էր լսում հասարակ մարդկանցից մի ժամանակ իրեն վախեցնող խոսքերը՝ խոռվու-թյուն, սոցիալիստներ, քաղաքականություն. այդ բառերն ար-տասանում էին հեզնորեն, բայց հեզնանքի տակ անհաջող թաքնված էր լինում պրպտուն մի հարցում. այդ խոսքերն ար-տասանում էին շարությամբ, բայց դրա տակ երկյուղ էր հնչում, արտասանում էին առերևույթ մտախոհ, սակայն՝ հուշտով և սպառնալիքով: Դանդաղ, բայց լճացած խավար կյանքի միջով լայն շրջաններ կազմելով տարածվում էր վրդովմունքը, արթ-նանում էր քնատ միտքը և տատանվում էր դեպի օրվա բովան-դակությունը եղած սովորական, հանգիստ վերաբերմունքը: Մայրն այդ բոլորը տեսնում էր ուրիշներից ավելի պարզ, որով-հետև նրանցից ավելի լավ էր ճանաչում կյանքի թախծոտ դեմքը, և այժմ այդ դեմքին մտախոհության և զրգովածության կնճիղներ տեսնելով՝ նա և՛ ուրախանում էր, և՛ վախենում: Ուրախանում էր, որովհետև դա համարում էր իր որդու գործը, վախենում էր՝

իմանալով, որ եթե նա բանտից դուրս գա, կկանգնի բոլորից առաջ, ամենավտանգավոր տեղը: Եվ կկործանվի:

Երբեմն որդու պատկերը նրա առջև աճում էր՝ հասնելով հեքիաթային հերոսի մեծություն, այդ պատկերը միացնում էր իր մեջ այն ազնիվ, համարձակ խոսքերը, որ մայրը լսել էր, այն բոլոր մարդկանց, որոնք մորը դուր էին գալիս, այն ամբողջ հերոսականն ու լուսավորը, որ մայրը ճանաչում էր: Այդ ժամանակ մայրը զգացված, հպարտ, խաղաղ հիացմունքով զմայլվում էր իր որդով և հույսերով լի՝ մտածում.

«Ամեն ինչ լավ կլինի, ամեն ինչ»:

Նրա սերը, մոր սերը, բորբոքվում էր, սիրտը սեղմելով գրեթե ցավացնելու աստիճանի, ապա մայրականը խանգարում էր մարդկայինի աճելուն, այրում այն, և մեծ զգացմունքի տեղն անհանգստության գորշ մոխրի մեջ երկչոտություն մարթնում էր մի թախծալի միտք:

«Կկործանվի... կկորչի...»

#### XIV

Կեսօրին մայրը նստած էր բանտի գրասենյակում: Պավելի դիմաց և աչքերի մթազնած մառախուղի միջով դիտում էր նրա մորուքով դեմքը, պատեհություն էր փնտրում հանձնելու նրան մատների արանքում ամուր սեղմած թուղթը:

— Առողջ եմ և ամենքն էլ առողջ են,— ցածր ասում էր Պավելը:— Է՛, դո՞ւ ինչպես ես:

— Վնաս չունի. Ծգոր Իվանովիչը մահացավ,— մեքենայորեն ասաց մայրը:

— Հա՞,— բացականչեց Պավելը և խաղաղ կախեց գլուխը:

— Թաղմանը ոստիկանությունը կռիվ արեց, մեկին ձերբակալեցին,— միամտորեն շարունակում էր մայրը: Բանտապետի օգնականը վրդովված ծպծպացրեց բարակ շրթունքները և աթոռից ցատկելով մրթմրթաց.

— Դա արգելված է, հարկավոր է հասկանալ: Արգելված է քաղաքականության մասին խոսելը...

Մայրը նույնպես վեր կացավ աթոռից և կարծես թե չհասկանալով՝ հանցապարտորեն հայտնեց.

— Ես քաղաքականության մասին չեմ խոսում, այլ կովի մասին: Իսկ որ նրանք կովել են, այդ ճիշտ է: Եվ մինչև անգամ մեկի գլուխը պատռել են...

— Միևնու՛յնն է: Ես ձեզ խնդրում եմ լռե՛լ: Այսինքն՝ լռել ա՛յն բոլորի մասին, ինչ որ չի վերաբերում անձամբ ձեզ, ընտանիքին և ընդհանրապես ձեր տանը:

Զգալով, որ խճճվել է, նա նստեց աթոռին և թղթերը շոկելով թախծազին և ձանձրացած ավելացրեց.

— Ես պատասխանատու եմ, այո...

Մայրը շուրջը նայեց և թուղթն արագ խոթելով Պավելի ձեռքը թեթևացած շունչ քաշեց:

— Մարդ չի հասկանում, թե ինչի՞ մասին խոսի...

Պավելը ծիծաղեց.

— Ես էլ չեմ հասկանում...

— Այն ժամանակ տեսակցություններն էլ պետք չեն,— գրգռված նկատեց աստիճանավորը:— Խոսելու բան չունեն, իսկ գալիս են անհանգստացնում...

— Իսկ դատը շուտով կլինի,— քիչ լռելուց հետո հարցրեց մայրը:

— Այս քանի օրը դատախազն այստեղ էր եկել, ասաց, որ շուտով կլինի...

Նրանք իրար աննշան, երկուսի համար էլ անկարևոր խոսքեր էին ասում: Մայրը տեսնում էր, որ Պավելի աչքերը իր դեմքին են նայում քնքշորեն, սիրով: Պավելն էլի առաջվա պես հավասարակշռված և հանգիստ էր, նա չէր փոխվել, միայն մորուքն էր սաստիկ աճել ու նրան ծերացրել, և ձեռները ճերմակել էին: Մայրն ուզում էր նրան մի հաճելի բան անել, ասել նիկոլայի մասին, և առանց ձայնը փոխելու, նույն տոնով, ինչպես խոսում էր անկարևոր և անհետաքրքիր բանի մասին շարունակեց.

— Տեսել եմ քո սանիկին...

Պավելն ուշի-ուշով նայեց մոր աչքերին՝ լուռ հարցնելով: Ցանկանալով հիշեցնել որդուն՝ վեսով շիկովի շեշտ դեմքը՝ մայրը մատով իր դեմքին խփեց...

— Վնաս չունի, տղան ողջ և առողջ է, շուտով գործի կդրվի:

Որդին հասկացավ, զլխով արեց նրան և ուրախ ծպիտն աչքերում պատասխանեց.

— Դա լավ է:

— Հա, իհարկե՛ք,— բավարարված արտասանեց մայրը՝ իրենից գոհ, որդու ուրախությունից զգացված:

Մորը հրաժեշտ տալիս Պավելն ամուր սեղմեց նրա ձեռքը: — Շնորհակալութիւն, մայր:

Մորը պատեց դեպի որդին ունեցած սրտակից մտերմութեան ուրախ զգացումը, և բառերով պատասխանելու ուժ չունենալով նա պատասխանեց ձեռքի լուռ սեղմումով:

Տուն վերադառնալով՝ տեսավ, որ Սաշան եկել է: Աղջիկը սովորաբար նիւտովնայի մոտ էր գալիս այն օրերը, երբ մայրը տեսակցութեան էր լինում գնացած: Նա Պավելի մասին երբեք չէր հարցնում, և եթե մայրն ինքը չէր խոսում որդու մասին, Սաշան աչքերը հառած նայում էր մոր դեմքին և դրանով բավարարւում: Բայց այժմ նա մորը դիմավորեց անհանգիստ հարցով.

— Հը՛, ի՞նչպէս է նա:

— Ոչինչ, առողջ է:

— Թուղթը տվի՞ք:

— Իհարկե՛: Ես այնպէս ճարպիկ կերպով ձեռքը կոխեցի...

— Նա կարդա՞ց:

— Որտե՞ղ: Մի՞թե կարելի էր...

— Հա, ես մոռացել էի, — դանդաղ ասաց աղջիկը: — Մի շաբաթ էլ սպասենք, մի շաբաթ էլ: Իսկ դուք ի՞նչ եք կարծում, նա կհամաձայնի՞:

Նա հոնքերը կիտեց և կանգ առած աչքերով նայում էր մոր դեմքին:

— Դե, ես չգիտեմ, — խորհում էր մայրը: — Ինչո՞ւ չպիտի փախչի, եթե անվտանգ է դա:

Սաշան գլուխը թափ տվեց և շոր-չոր հարցրեց.

— Դուք չգիտե՞ք, թե հիվանդին ուտելու ի՞նչ կարելի է տալ: Նա ուտել է ուզում:

— Ամեն բան կարելի է, ամեն բան: Ես խսկույն...

Նա գնաց խոհանոց, Սաշան դանդաղ շարժվեց նրա հետևից:

— Օգնե՛մ ձեզ:

— Շնորհակալութիւն, ի՞նչ եք ասում:

Մայրը դեպի վառարանը կոանալով հանեց կճուճը: Աղջիկը կամաց ասաց նրան.

— Սպասեցե՛ք...

Նրա դեմքը գունատվեց, աչքերը թաթալի կերպով լայնա-

ցան, և դողդոջուն շրթունքները ճիգ գործադրելով ջերմագին և արագ շնչափն.

— Ես ուզում եմ ձեզ խնդրել: Ես գիտեմ՝ նա չի՛ համաձայնի: Դուք նրան համոզեցե՛ք: Նա հարկավոր է, ասացե՛ք նրան, որ նա անհրաժեշտ է գործի համար, որ ես վախենում եմ՝ նա հիվանդանա: Դուք տեսնում եք, դասը դեռ չի նշանակված...

Նա ըստ երևույթին դժվարանում էր խոսել: Նա շտկվեց, նայեց մի կողմ, նրա ձայնը անհավասար էր հնչում: Արտևանքները հոգնած փակելով՝ աղջիկը կծում էր շրթունքները, իսկ ամուր սեղմված ձեռքերի մատները ճոճում էին:

Մայրը շփոթվել էր նրա հոգու հորդումից, բայց հասկացավ այդ ամենը և հուզված, տխուր զգացմունքով լի՝ գրկելով Սաշային, կամաց պատասխանեց.

— Իմ անգի՛ն: Բացի իրենից նա ոչ ոքի չի լսի, ոչ ոքի՛: Երկուսն էլ լռեցին իրար պինդ հպված: Ապա Սաշան զգուշորեն իր ուսերից վերցրեց մոր ձեռքերը և ցնցվելով ասաց. — Այո, ձեր ասածը ճիշտ է, այս բուլդը հիմարութիւններ են, ջղերս են...

Եվ հանկարծ, լուրջ դեմք ընդունելով, պարզապէս խոսքն ավարտեց.

— Ավելի լավ է եկեք հիվանդին կերակրենք...

Իվանի անկողնի մոտ նստելով Սաշան արդեն հոգատարութեամբ և փաղաքշանքով հարցրեց.

— Գլուխդ շա՞տ է ցավում:

— Ոչ այնքան, միայն ամեն ինչ աղոտ է երևում: Թույլ եմ, — ամաչկոտութեամբ վերմակը դեպի ծնոտը քաշելով պատասխանեց Իվանը և աչքերը կկոցեց կարծես պայծառ լուսից: Նկատելով, որ նա քաշվում է իր մոտ բան ուտել, Սաշան վեր կացավ և գնաց:

Իվանը նստեց անկողնում, նայեց Սաշայի հետևից և աչքերը թարթելով ասաց.

— Գեղե-ցի՛կն է...

Իվանի աչքերը պայծառ և ուրախ էին, ատամները մանր, խիտ, ձայնը դեռ չէր կազմակերպվել:

— Քանի՞ տարեկան եք, — մտախոհ հարցրեց մայրը:

— Տասնյոթ...

— Իսկ ծնողներդ ո՞րտեղ են:

— Գլուղում. ես տասը տարեկանից այստեղ եմ, դպրոցը վերջացրի այստեղ եկա: Իսկ ձե՛ր անունն ինչ է, ընկե՛ր:

Մորը միշտ ծիծաղեցնում և հուզում էր այդ բառը, որով դիմում էին իրեն: Հիմա էլ ժպտալով նա հարցրեց.

— Ինչո՞ւ եք ուզում իմանալ:

Պատանին լռեց շփոթված, հետո բացատրեց.

— Գիտե՞ք, ինչ, մե՛ր խմբակի ուսանողը, այսինքն նա, որ մեզ հետ կարդում էր, մեզ պատմում էր Պավել Վլասովի, բանվորի, մոր մասին, գիտե՞ք, Մայիսի մեկի ցույցը:

Մայրը գլխով արեց և լարեց ուշադրությունը:

— Պավելն առաջինն էր, որ բացեիրաց բարձրացրեց մեր պարտիայի դրոշը, — հպարտությամբ հայտնեց պատանին, և նրա հպարտությունը իր համահնչուն արձագանքը գտավ մոր սրտում:

— Ես այն ժամանակ այնտեղ չէի, մենք այն ժամանակ մտածում էինք այստեղ մեր ցույցը սարքելու, չհաջողվեց: Մենք քիչ էինք այն ժամանակ: Իսկ մյուս տարի — համեցեք... Կտեսնե՛ք:

Նա հուզմունքից շնչասպառ էր լինում, ապագա դեպքերից կանխապես ուրախանալով, ապա գղալն օդում ճոճելով շարունակեց.

— Այդպես ուրեմն, Վլասովի մայրը, ասում եմ: Դրանից հետո նա էլ է պարտիայի մեջ մտել: Ասում են՝ այնպիսի՛ն է, որ ուղղակի հրաշք:

Խոր ժպտաց մայրը, նրա համար հաճելի էր լսել տղայի հիացմունքով լի գովասանքները: Հաճելի էր և անհարմար: Նա նույնիսկ ուզեց տղային ասել. «Այդ ե՛ս եմ Վլասովան...», բայց իրեն զսպեց և թեթև քմծիծաղով, թախիծով ասաց ինքն իրեն. «Ա՛խ, դո՛ւ, պատաված հիմար...»

— Իսկ դուք շա՛տ կերեք: Շո՛ւտ առողջացեք լավ գործի համար, — հանկարծ հուզված ասաց մայրը նրան կռանալով:

Դուռը բացվեց, փչեց աշնան խոնավ սառնությունը, մտավ Սոֆյան շիկնած, ուրախ:

— Լրտեսները հետևիցս թրև են գալիս, ինչպես փեսացուները հարուստ հարսնացուի հետևից, ազնիվ խոսք: Ես պետք է այստեղից ծլկեմ... Է՛, ի՛նչպես է Վանյան: Լա՛վ է: Ի՛նչպես է Պավելը, Նի՛լովնա: Սաշան այստե՞ղ է:

Սխախտող վառելով նա հարցնում էր և պատասխանի չէր

սպասում, մորը և պատանուն իր մոխրագույն աչքերի հայացքով փաղաքելով: Մայրը նայում էր նրան և ներքուստ ժպտալով մտածում.

«Ա՛յ, ես էլ եմ լավ մարդկանց շարքն ընկնում»:

Եվ նորից դեպի Իվանը թեքվելով ասաց.

— Առողջացե՛ք, որդյա՛կ:

Եվ գնաց սեղանատուն: Այնտեղ Սոֆյան Սաշային պատմում էր.

— Նրա մոտ արդեն երեք հարյուր օրինակ պատրաստ կա: Նա իրեն կսպանի այդպիսի աշխատանքով: Ա՛յ քեզ հերոսուկ թյուն: Գիտե՞ք, Սաշա՛, մեծ երջանկություն է այդպիսի մարդու կանց մեջ ապրելը, նրանց ընկեր լինելը, նրանց հետ աշխատելը...

— Այո՛, — կամաց պատասխանեց աղջիկը:

Երեկոյան թեյի ժամանակ Սոֆյան մորն ասաց.

— Իսկ դուք, Նի՛լովնա, պետք է նորից այցելե՞ք գյուղ:

— Լավ, ի՞նչ կա որ: Ե՛րբ:

— Երեք օրից հետո, կարո՞ղ եք:

— Լավ:

— Գնացե՛ք, — կամաց խորհուրդ տվեց Նիկոլայը: — Փոստի կառքը վարձեցե՞ք և, խնդրեմ, ուրի՛շ ճանապարհով գնաք: Նիկոլսկայա գավառակով:

Նա լռեց և խոժոռվեց: Դա նրա դեմքին չէր սազում՝ տարօրինակ և անհաճո փոխելով միշտ հանգիստ արտահայտությունը:

— Նիկոլսկայայով հեռու է, — նկատեց մայրը: — Կառքով էլ ճանապարհ գնալը...

— Գիտե՞ք ինչ կա, — շարունակեց Նիկոլայը: — Ես ընդհանրապես այդ գնալուն դեմ եմ: Այնտեղ խաղաղ չի, արդեն ձեր բակալություններ են եղել, մի ուսուցիչ են բռնել, պետք է ավելի զգույշ լինել: Հարկավոր էր որոշ ժամանակ սպասել...

Սոֆյան մատնեբով սեղանը թխկթխկացնելով նկատեց.

— Մեզ համար կարևոր է անընդհատություն պահպանել գրականություն տարածելու գործում: Դուք գնալուց չե՞ք վախենում, Նի՛լովնա, — հանկարծ հարցրեց նա:

Մայրն իրեն վիրավորված զգաց:

— Ես ե՛րբ եմ վախեցել որ: Հենց առաջին անգամն էլ այդ արել եմ առանց վախենալու... Իսկ հիմա հանկարծ... — նա խաղասությունը շվերջացնելով նա գլուխը կախեց: Ամեն անգամ,

երբ նրան հարցնում էին, թե չի՞ վախենում արդյոք, հարմա՞ր է նրա համար, կարո՞ղ է նա անել այս կամ այն բանը, — նրան թվում էր, թե խնդրում են իրեն, նրան թվում էր, թե մարդիկ իրեն հեռացնում են իրենցից, դեպի ինքն ան կերպ են վերաբերվում, քան դեպի իրար:

— Դուք զուր եք ինձ հարցնում թե՛ վախենո՞ւմ եմ ես, — ասաց նա հառաչելով, — դուք իրար շեք հարցնում վախի մասին: Նիկոլայն շտապով հանեց ակնոցը, նորից դրեց և ուշադրությամբ նայեց քրոջ դեմքին: Շփոթմունքի լուսթյունն անհանգրստացրեց Վլասովային, նա հանցավորի պես աթոռից վեր կացավ՝ ցանկանալով ինչ-որ բան ասել նրանց, բայց Սոֆյան բռնեց նրա ձեռքը և կամաց խնդրեց.

— Ներեցե՛ք ինձ: Ես է՛լ չեմ անի:

Դա ծիծաղեցրեց մորը, և մի քանի րոպե հետո երեքով մտահոգված և մտերմորեն խոսում էին գյուղ գնալու մասին:

## XV

Լուսաբացին մայրը փոստի կառքում օրորվելով գնում էր աշնանային անձրևից ողողված ճանապարհով: Խոնավ քամի էր փչում, ցեխի ցալքունները թռչկոտում էին, իսկ կառապանը կառքի ուսին՝ կողքի վրա նստած դեպի մայրը մտախոհ և ռընգային ձայնով գանգատվում էր.

— Ես նրան ասում եմ, այսինքն եղբորս, ի՞նչ կա որ, արի քաժանվենք: Սկսեցինք բաժանվել...

Նա հանկարծ մտրակեց ձախ ձիուն և շարացած գռչեց.

— Դա՛հ-դա՛հ: Վազի՛ր, սատանայի ծնունդ...

Աշնան գեր ագռավները մտահոգ քայլում էին լերկ հերկերի վրա. սառը սուլելով, նրանց վրա էր թռչում քամին: Ագռավները քամու հարվածներին դեմ էին անում իրենց կողերը, քամին փքում էր նրանց փետուրները, սայթաքեցնելով նրանց, այդ ժամանակ նրանք ուժին տեղի տալով՝ թևերի ծուլը թափահարումով թռչում նստում էին մի նոր տեղ:

— Դե, թալանեց նա ինձ: Տեսա էլ բան չունեմ, — ասում էր կառապանը:

Մայրը նրա խոսքերը կարծես երազում էր լսում, հիշողություներ նրա առջև մի երկար շարան էր հյուսում վերջին տարիները վերապրած դեպքերից, և այդ դեպքերին անդրադառնալով

մայրն ամեն տեղ իրեն էր տեսնում: Մի ժամանակ կանքն ստեղծվում էր մի ինչ-որ հեռավոր տեղ, հայտնի չէր, թե ո՞վ է ստեղծում և ինչի համար, իսկ ահա այժմ շատ բան կատարվում է իր աչքի առջև, իր օգնությամբ: Եվ դա նրա մեջ զարթեցնում էր իր հանդեպ անվստահություն և գոհունակություն, տարակուսանքի և զուսպ թախծի շփոթ մի զգացմունք...

Շուրջն ամեն ինչ օրորվում էր դանդաղ շարժման մեջ. երկրնքում ծանրորեն իրար առաջ կտրելով լողում էին գորշ ամպերը. ճանապարհի երկու կողմում երևում-չբանում էին թաց ծառերը՝ մերկ կատարներն օրորելով. շորս կողմն էին հեռանում դաշտերը, բլուրները առաջ էին դալիս և ցրվում-կորչում:

Կառապանի ռնգային ձայնը, զանգակների դողանքը, քամու խոնավ սուլոցը և շնկչնկոցը ձուլվում դառնում էին մի խոխոջուն, ոլորապտուլտ առվակ, որը հոսում էր դաշտի վրայով միօրինակ ուժով...

— Հարստի համար արթայությունն էլ է նեղ, բանն այսպես է... Սկսեց հուպ տալ, իշխանավորները նրա բարեկամներն են, — կառքի ուսի վրա ճռձվելով՝ շարունակում էր կառապանը:

Երբ կայարան հասան, կառապանը ձիերն արձակեց և հուսակտուր ձայնով ասաց մորը.

— Մի հինգկոպեկանոց տայիր, գոնե կխմեի՛:

Մայրը տվեց դրամը, կառապանը դրամը ափում թափ տալով՝ նույն տոնով հայտնեց մորը.

— Երեք կոպեկով օղի կխմեմ, երկուսով հաց կուտեմ...

Կեսօրից հետո շարդված, սառած՝ մայրը հասավ Նիկոլսկոյե մեծ գյուղը, գնաց կայարան, իր համար թեյ խնդրեց և նստեց պատուհանի մոտ, իր մեծ ճամպուրկը երկար նստարանի տակ դնելով: Պատուհանից երևում էր դեղին խոտի կոխտոված գորգով ծածկված մի փոքրիկ հրապարակ, գավառակի վարչությունը՝ կախ ընկած տանիքով մի մուգ գորշագույն տուն: Գավառակի վարչության պատշգամբում նստած էր մի ճաղատ, երկարամորուք մուժիկ՝ միայն շապիկ հագած, և ծխամորձ էր ծխում: Խոտի վրա մի խոզ էր ման գալիս, ականջները դժգոհ թափահարելով, դունչը խրում էր գետնի մեջ և գլուխն օրորում:

Սև ամպերը լողում էին մուգ զանգվածներով, կիտվում իրար վրա: Խաղաղ էր, աղոտ և ձանձրալի, կյանքը կարծես թաքնվել էր ինչ-որ տեղ, պահ մտել:

Հանկարծ, ձիով քառատրոփ հրապարակ արշավեց մի ուր-

յադնիկ, շեկ ձիու սանձը քաշելով կանգնեցրեց գավառակի վարչութիւնի պատշգամբի մոտ և մտրակն օդում թափ տալով մի մուծիկի վրա գոռաց, աղաղակները կաշում էին պատուհանի ապակիներին, բայց բառերը չէին հասկացվում: Մուծիկը վեր կացավ, ձեռքը մեկնեց՝ հեռուն ցույց տալով, ուրյադնիկը գետին ցատկեց, երեքաց, ոտների վրա, դեպի մուծիկը շարտեց սանձը և բռնելով ճաղերը ծանր-ծանր բարձրացավ պատշգամբը ու շքացավ գավառակի վարչութիւնի դռան հետևում...

Նորից անդորրութիւն տիրեց: Ձին սմբակներով երկու անգամ խփեց փափուկ գետնին: Սենյակ մտավ մի ջահել աղջիկ, ծոծրակին կարճ, դեղնագույն հյուսեր, իսկ կլոր դեմքին՝ փաղաքշալից աչքեր: Շրթունքները կծած, նա մեկնած ձեռներով տանում էր մի մեծ, եզրերը տրորված մատուցարան՝ վրան ամանեղեն դարսած, և բարեւում էր, հաճախ գլխով անելով:

— Բարեւ, խելո՞քս, — սիրալիր ասաց մայրը:

— Բարե՛ւ ձեզ:

Սեղանի վրա շարելով ավսեններն ու թեյի ամանեղենը, աղջիկը հանկարծ աշխուժորեն հայտնեց.

— Հենց հիմա մի ավազակ են բռնել, բերո՞ւմ են:

— Դա ի՞նչ ավազակ է:

— Չգիտեմ...

— Իսկ ի՞նչ է արել:

— Չգիտեմ, — կրկնեց աղջիկը: — Միայն լսել եմ, որ բռնել են: Գավառակի պահակը վազեց պրիստովին կանչելու:

Մայրը նայեց պատուհանից, հրապարակի վրա մուծիկներ երևացին: Ոմանք քայլում էին դանդաղ և լրջորեն, ոմանք քայլելիս կիսամուշտակներն էին շտապ կոճկում: Գավառակի վարչութիւնի շենքի առջև կանգ առնելով՝ բոլորը նայում էին ձախ կողմը:

Աղջիկն էլ նայեց փողոց և սենյակից դուրս փախավ դուռը պինդ շրխկացնելով: Մայրը ցնցվեց, իր ճամպրուկն ավելի խոր հրեց նստարանի տակ և շալը գլխին գցելով՝ դեպի դուռը գնաց շտապելով և զսպելով հանկարծ իրեն համակած շուտ հեռանալու, փախչելու անհասկանալի ցանկութիւնը...

Երբ դուրս եկավ փոքրիկ պատշգամբը, սաստիկ ցուրտ խփեց նրա աչքերին, կրծքին, նա շնչասպառ եղավ, ոտները փայտացան, հրապարակի մեջտեղով գալիս էր Ռիբինը ձեռները մեջքին կապկպած, նրա կողքից քայլում էին երկու հարյուրա-

պետներ՝ փայտերը համաշափ գարկելով գետնին, իսկ գավառակի վարչութիւնի պատշգամբի մոտ կանգնած էին մի խումբ մարդիկ և լուռ սպասում էին:

Մայրն ապշած անընդհատ նայում էր, Ռիբինն ինչ-որ բան էր ասում, մայրը լսում էր նրա ձայնը, բայց բառերն անարձագանք կորչում էին իր սրտի մութ, գողգոջուն ամայութիւնի մեջ:

Մայրն ուշքի եկավ, շունչ քաշեց, պատշգամբի մոտ կանգնած էր լայն, փայլուն մորուքով մի մուծիկ, որ կապույտ աչքերը հառել էր մոր դեմքին: Հագալով և երկյուղից ուժասպառ ձեռներով կոկորդը սրբելով՝ մայրը դժվարութեամբ հարցրեց մուծիկին.

— Սա ի՞նչ բան է:

— Մտիկ արեք ու տեսեք, — պատասխանեց մուծիկը և երեսը դարձրեց: Մի մուծիկ էլ եկավ ու կանգնեց կողքին:

Հարցուրապետները կանգ առան ամբոխի առջև, որն ավելի ու ավելի էր աճում արագ և լուռ, ահա նրա վրա հանկարծ թանձրորեն բարձրացավ Ռիբինի ձայնը.

— Ուղղափառներ, լսե՛լ եք այն ճշմարիտ թղթերի մասին, որոնց մեջ ճշմարտութիւնն է գրված մեր գլուղացիական կյանքի մասին: Ահա՛ ես այդ թղթերի համար եմ տառապում, այդ գըրքերը ե՛ս եմ ժողովրդին բաժանել:

Մարդիկ Ռիբինին ավելի սեղմ շրջապատեցին: Նրա ձայնը հնչում էր հանգիստ, շափավոր: Դա մորն զգուշացնում էր:

— Լսո՞ւմ ես, — կապտաշյա մուծիկի կողին հրելով կամաց հարցրեց մյուսը: Նա առանց պատասխանելու գլուխը բարձրացրեց և նորից նայեց մոր դեմքին: Մյուս մուծիկն է՛լ նայեց մորը, նա առաջինից ավելի երիտասարդ էր, մուգ, նոսր մորուքով և պեպենից խայտաբղետ, նիհար դեմքով: Ապա երկուսն էլ պատշգամբից հեռացան մի կողմ:

«Վախենում են», — ակամա նկատեց մայրը:

Նրա ուշադրութիւնը լարվեց: Պատշգամբի բարձրութիւնից նա պարզ տեսնում էր Միխայիլ Իվանովիչի ջարդված, սև դեմքը, նկատում էր նրա աչքերի վառվռուն փայլը. նա ուզում էր, որ Ռիբինն էլ իրեն տեսնի, և ոտների ծայրերին բարձրանալով՝ գլուխը երկարացնում էր դեպի նա:

Մարդիկ Ռիբինի վրա նայում էին մռայլ, անվստահորեն և լուռ էին: Միայն ամբոխի հետևի շարքերում էր զուսպ խոսակցութիւն լսվում:

— Գյուղացիներ,— լիաթոք և զիւ ձայնով ասում էր Ռիբի-  
նը:— Այդ թղթերին հավատացեք, ես այժմ նրանց համար գուցե  
մեռնեմ, ինձ ծեծեցին, տանջեցին, ուզում էին իմանալ, ես  
ո՞րտեղից եմ վերցրել դրանք, և դեռ էլի կծեծեն, ամեն ինչ  
կտանեմ: Որովհետև այդ թղթերում ճշմարտությունն է գրված,  
այդ ճշմարտությունը մեզ համար հացից թանկ պիտի լինի, ա՛յ  
թե ինչ:

— Նա ինչո՞ւ է այդ բաներն ասում,— կամաց բացականչեց  
պատշգամբի մոտի մուտիկներից մեկը: Կապտաշյան դանդաղ  
պատասխանեց.

— Հիմա միևնույնն է՝ մարդ մի անգամից ավելի հո՞ չի  
մեռնելու:

Մարդիկ կանգնած էին լուռումունջ, նայում էին աչքի տա-  
կով, խոժոռ, կարծես ամենքի վրա մի անտեսանելի, բայց ծանր  
բան էր ընկած:

Ուրյադնիկը դուրս եկավ պատշգամբ և երերալով, հարբած  
ձայնով մոնչաց.

— Այդ ո՞վ է խոսողը:

Նա հանկարծ իրեն ցած գլորեց պատշգամբից, բռնեց Ռիբի-  
նի մազերից և գլուխը դեպի առաջ քաշքշելով ու ետ հրելով,  
գոռաց.

— Այդ դո՞ւ ես խոսում, շա՞ն որդի, այդ դո՞ւ ես:

Ամբոխը տատանվեց. դղրդաց: Մայրն անզոր թախծով  
գլուխը կախեց: Եվ նորից հնչեց Ռիբինի ձայնը.

— Ա՛յ, մտի՛կ արեք, բարի՛ մարդիկ...

— Լո՞ն՛,— Ուրյադնիկը խփեց նրա ականջին: Ռիբինը ոտ-  
ների վրա օրորվեց, թոթվեց ուսերը:

— Մարդու ձեռները կապել են ու շարշարում, ինչպես  
ուզում են...

— Հարյուրապետներ: Տարե՞ք սրան: Ժողովո՞ւրդ, ցըր-  
վի՞ր:— Ռիբինի առջև ցատկոտելով, ինչպես շղթայված շունը  
մտի կտորի առջև, ուրյադնիկը բռունցքներով խփում էր նրա  
դեմքին, կրծքին, փորին:

— Մի՛ խփիր,— գոռաց մեկն ամբոխի միջից:

— Ինչո՞ւ ես խփում,— պաշտպանեց մի ուրիշ ձայն:

— Գնա՛նք,— ասաց կապտաշյա մուտիկը գլխով անելով:  
Եվ երկուսով առանց շտապելու գնացին դեպի գավառակի վար-  
չությունը, իսկ մայրն ուղեկցեց նրանց բարի հայացքով: Նա

թեթևացած շունչ քաշեց, ուրյադնիկը նորից ծանրորեն վա՛ռեց  
պատշգամբ և այնտեղից բռունցքով սպառնալով կատաղի գո-  
ռաց.

— Այստե՛ղ բերել նրան, ասում եմ...

— Հարկավոր չի՞,— ամբոխի միջից լավեց մի ուժեղ ձայն.  
մայրը հասկացավ, որ կապույտ աչքերով մուտիկն էր այդ  
ասողը:— Չթողնե՛ք, տղե՛րք: Կտանեն այնտեղ, ծեծելով կսպա-  
նե՛ն: Հետո էլ մեզ վրա կգցեն, կասեն թե մե՛նք ենք սպանել:  
Չթողնե՛ք:

— Գյուղացիներ,— որոտում էր Միխայլոյի ձայնը,— մի՞ թե  
դուք չեք տեսնում ձեր կյանքը, չեք հասկանում, թե ինչպես են  
կողոպտում ձեզ, ինչպես են խաբում, խմում ձեր արյունը:  
Ամեն ինչ ձեզից է կախված, դո՞ւք եք առաջին ուժը երկրիս  
վրա, իսկ ի՞նչ իրավունքներ ունեք: Սովից սատկել, սա՛ է ձեր  
միակ իրավունքը...

Մուտիկները հանկարծ աղմկեցին իրար ընդհատելով.

— Ճի՛շտ է ասում:

— Պրի՛ստավին կանչեցեք: Ո՞ւր է պրիստավը...

— Ուրյադնիկը գնացել է հետևից...

— Հարբա՞ծը...

— Մեր գործը չի՞ իշխանավորներին հավաքելը...

Աղմուկը քանի գնում աճում էր, ավելի՞ վեր բարձրանում:

— Խոսի՛ր: Չենք թողնի, որ ծեծեն:

— Բա՛ց արեք նրա ձեռքերը...

— Հանկարծ փորձանքի մեջ շընկնե՛նք...

— Ձեռքերս ցավո՞ւմ են,— բուրբ ձայները խլացնելով՝ հա-  
մաշափ և զիւ ձայնով ասում էր Ռիբինը:— Ես չեմ փախչի, մու-  
տիկներ: Իմ ճշմարտությունից չե՛մ թաքնվի, նա իմ մեջ է  
սպրում...

Մի քանի հոգի ամբոխից հաստատորեն դանազան կողմեր  
հեռացան ծանր քայլերով, կիսաձայն խոսքեր փոխանակելով  
իրար հետ և գլուխները ճոճելով: Բայց ավելի ու ավելի շատ  
էին վազեմվազ գալիս վատ և շտապ հագնված, զրգոված մար-  
դիկ: Նրանք սև փրփուրի պես եռում էին Ռիբինի շուրջը, իսկ  
նա կանգնել էր նրանց մեջ, ինչպես մատուռը անտառում, ձեռ-  
ները գլխից վեր բարձրացրած և ցնցելով գոռում էր ամբոխի  
մեջ.

— Շնորհակալությո՞ւն, բարի՛ մարդիկ, շնորհակալությո՞ւն:

Մենք ինքներս պետք է իրար ձեռքեր ազատենք, այսպե՛ս: Մեզ ո՞վ կօգնի:

Նա սրբեց մորուքը և նորից բարձրացրեց ամբողջապես արնաթաթախ ձեռքը:

— Ահա իմ արյունը, ճշմարտութեան համար է թափվում:

Մայրը պատշգամբից իջավ, բայց գետնից Միխայլոն չէր երևում, որին սեղմել էր ժողովուրդը, և մայրը նորից բարձրացավ աստիճանների վրա: Իր կրծքում նա ջերմութիւն էր զգում, և մի անորոշ ուրախութիւն թպրտում էր այնտեղ:

— Գլուղացիներ, փնտրեցեք գտեք այդ թղթերը, կարդացե՛ք. մի՛ հավատար իշխանավորներին ու տերտերներին, երբ նրանք ասում են, թե անաստված և խռովարար են այն մարդիկ, որոնք մեզ ճշմարտութիւն են բերում: Ծշմարտութիւնը գաղտնի է շրջում երկրի երեսին, նա բույն է փնտրում ժողովրդի մեջ, իշխանութեան համար նա դանակի ու կրակի պես բան է, իշխանութիւնը չի կարող ընդունել նրան, դա կմորթի իշխանութեանը, կայրի նրան: Ծշմարտութիւնը ձեր բարի բարեկամն է ու իշխանութեան ռեսերիմ թշնամին: Ահա թե ինչո՞ւ է նա թաքնվում...

Աբոխի մեջ նորից բռնկվեցին մի քանի բացականչութիւններ:

— Լսեցե՛ք, ուղղափառներ...

— Է՛, եղբա՛յր, դու կկորչես...

— Քեզ ո՞վ մատնեց:

— Տերտե՛րը, — ասաց հարյուրապետներից մեկը:

Երկու մուտիկ թունդ հայհոյեցին:

— Մտի՛կ արեք, տղե՛րք, — հնչեց մի նախազգուշացնող ազաղակ:

## XVI

Ամբոխին մոտենում էր գավառամասի պրիստավը, բարձրահասակ, ամրակազմ, կլոր դեմքով մի մարդ: Նրա զխարկը թեք էր դրված, մեկ ընչացքը ուղղված էր վեր, իսկ մյուսը կախված դեպի ցած, և դրանից նրա դեմքը թվում էր ծուռ, բութ, մեռած ժպտից այլանդակված: Ձախ ձեռքում նա թուրն էր բռնել, իսկ աջը շարժում էր օդում: Լսելի էր նրա ծանր և հաստատուն քայլերի ձայնը: Ամբոխն ընկրկեց նրա առջև: Դեմքերի վրա մի խոժոռ և ճնշված արտահայտութիւն երևաց, աղմուկը

լռում, ցածրանում էր կարծես մտնում էր գետնի մեջ: Մայրն զգում էր, որ իր ճակատի կաշին դողում է և աչքերը տաքացել են: Նա նորից ցանկացավ մտնել ամբոխի մեջ, առաջ թեքվեց և սառեց լարված դիրքով:

— Ի՞նչ կա, — հարցրեց պրիստավը կանգ առնելով Ռիբինի դիմաց և աչքերով շփեւելով նրան: — Ձեռքներդ ինչո՞ւ կապված չեն: Հարյուրապետներ: Կապկպե՛ր:

Նրա ձայնը բարձր ու զիւ էր, բայց անգույն:

— Կապված են եղել, ժողովուրդը ետ է արհւ, — պատասխանեց հարյուրապետներից մեկը:

— Ի՞նչ, ժողովուրդը: Ի՞նչ ժողովուրդ:

Պրիստավը նայեց մարդկանց, որոնք կիսաշրջանաձև կանգնած էին իր առջև: Եվ նույն միաւար, անգույն ձայնով, ոչ բարձրացնելով, ոչ էլ իջեցնելով՝ շարունակեց.

— Այդ ո՞վ է այդ ժողովուրդը:

Ձեռքի թարս շարժումով նա թրի կոթը խփեց կապույտ աչքերով մուտիկի կրծքին:

— Չո՛ւմակով, այդ դո՞ւ ես ժողովուրդը: Դե, էլի՞ ո՞վ է: Դո՞ւ ես, Մի՛շին:

Եվ աչ ձեռքով քաշեց մեկի մորուքը:

— Յրվե՛ք, սրիկաներ... Թե չէ, ես ձեզ, ձեզ ցույց կտամ:

Նրա ձայնի մեջ, դեմքի վրա ոչ գրգռվածութիւն կար, ոչ սպառնալիք, նա խոսում էր հանգիստ, մարդկանց խփում էր ամուր ու երկար ձեռների սովորական, համաշափ շարժումներով: Մարդիկ նահանջում էին նրա առջև՝ զլուխները կախ, դեմքերը մի կողմ դարձնելով:

— Հը՛, դուք ի՞նչ եք կանգնել, — դիմեց նա հարյուրապետներին: — Կապի՛ր:

Անպատկառ խոսքերով հայհոյեց, նորից նայեց Ռիբինին և բարձրաձայն ասաց նրան.

— Ձեռքերդ հետևդ տար, դո՛ւ:

— Ես չե՛մ ուզում, որ ձեռքերս կապեն, — խոսեց Ռիբինը: — Փախչելու միտք չունեմ, չեմ կովում, էլ ինչո՞ւ եք կապոտում ինձ:

— Ի՞նչ, — հարցրեց պրիստավը դեպի նա քայլ անելով:

— Բավակա՛ն է ժողովրդին տանջել, գազաններ, — ձայնը բարձրացնելով՝ շարունակեց Ռիբինը: — Շուտով ձեր կարմիր օրն էլ կհասնի...



Պրիստավը կանգնել էր նրա առջև և ընչացքները շարժելով նայում էր նա դեմքին: Ապա մի քայլ ետ գնաց և սուլող ձայնով ապշած երգեց.

— Ա-ա-ա-ա, շա՛ն որդի: Ի-ի՛նչ խոսքեր են:

Եվ հանկարծ արագ և պինդ խփեց Ռիբինի երեսին:

— Բռունցքով ճշմարտութունն սպանել չե՛ս կարող,— գոչեց Ռիբինը նրա վրա հարձակվելով:— Եվ ինձ ծեծելու իրավունք չունես, գարշելի՛ շուն:

— Իրավունք չունե՞մ: Ե՛ս,— ծոր տալով ոռնաց պրիստավը: Եվ նորից ձեռքը ետ տարավ՝ նշան վերցնելով Ռիբինի գլուխը: Ռիբինը կոացավ, հարվածը չկապվ նրան, պրիստավն օրորվելով՝ հազիվ կարողացավ ոտքի վրա մնալ: Ամբոխի մեջ մեկը բարձրաձայն փոթակցրեց, և նորից հնչեց Միխայիլի զայրագին աղաղակը.

— Մի՛ համարձակվիր, ասում եմ, խփել ինձ, դե:

Պրիստավը շուրջը նայեց, մարդիկ մոռյլ ու լուռ ավելի սեղմ, մութ օդակ էին կազմում...

— Նիկի՛տա,— բարձրաձայն կանչեց պրիստավը շուրջը նայելով:— Նիկի՛տա, հե՛յ:

Ամբոխի միջից դուրս եկավ մի թիկնավետ, ցածրահասակ մուժիկ կարճ կիսամուշտակով: Նա գետնին էր նայում, մեծ զրզ-զրզված գլուխը կախած:

— Նիկի՛տա,— ընչացքը ուղորելով և առանց շտապելու ասաց պրիստավը:— Մի լա՛վ հասցրու նրա ականջին:

Մուժիկն առաջ քայլեց, կանգ առավ Ռիբինի դիմաց, գլուխը բարձրացրեց: Ռիբինը շեշտակի նրա երեսին խփում էր ծանր, ճշմարիտ խոսքեր.

— Ա՛յ, մտի՛կ արեք, մարդի՛կ, տեսե՛ք թե գազաններն ինչպե՞ս են հենց ձեր ձեռքով ձեզ խեղդում: Մտի՛կ արեք, մտածեցե՛ք:

Մուժիկը ձեռքը դանդաղ բարձրացրեց և ծուլ-ծուլ հարվածեց նրա գլխին:

— Մի՞թե այդպես կխփեն, շա՛ն որդի,— ճչաց պրիստավը:

— Հե՛յ, Նիկի՛տա,— ոչ բարձրաձայն ասացին ամբոխի միջից:— Աստծուն մի՛ մոռանա:

— Խփի՛ր, ասում եմ,— գոռաց պրիստավը մուժիկի վզա-կաթին հրելով:

Մուժիկը մի կողմ քայլեց և գլուխը կախելով մոռյլ ասաց.

— էլ չեմ խփի...

— Ի՞նչ:

Պրիստավի դեմքը ցնցվեց, նա ոտները գետնին խփելով, հայհոյելով հարձակվեց Ռիբինի վրա: Խուլ շրխկաց հարվածը, Միխայլոն օրորվեց, ձեռքը թափահարեց, բայց պրիստավը երկրորդ հարվածով նրան գետին գլորեց և շուրջը ցատկոտելով՝ սկսեց մոնչալով խփել ոտներով Ռիբինի կրծքին, կողերին, գլխին:

Ամբոխը թշնամաբար բռռաց, տատանվեց՝ պրիստավի վրա շարժվելով, պրիստավը նկատեց այդ, ետ ցատկեց և պատյա-նից դուրս քաշեց թուրը:

— Այդպես հա՛: Բունտ եք անում: Հա՛... Ա՛յ թե ի՛նչ...

Նրա ձայնը ցնցվեց, ճչաց և կարծես կոտրվեց, խռոաց: Ձայնի հետ նա հանկարծ կորցրեց իր ուժը, գլուխը քաշեց ուտե-րի մեջ, կոացավ և դատարկ աչքերն ամեն կողմ պտտելով՝ ընկրկեց, ոտներով զգուշորեն շոշափելով հետևի հողը: Նահանջելով նա գոռում էր խոպոտ ու տագնապալից:

— Լա՛վ: Վերցրե՛ք նրան, ես մեկնում եմ,— ապա՛: Գի-տե՞ք դուք, անիծվա՛ծ սրիկաներ, որ նա քաղաքական հանցա-գործ է, ցարի դեմ է գնում, խոտվութուն է սարքում, գիտե՞ք: Իսկ դուք նրան պաշտպանում եք, հա՛: Գուք խոտվարարնե՞ր եք: Ըհը՛-ը...

Անշարժ, անթարթ աչքերով, ուժն ու դատողությունը կորց-րած կանգնել էր մայրը կարծես ծանր երազում, երկյուղից ու խղճահարութունից ճզմված: Իշամեղունների պես նրա գլխում բզբում էին մարդկանց վիրավորված, մոռյլ և զայրագին աղա-ղակները, դողում էր պրիստավի ձայնը, լսվում էին ինչ-որ շշուկներ...

— Եթե նա հանցավոր է՝ դատի՛ր...

— Դուք ներեցե՛ք նրան, ձերդ ազնվութուն...

— Այդ ի՛նչ եք անում դուք, այդ ո՞ր օրհնքով...

— Մի՞թե կարելի է: Որ բոլորն սկսեն այդպես ծեծել, ի՛նչ դուրս կգա այն ժամանակ:

Մարդիկ երկու խմբի բաժանվեցին, մեկը պրիստավին շր-ջապատելով գոռում և հորդորում էր նրան, մյուսը, որ սեղա-վաթիվ էր, մնաց ծեծվածի մոտ և խուլ, մոռյլ բորբում էր: Մի քանի հոգի բարձրացրին նրան գետնից, հարյուրապետները նորից կամեցան կապել նրա ձեռները:

— Սպասեցե՛ք, սատանանե՛ր,— գոռում էին նրանց վրա։ Միխայլոն դեմքից և մորուքից սրբում էր ցեխը, արյունը և լուռ շուրջն էր նայում։ Նրա հայացքը սահեց մոր դեմքի վրայով, մայրը ցնցվելով դեպի նա ձգվեց, ակամա թափ տվավ ձեռքը, Ռիբինը երեսը դարձրեց։ Բայց մի քանի րոպե հետո նրա աչքերը նորից կանգ առան մոր դեմքի վրա։ Մորը թվաց, թե Ռիբինը շտկվեց, գլուխը բարձրացրեց, արյունոտված այտերը դողողացին...

«Ճանաչեց, մի՞թե ճանաչեց...»

Եվ Ռիբինին գլխով արեց՝ տխրագին, հոգեմաշ ուրախությունից ցնցվելով։ Բայց հետևյալ պահին նա տեսավ, որ Ռիբինի մոտ կանգնած է կապտաշյա մուժիկը և նույնպես նայում է իրեն։ Այդ մուժիկի հայացքը մի րոպե երկյուղի գիտակցություն արթնացրեց մոր մեջ...

«Ես այս ի՞նչ եմ անում։ Չէ՞ որ ինձ էլ կբռնեն»։

Մուժիկը Ռիբինին ինչ-որ բան ասաց, նա գլուխը թափ տվեց և կերկերուն ձայնով, բայց պարզորոշ և առույգ խոսեց.

— Վնաս չունի՛։ Մենակ ե՛ս չեմ աշխարհումս, ամբողջ ճշմարտությունը նրանք բռնել չե՛ն կարող։ Ուր որ ես եղել եմ, այնտեղ իմ հիշատակը կմնա՛, ա՛յ թե ինչ։ Թեպետ նրանք բույնը քանդել են, այնտեղ այլևս բարեկամ-ընկերներ չկան...

«Այդ նա ինձ համար է ասում»,— արագ կռահեց մայրը։

— Բայց կգա օրը, արծիվները դուրս կթռչեն ազատ, ժողովուրդը կազատվի՛։

Մի կին մի դույլ շուր բերեց և սկսեց ախ քաշելով և ողբուկոծ անելով լվանալ Ռիբինի երեսը։ Նրա բարակ, աղերսագին ձայնը խառնվում էր Միխայլոյի խոսքերին և մորը խանգարում հասկանալու դրանք։ Պրիստավին առաջները գրած մոտեցան մի խումբ մուժիկներ. մեկը բարձրաձայն գոռում էր.

Սա՛յլ բերեք կալանավորի համար, հե՛յ։ Ո՛ւմ հերթն է։

Ապա լավեց պրիստավի նոր, կարծես նեղացած ձայնը.

— Ես կարող եմ քեզ խփել, իսկ դու ինձ չես կարող, չես համարձակվի, տխմա՛ր։

— Այդպե՛ս։ Իսկ դու ո՞վ ես, աստված ես,— գոչեց Ռիբինը։ Բացականությունների մի աններդաշնակ և ոչ բարձր հորձանք խլացրեց նրա ձայնը.

— Մի՛ վիճիր, քեռի։ Այստեղ իշխանություն է...

— Մի՛ բարկանա, ձերդ աղնվություն։ Մարդու խելքը գլխին չի...

— Սո՛ւս արա, հիմա՛ր։

— Ա՛յ, հիմա քեզ քաղաք կտանեն...

— Այնտեղ ավելի՛ շատ օրենք կա։

Ամբոխի գոչյունները հնչում էին ավելի հաշտարար, աղաչական, այդ հնչյունները խառնվում, դառնում էին մի անորոշ իրարանցում, որի մեջ ինչ-որ անհուսալի, ողբագին շեշտ կար։ Հարյուրապետները Ռիբինի թևերի տակից բռնած տարան գավառակի վարչության պատշգամբը, անհետացան դռան հետևում։ Մուժիկները դանդաղ ցրվում էին հրապարակում, մայրը տեսնում էր, որ կապտաշյան մոտենալով աչքի տակով իրեն է նայում։ Մոր ծնկները դողացին, մի վճատ, զգացում ծծեց նրա սիրտը՝ սրտախառնություն առաջացնելով։

«Չպիտի՛ հեռանամ,— մտածեց նա։— Հարկավոր չէ»։

Եվ ճաղերից պինդ բռնած՝ սպասում էր։

Պրիստավը գավառակի վարչության պատշգամբում կանգնած, ձեռները թափահարելով ասում էր կշտամբալից, արդեն նորից անգույն, անհոգի ձայնով։

— Հիմարներ եք դուք, շա՛ն որդիներ։ Ոչինչ չհասկանալով՝ խցկվում եք այսպիսի գործի մեջ, պետական գործի մեջ։ Անասուններ։ Պետք է ինձանից շնորհակալ լինեք, ծնկալոք խոնարհվեք ինձ, բարությանս համար։ Ուզենամ, բոլորդ տաժանակիր աշխատանքի կերթաք...

Մի երկու տասնյակ մուժիկներ կանգնել էին գլխարկները հանած և լսում էին։ Մթնում էր, ամպերը ցած էին իջնում։ Կապտաշյան մոտեցավ պատշգամբին և հռոտալիով ասաց.

— Ահա թե մեզ մոտ ինչեր են լինում...

— Այո-ո,— կամաց արձագանքեց մայրը։

Մուժիկը նայեց նրան սրտաբաց հայացքով և հարցրեց.

— Ինչո՞վ եք զբաղվում։

— Կանանցից ժանյակներ եմ գնում, նույնպես և քաթան...

Մուժիկը դանդաղորեն շփեց մորուքը։ Ապա գավառակի վարչության կողմը նայելով՝ ձանձրալիորեն և կամաց ասաց.

— Մեզ մոտ այդպիսի բաներ չեն ձարվի...

Մայրը նայեց նրան վերից վար և սպասում էր հարմար պահի, որ գնա սենյակը։ Մուժիկի դեմքը մտախոհ էր, սիրուն, աչքերը տրտում։ Նա լայնաթիկունք էր և բարձրահասակ, հագել

էր վերից վար կարկատաններով ծածկված կաֆտան, շքե մաքուր շապիկ, գյուղական շեկ մահուդից անդրալարտիք և բոբիկ ոտներին հնամաշ կոշիկներ...

Մայրը շիմանալով ինչու, թեթևացած շունչ քաշեց: Եվ հանկարծ, ենթարկվելով անորոշ մտքից ավելի շուտ ծագած մի նուրբ զգացումի, իր համար անսպասելիորեն հարցրեց մուծիկին.

— Հը՛, կարելի՞ է քեզ մոտ գիշերել:

Հարցրեց, և նրա մեջ պիրկ ձգվեց ամեն ինչ՝ մկանները, ոսկորները: Նա շտկվեց, կանգ առած աչքերով նայելով մուծիկին: Նրա գլխում աբազ իրար էին հաջորդում խոցոտող մտքերը. «Նիկոլայ Իվանովիչին կկործանեմ: Պաշային չեմ տեսնի երկա՛ր ժամանակ: Ինձ ծեծե՛ն»:

Գետին նայելով և առանց շտապելու մուծիկը պատասխանեց, կաֆտանը կրծքին քաշելով.

— Գիշերե՞լ: Կարելի է, ինչո՞ւ չէ: Միայն թե խրճիթս վատն է...

— Ես երես տվածներից չեմ, — առանց իրեն հաշիվ տալու պատասխանեց մայրը:

— Կարելի՞ է, — կրկնեց մուծիկը, փորձող հայացքով շափելով նրան:

Արդեն մթնել էր, և աղջամուղջի մեջ մուծիկի աչքերը սառը փայլում էին, դեմքը խիստ գունատ էր թվում: Մայրը կարծես զատիվայրից իջնելով կամաց ասաց.

— Ուրեմն ես հենց հիմա էլ կգամ, իսկ դու ճամպրուկս վերցրու...

— Կա՛մ:

Մուծիկն ուսերը թոթվեց, կաֆտանը նորից վրա քաշեց և կամաց ասաց.

— Ահա սայլը գալիս է...

Գավառակի վարչության պատշգամբի վրա երևաց Ռիբինը, նրա ձեռները նորից էին կապկպված, գլուխն ու դեմքն ինչ-որ գորշ բանով փաթաթված:

— Մնաք բարո՛վ, բարի՛ մարդիկ, — հնչում էր նրա ձայնը երեկոյան սառն աղջամուղջում: — Փնտրեցիք, գտե՛ք ճշմարտությունը ու պահպանեցե՛ք, հավատացե՛ք այն մարդուն, որը ձեզ համար կբերի մաքուր խոսք, ճշմարտության համար ձեզ շինարարեցե՛ք...

— Լռի՛ր, շո՛ւն, — ինչ-որ տեղից գոռաց պրիստավը, — հարյուրապե՛տ, ձիերը, քշի՛ր, հիմա՛ր:

— Դուք ի՞նչ ունեք ափսոսելու: Ի՞նչ է ձեր կյանքը:

Սայլը ճանապարհ ընկավ: Երկու հարյուրապետները երկու կողմում՝ Ռիբինը սայլում նստած, խուլ ձայնով գոչում էր.

— Ինչի՞ համար եք քաղցից կոտորվում: Աշխատեցեք աղատություն ձեռք բերել, նա կտա և՛ հաց, և՛ ճշմարտություն, մնաք բարով, բարի՛ մարդիկ...

Անիվների արագ աղմուկը, ձիերի դոփշունը, պրիստավի ձայնը պարուրեցին Ռիբինի խոսքը, շփոթեցին և խեղդեցին:

— Վերջացա՛վ, — ասաց մուծիկը գլուխը թափ տալով, և մորը դիմելով կամաց շարունակեց. — դուք այնտեղ կայարանում մի քիչ նստեցեք, ես քիչ հետո կգամ...

Մայրը մտավ սենյակ, նստեց սեղանի մոտ ինքնակուրս առաջ, ձեռքն առավ մի կտոր հաց, նայեց և դանդաղորեն նորից դրեց ափսեի մեջ: Քաղցած չէր, սրտի գրալի տակ նորից աճեց սիրտ խառնելու զգացողությունը: Դա զգվելիորեն տաք մի բան էր, որ ուժից պոչում էր՝ արյունը սրտից դուրս ծծելով և գլուխը պտտեցնում: Նրա առջև կանգնած էր կապտաշյա մուծիկի դեմքը, տարօրինակ, կարծես կիսատ-պոստ, վստահություն չէր ներշնչում: Զգիտես ինչո՞ւ, մայրը չէր ուզում ուղղակի մտածել, թե նա կմատնի իրեն, բայց այդ միտքն արդեն ծագել էր նրա գլխում և ծանրացել սրտին իբրև բուժ և անշարժ մի բան:

«Նա ինձ նկատեց, — ծուլորեն և անուժ մտորում էր նա: — նկատեց, գլխի ընկավ...»

Դրանից դենը չէր գնում միտքը, սուզվելով ձանձրալի վհատության, սրտախառնոցի մածուցիկ զգացողության մեջ:

Պատուհանի հետևը, երկշոտ կերպով պահ մտած խաղաղությունն աղմուկին փոխարինելով՝ գյուղում երևան էր բերում մի ինչ-որ ճնշված, վախեցած բան, կրծքում սրում էր մենակության զգացումը՝ հոգին լցնելով մոխրի պես գորշ ու փափուկ աղջամուղջով:

Ներս մտավ աղջիկը և դուան մոտ կանգ առնելով հարցրեց.

— Զվածե՞ղ բերեմ:

— Պետք չի, արդեն չեմ ուզում, ինձ այդ աղմուկով վախեցրին:

Աղջիկը մոտեցավ սեղանին՝ գրգռված, բայց կամաց պատմելով:

— Ինչպե՞ս էր խփում պրիստավը: Ես մոտիկ էի կանգնած, տեսնում էի, բոլոր ատամները ջարդեց, նա թքում էր, իսկ արյունը թանձր-թանձր էր, մուգ... Աչքեր հո շմնացին բոլորովին: Նա ձյութագործ է: Ուրյաղնիկը այնտեղ մեզ մոտ ընկած է հարբած և դեռ էլի գինի է պահանջում: Ասում է՝ նրանք մի ամբողջ խումբ են եղել, իսկ սա, այդ մորուքավորը նրանց մեծն է, ատամանն է այսինքն: Երեքին բռնել են, իսկ մեկը փախել է, լսո՞ւմ ես: Մի ուսուցիչ էլ են բռնել, էլի նրանց հետ: Ասածուն նրանք շեն հավատում, ուրիշներին էլ հորդորում են, որ եկեղեցիները կողոպտեն, ա՛յ թե ի՛նչ բաներ են նրան: Իսկ մեր մուծիկներից ոմանք խղճում էին նրան, այդ մարդուն, ոմանք էլ ասում էին, թե լավ է սպանել վերջացնել: Մեզ մոտ այնպիսի շարասիրտ մուծիկներ կան ո՞ր:

Մայրն ուշադրությամբ ականջ էր դնում այդ անկապ, արագ խոսակցությանը, աշխատելով խեղդել իր տագնապը, ցրել տաղտկալի սպասումը: Իսկ աղջիկը երեկ ուրախ էր, որ իրեն լսում են, և խոսքերից շնչասպառ լինելով՝ ավելի ու ավելի աշխուժորեն էր շաղակրատում ձայնն իջեցնելով:

— Հայրիկս ասում է՝ այս բոլորն անբերրիությունիցն է: Երկրորդ տարին է, որ մեր հողը բերք չի տալիս, հալից ընկել ենք: Հիմա դրանից մուծիկներն ա՛յնպես են դարձել, որ սարսափելի է: Ժողովներում գոռոռում են, կովում են: Մի քանի օր առաջ, երբ վասյուկովի իրերը չվճարված հարկերի դիմաց ծախում էին, նա ա-ա՛յնպես ծեփեց գյուղապետի մոտի՞ին. ահա՛ քեզ իմ պարտքն, ասում է...

Դուռն հետևում ծանր ոտնաձայներ լսվեցին: Ձեռքը նեղանին հենելով մայրը ոտքի կանգնեց...

Ներս մտավ կապտաշյա մուծիկը և առանց զխարկը հանելու հարցրեց.

— Իսկ ո՞ւր է ծանրոցը:

Նա դուրսվեց մայրի վերջրեց ճամպուղի, թափահարեց և ասաց.

Դատա՛րկ է: Մա՛րկա, եկվորին բեր մեր խրճիթը:

Եվ գնաց առանց ետ նայելու:

— Այստե՞ղ եք գիշերում, — հարցրեց աղջիկը:

— Այո՛: Ժանյակների համար եմ եկել, ժանյակ եմ գնում...

— Մեզ մոտ շեն գործում: Դա Տիկկովոյում են գործում, Դարյինոյում, իսկ մեզ մոտ՝ չկա, — բացատրեց աղջիկը:

— Այնտեղ ես վաղը կերթամ...

Աղջկան թեյի համար վճարելով մայրը նրան երեք կոպեկ տվեց և դրանով շատ ուրախացրեց նրան: Փողոցում բոբիկ ոտներով թաց հողը չփչփացնելով, աղջիկն ասում էր.

— Ուզո՞ւմ եք, ես Դարյինո վագեմ, կանանց ասեմ, որ այստեղ ժանյակ բերեն: Նրանք կգան, իսկ ձեզ կարիք չի լինի այնտեղ գնալու: Տասներկու վերստ է այնուամենայնիվ...

— Հարկավոր չի, սիրելի՛ս, — պատասխանեց մայրը նրա կողքից քայլելով: Սառն օդը զովացրեց նրան, և նրա գլխում դանդաղորեն ծագում էր մի ազոտ որոշում, ազոտ, բայց ինչ-որ բան խոստացող այդ որոշումը դժվարությամբ էր զարգանում, և մայրը ցանկանալով արագացնել նրա աճումը՝ համառորեն հարցնում էր ինքն իրեն.

«Ի՞նչպես վարվել: Եթե ուղղակի, խղճի դիմեմ...»

Մու՞թ էր, խոնավ ու ցուրտ: Խրճիթների պատուհաններն ազոտ լուսավորվում էին կարմրավուն, անշարժ լույսով: Անդորրության մեջ ննջելով բառաշում էին անասունները, լսվում էին վաղանցիկ կանչեր: Մի մու՞թ, ճնշված մտախոհություն էր պատել գյուղը:

— Այստեղ է, — ասաց աղջիկը: — Գիշերելու համար վատ տեղ եք ընտրել դուք, — շատ աղքատ է այս մուծիկը...

Նա դուռը շոշափեց, բաց արեց, ժիր կանչեց դեպի խրճիթի ներսը.

— Մորաքո՛ւյր Տատյանա:

Եվ փախավ: Խավարի միջից հասավ նրա ձայնը.

— Մնաք բարո՛վ...

## XVII

Մայրը կանգ առավ շեմքի մոտ և աչքերն ափով ծածկելով՝ տնտղեց: Խրճիթը նեղ էր, փոքրիկ, բայց մաքուր, դա միանգամից աչքի էր ընկնում: Վառարանի հետևից նայեց մի երիտասարդ կին, լուռ գլուխ տվեց և չքացավ: Առջևի անկյունում սեղանի վրա վառվում էր ճրագը:

Խրճիթի տերը նստած էր սեղանի առաջ, մատներով թըխված խկացնելով նրա ծայրը, և սևեռուն հայացքով նայում էր մոր աչքերին:

— Մտե՛ք, — ոչ իսկույն ասաց նա: — Տատյա՛նա, ապա մի գնա Պյոտրին կանչիր, շո՛ւտ:

Կինն արագ հեռացավ առանց հյուրին նայելու: Տանտիրոջ դիմաց երկար նստարանին նստած՝ մայրը շուրջը նայեց, իր ճամպրուկը չէր երևում: Տանջող լուսթյունը լցնում էր սենյակը, միայն ճրագի լույսը հազիվ լսելի ճրթճրթում էր: Մուծիկի մտահոգված, մոռյլ դեմքն անորոշ օրորվում էր մոր աչքերում՝ նրա մեջ հուսահատ տրտմութուն առաջ բերելով:

— Իսկ ո՞ւր է իմ ճամպրուկը,— հանկարծ և իր համար անսպասելիորեն բարձրաձայն հարցրեց մայրը:

Մուծիկը ուսերը թոթվեց և մտախոհ պատասխանեց.

— Չի կորչի...

Չայնն իջեցնելով՝ մռայլ շարունակեց.

— Ես քիչ առաջ աղջկա մոտ դիտմամբ ասացի, թե դատարկ է ճամպրուկը, ո՞չ, դատարկ չի՞: Նրա մեջ ծա՛նր բան է դրված:

— Է՞,— հարցրեց մայրը:— Որ ի՞նչ

Մուծիկը վեր կացավ, մոտեցավ մորը, կուցավ և ցածրաձայն հարցրեց.

— Այն մարդուն գիտե՞ք:

Մայրը ցնցվեց, բայց հաստատ պատասխանեց.

— Գիտե՛մ:

Այդ կարճ բառը կարծես ներսից նրան լուսավորեց և դրսից ամեն բան պարզ դարձրեց: Մայրը թեթևացած շունչ քաշեց, շարժվեց առաջ նստարանի վրա, ավելի ամուր՝ նստեց...

Մուծիկը լայն քմծիծաղ տվեց:

— Ես նկատեցի, որ դուք նրան նշան էիք անում, նա էլ ձեզ: Ես նրա ականջին հարցրի՝ ծանոթ է, ասացի, նա որ պատշգամբում կանգնած է:

— Իսկ նա՞ ինչ ասաց,— արագ հարցրեց մայրը:

— Նա՞: Ասաց, մենք շատ-շատ ենք: Այո՞: Շատ ենք, ասում է...

Հարցական նայելով հյուրի աչքերին և նորից ժպտալով՝ շարունակեց.

— Մե՛ծ ուժի տեր մարդ է... Համարձակ... ուղղակի ասում է — ե՛ս եմ, որ կամ: Նրան ծեծում են, իսկ նա իր ասածն է անում...

Նրա անվստահ և տկար ձայնը, կիսատ-պոստ դեմքը և պայծառ, սրտաբաց աչքերն ավելի ու ավելի էին հանգստացնում մորը: Անհանգստության և լքումի փոխարեն նրա կրծքում

հետզհետե բռնում էր կծու, ծակող կարեկցությունը դեպի Ռիբինը: Իրեն զսպել չկարողանալով, հանկարծակի և դառն բարկությամբ նա ճնշված բացականչեց.

— Ավազակնե՛ր, մոլագարնե՛ր:

Եվ փղձկաց:

Մուծիկը նրանից հեռացավ՝ մռայլորեն գլխով անելով:

— Իշխանությունը բարեկամներ ձեռք բերեց իր համար, այո՛:

Եվ հանկարծ նորից դեպի մայրը դառնալով, նա կամաց ասաց.

— Ես, ա՛յ թե ինչ, այնպես եմ գլխի ընկնում, որ ճամպրուկում թերթեր են, ճի՞շտ է:

— Այո՞,— ուղղակի պատասխանեց մայրը աչքերը սրբելով:— Նրա համար էի բերել:

Մուծիկը հոնքերը կիտեց, մորուքը բռունցքի մեջ առավ և մի կողմ նայելով լռեց:

— Մեր ձեռքն էլ է ընկել դրանից, գրքույկներն էլ են մեզ հասել: Այդ մարդուն մենք ճանաչում ենք... տեսե՛լ ենք:

Մուծիկը կանգ առավ, մտածեց հետո հարցրեց.

— Հիմա՞ ուրեմն՝ ի՞նչ պիտի անեք այդ բանը՝ ճամպրուկը:

Մայրը նայեց նրան և շեշտակի ասաց.

— Ձե՛զ կթողնեմ...

Մուծիկը շղարմացավ, շրոջոքեց, միայն կարճ կրկնեց.

— Մեզ...

Գլխով անելով՝ մորուքը բռունցքից բաց թողեց, մատներով օտերեց և նստեց:

Հիշողությունը անողորձ, համառ հաստատակամությամբ նորից մոր աչքերի առջև էր բերում Ռիբինի խոշտանգման տեսարանը: Ռիբինի պատկերը նրա գլխում հանգցնում էր բոլոր մտքերը, մարդու համար զգացած ցավն ու վիրավորանքը ծածկում էին բոլոր զգացմունքները, նա արդեն չէր կարողանում մտածել ճամպրուկի և որևէ այլ բանի մասին: Նրա աչքերից անզուսպ հոսում էին արցունքները, իսկ դեմքը մռայլ էր, և ձայնը չէր դողում, երբ տանտիրոջն ասում էր.

— Թալանում են, ճնշում, մարդուն կոխտուում են ցեխի մեջ, անխիժվածնե՛ր:

— Ո՛ւժ է,— կամաց արձագանքեց մուծիկը:— Նրանց ուժը շա՛տ մեծ է:

— Իսկ որտեղի՞ց են վերցնում,— բացականչեց մայրը բարկուծով:— Հենց մեզնից են վերցնում, ժողովրդից, ամեն բան մեզնից է վերցված:

Մորը դրգոում էր այդ մուծիկն իր պայծառ, բայց անհասկանալի դեմքով:

— Այո՛ր,— մտախոհ ծոր տվեց տանտերը:— Անիվ է... Ուշադրությունը լարեց, գլուխը թեքեց դեպի դուռը և ականջ դնելով՝ կամաց ասաց.

— Գալիս են...

— Ովքե՞ր:

— Մերոնք... Էրևի...

Եկավ կինը, նրա հետևից ներս մտավ մի մուծիկ, գլխարկն անկյունը նետեց, արագ մոտեցավ տանտիրոջը, հարցրեց.

— Հը՛, ի՞նչ դուրս եկավ:

Տանտերը գլխով արեց:

— Ստեպան, — ասաց կինը՝ կանգնելով վառարանի մոտ, — գուցե նրանք ճանապարհից են եկել, ուտել կուզենան:

— Չեմ ուզում, շնորհակալություն, սիրելիս, — պատասխանեց մայրը:

Մուծիկը մոտեցավ մորը և արագ, խզված ձայնով ասաց.

— Ուրեմն թո՛ւյլ տվեք ծանոթանալ: Իմ անունը Պյոտր Եզորով Ռյաբինին է, մականունս՝ Շիլո\*։ Չեք գործերին մի քիչ տեղյակ եմ: Գրագետ եմ և հիմար չեմ, այսպես ասած...

Նա բռնեց մոր մեկնած ձեռքը և թոթվելով՝ դիմեց տանտիրոջը.

— Ա՛յ, Ստեպան, տե՛ս: Վարվառա նիկոլաննան բարի տիկին է, ճի՛շտ է: Իսկ այս բոլորի մասին ասում է՝ դատարկ բաներ են, ցնորքնե՛ր են: Իբր թե տղաներ և ինչ-որ զանազան ուսանողներ ժողովրդին հիմարությամբ գրգռում են: Սակայն ես ու դու տեսնում եք՝ հենց նոր մի պատկառելի, ինչպես որ կարգն է, մուծիկի ձեռքակալեցին, հիմա էլ ահա սա, հասակն առած մի կին և, ինչպես երևում է, աղաներից չի: Զվիրավորվեք, դուք ի՞նչ ծագում ունեք:

Նա խոսում էր փութկոտ, պարզորոշ, առանց շունչ առնելու, նրա փոքրիկ մորուքը ջղախոտրեն դողում էր և աչքերը կկոցվելով՝ արագ շոշափում էին մոր դեմքն ու կերպարանքը: Պատա-

\* Քիզ:

ռոտված, գզգզված, գլխի մազերը խճճված, նա կարծես թե նոր էր կովել մեկի հետ, հաղթել թշնամուն և ամբողջովին համակված էր հաղթության ուրախ հուզմունքով: Նա մորը դուր եկավ իր ճարտարությամբ և նրանով, որ միանգամից խոսեց ուղղակի և պարզ: Սիրալիք նրա դեմքին նայելով՝ մայրը պատասխանեց նրա հարցին, իսկ նա նորից ուժգին թափ տվեց մոր ձեռքը և կամացուկ, շոր-շոր ծիծաղեց բեկբեկուն ծիծաղով:

— Բանը պարզ է, Ստեպան, տեսնո՞ւմ ես: Հրաշալի գործ է: Ես քեզ ասում էի, որ սա ժողովուրդն է սկսում ինքն իր ձեռքով: Իսկ տիկինը, նա ճիշտը չի ասի, նրան դա վնաս է: Ես տիկնոջը հարգում եմ, խոսք չկա: Կավ մարդ է և մեզ բարիք է ցանկանում, ասենք՝ մի՛ քիչ, այնքան, որ իրեն էլ վնաս չլինի: Իսկ ժողովուրդը, նա ցանկանում է առանց դեսուդեն ընկնելու առաջ գնալ և ոչ մի կորստից, ոչ մի վնասից չի վախենում, հասկացա՞ր: Նրա համար ամբողջ կյանքն է վնասակար, ամեն տեղ կորուստ ունի, նա ետ դառնալու տեղ չունի, շորս կողմը բան չկա, բացի այն, որ ամեն կողմից նրա ճանապարհն են կտրում:

— Ես տեսնում եմ, — ասաց Ստեպանը գլխով անելով և իսկույն ևեթ ավելացրեց. — նա ծանրոցի համար անհանգիստ է:

Պյոտրը խորամանկորեն աչքով արեց մորը և նորից սկսեց խոսել՝ հանգստացուցիչ կերպով ձեռքը թափ տալով.

— Մի՛ անհանգստանաք: Ամեն բան կարգին կլինի, մայրի՛կ: Չեք ճամպրուկն ինձ մոտ է: Քիչ առաջ երբ նա ձեր մասին ինձ ասաց, թե ասում է՝ դուք էլ եք խառն այս բանում և այն մարդուն ճանաչում եք, ես նրան ասացի՝ տե՛ս, Ստեպան, չի կարելի բացբերան մնալ այսպիսի լուրջ դեպքում: Դե, դո՛ւք էլ, մայրի՛կ, երևում է, որ նույնպես ճանաչեցիք մեզ, երբ ձեր կողմից կանգնած էինք: Ազնիվ մարդուն ուրիշ էլ կարելի է ճանաչել, դրա համար է, որ փողոցներում դրանցից շատ քիչ կարելի է տեսնել, պա՛րզ ասած: Չեք ճամպրուկն ինձ մոտ է...

Նա նստեց մոր կողքին և խնդրողաբար նայելով նրա աչքերին, շարունակեց.

— Եթե դուք ցանկանում եք նրա փորոտիքը դուրս տալ, մենք այդ բանում ուրախությամբ կօգնենք ձեզ: Գրքույկները մեզ հարկավոր են...

— Նա ուզում է բոլորը մեզ տալ, — նկատեց Ստեպանը:

— Շատ էլ լավ եք անում, մայրի՛կ: Բոլորի համար տեղ կճարե՛նք...

Նա ոտքի թռավ, ծիծաղեց և խրճիթով արագ ետ ու առաջ քայլելով՝ ասում էր գոհ.

— Զարմանալի՛ է, այսպես ասած, այս դեպքը: Թեև միանգամայն պարզ է: Թեև մի տեղ կտրվեց, մի ուրիշ տեղ կշկուվեց: Վնաս չունի: Իսկ թերթը լավ բան է, մայրիկ, և իր գործն անում է, բաց է անում մարդկանց աչքերը: Աղաներին հաճելի չէ: Ես այստեղ յոթ վերստ հեռու մի տիկնոջ մոտ աշխատում եմ, առաջադասարժեմ. լավ կին է, պետք է ասել, զանազան գրքույկներ է տալիս, մեկ-մեկ որ կարդում ես, միտքդ լուսավորվում է: Ընդհանրապես մենք նրան երախտապարտ ենք: Բայց նրան թերթի մի համար ցույց տվի, նա նույնիսկ վերավորվեց մի քիչ՝ «Թողե՛ք, ասում է, դա, Պյոտր: Դա, ասում է, անխելք տղաներն են անում: Եվ դրանից միայն կշատանա ձեր ցավը, դա հետևանքը, ասում է, բանտ է ու Սիբիր...»

Նա նորից անապասելիորեն լռեց, քիչ մտածեց և հարցրեց.

— Իսկ, ասացեք տեսնեմ, մայրի՛կ, այդ մարդը ձեր ազգակա՞նն է:

— Օտար է,— պատասխանեց մայրը:

Պյոտրն անձայն ծիծաղեց, ինչ-որ բանից խիստ գոհ և գլխով արեց, բայց մի վայրկյան հնտո մորը թվաց, թե «օտար» բառը Ռիբինի վերաբերմամբ տեղին չէ և վերավորում է նրան:

— Ես նրան ազգական չեմ,— ասաց մայրը,— բայց նրան վաղուց եմ ճանաչում և հարգում, ինչպես հարազատ եղբորս... մեծ եղբորս:

Հարկավոր բառը չէր ճարվում, մոր համար դա անախորժ էր, և նորից նա շկարողացավ զսպել մեղմ հեկեկանքը: Մոռյու սպասողական լուսթյունը լցրեց սենյակը: Պյոտրը գլուխը դեպի ուսը թեքած կանգնել էր, կարծես ինչ-որ բան էր ականջ դնում: Ստեպանն արմունկները սեղանին հենած՝ ամբողջ ժամանակ մատներով մտախոհ թխկթխկացնում էր տախտակը: Նրա կինը թիկնել էր վառարանի մոտ, կիսախավարում, մայրը զգում էր նրա սևեռուն հայացքը և երբեմն ինքն էլ էր նայում նրա ձվաձև, թուխ, ուղիղ քթով և շեշտակի հատված ծնոտով դեմքին: Ուշադիր և աշալուրջ պսպղում էին նրա կանաչավուն աչքերը:

— Բարեկամ է ուրեմն,— կամաց ասաց Պյոտրը:— Հաստատակամ է հա՛... Իր արժեքը լավ է իմանում, ինչպես որ

պետքն է: Ա՛յ, Տատյա՛նա, մարդ եմ ասում հա՛: Դու ասում ես...

— Նա ամուսնացա՞ծ է,— հարցրեց Տատյանան Պյոտրի խոսքը կտրելով, և նրա փոքրիկ բերանի բարակ շրթունքներն ամուր սեղմվեցին:

— Այրի է,— պատասխանեց մայրը տխրությամբ:

— Դրա համար էլ համարձակ է,— ասաց Տատյանան ցածր, կրծքային ձայնով:— Ամուսնացածը այդ տեսակ ճանապարհով չի գնա, կվախենա...

— Իսկ ե՞ս: Ամուսնացած եմ, բայց էլի... բացականչեց Պյոտրը:

— Լավ, լավ, սանահա՛յր,— առանց նրան նայելու և շքրթունքները ծռելով՝ ասաց կինը:— Է՛, դու ի՞նչ ես որ, միայն խոսում ես և երբեմն մի գրքույկ ես կարդում: Մարդիկ շատ օգուտ չունեն այն բանից, որ դու և Ստեպանն անկյուններում փսփսում եք:

— Սիրելի՛ս, ինձ շատերն են լսում,— առարկեց մուծիկը վերավորված և ցածրաձայն:— Ես այստեղ թթխմորի նման բան եմ, դու այդ զուր ես...

Ստեպանը լուռ նայեց կնոջը և գլուխը նորից կախեց:

— Եվ ինչո՞ւ են ամուսնամուժ մուծիկները,— հարցրեց Տատյանան:— Աշխատող է պետք, ասում են, բայց ինչի՞ վրա աշխատելու համար:

— Քեզ համար դեռ քի՛չ է,— խուլ ձայնով կցեց Ստեպանը:

— Ի՞նչ միտք կա այդ աշխատանքում: Օր օրի ապրում են կիսաքաղց, միևնույնն է: Ծրեխաներ են ծնվում, պահելու ժամանակ չունես, չի թողնում աշխատանքը, որը հաց էլ չի տալիս:

Նա մոտեցավ մորը, նստեց կողքին՝ հաստատամտորեն, առանց զանգատի և տխրության խոսելով...

— Ես երկուսն ունեի: Մեկը երկու տարեկան խաշվեց եռացած ջրով, մյուսին շհասցրի, մեռած ծնվեց, այդ անիծված աշխատանքի պատճառով: Ինձ համար ուրախություն է դա: Ես ասում եմ՝ մուծիկները զուր են ամուսնանում, միայն իրենց ձեռքերն են կապում, ազատ կապրելին, հարկավոր կարգ ու կանոն ձեռք կբերելին, ճշմարտության համար դուրս կգային բաց ճակատով, ինչպես այն մարդը: Ծի՛շտ եմ ասում, մայրի՛կ...

— Ծի՛շտ է,— ասաց մայրը:— Ծի՛շտ է, սիրելի՛ս, ուրիշ կերպ կյանքի հարկից զալ չես կարող...

— Իսկ դուք ամուսին ունե՞ք:

— Մեռել է: Որդի ունեմ...

— Իսկ ո՞րտեղ է նա, ձե՞ր հետ է ապրում:

— Բանտում նստած է,— պատասխանեց մայրը:

Եվ զգաց, որ այդ խոսքերն իրենց միշտ առաջացրած սովորական տրտմության հետ միասին կուրծքը լցրին անվրդով հպարտությանը:

— Երկրորդ անգամն են նստեցրել, միայն նրա համար, որ նա հասկացել է աստվածային ճշմարտությունը և դա բացեիբաց սերմանել է... Նա երիտասարդ է, գեղեցիկ, խելո՞ք: Կրագիրը նա է հնարել, իսկ Միխայլո Իվանովիչին էլ նա է ճանապարհը ցույց տվել, թեկուզ Միխայլոն նրանից երկու անգամ մեծ է: Հիմա, ա՛յ, որդուս դրա համար դատելու են և կդատապարտեն, իսկ նա փախչելու է Սիբիրից և նորից իր գործն է անելու...

Նա խոսում էր, և հպարտ զգացմունքն աճելով ուռճանում էր նրա կրծքում, և հերոսի պատկեր ստեղծելով, այդ զգացումը իր համար խոսքեր էր պահանջում, սեղմում էր կոկորդը: Մոր համար անհրաժեշտ էր որևէ պայծառ և խելացի բանով հավասարակշռել այն մռայլ դեպքը, որ տեսել էր այդ օրը և որը ճնշում էր նրա ուղեղն անմիտ սոսկումով, անպատկառ դաժանություններ: Անգիտակցորեն ենթարկվելով առողջ հոգու այդ պահանջին՝ մայրը ժողովել էր այն ամենը, ինչ տեսել էր պայծառ ու մաքուր, դարձրել մի լույս, որը կուրացնում էր նրան պայծառ վառվելով...

— Արդեն այդպիսի մարդիկ շատ են դուրս եկել, ավելի ու ավելի են շատանում, և նրանք բոլորը մինչև իրենց կյանքի վերջը պաշտպան են կանգնելու մարդկության ազատությանը, ճշմարտությանը...

Նա մոռացել էր զգուշությունը, և թեև անուններ չէր տալիս, բայց պատմում էր այն ամենը, ինչ իրեն հայտնի էր ազահուության շղթաներից ժողովրդին ազատագրելու համար կատարվող գաղտնի աշխատանքի մասին: Նկարագրելով իր սրտի համար թանկագին դեմքերը, մայրն իր խոսքերի մեջ էր դնում այն ամբողջ ուժը, սիրտ ամբողջ առատությունը, որ այնպես ուշ զարթեցրել էին նրա սրտում կյանքի անհանգիստ ցնցող հարվածները, ինքը ջերմագին ուրախությամբ հիանում էր այն մարդկանցով, որոնք հառնում էին հիշողության մեջ՝ իր զգացմունքով լուսավորված ու զարդարված:

— Ամբողջ աշխարհում, բոլոր քաղաքներում ընդհանուր

աշխատանք է կատարվում, լավ մարդկանց ուժը չափ ու սահման չունի, հաշիվ չկա, աճելով աճում է, և աճելու է մինչև որ գա մեր հաղթական ժամը...

Նրա ձայնը հնչում էր սահուն, նա բառերը հեշտությամբ էր գտնում և արագորեն շարում գույնզգույն ուլունքի պես այդ օրվա արյունից ու կեղտից սիրտը մաքրելու իր ցանկության ամուր թելին: Նա տեսնում էր, որ մուժիկները կարծես մեխված մնացին այնտեղ, իրենց տեղում, երբ սկսեց իր խոսքը, նրանք չէին շարժվում, լուրջ նայում էին իր դեմքին. նա լսում էր իր կողքը նստած կնոջ ընդհատ շնչառությունը, և այդ բոլորն ավելացնում էր իր հավատը դեպի այն, ինչ որ ինքն ասում և խոստանում էր մարդկանց...

— Ամենքը, որոնք վատ են ապրում, որոնց ճնշում է կարիքը և անօրինությունը, որոնց հաղթահարել են հարուստները և նրանց հաճույակատար սպասավորները, բոլորը, ամբողջ ժողովուրդը պետք է ընդառաջ դնա ա՛յն մարդկանց, որոնք նրա համար կորչում են բանտերում, մահացու շարշարանքների են ենթարկվում: Առանց շահախնդրության նրանք կբացատրեն, թե որտեղից է անցնում բոլոր մարդկանց երջանկության ուղին, առանց խաբելու կասեն, որ ճանապարհը դժվարին է, և բռնություններ ոչ ոքի չեն քարշ տա իրենց հետևից, բայց հենց որ կանգնես նրանց կողքին, էլ նրանցից երբեք չես հեռանա, տեսնում ես, որ ամեն ինչ ճիշտ է, ճանապարհն ա՛յդ է և ո՛չ թե մի ուրիշը:

Նրա համար հաճելի էր իր վաղեմի ցանկությունն իրագործելը, թե ահա՛, տեսե՛ք, ի՛նքն է մարդկանց հետ խոսում ճշմարտության մասին:

— Այդպիսի մարդկանց հետ ժողովուրդը կարող է աշխատել, նրանք քշով չեն բավականանա, կանգ չեն առնի, մինչև որ չհաղթահարեն բոլոր խաբեբայությունները, ամբողջ շարությունը և ազահությունը, նրանք ձեռքները չեն ծալի, մինչև որ ամբողջ ժողովուրդը մի հոգի չդառնա, մինչև որ նա միաձայն չասի՝ ե՛ս եմ իշխողը, ես ինքս օրենքներ կհաստատեմ, ամենքի համար հավասար...

Նա հոգնած լռեց, նայեց շուրջը: Խաղաղ նրա կրծքի տակ մտավ այն հավատը, թե իր խոսքերն ապարդյուն չեն կորչի: Մուժիկները նայում էին նրան ինչ-որ բան սպասելով տակավին: Պյոտրը ձեռները ծալել էր կրծքին, աչքերը կկոցել, և նրա խայ-



տաբղետ դեմքին դողողում էր ժպիտը: Ստեպանը մի ձեռքի արմունկը սեղանին հենած՝ ամբողջովին առաջ էր թեքվել, պարանոցը մեկնել և կարծես դեռ ականջ էր դնում: Նրա դեմքին ստվեր էր պատել, և դրանից ավելի շեշտված էր երևում: Նրա կիներ մոր կողքին նստած՝ կորացել էր արմունկները ծնկներին դրած և նայում էր իր ոտների առաջ:

— Ահա՛ թե ի՞նչ,— շշուկով ասաց Պյոտրը և զգուշությամբ նստեց նստարանին գլուխն օրորելով:

Ստեպանը դանդաղորեն շտկվեց, նայեց կնոջը և ձեռքը պտտացրեց օդում, կարծես ինչ-որ բան գրկել ցանկանալով...

— Եթե մարդ այդ գործին կպչելու լինի,— մտախոհ և ցածր ձայնով սկսեց նա,— էիշտ որ արդեն ամբողջ հոգով պետք է կպչի...

Պյոտրը երկչոտ ավելացրեց.

— Ա-այո՛, էլ ետ չպիտի՛ մտիկ տա...

— Այդ գործը լայն է դրված,— շարունակեց Ստեպանը:

— Ամբողջ երկրով մեկ,— նորից ավելացրեց Պյոտրը:

## XVIII

Մայրը մեջքը հենեց պատին և գլուխը ետ տանելով՝ սկսեց լսել նրանց ցածրաձայն, ծանրութեթև անող խոսքերը: Տատյանան վեր կացավ, շուրջը նայեց և նորից նստեց: Նրա կանաչ աչքերը պսպղում էին շոր-շոր, երբ նա դժգոհ և արհամարհանքը դեմքին նայեց մուծիկներին:

— Երևում է՝ շա՛տ վիշտ եք տեսել դուք,— հանկարծ ասաց նա մորը դիմելով:

— Տեսե՛լ եմ,— պատասխանեց մայրը:

— Լա՛վ եք խոսում, մարդու սրտին է դիպչում ձեր խոսքը: Մարդ մտածում է, տե՛ր աստված, թեկուզ դռան ծակով տեսնեի այդ մարդկանց, ամբողջ կյանքումս բավական էր: Ի՞նչ է մեր կյանքը: Ոչխարնե՛ր ենք: Ա՛յ, ես գրագետ եմ, գրքույկներ եմ կարդում, շատ եմ մտածում, երբեմն էլ գիշերը քունս չի տանում մտքերիցս: Բայց ի՞նչ օգուտ: Չմտածե՛մ, զուր տեղը կմեռնեմ՝ կգնամ, մտածեմ, էլի զուր տեղը կկորչեմ:

Նա խոսում էր քմծիծաղն աչքերում և երբեմն կարծես հանկարծ կծում կտրում էր խոսքը թելի պես: Մուծիկները լուռ էին: Քամին շոյում էր պատուհանների ապակիները, տանիքում ծղո-

տը խշխշում էր, ծխնելույզի մեջ կամաց ղողանջում: Շունը ոռնում էր: Եվ դժկամորեն, երբեմն պատուհանն էին ծեծում անձրևի կաթիլները: Ծրագի լույսը ցնցվեց, աղոտացավ, բայց մի վայրկյան հետո նորից բորբոքվեց համաշափ ու պայծառ:

— Լսեցի ձեր խոսքերը, թե մարդիկ ինչի համար են ապրում: Եվ այնպես զարմանալի է, լսում եմ ձեզ և տեսնում եմ, չէ՞ որ ես այդ գիտեմ: Իսկ մինչև ձեր գալը ես ոչ մի այդպիսի բան չէի լսել, և մտքովս անգամ այդպիսի բան չէր անցել...

— Լավ կլինեի մի բան ուտեինք, Տատյանա, ու լույսը հանգցնեինք,— ասաց Ստեպանը մոռալ ու դանդաղորեն: Մարդիկ կնկատեն կասեն՝ Չումակովների մոտ ճրագը երկար ժամանակ վառ էր: Մեզ համար դա կարևոր չի, բայց հյուրի համար գուցե լավ չի լինի...

Տատյանան վեր կացավ և մոտեցավ վառարանին:

— Այո՛-ո՛,— կամաց և ժպիտով ասաց Պյոտրը:— Հիմա, սանահա՛յր, ականջդ ձենի պահիր: Հենց որ ժողովրդի մեջ լրագիր երևա...

— Ես ինձ համար չեմ ասում: Ինձ բանտարկեն էլ, մեծ բան չի՛:

Նրա կիներ մոտեցավ սեղանին և ասաց.

— Դե՛ն գնա...

Ստեպանը վեր կացավ, մի կողմ գնաց և նայելով, թե կինն ինչպես է սփռոցը գցում, ժպտալով ասաց.

— Մեզպեսների գինը՝ ջուխտը մի կոպեկ է...

Մայրը հանկարծ սկսեց խղճալ նրան. Ստեպանը նրան ավելի ու ավելի էր դուր գալիս այժմ: Իր խոսքից հետո մայրն իրեն զգում էր օրվա կեղտոտ ծանրությունից հանգստացած, գոհ էր իրենից և ամենքի բարին ու լավն էր ցանկանում:

— Ուղիղ չեք դատում, տանտե՛ր,— ասաց մայրը:— Պետք չի, որ մարդ համաձայնի այն բանի հետ, թե իրեն ինչպես են գնահատում այն մարդիկ, որոնց բացի իր արյունից ուրիշ ոչինչ հարկավոր չի: Դուք ինքներդ պետք է ձեզ գնահատեք, ներսից, ոչ թե թշնամիների, այլ բարեկամների համար...

— Մենք ի՞նչ բարեկամներ ունենք,— կամաց բացակա՛նչեց մուծիկը:— Մեր բարեկամը կարող է լինել մինչև մեր սև օրը...

— Իսկ ես ասում եմ,— ժողովուրդը բարեկամներ ունի...

— Կան, բայց ո՛չ այստեղ, ա՛յ թե ինչ,— մտախոհ արձագանքեց Ստեպանը:

— Իսկ դուք այստե՛ղ բարեկամներ ստեղծեցե՞ք:  
Ստեպանը մի քիչ մտածեց և կամաց ասաց.

— Այո-ո, պետք է անել...

— Նստեցե՛ք սեղանի մոտ, — հրավիրեց Տատյանան:

Մոր խոսքերից ճնշված և կարծես շփոթված Պյոտրն ընթ-  
րիքի ժամանակ նորից աշխույժ և արագ-արագ ասում էր.

— Մայրի՛կ, այսպես ասած՝ չնկատվելու համար դուք  
պետք է այստեղից շուտով ճանապարհվեք: Եվ գնացեք հետևյալ  
կողմը, ոչ թե քաղաք, փոստի կառքով գնացեք...

— Ինչո՞ւ: Ես կտանեմ, — ասաց Ստեպանը:

— Պետք չի՛: Մի բան որ լինի՝ քեզ կհարցնեն՝ գիշերե՞լ է  
քեզ մեռու Գիշերել է: Ո՞ր է գնացել: Ես եմ տարել: Ը՛հ, դո՞ւ  
ես տաշել: Ապա մի բանտ գնա: Հասկացա՞ր: Իսկ ինչո՞ւ բանտ  
շտապել: Ամեն բան հերթով է, ժամանակը որ գա՝ թագավորն  
էլ կմեռնի, ասում են: Իսկ այստեղ բանը պարզ է, գիշերել է,  
ձիեր չարձել, գնացել: Մարդիկ իրար տան քի՛չ են գիշերում:  
Ճանապարհի վրայի գյուղ է...

— Պյո՛տր, այդ որտե՛ղ ես սովորել վախենալը, — ծաղրա-  
բար հարցրեց Տատյանան:

— Ամեն բան պետք է իմանալ, սանամա՛յր, — իր ծնկանը  
խփելով բացականչեց Պյոտրը: — Իմանալ պետք է՝ երբ վախե-  
նալ, էրբ համարձակ լինել: Գու հիշո՞ւմ ես, թե այդ լրագրի  
համար գավառապետը ի՛նչպես զզզեց Վագանովին: Հիմա  
Վագանովին մեծ փող տալով է՛լ չես կարող համոզել, որ գիրք  
առնի ձեռքը, այո՛: Մայրի՛կ, դուք հավատացե՛ք ինձ, ամեն  
բան ձեռքիցս կգա, դա բոլորին հայտնի է: Գրքույկներն ու թղ-  
թերը ինձնից ավելի լավ տարածող չի լինի, և կարող եմ որքան  
որ կուզեք: Մեզ մոտ ժողովուրդն, իհարկե, շատ էլ գրագետ չի  
և վախկոտ է, դեհ, բայց ժամանակն այնքան է սեղմում մարդու  
կողերը, որ մարդ ուզի-չուզի պետք է աչքերը չոխի, տեսնի, թե  
ինչ կա: Իսկ գրքույկը նրան պարզապես պատասխանում է՝ ա՛յ  
թե ինչ կա, մտածի՛ր, գլխի՛ ընկիր: Օրինակներ կան, որ ան-  
գրագետը գրագետից ավելի է հասկանում, մանավանդ եթե  
այդ գրագետը կո՛ւշտ մարդ է: Ես այստեղ ամեն տեղ ման եմ  
գալիս, շատ բան եմ տեսնում՝ վնաս չունի: Կարելի է ապրել,  
բայց հարկավոր է խելք և մեծ ճարպկություն, որ միանգամից  
չխրվես: Իշխանությունը, նա էլ է քթով հոտ առնում, որ մուծի-  
կից սառնություն է փչում, քիչ է ժպտում, և բոլորովին անսի-

րալիր, ընդհանրապես ուզում է իշխանությունից ետ վարժվել:  
Մի քանի ժամանակ առաջ Սմոլյակովո, այստեղ մոտիկ մի  
փոքրիկ գյուղ է, Սմոլյակովո եկան հարկ հավաքելու, իսկ մու-  
ծիկները ծառս ելան ու բրեք վերցրին: Պրիստավն ուղղակի  
ասում է. «Ա՛խ, դուք, շան որդիներ: Չէ՞ որ դա ցարին հակա-  
ռակ է»: Այնտեղ մի մուծիկ կար, Սպիվակին, տեղն ու տեղը  
վրա բերեց. «Ձհաննամը կորեք դուք է՛լ, ձեռ ցարն է՛լ: Ի՛նչ  
ցար, ի՛նչ բան, որ ուսերիցդ վերջին շապիկն է հանում...» Ա՛յ  
թե բանն ուր է հասել, մայրիկ: Իհարկե, Սպիվակինին բռնեցին,  
բանտ ուղարկեցին, բայց նրա խոսքը մնաց, և նույնիսկ մանր  
երեխաներն էլ գիտեն այդ, այդ խոսքը գոռում է, ապրո՞ւմ է:

Նա չէր ուտում, այլ ամբողջ ժամանակ խոսում էր արագ  
շշուկով՝ աշխույժ պսպղացնելով մուգ, խորամանկ աչքերը և մոր  
առջև առատաձենոնորեն թափելով գյուղի կյանքից կատարած իր  
անթիվ դիտողությունները, ինչպես պղնձե դրամն են թափում  
քսակից:

Մի երկու անգամ Ստեպանը նրան ասաց.

— Դե մի քիչ բա՛ն կեր...

Պյոտրը վերցնում էր մի կտոր հաց, գդալը և նորից սկսում  
էր պատմություններ գեղգեղալ, ինչպես կարմրակատարիկն է  
դալլալում: Վերջապես ընթրիքից հետո նա ոտքի ցատկելով՝  
հայտնեց.

— Դե՛, տուն գնալուս ժամանակն է...

Կանգնեց մոր առջև և գլուխ տալով թոթվեց նրա ձեռքն  
ասելով.

— Մնաք բարո՛վ, մա՛յր: Գուցե երբեք էլ չենք տեսնվի:  
Պետք է ձեզ ասեմ, որ այս բոլորը շա՛տ լավ է: Ձեզ հանդիպելը  
և ձեր խոսքերը շա՛տ լավ էին: Ձեր ճամպրուկում բացի տպա-  
գրված թղթերից էլի որևէ բան կա՞: Բրդե թաշկինա՞կ: Հրաշալի՛,  
բրդե թաշկինակ: Ստե՛պան, մի՛տղ պահիր: Հիմա սա ձեզ կբերի  
ճամպրուկը: Գնա՛նք, Ստե՛պան: Մնաք բարով, ամենայն բա-  
րի՛ք ձեզ...

Երբ նրանք գնացին, սկսեց լավել, թե ինչպես են խշռում  
ուտիճները, տանիքի վրա թափառում է քամին և վառարանի  
խուփը ծխնելույզին խփում, մանր անձրևը զարկվում պատու-  
հանին: Տատյանան մոր համար անկողին պատրաստեց, վա-  
ռարանի վրայից և թախտից շորերը ցած բերելով ու դարսելով  
նպարանի վրա:

— Աշխուճ մարդ է,— նկատեց մայրը:

Տանտիրուհին աչքի տակով նայելով նրան պատասխանեց.

— Ձնգում է, հա զնգում, բայց ձայնը հեռու չի գնում:

— Իսկ ի՞նչպես է ձեր ամուսինը,— հարցրեց մայրը:

— Վնաս չունի: Լավ մուտիկ է, չի խմում, հաշտ ենք ապրում, վնաս չունի: Միայն թույլ բնավորության տեր է...

Նա շտկվեց և մի քիչ լռելուց հետո հարցրեց.

— Հիմա էլ ի՞նչ է պետք, հարկավոր է, որ ժողովուրդը բունտ անի: Իհարկե՞: Այդ մասին ամենքն են մտածում, միայն ամեն մեկն առանձին, ինքն իր մեջ: Բայց հարկավոր է, որ բարձրաձայն խոսեն... և սկզբում պետք է որ մեկնումեկը սիրտ անի...

Նա նստեց նստարանին և հանկարծ հարցրեց.

— Ասում եք՝ ջահել աղջիկներն էլ են այդ բանով զբաղվում, բանվորների մոտ են գնում, կարդում, շե՞ն խորշում, շե՞ն վախենում:

Եվ մոր պատասխանն ուշի-ուշով լսելով, խոր հառաչեց: Ապա թերթերունքներն իջեցնելով և գլուխը կախելով՝ նորից խոսեց.

— Ես մի գրքույկում կարդացել եմ այսպիսի բառեր— անմիտ կյանք: Դա ես շատ լավ եմ հասկացել, իսկույն: Այդպիսի կյանքը ես գիտեմ, մտքեր կան, բայց կապված չեն և թափառում են, ինչպես անհովիվ ոչխարներ, նրանց հավաքելու բան չկա, հավաքող չկա... Հենց դա է անմիտ կյանքը: Ես կփախչեի այդպիսի կյանքի առանց ետ նայելու, այնպես ես տխրում, երբ որևէ բան ես հասկանում:

Մայրը այդ տխրությունը տեսնում էր կնոջ կանաչ աչքերի շոր փայլի մեջ, նրա վտիտ դեմքի վրա, լսում էր նրա ձայնի մեջ: Մայրն ուզում էր մխիթարել նրան, փաղաքշել:

— Սիրելի՛ս, դուք հո հասկանում եք, թե ինչ պետք է անել...

Տատյանան կամաց ընդհատեց նրան.

— Պետք է կարողանալ: Ձեր անկողինը պատրաստ է, պառկեցե՛ք:

Հեռացավ վառարանի մոտ և լուռ կանգնեց այնտեղ ուղիղ, խիստ կենտրոնացած: Մայրն առանց հանվելու պառկեց, ոսկորներում կսկծացնող հոգնածություն զգաց և կամաց տնքաց: Տատյանան ճրագը հանգրեց, և երբ թանձր խավարը ւրից

խրճիթը, լսվեց Տատյանայի ցածր, միալար ձայնը: Այնպես էր հնչում նրա ձայնը, որ կարծես ինչ-որ բան էր սրբում հեղձուցիչ խավարի դեմքից:

— Դուք չեք աղոթում: Ես էլ եմ կարծում, որ աստված չկա: Հրաշքներ էլ չկան:

Մայրն անհանգիստ շուռ եկավ, պատուհանից ուղղակի մորն էր նայում անհատակ խավարը, և համառորեն անդորրության մեջ էր սողում հաղիվ լսելի մի խշռոց, մի սոսափյուն: Մայրը խոսեց գրեթե շշուկով և երկյուղով:

— Ինչ վերաբերում է աստծուն, ես չգիտեմ, իսկ Քրիստոսին հավատում եմ... Եվ հավատում եմ նրա խոսքերին՝ սիրելի մերձավորիդ ինչպես քո անձը, գրան հավատում եմ...

Տատյանան լուռ էր: Մթուփյան մեջ մայրը տեսնում էր նրա շիտակ կերպարանքի աղոտ ուրվագիծը, որ վառարանի սև ֆոնի վրա գորշագույն էր թվում: Նա կանգնած էր անշարժ: Մայրն անձկություն մեջ փակեց:

Հանկարծ հնչեց տանտիկնոջ սառը ձայնը.

— Երեխաներիս մահը չեմ կարող ներել ոչ աստծուն, ոչ մարդկանց, երբե՛ք...

Նիլովնան անհանգիստ մի քիչ բարձրացավ, սրտով հասկանալով այն ցավի ուժը, որը ծնունդ էր տվել այդ խոսքերին:

— Դուք ջահել եք, դեռ երեխաներ կունենաք,— սիրալիր անսաց նա:

Շշուկով և ոչ իսկույն կինը պատասխանեց.

— Ո՛չ: Ես փշացել եմ, բժիշկն ասում է՝ էլ երբեք չեմ ծնելու...

Հատակի վրայով մի մուկ վազեց: Մի ինչ-որ բան չոր ու բարձրաձայն ճաթեց, հնչյունի անտեսանելի շանթով պատռելով խաղաղության անշարժությունը: Եվ նորից պարզ լսելի դարձան աշնան անձրևի խշռոցն ու սոսափյունը տանիքի ծղոտի վրա, որոնք տակնուվրա էին անում այն, ինչ-որ մեկի վախեցած բարակ մատների պես: Եվ թախծալի թափվում էին գետնին ջրի կաթիլները, նշելով աշնան գիշերվա դանդաղ ընթացքը...

Սանր նինջի միջով մայրը լսեց խուլ ոտնաձայններ փողոցում, նախասենյակում: Դուռն զգուշորեն բացվեց, լսվեց մի ցածրաձայն կանչ.

— Տատյա՛նա, պառկե՛լ ես, հա՛:

— Ոչ:

— Իսկ նա քննել է:

— Երևի քննել է:

Լույսը բռնկվեց, դողդողաց և սուզվեց խավարում: Մուծիկը մոտեցավ մոր անկողնին, շտկեց մուշտակը, նրանով մոր ոտքերը ծածկելով: Այդ փաղաքշանքը մեղմագին հուզեց մորն իր պարզութամբ, և աչքերը նորից փակելով՝ մայրը ժպտաց: Ստեպանը լուռ հանվեց, բարձրացավ թախտի վրա: Խաղաղություն տիրեց:

Քնաբեր անդորրության ծուլ օրորվելուն ուշի-ուշով ունկնդրելով՝ մայրն անշարժ պառկել էր, իսկ նրա առջև մթության մեջ երերվում էր Ռիբինի արյունաթաթախ դեմքը...

Թախտի վրա հնչեց շոր շշուկ:

— Տեսնո՞ւմ ես, ի՞նչպիսի մարդիկ են այդ գործով զբաղվում: Արդեն ծերացած, անվերջ ցավեր տեսած, աշխատելուց հոգնած, հիմա սրա հանգստանալու ժամանակն է, իսկ սա, տե՛ս: Իսկ դու ջահել ես, խելքդ գլխիդ, է՛հ, Ստյոպա...

Մուծիկի թաց և թանձր ձայնը պատասխանեց.

— Առանց մտածելու չի կարելի այս գործով զբաղվել...

— Դա ես լսել եմ...

Հնչյուններն ընդհատվեցին և նորից ծայր առան, դողանջեց Ստեպանի ձայնը.

— Այսպես պետք է անել, նախ մուծիկների հետ խոսել առանձին-առանձին, ա՛յ, Մակովը, Ալյոշան, ճարպիկ, գրագետ և իշխանությունից զրկանք կրած: Շորինը, Սերգեյը, նույնպես խելքը գլխին մուծիկ է: Կնյազկը ազնիվ, սրտոտ մարդ է: Առայժմ բավական կլինի: Պետք է մի տեսնել այն մարդկանց, որոնց մասին նա խոսում էր: Մի օր ես կացինը կվերցնեմ, կանցնեմ քաղաք, իբր թե գնում եմ փայտ կոտրելու, իբր աշխատանքի եմ գնացել: Այս գործում պետք է զգույշ լինել: Նա ճիշտ է ասում, մարդուս արժեքն իր գո՛րծն է: Ա՛յ, ինչպես այն մուծիկը. նրան թեկուզ աստծու առաջ կանգնեցրու, նա չի զիջի... խորն է գնացել: Իսկ Նիկի՛տան. խիղճը տանջեց, զարմա՛նք բան է:

— Ձեր աչքի առաջ ծեծում են մարդուն, իսկ դուք բերանբաց մտիկ եք տալիս...

— Դու սպասի՛ր: Դու ասա, փառք աստծու, որ ինքններս չծեծեցինք նրան, այդ մարդուն, ա՛յ թե ինչ:

Ստեպանը երկար ժամանակ շշուջում էր՝ մերթ ձայնն այն-

պես իջեցնելով, որ մայրը հագիվ էր լսում նրա խոսքերը, մերթ հանկարծ սկսում էր դողանջել ուժեղ և թանձր: Այն ժամանակ կինը նրան ընդհատում էր.

— Կամա՛ց: Կզարթեցնես...

Մայրը քնեց ծանր քնով, քունը հանկարծակի հեղձուցիչ ամպի պես ընկավ նրա վրա, գրկեց ու տարավ:

Տատյանան մորն արթնացրեց այն ժամանակ, երբ առավոտյան գորշ աղջամուղջը դեռ կուրորեն նայում էր խրճիթի պատուհաններից և գյուղի վրա սառը խաղաղության մեջ քնառ լողում ու հալվում էր եկեղեցու հսկման զանգի պղնձե հնչյունը:

— Ես ինքնաեռը դրել եմ, թե՛յ խմեցեք, թե չէ ցուրտ կլինի գնալիս, քնից նոր վեր կացած...

Ստեպանը զգզված մորուքը քորելով գործնականորեն հարցնում էր մորը, թե քաղաքում ինչպես գտնի նրան, իսկ մորը թվում էր, թե այդ օրը մուծիկի դեմքը դարձել էր ավելի լավ, ավելի ավարտված: Թեյի ժամանակ Ստեպանը քմծիծաղով նկատեց.

— Ի՞նչ զարմանալի բան պատահեց:

— Ի՞նչը, — հարցրեց Տատյանան:

— Ա՛յ, այս ծանոթությունը: Հենց այնպես...

Մայրը մտախոհ, բայց վստահորեն ասաց.

— Այս գործի մեջ ամեն բանում զարմանալի պարզություն կա:

Տանտերերը մորից բաժանվեցին զսպված, բառերը ժլատորեն գործադրելով, բայց նրա հարմարության համար առատորեն քաղմաթիվ մանր հոգացողություններ ցուցաբերելով:

Սալակում նստած, մայրը մտածում էր, որ այդ մուծիկը կսկսի աշխատել զգույշ, անաղմուկ, խլուրդի պես, և անդուլ: Եվ միշտ նրա կողքին կհնչի կնոջ դժգոհ ձայնը, կշողա նրա կանաչ աչքերի այրող փայլը, և չի մեռնի այդ կնոջ մեջ, քանի նա կենդանի կլինի, կորցրած զավակների մայրական վրիժառու, գայլային կարոտը:

Հիշեց Ռիբինին, նրա արյունը, դեմքը, կրակոտ աչքերը, նրա խոսքերը և սիրտը սեղմվեց գազանների առջև ունեցած անդորրության դառն զգացմունքից: Եվ մինչև քաղաք ամբողջ ճանապարհին, գորշ օրվա աղոտ ֆոնի վրա մոր առջև կանգնած էր սևամորուք Միխայլոյի ամբակուռ կերպարանքը պատառոտված շապկով, հետևում կապկպված ձեռներով, քրքրված

զլխով, ցասմամբ և դեպի իր ճշմարտութիւնն ունեցած հավատով պարուրված: Մայրը մտածում էր այն բազմաթիւ գլուղերի մասին, որոնք երկշուտ կուշ են եկել գետնին, մտածում էր մարդկանց մասին, որոնք թաքուն սպասում են ճշմարտութեան գալուն և այն հաղարավոր մարդկանց մասին, որոնք անմտորեն և անմոռն աշխատում են ամբողջ կյանքում, ոչինչ չակնարկելով:

Կյանքը պատկերանում էր նրան մի անհերկ, բլրոտ դաշտ, որը լարված և մունջ սպասում է մշակների և լուռ խոստանում է ազատ, ազնիւ ձեռքերին:

«Բեղմնավորեցեք ինձ բանականութեան և ճշմարտութեան սերմերով, ես հարչուրապատիկը կհատուցեմ ձեզ:

Հիշելով իր հաջողութիւնը, նա կրծքում խոր դգում էր ուրախութեան մի մեղմ թրթռոց և զսպում էր ամաչկոտութեամբ:

## XIX

Տանը մոր առջև դուռը բացեց Նիկոլայը, մազերը խոփվ, գիրքը ձեռքին:

— Արդե՞ն, — բացականչեց նա ուրախ-ուրախ: — Շո՛ւտ եկաք:

Նրա աչքերը սիրալիր և աշխույժ ճպճպում էին ակնոցի տակ, նա մորն օգնեց վերարկուն հանելու և սիրալիր ժպիտով նայելով նրա դեմքին, ասաց.

— Իսկ գիշերս ինձ մոտ, գիտեք, խուզարկութիւն եղավ, մտածեցի պատճառն ի՞նչ է: Արդո՞ք ձեզ հետ որևէ բան չի՞ պատահել: Բայց չձեռքակալեցին: Ձէ՞ որ եթե ձեզ ձերբակալեին, ինձ էլ չէին թողնի...

Նա մորը տարավ սեղանատուն աշխուժորեն շարունակելով.

— Սակայն, այս անգամ ծառայութեանից կվճռեն: Դա ինձ չի վշտացնում. ես ձանձրացել եմ ձիազուրկ գլուղացիներին հաշվելուց:

Սենյակն այնպիսի տեսք ուներ, որ կարծես ուժեղ մեկը շարութեան տխմար մոլուցքով բռնված՝ փողոցից տան պատերն այնքան է հրհրել, որ նրա միջի ամբողջ եղած-չեղածը թափթփել է: Պատկերները թափված էին հատակին, պաստառները պատռոտված և կտորները կախ-կախ մի տեղ հատակի տախտակը վեր էր բարձրացված, պատուհանի տախտակը շուռ տված,

վառարանի մոտ հատակին մոխիր ցրված: Մայրը գլուխն օրորեց՝ ծանոթ պատկեր տեսնելով և՛ սևեռուն հայացքով նայեց Նիկոլային, նրա մեջ մի նոր բան զգալով:

Սեղանի վրա դրված էր հանգած ինքնաեռը, լլվացված ամանեղենը, երշիկն ու պանիրը պնակի փոխարեն թղթի մեջ էին, թափված էին հացի կտորներ ու փշրանքներ, գրքեր, ինքնաեռի ածուխներ: Մայրը ժպտաց, Նիկոլայը նույնպես ամաչելով ժպտաց:

— Սա արդեն ե՛ս եմ լրացրել ավերածութեան պատկերը, բայց վնաս չունի, Նի՛լովնա, վնաս չունի: Ես կարծում եմ, նրանք նորից են գալու, ուստի և՛ այս բոլորը չեմ հավաքել: Է՛, դո՞ւք ինչպես գնացիք-եկաք:

Այդ հարցը ծանր հարվածեց մոր սրտին, նրա առջև ծառայով Ռիբինը, և մայրն իրեն մեղավոր զգաց, որ իսկույն չի խոսել նրա մասին: Աթոռի վրա նստած կոանալով՝ նա մոտեցավ Նիկոլային և աշխատելով հանգիստ մնալ, վախենալով թե կմոռանա որևէ բան, սկսեց պատմել.

— Նրան բռնեցին...

Նիկոլայի դեմքը ցնցվեց:

— Այո՞:

Մայրը ձեռքի շարժումով կասեցրեց նրա հարցը և շարունակեց այնպես, որ կարծես նստած էր հենց արդարութեան առաջ, մարդուն խոշտանգելու համար նրան գանգատ անելիս: Նիկոլայը մեջքը թեքեց աթոռին, գունատվեց և շրթունքները կծած լսում էր: Նա դանդաղորեն հանեց ակնոցը, դրեց սեղանին, ձեռքով դեմքը շփեց, կարծես սրբում էր մի անտեսանելի սարդոստայն: Նրա դեմքը սրացավ, այտոսկրները տարօրինակ կերպով սրվեցին, ունգները ցնցվեցին, մայրն առաջին անգամն էր նրան այդպես տեսնում, և նա մի քիչ վախեցնում էր իրեն: Երբ մայրն ավարտեց, Նիկոլայը վեր կացավ, մի բուռն լուռ անցուղարձ արեց սենյակում ձեռները խրելով գրպանները: Ապա ատամների արանքից մրմնջաց.

— Խոշո՞ր մարդ է, ինչպե՞ս երևում է: Նրա համար բանտում մնալը դժվար կլինի, նրա նմաններն իրենց վատ են զգում այնտեղ:

Նա ձեռներն ավելի ու ավելի էր խոր տանում՝ զսպելով իր հուզմունքը, բայց և այնպես մայրն զգում էր այդ հուզմունքը, դա իրեն էլ էր հաղորդվում: Նիկոլայի աչքերը նեղացան դանա-

կի ծայրի պես: Սենյակով նորից քայլելով նա սառն ու զայրագին ասում էր.

— Տեսե՛ք ի՞նչ ստսկում է: Տխմար մարդկանց մի խմբակ, պաշտպանելով ժողովրդի վրա ունեցած իր կործանարար իշխանությունը՝ ծեծում, խեղդում, ճզմում է բոլորին: Աճում է վայրենացումը, վայրագությունը դառնում է կյանքի օրենք, մտածեցե՛ք: Նրանք ծեծում և գազանանում են անպատիժ մնալուց, հիվանդանում են խոշտանգումների պազշոտ ծարավից, այնպիսի ստրուկների նողկալի հիվանդությամբ, որոնց ազատություն է տրված երևան հանելու ստրկական զգացմունքների և անասնական սովորությունների ամբողջ ուժը: Ոմանք թունավորվում են վրիժառուցյամբ, ոմանք էլ բթացման աստիճան ընկճված՝ դառնում են համր ու կույր: Ժողովրդին այլասերում են, ամբողջ ժողովրդին:

Նա կանգ առավ և լռեց՝ ատամները կրճտացնելով:

— Ակամայից ինքդ է՛լ ես գազանանում այս գազանային կյանքում, — կամաց ասաց նա:

Բայց իր վրդովմունքը հաղթահարելով, գրեթե հանգիստ, աչքերի մնայուն փայլով նայեց մոր դեմքին, որ ողողված էր լուռ արցունքներով:

— Սակայն մեզ չի կարելի ժամանակ կորցնել, նի՛լովնա: Եկե՛ք, թանկագին ընկեր, ուշքներս զլուխներս հավաքենք...

Տրտում ժպտալով նա մոտեցավ մորը և թեքվելով հարցրեց, նրա ձեռքը սեղմելով.

— Ո՞ւր է ձեր ճամպրուկը:

— Խոհանոցումն է, — պատասխանեց մայրը:

— Մեր դարպասի մոտ լրտեսներ են կանգնած, այն հրակայական քանակությամբ թղթերը մենք չենք կարող տանից աննկատելի կերպով դուրս տանել, իսկ թաքցնելու տեղ չկա, ես կարծում եմ՝ նրանք այս գիշեր նորից կգան: Նշանակում է՝ որքան էլ ափսոսալի լինի աշխատանքը, մենք այդ բոլորը պետք է այրե՛նք:

— Ի՞նչը, — հարցրեց մայրը:

— Այն բոլորը, ինչ որ ճամպրուկումն է:

Մայրը հասկացավ նրան, և, որքան էլ որ տխուր էր, իր հաջողությամբ հպարտանալու զգացումը նրա դեմքին ժպիտ առաջացրեց:

— Այնտեղ ոչինչ չկա, ո՛չ մի թերթիկ, — ասաց նա և

հետզհետե աշխուժանալով սկսեց պատմել Չումակովի հետ ունեցած իր հանդիպման մասին:

Նիկոլայը լսում էր նրան նախ հոնքերն անհանգիստ կիտելով, ապա զարմանքով և վերջապես պատմությունն ընդհատելով՝ բացականչեց.

— Լսեցե՛ք, բայց դա հիանալի՛ է: Դուք զարմանալի բախտավոր մարդ եք...

Մոր ձեռքը սեղմելով նա մեղմ բացականչեց.

— Դուք այնպե՛ս եք հուզում դեպի մարդիկ ունեցած ձեր հավատով... ես, ճշմարիտն ասած, սիրում եմ ձեզ ինչպես հարազատ մո՛րս...

Մայրը հետաքրքրությամբ, ժպտալով հետևում էր նրան, ուզում էր հասկանալ, թե ինչից այդպես պայծառ և աշխույժ դարձավ:

— Ընդհանրապես զարմանալի է, — ձեռներն իրար շփելով ասում էր Նիկոլայը և ծիծաղում ցածրաձայն, սիրալիր ծիծաղով, — Ես, գիտե՞ք, վերջին օրերս շափից դուրս լավ եմ ապրել, ամբողջ ժամանակ բանվորների հետ եմ եղել, կարդացել եմ, խոսել, տեսել: Եվ հոգուս մեջ այնքա՛ն բան է կուտակվել, զարմանալի առողջ, մաքուր բան: Ի՛նչ լավ մարդիկ են, նի՛լովնա: Ես խոսում եմ երիտասարդ բանվորների մասին, կորովի, զգայուն, ամեն ինչ հասկանալու ծարավով լի: Նայում ես նրանց և տեսնում՝ Ռուսաստանն աշխարհիս ամենապայծա՛ռ դեմոկրատիան կլինի:

Նա դրականորեն բարձրացրեց ձեռքը, կարծես երդվում էր և քիչ լուռ մնալով շարունակեց.

— Ես նստել եմ այստեղ, գրել և մի տեսակ թթվել, բորբոսնել գրքույկների ու թվերի վրա: Գրեթե մի տարի այդպիսի կյանք եմ վարել, դա այլանդակություն է: Չէ՞ որ ես սովորել եմ բանվոր ժողովրդի մեջ լինել և երբ նրանից կտրվում եմ, ինձ անհարմար եմ զգում, գիտե՞ք, լարվում եմ, ճնշում եմ ինձ, որ կարողանամ այսպիսի կյանք վարել: Իսկ հիմա կարող եմ նորից ապրել ազատ, նրանց հետ կոտեսնվեմ, կպարպակեմ: Դուք հասկանո՞ւմ եք, ես կլինեմ նորածին մտքերի օրորոցի մոտ, մատաղ ստեղծագործական եռանդի դեմ հանդիման: Դա զարմանալի պարզ բան է, գեղեցիկ և սաստիկ ոգևորում է, ջահելանում ես, սրտապնդվում, ապրում ավելի ճոխ կյանքով:

Նա ծիծաղեց շփոթված և ուրախ, և մոր սիրտն էլ համա-

կում էր նրա ուրախութիւնը, որը հասկանալի էր նրա համար:  
— Իսկ հետո, դուք անշափ լավ մարդ եք,— բացականչեց Նիկոլայը:— Դուք ի՞նչքան վառ եք նկարագրում մարդկանց, ի՞նչ լավ եք տեսնում նրանց...

Նիկոլայը նստեց նրա կողքին, շփոթված մի կողմ դարձնելով ուրախ դեմքը և մազերը հարթելով, բայց շուտով դարձավ և մորը նայելով՝ ազահորեն սկսեց ունկնդրել նրա սահուն, պարզ և վառ պատմութիւնը:

— Զարմանալի՜ հաջողութիւնն է,— բացականչեց Նիկոլայը:— Դուք լիակատար հնարավորութիւնն ունեիք բանտ ընկնելու, և հանկարծ ի՞նչ: Այո, երևում է շարժվում է գլուղացին, դա բնական է, ասենք: Այդ կի՛նը, զարմանալի պարզորոշ կերպով ես տեսնում եմ նրան... Մենք պետք է գլուղական գործերի համար հատուկ մարդիկ դնենք: Մարդի՛կ: Դա է, որ պակասում է մեզ... Կյանքը հարյուրավոր ձեռքեր է պահանջում...

— Ա՛յ, եթե Պաշան ազատութեան մեջ լինեիր: Եվ Անդրյո՛ւշան,— կամաց ասաց մայրը:

Նիկոլայը նայեց նրան և գլուխը կախեց:

— Գիտե՞ք ինչ, Նի՛լովնա, դա ձեզ համար լսելը դժվար կլինի, բայց ես այնուամենայնիվ կասեմ. ես Պավելին լավ եմ ճանաչո՛ւմ, բանտից նա չի հեռանա: Նրան հարկավոր է դատ, նրան հարկավոր է կանգնել ամբողջ հասակովը՝ մեկ, նա դրանից չի հրաժարվի: Եվ պետք էլ չի՛: Նա Սիբիրի՛ց կփախչի:

Մայրը հառաչեց և կամաց ասաց.

— Է՛հ, ի՞նչ արած: Նա ինքը գիտե՛ ի՞նչպես է ավելի լավ...

— Հը՛մ,— ասաց Նիկոլայը հետևյալ ընթացքին՝ ակնոցի միջից նայելով մորը:— Եթե՛ ձեր այդ մուծիկը շտապի՛ր գալ մեզ մոտ: Տեսե՛ք ինչ, Ռիբինի մասին անհրաժեշտ է թերթիկ գրել գլուղի համար, դա Ռիբինին չի վնասի, քանի որ նա իրեն այդպես խիզախ է պահում: Ես հենց այսօր կգրեմ, կուղմիլան խուկույն կտպագրի... Միայն թե թերթիկն ի՞նչպես պետք է ընկնի գլուղը:

— Ես կտանեմ...

— Ո՛չ, շնորհակա՛լ եմ,— արագ բացականչեց Նիկոլայը:— Ես մտածում եմ, այդ բանի համար արդյոք պետք չի՞ գա Վեսովչիկովը, հը՛:

— Նրա հետ խոսե՛մ:

— Ապա՛ փորձեցեք, տեսնենք: Եվ սովորեցրե՛ք նրան:

— Իսկ ե՞ս ինչ պիտի անեմ:

— Մի՛ անհանգստանաք:

Նիկոլայը նստեց գրելու: Մայրը սեղանը հավաքեց, մեկ-մեկ նայելով Նիկոլային տեսնում էր, թե ինչպես է դողում գրիչը նրա ձեռքում՝ թուղթը ծածկելով սև բառերի շարքերով: Երբեմն Նիկոլայի պարանոցի մորթը ցնցվում էր, նա գլուխը ետ էր գցում՝ աչքերը փակելով, նրա կզակը դողում էր: Դա հուզում էր մորը:

— Ահա և պատրա՛ստ է,— ասաց Նիկոլայը վեր կենալով:— Դուք այս թուղթը ձեզ վրա մի տեղ թաքցրեք: Բայց իմացե՛ք, եթե ժանդարմները գալու լինեն, ձեզ էլ են խուզարկելու:

— Սատանան նրանց հետ,— հանգիստ պատասխանեց մայրը:

Երեկոյան եկավ բժիշկ Իվան Դանիլովիչը:

— Ինչո՞ւ է հանկարծ իշխանութիւնն այդպես իրար անցել,— ասում էր նա՝ սենյակում արագ քայլելով:— Գիշերս յոթ խուզարկութիւն է եղել: Իսկ հիվանդն ուր է, հը՛:

— Նա դեռ երեկ է գնացել,— պատասխանեց Նիկոլայը:— Այսօր, գիտես, շաբաթ է, նա ընթերցանութիւնն ունի, նա չի կարող բաց թողնել...

— Է՛, դա հիմարութիւնն է, շարժված գլխով ընթերցանութեան նստելու...

— Ես նրան այդ ապացուցում էի, բայց ապարդյուն...

— Ուզեցել է ընկերների մոտ պարծենալ,— նկատեց մայրը,— այսինքն՝ թե տեսե՛ք, ես արդեն արյուն եմ թափել...

Բժիշկը նայեց մոր վրա, դեմքին կատաղի արտահայտու-թիւնն տվեց և ատամները սեղմելով ասաց.

— Ու՛՛՛, արյունարբու...

— Դե՛հ, Իվա՛ն, դու այստեղ բան չունես, մենք հյուրերի ենք սպասում, գնա՛: Նի՛լովնա, ապա թուղթը տվեք նրան...

— Էլի՞ թղթեր,— բացականչեց բժիշկը:

— Ահա՛: Վերցրո՛ւ և հանձնիր տպարան:

— Վերցրի: Կհանձնեմ: Ուրիշ ոչի՞նչ:

— Ուրիշ ոչինչ: Դարպասի մոտ լրտես կա:

— Տեսա: Իմ դռան մոտ էլ կա: Դե՛հ, ցտեսութիւն: Ցտեսութիւն, դաժան կին: Իսկ գիտե՛ք, բարեկամներ, գերեզմանատան կոնվը լավ բան դուրս եկավ վերջիվերջո: Դրա մասին է խոսում ամբողջ քաղաքը: Այդ առիթով քո գրած թերթիկը շատ

լավն է և ժամանակին հասավ: Ես միշտ ասել եմ, որ լավ կոխվի վատ հաշտութիւնից լավ է...

— Դե լավ, դու գնա՛...

— Այնքան էլ սիրալիր չես վարվում: Զեր ձե՛րքը, Նի՛լովնա: Իսկ այդ տղան հիմարութիւն է արել այնուամենայնիւ: Դու գիտե՞ս որտեղ է ապրում նա:

Նիկոլայը հասցեն տվեց:

— Վաղը պետք է նրա մոտ գնալ, հիանալի տղա է, չէ՞:

— Շա՛տ...

— Պետք է նրան պահպանել, նա առողջ ուղեղ ունի, — ասում էր բժիշկը հեռանալիս: — Հենց այդպիսի տղաներից պետք է աճեցնել պրոլետարական ինտելիգենցիա, որը փոխարինի մեզ, երբ մենք կհեռանանք այս աշխարհից այնտեղ, ուր հավանորեն չկան դասակարգային հակասութիւններ...

— Դու սկսել ես շատ շաղակրատել, Իվա՛ն...

— Որովհետև ուրախ եմ, դրանից է: Նշանակում է՝ դու բա՛նտ ես սպասում: Ցանկանում եմ քեզ հանգստանալ այնտեղ:

— Շնորհակալ եմ: Ես չեմ հոգնել:

Մայրը լսում էր նրանց խոսակցութիւնը, և նրան հաճելի էր բանվորի նկատմամբ ցույց տրվող այդ հոգատարութիւնը:

Բժշկին ճանապարհ դնելով Նիկոլայն ու մայրն սկսեցին թեյ խմել և բան ուտել, սպասելով գիշերային հյուրերին, կամաց խոսելով: Նիկոլայը երկար պատմում էր մորն իր ընկերների մասին, որոնք արքայադուրսն են, նրանց մասին, որոնք արդեն այնտեղից փախել և իրենց աշխատանքը շարունակում են ուրիշ անվան տակ: Սենյակի լերկ պատերը ետ էին մղում նրա ձայնի մեղմ հնչուները, կարծես զարմանալով և չհավատալով աշխարհի վերափոխման մեծ գործին իրենց ամբողջ ուժերն անշահադիտորեն նվիրած համեստ հերոսների պատմութանը: Մի ջերմ ստվեր սիրալիր շրջապատում էր մորը, սիրտը ջերմացնելով դեպի անտես-անձանաչ մարդիկ տածած սիրո զգացումով, և նրա երևակայութան մեջ նրանք բոլորը միանալով դառնում էին մի ահագին մարդ, լի արիութեան անսպառ ուժով, նա դանդաղ, բայց անդու-անդադար ընթանում է երկրի վրայով, իր աշխատանքի վրա սիրահարված՝ ձեռներով մաքրելով երկրի երեսից ստութեան դարավոր բորբոսը, մարդկանց աչքերի առջև բաց անելով կյանքի պարզ ու պայծառ ճշմարտութիւնը: Եվ մեծ ճշմարտութիւնը հարութիւն առնելով՝ ամենքին միահա-

վասար քաղցրութեամբ իր մոտ է հրավիրում, ամենքին հավասարապես խոստանում է ազատութիւն ազահոթութիւնից, շարութիւնից և կեղծիքից, այդ երեք հրեշներից, որոնք իրենց ցինիկ ուժով ստրկացրել և ահաբեկել են ամբողջ աշխարհը... Այդ պատկերը մոր հոգու մեջ մի զգացմունք էր առաջացնում, նման այն զգացողութեանը, որով նա մի ժամանակ կանգնում էր սրբապատկերի առջև՝ բերկրալի և գոհաբանական աղոթքով ավարտելով այն օրը, որը նրան ավելի թեթև էր թվում կյանքի մյուս օրերից: Այժմ նա մոռացել էր այդ օրերը, իսկ դրանց առաջ բերած զգացմունքն ընդլայնվել, դարձել էր ավելի լուսավոր և բերկրալի, ավելի խոր էր թափանցել հոգու մեջ և կենդանի՝ ավելի ու ավելի պայծառ էր վառվում:

— Իսկ ժանդարմները չե՛ն գալիս, — հանկարծ իր պատշ մութիւնն ընդհատելով բացականչեց Նիկոլայը:

Մայրը նայեց նրան և մի փոքր լռելով սրտնեղած արձա՛զանքեց.

— Թող գրողի ծոցը գնան:

— Իհարկե՛, Բայց ձեր քնելու ժամանակն է, Նի՛լովնա, դուք երևի սոսկալի հոգնել եք, զարմանալի ամրապինդ եք, պետք է ասել: Որքա՛ն հուզմունք, անհանգստութիւն, և այդ բոլորին դուք հեշտութեամբ դիմանում եք: Միայն թե, ա՛յ, ձեր մազերը արագ են սպիտակում: Դե՛հ, գնացեք հանգստացե՛ք:

XX

Մորն արթնացրեց խոհանոցի դռան բարձրաձայն թխկոցը: Մեծում էին անընդհատ, համբերատար համառութեամբ: Դեռ մութն էր, խաղաղ և խաղաղութեան մեջ բախշունի կամակոր մանր զարկերը անհանգստութիւն էին առաջացնում: Շտապ հագնվելով՝ մայրն արագ դուրս եկավ խոհանոց և դռան առաջ կանգնելով հարցրեց.

— Ո՞վ է:

— Ես եմ, — պատասխանեց մի անծանոթ ձայն:

— Ո՞վ ես:

— Բացե՛ք, — խնդրաբար և կամաց պատասխանեցին դռան հետևից:

Մայրը դռան կեռը բարձրացրեց, դուռը ոտով հրեց, ներս մտավ Իգնատը և ուրախացած ասաց.



— Նշանակում է՝ շեմ սխալվել:

Նա մինչև գոտին ցեխոտոված էր, նրա դեմքը գորշացել էր, աչքերը խոր ընկել, և միայն գանգուր մազերն էին ըմբոստ ցցվել՝ դեպի ամեն կողմ գլխարկի տակից դուրս գալով:

— Մեզ մոտ փորձանք է պատահել, — դուռը փակելով շուտով ասաց նա:

— Ես գիտեմ...

Դա տղային զարմացրեց: Աչքերը թարթելով նա հարցրեց.

— Որտեղի՞ց:

Մայրը կարճ և շտապ պատմեց:

— Իսկ այն երկուսին բռնե՞լ են: Ընկերներիդ:

— Նրանք այնտեղ չէին: Նրանք գնացել էին ներկայանալու, գինվորացուներ են: Հինգ հոգու բռնեցին՝ հաշված քեռի Միխայլոյին:

Նա քթով շնչեց օդը և ժպտալով ասաց.

— Իսկ ես մնացի: Երևի ինձ փնտրում են:

— Իսկ դու ի՞նչպես ազատվեցիր, — հարցրեց մայրը:

Սենյակի դուռը կամաց բացվեց:

— Ե՛ս, — նստարանին նստելով և շուրջը նայելով՝ բացականչեց Իգնատը: — Նրանց գալուց մի րոպե առաջ անտառապահը վազելով եկավ, պատուհանը ծեծեց, թե՛ զգուշացե՛ք, տղե՛րք, ասում է, ձեզ վրա են գալիս...

Նա կամաց ծիծաղեց, երեսը սրբեց կաֆտանի փեշով և շարունակեց.

— Դե, քեռի Միխայլոյին մուրճի հարվածով էլ շեռ շմացնի: Իսկույն ինձ ասաց. «Իգնատ, քաղա՛ք, շո՛ւտ: Հիշո՞ւմ ես այն հասակավոր կնոջը»: Իսկ ինքն սկսեց տոմսակ գրել: «Ա՛ռ, գնա՛...» Ես սկսեցի սողալ թփերի միջով, լսում եմ՝ գալի՛ս են: Շա՛տ են, ամեն կողմից աղմկում են սատանաները: Օղակի պես պատել են գործարանը: Թփերի մեջ պառկեցի, կողքովս անցա՛ն: Այդ ժամանակ ես վեր կացա և սկսեցի վազել: Երկու գիշեր ճանապարհ եկա, ամբողջ օրն առանց հանգստանալու:

Երևում էր, որ նա իրենից գոհ է. նրա շագանակագույն աչքերում ժպիտ էր փայլում, կարմիր, խոշոր շրթունքները դողդողում էին:

— Իսկույն ես քեզ թեյ կտամ, — շտապ ասաց մայրը ինքնահեռը վերցնելով:

— Դուք տոմսակն ստացե՛ք ախր...

Նա դժվարությամբ բարձրացրեց ոտքը և կոկորդը մաքրելով՝ դրեց նստարանին:

Շեմքում երևաց Նիկոլայը:

— Բարև ձեզ, ընկե՛ր, — ասաց նա աչքերը կկոցելով: — Թույլ տվե՛ք ես ձեզ օգնեմ:

Նվ կռանալով սկսեց արագորեն ետ անել ցեխոտ փաթաթանները:

— Վա՛, — կամաց բացականչեց տղան, ոտը քաշելով և աչքերը զարմացած թարթելով՝ նայեց մորը:

Առանց նրա հայացքը նկատելու՝ մայրն ասաց.

— Պետք է սրա ոտներն օղիով շփել...

— Իհարկե, — ասաց Նիկոլայը:

Իգնատը շփոթված փռթկացրեց:

Նիկոլայը գտավ տոմսակը, հարդարեց այն և այդ գորշ, տրորված թուղթը դեմքին մոտեցնելով կարդաց.

«Ձթողնես գործը, մայր, առանց ուշադրության: Ասա բարձր խանութին, որ չմոռանա, որ ավելի շատ գրեն մեր գործերի մասին, խնդրում եմ: Մնաս բարով: Ռիբին»:

Նիկոլայը վար իջեցրեց ձեռքը, որով տոմսն էր բռնել, և ցածր ձայնով ասաց.

— Սա սքանչելի՛ է...

Իգնատը նայում էր նրանց, սևրկ ոտի կեղտ:տ մատները կամաց շարժելով: Մայրն արցունքով ողողված դեմքը թացցնելով մոտեցավ նրան մի կոնք ջրով, նստեց հատակին և ձեռք մեկնեց դեպի նրա ոտքը: Իգնատն իսկույն ոտքը կոխեց նստարանի տակ՝ վախեցած բացականչելով.

— Ի՞նչ եք անում:

— Ոտքդ շո՛ւտ տուր...

— Ես իսկույն սպիրտ կբերեմ, — ասաց Նիկոլայը:

Տղան ոտքն ավելի ու ավելի հեռու էր տանում նստարանի տակ և մրթմրթում.

— Ի՞նչ եք անում: Հիվանդանոցո՞ւմն եք, ի՞նչ է...

Այդ ժամանակ մայրն սկսեց հանել նրա մյուս ոտքը:

Իգնատը բարձրաձայն քիթը փնչացրեց և անճոռնի կերպով վիզը շարժելով վերից վար նայեց մորը շրթունքները կախած:

— Գիտե՛ս, — ասաց մայրը ցնցվող ձայնով, — Միխայլո Իվանովիչին ծեծում էին...

— Մի՞թե, — կամաց և վախեցած բացականչեց տղան:

— Այո՛: Նրան ծեծված բերին, և Նիկոլայի հետ ուրյազ-  
նիկն էր ծեծում, պրիստավը, և՛ ապտակում էին, և՛ աքացիներ  
էին տալիս... արնաթաթախ արին:

— Նրանք այդ բանը կարողանում են,— արձագանքեց  
տղան հոնքերը մռայլելով: Նրա ուսերը ցնցվում էին:— Այսինքն,  
ես նրանցից վախենում եմ, ինչպես սատանաների՛ց: Իսկ մու-  
ժիկները չծեծեցի՞ն:

— Մեկը խփեց: Պրիստավը հրամայեց նրան: Բայց բոլորը  
ո՛չ, նույնիսկ պաշտպանում էին, չի կարելի, ասում էին, խփել...

— Այո-ո, մուժիկներն արդեն սկսում էին հասկանալ, թե  
ով ինչ բանի է և ինչու:

— Այնտեղ էլ կան խելացիներ...

— Որտե՞ղ չկան: Կարի՞քն է ստիպում: Նրանք ամեն տեղ  
կան, գտնելն է դժվար:

Նիկոլայը մի շիշ սպիրտ բերեց, ինքնաեռը ածուխ գցեց և  
լուռ գնաց: Հետաքրքիր աչքերով նրան ուղեկցելով Իգնատը  
կամաց հարցրեց մորից.

— Աղան բժի՞շկ է:

— Այս գործում աղաներ չկան, բոլորն ընկերներ են...

— Զարմանք բան է,— ասաց Իգնատը թերահավատորեն և  
շփոթված ժպտալով:

— Ինչի՞ ես զարմանում:

— Այնպես էլի: Մի կողմը տեսնում ես, քիթ ու մուռք են  
ջարդում, մյուս կողմը՝ ոտքերդ են լվանում, իսկ մեջտե՞ղն  
ինչ է:

Սենյակի դուռը լայն բացվեց, և Նիկոլայը շեմքում կանգ-  
նած ասաց.

— Իսկ մեջտեղում ա՛յն մարդիկ են, որոնք լիզում են  
նրա՛նց ձեռքերը, որոնք մուռքներ են ջարդում, և ծծում են  
նրա՛նց արյունը, ում մուռքը ջարդվում է, ահա՛ մեջտեղը:

Իգնատը հարգանքով նայեց նրան և քիչ լռությունից հետո  
ասաց.

— Այդ ճիշտ է:

Տղան վեր կացավ, մի ոտից մյուսին հենվելով՝ ոտներն  
ամուր դեմ տալով հատակին, ասաց.

— Կարծես նորացա՛ն: Ենորհակալություն ձեզ...

Ապա նստեցին սեղանատանը և սկսեցին թեյ խմել, իսկ  
Իգնատը մեծալուրջ ձայնով պատմում էր.

— Ես թերթերի ցրիչ եմ եղել, լավ ման եկող եմ:

— Շա՛տ մարդիկ են կարդում,— հարցրեց Նիկոլայը:

— Բոլորը, ովքեր որ գրագետ են, նույնիսկ հարուստներն  
են կարդում, նրանք, իհարկե, մեզանից չեն ստանում... Նրանք  
հասկանում են, որ գյուղացիներն իրենց արյունով ողողելու են  
աղաների ու հարուստների տակից դուրս քաշած հողը, ուրեմն՝  
իրենք էլ բաժանելու են այդ հողը, դե նրանք էլ այնպես կբա-  
ժանեն, որ շինեն այլևս ոչ տներ, ոչ մշակներ, հապա ինչ-  
պե՛ս: Էլ ինչի՞ համար պիտի կովի խառնվեն, եթե ոչ սրա  
համար:

Նա նույնիսկ կարծես նեղացավ և Նիկոլային նայում էր թե-  
րահավատ, հարցականորեն: Նիկոլայը լուռ ժպտում էր:

— Իսկ եթե այս բոլորը միասին կովեն՝ հաղթեն, այսինքն,  
իսկ էգուց նորից մեկը հարուստ է լինելու, մյուսն աղքատ, էլ  
ինչո՞ւ պետք է կովենք: Մենք լավ ենք հասկանում՝ հարստու-  
թյունը սորուն ավաղ է, տեղը հանգիստ մնալ չի կարող, նորից  
դեսուդեն կհոսի: Դրա օգուտն ի՞նչ:

— Իսկ դու մի՞ բարկանա,— կատակով ասաց մայրը:

Նիկոլայը մտախոհ բացականչեց.

— Ինչպե՞ս անենք, որ շուտով այնտեղ ուղարկենք Ռիբի-  
նին ձերբակալման վերաբերյալ թուղթիկը:

Իգնատն ուշադրությունը լարեց:

— Իսկ թուղթիկ կա՞:

— Այո:

— Տվե՛ք, ես տանեմ,— առաջարկեց տղան ձեռները տրո-  
րելով:

Մայրը կամաց ծիծաղեց առանց նրան նայելու:

— Չէ՞ որ դու հոգնած ես և վախենում ես, ասացիր:

Իգնատը լայն թաթով հարթելով գլխի գանգուր մաղերը,  
գործնականորեն և հանգիստ ասաց.

— Վախն ի՛ր տեղը, իսկ գործն էլ ի՛ր տեղը: Ի՞նչ եք ծի-  
ծաղում: Սրա՛նց տեսեք:

— Ա՛խ, դու, երեխա՛ս,— ակամա բացականչեց մայրը,  
ենթարկվելով տղայի առաջ բերած ուրախության զգացմունքին:

Տղան ամաչելով ծիծաղեց:

— Հիմի էլ երեխա՛:

Նիկոլայը սկսեց խոսել՝ բարեսրտորեն կկոցած աչքերով  
տղային տնտղելով:

— Դուք այնտեղ չեք գնա...

— Իսկ ի՞նչ պիտի անեմ: Ապա ո՞ւր պիտի գնամ,— անհանգիստ հարցրեց Իգնատը:

— Ձեր փոխարեն կգնա մի ուրիշը, իսկ դուք նրան մանրամասն կպատմեք, թե ինչ պետք է անի և ինչպես, լա՞վ:

— Լա՞վ,— ասաց Իգնատը ոչ իսկույն և դժկամությամբ:

— Իսկ ձեզ համար լավ անձնագիր կճարենք և ձեզ անտառապահ նշանակել կտանք...

Տղան գլուխն արագ վեր նետեց և անհանգստացած հարցրեց.

— Իսկ եթե մուծիկները փայտ տանելու գան կամ... ընդհանրապես, ես ի՞նչ պիտի անեմ: Բռնեմ կապե՞մ: Դա իմ գործը չի...

Մայրը ծիծաղեց, նիկողայր նույնպես. դա նորից շվարեցրեց և վշտացրեց տղային:

— Անհանգիստ մի՛ լինեք,— սփոփեց նրան նիկողայր:— **Պետք** չի լինի, որ դուք մուծիկներին կապկպեք, հավատացե՞ք...

— Հա, դա ուրիշ բան է,— ասաց Իգնատը և հանգստացավ ուրախ ժպտալով:— Ա՛յ, եթե ես գործարան գնայի՞, այնտեղ, ասում են, տղերքը բավական խելոք են...

Մայրը սեղանի առաջից վեր կացավ և մտախոհ նայելով պատուհանից, ասաց.

— Է՛հ, կյա՛նք, կյանք: Մարդ օրական հինգ անգամ ծիծաղում է, հինգ անգամ լալիս: Հը՛, վերջացրի՞ր, Իգնա՛տի: Արի քնի՛ր...

— Դե, ես չեմ ուզում...

— Արի՛, արի՛...

— Ձեզ մոտ շատ խիստ է: Լավ, գալիս եմ... Ենթահակալություն տված պատվի համար, սիրալիրության համար...

Մոր անկողնում պառկելով՝ նա գլուխը քորելով փնթիլընթում էր.

— Հիմա ձեր ամեն բանից կպրի հոտ է գալու, է՛հ: Ձուր է այս բոլորը... Քունս չի տանում... Նա մեղտեղի համար ի՞նչ լավ ասաց... Սատանաներ...

Եվ հանկարծ բարձրաձայն խռմփացնելով քնեց, հոնքերը խիստ բարձրացրած, բերանը կիսաբաց:

Երեկոյան նա նստած էր նկուղային հարկի մի փոքրիկ սենյակում, աթոռի վրա, վեսով շշիկովի դիմաց և ցածրաձայն, հոնքերը կնճռած, ասում էր նրան.

— Միջին պատուհանը չորս անգամ...

— Չո՞րս,— մտահոգված կրկնեց նիկողայր:

— Սկզբում՝ երեք, ա՛յ, այսպե՛ս:

Եվ կեռացած մատով հարվածեց սեղանը՝ համբերով.

— Մեկ, երկու, երեք: Հետո, քիչ սպասելուց՝ մի անգամ էլ:

— Հասկանում եմ:

— Բաց կանի մի շեկ մուծիկ, կհարցնի՝ տատմար հետևի՞ց ես եկել: Դուք կասե՞ք՝ այո, գործարանատիրոջ կողմից եմ եկել: Ուրիշ ոչինչ, արդեն նա կհասկանա՛:

Նրանք նստել էին գլուխները իրար կռացրած, երկուսն էլ թիկնեղ, ամբակազմ, և ձայները զսպած խոսում էին, իսկ մայրը ձեռները կրծքին ծալած կանգնել էր սեղանի մոտ, նրանց զննելով: Այդ բոլորը, պատուհանը գաղտագողի թակելը, պայմանական հարց ու պատասխանը նրան ներքուստ ժպտալ էին հարկադրում, նա մտածում էր...

«Դեռ երեխաներ են...»

Պատից կախված ճրագը վառվում էր՝ լուսավորելով հատակին թափված ծոմոված դուլլերը, թիթեղի կտորտանքը: Ժանգի, յուղաներկի և խոնավության հոտը լցրել էր սենյակը:

Իգնատը հագել էր խավոտ կտորից կարած աշնանային հաստ վերարկու, և դա նրան դուր էր գալիս, մայրը տեսնում էր, թե ինչ սիրով էր նա ափով հարթում թևը, ինչպես էր իրեն զննում՝ միևնույն պարանոցը դժվարությամբ դարձնելով: Եվ մոր կրծքում մեղմ զարկում էր.

«Երեխանե՛ր են: Հարազատներս...»

— Ահա՛,— ասաց Իգնատը վեր կենալով:— Ուրեմն միտնե՛րդ պահեցեք, առաջ Մուրատովի մոտ, հարցրեք պապիկին...

— Միտս է,— պատասխանեց վեսով շշիկովը:

Բայց Իգնատն ըստ երևույթին չհավատաց նրան, նորից կրկնեց բոլոր բախյունները, բառերն ու նշանները և վերջապես ձեռքը մեկնեց.

— Բարևեցե՛ք նրանց: Լավ մարդիկ են, կտեսնեք...

Նա գոհ հայացքը նետեց իր վրա, վերարկուն շփեց ձեռքերով և հարցրեց մորը.

— Գնա՞մ:

— Բայց ճանապարհը կգտնե՞ս:

— Իհարկե՞: Կգտնեմ... Ցտեսութիւն, ուրեմն, ընկերներ:

Եվ գնաց ուսերը խիստ բարձրացրած, կուրծքը ցցած, նոր գլխարկը ծուռ դրած, ձեռքերը մեծալըջորեն խրած գրպանը: Նրա քունքերին աշխույժ դողում էին բաց գույնի գանգուրները:

— Ա՛յ, հիմա ես էլ գործի վրա եմ,— ասաց Վեսուլշիկովը թեթևաքայլ մոտենալով մորը:— Ես արդեն ձանձրանում էի... Բանտից գլուխս փախցրի, ինչի՞ համար: Միայն թաքնվում եմ: Իսկ այնտեղ ես սովորում էի, այնտեղ Պավելն այնպե՛ս էր հուպ տալիս ուղեղներս, որ մարդու քեֆը գալիս էր: Իսկ, նի՛ւովնա, փախուստի մասին ի՞նչ որոշեց:

— Չգիտե՞մ,— պատասխանեց մայրն ակամա հառաչելով: Սա՛նք ձեռքը մոր ուսին դնելով և դեմքը մոտեցնելով նրան, Նիկոլայն ասաց.

— Դու ասա՛ նրանց, նրանք քեզ կլսեն, դա շա՛տ հեշտ բան է: Դու ինքդ տես, ա՛յ՛ բանտի պատն է, մոտը լապտեր կա: Դիմացը ամալի տեղ է. դեպի ձախ՝ գերեզմանատունը, դեպի աջ՝ փողոցներ, քաղաքը: Լապտերին է մոտենում լապտերավառը, ցերեկով, լապտերները մաքրում, սանդուղքը դնում պատին: Պիտի բարձրանալ, պատի վրա գցել պարանն սանդուղքի կենտրոնը, պարանը կախել բանտի բակը և գնալ: Այնտեղ, պատի հետևում, գիտեն ժամանակը, թե երբ են անելու այդ, քրեականներին կխնդրեն աղմուկ անել կամ իրենք կանեն, իսկ նրանք, որոնք պետք է փախչեն, այդ ժամանակ սանդուղքով պատը կբարձրանան, մե՛կ, երկու, և բանը պրծած է:

Նա մոր դեմքի առաջ շարժում էր ձեռքերը, նկարագրելով իր նախագիծը, նրա ասելով ամեն ինչ դուրս էր գալիս պարզ, որոշ, ճարպիկ: Մայրը նրան ճանաչում էր որպես դանդաղամիտ, անշնորհք մի մարդ: Անցյալում Նիկոլայի աչքերն ամեն բանի նայում էին մտալ բարկութեամբ և թերահավատորեն, իսկ հիմա կարծես նոր էին բացվում, պսպղում էին հավասար, ջերմ լույսով, մորը համոզելով և հուզելով...

— Մտածիր, տե՛ս, չէ՞ որ սա ցերեկն է լինելու... Անպատճառ ցերեկը: Ո՞վ կարող է մտածել, թե բանտարկյալը սիրտ կանի օրը ցերեկով փախչել ամբողջ բանտի աչքի առաջ...

— Իսկ եթե գնդակահարե՞ն,— ցնցվելով արտասանեց կինը:

— Ո՞վ: Զինվորներ չկան, վերակացուներն ատրճանակներով մեխեր են խփում...

— Բո ասելով շատ պարզ է ամեն բան...

— Կտեսնես, որ հենց այդպես է: Չէ՛, դու խոսի՛ր նրա հետ: Ինձ մոտ ամեն բան պատրաստ է, պարանն սանդուղքը, նրա կենտրոնը, տանտերս լապտերավառ կլինի...

— Դուան հետևում մեկը շարժվում էր, հազում, երկաթի ձայն եկավ:

— Ահա՛, նա՛,— ասաց Նիկոլայը:

Բաց դռնով մի թիթեղե լոգարան ներս խցկվեց, մի խոպոտ ձայն մրթմրթաց.

— Մտի՛ր, սատանա...

Ապա երևաց մի կլոր, ալեհեր գլուխ, անգլխարկ, պլշած աչքերով, մեծ ընչացքներով և բարեհոգի արտահայտությամբ:

Նիկոլայն օգնեց լոգարանը ներս բերելու, դռնով մտավ մի բարձրահասակ, կորամեջք մարդ, հազաց սափրած այտերն ուռացնելով, թքեց և խոպոտ ձայնով բարեկց.

— Բարի աշողում...

— Ա՛յ, հարցրու սրան,— բացականչեց Նիկոլայը:

— Ի՞նձ: Ինչի՞ մասին:

— Փախուստի մասին...

— Հա՛-ա՛,— ասաց տանտերը սևացած մատներով ընչացքները սրբելով:

— Ա՛յ, Յա՛կով Վասիլևիչ, նա չի հավատում, որ դա հեշտ բան է:

— Հը՛մմ, չի հավատո՞ւմ: Նշանակում է՛ չի ուզում: Իսկ ես ու դու ուզում ենք, դրա համար էլ հավատում ենք,— հանգիստ ասաց տանտերը և հանկարծ կիսից կորանալով սկսեց խուլ հազալ: Հազաց վերջացրեց՝ կուրծքը շփելով, երկար կանգնեց սենյակի մեջտեղը՝ ֆսֆսացնելով և պլշած աչքերով տղնտղելով մորը:

— Դա պետք է Պաշան և ընկերները որոշեն,— ասաց Նիկոլան:

Նիկոլայը մտախոհ կախեց գլուխը:

— Ո՞վ է այդ Պաշան,— հարցրեց տանտերը նստելով:

— Որդիս է:

— Ինչպե՞ս է ազգանունը:

— Վլասով:

Տանտերը գլխով արեց, հանեց ծխախոտի քսակը, դուրս քաշեց ծխամորճը և ծխախոտ լցնելով կցկտուր ասաց.

— Լսել եմ: Քրոջս որդին ճանաչում է նրան: Նա էլ է բանտում, քրոջս որդի եվչենկոն, լսե՛լ եք: Իսկ իմ ազգանունը Գորուն է: Ահա շուտով բոլոր ջահելներին բանտում կփակեն, ա՛յ, թե ծերերիս համար ազատ տեղ կբացվի: Փանդարմն ինձ խոստանում է քրոջս որդուն նույնիսկ Սիբիր քշել: Կքշի՞ շունը:

Մխելով նա դարձավ Նիկոլային՝ հաճախ թքելով հատակին:

— Ուրեմն չի՞ ուզում: Ի՛ր գործն է: Մարդս ազատ է. նստելուց հոգնել է՝ կարող է գնալ, գնալուց է հոգնել՝ կարող է նստել: Եթե թալանել են՝ սո՛ւս կաց, ծեծում են՝ համբերի՛ր, սպանել են՝ պառկած մնա՛: Սա հայտնի բան է: Իսկ ես Սավկային դուրս կհանեմ: Գո՛ւրս կհանեմ:

Նրա կարճ, հաշոցի նման ֆրազները մորը տարակուսանք էին պատճառում, իսկ վերջին խոսքերը նախանձ առաջացրին: Փողոցում սառը քամու և անձրևի դեմ գնալիս մայրը մտածում էր Նիկոլայի մասին:

«Ի՛նչ է դարձել, մի տես, է՛»:

Եվ Գորունին հիշելով, գրեթե աղոթելու պես խորհում էր.

«Երևում է՝ մենակ ես չեմ նոր կյանքով ապրում...»

Իսկ դրանից անմիջապես հետո նրա սրտում բարձրացավ մի մտածմունք որդու մասին.

«Եթե համաձայնե՛ր»:

## XXII

Մի կիրակի բանտի գրասենյակում Պավելին հրաժեշտ տալիս մայրն իր ձեռքում թղթի մի փոքրիկ գունդ շոշափեց: Ճղնջվելով, կարծես դա այրեց իր ափի մորթը, մայրը նայեց որդու դեմքին՝ խնդրելով ու հարցնելով, բայց պատասխան չստացավ: Պավելի կապույտ աչքերը ժպտում էին սովորական, մորը ծանոթ ժպտով, հանգիստ և անվրդով:

— Մնաս բարո՛վ,— ասաց մայրը, հառաչելով:

Որդին նորից մեկնեց ձեռքը, և մի ինչ-որ սիրալիր դող անցավ նրա դեմքով:

— Գնաս բարո՛վ, մա՛յր:

Մայրն սպասում էր առանց ձեռքը թողնելու:

— Չանհանգստանա՛ս, չբարկանաս,— ասաց որդին:

Որդու այս խոսքերը և ճակատի համառ ծալքը պատասխանեցին մորը:

— Ի՛նչ ես ասում,— մրմնջաց մայրը գլուխը կախելով:— Ի՛նչ կա որ...

Եվ շտապ հեռացավ առանց որդուն նայելու, որպեսզի իր զգացմունքը չմատնի աչքերին երևացող արցունքներով և շքր-թունքների դողով: Ճանապարհին նրան թվում էր, թե կսկծում են այն ձեռքի ոսկորները, որի մեջ ամուր սեղմել էր որդու պատասխանը, և ամբողջ ձեռքը ծանրացել էր կարծես ուսին հասցրած հարվածից: Տանը տոմսը Նիկոլայի ձեռքը կոխելով՝ կանգնեց նրա առաջ և սպասելով, թե երբ է հարթելու պինդ ճմլված թղթիկը, նորից հույսի թրթիռ զգաց: Բայց Նիկոլայն ասաց.

— Իհարկե՛: Ա՛յ թե ինչ է գրում ես. «Մենք չենք փախչի, ընկերնե՛ր, չենք կարող: Մեզանից ոչ մեկը: Կկորցնե՞ինք դեպի ինքներս տածած հարգանքը: Ուշագրու՞թյո՛ւն դարձրեք նորերս ձերբակալված գյուղացու վրա: Նա արժանի է ձեր հոգատարությանը, արժե որ ուժե՛ր վատնեք: Նրա համար այստեղ չափազանց դժվար է: Ամեն օր ընդհարվում է իշխաեության հետ: Արդեն մեկ օր կարցեր է նստել: Նրան տանջամահ կանեն: Մենք բոլորս խնդրում ենք նրա համար: Մխիթարեցե՛ք, գուրգուրեցե՛ք մորս: Նրան բացատրեցե՛ք, ես ամեն ինչ կհասկանամ»:

Մայրը գլուխը շարձրացրեց և կամաց, ցնցվող ձայնով ասաց.

— Էլ ի՛նչ բացատրել ինձ: Իս հասկանում եմ:

Նիկոլայն արագ մի կողմ դարձավ, թաշկինակը հանեց, բարձրաձայն մաքրեց քիթը, թոնթորաց.

— Հարբուխ եմ ստացել...

Ապա աչքերը ձեռններով ծածկելով, ակնոցն ուղղելու համար, և սեղչակում անց ու դարձ անելով ասաց.

— Գիտե՛ք, մենք չէինք հասնի, միևնույնն է...

— Ոչի՛նչ, թո՛ղ դատեն,— ասում էր մայրը հոնքերը կիտելով, իսկ կուրծքը լցվում էր խոնավ, մշուշապատ թախիծով:

— Ա՛յ, ես նամակ ստացա ընկերոջիցս, Պետերբուրգից...

— Չէ՛ որ նա Սիբիրից էլ կարող է փախչել... կարո՞ղ է:

— Իհարկե՛: Ընկերս գրում է՝ գործը շուտով կնշանակեն, վճիռը հայտնի է՝ բոլորին աքսոր: Տեսնո՞ւմ եք: Այն չնչին սրի-

կաներն իրենց դատն ամենագոհճիկ կատակերգության են վերածում: Հասկանո՞ւմ եք, դատավճիռը կայացված է Պետերբուրգում, դատից առաջ...

— Թողե՛ք այդ, Նիկոլա՛յ Իվանովիչ, — վճռականորեն ասաց մայրը: — Ինձ մխիթարելու կարիք չկա, պետք չի բացատրել: Պաշան վատ բան չի անի, գուր տեղը ոչ իրեն, ոչ ուրիշին չի տանջի: Եվ նա ինձ սիրում է, այո՛: Տեսնում եք, իմ մասին է մտածում: Բացատրեցե՛ք, գրում է, մխիթարեցե՛ք...

Նրա սիրտն արագ էր խփում, գլուխը պտտվում էր վրդովմունքից:

— Ձեր որդին հիանալի՛ մարդ է, — գոչեց Նիկոլայն իրեն ոչ հատուկ բարձր ձայնով: — Ես նրան շա՛տ եմ հարգում:

— Ա՛յ թե ինչ, ավելի լավ է՝ եկեք Ռիբինի մասին մտածենք, — առաջարկեց մայրը:

Նա ուզում էր որևէ բան անել հենց իսկույն, գնալ որևէ տեղ, ճանապարհ գնալ հոգնելու աստիճանի:

— Հա՛, լա՛վ, — պատասխանեց Նիկոլայը սենյակում անց ու դարձ անելով: — Լավ կլիներ՝ Սաշենկային...

— Նա կգա: Նա միշտ գալիս է այն օրը, երբ ես Պաշային տեսնում եմ...

Գլուխը կախելով մտախոհ, կծելով շրթունքները և մորուքը ուրերևով Նիկոլայը նստեց բազմոցին, մոր կողքին:

— Ափսոս քույրս այստեղ չի...

— Լավ է դա կազմակերպել հիմա, քանի դեռ Պաշան այնտեղ է, — նրան հաճելի կլինի, — ասում էր մայրը:

Լռեցին, և հանկարծ մայրն ասաց դանդաղ և կամաց.

— Չեմ հասկանում, ինչո՞ւ չի ուզում նա...

Նիկոլայը ոտքի թռավ, բայց զանգը հնչեց: Նրանք իսկույն իրար նայեցին:

— Դա Սաշան է, հա՛, — կամաց ասաց Նիկոլայը:

— Նրան ի՞նչ ասել, — նույնպես կամաց հարցրեց մայրը:

— Հա՛-ա՛, գիտեք...

— Նա մեղքս շատ է գալիս...

Չանգը կրկնվեց պակաս բարձրաձայն, կասես դուան հետևը գտնվող մարդն էլ սիրտ չէր անում: Նիկոլայն ու մայրը վեր կացան և միասին գնացին, բայց խոհանոցի դուռն մոտ Նիկոլայը մի կողմ թեքվեց ասելով.

— Ավելի լավ է դուք...

— Համաձայն չի՞, — հաստատապես հարցրեց աղջիկը, երբ մայրը դուռը բաց արեց:

— Ոչ:

— Ես այդ գիտեի՛, — ուղղակի ասաց Սաշան, բայց դեմքը գունատվեց: Նա բաց արեց վերարկուի կոճակները և երկուքը նորից կոճկելով՝ փորձեց հանել: Դա նրան չհաջողվեց: Այդ ժամանակ նա ասաց.

— Անձրև է ու քամի, զզվելի՛ է: Առո՞ղջ է:

— Այո:

— Առողջ է և ուրախ, — ցածրաձայն ասաց Սաշան իր ձեռքը տնտղելով:

— Գրում է, թե պետք է Ռիբինին ազատել, — հաղորդեց մայրն առանց աղջկա վրա նայելու:

— Հա՞: Ինձ թվում է, թե պետք է օգտագործենք այն ծրագիրը, — դանդաղ արտասանեց աղջիկը:

— Ես էլ եմ այդպես կարծում, — ասաց Նիկոլայը շեմքում երևալով: — Բարև՛ ձեզ, Սա՛շա:

Ձեռքը մեկնելով աղջիկը հարցրեց.

— Էլ ի՞նչ կա: Բոլորը համաձա՞յն են, որ ծրագիրն հաջող է...

— Իսկ ո՞վ է կազմակերպում: Բոլորն զբաղված են...

— Տվեք ի՞նձ, — արագ ասաց Սաշան ոտքի կանգնելով: — Ես ժամանակ ունեմ:

— Վերցրե՛ք: Բայց պետք է հարցնել մյուսներին...

— Լա՛վ, ես կհարցնեմ: Ես հենց հիմա էլ կգնամ:

Եվ նորից սկսեց վերարկուի կոճակները կոճկել բարակ մատների վստահ շարժումներով:

— Կհանգստանայի՛ք, — առաջարկեց մայրը:

Սաշան կամաց ժպտաց և ձայնը մեղմացնելով պատասխանեց.

— Մի՛ անհանգստանաք, ես չեմ հոգնել...

Եվ նրանց ձեռքերը սեղմելով՝ հեռացավ նորից սառն ու խիստ:

Մայրն ու Նիկոլայը պատուհանին մոտենալով նայում էին, թե աղջիկն ինչպես անցավ բակով և անհետացավ դարպասի հետևում: Նիկոլայը կամաց սուլեց, նստեց սեղանի առաջ և սկսեց ինչ-որ բան գրել:

— Այս գործով կզբաղվի աղջիկը և սիրտը կթեթևանա,—  
ասաց մայրը մտախոհ ու կամայ:

— Այո, իհարկե՛ք,— արձագանքեց Նիկոլայը և դեպի մայրը  
դառնալով, ժպիտը բարի դեմքին հարցրեց.— Իսկ ձեզ համար,  
Նի՛լովնա, այս բաժակն անցե՛լ է, դուք սիրած մարդու կարո-  
տով չե՞ք տանջվել:

— Է՛,— բացականչեց մայրը ձեռքը թափ տալով:— Ի՞նչ  
կարոտ: Վախենում էի, որ չլինի՞ թե սրա կամ նրա հետ ինձ  
ամուսնացնեն:

— Եվ ոչ ոք դուր չէ՞ր գալիս:

Մայրը քիչ մտածեց և պատասխանեց.

— Չեմ հիշում, թանկագինս: Ինչպե՞ս կլիներ, որ ոչ ոք  
դուր չգար... Երևի մեկնումեկը դուր էր գալիս, միայն թե չեմ  
հիշում՝ ով:

Մայրը նայեց Նիկոլային և պարզապես, խաղաղ թախծով  
ավարտեց.

— Մարդս ինձ շատ էր ծեծում, նրանից առաջ ինչ որ եղել  
է բոլորը մտքիցս գնացել է:

Նիկոլայը դարձավ դեպի սեղանը, իսկ մայրը մի ընկալով  
դուրս եկավ սենյակից և երբ վերադարձավ, Նիկոլայը սիրալիբ  
նայելով նրան, սկսեց խոսել՝ բառերով մեղմ և սիրով շոյելով  
իր հիշողությունները:

— Ինձ հետ ևս, գիտե՛ք, Սաշայի պատմության նման մի  
դեպք է պատահել: Սիրում էի մի աղջկա, նա զարմանալի մարդ  
էր, հրաշալի: Քսան տարեկան էի հանդիպեցի նրան և այն ժա-  
մանակվանից սիրում եմ, հենց հիմա էլ եմ սիրում՝ ճիշտն  
ասած: Սիրում եմ էլի առաջվա նման, ամբողջ հոգով, երախ-  
տագիտորեն և առմիշտ...

Նրա կողքին կանգնած՝ մայրը տեսնում էր նրա ջերմ և  
պայծառ լուսավորված աչքերը: Չեռքերն աթոռի թիկունքին  
դրած, իսկ նրանց վրա իր գլուխը, Նիկոլայը նայում էր հեռու,  
մի ինչ-որ տեղ, և նրա ամբողջ նիհար ու բարակ, բայց ուժեղ  
մարմինը թվում էր թե ձգտում է դեպի առաջ, ինչպես բույսի  
ցողունը դեպի արևի լույսը:

— Է՛, ամուսնանալիք լավ կլիներ,— խորհուրդ տվեց մայրը:

— Օ՛, արդեն հինգ տարի է՛, որ ամուսնացած է:

— Իսկ առա՞ջ ինչու չամուսնացաք:

Քիչ մտածելով Նիկոլայը պատասխանեց.

— Գիտե՞ք ինչ, գլուխ չէ՞ր գալիս. երբ ևս բանտումն էի  
լինում, նա ազատ էր լինում, երբ ևս էի ազատ լինում, նա էր  
բանտում կամ աքսորում լինում: Դա շատ նման էր Սաշայի  
վիճակին, ճշմարիտ: Վերջապես այդ կնոջը տասը տարով Սիբիր  
աքսորեցին, սարսափելի հեռու: Ես նույնիսկ ուղեցի նրա հետևից  
գնալ: Բայց ամաչեցի՞ք թե՛ նա, թե՛ ես: Եվ այնտեղ նա հան-  
դիպեց մի ուրիշ մարդու, իմ ընկերն է, մի շա՛տ լավ տղա: Հե-  
տո նրանք միասին փախան, ալժամ ապրում են արտասահմանում,  
այո...

Նիկոլայը խոսքը վերջացրեց, հանեց ակնոցը, սրբեց, ապա-  
կիները պահեց լույսի դեմ, նայեց և սկսեց նորից սրբել:

— Է՛, սիրելի՛ս,— գլուխն օրորելով սիրալիբ բացականչեց  
մայրը: Նա խղճում էր Նիկոլային, և միևնույն ժամանակ իր մեջ  
մի բան ստիպում էր ժպտալ նրան ջերմ, մայրական ժպտով:  
Իսկ Նիկոլայը դիրքը փոխեց, նորից ձեռքն առավ գրիչը և սկսեց  
խոսել, ձեռքի թափահարումով նշելով իր խոսքի ուղիքը:

— Ընտանեկան կյանքը նվազեցնում է ուղղուցիտների  
եռանդը, մի՛շտ նվազեցնում է: Երեխանե՛րը, անապահովու-  
թյունը, հացի համար շատ աշխատելու անհրաժեշտությունը:  
Իսկ ուղղուցիտները պետք է իր եռանդը զարգացնի անդադար,  
ավելի ու ավելի խոր ու լայն: Դա է պահանջում ժամանակը,  
մենք պետք է գնանք միշտ ամենքից առաջ, որովհետև մենք,  
պատմության ուժով կոչված, հին աշխարհը խորտակելու, նոր  
կյանք ստեղծելու բանվորներ ենք: Իսկ եթե մենք ետ ենք մնում  
հոգնածության ենթարկվելով և փոքրիկ նվաճումի մոտակա  
հնարավորությամբ հրապուրվելով, դա վա՛տ է, դա գրեթե գործի  
դավաճանություն է: Չկա մեկը, որի հետ մենք կարողանալինք  
գնալ կողք կողքի, առանց աղավաղելու մեր հավատը, և մենք  
երբեք չպիտի մոռանանք, որ մեր նպատակը մանր նվաճումները  
չեն, այլ միայն լիակատար հաղթանակը:

Նրա ձայնն առնականացավ, դեմքը գունատվեց և աչքերում  
վառվեց սովորական զուսպ և հավասարակշիռ ուժը: Նորից  
բարձրաձայն գանգահարեցին, Նիկոլայի խոսքը բառի կիսում  
ընդհատելով,— այդ կյուրմիլան էր եկավ, այդ եղանակի համար  
բարակ վերաբերվում, ցրտից կարմրած այտերով: Հանելով պա-  
տառտոված կրկնակողիկները, նա բարկացած ձայնով ասաց.

— Դատը նշանակված է, մի շաբաթից:

— Դա ճի՛շտ է,— գուշեց Նիկոլայը սենյակից:

Մայրն արագ գնաց Նիկոլայի մոտ, չհասկանալով երկյո՞ղն է հուզում իրեն, թե՞ ուրախությունը: Լյուդմիլան նրա հետ կողք-կողքի քայլելով՝ հեզնորեն ասում էր իր ցածր ձայնով.

— Ճի՛շտ է: Դատարանում բացեիրբաց ասում են, թե դատավճիռն արդեն պատրաստ է: Բայց դա ի՞նչ բան է: Կառավարությունը վախենո՞ւմ է, որ իր աստիճանավորները մեզմ վերաբերվեն իր թշնամիներին հետ: Այդպես երկար ժամանակ, այդքան փութաջանորեն իր ծառաներին այլասերելով՝ նա դեռ էլի վստահ չէ՞, որ նրանք պատրաստ են ստոր մարդիկ լինելու...

Լյուդմիլան նստեց բազմոցին, նիհար այտերը ձեռքի ափերով տրորելով. նրա անփայլ աչքերում վառվում էր արհամարհանքը, նրա ձայնն ավելի էր ցասումով լցվում:

— Դուք զուր եք խոսում, Լյուդմի՛լա, — հանգստացնելով նրան ասաց Նիկոլայը: — Չէ՞ որ նրանք ձեզ չեն լսում...

Մայրն ուշադրությամբ ունկնդրում էր Լյուդմիլայի խոսքերը՝ բայց ոչինչ չէր հասկանում, ինքն իրեն ակամա կրկնելով միևնույն բառերը.

«Դատ է, մի շաբաթից դա՛տ է»:

Հանկարծ նրան թվաց, թե իրեն մոտենում է ինչ-որ անողորմ, անտանելի դաժան մի բան:

### XXIII

Այսպես, վարանմունքի ու վհատության այդ թուխպի մեջ, թախծալի սպասումների ծանրության տակ մայրը լուռումունջ ապրեց երկու օր, իսկ երրորդ օրը եկավ Սաշան և Նիկոլային ասաց.

— Ամեն ինչ պատրաստ է: Այսօր ժամը մեկին...

— Արդեն պատրաստ է, — զարմացավ Նիկոլայը:

— Այո, ի՞նչ կար որ: Ինձ միայն հարկավոր էր Ռիբինի համար տեղ և զգեստ ճարել, բոլոր մնացածն իր վրա էր վերցրել Գոբունը: Ռիբինին հարկ կլինի միայն մի թաղ անցնել: Փողոցում նրան կզիմավորի Վեսովշիկովը, անշուշտ գոյամավորված, վերաբերուն կզցի վրան, գլխարկ կտա և ճանապարհ ցույց կտա: Ես նրան կսպասեմ, զգեստը կփոխեմ և կտանեմ:

— Վատ չի՞: Իսկ ո՞վ է այդ Գոբունը, — հարցրեց Նիկոլայը:

— Դուք նրան տեսել եք. նրա բնակարանում դուք պարապել եք փականագործների հետ:

— Հա՛, հիշում եմ: Քիչ տարօրինակ մի մարդ է...

— Նա նախկին զինվոր է, տանիքագործ: Քի՛չ զարգացած մարդ է, լի անսպառ ատելություն դեպի ամեն մի բռնություն... Մի քիչ փրկիստփա է, — մտախոհ ասում էր Սաշան պատուհանից նայելով: Մայրը լուռ ականջ էր դնում նրան, և մի ինչ-որ անորոշ բան էր հասունանում նրա մեջ:

— Գոբունն ուզում է ազատել իր քրոջ որդուն, հիշո՞ւմ եք, ձեզ դուր էր գալիս Եվչենկոն, այնպիսի մի պճնամուլ ու մաքրասերն էր:

Նիկոլայը գլխով արեց:

— Նա ամեն բան լավ է սարքել, — շարունակեց Սաշան, — բայց ես սկսում եմ կասկածել, թե կհաջողվի: Զբոսանքն ընդհանուր է. ես կարծում եմ, որ երբ բանտարկյալները սանդուղք տեսնեն, շատերը կուզենան փախչել...

Նա աչքերը փակելով լռեց, մայրն ավելի մոտեցավ նրան.

— Եվ իրար կխանգարեն...

Նրանք երեքն էլ կանգնած էին պատուհանի առջև, մայրը՝ Նիկոլայի և Սաշայի հետևում: Նրանց արագ խոսակցությունը մոր սրտում մի աղոտ զգացմունք էր զարթեցնում:

— Ես կգնամ այնտեղ, — հանկարծ ասաց նա:

— Ինչո՞ւ, — հարցրեց Սաշան:

— Մի՛ գնացեք, սիրելիս: Հանկարծ փորձանքի մեջ կընկնեք: Հարկավոր չի, — խորհուրդ տվեց Նիկոլայը:

Մայրը նայեց նրան և կամաց, բայց ավելի համառորեն կրկնեց.

— Ո՛չ, ես կգնամ:

Նրանք արագ իրար նայեցին: Սաշան ուսերը թոթվելով ասաց.

— Դա հասկանալի է...

Դեպի մայրը դառնալով՝ բռնեց նրա թևից, թեքվեց դեպի նա և պարզ ու մոր սրտին մոտ ձայնով ասաց.

— Այնուամենայնիվ ես ձեզ պիտի ասեմ, որ դուք զուր եք սպասում...

— Սիրելի՛ս, — բացականչեց մայրը դողդոջուն ձեռքով նրան սեղմելով իրեն: — Ինձ էլ տարեք, — չե՛մ խանգարի: Ինձ հարկավոր է: Ես չեմ հավատում, թե կարելի բան է դա, փախչելը:

— Թո՛ղ գա, — ասաց աղջիկը Նիկոլային:

— Դա ձե՛ր գործն է, — պատասխանեց Նիկոլայը զրույսը թեքելով:



— Մեզ միասին լինել չի կարելի: Դուք գնացեք դաշտը, դեպի բանջարանոցները: Այնտեղից բանտի պատը երևում է: Իսկ եթե ձեզ հարցնեն, թե այդտեղ ի՞նչ եք անո՞ւմ:

Ուրախացած՝ մայրը վստահորեն ասաց.

— Ասելու բան կգտնե՞մ...

— Մի՛ մոռացեք, որ բանտի վերակացուները ձեզ ճանաչում են,— ասաց Սաշան:— Եվ եթե նրանք ձեզ այնտեղ տեսնեն...

— Չե՛ն տեսնի,— բացականչեց մայրը:

Նրա կրծքում հանկարծ հիվանդագին պայծառությամբ ոնկվեց ամբողջ ժամանակ աննկատելիորեն մխացող հույսը և կենդանացրեց նրան...

«Գուցե նա՛ էլ...» — մտածում էր մայրը՝ շտապ հագնվելով:

Մի ժամ հետո նա դաշտումն էր, բանտի հետևում: Սուր քամին թռչում էր նրա շուրջը, զգեստն ուռցնում, զարկվում սառած գետնին, օրորում այն բանջարանոցի հնացած ցանկապատը, որի մոտով անցնում էր մայրը, և թափով խփում բանտի ոչ բարձր պատին: Քամին գլորվելով պատի հետևը, բակից ավլում էր ինչ-որ աղաղակներ, ցրիվ տալիս օդի մեջ, երկինք տանում: Այնտեղ արագ վազում էին ամպերը՝ փոքրիկ անցքեր բանալով դեպի կապույտ բարձունքը:

Մոր հետևում բանջարանոցն էր, առչնում գերեզմանատունը, իսկ աչ կողմը տասը սաժենաչափ հեռավորության վրա բանտը: Գերեզմանատան մոտ մի զինվոր սանձից բռնած, իր շուրջը պատեցնելով քշում էր մի ձի, իսկ մի ուրիշ զինվոր նրա կողքին կանգնած՝ ոտները բարձրաձայն դռփում էր գետին, աղաղակում, սուլում ու ծիծաղում: Բանտի մոտ էլ մարդ չէր երևում:

Մայրը նրանց մոտով դանդաղորեն, անցավ դեպի գերեզմանատան ցանկապատը, խեթ-խեթ աչ ու ձախ նայելով: Եվ հանկարծ զգաց, որ ոտները դողացին, ծանրացան, կարծես սառած կպան գետնին, բանտի անկյունից շտապ, ինչպես միշտ լապտերավառներն են ման գալիս, դուրս եկավ մի կորաքամակ մարդ սանդուղքն ուսին: Մայրն աչքերը վախեցած թաթիկով արագ նայեց զինվորներին, նրանք միևնույն տեղում ստգերը գետնին էին դռփում, իսկ ձին վազում էր նրանց շուրջը: Մայրը նայեց սանդուղքը տանող մարդուն, նա արդեն սանդուղքը դրել էր պատին և բարձրանում էր առանց շտապելու: Դեպի բակը ձեռքով անելով՝ արագ ցած իջավ, շքացավ անկյան հետևում:

Մոր սիրտը զարկում էր հապճեպ, վայրկյաններն անցնում էին դանդաղ: Բանտի սև պատի վրա, որ ծածկված էր ցեխի բծերով և թափված ծեփի տակից երևում էին աղյուսները, հազիվ նկատվում էին սանդուղքի գծերը: Հանկարծ պատի վրա երևաց մի սև գլուխ, բուսավ մի մարմին, անցավ պատի վրայով, պատից սահեց ցած: Երևաց մի այլ կերպարանք բրդոտ գդակով, գետնին գլորվեց մի սև գունդ և արագ անհետացավ անկյունի հետևում: Միխայլոն շտկվեց, շուրջը նայեց, թափահարեց գլուխը...

— Վազի՛ր, փախի՛ր,— շշնջում էր մայրը, ոտը դռփելով:

Մոր ականջները ուժեղ ձայն էին տալիս, լսվում էին բարձր աղաղակներ, ահա պատի վրա երևաց մի երրորդ գլուխ: Մայրը ձեռներով կտրծքը բռնած՝ նայում էր նվաղելով: Բաց գույնի մազերով, մի անմորուք գլուխ վեր ձգվեց, կարծես ուզում էր մարմնից անջատվել, և հանկարծ անհետացավ պատի հետևում: Ավելի ու ավելի բարձր, կատաղի էին աղաղակում, քամին օդի մեջ տարածում էր սուլիչների բարակ շվոցները: Միխայլոն գնում էր պատի երկարությամբ, ահա արդեն անցավ, անցավ բանտի և քաղաքի տների միջև եղած բաց տարածությունը: Մորը թվում էր, թե նա շափազանց դանդաղ է գնում և զուր է գլուխն այնքան բարձրացրել, ով որ նայի նրա դեմքին, հավիտյան միտը կպահի: Մայրը շշնջում էր.

— Շուտ... շուտ...

Բանտի պատի հետևում մի բան շոր շրխկաց, լսվեց կոտրվող ապակու բարակ զրնգոց: Զինվորներից մեկը ոտքերը գետնին դեմ տված՝ դեպի իրեն էր քաշում ձին, մյուսը՝ բոունցքը բերանին դրած ինչ-որ բան էր գոռում բանտի ուղղությամբ և գոռալով գլուխը դարձնում կողքի, դեպի բանտի կողմը, ականջը դեմ անելով:

Լարվելով՝ մայրը վիզը պտտում էր ամեն կողմ, նրա աչքերն ամեն ինչ տեսնելով ոչնչի չէին հավատում, շափազանց հեշտ և արագ կատարվեց այն, ինչ նա պատկերացնում էր սարսափելի և բարդ, և այդ արագությունը նրան շշմեցնելով՝ գիտակցությունը թմրեցնում էր: Փողոցում արդեն չէր երևում Ռիբինը, անցնում էր մի ինչ-որ բարձրահասակ մարդ երկար վերարկուով, վազում էր մի փոքրիկ աղջիկ: Բանտի անկյունից դուրս թռան երեք վերակացու, նրանք վազում էին իրար շատ մոտ և երեքն էլ աչ ձեռքերն առաջ էին մեկնել: Զինվորներից մեկը նրանց դեմ նետվեց, մյուսը վազում էր ձիու շուրջը, աշխատելով վրան

ցատկէլ, բայց ձին չէր հպատակվում, ցատկոտմ էր և շուրջն ամեն ինչ ցատկոտմ էր նրա հետ միասին: Անընդհատ, հնչյուններին շնչասպառ, սուլիչներն օդն էին կտրատում: Նրանց անհասգիտ, հուսահատ աղաղակները մոր մեջ վտանգի գիտակցություն զարթեցրին. ցնցվելով՝ նա սկսեց գնալ գերեզմանատան ցանկապատի երկարությամբ, հետևելով վերակացուներին, բայց նրանք և զինվորները վաղեցին բանտի մյուս անկյունի հետևը և անհայտացան: Նրանց հետևից նույն կողմը վաղեց մորը ճանոթ բանտի տեսուչի օգնականը, կոճակները բաց համազգեստով: Ինչ-որ տեղից ոստիկաններ դուրս եկան, ժողովուրդը վազելով հավաքվում էր:

Քամին պտտվում էր, դեսուդեն նետվում, կարծես ուրախանում էր մի բանի համար, և մոր ականջին էր հասցնում պատռոտված շփոթ աղաղակներ, սուլոց... Այդ խառնիճաղանջությունն ուրախացնում էր մորը, նա սկսեց ավելի արագ քայլել, մտածելով.

«Նշանակում է՝ նա էլ կարող էր»:

Հանկարծ ցանկապատի անկյունից նրա դիմաց դուրս պրծան երկու ոստիկան:

— Կանգնի՛ր, — գոչեց մեկը ծանր հևալով: — Մի մորուքավոր մարդ շտեսա՞ր:

Մարը ձեռքով ցույց տվեց բանջարանոցները և հանգիստ պատասխանեց.

— Այն կողմը փախավ, ի՞նչ կա:

— Նգո՛րով, սուլի՛ր:

Մարը տուն գնաց: Նա ինչ-որ բան էր ափսոսում, սրտին մի դառչ, վիրավորական բան էր ծանրացած: Երբ նա դաշտից փողոց էր մտնում, նրա ճանապարհը կտրեց մի կառք: Գլուխը բարձրաշենով նա կառքում տեսավ բաց գուլնի ընչացքներով և դժգույն, հոգնած դեմքով մի երիտասարդ: Նա էլ էր նայում մորը: Նա թեք էր նստած, և երևի դրանից էր, որ նրա աչ ուսը ձախից բարձր էր թվում:

Նիկոլայը նրան ուրախ-ուրախ դիմավորեց:

— Հը, ի՞նչ եղավ:

— Կարծես հաջողվեց...

Աշխատելով հիշողության մեջ վերականգնել բոլոր մանրամասնությունները, մայրն սկսեց պատմել փախուստի մասին

և այնպես էր խոսում, որ կարծես հաղորդում էր մի ուրիշի պատմածը, կասկածելով ճշտությանը:

— Մեր Բոստոնը բերում է, — ասաց Նիկոլայը ձեռքերը շփելով: — Բայց ես ինչպե՞ս էի վախենում ձեզ համար: Սատանան գիտե, թե ինչպե՞ս: Գիտե՞ք, Նիկոլայնա, ընդունեցե՞ք իմ բարեկամական խորհուրդը, դատից մի՛ վախեցեք: Որքան շուտ լինի դատը, այնքան կմոտենա Պավելի ազատությունը, հավատացե՛ք: Գուցե նա ճանապարհից կփախչի: Իսկ դատը, դա մոտավորապես այսպիսի բան է...

Նա սկսեց նկարագրել մորը դատարանի նիստի պատկերը, մայրը լսում և հասկանում էր, որ Նիկոլայը մի բանից վախենում է, ուզում է իրեն՝ մորը քաջալերել:

— Գուցե դուք կարծում եք, ես այնտեղ դատավորներին որևէ բա՞ն կասեմ, — հանկարծ հարցրեց մայրը: — Որևէ բա՞ն կխնդրեմ:

Նիկոլայը տեղից ցատկեց, ձեռները թափահարեց դեպի մայրը և վիրավորված գոչեց.

— Ի՞նչ եք ասում:

— Ես վախենում եմ, ճի՛շտ է: Ինչից եմ վախենում, չգիտե՞մ... — ընդհատեց մայրը հայացքը սենյակում շրջեցնելով...

— Երբեմն թվում է, թե նրանք կսկսեն Պաշային վիրավորել, ծաղրուծանակի ենթարկել նրան: Ա՛խ դու, մուժի՛կ, կասեն, մուժիկի տղա՛: Ի՞նչ ես սարքել: Իսկ Պաշան հպարտ է, նա այնպիսի՛ պատասխան կտա նրանց որ: Կամ Անդրեյը ձեռք կաննի նրանց: Նրանք բոլորն էլ տաքարյուն են: Մեկ էլ մտքովս անցնում է, թե հանկարծ չհամբերի... Եվ այնպե՞ս կդատապարտեն, որ էլ երբեք երեսը չես տեսնի:

Նիկոլայը մոռաց լռեց՝ մորուքը ձգելով:

— Այս մտքերը զխիցս հանել չեմ կարողանում, — կամաց ասաց մայրը: — Սարսափելի բան է դա, այդ դատը, հենց ոք սկսեն ամեն բան քննել ու կշռադատել: Շա՛տ սարսափելի է: Ոչ թե պատիժն է սարսափելի, այլ դատը: Ես չեմ կարողանում ասել այդ բանը...

Մայրն զգում էր, որ Նիկոլայն իրեն չի հասկանում, և դա ավելի էր դժվարացնում իր երկյուղի մասին պատմելու ցանկությունը:

Այդ երկյուղը բորբոսի պես, որը ծանր խոնավությամբ դժվարացնում է շնչառութիւնը, աճեց մոր կրծքում, և երբ դատի օրը հասավ, նա իր հետ նիստի դահլիճը մտցրեց մի ծանր, սև բեռ, որը կորացրել էր նրա մեջքն ու պարանոցը:

Փողոցում մորը բարևում էին ավանի ծանոթները, նա լուռ գլուխ էր տալիս, մոռալ ամբոխի միջով առաջ գնալով: Դատարանի միջանցքներում և դահլիճներում նրան հանդիպեցին մեղադրյալների ազգականները և նույնպես ինչ-որ բան էին խոսում զսպված ձայնով: Բառերը մորն անկարևոր բան էին թվում, նա չէր հասկանում դրանք: Բոլոր մարդիկ համակված էին միևնույն տխուր զգացումով, դա հազորդվում էր մորը և է՛լ ավելի ճնշում նրան:

— Նստիր կողքի՛ս,— ասաց Սիզովը երկայն նստարանի վրա մի կողմ քաշվելով:

Մայրը հլու նստեց, զգեստը շտկեց, նայեց շուրջը: Նքա աչքերի առջևից ի մի ձուլված անցան ինչ-որ կանաչ ու մորեգույն շերտեր, բծեր, փայլփլեցին բարակ, դեզին թելեր:

— Որդիդ կորցրե՛ց մեր Գրիշային,— կամաց ասաց մօր կողքին նստած մի կին:

— Լո՛իր, նատա՛լյա,— մոռալ պատասխանեց Սիզովը:

Մայրը նայեց այդ կնոջը, դա Սամոյլովան էր, որից այն կողմը նստած էր նրա ամուսինը, ճաղատ, կարմրաշեկ լայն մորուքով մի վայելչատես մարդ: Նրա գեմքը սկրտտ էր, աչքերը կկոցած առաջ էր նայում, և նրա մորուքը դողդողում էր:

Բարձր պատուհաններից պզտոթ լույսը հավասարապես լցվում էր դահլիճ, դրսից ապակիների վրա սահում էր ձյունը: Պատուհանների արանքում կախված էր ցարի մեծադիր նկարը՝ հաստ, խիստ փայլող ոսկեգօծ շրջանակի մեջ, պատուհանների ծանր, մորեգույն վարազույրները կողքերից ծածկում էին շրջանակը ուղղաձիգ ծալքերով: Նկարի առաջ գրեթե դահլիճի ամբողջ լայնությամբ դրված էր մի սեղան, կանաչ մահուդով ծածկված, աջ կողմը, պատի մոտ, ճաղերի հետևը դրված էին երկու փայտե նստարան, ձախ կողմը՝ երկու շարք մորեգույն բազկաթոռներ: Դահլիճում անաղմուկ վազվզում էին կանաչագույն օձիքներով, կրծքերին ու փորերին ոսկե կոճակներով ծառայողներ: Պզտոթ օդում վախվխելով թափառում էր մի մեղմ շշուկ, տարածվում

էր դեզատան խառը հոտ: Այդ բոլորը՝ ծաղիկները, փայլերը, հնչյուններն ու հոտերը ճնշում էին մարդու աչքերը, շնչառության հետ խուժվում էին կրծքի տակ և ամայացած սիրտը լցնում թախծալի երկյուղի անշարժ, խայտաբղետ պղտորությամբ:

Հանկարծ մարդկանցից մեկը բարձրաձայն ինչ-որ բան ասաց, մայրը ցնցվեց, բոլորը կանգնեցին, նա էլ տեղից բարձրացավ Սիզովի ձեռքը բռնելով:

Դահլիճի ձախ անկյունում մի բարձր դուռ բացվեց, օրորվելով դուրս եկավ ականոցավոր մի ծերուկ: Նրա փոքրիկ, գորշ դեմքի վրա դողդողում էին սպիտակ, ցանցառ այտմորուսները, ածիլված վերին շրթունքը ծուլել էր գեպի բերանը, սուր-սուր այտուսկրերը և կզակը հենված էին համազգեստի բարձր օձիքին, թվում էր, թե օձիքի տակ պարանոց չկա: Հետևից նրա թևը մտած պահում էր ճենապակեգույն, կարմիր ու կլոր դեմքով, բարձրահասակ մի երիտասարդ, իսկ անմիջապես նրանց հետևից դանդաղորեն շարժվում էին էլի երեք հոգի ոսկեկար համազգեստներով և երեք հոգի՝ քաղաքացիական զգեստով:

Նրանք երկար ժամանակ շարժվում էին սեղանի մոտ, բազմացներին նստելով, իսկ երբ նստոտեցին, նրանցից մեկը կոճակները բաց համազգեստով, ծուլլ, ածիլված դեմքով, սկսեց ինչ-որ բան ասել ծերուկին՝ անձայն և ծանր շարժելով փափուկ շրթունքները: Ծերունին ականջ էր դնում տարօրինակ կերպով ուղիղ և անշարժ նստած, նրա ականցի ապակիների հետևում մայրը տեսնում էր երկու փոքրիկ, անգույն բծեր:

Սեղանի վերջում բարձր ու թեք գրասեղանի մոտ կանգնած էր մի բարձրահասակ, ճաղատ մարդ, հագում էր, թղթերը խշխշալացնում:

Ծերուկը դեպի առաջ երերաց, սկսեց խոսել: Նա առաջին բառը պարզ արտասանեց, իսկ հետևյալները կարծես դես ու դեն էին սօզում նրա բարակ ու գորշ շրթունքների վրա:

— Բացում եմ... ներս բերե՛ք...

— Մտի՛կ արա,— շշուկաց Սիզովը մորը կամաց հրելով և վեր կացավ:

Ճաղերի հետևի պատի մեջ մի դուռ բացվեց, մի զինվոր գուրս եկավ մերկ թուրն ուսին, նրա հետևից երևացին Պավելը, Անդրեյը, Ֆեդյա Մազինը, երկու Գուսևները, Սամոյլովը, Բուկինը, Սոմովը և էլի հինգ երիտասարդ, որոնց անունները մայրը չգիտեր: Պավելը սիրալիր ժպտում էր: Անդրեյը նույնպես ատամ-

ները բաց անելով՝ գլուխ էր տալիս. դահլիճը կարծես թե ավելի լուսավորվեց և պարզեց նրանց ժպիտներից, կայտառ դեմքերից և այն շարժումներից, որ նրանք մտքրին լարված, սեթևեթ լռության մեջ: Համազգեստների վրայի ոսկու առատ փայլն աղոտացավ, ավելի մեղմացավ, մոր սրտին դիպավ, արթնացնելով նրան, աշխույժ վստահության հովը, կենդանի ուժի շունչը: Եվ մոր հետևի, նստարանների վրա, որտեղ մարդիկ մինչև այդ ճնշված սպասում էին, նույնպես պատասխանող ցածրաձայն գղրղյուն բարձրացավ:

— Չեն վախենում,— լսեց մայրը Սիզովի շշուկը, իսկ այ կողմում կամաց փղձկաց Սամոյլովի մայրը:

— Հանգի՛ստ,— լսվեց մի դաժան կանչ:

— Նախազգուշացնում եմ...— ասաց ծերուկը:

Պավելն ու Անդրեյն իրար կողքի նստեցին, նրանց հետ առաջին նստարանի վրա նստեցին Մազինը, Սամոյլովը և Գուսևները: Անդրեյը մորուքն ածիլել էր. նրա ընչացքներն աճել և ցած էին կախվել՝ նրա կլոր գլուխը նմանեցնելով կատվի գլխի: Նրա դեմքին մի ինչ-որ բան էր երևան եկել, սուր և կծու, ծաղրական՝ բերանի ծալքերում, մութ՝ աչքերում: Մազինի վերին շրթունքի վրա սևին էին տալիս երկու շերտիկներ, դեմքն ավելի էր լցվել, Սամոյլովը գանգրահեր էր, ինչպես առաջ, և առաջվա պես լայն ժպտում էր Իվան Գուսևը:

— Է՛հ, Ֆե՛դյա, Ֆե՛դյա,— շշնջում էր Սիզովը գլուխը կախած:

Մայրը լսում էր ծերուկի անորոշ հարցերը,— նա հարցնում էր առանց մեղադրյալներին նայելու, և նրա գլուխն անշարժ ընկած էր համազգեստի օձիքին,— լսում էր որդու հանգիստ, կարճ պատասխանները: Մորը թվում էր, թե ավագ դատավորը և նրա բոլոր ընկերները շեն կարող շոր, դաժան մարդիկ լինել: Ուշադրությամբ տնտղելով դատավորների դեմքերը՝ նա, աշխատելով մի ինչ-որ բան գուշակել, կամաց ականջ էր դնում իր կրծքի տակ ծնված նոր հույսի աճումին:

Ճենապակյա մարդն անտարբեր կարդում էր մի թուղթ, նրա հարթ ձայնը դահլիճը լցնում էր ձանձրույթով և նրանով հեղեղված մարդիկ նստած էին անշարժ, կարծես քարացած: Չորս փաստաբան կամաց, բայց տաք-տաք խոսում էին մեղադրյալների հետ, նրանք ամենքն էլ շարժվում էին ուժգին ու արագ և մեծ, սև թռչուններ էին հիշեցնում:

Ծերուկի մի կողմում բազկաթոռն իր մարմնով լցնում էր մի հաստ, ուռած դատավոր՝ փոքրիկ, ճապակալած աչքերով, մյուս կողմում՝ կորամեջք, գունատ դեմքին կարմրաշեկ ընչացքներով մեկը: Նա գլուխը հոգնած ետ էր գցել ավոտի թիկունքին և աչքերը կիսաբաց մտածում էր ինչ-որ բանի մասին: Դատախազի դեմքը նույնպես հոգնած էր և տխուր: Դատավորների հետևում՝ այտը մտախոհ շփելով նստած էին քաղաքագլուխը՝ մի լիբը-լիբը, լրջատես տղամարդ, ապա ազնվականության պարագլուխը՝ ալեզարդ, մեծամորուք և կարմրադեմ մի մարդ, մեծ-մեծ, բարի աչքերով, և վոլոստի ավագը՝ անթև բաճկոնով, ահագին փորով, որն ըստ երևույթին ամաչեցնում էր նրան, նա ամբողջ ժամանակ աշխատում էր ծածկել փորը բաճկոնի փեշով, իսկ փեշը ցած էր սողում:

— Այստեղ չկան հանցագործներ, չկան դատավորներ,— լսվեց Պավելի ուժեղ ձայնը,— այստեղ միայն գերիներ և հաղթողներ են...

Լռություն տիրեց, մի քանի վայրկյան մոր ականջը լսում էր միայն գրչի բարակ, շտապ ճռճոցը թղթի վրա և իր սրտի խփոցը:

Ավագ դատավորն էլ կարծես ականջ էր դնում մի բանի, սպասում: Նրա տեղակալները շարժվեցին: Այդ ժամանակ նա ասաց.

— Հը՛մ-հա՛,— Անդրեյ Նախո՛ղկա: Դուք ճանաչո՞ւմ եք...

Անդրեյը դանդաղ բարձրացավ տեղից, շտկվեց և ընչացքները ձգելով աչքի տակով նայեց ծերուկին:

— Ախր ես ինչի՞ մեջ կարող եմ ինձ հանցավոր ճանաչել,— երգաձայն և ինչպես միշտ առանց շտապելու ասաց խոխուրը ուսերը թոթվելով:— Ես չեմ սպանել, չեմ գողացել, ես ուղղակի համաձայն չեմ կյանքի այնպիսի կարգի հետ, ուր մարդիկ ստիպված են թալանել և սպանել իրար...

— Կա՛րճ պատասխանեցեք,— ճիգ գործադրելով, բայց որոշակի ասաց ծերունին:

Մայրն իր հետևի նստարանների վրա կենդանություն էր զգում, մարդիկ ինչ-որ բանի մասին կամաց շշնջում էին և շարժվում, կարծես իրենց ազատելով ճենապակյա մարդու գորշ խոսքերի սարդոստայնից:

— Լսո՞ւմ ես, ինչպես են պատասխանում,— շշնջաց Սիզովը:

— Տյո՛ղոր Մազին, պատասխանեցեր...

— Չե՛մ ուզում, — պարզ ասաց Ֆեդյան ուտքի կանգնելով: Նրա դեմքը լցվեց հուզմունքի կարմրությամբ, աչքերը շողացին, եւ, հայտնի չէ թէ ինչու, ձեռները հետևը դրեց:

Սիզովը գարմանքից կամաց հառաչեց, մայրն աչքերը շեղեց ապշած:

— Ես պաշտպանությունից հրաժարվել եմ, ես ոչինչ չեմ ասելու, ձեր դատը համարում եմ պարտին: Ո՞վ էք դուք: Արդո՞ք ժողովուրդը ձեզ իրավունք տվե՞լ է դատելու մեզ: Ո՞չ, նա չի՞ տվել: Ես ձեզ չեմ ճանաչում:

Նա նստեց և իր բորբոքված դեմքը թաքցրեց Անդրեյի ուսի հետևում:

Հաստ դատավորը գլուխը թեքեց դեպի ավազը և ինչ-որ բան փսփսաց: Դատավորը գունատ դեմքով՝ բարձրացրեց արտևանունքները, աչքերը թեքեց մեղադրյալների վրա, ձեռքը մեկնեց սեղանին և ընկած թղթի վրա մատիտով խզմզեց: Վոլոստի ավագը գլուխն օրորեց՝ ոտներն զգուշությամբ տեղափոխելով, փորը դրեց ծնկներին և ձեռներով ծածկեց: Առանց գլուխը շարժելու՝ ծերուկը մարմինը դարձրեց դեպի կարծրաշեկ դատավորը, անձայն խոսեց նրա հետ, նա լսեց ծերուկին գլուխը կախելով: Աղնվականների պարագլուխը փսփսում էր դատախազի հետ, քաղաքագլուխն ականջ էր դնում նրանց՝ այտը շփելով: Նորից հնչեց ավագ դատավորի աղոտ ճառը:

— Ի՛նչպես կպցրե՛ց: Ուղղակի, բուրբից էլ լա՛վ, — զարմացած շշշում էր Սիզովը մոր ականջին:

Մայրը վարանած ժպտում էր: Այն բուրբը, ինչ տեղի էր ունենում, նախ նրան թվում էր ավելորդ և ձանձրալի նախաբան մի ինչ-որ սարսափելի բանի, որը հայտնվելու է և սառը սարսափով շախշախելու բուրբին: Բայց Պավելի և Անդրեյի հանգիստ խոսքերն այնպես աներկյուղ և հաստատուն հնչեցին, որ կարծես դրանք ասվել էին ավանի փոքրիկ տնակում, և ոչ թե դատարանի առաջ: Ֆեդյայի տաքարյուն ելույթը կենդանութուն տվեց մորը: Դահլիճում մի ինչ-որ խիզախություն էր աճում, և մայրն իր հետևում եղած մարդկանց շարժումից գլխի էր ընկնում, որ մենակ ինքը չի զգում այդ:

— Ձեր կարծի՞քը, — ասաց ծերուկը:

Ճաղատավուն դատախազը կանգնեց և մի ձեռքով գրասե-

ղանից բռնելով սկսեց արագ խոսել՝ թվեր բերելով: Նրա ձայնի մեջ ահարկու բան չէր լսվում:

Բայց միևնույն ժամանակ մի շոր, ծակող փառ ցավեցնում և անհանգստացնում էր մոր սիրտը, նա աղոտ կերպով մի ինչ-որ դեպի ինքը թշնամական բան էր զգում: Դա չէր սպառնում, չէր աղաղակում, այլ զարգանում էր անտեսանելի, անըմբռնելի կերպով: Ծուլորեն և բուժ նա երերում էր դատավորների շուրջը ինչ-որ մի տեղ, կարծես նրանց պատելով անթափանցելի ամպով, որի միջով դուրսից ոչ մի բան չէր հասնում նրանց: Մայրը նայում էր դատավորների վրա, և նրանք բուրբն էլ անհասկանալի էին իր համար: Նրանք չէին բարկանում Պավելի և Ֆեդյայի վրա, ինչպես մայրն էր սպասում, չէին վիրավորում խոսքերով, բայց այն ամենը, ինչի մասին նրանք հարցնում էին, մորը թվում էր, թե ավելորդ են նրանց համար, նրանք կարծես ակամայից են հարցնում, դժվարությամբ են լսում պատասխանները, ամեն ինչ նախօրոք գիտեն, ոչնչով չեն հետաքրքրվում:

Ահա նրանց առջև մի ժանդարմ է կանգնած և թավ ձայնով ասում է.

— Պավել Վլասովին գլխավոր դրդիչ էին համարում ամենքը...

— Իսկ Նախոդկայի՞ն, — ծուլորեն և կամաց հարցրեց հաստ դատավորը:

— Նրան էլ...

Փաստաբաններից մեկը վեր կացավ ասելով.

— Ես կարո՞ղ եմ:

Ծերուկը հարցնում է մեկին:

— Դուք ոչինչ չունե՞ք:

Բոլոր դատավորները մորն անառողջ մարդիկ էին թվում: Հիվանդագին հոգնածություն էր երևում նրանց կեցվածքի ու ձայների մեջ, դա երևում էր նրանց դեմքերին՝ այդ հիվանդագին հոգնածությունը և տաղտկացնող, գորշ ձանձրույթը: Երևի նրանց համար ծանր և անհարմար է այս բուրբը՝ համազգեստները, դահլիճը, ժանդարմները, փաստաբանները, բազկաթոռներում նստելու, հարցնելու և լսելու պարտականությունը:

Նրանց առջև կանգնած է ծանոթ դեղնադեմ սպան և ծանրումեծորեն, խոսքերը ծոր տալով, բարձրաձայն պատմում է Պավելի մասին, Անդրեյի մասին: Մայրը նրան լսելով ակամա մտածում է.

«Շատ էլ բան չգիտես»:

Եվ նայում էր ճաղերի հետևի մարդկանց, արդեն առանց նրանց համար վախենալու, առանց խղճահարովելու, խղճահարությունը նրանց չէր սազում, նրանք իր մեջ զարթեցնում էին միայն զարմանք և սեր, որ ջերմագին գրկում էր սիրտը. զարմանքը հանգիստ էր, սերը՝ զվարթագին պարզ: Նրանք՝ երիտասարդ, ափրակազմ, նստած էին պատի տակ մի կողմ, գրեթե չէին խառնվում վկաների և դատավորների միօրինակ խոսակցությանը, դատախազի հետ փաստաբանների ունեցած վեճերին: Երբեմն որևէ մեկն արհամարհանքով քմծիծաղում էր, ինչ-որ բան էր ասում ընկերներին, նրանց դեմքերով էլ էր ծաղրական ժպիտ անցնում: Անդրեյն ու Պավելը գրեթե ամբողջ ժամանակ կամաց զրուցում էին պաշտպաններից մեկի հետ, մայրը նրան նախընթաց օրն էր տեսել Նիկոլայի մոտ: Նրանց զրույցին ականջ էր դնում Մազինը, որ մյուսներից ավելի աշխույժ և ժիր էր. Սամոյլովը երբեմն ինչ-որ բան էր ասում Իվան Գուսևին, և մայրը տեսնում էր, որ ամեն անգամ Իվանն աննկատելիորեն արմունկով ընկերոջը հրելով՝ հագիվ է զսպում ծիծաղը, նրա դեմքը կարմրում է, այտերն ուռչում են, նա գլուխը կախում է: Մի երկու անգամ նա արդեն փոթկացրեց, իսկ դրանից հետո մի քանի յուպե նստած էր շրթունքները կախ, աշխատելով ավելի լուրջ լինել: Եվ յուրաքանչյուրի մեջ այսպես թե այնպես խաղում էր երիտասարդությունը, հեշտությամբ հաղթահարելով նրա աշխույժ հուզմունքը զսպելու ճիգերը:

Սիզովը թեթևակի կպավ մոր արմունկին, մայրը դարձավ դեպի նա, Սիզովի դեմքը գոհ էր և մի քիչ մտահոգ: Նա շնչաց.

— Մտի՛կ արա, մի տես, թե ի՞նչպես են ամրապնդվել մոր ծիծ կերածները, հա՛: Պարոններ են՝ կասես, հը՛:

Դահլիճում խոսում էին վկաները, շտապ, դժգունած ձայներով, դատավորները՝ ակամա և անտարբեր: Հաստ դատավորը հորանջում էր փափիլիկ ձեռքով բերանը ծածկելով, կարմրաշեկ ընչացքավորն ավելի էր գունատվել, երբեմն նա ձեռքը բարձրացնում էր և մատով խիստ հուպ տալով քունքի ոսկորը՝ կուրորեն նայում էր առաստաղին՝ աղերսագին, լայնացած աչքերով: Դատախազը երբեմն մատիտով խազխզում էր թղթի վրա և նորից շարունակում անձայն զրույցն ազնվականության ավագի հետ, իսկ նա ալեհեր մորուքը շփելով՝ պլշում էր խոշոր գեղեցիկ աչքերն ու ժպտում՝ վիզը ծանրումեծորեն կորացնելով: Քաղա-

քազուխը նստել էր ոտը ոտին գցած, մատներով անաղմուկ թմբկահարում էր իր ծունկը և կենտրոնացած դիտում մատների շարժումը: Միայն վոլոստի ավագը փորը տեղավորելով ծնկների վրա և ձեռներով հոգատարությամբ պահելով, նստել էր գլխիկոր ու թվում էր, թե մենակ ականջ է դնում ձայների միօրինակ խոխոջին, և մեկ էլ բազմոցի մեջ խրված ծերուկը ցցված էր այնտեղ անշարժ, ինչպես հողմացույցը ոչ քամոտ օրին: Դա երկար շարունակվեց, և տաղտուկի քարացումը նորից կուրացրեց մարդկանց:

— Հայտարարում եմ...— ասաց ծերուկը և բարակ շրթունքներով ձգմելով հաջորդ բառերը՝ վեր կացավ:

Աղմուկը, հառաչները, ցածրաձայն բացականչությունները, հազը և ոտքերի քստքստոցը լցրեցին դահլիճը: Մեղադրյալներին տարան. հեռանալիս՝ նրանք ժպտալով գլխով էին անում հարազատներին և ծանոթներին, իսկ Իվան Գուսևը ցածրաձայն գոչեց մեկին.

— Չվախենա՛ս, Եզո՛ր...

Մայրն ու Սիզովը դուրս եկան միջանցք:

— Պանդոկ կգա՞ս թեյ խմելու, — հոգատարությամբ և մտախոհ հարցրեց մորը ծերունին:— Մեկուկես ժամ ժամանակ ունենք:

— Չեմ ուզում:

— Էհ, ես էլ չեմ գնա: Չէ՛, տե՛ս ի՞նչ տղերք են, է՛: Նստած են այնպես, որ կարծես իսկական մարդիկը հենց իրենք են որ կան, իսկ բոլոր մնացածները մի բան չեն: Տե՛ղյային տես, է՛: Նրանց մոտեցավ Սամոյլովի հայրը գլխարկը ձեռքում բռնած: Նա մռայլ ժպտում էր և ասում.

— Իսկ իմ Գրիգորի՛ն: Պաշտպանից հրաժարվել է ու խոսել չի ուզում: Գիտե՛ս, առաջինը նա՛ է հնարել այդ: Քո տղան, Պեյլագե՛յա, փաստաբան բռնելու կողմնակից է եղել, իսկ իմն ասում է՝ չե՛մ ուզում: Եվ այն ժամանակ շորս հոգի հրաժարվել են...

Նրա կողքին կանգնած էր կինը: Աչքերը հաճախ թարթելով՝ նա թաշկինակի ծայրով սրբում էր քեթը: Սամոյլովը մորուքը ձեռքով բռնեց և շարունակեց հատակին նայելով.

— Մի տես, բանն ինչ է: Երբ նայում ես այդ սատանաների վրա, այնպես ես հասկանում, թե զուր են այս բոլորը սարքել, զուր տեղն իրենց կործանում են: Եվ հանկարծ սկսում

ես մտածել, բայց գուցե՞ նրա՛նց ասածն է ճշմարիտը: Հիշում ես, որ գործարանում նրանք քանի գնում, այնքան աճում են, նրանց մի գլուխ բռնտում են, իսկ նրանք գետի ձկան նման շեն վերջանում, չէ՛: Նորից ես մտածում՝ գուցե՞ և ուժ ունեն նրանք:

— Մեզ համար դժվար է այդ բանը հասկանալ, Ստեպան Պետրով,— ասաց Սիզովը:

— Դժվար է, այո՛,— համաձայնեց Սամոյլովը:

Նրա կինը քթով ուժգին շնչելով՝ նկատեց.

— Բոլորն առողջ են, անիծածները...

Եվ չկարողանալով գսպել իր ժպիտը լայն, թորջրմած դեմքին, շարունակեց.

— Դու, Նիլովնա, մի՛ բարկանա, քիչ առաջ ես առանց մտածելու ասացի, թե իբր տղադ է մեղավորը: Բայց սատանան գիտե, թե ո՛վ է ավելի մեղավոր, եթե ճիշտն ասենք: Ա՛յ թե ինչ էին խոսում մեր Գրիգորիի մասին ժանդարմները լրտեսների հետ: Շա՛տ բան է արել այն կարմրաշեկ շունը:

Նա ըստ երևույթին պարծենում էր իր որդով, գուցե՞ չհասկանալով իր զգացմունքը, բայց նրա զգացմունքը ծանոթ էր մորը և մայրը նրա խոսքերին պատասխանեց բարի ժպիտով, մեղմ բառերով.

— Երիտասարդ սիրտը միշտ ավելի մոտ է լինում ճշմարտությանը...

Միջանցքում թափառում էին մարդիկ, խումբ-խումբ հավաքվում՝ հուզված և մտազբաղ խոսում էին խուլ ձայներով: Գրեթե ոչ ոք մենակ չէր կանգնում, բոլոր դեմքերի վրա պարզ երևում էր խոսելու, հարցնելու, լսելու ցանկություն: Երկու պատերի արանքի նեղ, սպիտակ խողովակում մարդիկ ետ ու առաջ էին ընկնում, կարծես սաստիկ քամու հարվածների տակ, և թվում էր, թե ամենքը հնարավորություն էին փնտրում որևէ բանի վրա հաստատապես և ամուր կանգնելու:

Բուկինի ավագ եղբայրը, բարձրահասակ և նույնպես գունատ, ձեռները թափահարելով՝ արագ շուռումուռ էր գալիս բոլոր կողմերի վրա և ապացուցում.

— Վրոստի ավագ Կլեպանովն այս գործում իր տեղում չի...

— Լո՛ի՛ր, Կոնստանտին,— խրատում էր նրան հայրը, մի փոքրիկ ծերունի, և վախվախելով շուրջն էր նայում:

— Ո՛չ, պիտի ասեմ: Նրա մասին ասում են, թե անցյալ տարի սպանել է իր գործակատարին՝ նրա կնոջ պատճառով:

Գործակատարի կինը նրա հետ է ապրում, սա ի՞նչպես պետք է հասկանալ: Եվ բացի այդ նա հայտնի գող է...

— Ա՛խ, տեր իմ աստված, Կոնստանտին:

— Ճի՛շտ է,— ասաց Սամոյլովը,— ճի՛շտ է: Դատն այնքան էլ ճիշտ չի...

Բուկինը լսեց նրա ձայնը, արագ մոտեցավ իր հետևից բոլորին բերելով, և ձեռները թափահարելով, վրդովմունքից կարմրած գոռաց.

— Գողություն համար, սպանության համար դատում են երդվյալ ատենակալները, հասարակ մարդիկ, գյուղացիներ, մեշտաններ, թույլ տվեք ասել: Իսկ այն մարդկանց, որոնք իշխանավորների դեմ են, դատում են իշխանավորները, այդ ի՞նչպես կլինի: Եթե դու ինձ վիրավորես, իսկ ես ատամներդ շարդեմ, և դու ինքդ ինձ դրա համար դատես, իհարկե, մեղավորը ե՛ս դուրս կգամ, բայց առաջինն ո՛վ է վիրավորել, դո՞ւ: Դո՞ւ:

Ալեոր, սապատաքիթ, կուրծքը շքանշաններով զարդարված պահապանն ամբոխին դեսուդեն հրեց և Բուկինին մատով սպանալով ասաց.

— Հե՛յ, մի՛ գոռա: Գինետո՞ւն է այստեղ:

— Թո՛ւյլ տվեք, ասպետ, ես հասկանում եմ: Լսեցե՛ք, եթե ես ձեզ խփեմ և ինքս էլ ձեզ դատելու լինեմ, դուք ի՞նչ եք կարծում...

— Ա՛յ, ես կհրամայեմ ձեզ դուրս տանել այստեղից,— խստորեն ասաց պահապանը:

— Իսկ ո՞ւր: Ինչո՞ւ:

— Փողոց: Որպեսզի չգողգողաս...

Բուկինը տնտղեց ամենքին և կամաց ասաց.

— Նրանց համար գլխավորն այն է, որ մարդիկ լուռ մնան...

— Իսկ դու ի՞նչ էիր կարծում,— գոռաց ծերունին խիստ ու կոպիտ ձայնով:

Բուկինը ձեռները տարածեց և սկսեց ավելի կամաց խոսել:

— Եվ հենց այս էլ ասենք, ինչո՞ւ ժողովրդին թույլ չեն տվել դատարան գալ, այլ միայն հարազատներին են թույլ տվել: Եթե արդար ես դատում, բոլորի մոտ դատիր, էլի՛, ինչի՞ց ես վախենում:

Սամոյլովը կրկնեց, բայց արդեն ավելի բարձր.

— Խղճով դատաստան չի, դա ճի՛շտ է...

Մայրը ուզում էր նրան ասել այն, ինչ նիկոլայից լսել էր դատի ապօրինության մասին, բայց վատ էր հասկացել և խոսքերը մասամբ մոռացել էր: Աշխատելով դրանք հիշել՝ մայրը մարդկանցից մի կողմ հեռացավ և նկատեց, որ բաց գույնի ընչացքներով մի երիտասարդ իրեն է նայում: Աջ ձեռքը նա դրել էր անդրավարտիքի գրպանը, դրանից նրա ձախ ուսն աջից ցածր էր, և նրա կերպարանքի այդ առանձնահատկությունը մորը ծանոթ թվաց: Բայց նա մեջքը դարձրեց դեպի մայրը, իսկ մայրը մտահոգված իր հիշողություններով իսկույն մոռացավ նրան:

Բայց մի րոպե հետո մոր ականջին հասավ մի ցածրաձայն հարց.

— Սա՞ է:

Եվ մեկն ավելի բարձր, ուրախ ձայնով պատասխանեց.

— Այո՛:

Մայրը շուրջը նայեց: Թեք ուսերով մարդը կողքով կանգնած էր դեպի իրեն, նա ինչ-որ բան էր ասում իր հարևանին, կարճ վերարկուով և ծնկներին հասնող կոշիկներով մի սևամորթ տղայի:

Մոր հիշողությունը նորից անհանգիստ ցնցվեց, բայց ոչ մի պարզ բան չստեղծեց: Մոր կրծքում հրամայաբար վառվում էր որդու ճշմարտության մասին մարդկանց հետ խոսելու իր ցանկությունը, նա ուզում էր լսել, թե մարդիկ ինչ կասեն այդ ճշմարտության դեմ, ուզում էր նրանց խոսքերից գուշակել դատարանի վճիռը:

— Մի՞թե այսպես են դատում,— զգույշ և ցածրաձայն սկսեց նա՝ դիմելով Սիգովին:— Հարցուփորձ են անում, թե ո՞վ ի՞նչ է արել, իսկ թե ինչու են արել՝ չեն հարցնում: Եվ նրանք բոլորն էլ ծեղեր են, ջահելներին ջահելները պետք է դատեն...

— Այո,— ասաց Սիգովը,— մեզ համար դժվար է հասկանալ այս գործը, դժվար է:— Եվ մտախոհ օրորեց զուխը:

Պահապանը դահլիճի դուռը բանալով գռչեց.

— Ազգականներ, տոմսերը ցո՛ւյց տվեք...

Մի մոայլ ձայն դանդաղորեն արտասանեց.

— Տոմսերը, կարծես կրկեսո՞ւմ ենք:

Բոլոր մարդկանց մեջ զգացվում էր խուլ վրդովմունք, ազոտ զայրույթ, նրանք սկսեցին իրենց ավելի ազատ պահել, աղմկում էին, վիճում պահապանների հետ:

Նստարանին նստելով Սիգովն ինչ-որ փնթփնթում էր:

— Ի՞նչ կա,— հարցրեց մայրը:

— Ոչի՛նչ: Ժողովուրդը հիմար է...

Ձանգը հնչեց: Մեկն անտարբեր ձայնով հայտնեց.

— Դատարանը գալիս է...

Նորից բոլորը կանգնեցին, և նորից նույն կարգով ներս մտան դատավորները, նստոտեցին: Մեղադրյալներին ներս բերին:

— Պի՛նդ կաց,— փսփսաց Սիգովը,— դատախազը խոսելու է:

Մայրը վիզը երկարեց, ամբողջ մարմնով թեքվեց առաջ և սառեց սարսափանքի նոր սպասողության դիրքում:

Դատախազը կողքով դեպի դատավորները կանգնելով, զուխը նրանց կողմը դարձրած, արմունկը հենած գրասեղանին, խոր շնչեց և աջ ձեռքն օդում ընդհատ-ընդհատ շարժելով՝ սկսեց խոսել: Առաջին բառերը մայրը չհասկացավ. դատախազի ձայնը սահուն էր, թանձր և անհարթ էր ընթանում, մերթ դանդաղ, մերթ ավելի արագ: Բառերը միօրինակ դուրս էին ձգվում, երկար շարք կազմում թելի մկրակի պես և հանկարծ դուրս էին թռչում շտապ, պտտվում ինչպես սև ճանճերի պարսը շաքարի կտորի վրա: Բայց մայրը դրանց մեջ ոչ մի սարսափելի, ոչ մի սպառնական բան չէր գտնում: Դրանք ձյունի պես սառը և մոխրի պես գորշ՝ թափվում էին, հա՛ թափվում, բարակ, շոր փոշու պես, զայրացնելու աստիճանի ձանձրացուցիչ մի բանով դահլիճը լցնելով: Զգացմունքներով ժլատ, խոսքերով առատ այդ ճառը երևի չէր հասնում Պավելին և նրա ընկերներին, նրանց բոլորովին չէր դիպչում, ամենը նստած էին հանգիստ և առաջվա պես անձայն զրուցում էին, հրբեմն ժպտում, երբեմն մոայլվում՝ ժպտը ծածկելու համար:

— Ստո՞ւմ է,— շշնջում էր Սիգովը:

Մայրը չէր կարող ասել այդ բանը: Նա լսում էր դատախազի բառերը, հասկանում էր, որ մեղադրում է ամենքին, ոչ ոքի շառանձնացնելով. Պավելի մասին խոսելիս նա սկսում էր խոսել Ֆեդյայի մասին, իսկ նրան Պավելի կողքին դնելով՝ համառորեն մոտեցնում էր նրանց Բուկինին, թվում էր, թե նա բոլորին ծրարում, կարում է մի քսակի մեջ, իրար վրա պինդ դարսելով:



Բայց նրա խոսքերի արտաքին միտքը չէր բավարարում, չէր հուզում և չէր վախեցնում մորը, նա այնուամենայնիվ սպասում էր սարսափելիին և համառորեն դա փնտրում էր դատախազի խոսքերի մեջ, նրա դեմքի վրա, աչքերում, ձայնի մեջ, նրա սպիտակ ձեռքում, որ դանդաղ երևում ու չքանում էր օդի մեջ: Մի ինչ-որ սարսափելի բան կա՞ր, մայրն այդ զգում էր, բայց անըմբռնելի էր որոշել, թե ինչ է այդ, չէր լինում, մեր սիրտը նորից ծածկվում էր շոր և կծու փառով:

Մայրը նայում էր դատավորներին, տեսնում էր, որ նրանք անկասկած ձանձրանում են այդ ճառը լսելուց: Նրանց անկենդան, դեղնած և գորշ դեմքերը ոչինչ չէին արտահայտում: Դատախազի խոսքերը մի անտեսանելի մառախուղ էին թափում օդի մեջ, այդ մառախուղն անդադար աճում էր և թանձրանում դատավորների շուրջը, ավելի ու ավելի ամուր պատելով նրանց անտարբերության և տաղտկացած սպասումի ամպով: Ավադ դատավորը չէր շարժվում, շորացել էր իր ուղիղ դիրքի մեջ, նրա ակնասի հետևի գորշ բծիկները երբեմն չքանում էին՝ դեմքի վրա տարածվելով:

Եվ մայրը տեսնելով այդ մեռած անկարեկցությունը, այդ անհիշալար անտարբերությունը, տարակուսանքով հարցնում էր ինքն իրեն.

«Դատում են»:

Այդ հարցը ճմլում էր նրա սիրտը, և նրանից հետզհետե դուրս վանելով սարսափելի սպասումը, կոկորդն այրում էր վիրավորանքի սուր զգացողությամբ:

Դատախազի ճառն ընդհատվեց մի տեսակ անսպասելիորեն, նա մի քանի արագ, մանր մկրակումներ արեց, գլուխ տվեց դատավորներին ու նստեց՝ ձեռները տրորելով: Ազնվականության պարագլուխը նրան գլխով արեց աչքերը պլշելով, քաղաքագլուխը ձեռքը մեկնեց, իսկ վելտս. ռի ավագը նայում էր իր փորին ու ժպտում:

Բայց նրա ճառը դատավորներին ըստ երևույթին շուրախացրեց, նրանք չէին շարժվում:

— Խոսքը պատկանում է,— ասաց ծերունին մի ինչ-որ թուղթ դեպի դեմքը տանելով,— Ֆեդոսեևե, Մարկովի և Զագարովի պաշտպանին:

Վեր կացավ մի փաստաբան, որին մայրը տեսել էր նիկոլայի մոտ: Նրա դեմքը բարեմիտ էր, լայն, նրա մանր աչքերը

լուսաճաճանչ ժպտում էին, թվում էր, թե կարճառչեկավուն հոնքերի տակից դուրս են ցցվել երկու սայրեր և մկրատի պես ինչ-որ բան են խուզում օդի մեջ: Նա սկսեց խոսել ոչ շտապ, հնչուն և պարզ, բայց մայրը չկարողացավ լավ հասկանալ նրա ճառը, Սիզովը նրա ականջին փսփսաց.

— Հասկացա՞ր, թե ինչ ասաց: Հասկացա՞ր: Քայքայված, ասում է, խելացնոր մարդիկ են: Ո՞վ, Ֆե՞դյան:

Մայրը չպատասխանեց՝ ծանր հիասթափություն ճնշված: Վիրավորանքն աճում էր՝ հոգին մորմոքելով: Այժմ վլաստովաի համար պարզվեց, թե ինչու էր արդարադատություն սպասում, կարծում էր, որ կտեսնի, թե ինչպես են իրար հետ վեճի բռնվում որդու ճշմարտությունը և նրա դատավորների ճշմարտությունը: Նրան այնպես էր թվում, թե դատավորները Պավելին կհարցնեն երկար, ուշադիր և մանրամասն նրա սրտի, ամբողջ կյանքի մասին, նրանք խորաթափանց աչքերով կզննեն իր որդու բոլոր խոհերն ու գործերը, նրա բոլոր օրերը: Եվ երբ տեսնեն նրա իրավացիությունը, այն ժամանակ արդարադատորեն, բարձրաձայն կասեն.

— Այս մարդն իրավացի է:

Բայց ոչ մի նման բան չկար, թվում էր, թե մաղադրյալներն անտեսանելիորեն հեռու են դատավորներից, իսկ դատավորները նրանց համար ավելորդ են: Մայրը հոգնած՝ կորցրել էր իր հետաքրքրությունը դեպի դատը և առանց խոսքերին ականջ դնելու վիրավորված մտածում էր.

«Մի՞թե այսպես կդատեն»:

— Տե՞ղն է դրանց,— հավանությամբ շնչաց Սիզովը:

Արդեն խոսում էր մի ուրիշ փաստաբան, փոքրիկ մի մարդ, սև, գունատ և ծաղրական դեմքով, իսկ դատավորները նրան խանգարում էին:

Դատախազը վեր թռավ, արագորեն և բարկացած ինչ-որ բան ասաց արձանագրության մասին, ասպ հորդորելով խոսել սկսեց ծերուկը,— պաշտպանը գլուխը հարգանքով թեքած՝ լսեց նրանց և ճառը նորից շարունակեց:

— Փորի՛ր,— նկատեց Սիզովը:— Փորփրի՛ր...

Դահլիճում կենդանություն էր առաջ գալիս, փառատակում էր մարտական խիզախությունը, փաստաբանը սուր խոսքերով զրգոսում էր դատավորների հին կաշին: Դատավորները կարծես

ավելի կիպ մտեցան իրար, ուռան ու փքվեցին, որպեսզի ես մղեն խոսքերի ծակող և շեշտակի հարվածները:

Բայց ահա տեղից բարձրացավ Պավելը և հանկարծ անսպասելիորեն խաղաղություն տիրեց: Մայրն ամբողջ մարմնով առաջ օրորվեց: Պավելն սկսեց հանգիստ խոսել:

— Պարտիայի մարդ լինելով, ես ընդունում եմ միայն իմ պարտիայի դատաստանը և խոսելու եմ ոչ թե ինձ պաշտպանելու համար, այլ ընկերներիս ցանկությանմբ, որոնք նույնպես հրաժարվել են պաշտպանությունից, կփորձեմ բացատրել ձեզ այն, ինչ դուք չեք հասկացել: Սոցիալ-դեմոկրատիայի դրոշով մեր ելույթը դատախազն անվանեց գերագույն իշխանության դեմ ուղղված խոտվարարություն և ամբողջ ժամանակ մեզ վրա նայում էր, որպես ցարի դեմ ելած խոտվարարների: Ես պետք է հայտարարեմ, որ մեզ համար ինքնակալությունը չի հանդիսանում երկրի մարմինը կապկպող միակ շղթա, այլ նա միայն առաջին և ամենամոտ շղթան է, որը մենք պետք է պոկենք ժողովրդի վրայից...

Անդորրությունը խորանում էր հաստատուն ձայնի հնչյունների տակ, այդ ձայնը կարծես պատերը հեռացնելով լայնացնում էր դահլիճը, Պավելը կարծես մարդկանցից հեռու մի կողմ էր գնում՝ ավելի ցայտուն դառնալով:

Դատավորները ծանր ու անհանգիստ շարժվեցին: Ազնվականության պարագլուխը ինչ-որ բան փսփսաց ծուլագեմ դատավորին, նա գլխով արեց և դիմեց ծերուկին, իսկ մյուս կողմից նույն ժամանակ նրա ականջին խոսում էր հիվանդ դատավորը: Բազկաթոռի մեջ աջուձախ ճոճվելով՝ ծերուկը Պավելին ինչ-որ բան ասաց, բայց նրա ձայնը սուզվեց Վլասովի ճառի համաչափ և լայն հոսանքում:

— Մենք սոցիալիստներ ենք: Դա նշանակում է, որ մենք թշնամի ենք մասնավոր սեփականությանը, որն անջատում է մարդկանց, զինում իրար դեմ, շահերի անհաշտելի թշնամություն ստեղծում, ստում՝ աշխատելով թաքցնել կամ արդարացնել այդ թշնամությունը և այլասերում է բոլորին ստությանմբ, կեղծավորությանմբ և ոխակալությանմբ: Մենք ասում ենք. այն հասարակությունը, որը մարդու վրա նայում է միայն որպես իր հարստացման գործիքի վրա, հակամարդկային է, նա մեր թըշնամին է, մենք չենք կարող հաշտվել նրա երկերեսանի և ստահոգ բարոյականության հետ. դեպի անհատն ունեցած նրա վե-

րաբերմունքի ցինիզմը և անգթությունը զզվելի են մեզ համար, մենք ուզում ենք կովել և կկովենք այդպիսի հասարակության կողմից մարդուն ֆիզիկապես և բարոյապես ստրկացնելու բոլոր ձևերի դեմ, շահամոլությունից դրդված մարդկանց բաժան-բաժան անելու բոլոր եղանակների դեմ: Մենք, բանվորներս, այն մարդիկն ենք, որոնց աշխատանքով է ստեղծվում ամեն ինչ, հսկայական մեքենաներից սկսած մինչև մանկական խաղալիքները. մենք այն մարդիկն ենք, որոնք զրկված են իրենց մարդկային արժանապատվության համար կովելու իրավունքից, յուրաքանչյուրն աշխատում է և կարողանում է մեզ իր նպատակներին հասնելու գործիք դարձնել, որը մեզ հնարավորություն տա առժամանակ հետո նվաճելու ամբողջ իշխանությունը: Մեր լողունները պարզ են, թող կորչի՜ մասնավոր սեփականությունը, արտադրության բոլոր միջոցները տալ ժողովրդին, ամբողջ իշխանությունը՝ ժողովրդին, աշխատանքը պարտադիր է ամենքի համար: Դուք տեսնում եք, մենք խոտվարարներ չենք:

Պավելը քմծիծաղեց, ձեռքը դանդաղորեն սահեցրեց մազերի վրայով, նրա կապույտ աչքերի կրակն ավելի պայծառ բացավառվեց:

— Խնդրում եմ ձեզ գործի մասին խոսել, — ասաց նախագահը պարզ և բարձրաձայն: Նա կուրծքը դարձրեց դեպի Պավելը, նայում էր նրան, և մորը թվում էր, թե նրա ձախ աղոտ աչքը վառվում է վատ, ազահ կրակով: Եվ բոլոր դատավորները նրա որդու վրա նայում էին այնպես, որ թվում էր, թե նրանց աչքերը կպչում են որդու դեմքին, ծծվում են մարմնի մեջ, ծարավի են նրա արյանը, որպեսզի նրանով վերակենդանացնեն իրենց մաշված մարմինները: Իսկ նա շիտակ, բարձրահասակ, հաստատուն և ամուր կանգնած, ձեռքը մեկնում էր դեպի նրանց և ոչ բարձր, հստակ ձայնով ասում.

— Մենք ռևոլյուցիոներներ ենք և կմնանք մինչև այն ժամանակ, քանի դեռ ոմանք հրամայում են, մյուսները միայն աշխատում: Մենք կանգնած ենք այն հասարակության դեմ, որի շահերը պաշտպանել է հրամայված ձեզ, որպես այդ հասարակության և ձեր անհաշտ թշնամիներ, և մեր մեջ հաշտությունն անհնարին է մինչև այն ժամանակ, մինչ որ մենք հաղթենք: Կհաղթենք մենք, բանվորներս: Ձեր հանձնարարությունները բոլորովին էլ այնքան ուժեղ չեն, ինչպես իրենց է թվում: Հենց նույն սեփականությունը, որը կուտակելիս և պահպանելիս

նրանք զոհում են իրենց ճորտացրած միլիոնավոր մարդկանց, հենց նույն ուժը, որը նրանց իշխանություն է տալիս մեզ վրա, նրանց մեջ թշնամական բախումներ է առաջացնում, քայքայում նրանց ֆիզիկապես և բարոյապես: Սեփականությունը շափազանց մեծ լարվածություն է պահանջում իր պաշտպանություն համար, և էապես դուք բոլորդ, մեր տերերը, ավելի՛ ստրուկներ եք, քան մենք, դուք ստրկացած եք հոգեպես, մենք՝ միայն ֆիզիկապես: Դուք չեք կարող հրաժարվել նախապաշարումների և սովորույթների ճնշումից, որը հոգեպես մահացրել է ձեզ, մեզ ոչ մի բան չի խանգարում ներքնապես ազատ լինել: Կյանքում, որով դուք թունավորում եք մեզ, ավելի թույլ է այն հակաթույնից, որ դուք շցանկանալով հանդերձ լցնում եք մեր գիտակցության մեջ: Նա աճում է, նա զարգանում է առանց կանգ առնելու, ավելի ու ավելի արագ է վառվում և իր հետևից տանում բոլոր լավագույնը, բոլոր հոգեպես առողջ նույնիսկ ձե՛ր միջավայրից: Նայեցե՛ք, դուք արդեն շունչ առնալիս մարդիկ, որոնք կարողանալին գաղափարապես պայքարել ձեր իշխանության համար, դուք արդեն մտնել եք այն բոլոր փաստարկումները, որոնք կարող են ձեզ պատասպարել պատմական արդարության ճնշումից, դուք ոչ մի նոր բան ստեղծել չեք կարող գաղափարների բնագավառում, դուք հոգեպես ամուլ եք: Մեր գաղափարներն աճում են, նրանք ավելի ու ավելի պայծառ են վառվում, նրանք ընդգրկում են ժողովրդական զանգվածները՝ կազմակերպելով նրանց հանուն ազատության պայքարելու: Բանվորի մեծ դերի գիտակցությունը աշխարհի բոլոր բանվորներին ձուլում՝ մի հոգի է դարձնում, դուք ոչ մի բանով չեք կարող կյանքի վերափոխման այդ պրոցեսի առաջն առնել, բացի վայրագությունից և ցինիզմից: Բայց ցինիզմն ակնհայտ է, վայրագությունը՝ գրգռում է: Եվ այն ձեռքերը, որ այսօր մեզ խեղդում են, շուտով ընկերաբար սեղմելու են մեր ձեռքերը: Ձեր էներգիան՝ ոսկու աճման մեխանիկական էներգիա է, նա ձեզ միացնում՝ դարձնում է այնպիսի խմբեր, որոնք կոչված են իրար խժռելու, մե՛ր էներգիան բոլոր բանվորների համերաշխության ավելի ու ավելի աճող գիտակցության կենդանի ուժն է: Այն բոլորը, ինչ դուք եք անում, ոճրագործություն է, որովհետև առաջնորդում է դեպի մարդկանց ստրկացումը. իսկ մեր աշխատանքն աշխարհն ազատում է այն ուրավականներից և հրեշներից, որոնք ծնվել են ձեր ստից, շարությունից, ազահությունից, այն հրեշներից, որոնք

վախեցնում են ժողովրդին: Մարդուն դուք կտրել ե՛ք կյանքից՝ և խորտակել նրան. սոցիալիզմը միացնում է ձեր կործանած աշխարհը՝ դարձնում միասնական մեծ մի ամբողջություն, և դա կլինի՛:

Պավելը մի վայրկյան կանգ առավ ու կրկնեց ավելի կամաց և ուժգին.

— Դա կլինի՛:

Դատավորներն իրար հետ քշվում էին՝ դեմքերը տարօրինակ ծամածռելով և ամբողջ ժամանակ շփն հեռացնում իրենց ազահ աչքերը Պավելից, իսկ մայրն զգում էր, որ նրանք կեղտոտում են որդու ճկուն, ամրակուռ մարմինն իրենց հայացքներով՝ նախանձելով առողջությանը, ուժին, թարմությանը: Մեղադրյալներն ուշադրությամբ լսում էին իրենց ընկերոջ ճառը, նրանց դեմքերը գունատվել էին, աչքերն ուրախությամբ փայլում էին: Մայրը կլանում էր որդու խոսքերը, և դրանք իր հիշողության մեջ ներխուժում էին կանոնավոր շարքերով: Ծերուկը մի քանի անգամ կանգնեցրեց Պավելին, ինչ-որ բան բացատրեց նրան, մի անգամ նույնիսկ տխուր ժպտաց. Պավելը լուռ լսում էր նրան և նորից սկսում խոսել խիստ, բայց հանգիստ, իրեն լսել տալով, դատավորների կամքն իր կամքին ենթարկելով: Բայց ի վերջո ծերունին գոռաց ձեռքը դեպի Պավելը մեկնելով. իբրև պատասխան՝ մի քիչ ծաղրաբար հնչեց Պավելի ձայնը.

— Ես վերջացնում եմ: Ձեզ անձամբ վիրավորել ես չէի ուզում, ընդհակառակը. ահամա ներկա լինելով այս կատակերգությանը, որը դուք դատ եք անվանում, ես դեպի ձեզ գրեթե կարեկցություն եմ զգում: Այնուամենայնիվ, դուք մարդիկ եք, իսկ մեզ համար միշտ վիրավորական է տեսնել մարդկանց, որոնք թեև թշնամական վերաբերմունք ունեն դեպի մեր նպատակը, բայց այդպես խայտառակ կերպով ստորացված են բռնությանը սպասավորելով, այդ աստիճան կորցնելով իրենց մարդային արժանապատվության գիտակցությունը...

Նա նստեց առանց դատավորներին նայելու, մայրը շունչը պահած սեեռուն հայացքով նայում էր դատավորներին, սպասում էր:

Անդրեյը ժպտադեմ ամուր սեղմեց Պավելի ձեռքը, Սամոյլովը, Մագինը և մյուսները աշխուժորեն ձգվեցին դեպի Պավելը, նա ժպտում էր ընկերների պոռթկումից մի քիչ շփոթված, նա-

յնց աջնտեղ, ուր մայրն էր նստած և գլխով արեց նրան՝ կարծես հարցնելով.

«Այսպե՞ս է»:

Մայրը նրան պատասխանեց ուրախության խոր հառաչով, ասես ոտից գլուխ ողողված սիրո ջերմ ալիքով:

— Ահա՛, դատն սկսվե՛ց,— շնչաց Սիզովը:— Ի՞նչ օրը գցեց նրանց, հա՛:

Մայրը լուռ գլխով էր անում՝ գոհ այն բանից, որ որդին այնպես համարձակ էր խոսում, գուցե ավելի գոհ այն բանից, որ որդին վերջացրել էր: Մոր գլխում թրթռագին թարտում էր այս հարցը.

«է՞: Հիմա՞ ինչ պիտի անեք»:

## XXVI

Այն, ինչ որ ասում էր որդին, մոր համար նոր բան չէր, նա գիտեր այդ մտքերը, բայց առաջին անգամ այստեղ, դատարանի առաջ նա զգաց նրա հավատի տարօրինակ, գրավիչ ուժը: Նրան ապշեցրեց Պավելի հանգստությունը, և որդու ճառն իր սրտում ձուլվեց իբրև նրա իրավացիության, և նրա հաղթության նկատմամբ ունեցած անհողողող համոզմունքի աստղանման, ճառագայթող մի գունդ: Մայրն այժմ սպասում էր, որ դատավորներն սկսելու են սաստիկ վիճել որդու հետ, բարկացած առարկելու են նրան՝ առաջ քաշելով իրե՛նց ճշմարտությունը: Բայց ահա վեր կացավ Անդրեյը, օրորվեց, աչքի տակով նայեց դատավորներին և սկսեց խոսել.

— Պարո՛ն պաշտպաններ...

— Ձեր առաջ դատարա՛նն է, այլ ոչ թե պաշտպանությունը,— բարկացած և բարձրաձայն նկատեց նրան հիվանդ դեմք ունեցող դատավորը: Անդրեյի դեմքի արտահայտությունից մայրը տեսնում էր, որ նա ուզում է շարաճճիություն անել, նրա ընչապքները դողում էին, աչքերում շողում էր մորը ծանոթ խորամանկ կատվային փաղաքշանքը: Նա երկար ձեռքով պինդ տրորեց գլուխը և հառաչեց:

— Բայց մի՞թե,— ասաց նա գլուխն օրորելով:— Ես կարծում եմ, դուք դատավորներ չեք, այլ միայն պաշտպաններ...

— Ես խնդրում եմ ձեզ խոսել ըստ գործի էության,— շուրջոր նկատեց ծերուկը:

— Ըստ էության՞: Լա՛վ: Ես արդեն ինձ ստիպեցի կարծել, որ դուք հիրավի դատավորներ եք, անկախ, ազնիվ մարդիկ...

— Դատարանը ձեր բնութագրության կարիք չունի:

— Կարիք չունի՞: Հըմ, է՛հ, բայց և այնպես ես կշարունակեմ... Դուք այնպիսի մարդիկ եք, որոնց համար չկան ոչ յուրայիններ, ոչ օտարներ, դուք ազատ մարդիկ եք: Ահա ձեր առջև կանգնած են երկու կողմեր, մեկը գանգատվում է, թե նա ինձ կողպատել է ու քիթ ու բերանս ջարդել, իսկ մյուսը պատասխանում է, թե իրավունք ունեմ թալանելու և քիթ ու բերանը ջարդելու, որովհետև զենք ունեմ...

— Դուք ըստ էության որևէ բան ունե՞ք ասելու,— ձայնը բարձրացնելով հարցրեց ծերուկը: Նրա ձեռքը դողում էր, և մոր համար հաճելի էր տեսնել, որ նա բարկանում է: Բայց Անդրեյի վարմունքը մորը դուր չէր գալիս, դա իր որդու ճառի հետ չէր ձուլվում, մայրը լուրջ և խիստ վիճաբանություն էր ուզում:

Խոխուրը լուռ նայեց ծերուկին, հետո գլուխը շփելով լրջորեն ասաց.

— Ըստ էության: Բայց ախր ես ձեզ հետ ինչո՞ւ պիտի խոսեմ ըստ էության: Ինչ որ ձեզ հարկավոր էր իմանալ՝ ընկերս ասաց: Մնացածը, ժամանակ կլինի, ձեզ կասեն ուրիշները...

Ծերուկը քիչ բարձրացավ և հայտնեց.

— Ձեզ խոսքից զրկո՛ւմ եմ: Գրիգորի Սամոյլով:

Ծրթունքներն ամուր փակելով խոխուրը ծուլ-ծուլ նստեց նստարանին, նրա կողքին կանգնած Սամոյլովը՝ գանգուրները թափ տալով:

— Դատախա՛ղն ընկերներիս անվանեց վայրենիներ, կուտուրայի թշնամիներ...

— Պետք է խոսել միայն այն մասին, ինչ որ ձե՛ր գործին է վերաբերում:

— Սա վերաբերում է: Ոչ մի բան չկա, որ ազնիվ մարդկանց չվերաբերի: Եվ ես խնդրում եմ շքնդհատել ինձ: Ես հարցնում եմ ձեզ, ի՞նչ է ձեր կուտուրան:

— Մենք ձեզ հետ բանավեճի մտնելու համար չենք այստեղ: Գործի մասին խոսեցեք,— ատամները մերկացնելով ասաց ծերուկը:

Անդրեյի վարմունքը պարզապես փոխել էր դատավորներին, նրա խոսքերը կարծես նրանցից ինչ-որ բան էին սրբել, գորշ դեմքերի վրա երևան էին գալիս բծեր, նրանց աչքերում վառ...

վում էին սառը, կանաչ կայծեր: Պավելի ճառը նրանց գրգռեց, բայց գրգռումները զսպվում էր մի ուժով, որ ակամա հարգանք էր ներշնչում, խոխուր պսկեց այդ զսպվածությունը և դյուրին կեքողով երևան հանեց այն, ինչ որ կար նրա տակ: Դատավորներն իրար հետ շնչում էին տաքօթինակ ծամածռություններով և սկսեցին շարժել իրենց համար չափազանց արագ:

— Դուք լրտեսներ եք դաստիարակում, դուք անբարոյականացնում եք կանանց և աղջիկներին, դուք մարդուն զցում եք գողի և մարգասպանի դրություն մեջ, դուք նրան թունավորում եք օղիով, միջազգային սպանդներ, համաժողովրդական ստույթյուն, անբարոյականություն և վայրենացում — ահա՛ ձեր կուտուրան: Այո՛, մենք այդ կուտուրայի թշնամիներն ենք:

— Ենգրո՛ւմ եմ ձեզ, — գռչեց ծերուկը՝ կզակը թափ տալով: Բայց Սամոյլովն կաս-կարմիր կտրած, աչքերը շողացնելով, նույնպես գոռում էր.

— Իսկ մենք հարգում զնաճատում ենք այն մյուս կուտուրան, որի ստեղծողներին դուք փտեցրել եք բանտերում, խեղազարեցրել եք...

— Խոսքից զրկո՛ւմ եմ: Տյոգոր Մա՛զին:

Փոքրիկ Մազինը տեղից բարձրացավ, կարծես հանկարծ մի բիզ դուրս պրծավ, և խզվող ձայնով ասաց.

— Ես... ես երզվո՛ւմ եմ: Ես գիտեմ, դուք ինձ դատապարտել եք:

Նա շնչահեղձ եղավ, գունատվեց, դեմքին միայն աչքերը մնացին, և ձեռքը մեկնելով գռչեց.

— Ես, ազնի՛վ խոսք, ուր էլ ոչ ինձ ուղարկելու լինեք, փախչելու եմ, վերադառնալու եմ և աշխատելու եմ միշտ, ամբողջ կյանքումս: Ազնի՛վ խոսք:

Սիզովը բարձրաձայն կոկորդը մաքրեց, շարժվեց նստած աեղում: Ամբողջ հասարակությունը ենթարկվելով վրդովմունքի ավելի ու ավելի վեր բարձրացող ալիքին՝ աղմկում էր տաքօթինակ ու խուլ ձայնով: Մի կին լալիս էր, մեկը հազում էր խեղդվելով: Ժանդարմները մեղադրյալներին զիտում էին բուժ զարմանքով, հասարակությանը՝ զայրույթով: Դատավորներն օրորվում էին, ծերունին գոռում էր բարակ ձայնով.

— Գուսև Իվա՛ն:

— Չեմ ուզում խոսել:

— Վասիլի Գո՛ւսև:

— Չե՛մ ուզում:

— Բո՛ւկին Տյո՛ղոր:

Մանրորեն բարձրացավ սպիտակավուն, գունաղուրկ մի տղա և գլուխն օրորելով, դանդաղորեն ասաց.

— Գոնե՛ ամաչեի՛ք: Ես բանը դժվար հասկացող մարդ եմ, բայց էլի հասկանում եմ արդարությունը:— Նա ձեռքը դիսից վեր բարձրացրեց և լռեց աչքերը կիսափակ, կարծես հեռվում մի բան դիտելով:

— Ի՞նչ է, — գրգռված, ապշած ճչաց ծերունին ետ գլորվելով բազմոցի մեջ:

— Է՛հ, դուք է՛լ ձեր...

Բուկինը մոայլ նստեց նստարանին: Նրա մութ բառերի մեջ կար մի ահագին, կարևոր բան, կար տրտմագին նախատական և միամիտ մի բան: Այդ ամենքն զգացին, և նույնիսկ դատավորները լսողությունները լարեցին, կարծես սպասելով, թե չի՞ հնչի արդյոք այդ բառերից ավելի պարզ մի արձագանք: Եվ հասարակության նստարաններին ամեն ինչ քարացավ, միայն կամաց լացն էր օրորվում օղի մեջ: Ապա դատախազն ուսերը թոթվելով քմծիծաղեց, ազնվականության պարագլուխը բարձրաձայն հազաց, և հետզհետե նորից շշուկներ ծնվեցին՝ հուզված պտտվելով դահլիճում: Մայրը դեպի Սիզովը թեքվելով հարցրեց.

— Դատավորները խոսելո՞ւ են:

— Ամեն ինչ վերջացած է... միայն դատավճիռը կհայտարարեն...

— Ուրիշ ոչի՞նչ:

— Այո...

Մայրը նրան շհավատաց:

Սամոյլովան անհանգիստ շարժվում էր նստարանի վրա՝ ուսով և արմունկով մորը հրելով և կամաց ասում էր ամուսնուն.

— Սա ի՞նչ բան է: Մի՞թե կարելի է այսպես:

— Տեսնում ես՝ կարելի՞ է:

— Բայց ի՞նչ են անելու նրան, Գրիշային:

— Չե՛ոք քաշիր...

Ամենքի մեջ զգացվում էր, որ մի բան է տեղաշարժվել, խանգարվել, ջարդվել, մարդիկ տարակուսանքով կուրացած աչքերը թարթում էին, կարծես նրանց առջև վառվում էր պայծառ, անորոշ գծագրությամբ, անհասկանալի նշանակությամբ, բայց հրապուրիչ ուժ ունեցող մի բան: Եվ շհասկանալով անակնկալ

երևան եկած այդ մեծ բանը, մարդիկ շտապով ծախսում էին այդ իրենց համար նոր զգացմունքը մանր, ակնհայտ, իրենց համար հասկանալի բանի վրա: Ավագ Բուկինն առանց քաշվելու բարձր քրթմնջում էր:

— Թո՛ւյլ տվեք, ինչո՞ւ չեն թողնում, որ խոսեն: Դատախազը կարող է ասել ամեն բան և որքան ուզի...

Նստարանների մոտ կանգնած էր մի աստիճանավոր և ձեռքերը մարդկանց վրա թափ տալով կիսաձայն ասում էր:

— Հանգի՛ ստ: Հանգի՛ ստ...

Սամոյլովը ետ թեքվեց և կնոջ հետևում բորբում էր, բառերը կցկտուր դուրս նետելով:

— Իհարկե՛, ասենք թե նրանք մեղավոր են: Իսկ դու թող, որ բացատրվեն, է՛: Ինչի՞ են դեմ գնացել նրանք: Ես ուզում եմ հասկանա՛լ: Ես է՛լ եմ շահագրգռված...

— Հանգի՛ ստ, — մտտով սպառնալով նրան բացականչեց աստիճանավորը:

Սիզովը մոռյլ գլխով էր անում:

Իսկ մայրն անընդհատ նայում էր դատավորներին և տեսնում, որ նրանք ավելի ու ավելի էին հուզվում՝ իրար հետ խոսելով անորոշ ձայներով: Նրանց սառը և լարծուն խոսակցության հնչյունը դիպչում էր մոր դեմքին և իր հպումով առաջ բերում այտերի մեջ դող, բերանում՝ ախտածետ, զվվելի զգացողություն: Հայտնի չէ թե ինչու, մորը թվում էր, թե նրանք բոլորը խոսում են իր որդու և նրա ընկերների մարմնի մասին, ջերմ արյունով, կենդանի ուժով լի երիտասարդների մկանների և մարմնի անդամների մասին: Այդ մարմինը նրանց մեջ վառում էր մուրացկանների վատ նախանձ, հյուժվածների և հիվանդների կաշուն ազահուսթյուն: Նրանք շրթունքները ծածպացնում էին և ափսոսում, որ չունեն այնպիսի մարմիններ, որոնք ընդունակ են աշխատելու և հարստություն ստեղծելու, վայելք ստանալու և ստեղծագործելու: Այժմ իրենց մարմինները դուրս են գալիս կյանքի գործնական շրջանառությունից, հրաժարվում են կյանքից, իրենց հետ տանում են իրենց վրա իշխելու, իրենց ուժն օգտագործելու, այդ ուժը կլանելու հնարավորությունը: Ուստի և երիտասարդները ծեր դատավորների մեջ առաջացնում են թուլացած գազանի վրիժառու, թախծալի զայրույթ, գազանի, որը թարմ կերակուր է տեսնում, բայց արդեն ուժ չունի վերցնելու, կորցրել է ուրիշ ուժով հագենալու ընդունակությունը և հիվան-

դագին մրթմրթում է, վհատորեն ոռնում, տեսնելով, որ կշտու՞թյան աղբյուրը դուրս է գալիս իր ձեռքից:

Այս կոպիտ և տարօրինակ միտքն այնքան ավելի վառ ձև էր ստանում, ինչքան ավելի ուշադրությամբ էր դիտում մայրը դատավորներին: Նրան թվում էր, թե դատավորները չեն թաքցնում քաղցածների գրգռված ազահուսթյունը և անուժ գայրույթը, քաղցածների, որոնք մի ժամանակ կարող էին շատ լափել: Նրա համար, այդ կնոջ և մոր համար, որին որդու մարմինը միշտ և այնուամենայնիվ ավելի թանկ է այն բանից, ինչ կոչվում է հոգի, նրա համար սարսափելի էր տեսնել, թե ինչպես մարած աչքերը սահում են որդու դեմքով, շոշափում նրա կուրծքը, ուսերը, ձեռները, քսվում տաք մաշկին, կարծես հնարավորություն փնտրելով բոցավառվելու, բորբոքվելու և ջերմացնելու արյունը կիսամեռ մարդկանց կարծրացած ջղերում, մաշված մկաններում, մարդկանց, որոնք այժմ մի քիչ աշխուժացել են ազահուսթյան և դեպի երիտասարդ կյանքն զգացվող նախանձի խայթոցներից, մի կյանք, որը նրանք պետք է դատապարտեին և խլեին հենց իրենցից: Մորը թվում էր, թե որդին զգում է այդ խոնավ, անախորժորեն խտղտացուցիչ հպումները և ցնցվելով նայում է իրեն:

Պավելը նայում էր մոր դեմքին մի քիչ հոգնած աչքերով, հանգիստ և սիրալիր: Երբեմն մորը գլխով էր անում, ժպտում:

«Շուտով կազատվենք», — ասում էր մորն այդ ժպիտը և կարծես մեղմ հպումներով շոյում նրա սիրտը:

Հանկարծ դատավորները վեր կացան միանգամից: Մայրը նույնպես ոտքի ելավ ակամա:

— Գնացի՛ն, — ասաց Սիզովը:

— Դատավճիռ կայացնելո՞ւ, — հարցրեց մայրը:

— Այո...

Մոր լարվածությունը հանկարծ փարատվեց, հոգնածություն մի հեղձուցիչ ուժասպառություն պատեց մարմինը, հոնքը դողաց և ճակատին քրտինք տվեց: Հիասթափման և վիրավորանքի ճնշող զգացումը ներխուժեց նրա սիրտը և արագորեն փոխարկվեց հոգին կեղեքող արհամարհանքի՝ դեպի դատավորներն ու դատարանը: Հոնքերում ցավ զգալով նա ափով ամուր շփեց ճակատը, շուրջը նայեց, մեղադրյալների ազգականները մոտենում էին ճաղերին, դահլիճը լցվեց խոսակցության աղմուկով: Մայրը նույնպես մոտեցավ Պավելին և նրա ձեռքն ամուր սեղ-

մելով լաց եղավ՝ վիրավորանքով և ուրախությամբ լցված, մոլորված խառնակ իրարամերժ զգացմունքների քառասուն: Պավելը նրան փաղաքշահյան խոսքեր էր ասում, խոխուրը կատակում էր և ծիծաղում:

Բոլոր կանայք լալիս էին, բայց ավելի շուտ ըստ սովորության, քան վշտից: Հանկարծական, բուժ հարվածով շրմեցնող, անսպասելիորեն և անտեսանելի կերպով գլխին եկող վիշտ չկար, կար դավակներից բաժանվելու անհրաժեշտության տխուր գիտակցություն, բայց դա էլ սուղվում, լուծվում էր այդ օրվա առաջ բերած տպավորությունների մեջ: Հայրերն ու մայրերը զավակների վրա նայում էին մի աղոտ զգացումով, որի մեջ զեպի երիտասարդությունն ունեցած թերահավատությունը, զավակներից ունեցած իրենց առավելության սովորական գիտակցությունը տարօրինակ կերպով խառնվում էր մի այլ զգացումի հետ, որը մոտ էր դավակների հանդեպ տածվող հարգանքի. և այն տխուր, ձեռք չբաշտող մտածմունքը, թե ինչպես պիտի ապրենք հիմա, բթանում էր այն հետաքրքրությանը հանդիպելով, որ զարթեցնում էր երիտասարդ հասակը, որը համարձակ և աներկյուղ խոսում է մի այլ, լավ կյանքի հնարավորության մասին: Զգացմունքները զսպվում էին դրանք արտահայտելու անկարողությամբ, բռնեղ գործադրվում էին առատորեն, բայց խոսում էին հասարակ բաների մասին, սպիտակեղենի և զգեստի մասին, առողջությունը պահպանելու անհրաժեշտության մասին:

Իսկ Բուկինի եղբայրը ձեռները թափահարելով համոզում էր կրտսեր եղբորը.

— Արդարադատություն ասիր ու պրծա՛ր:

Կրտսեր Բուկինը պատասխանում էր.

— Սարյակին լա՛վ պահպանիր...

— Ողջ-առո՛ղջ կլինի...

Իսկ Սիզովը բռնել էր քրոջորդու ձեռքը և դանդաղորեն ասում էր.

— Այդպես, Ֆյո՛դոր, ուրեմն գնացիր...

Տեղյան կռացավ և նրա ականջին մի բան փսփսաց խորամանկորեն ժպտալով: Պահակախմբի զինվորն էլ ժպտաց, բայց իսկույն դեմքին դաժան արտահայտություն տվեց և մաքրեց կոկորդը:

Մայրը Պավելի հետ խոսում էր, ինչպես և մյուսները, նույն բանի մասին՝ զգեստի, առողջության, իսկ նրա կրծքում տաս-

նյակ հարցեր էին իրար ընդհարվում՝ Սաշայի մասին, իր մասին, որդու մասին: Բայց այդ բոլորի տակ կար և դանդաղ աճում էր զեպի որդին տաժած սիրո հորդման զգացումը, նրան դուր գալու, նրա սրտին մոտ լինելու լարված ցանկությունը: Սարսափի սպասողությունը մեռել էր, որպես հետք թողնելով միայն գատավորներին հիշելիս առաջացող անախորժ դողը և ինչ-որ մի կողմում նրանց մասին եղած մութ միտքը: Նա իր մեջ զգում էր մի մեծ, պայծառ ուրախության ծնունդը, չէր հասկանում այն և շվարում էր: Տեսնելով, որ խոխուրը բոլորի հետ խոսում է, հասկանալով, որ նրան ավելի է պետք զգվանքը, քան Պավելին, մայրը խոսեց նրա հետ.

— Դատարանն ինձ դուր չեկա՛վ:

— Իսկ ինչո՞ւ, մայրիկ,— երախտագիտորեն ժպտալով բացականչեց խոխուրը:— Ծիշտ է, հալից ընկած է, բայց դեռ շունչը չի փչել...

— Ո՛չ սարսափելի է, ո՛չ էլ մարդկանց համար հասկանալի, թե արդարությունն ո՛ւմ կողմն է,— անվճռականորեն ասաց մայրը:

— Օհո՛, ա՛յ թե ի՛նչ կուզեիք,— բացականչեց Անդրեյը:— Բայց մի՛թե այստեղ ճշմարտության վրա են գլուխ կոտրում... Հառաչելով և ժպտալով մայրն ասաց.

— Իսկ ես կարծում էի, թե սարսափելի է...

— Դատարանը գալի՛ս է:

Բոլորն արագորեն իրենց տեղերը նետվեցին:

Մեկ ձեռքը սեղանին հեննելով՝ ավագ դատավորը, զեմքը թղթով ծածկելով, սկսեց կարդալ այդ թուղթը թույլ բզզացող, իշամեղվային ձայնով:

— Դատապարտում է,— ասաց Սիզովն ուշադրությունը լարելով:

Խաղաղություն տիրեց: Բոլորը վեր կացան ծերունուն նայելով: Փոքրիկ, շոր, ուղղաձիգ, նա մի ինչ-որ ընդհանուր բան ունեւր այն փայտի հետ՝ որը բռնած պահում է աներևույթ մի ձեռք: Դատավորները նույնպես կանգնած էին, վոլոստի պետը՝ գլուխն ուսին թեքած և հայացքն առաստաղին, քաղաքագլուխը՝ ձեռքերը կրծքին խաչած, ազնվականության պարագլուխը՝ մոլորուքը շոյելով: Հիվանդ զեմք ունեցող դատավորը, նրա ուռած ընկերն ու դատախազը նայում էին մեղադրյալների կողմը: Իսկ դատավորների հետևից, պատկերից, նրանց զլուխների վրայով

նայում էր ցարը կարմիր համազգեստով, անտարբեր սպիտակ դեմքով, և նրա դեմքի վրա ինչ-որ միջատ էր սողում:

— Աքսոր,— թեթևացած շունչ քաշելով ասաց Սիզովը:— Դե իհարկե՛, փա՛ռք աստծու: Ասում էին տաժանակիր աշխատանքի կուղարկե՛ն: Վնաս չունի, մա՛յր: Սա ոչինչ:

— Ես ախր գիտեի,— պատասխանեց մայրը հոգնած ձայնով:

— Բայց և այնպե՛ս: Հիմա արդեն ճի՛շտ է: Թե չէ՝ ով գիտե գրանց բանը:— Նա դարձավ դեպի դատապարտյալները, որոնց արդեն տանում էին, և բարձրաձայն ասաց.

— Յտեսութ՞յուն, Ֆյո՛դոր: Եվ բոլորի՛դ: Աստված ձեզ բարի՛ տա:

Մայրը լուռ գլխով էր անում որդուն և բոլորին: Ուզում էր լաց լինել, բայց ամաչում էր:

## XXVII

Մայրը դուրս եկավ դատարանից և զարմացավ, որ քաղաքի վրա արդեն գիշեր է իջել, փողոցում լապտերներն են վառվում, երկնքում՝ աստղերը: Դատարանի մոտ խռված էին մարդկանց փոքրիկ խմբեր, սառնամանիքից ձյունը ճոռում էր, երիտասարդ ձայներ էին հնչում՝ իրար ընդհատելով: Մոխրագույն բաշուղով մի մարդ նայեց Սիզովի դեմքին և շտապ հարցրեց.

— Ի՞նչ էր դատավճիռը:

— Աքսոր:

— Բոլորի՞ն:

— Բոլորին:

— Շնորհակալութ՞յուն:

Մարդը հեռացավ:

— Տեսնո՞ւմ ես,— ասաց Սիզովը:— Հարցնում են...

Հանկարծ նրանց շրջապատեցին մի տասը հոգի երիտասարդներ ու աղջիկներ, և մարդկանց ուշադրությունը գրավող բացականչություններ թափվեցին արագ-արագ: Մայրն ու Սիզովը կանգ առան: Հարցնում էին դատավճռի մասին, այն մասին, թե իրենց ինչպես էին պահում մեղադրյալները, ով է ճառեր խոսել, ինչի մասին, և բոլոր հարցերում հնչում էր անհագ հետաքրքրության միևնույն նոտան, հետաքրքրության, որն անկեղծ և ջերմ լինելով՝ իրեն բավարարելու ցանկություն էր հարուցում:

— Պարոնա՛յք, սա Պավել Վլասովի մա՛յրն է,— ցածրա՞ ձայն գոչեց մեկը, և ոչ իսկույն, բայց արագ ամենքը լռեցին:

— Թո՛ւյլ տվեք սեղմել ձեր ձեռքը:

Մեկի ամուր ձեռքը սեղմեց մոր մատները, մեկի ձայնը հուզված խոսեց.

— Ձեր որդին արիության օրինակ կլինի մեզ բոլորիս համար...

— Կեցցե՛ ուուս բանվորը,— հնչեց մի զիլ աղաղակ:

Աղաղակներն աճում էին, բազմապատկվում, բռնկվում այստեղ-այնտեղ, ամեն կողմից մարդիկ վազելով գալիս էին՝ խմբվելով Սիզովի և մոր շուրջը: Օդի մեջ ցատկոտեցին ոստիկանների սուլիչները, բայց նրանց սուլոցները չէին խլացնում աղմուկները: Մերունին ծիծաղում էր, իսկ մորն այս բոլորը անուշ երազ էր թվում: Նա ժպտում էր, ձեռքեր սեղմում, գլուխ տալիս, և լավ, պայծառ արցունքները սեղմում էին կոկորդը, նրա ոտքերը դողում էին հոգնածությունից, բայց սիրտն ուրախությամբ հագեցած, ամեն ինչ կլանելով, լճի վճիտ դեմքի նման արտացոլում էր տպավորությունները: Իսկ նրան մոտիկ մի պարզ ձայն ջղայնորեն ասում էր.

— Ընկերնե՛ր: Ռուս ժողովրդին լավիող հրեշն այսօր նորից կլանեց իր անհատակ, անհագ երախով...

— Սակայն, մա՛յր, գնա՛նք,— ասաց Սիզովը:

Եվ նույն ժամանակ ինչ-որ մի տեղից հայտնվեց Սաշան, մորը թեև անցուկ արեց և հետևից արագ քաշեց փողոցի մյուս կողմը՝ ասելով.

— Եկե՛ք, գուցե ծեծեն: Կամ ձերբակալեն: Աքսո՞ր: Սիբի՞ր:

— Այո՛, այո՛:

— Իսկ նա ինչպես խոսեց: Ասենք՝ ես գիտեմ: Նա բոլորից ավելի ուժեղ և պարզ էր, բոլորից ավելի խիստ, իհարկե: Նա զգայուն է, քնքուշ, միայն թե ամաչում է իրեն ցույց տալ: Նրա ջերմ կիսաշշունջը, նրա սիրտ խոսքերը մոր հուզումները հանգստացնելով, բարձրացնում էին նրա ընկած ուժերը:

— Ե՛րբ եք գնալու նրա մոտ,— կամաց և փաղաքշանքով հարցրեց մայրը Սաշային, սեղմելով նրա ձեռքն իր մարմնին: Վստահ առաջ նայելով աղջիկը պատասխանեց.

— Հենց որ մեկին ճարեմ, որն իմ աշխատանքը հանձն առնի: Չէ՞ որ ես էլ եմ դատավճռի սպասում: Երևի նրանք ինձ



էլ Սիբիր կուղարկեն, այն ժամանակ ես կհաստատարեմ, որ ուզում եմ վերաբնակվել այն վայրում, ուր նա կլինի:

Հետևից լավեց Սիզովի ձայնը.

— Այն ժամանակ իմ կողմից կբարևե՞ք նրան: Սիզովը, կասեք, բարևում է: Նա ճանաչում է: Ֆյոդոր Մադինի քեռին...

Սաշան կանգ առավ, ետ դարձավ ձեռքը մեկնելով:

— Ես Ֆեդյային ծանոթ եմ: Անունս Ալեքսանդրա է

— Իսկ հո՞րդ անունը:

Սաշան նայեց նրան և պատասխանեց.

— Ես հայր չունեմ:

— Մեռել է ուրեմն:

— Ոչ, նա կենդանի է,— հուզված պատասխանեց աղջիկը, և մի համառ, կամակոր բան հնչեց նրա ձայնի մեջ, նկատվեց նրա դեմքին:— Նա կալվածատեր է, այժմ ղեմստվոյի պետ է, գյուղացիներին թալանում է...

— Այդպե՛հ, — ճնշված արձագանքեց Սիզովը և փոքր լռելով ասաց՝ աղջկա կողքից գնալով և նայելով նրան.

— Դե՛հ, մա՛յր, մնաք բարո՛ւ: Ես դեպի ձախ պետք է գնամ: Յտեսությո՛ւն, օրի՞րդ, ձեր հոր վերաբերմամբ խիստ եք իհարկե, ձե՛ր գործն է...

— Իսկ եթե ձեր որդին անպիտան մարդ լինի, մարդկանց համար վնասակար, ձեզ համար նողկալի, դուք կասե՞ք այդ բանը,— կրքով գոչեց Սաշան:

— Է՛հ, կասեմ,— շտապելով պատասխանեց ծերունին:

— Նշանակում է՝ ձեզ համար արդարությունն ավելի թանկ է որդուց, իսկ ինձ համար այն ավելի թանկ է հորից...

Սիզովը ժպտաց գլուխն օրորելով, ապա հռոչելով ասաց.

— Լա՛վ, Լա՛վ: Այ թե խոսում եք, հա՛: Շատ որ մնաք՝ դուք ծերերին կհաղթահարեք, ձեր թափը մեծ է... Մնաք բարո՛ւ, ցանկանում եմ ձեզ ամենայն բարիք: Եվ դեպի մարդիկ ավելի բարի լինեք, հա՛: Մնաս բարո՛ւ, նի՛լովնա: Պավելին կտեսնես, կասես՝ լսեցի նրա ճառը, լսեցի: Ոչ բոլորն է հասկանալի, կան բաներ, որ սարսափելի են, բայց, ասա, ճի՛շտ են:

Նա զլխարկը բարձրացրեց և ծանր ու մեծորեն ծովեց փողոցի անկյունից ու հեռացավ:

— Լա՛վ մարդ է ըստ երևույթին,— նկատեց Սաշան, ուղեկցելով նրան իր խոշոր աչքերի ժպտուն հայացքով:

Մորը թվաց թե այդ օրն աղջկա դեմքն ավելի մեղմ ու բարի է, քան միշտ:

Տանը նրանք նստեցին բազմոցին, իրար կիպ սեղմված, և մայրը անդորրության մեջ հանգստանալով նորից խոսեց Սաշայի՝ Պավելի մոտ գնալու մասին: Խիտ հոնքերը մտածկոտ բարձրացնելով, աղջիկը նայում էր հեռու, իր խոշոր, երազուն աչքերով, անվրդով մի խոհ պարուրել էր նրա դժգույն դեմքը:

— Հետո, երբ դուք երեխաներ ունենաք, ես կգամ ձեզ մոտ, նրանց գայակություն կանեմ: Եվ այնտեղ մենք կապրենք այստեղից ոչ վատ: Պաշան աշխատանք կձարի, նա ոսկի ձեռքեր ունի...

Մոր վրա զննող հայացք գցելով Սաշան հարցրեց.

— Իսկ մի՞թե դուք հիմա շեք ցանկանում գնալ նրա հետևից: Մայրը հռոչելով ասաց.

— Ես նրան ի՛նչ հարկավոր եմ: Միայն կխանգարեմ փախուստի դեպքում: Նա ինքն է՛լ չէր համաձայնի...

Սաշան զլխով արեց.

— Ձի համաձայնի:

— Բացի այդ, ես գործի վրա եմ,— ավելացրեց մայրը թեթև հպարտությամբ:

— Այ՛ո, — մտախոհ արձագանքեց Սաշան:— Դա լավ է...

Եվ հանկարծ ցնցվելով, կարծես իրենից մի բան նետելով, սկսեց խոսել պարզ և ցածր ձայնով.

— Նա այնտեղ չի մնա: Նա կփախչի, իհարկե...

— Իսկ դո՞ւք ինչ կանեք... Եվ եթե երեխա էլ ունենա՞ք...

— Կտեսնենք, էլի՛: Նա ինձ հաշվի չպիտի առնի, ես էլ նրան չեմ խանգարի: Ինձ համար դժվար կլինի նրանից բաժանվելը, բայց պարզ է, որ ես մի կերպ կապրեմ: Ես չեմ խանգարի նրան, ո՛չ:

Մայրն զգաց, որ Սաշան ընդունակ է այնպես անելու, ինչպես ասում է, նա խղճաց այդ աղջկան: Նրան գրկելով ասաց.

— Անուշե՛կս, ձեզ համար դժվար կլինի:

Սաշան մեղմ ժպտաց ամբողջ մարմնով սեղմվելով նրան: Եկավ նիկոլայը հոգնած և վերարկուն հանելով շտապ ասաց.

— Դե՛, Սա՛շենկա, հեռացե՛ք, քանի դեռ ողջ եք: Առավոտվանից երկու լրտես հետևիցս են ընկած և այնքան աշկարա, որ ձերբակալության հոտ է փչում: Ես նախազգում եմ: Մի տեղ

որևէ բան է պատահել: Ի դեպ, ահա ինձ մոտ է Պավելի ճառը, որոշված է տպագրել: Տարեք Լյուդմիլայի մոտ, աղաչեցեք, որ շուտ անի: Պավելը փառավոր է խոսել, Նիլովնա... Լրտեսներից զգուշացե՛ք, Սա՛շա...

Այս ասելով նա պինդ շփեց սառած ձեռքերը և սեղանին մոտենալով սկսեց շտապ-շտապ դուրս քաշել արկղները, նրանց մեջ թղթեր ջոկելով, մի քանիսը պատռում էր, մյուսները մի կողմ դնում մտահոգված ու ընկձված:

— Վաղո՛ւց է, որ ես բոլորը մաքրել եմ, բայց արդեն նորից այ թե որքան է հավաքվել դեսից դենից, սատանա՛ն գիտե: Գիտե՞ք ինչ, Նիլովնա, գուցե լավ կանեք, եթե դուք էլ տանը շփոթեցեք: Հը՞: Այդ տեսարանին ներկա լինելը բավական ծանձրալի է, իսկ նրանք կարող են ձեզ էլ նստեցնել, իսկ ձեզ համար անհրաժեշտ կլինի այստեղ-այնտեղ գնալ Պավելի ճառը տարածելու...

— Է՛, ես նրանց ինչի՞ եմ պետք,— ասաց մայրը:

Նիկոլայը ձեռքի թաթն աչքերի առջև շարժելով վստահորեն ասաց.

— Ես հոտառություն ունեմ: Բացի այդ դուք կարող էիք Լյուդմիլային օգնել, հը՞: Փորձանքից հեռո՛ւ կացեք...

Որդու ճառի տպագրությանը մասնակցելու հնարավորությունն ախորժելի էր մոր համար, ուստի նա պատասխանեց.

— Եթե այդպես է, ես կգնամ:

Եվ իր համար անսպասելիորեն ասաց վստահ, բայց կամաց.

— Այժմ ես ոչնչից չեմ վախենում, փա՛ռք աստծու:

— Հրաշալի՛ է,— բացականչեց Նիկոլայն առանց նրան նայելու.— Ահա թե ինչ. դուք ինձ ասացեք, ո՞ր է իմ ճամպրուկը և ճերմակեղենս, թե չէ դուք ամեն բան ձեր գիշատիչ ձեռքն եք առել, և ես միանգամայն զրկված եմ անձնական սեփականությունս համար ազատորեն կարգադրություն անելու հնարավորությունից:

Սաշան լուռ այրում էր վառարանում թղթի կտորները, և երբ այրվում վերջանում էին, խնամքով խառնում էր մոխրի հետ:

— Սա՛շա, դուք գնացե՛ք,— ասաց Նիկոլայը ձեռքը նրան մեկնելով.— Տոտեսություն: Չմոռանա՛ք զրքեր հայթայթել, եթե որևէ հետաքրքիր բան լույս տեսնի: Դեհ, ցտեսություն, թանկագին ընկեր: Զգուշ եղեք...

— Դուք կարծում եք՝ երկա՞ր կմնաք,— հարցրեց Սաշան:

— Սատանա՛ն գիտե դրանց: Հավանորեն որևէ հանցանք են բարդում վրաս: Նիլովնա, միասի՛ն գնացեք, հա՞: Երկուսին դժվար է հետևելը, լա՛վ:

— Գնում եմ,— պատասխանեց մայրը:— Հիմա կհագնե՛վեմ...

Մայրն ուշադրությամբ հետևում էր Նիկոլային, բայց ոչինչ չէր նկատում բացի մտատանջությունից, որ ծածկել էր նրա դեմքի սովորաբար բարի և մեղմ արտահայտությունը: Ոչ շարժումների ավելորդ շփոթ, ոչ հուզմունքի որևէ նշան չէր տեսնում մայրն այդ մարդու մեջ, որ մյուսներից ավելի թանկագին էր իր հումար: Դեպի ամենքը միատեսակ ուշադիր, բոլորի հետ սիրալիր և միահավասար, միշտ հանգիստ, միայնակ, Նիկոլայն ամենքի համար մնացել էր նույնը, ինչ որ առաջ էր, գաղտնի կյանքով ինքն իր մեջ և մարդկանց առջև մի ինչ-որ տեղ ապրող: Բայց մայրը գիտեր, որ նա բոլորից ավելի է մտտեցել իրեն, և մայրը սիրում էր նրան մի զգուշ և կարծես ինքն իրեն չհավատացող սիրով: Այժմ նա անշափ խղճում էր Նիկոլային, բայց զսպում էր իր զգացմունքը՝ գիտենալով, որ եթե ցույց տա, Նիկոլայը կշփոթվի, կամաչի և, ինչպես միշտ, մի քիչ ծիծաղելի կդառնա, մայրը չէր ուզում նրան այդպես տեսնել:

Մայրը նորից մտավ սենյակ: Նիկոլայը Սաշայի ձեռքը սեղմելով ասում էր.

— Հրաշալի՛ է: Դա, ես հավատացած եմ, շատ լավ է նրա համար և ձեզ համար: Մի քիչ անձնական երջանկություն վնաս չունի: Դուք պատրա՞ստ եք, Նիլովնա:

Նա մտաբեցավ մորը ժպտալով և ակնոցն ուղղելով:

— Դե՛հ, ցտեսություն, ես ուզում եմ կարծել, որ ինձ կպահեն երեք-չորս ամիս, կես տարի՝ վերջապես: Կես տարին, դա շատ երկար կյանք է... Պահպանեցե՛ք ձեզ, խնդրում եմ: Հա՞: Եկեք զրկախառնվենք...

Վտիտ ու բարակ՝ նա իր ամուր ձեռքերը գցեց մոր վզով և նայեց նրա աչքերին և ծիծաղեց, ասելով.

— Ես կարծես սիրահարվել եմ ձեզ, ամբողջ ժամանակ զրկախառնվում եմ:

Մայրը լուռ համբուրում էր նրա հակառակ և շրթունքները, իսկ ձեռքերը դողում էին: Որպեսզի Նիկոլայն այդ շնկատի: Նա ձեռքերը հեռացրեց:

— Տեսե՛ք, վազը ավելի՛ զգուշ կղեք: Այ, վազն առավոտ դուք ուղարկեցեք մի տղայի, այնտեղ կուղարկեցի մոտ մի այդպիսի տղա կա, թո՛ղ նա մտիկ անի: Դե՛հ, ցտեսութ՛յուն, ընկերներ: Ամեն բան լա՛վ է...

Սաշան փողոցում մորը կամաց ասաց.

— Ահա այդպես պարզ կերպով նա դեպի մահ էլ կգնա, եթե պետք լինի, և այդպես էլ հավանորեն մի քիչ կշառայի: Իսկ երբ մահը նայի նրա դեմքին, նա ակնոցը կուզղի ու կասի՝ հրաշալի՛ է, ու կմեռնի:

— Միրում եմ ես նրան,— շնչաց մայրը:

— Ես զարմանում եմ նրանով, իսկ սիրել՛ ոչ: Հարգում եմ, շատ: Նա մի տեսակ շոր է, թևե բարի և նույնիսկ գուցե քնքուշ է երբեմն, բայց այդ բոլորը բավական չէ մարդկային լինելու համար... Կարծես մեզ հետեւում են: Արի բաժանվենք: Եվ կուղարկեցի մոտ շատնեք, եթե ձեզ թվա, որ լրա՛ւս կա:

— Ես գիտեմ,— ասաց մայրը:

Բայց Սաշան պնդելով ավելացրեց.

— Զմտնե՛ք: Այն ժամանակ ինձ մոտ կգաք: Ցտեսութ՛յուն առայժմ:

Նա արագ դարձավ և ետ գնաց:

## XXVIII

Մի քանի րոպե հետո մայրը նստած տաքանում էր վառարանի մոտ կուղարկեցի փոքրիկ սենյակում: Տանտիրուհին սև զգեստով, որի վրա գոտի էր կապել, դանդաղ շրջում էր, սենյակը լցնելով խշխշոցով և հրամայող ձայնի հնչյուններով:

Վառարանում ճարձատում և աղմկում էր կրակը՝ սենյակի օդը ներս քաշելով, կնոշ ձայնը հնչում էր համաշափ:

— Մարդիկ շատ ավելի հիմար են քան թե շարժ նրանք կարողանում են տեսնել միայն այն, ինչ մոտ է իրենց, ինչ կարող են իսկույն վերցնել: Իսկ ամեն ինչ, որ մոտ է՝ էժան է, հեռավորն է թանկ: Չէ՞ որ ըստ էության ամենքի համար ձեռնտու և հաճելի կլինեք, եթե կյանքը դառնար այլ, ավելի հեշտ, մարդիկ՝ ավելի խելացի: Բայց դրա համար անհրաժեշտ է, որ այժմ եեթ մտադ մի քիչ անհանգստացնի իրեն...

Հանկարծ մտք դիմաց կանգ առնելով նա ավելի կամաց և կարծես ներողութ՛յուն խնդրելով, ասաց.

— Քիչ եմ տեսնում մարդկանց և, երբ որևէ մեկն ինձ մոտ է գալիս, սկսում եմ խոսել: Միծաղելի՛ է:

— Ինչո՞ւ,— արձագանքեց մայրը: Նա աշխատում էր գուշակել, թե որտեղ է տպագրում այդ կինը, և ոչ մի արտասովոր բան չտեսավ: Դեպի փողոցը երեք լուսամուտ ունեցող այդ սենյակում կային մի բազմոց, դրքերի սրահարան, սեղան, աթոռներ, պատի մոտ անկողինն էր, նրա մոտ, անկյունում լվացարանն էր, մյուս անկյունում վառարանը, պատերին՝ լուսանկարներ: Ամեն ինչ նոր էր, ամուր, մաքուր, և ամեն բանի վրա տանտիրուհու վանական կերպարանքը սառն ստվեր էր գցում: Մի ինչուր ծածկված, թաքցված բան էր զգացվում, բայց որտեղ լինելը հասկանալի չէր: Մայրը զննեց դռները, մեկավ նա այդտեղ էր մտել փոքրիկ նախասենյակից, վառարանի մոտ կար մի ուրիշ դուռ, նեղ ու բարձր:

— Ես ձեզ մոտ գործով եմ եկել,— շփոթված ասաց նա, նկատելով, որ տանտիրուհին դիտում է իրեն:

— Ես գիտե՛մ: Ինձ մոտ այլ կերպ չեն գալիս...

Կուղարկեցի ձայնի մեջ մայրը մի տարօրինակ բան լսեց, նույնց կուղարկեցի դեմքին, նա ժողտում էր բարակ շրթունքների անկյուններով, ակնոցի ապակիների հետևում փայլում էին փայլատ աչքերը: Հայացքը մի կողմ թեքելով մայրը նրան հանձնեց Պավելի ճառը:

— Ահա, խնդրում են որքան կարելի է շո ա տպել...

Եվ սկսեց պատմել Նիկոլայի ձեռքակալվելու նախապատրաստութ՛յունների մասին:

Կուղարկեցի լուռ՝ թուղթը խրեց գոտու տակ, նստեց աթոռին, նրա ակնոցի ապակիներին արտաշոթվեց կրակի կարմիր փայլը, կրակի ջերմ ժպտները խաղացին անշարժ դեմքի վրա:

Երբ նրանք ինձ մոտ գան, ես նրանց վրա կկրակեմ,— կամաց և վճռական արտասանեց կուղարկեցի՝ մոր պատմածը լսելով:— Ես իրավունք ունեմ բռնութ՛յունից պաշտպանվելու և ես պարտավոր եմ կռվել նրանց դեմ քանի որ արիշներին կոչ եմ անում կռվելու:

Կրակի շողքերը ցած սահեցին նրա դեմքից, և դեմքը նորից դարձավ խիստ, մի քիչ աժբարտավան:

«Լուռ չե՞ս պարում»,— հանկարծ սիրալիք մատածեց մայրը:

Կուղարկեցի սկսեց կարդալ Պավելի ճառն ակամա, ապա ավելի ու ավելի էր կռանում թղթի վրա, կարդացած թերթիկներն

արագ մի կողմ դնելով, և վերջացնելով վեր կացավ, շտկվեց, մոտեցավ մորը:

— Ա՛յս լա՛վ է:

Նա մի քիչ մտածեց, մի բռնակ գլուխը կախելով:

— Ես չէի ուզում ձեզ հետ խոսել ձեր որդու մասին, նրան չեմ պատահել և տխուր խոսակցություններ չեմ սիրում: Ես գիտեմ, թե ինչ է նշանակում, երբ մտերիմ մարդն աքսոր է գնում: Բայց ես ուզում եմ հարցնել ձեզ, լա՛վ է այդպիսի որդի ունենալը...

— Այո՛, լա՛վ է, — ասաց մայրը:

— Եվ՝ սարսափելի, այո՛:

Հանդիստ ժպտալով մայրը պատասխանեց.

— Այժմ արդեն սարսափելի չէ...

Լյուդմիլան թուխ ձեռքով ուղղելով հարթ սանրված մազերը դարձավ դեպի պատուհանը: Մի թեթև սովեր էր դողդողում նրա այտերին, գուցե ղսաված ժպտի սովերը:

— Ես շուտ կշարեմ: Դուք պառկեցե՛ք, այսօր ձեզ համար ծանր է եղել, հոգնել էք: Պառկեցեք այստեղ, մահճակալի վրա, ես չեմ քնելու և գիշերը գուցե ձեզ արթնացնեմ ինձ օգնելու համար... Երբ կպառկեք՝ լամպը հանդցրեք:

Նա վառարանը երկու կտոր փայտ զցեց, շտկվեց և հեռացավ վառարանի մոտ գտնվող նեղ դռնով, դուռը հետևից պինդ փակելով: Մայրը նայեց նրա հետևից և սկսեց հանվել մտածելով տանտիրուհու մասին.

«Ինչ-որ բանի կարոտ է քաշում...»

Հոգնածությունը պատում էր նրա գլուխը, իսկ հոգին տարօրինակ կերպով հանգիստ էր, և աչքերում ամեն ինչ լուսավորվում էր մեղմ ու փաղաքշող լույսով, որ կամաց և հավասարապես լցվում էր կուրծքը: Նա արդեն ծանոթ էր այդ հանգրստությանը, դա երևում էր միշտ մեծ հուզմունքներից հետո, թեև առաջներում մի փոքր անհանգստացնում էր իրեն, բայց այժմ միայն լայնացնում էր հոգին, ամրապնդելով մեծ և զորեղ զգացմունքով: Մայրը լամպը հանդցրեց, պառկեց սառն անկողնում, վերմակի տակ կուչ եկավ և շուտով քնեց խոր քնով...

Իսկ երբ աչքերը բացեց, սենյակը լի էր ձմեռային պարզ օրվա սառն սպիտակ լույսով, տանտիրուհին գիրքը ձեռքին պառկած էր բազմոցին և ոչ իր նման ժպտալով՝ նայում էր նրա երեսին:

— Վա՛յ, — շփոթված բացականչեց մայրը: — Այս ինչքա՛ն եմ քնել, ժամը քանի՞սն է, հը՛:

— Բարի՛ լույս, — արձագանքեց Լյուդմիլան: — Շուտով տասը կլինի, վեր կացեք թեյ խմենք:

— Ինչո՞ւ ինձ շարթնացրիք:

— Ուզում էի: Մոտեցա ձեզ, իսկ դուք այնպես լավ ժրպտում էիք քնի մեջ...

Ամբողջ մարմնի ձկուն շարժումով նա վեր կացավ բազմոցից, մոտեցավ անկողնին, կոացավ մոր դեմքի վրա, և մայրը նրա անփայլ աչքերում տեսավ մի ինչ-որ հարազատ, մտերիմ և հասկանալի բան:

— Մեղքս գալիս էր ձեզ խանգարել, գուցե դուք նրջանիկ երազ էիք տեսնում...

— Ոչի՛նչ չէի տեսնում:

— Է՛հ, միևնույն է: Բայց ինձ դուր եկավ ձեր ժպտը: Այնպես խաղաղ էր, բարի... մե՛ծ:

Լյուդմիլան ծիծաղեց, նրա ծիծաղը հնչում էր ոչ բարձր, թավշի փափկություններ:

— Ես մտածում էի ձեր մասին... Ձեր կյանքը ծա՛նր է: Մայրը հոնքերը շարժելով լուռ մտածում էր:

— Իհարկե՛ ծանր է, — բացականչեց Լյուդմիլան:

— Չգիտեմ իսկապես, — զգուշորեն ասաց մայրը: — Երբեմն ծանր է թվում: Բայց այնքան շատ բան կա, բոլորն այնպես լուրջ, զարմանալի, իրար հետևից անցնում են այնպես արագ...

Նրան ծանոթ կայտառ գրգիռի ակիբը բարձրանում էր կըրծքում, սիրտը լցնելով պատկերներով ու մտքերով: Նա նստեց անկողնում մտքերն շտապ-շտապ զգեստավորելով բառերով:

— Գնում է, գնում, բոլորը մի բանի... Մանր բան շա՛տ կա, գիտեք: Մարդիկ տանջվում են, նրանց ծեծում են, անգթություն ծեծում, և շատ ուրախություններ արգելված են նրանց, այժմ շա՛տ ծանր է:

Լյուդմիլան զլուխն արագ վեր բարձրացնելով նայեց նրան գրկախառնվող հայացքով և նկատեց.

— Դուք ձե՛ր մասին չեք խոսում:

Մայրը նայեց նրան, վեր կացավ անկողնից և հագնվելով, ասում էր.

— Բայց, ախր ի՞նչպէս կարող ես մի կողմ քաշվել, երբ մեկին սիրում ես, և նա թանկ է, ու ամենքի համար վախենում ես, ամենքին խղճում ես, ամեն բան սրտիդ է դիպչում... Ի՞նչպէս հեռու կենաս:

Սենյակի մեջտեղը կիսահագնաված կանգնած՝ նա մի ընկած մտածմունքի մեջ ընկավ: Նրան թվաց, թե շկա ինքը, ինքը, որ ապրում էր որդու համար անհանգստանալով և վախենալով, նրա մարմինը պաշտպանելու մտքերով, շկա ինքը իբրև այդպիսին, անջատվել է, գնացել հեռու, և գուցե բոլորովին այրվել է հուզմունքի կրակում, և դա թեթևացրեց, մաքրեց հոգին, նորոգեց սիրտը նոր ուժով: Նա ունկնդրեց ինքն իրեն՝ կամենալով նայել իր սրտի խորքը և վախենալով նորից արթնացնել այնտեղ մի որևէ հին, վրդովեցնող բան:

— Ինչի՞ մասին եք մտածում, — սիրալիք հարցրեց տանտիրուհին մոտենալով նրան:

— Չգիտեմ, — պատասխանեց մայրը:

Քիչ լուռ մնացին՝ իրար նայելով, երկուսն էլ ժպտացին, ապա կյուզմիլան սենյակից դուրս գնաց ասելով.

— Տեսնեմ ինչ է անում ինքնաեռը:

Մայրը պատուհանից նայեց, փողոցում փայլում էր սառը ցրտաշունչ օրը, մոր կրծքի տակ ևս պայծառ էր, բայց տաք: Նա ցանկութուն ուներ խոսելու ամեն բանի մասին, շատ, հրճվալից, երախտագիտութան մի աղոտ զգացումով դեպի մի անհայտ ոմն այն բոլորի համար, ինչ որ մտել էր իր հոգու մեջ և կարմրին էր տալիս այնտեղ երեկոյան վերջալույսի լույսով: Աղոթելու վաղուց շժագող ցանկութունը նրան վրդովում էր: Մեկի երիտասարդ դեմքը մտաբերեց, հիշողության մեջ գոչեց մի զիլ ձայն՝ «սա Պավել Վլասովի մա՛յրն է»... Հրճվագին և քնքրորեն շողացին Սաշայի աչքերը, աչքի առջև կանգնեց Ռիբինի մութ կերպարանքը, ժպտում էր որդու բրանդե, ամրապինդ դեմքը, շփոթված թարթում էր աչքերը նիկոլայը, և հանկարծ ամեն ինչ ցնցվեց խոր ու թեթև շունչ քաշելուց, խառնվեց և խճճվելով դարձավ թափանցիկ, գույնզգույն ամպ, որը բոլոր մտքերն ընդգրկել էր հանգստի զգացումով:

— Նիկոլայն իրավացի՞ էր, — ասաց կյուզմիլան ներս մըտնելով: — Նրան ձերբակալել են: Ես տղային այնտեղ ուղարկեցի, ինչպէս դուք ասացիք: Նա ասում էր, թե բակում ոստիկաններ կային, տեսել է մի ոստիկանի, որը թաքնվել է դարպասի

հետևում: Եվ խուզարկուները շրջելիս են եղել, աղան նրանց ճանաչում է:

— Այդպէս, — ասաց մայրը գլխով անելով: — Ա՛խ, խեղճ...

Հատաչեց, բայց առանց տխրելու և կամաց զարմանում էր այդ բանի վրա:

— Նա վերջին ժամանակներս շատ էր կարդում քաղաքի բանվորների մոտ, և ընդհանրապես նրա ժամանակն էր հեռանալու, — մոռյլ և հանգիստ նկատեց կյուզմիլան: — Ընկերներն ասում էին՝ գնա՛: Չլսեց: Իմ կարծիքով, այդպիսի դեպքերում պետք է ստիպել, այլ ոչ թե հորդորել...

Շեմքում կանգնեց մի սեահեր և կարմրաթուշ տղա գեղեցիկ կապույտ աչքերով և սապատավոր քթով:

— Ինքնաեռը նե՞րս բերեմ, — զիլ ձայնով հարցրեց նա:

— Խնդրեմ, Սերյո՞ժա: Իմ սանն է:

Մորը թվում էր, թե կյուզմիլան այդ օրն ուրիշ տեսակ է, ավելի պարզ ու մտերիմ է իր հետ: Նրա բարեկամ մարմնի ճկուն շորորանքի մեջ կար շատ գեղեցկութուն և ուժ, որ որոշ չափով մեղմացնում էր խիստ և գունատ դեմքը: Գիշերվա ընթացքում ավելացել էին նրա աչքերի տակի շրջանակները: Եվ նրա մեջ զգացվում էր լարված ձիգ, հոգու մեջ զիլ ձգված մի լար:

Տղան ինքնաեռը ներս բերեց:

— Սանթաքի՛ր, Սերյո՞ժա: Պելագիյա Նիլովնան է, այն բանվորի մայրը, որին երեկ դատապարտեցին:

Սերյոժան լուռ գլուխ տվեց, սեղմեց մոր ձեռքը, դուրս եկավ բուլկի բերեց և նստեց սեղանի մոտ: կյուզմիլան թեյ լըցնելով մորը համոզում էր տուն շքնալ, մինչև շաբաթվի, թե ոստիկանութունն ո՞ւմ է սպասում այնտեղ:

— Դուցե ձե՛զ է սպասում: Չե՞ղ երևի հարցուփործ կանեն...

— Թո՛ղ անեն, — արձագանքեց մայրը: — Չերբակալեն էլ՝ փուլթս չի: Միայն թե առաջ Պաշայի ճառը ցրենք:

— Արդեն շարված է: Վաղը կարող է պատրաստ լինել քաղաքի և ավանի համար... Դուք ճանաչո՞ւմ եք Նատաշային:

— Ինչպե՞ս չէ՛:

— Կտանեք, նրան կտաք...

Տղան լրագիր էր կարդում և կարծես ոչինչ չէր լսում, բայց երբեմն նրա աչքերը նայում էին թերթի հետեից մոր դեմքին, և երբ մայրը նկատում էր նրանց աշխույժ հայացքը, դուր էր գալիս

այդ իրեն, ժպտում էր: Լյուդմիլան նորից հիշեց Նիկոլային, առանց խղճալու նրան՝ ձերբակալվելու համար, իսկ մորը կատարելապես բնական էր թվում նրա տոնը: Ժամանակն անցնում էր ավելի արագ, քան ուրիշ օրեր, երբ թեյ խմելը վերջացրին, արդեն կեսօրին մոտ էր:

— Այդպիսի բանե՛ր,— բացականչեց Լյուդմիլան:

Ի՞նչ: Տենց այդ ժամանակ դուռն շտապ խփեցին: Տղան վեր կացա՛ւ: հարցականորեն նայեց տանտիրուհուն աչքերը կկոցելով:

— Բա՛ց, Սերյոժա, Ո՞վ կարող է լինել:

Եվ հանգիստ շարժումով Լյուդմիլան ձեռքը շրջազգեստի գրպանը տարավ՝ մորն ասելով:

— Եթե ժանդարմներ են, դուք, Պելագե՛յա Նիրովնա, ահա այստեղ կանգնեցեք, այս անկյունում: Իսկ դու, Սերյո՛ժա...

— Ես գիտեմ,— կամաց պատասխանեց տղան անհայտանալով:

Մայրը ժպտաց: Այդ պատրաստութունները նրան չէին հուշում, նրա մեջ փորձանքի նախազգացում չկար:

Մտավ փոքրիկ բժիշկը: Նա շտապ ասաց.

— Նախ՝ Նիկոլայը ձերբակալված է: Հա՛, դուք այստե՞ղ եք, Նիրովնա: Ձերբակալման ժամանակ դուք չկայի՞ք:

— Նա ինձ այստեղ էր ուղարկել:

— Հը՛մ, ես չեմ կարծում, որ դա ձեզ համար օգտակար է... Երկրորդ՝ այս գիշեր զանազան երիտասարդներ հեկտոգրաֆով մի հինգ հարյուր օրինակ ճառ են տպագրել: Ես տեսել եմ, վատ չի տպված, դյուրընթեռնելի, պարզ է: Նրանք ուզում են երեկոյան ցրել քաղաքում: Ես դեմ եմ, քաղաքի համար հարմար են տպագրված թերթիկները, իսկ դա հարկավոր է որևէ տեղ ուղարկել:

— Ա՛յ, ես հենց դրանք կտանեմ Նատաշային,— շտապ բացականչեց մայրը:— Տվեք տեսնե՛մ:

Նա սաստիկ ցանկանում էր շուտով տարածել Պավելի ճառը, ամբողջ աշխարհը ողողել որդու խոսքերով և նայում էր բժշկի դեմքին պատասխան սպասող աչքերով, խնդրելու պատրաստ:

— Սատանան գիտե, թե որքան հարմար է ձեզ համար այժմ զբաղվել այդ գործով,— անվճռականորեն ասաց բժիշկը և ժամացույցը հանեց:— Այժմ տասնմեկից քառասուներեք ը-

պե անց է, գնացքը երկուսից հինգ անց է գնում, ճանապարհը տևում է հինգ ժամ տասնհինգ րոպե: Դուք կհասնեք երեկոյան, բայց ոչ հարկավոր չափով ուշ: Եվ բանն այդ չի...

— Այդ չի,— կրկնեց տանտիրուհին հոնքերը կիտելով:

— Իսկ ի՞նչ է,— հարցրեց մայրը նրանց մոտենալով:—

Միայն այն, որ լավ կատարվի...

Լյուդմիլան լարված նայեց նրան և ճակատը տրորելով նկատեց.

— Ձեզ համար վտանգավոր է...

— Ինչո՞ւ,— տաք-տաք և պահանջկոտ բացականչեց մայրը:

— Ահա թե ինչո՞ւ,— ասաց բժիշկն արագ ու թոթովելով:—

դուք տանից անհետացել եք Նիկոլայի ձերբակալումից մեկ ժամ առաջ: Դուք գնում եք գործարան, ուր ձեզ ճանաչում են իբրև վարժուհու մորաքույր: Ձեր գալուց հետո գործարանում վնասակար թուրքիկներ են հայտնվում: Այս բոլորն իրար հետ համընկնելով՝ հանգույց են գոյացնում ձեր պարանոցի շուրջը:

— Այնտեղ ինձ չեն նկատի,— համոզում էր մայրը՝ տաքանալով:— Իսկ վերադառնամ տուն, կձերբակալեն, կհարցնեն, թե որտեղ էի...

Մի վայրկյան կանգ առնելով նա բացականչեց.

— Ես գիտեմ, թե ի՞նչ կասեմ: Այնտեղից ես ուղղակի կգնամ ավան, ես այնտեղ ծանոթ ունեմ, Սիզովը, ես կասեմ, թե իբր դատարանից ուղղակի գնացել եմ նրա մոտ, վիշտն է իբր տարել ինձ: Նա էլ վիշտ ունի, քոջ տղային դատապարտել են: Նա նույն ցուցմունքը կտա: Տեսնո՞ւմ եք:

Ձգալով, որ նրանք զիջելու են իր ցանկության ուժին, ձրգտելով շուտով հարկադրել նրանց այդ անելու, նա ավելի ու ավելի էր պնդում: Եվ նրանք զիջեցին:

— Ի՞նչ արած, գնացե՛ք,— դժկամորեն համաձայնեց բժիշկը:

Լյուդմիլան լուռ անցուդարձ էր անում սենյակում: Նրա դեմքը մթնել էր, դուրս պրծել, իսկ գլուխը պահում էր՝ նկատելիորեն լարելով պարանոցի մկանները, կարծես գլուխը հանկարծակի ծանրացել և ակամա կախ էր ընկնում կրծքի վրա: Մայրն այդ նկատեց:

— Դուք բոլորդ ինձ խնայում եք,— ժպտալով ասաց նա:—

Ձեզ չեք խնայում...

— Ծիշտ չի,— պատասխանեց բժիշկը:— Մենք մեզ խնա-

յում ենք, պե՛տք է խնայենք: Եվ խիստ հայհոյում ենք նրան, ով անօգուտ կերպով սպառում է իր ուժերը, այո՛ւ: Հիմա, ահա՛ թե ինչ, ճառը դուք կստանաք կայարանում...

Նա մորը բացատրեց, թե այդ ինչպես են անելու, ապա նայեց նրա դեմքին, ասաց.

— Դե՛հ, հաջողութ՞յուն եմ ցանկանում:

Եվ դնաց այնուամենայնիվ ինչ-որ բանից դժգոհ, Երբ դուռը նրա հետևից փակվեց, կյուրմիլան մոտեցավ մորը, ծիծաղելով անձայն:

— Ես ձեզ հասկանում եմ...

Մորը թեև նցուկ անելով նա նորից սկսեց սենյակում անցուղարձ անել:

— Նա էլ որդի ունեմ: Նա արդեն տասներեք տարեկան է, բայց հոր մոտ է ապրում: Իմ ամուսինը դատախազի օգնական է: Եվ տղաս նրա հետ է: Նա ի՞նչ կդառնա, հաճախ մտածում եմ ես...

Նրա տամուկ ձայնը ցնցվեց, ապա նորից մտախոհ ու կամաց հնչեց խոսքը:

— Նրան դաստիարակում է ա՛յն մարդկանց գիտակից թըշնամին, որոնք մոտ են ինձ, որոնց ես համարում եմ աշխարհիս լավագույն մարդիկը: Որդիս կարող է մեծանալ իբրև մի թըշնամի: Նա չի կարող ինձ հետ ապրել, և ուրիշի անվան տակ եմ ապրում: Ութ տարի է՝ շեմ տեսել նրան, դա շա՛տ է, ո՛ւթ տարի:

Պատահանի մոտ կանգ առնելով, նայում էր դժգույն, ամալի երկնքին, շարունակելով.

— Եթե նա ինձ հետ լիներ. ես ավելի զորեղ կլինեի, շէի ունենա սրտումս այն վերքը, որը միշտ ցավում է: Եվ նույնիսկ եթե նա մեռներ, ես ավելի հանգիստ կլինեի...

— Աղավնյա՛կս, — կամաց ասաց մայրը՝ զգալով, թե կարեկցութունն ինչպես է այրում իր սիրտը:

— Դուք երջանի՛կ երես երեք, — ժպտալով արտասանեց կյուրմիլան: — Դա հրաշալի՛ է, մայր և որդի իրար կողքի, դա հազվագյուտ բան է:

Վլասովան իր համար անսպասելիորեն բացականչեց.

— Այո, լա՛վ է: — Եվ կարծես գաղտնիք հաղորդելով, ձայնն իջեցնելով շարունակեց: — Դուք բոլորդ, Նիկոլայ Իվանովիչը, ճշմարտության բոլոր մարդիկ, նույնպես իրար կողքի եք: Հան-

կարծ մարդիկ հարազատների են դարձել, բոլորիդ հասկանում եմ: Խոսքերդ շեմ հասկանում, իսկ բոլոր մնացածը՝ հասկանում եմ:

— Ա՛յ թե ի՞նչ, — ասաց կյուրմիլան: — Ա՛յ թե ի՞նչ...

Մայրը ձեռքը դրեց նրա կրծքին և կամաց հրելով, խոսում էր գրեթե շշնջալով և կարծես դիտելով այն, ինչի մասին խոսում է:

— Խմբովին գալի՛ս են երեխաները: Ա՛յ թե ես ինչ եմ հասկանում, աշխարհումս գալիս են երեխաները, ամբողջ երկրի վրա, բոլորը, ամեն կողմից՝ դեպի միևնույն նպատակը: Գալիս են ամենալավ սրտերը, ազնիվ խելքի տեր մարդիկ, անվախ վրա են տալիս ամեն մի շարիքի, գալիս են, ամուր ոտներով կոխտում ստությունը: Երիտասարդ, առողջ, նրանք բերում են իրենց անհաղթելի ուժերը բոլորը դեպի մի բան, դեպի արդարություն: Գալիս են հաղթելու մարդկային ամբողջ ցավը, զինվել են ոչնչացնելու արար աշխարհի դժբախտությունները, գալիս են հաղթահարելու այլանդակը և կհաղթահարեն: Նոր արև կվառենք, ասում էր ինձ մեկը, և կվառեն: Կմիացնենք բոլոր կոտրված սրտերը, մի սիրտ կդարձնենք, կմիացնեն:

Նա հիշում էր մոռացված աղոթքների խոսքերը, նոր հավատով վառվելով նա դուրս էր նետում դրանք իր սրտից կայծերի պես:

— Դեպի ամեն ինչ սեր են տածում երեխաները, որոնք գնում են ճշմարտության և գիտակցության ճանապարհներով, և ամեն բան զոհստավորում են նոր երկինքներով, ամեն բան լուսավորում են մշտնջենական լույսով, հոգու միջից: Նոր կյանք է առաջ գալիս դեպի ամբողջ աշխարհը երեխաների տաժած սիրտ բոցի մեջ: Եվ ո՞վ կհանգցնի այդ սերը, ո՞վ: Ի՞նչ ուժ կա դրանից բարձր, ով կհաղթահարի այն: Երկիրն է ծնել այդ սերը, և ամբողջ կյանքը նրա հաղթութունն է ցանկանում, ամբողջ կյանքը:

Նա ընկրկեց կյուրմիլայից՝ հուզմունքից հոգնած, և նստեց ծանր հեկալով: կյուրմիլան նույնպես հեռացավ անաղմուկ, զգույշ, կարծես վախենալով, թե մի բան կխորտակի: Նա ճկունությամբ անցուղարձ էր անում սենյակում, իր առջևն էր նայում անփայլ աչքերի խոր հայացքով և կարծես ավելի բարձր, շիտակ, բարակ էր գարձել: Նրա նիհար, խիստ դեմքը կենտրոնացած էր և շրթունքները ջղայնորեն սեղմված: Սենյակի խաղաղությունը

շուտով հանգստացրեց մորը. Լյուդմիլայի տրամադրութիւնը նկատելով, նա հանցավորի պես և ցածր ձայնով հարցրեց.

— Ես գուցե որեւէ բան այնպե՞ս չասացի...

Լյուդմիլան արագ ետ դարձավ, նայեց նրան կարծես վախեցած և շտապ-շտապ խոսեց ձեռները մեկնած դեպի մայրը, կարծես ուզենալով մի բան կանգնեցնել:

— Բոլորն այդպես է, այդպես է: Բայց այլևս չենք խոսի այդ մասին: Թող դա մնա այնպես, ինչպես ասվեց:— Եվ ավելի հանգիստ շարունակեց.— դուք շուտով արդեն պետք է գնաք, չէ՞ որ հեռու է:

— Այո՛, շուտով: Ա՛խ, ինչքա՛ն ուրախ եմ, եթե իմանալի՛ք: Որդուս խոսքն եմ տանելու, իմ արյունի խո՛սքը: Չէ՞ որ դա նույնն է թե՛ սեփական հոգի՛ս:

Նա ժպտում էր, բայց նրա ժպիտը պարզ չէր անդրադառնում Լյուդմիլայի դեմքին: Մայրն զգում էր, որ Լյուդմիլան սառեցնում է այդ ուրախութիւնն իր զսպվածութեամբ, և հանկարծ նրա մեջ ծագեց մի համառ ցանկութիւն, այդ խիստ հոգու մեջ թափելու իր կրակը, վառելու այն, թո՛ղ նա էլ հնչի ուրախութեամբ լի սրտին ներդաշնակ: Նա վերցրեց Լյուդմիլայի ձեռները, ամուր սեղմեց ասելով.

— Իմ թանկագին: Ի՛նչ լավ է, երբ չմանում ես, որ կյանքում արդեն լույս կա բոլոր մարդկանց համար, և կգա ժամանակը նրանք կտեսնեն այդ լույսը, հոգով կգրկախառնվեն նրա հետ:

Նրա բարի, մեծ դեմքը ցնցվում էր, աչքերը ճաճանշափայլ ժպտում էին, և հոնքերը դողդողում էին նրանցից վեր, կարծես նրանց փայլը թևավորելով: Նրան արբեցնում էին մեծ մտքերը, նա այդ մտքերի մեջ էր դնում այն ամենը, ինչով այրվում էր իր սիրտը, ինչ կարողացել էր վերապրել, և մտքերը սեղմելով դարձնում էր լուսավոր խոսքերի ամուր ծանրակշիռ բյուրեղներ: Նրանք ավելի ու ավելի մեծ թափով էին ծնվում աշնանային սրտի մեջ, որը լուսավորված էր գարնան արևի ստեղծարար ուժով, ավելի ու ավելի վառ էին ծաղկում և կարմրին տալիս նրա մեջ:

— Չէ՞ որ կարծես նոր աստված է ծնվում մարդկանց համար: Ամեն ինչ ամենքի՛ համար, ամենքն ամեն ինչի՛ համար: Ես այսպես եմ հասկանում ձեզ բոլորիդ: Հիրավի, դուք բոլորդ

ընկերներ եք, բոլորդ հարազատներ եք, բոլորդ մի մոր՝ ճշմարտութեան զավակներն եք:

Նորից իր հուզմունքի ալիքով տարված, նա կանգ առավ, շունչ քաշեց և լայն շարժումով, կարծես գրկելու համար, ձեռները տարածելով ասաց.

— Երբ ինքս իմ մեջ ասում եմ այդ ընկերներ բառը, սըրտով լսում եմ, որ գալի՛ս են:

Մայրը հասավ նրան, ինչի ձգտում էր, Լյուդմիլայի դեմքը զարմացած բոցավառվեց, շրթունքները դողում էին, աչքերից գլորվում էին արցունքները խոշոր ու վճիտ:

Մայրն ամուր գրկեց նրան, անմունչ ծիծաղեց՝ թեթևակի հպարտանալով իր սրտի հաղթութեամբ: Երբ նրանք իրար հրածեղտ էին տալիս, Լյուդմիլան նայեց նրա դեմքին և կամաց հարցրեց.

— Դուք գիտե՞ք, որ ձեզ հետ լինելը լա՛վ է:

## XXIX

Փողոցում սառնաշունչ օդը չոր և ամուր գրկեց մոր մարմինը, թափանցեց կոկորդը, խաղտացրեց քիթը և մի վայրկյան վրձնեց ճնշեց շնչառութիւնը: Կանգ առնելով մայրը շուրջը նայեց. մոտիկ անկյունում կանգնած էր բրդոտ գլխարկով մի կառապան, հեռվում գնում էր մի մարդ կռացած, գլուխն ուսերի մեջ քաշած, իսկ նրա առջևից ցատկոտելով վազում էր մի զինվոր ականջները շփելով:

«Երևի խանութ են ուղարկել զինվորին»,— մտածեց մայրը և քայլեց հաճույքով ականջ դնելով, թե ինչպես թարմ և հնչեղ է ճոճում ձյունն իր ոտների տակ: Նա վաղ հասավ կայարան, գնացքը դեռ պատրաստ չէր, բայց երրորդ կարգի կեղտոտ, ծխից սևացած դահլիճում արդեն շատ ժողովուրդ էր հավաքվել, ցուրտն այդտեղ էր քշել երկաթուղային բանվորներին, տաքանալու էին եկել կառապանները և ինչ- որ վատ հագնված անօթեան մարդիկ: Կային նաև ճանապարհորդներ, մի քանի գյուղացի, մի հաստ վաճառական ջրարջի մորթուց մուշտակը հագին, մի քահանա իր շեշտ աղջկա հետ, հինգ զինվոր, անհանգիստ մեշշաններ: Մարդիկ ծխում էին, խոսում, թեյ, օղի խմում: Բուֆետի մոտ մեկը որոտընդոտ ծիծաղում էր, գլուխների վրայով պըտտում էին ծխի ալիքները: Դուռը բացվելիս ճոճում էր, դողդո-



գում ու զրնգում էին ապակիները, երբ դուրսը շրտակալով փակում էին: Միսխոտի և աղած ձկան հոտը թունդ խփում էր մարդու քթին:

Մայրը նստեց մուտքի մոտ այնպես, որ նկատվի, և սպասում էր: Երբ դուրս բացվում էր, նրա վրա էր թռչում սառն օդի հոսանքը, դա հաճելի էր նրա համար, և նա ամբողջ կրծքով խոր ներշնչում էր այդ օրը: Մտնում էին կապոցները ձեռքերին մարդիկ ծանր հագնված, նրանք անշնորհ կերպով դեմ էին քնկնում գունդին, հայհոյում և խրեղենները նետելով հաստակին կամ երկար նստարանին՝ վերաբերունների օձիքներից և թեկերից թափ էին տալիս շոր եղյամբ, օրբում մորուքի և քնչացքների վրայից, կանչում:

Մտավ մի երիտասարդ դեղին ճամպուրուկը ձեռքին, արագ շուրջը նայեց և գնաց ուղիղ դեպի մայրը:

- Մոսկվա՞, — կամաց հարցրեց նա:
- Այո: Ճանչալի մոտ:
- Ահա՛:

Նա ճամպուրուկը դրեց մոր մոտ նստարանի վրա, արագ հանեց մի ծխախոտ, վառեց և դիտարկը բարձրացնելով լուռ հեռացավ դեպի մյուս դռերը: Մայրը ձեռքով շփեց ճամպուրուկի սառը կաշին, թիկնեց վրան և գոհ՝ սկսեց դիտել ժողովրդին: Մի րոպե հետո նա վեր կացավ և անցավ մի ուրիշ նստարան՝ կառամատույցի մուտքին ավելի մտո: Ճամպուրուկը նա հեշտությամբ էր ձեռքում պահում, մեծ շէր, և քայլում էր գլուխը բարձրացրած, իր առջև երևացող դեմքերը դիտելով: Կարճ վերարկու հագած, օձիքը բարձրացրած մի երիտասարդ դիպավ մորը և լուռ եւր ցատկեց՝ ձեռքը դեպի գլուխը թափահարելով: Այդ մարդու մեջ ինչ-որ մի բան ծանոթ թվաց մորը, մայրը ետ նայեց և տեսավ, որ նա օձիքի տակից պսպրացող մի աչքով նայում է իրեն, Այդ ուշադիր աչքը խաչթեց մորը, ճամպուրուկը բռնող ձեռքը ցնցվեց, և բեռը հանկարծ ծանրացավ:

«Ես մի ինչ-որ տեղ տեսել եմ նրան», — մտածեց մայրը այդ մարդով ծածկելով կրծքում առաջացած անախորժ և աղոտ զգացումը, ուրիշ բաների թույլ շատով որոշելու այն զգացմունքը, որ կամացուկ, բայց տիրաբար սառը սեղմեց իր սիրտը: Իսկ այդ զգացմունքն աճում և բարձրանում էր դեպի կոկորդը, բերանը լցնում էր շոր գառնությամբ. մայրն անդիմադրելիորեն ցանկանում էր դառնալ, մի անգամ ևս նայել: Նա այդպես էլ

արեց. այն մարդն զգուշությամբ մի ասից մյուսի վրա հենվելով կանգնել էր նույն տեղը, թվում էր, թե նա ինչ-որ բան է ուզում կատարել և սիրտ չի անում: Նրա աջ ձեռքը խրված էր վերարկուի կոճակների արանքը, մյուսը գրպանում էր պահում, դրանից նրա աջ ուսը ձախից ավելի բարձր էր թվում:

Մայրն առանց շտապելու մոտեցավ նստարանին և նստեց զգուշ, դանդաղորեն, կարծես վախենալով, թե իր մեջ մի բան կարող է կտրվել: Փորձանքի սուր նախազգացումից արթնացած հիշողությունը երկու անգամ մոր առջև դրեց այդ մարդուն, մի անգամ գաշտում, քաղաքից դուրս, Ռիբենի փախուստից հետո, մյուս անգամ՝ գառնաբանում: Այդտեղ այդ մարդու կողքին կանգնած էր այն թաղական սատիկանը, օրին մայրը սխալ էր ցույց տվել Ռիբենի ճանապարհը: Մորը ճանաչում էին, նրան հետևում էին, դա պարզ էր:

«Բռնվեցի՞ր», — հարցրեց մայրն ինքն իրեն: Իսկ հետևյալ ակնթարթում պատասխանեց ցնցվելով.

«Գուցե դեռ ոչ...»

Եվ խսկույն եեթ իր վրա ճիգ գործ դնելով՝ խստությամբ ասաց.

«Բռնվեցի՞ր»:

Շուրջն էր նայում և աչինչ շէր տեսնում, իսկ մաքերն իրար հետևից կայծերի պես բռնկվում էին ու հանգչում նրա ուղեղում:

«Ճամպուրուկը թողնեմ գնա՞մ»:

Բայց ավելի վառ փալլվում էր մի ուրիշ կայծ.

«Որդուս խոսքերը գցե՞մ: Այդպիսի ձեռքերի մեջ...»

Նա ճամպուրուկը սեղմեց իրեն:

«Իսկ եթե վերցնեմ հեռանա՞մ... Փախեմ...»

Այդ մտքերը նրան խորթ էին թվում, կարծես դրսից մեկը դրանք խոթում էր իր գլուխը: Դրանք այրում էին մորը, դրանց դաղոցները ցավադին խալթում էին նրա ուղեղը, մտրակում սիրտը ասես կրակե թելերով: Եվ ցավ հարուցելով վիրավորում էին այդ կեռքը, նրան հեռու քշում հենց իրենից, Պավելից և այն բոլորից, ինչ արդեն բուսել-կպել էր նրա սրտին: Նա զգում է, որ իրեն համառորեն սեղմում է մի թշնամական ուժ, ճնշում իր ուսերն ու կուրծքը, ստորացնում իրեն մեռյալ երկյուղի մեջ խորասուզելով. նրա քունքերի երակներն ուժգին զարկեցին և մազերի արմատները տաքացան:

Այդ ժամանակ սրտի մի մեծ շեշտակի ջանքով, որը կար-

ծես ամբողջովին թափ տվեց նրան, մայրը հանգցրեց այդ բուրբ խորամանկ, փոքրիկ, թույլ կրակները, հրամայողաբար ինքն իրեն ասելով.

«Ամաշի՛ր»:

Նա խսկույն իրեն ավելի լավ զգաց և բուրբովին ամրապընդվեց, ավելացնելով.

«Գեթ որդե՛ղ մի խայտառակիր: Ոչ ոք չի վախենում»:

Նրա աչքերը հանդիպեցին մեկի թախծոտ, երկշոտ հայացքին: Ապա նրա հիշողության մեջ առկայծեց Ռիբինի դեմքը: Մի քանի վայրկյան տեսած տատանումները կարծես ամեն ինչ խտացրին նրա մեջ: Միտքն սկսեց ավելի հանգիստ բարախել:

«Հիմա ի՞նչ է լինելու տեսնես», — մտածում էր նա շուրջը դիտելով:

Լրտեսը մոտ կանչեց պահակին և ինչ-որ բան շնջաց՝ աչքերով մորը նշելով: Պահակը գննեց լրտեսին և ետ ընկրկեց: Մոտեցավ մի ուրիշ պահակ, ականջ դրեց, կիտեց հոնքերը: Նա ծեր էր, խոշոր, ալևոր, շափրված: Ահա նա լրտեսին գլխով արեց և գնաց դեպի այն նստարանը, որի վրա մայրն էր նստած, իսկ լրտեսն արագորեն անհետացավ:

Մերունին քայլում էր առանց շտապելու, բարկացած աչքերով ուշի-ուշով շոշափելով մոր դեմքը: Մայրը քաշվեց դեպի նստարանի մեջտեղը:

«Միայն թե չծեծեն...»

Պահակը կանգ առավ մոր կողքին, քիչ լուռ մնաց և ցածր ձայնով դաժանորեն հարցրեց.

— Ի՞նչ ես մտիկ տալիս:

— Ոչինչ:

— Հա՛, գող ես հա՛: Պառավ ես արդեն, բայց էլի գողութուն ես անում:

Մորը թվաց, թե նրա խոսքերը հարվածում են իր դեմքին, մե՛կ, երկ՛ու. այդ շարամիտ, խոպոտ բառերը ցավ էին պատճառում իրեն, կարծես ճանկոտում էին այտերը, մտրակում էին աչքերը...

— Ե՛ս: Ես գող չեմ, ստո՛ւմ ես, — գռչեց մայրն ամբողջ կրծքով, և նրա առջև ամեն ինչ պտտվեց նրա վրդովմունքի մրրկի մեջ, սիրտը վիրավորանքի դառնությամբ լցնելով: Մայրը քաշեց ճամպրուկը, և նա բացեց:

— Մտի՛կ արա: Մտի՛կ արեք բուրդը, — գոռում էր մայրը

վեր կենալով, գլխից վեր մի կապոց պրոկլամացիաներ թափահարելով: Ականջների խշշոցի միջով նա լսում էր վազելով հավաքվող մարդկանց բացականչությունները և տեսնում, որ ամեն կողմից վազում են արագ-արագ, ամենքը:

— Ի՞նչ է պատահել:

— Ա՛յ, հետախույզը...

— Ի՞նչ բան է սա:

— Գողութուն է արել, ասում են...

— Այդպես պատկանելի, վա՛յ-վա՛յ-վա՛յ:

— Ես գող չե՛մ, — ասում էր մայրը լիաձայն, մի քիչ հանգըստացած, տեսնելով մարդկանց, որոնք ամեն կողմից խոնքվում էին:

— Երեկ դատում էին քաղաքականների, այնտեղ էր իմ որդին՝ Վլասովը, նա ճառ ասաց, ահա՛ այդ ճառը: Ես տանում եմ՝ մարդկանց բաժանեմ, որ նրանք կարդան, մտածեն ճշմարտության մասին...

Մեկն զգուշությամբ նրա ձեռքերի միջից թղթերը քաշեց, մայրը թղթերը թափ տվեց օդում և նետեց ամբոխի մեջ:

— Իրա՛ համար էլ չեն գովի, — բացականչեց մի երկշոտ ձայն:

Մայրը տեսնում էր, որ թղթերը խլխլում են, թաքցնում ծոցնրում, զրպաններում, այդ բանը նորից սրտապնդեց նրան: Ավելի հանգիստ և ավելի ուժեղ, ամբողջովին լարվելով, և զգալով, թե ինչպես է իր մեջ աճում զարթնած հպարտությունը՝ վառվում ճնշված հրճվանքը, նա խոսում էր, ճամպրուկից հանելով թղթի կաշուցները և ցրիվ տալով աչ ու ձախ մարդկանց արագաշարժ, ապահ ձեռքերի մեջ:

— Ինչի՛ համար էին դատում որդուս և բուրբին, որոնք նրա հետ էին, դուք գիտե՞ք: Ես ձեզ կասեմ, իսկ դուք հավատացե՛ք մոր սրտին, նրա ալևոր մազերին, երեկ մարդկանց դատում էին այն բանի համար, որ նրանք ձեզ բուրբիդ համար բերում են ճշմարտութուն: Երեկ ես իմացա այդ ճշմարտութունը... ոչ ոք դեմ չի գնա նրան, ոչ ո՛ք:

Ամբոխը լռեց և աճում էր՝ ավելի ու ավելի խտանալով, ձուլածորեն շրջապատելով կնոջը կենդանի մարմինների օղակում:

— Չբավորություն, սով և հիվանդություններ, ա՛յ թե ինչ է տալիս մարդկանց իրենց աշխատանքը: Ամեն ինչ մեր դեմ է, 35 Մախիմ Գորևի — 545 —

մենք մեր ամբողջ կյանքում օրեցօր սատկում ենք աշխատանքի մեջ, միշտ ցեխի, խաբեության մեջ, իսկ մեր վաստակով զվարձանում և հղփանում են ուրիշները և մեզ պահում են շղթայակապ շների պես, տգիտության մեջ մենք ոչինչ չգիտենք, և երկյուղի մեջ մենք ամեն բանից վախենում ենք: Գիշեր է մեր կյանքը, խավա՛ր գիշեր:

— Այդպե՛ս է,— ի պատասխան խուզ հնչեց մի ձայն:

— Փակի՛ր դրա բերանը:

Ամբոխի հետևում մայրը նկատեց լրտեսին ու երկու ժանդարմի և շտապեց տալ վերջին կապոցները, բայց երբ ձեռքը մտցրեց ճամպրուկի մեջ, այնտեղ նա նկատեց մի ուրիշ ձեռք:

— Վերցրե՛ք, վերցրե՛ք,— ասաց մայրը կոանալով:

— Ցրվեցե՛ք,— գոռում էին ժանդարմները մարդկանց հրելով: Մարդիկ հրոցներին սիրով շէին զիջում, ժանդարմներին սեղմում էին իրենց զանգվածով, խանգարում էին նրանց, գուցե և շցանկանալով այդ: Նրանց տիրաբար հրապուրում էր բարի դեմքին մեծ-մեծ, ազնիվ աչքերով այդ ալեհեր կինը, և նրանք, որոնց իրարից բաժանել էր կյանքը, կտրել իրարից, այժմ միաձուլվում, դառնում էին մի ամբողջություն՝ խաւքի կբակով տաքացած, կրակ, որը գուցե վաղուց էին որոնում և որին ծաբավի էին կյանքի անարդարություններից վիրավորված բազմաթիվ սրտեր: Ամենից մոտ կանգնածները լուռ էին, մայրը տեսնում էր նրանց անհազ ուշադիր աչքերը և նրանց տաք շնչառությունն էր զգում իր դեմքին:

— Հեռացի՛ր, պառա՛վ:

— Հենց հիմա կբռնե՛ն...

— Ա՛խ, հանդո՛ւզն կին:

— Հեռո՛ւ: Ցրվեցե՛ք,— ավելի ու ավելի մոտ էին լսվում ժանդարմների աղաղակները: Մոր առջև մարդիկ օրորվում էին սոքերի վրա, իրարից բռնելով:

Մորը թվում էր, թե ամենքը պատրաստ են իրեն հասկանալու, հավատալու իրեն, և նա ուզում էր, շտապում էր ասել մարդկանց այն բոլորը, ինչ գիտեր, այն բոլոր մտքերը, որոնց ուժն զգում էր: Դրանք հեշտություններ զուրս էին թալում նրա սրտի խորքից և հյուսվելով վերածվում երգի, բայց նա վշտացած զգում էր, որ ձայնը թույլ է, խզզում է, դողում, կտրվում:

— Ի՞մ սրդու խոսքը բանվոր մարդու անկաշառ հոգու անփեղծ խոսք է: Անկաշառը ճանաչեցեք համարձակությունից:

Մեկի երիտասարդ աչքերը մոր դեմքին նայում էին հիացմունքով և երկյուղով:

Մոր կրծքին հրեցին, նա երերաց և նստեց նստարանին: Մարդկանց գլուխներից վեր երևացին ժանդարմների ձեռքերը, նրանք բռնում էին մարդկանց օձիքներից և ուսերից, մի կողմ էին նետում մարմինները, թոցնում էին գլխարկները՝ հեռու շարտելով: Մոր աչքերում ամեն ինչ սևացավ, օրորվեց, բայց իր հոգնածությունը հաղթահարելով նա դեռ աղաղակում էր ձայնի մնացորդներով:

— Ժողովո՛ւրդ, ուժերդ ի մի՛ հավաքիր:

Մի ժանդարմ մեծ, կարմիր ձեռքով բռնեց մոր օձիքից, թափահարեց:

— Լո՛ւի՛ր:

Մոր ծոծրակը պատին խփվեց, սիրտը մի վայրկյան պատեց երկյուղի բարակ ծխով և նորից պայծառ բոցավառվեց՝ ծուխը փարատելով:

— Արի՛, — ասաց ժանդարմը:

— Մի՛ վախենաք ոչնչից: Ավելի դառն տանջանք չկա, քան այն, ինչ շնչում եք դուք ամբողջ կյանքում...

— Լո՛ւի՛ր, ասում եմ: — Ժանդարմը բռնեց մոր թևը, քաշեց: Մյուսը բռնեց մյուս թևը, և խոշոր քայլերով մորը տարան:

— ... որն ամեն օր կրծո՛ւմ է սիրտը, շորացնում կո՛ւրծքը: Լրտեսն առաջ վազեց և մոր դեմքին բուռնցքով սպառնալով գոռաց:

— Լո՛ւի՛ր, դո՛ւ, սրիկա՛:

Մոր աչքերը լայնացան, փայլատակեցին, կզակը դողդողաց: Ոտքերը հենելով հատակի սահուն քարին, նա գոչեց.

— Հարություն առած հոգին սպանել չե՛ք կարող:

— Շո՛ւն:

Լրտեսը նրա երեսին խփեց ձեռքի կարճ թափով:

— Այդպես տո՛ւր դրան, այդ անզգամ պառավին,— լսվեց մի շարախինդ աղաղակ:

Մի ինչ-որ սև ու կարմիր բան մի ակնթարթ կուրացրեց մոր աչքերը, արյան աղի համով լցվեց բերանը:

Աղմուկների հատ-հատ, վառ թնդյունը քաշալերեց մորը:

— Մի՛ համարձակվի խփել:

— Տղե՛րք:

— Ա՛խ դու գարշելի:

— Հասցրո՛ւ դրան:

— Գիտակցութիւնն արյունով շէք կարող ողողել:

Հրում էին մոր պարանոցին, մեջքին, խփում ուսերին, գըլ-խին, ամեն ինչ պատվեց մութ մրրիկի պես աղաղակներին, ոտնոցի, սուլոցի մեջ, ինչոր թանձր, խլացուցիչ բան մտնում էր նրա ականջները, լցնում կոկորդը, խեղդում, հատակը փլվում էր նրա ատքերի տակ, տատանվում, ոտքերը ծալվում էին, մարմինը ցնցվում էր ցավի այրոցներով, ծանրացել և օրորվում էր ուժասպառ: Բայց նրա աչքերը չէին մարում և տեսնում էին ուրիշ շատ աչքեր, որոնք վառվում էին մորը ծանոթ խիզախ, թեժ կրակով, նրա սրտին հարազատ կրակով:

Նրան հրեցին դեպի դուռը:

Նա ձեռքը ազատեց, բռնեց դռան շրջանակից:

— Արյան ծովերով շէք կարող հանգցնել ճշմարտութիւնը: Նրա ձեռքին խփեցին:

— Միայն զայրույթ կկուտակեք ձեր դեմ, անմիտնե՛ր:

Այդ զայրույթը կթափվի ձե՛զ վրա:

Ժանդարմը ճանկեց նրա կոկորդը և սկսեց խեղդել:

Մայրը կերկերո՛ւմ էր:

— Դժբախտներ...

Մեկը նրան պատասխանեց բարձրաձայն հեկեկանքով:

## Հ Ա Տ Ա Կ Ո Ւ Մ

### Պիես 4 գործողությամբ

### ԳՈՐԾՈՂ ԱՆՁԻՆՔ

- ԿՈՍՏԻՆՈՎ ՄԻԽԱՅԻԼ ԻՎԱՆՈՎԻՉ, 54 տարեկան, օբլասի տեր:
- ՎԱՍԻԼԻՍԱ ԿԱՐՊՈՎՆԱ, նրա կինը, 26 տարեկան:
- ՆԱՏԱՇԱ, Վասիլիսայի ֆայրը, 20 տարեկան:
- ԿՎԱՇՆՑԱ, կարկանդակի առևտրով զբաղվող, մոտ 40 տարեկան:
- ՆԱՍՏՅԱ, օրհոր, 24 տարեկան:
- ԿԼԵՇՉ ԱՆԴԻՅՑ ՄԻՏՐԻՉ, փականագործ, մոտ 40 տարեկան:
- ԱՆՆԱ, նրա կինը, 30 տարեկան:
- ՍԱՏԻՆ } մտավորապես նույն ճասակի, մոտ 40 տարեկան:
- ԴԵՐԱՍԱՆ }
- ՎԱՍԿԱ ՊԵՊԵԼ, 28 տարեկան:
- ԲԱՐՈՆ, 33 տարեկան:
- ԼՈՒԿԱ, ռվտավոր, 60 տարեկան:
- ՔԱՔԱՐ }
- ԿՐԻՎՈՑ ՉՈՔ }
- ԲՈՒԹՆՈՎ, փականագործ, 45 տարեկան:
- ԱԼՅՈՇԿԱ, կոշկակար, 20 տարեկան:
- ՄԵԴՎԵԴԵՎ, Վասիլիսայի և Նատաշայի ֆեոին, սստիկան, 50 տարեկան:

Մի քանի անխոս և անանուն բոսյակներ:

**ԱՌՍԶԻՆ ԳՈՐԾՈՂՈՒԹՅՈՒՆ**

Նկուղ, որ նման է ֆարանձափի: Առաստաղը ծանր է, մրոտ, ձևփր քափված ֆարե կամարներով: Լույսն ընկնում է հանդիսականի դիմացի կողմից: Աչ կողմը զբաղեցնում է բարակ միջնարմենով անջատված սենյակը: Զախ անկյունում ռուսական մեծ վառարան է, ձախ ֆարե պատի մեջ դուռ է, որ տանում է խոհանոց, ուր ապրում են Կվաշնյան, Թարոնը, Նաստյան: Վառարանի և պատի դռան միջև լայն մահճակալ է, որ փակված է շքե կեղտոտ վառարանով: Զախ մասի առաջամասում ծառաբնի կտոր է, վրան ամրացված մամլակ ու փոփրիկ զնդան և մի ուրիշ, առաջինից ավելի ցածր ծառաբնի կտոր: Վերջինի վրա, զնդանի առաջ, նստած է Կլեշչը և հին կողպեղների վրա բանալիներ է փարձում: Ռոֆրի մոտ երկարալարի օղակներին անցկացված բանալիների երկու մեծ կապոց է, քիքեղյա ջարդոտած ինֆնաեռ, մուրե, սղոցներ: Օրկանի մեշտեղում մեծ սեղան է, երկու աթոռ, տարուրետ, բոլորը՝ շներկված ու կեղտոտ: Սեղանի հետև, ինֆնաեռի մոտ, Կվաշնյան զբաղված է գործով, Թարոնը սե հաց է ծամում, իսկ Նաստյան աթոռին նստած. ձեռքերը հենել է սեղանին և մի ֆրեզված զրֆույկ է կարդում: Վառարանով ծածկված մահճակալին Աննան հազում է: Բազմովը տախտամածին նստած, ձեկների մեջ սեղանի գլխարկի կարպատի վրա հին, բաց արած շալվարն է չափում, մտածելով. «Ես ինչպես պետք է ձենչ: Նրա մոտ լայնեզր գլխարկի մի սովորաբար հին տուփ կա՝ շֆայիկների համար, մամաթիլի կտորներ, փայտաներ: Մափեքը հենց նոր է արքնացել և տախտամածին պտկված մոնչում է: Վառարանի վրա, շերեւորով, Գերասանը ինչ-որ բան է անում ու հազում է: Գարնան սկիզբ է: Առավոտ:

**Բարոն.** Շարունակի՛ր:

**Կվաշնյա.** Ո՛ր-որ, սիրելիս, ասում եմ, էդ հարցով ինձ մոտ չգաս: Ես, ասում եմ, էդ բանը փորձել եմ... Եվ հիմա, որ քաշովս մեկ ոսկի էլ տան, մարդու չեմ գնա:

**Բուրնով (Սատինին).** Դո՛ւ ինչ ես խոխուաղնում:

**Սատինը մոնչում է:**

**Կվաշնյա.** Ասում եմ, որ ես, ազատ կինս՝ իմ գլխի տերն ու տիրակալանը, վերցնեմ հանկարծ ու ինչ-որ մեկի անձնագրում գրվեմ, ինչ-որ տղամարդու ճորտը դառնամ՝ չէ՛... Ուզում է թող նույնիսկ ամերիկյան թագավորի տղա լինի, մտքովս էլ չի անցնի հետն ամուսնանալ:

**Կլեշչ.** Սո՛ւտ ես ասում:

**Կվաշնյա.** Ի՞նչ...

**Կլեշչ.** Սուտ ես ասում: Աբրամկայի հետ կամուսնանա:

**Բարոն.** (Նաստյայից խլելով գիրքը՝ վերնագիրն է կարդում). «Ճակատագրական սեր» (Քրեշում է):

**Նաստյա (մեկնելով ձեռք).** Տո՛ւր, ե՛ւ տուր: Խաղ մի անի:

**Բարոն** (նայում է նրան՝ օդում քափահարելով գիրքը):

**Կվաշնյա (Կլեշչին).** Շեկ այժ, բան ասաց — սո՛ւտ ես ասում... էդ ո՞նց ես սիրտ անում ինձ այդպիսի լպիրշ խոսք ասել:

**Բարոն** (զրֆով խփելով Նաստյայի գլխին). **Հիմար ես դու, Նաստյա:**

**Նաստյա (գիրքը խլելով) Տո՛ւր...**

**Կլեշչ.** Իշխանուհու նայիր... Աբրամկայի հետ կամուսնանա... հենց դրան էլ սպասում ես:

**Կվաշնյա.** Իհա՛րկե... հապա ո՞նց... ինչպե՛ս չէ... Դու, հրեն, կնկադ ծեծելով կիսամեռ ես արել...

**Կլեշչ.** Լո՛ի՛ր, քավթառ շուն, քո գործը չէ...

**Կվաշնյա.** Աս՛... ճիշտ խոսքը դուրդ չի գալիս:

**Բարոն.** Սկսվե՛ց: Նաստյա, որտե՞ղ ես:

**Նաստյա (զրույթը շարժարացնելով).** Ա՛... Կորի՛ր:

**Աննա.** Օրն սկսվեց: Ի սեր աստծո... մի՛ գոռաք... մի՛ հայհոյեք:

**Կլեշչ.** Ունե՛ց...

**Աննա.** էսպես՝ ամեն աստծու օր... թողեք հանգիստ մեռնեմ:

**Բուրնով.** Աղմուկը մեռնելուն չի խանգարում...

**Կվաշնյա (Աննային մոտենալով).** Եվ ինչպե՞ս ես դու, խեղճ արարած, էսպիսի հրեշի հետ ապրել:

**Աննա.** Թող ինձ... հեռացի՛ր...

**Կվաշնյա.** Լավ, լավ... Ախ դու... նահատակ... Ի՞նչ է, կրծքիդ ցավը չի՞ թեթևացել:

**Բարոն.** Կվաշնյա, շուկա գնալու ժամանակն է...

**Կվաշնյա.** Հիմա կգնանք: (Աննային). Ուզո՞ւմ ես, տաք-տաք պեմեններ տամ:

**Աննա.** Հարկավոր չէ... շնորհակալ եմ: Ուտելն ինչիս է պետք:

**Կվաշնյա.** Իսկ դու կեր: Տաքը փափկացնում է: Քեղ համար գավաթի մեջ կառանձնացնեմ և կթողնեմ... Երբ կուզես՝ կուտես: Գնանք, Բարոն... (Կլեշչին). Ո՛ւ... շար ոգի... (զնում է խոհանոց):

**Աննա (հագալով).** Տե՛ր աստված...

Բարոն (քեթև բոթելով նաստյայի վզակոթին). Դե՛ն  
ձգիր... հիմարիկ:

Նաստյա (մրբմրբալով). Հեռացի՛ր... Ես քեզ չեմ իման-  
գարում:

Բարոնը շվիպացնելով գնում է Կվաշնյայի ետեից:

Սատին (բարձրանալով իր տեղից). Այն ո՞վ էր երեկ ինձ  
ծեծում:

Բուրևով. Իսկ քեզ համար միևնույնը չէ՞...

Սատին. Ասենք թե այդպես է... բայց ինչո՞ւ էին ծեծում:

Բուրևով. Թուղթ խաղո՞ւմ էիր:

Սատին. Խաղում էի...

Բուրևով. Դրա համար էլ ծեծում էին:

Սատին. Սրիկանե՛ր...

Գերասան. (զլուխը դուրս հանելով վառարանի վրայից).

Մի օր քեզ այնպես կծեծեն, որ կսպանեն:

Սատին. Իսկ դու տխմար ես:

Գերասան. Ինչո՞ւ:

Սատին. Որովհետև երկու անգամ սպանել հնարավոր չի:

Գերասան (փոփոխիկ դադարից հետո). Չեմ հասկանում...

Ինչո՞ւ հնարավոր չի:

Կլեշչ. Իսկ դու վեր եկ վառարանից և բնակարանը մաք-  
րիր... Ինչ ես կտարատվում...

Գերասան. Այդ քս գործը չէ...

Կլեշչ. Այ, վասիլիսան կգա ու քոզ ցույց կտա, թե ում  
գործն է:

Գերասան. Թող գրողի ծոցը գնա վասիլիսան, Այսօր  
մաքրելու հերթը Բարոնինն է: Բարոն:

Բարոն (դուրս գալով խոհանոցից). Ես ժամանակ չունեմ  
մաքրելու... Կվաշնյայի հետ շուկա եմ գնում:

Գերասան. Այդ իմ գործը չէ... Թեկուզ քոսոր գնա: Իսկ  
հատակն ավելու հերթը քոնն է: Ես ուրիշներին փոխարեն չեմ  
աշխատի:

Բարոն. Սատանան քեզ տանի: Նաստենկան կավլի: Հե՛յ,  
դու, ճակատագրական սեր, սթափվիր (խլում է նաստյայի ձեռ-  
նից գիրով):

Նաստյա. Ի՞նչ ես ուզում, տո՛ւր, թոկից փախած: Եվ  
դեռ բարոն ես:

Բարոն (գիրքը տալով). Նաստյա, ավլիր իմ փոխարեն,  
լա՞վ:

Նաստյա (գնալով խոհանոց). Շատ պե՛տքս է... ինչ-  
պե՛ս չէ:

Կվաշնյա (խոհանոցի դռնից՝ Բարոնին). Իսկ դու եկ:  
Առանց քեզ էլ կմաքրեն: Դերասան, ինչդրում են քեզ, դու էլ  
արա, չես հավի, կարծում եմ:

Գերասան. Դե... Միշտ ես... Չեմ հասկանում...

Բարոն (ուստիայտի վրա խոհանոցից դուրս է բերում եր-  
կու զամբյուղ, նրանց մեջ կաթսանե՛ր՝ ցնցոտիներով ծածկված):  
Այսօր ինչ-որ ծանր է...

Սատին. Պետք էր, որ դու բարոն ծնվեիր...

Կվաշնյա (դերասանին). Նայի՛ր ինձ, կմաքրես, հա՛...  
(Դուրս է գնում նախասենյակ, Բարոնին առաջ թողնելով):

Գերասան (իջնելով վառարանից). Ինձ վնաս է փոշի կոպ  
տալը: (Հպարտորեն): Իմ օրգանիզմը թունավորված է ալկոհոլով:  
(Նստելով քախտի ծայրին՝ մտածմունքի մեջ է ընկնում):

Սատին. Օրգանիզմ, օրգանոն...

Աննա. Անդրեյ Միտրիչ...

Կլեշչ. Ի՞նչ կա էլի:

Աննա. Կվաշնյան այստեղ ինձ համար պելմեն է թողել,  
վերցրու, կեր:

Կլեշչ. (մոտենալով նրան). Իսկ դու չե՞ս ուզում:

Աննա. Չեմ ուզում... իմ ինչին է պետք... Դու աշխատող  
ես... քեզ է պետք...

Կլեշչ. Վախենո՞ւմ ես, մի վախենա... գուցե դեռ...

Աննա. Գնա, կեր... ես ինձ վատ եմ զգում: Երևի շուտով...

Կլեշչ (հեռանալով). Ոչինչ, գուցե դեռ կազդուրվես...

Պատահում է... (Գնում է խոհանոց):

Գերասան (բարձրաձայն, կարծես ֆնից արթնանալով).  
Երեկ բուժարանում բժիշկն ինձ ասաց. ձեր օրգանիզմը, ասում է,  
կատարելապես թունավորված է ալկոհոլով...

Սատին. (ժպտալով). Օրգանոն...

Գերասան. Ոչ թե օրգանոն, այլ օրգանիզմ...

Սատին. Սիկամբրո...

Գերասան (քափահարելով ձեռքը նրա վրա). Է՛հ, հի-  
մարություն: Ես լուրջ եմ ասում, այո՞... Եթե օրգանիզմս թու-

Նավորված է... կնշանակի ինձ վնաս է հատակ ավելը... փոշի կուլ տալը...

Ս ա տ ի ն. Մակրոբիոտիկա... հը...

Բ ու Ր Ե Ն Ո Վ. Դու այդ ինչ ես մրթմրթում:

Ս ա տ ի ն. Բառեր, Եվ դեռ կա տրասցեդենտրալ...

Բ ու Ր Ե Ն Ո Վ. Դա՞ ինչ բան է:

Ս ա տ ի ն. Չգիտեմ... մոռացել եմ...

Բ ու Ր Ե Ն Ո Վ. Բա ինչո՞ւ ես ասում:

Ս ա տ ի ն. Այնպես... Չանձրացրել են ինձ, եղբայր, մարդկային բոլոր բառերը ձանձրացրել են: Նրանցից յուրաքանչյուրը ես լսել եմ... երևի հաղար անգամ...

Ի ե Ր ա ս ա ն. «Համլետ» դրամայում ասված է. «Բառեր, բառեր, բառեր»: Լավ գործ է: Ես նրա մեջ գերեզմանափոր էի խաղում...

Կ լ Ե Ղ Ղ (դուրս գալով խոհանոցից). Իսկ ավելի հետ շուտո՞վ կսկսես խաղալ:

Ի ե Ր ա ս ա ն. Քո գործը չէ: (խփելով իր ձեկին). Օֆելյա, օ՛, հիշիր ինձ քո աղոթքների մեջ...

Քեմի հետևում, ինչ-որ հեռու տեղ խոսք արձույթ է, գառացներ, ստեփանի սուլոց: Կեղծը նստում է աշխատելու և խառնոցով նոնոացնում է:

Ս ա տ ի ն. Սիրում եմ անհասկանալի, հազվագյուտ բաներ... Երբ դեռ ես լակոտ էի... հեռագրատանն էի ծառայում... Շատ գրքեր էի կարդում:

Բ ու Ր Ե Ն Ո Վ. Դու հեռագրիչ է՞ր ես եղել:

Ս ա տ ի ն. Եղել եմ... Շատ լավ գրքեր կան... Եվ բազմաթիվ հետաքրքիր բառեր... Գիտես, ես կրթված մարդ էի:

Բ ու Ր Ե Ն Ո Վ. Լսել եմ... Հարյուր անգամ եմ լսել: Եղել ես, եղել... Մեծ բան է... Ես ահա մորթեցործ էի... սեփական արհեստանոց ունեի... Չեռքերս այնպես դեզի են էին, ներկից, իհարկե: Մորթիներ էի ներկում, ու այնպես դեզի են էին, եղբայր, ձեռքերս մինչև արմունկներս: Ես կարծում էի, թե մինչև մահ էլ չեմ կարող այդ ներկը լվալ, այդպես էլ դեզի են ձեռքերս կմեռնեմ... Իսկ այժմ, ահա նրանք, ձեռքերս... Պարզապես կեղտոտ են... այո՛:

Ս ա տ ի ն. Եվ ի՞նչ...

Բ ու Ր Ե Ն Ո Վ. Եվ ոչինչ...

Ս ա տ ի ն. Ինչի՞ համար դա ասացիր:

Բ ու Ր Ե Ն Ո Վ. Հենց այնպես... Օրինակի համար... Դուրս է գալիս, որ դրսից որքան էլ քեզ ներկես, միևնույն է, ամեն ինչ շնջվում է, ամեն ինչ շնջվում է, այո՛:

Ս ա տ ի ն. Ա՛... ոսկորներս ցավում են:

Ի ե Ր ա ս ա ն. (հասած է, ծնկները ձեռներով գրկած). Կրթությունը դատարկ բան է, գիտավորը տաղանդն է: Ես մի դերասան գիտեի, իր դերերը հեղելով էր կարդում, բայց այնպես էր խաղում, որ թատրոնը զղրդում էր հիացմունքից:

Ս ա տ ի ն. Բուբնո՞վ, ինձ հինգ կոպեկ տուր:

Բ ու Ր Ե Ն Ո Վ. Ընդամենը երկու կոպեկ ունեմ:

Ի ե Ր ա ս ա ն. Ես ասում եմ — տաղանդ, ահա թե դերասանին փնջ է պետք: Իսկ տաղանդը — ինքն իր նկատմամբ, իր ուժի նկատմամբ հավատն է:

Ս ա տ ի ն. Ինձ հինգ կոպեկ տուր, և ես կհավատամ, որ դու տաղանդ ես, հերոս ես, կոկորդիլոս ես, տեղամասի պրիստավ ես... Կլե՛ղ, հինգ կոպեկ տուր:

Կ լ Ե Ղ Ղ. Կորիք գրողի ծոցը: Քեզ նմանները շատ են էստեղ...

Ս ա տ ի ն. Ինչո՞ւ ես հայհոյում: Չէ՞ որ դու մի գրող իսկ չունես, ես լավ գիտեմ:

Ա ն ն ա. Անդրեյ Միտրիչ... Խեղդվո՞ւմ եմ, ծա՛նր է...

Կ լ Ե Ղ Ղ. Ի՞նչ կարող եմ անել:

Բ ու Ր Ե Ն Ո Վ. Հաշտի դուռը բաց արա:

Կ լ Ե Ղ Ղ. Շատ լավ: Նստել ես թախտին, իսկ ես հատակին եմ... Տուր ինձ քո տեղը և դուռը բաց արա... իսկ ես առանց այն էլ մրտած եմ...

Բ ու Ր Ե Ն Ո Վ (հանգիստ). Ինձ համար բացելու կարիք չկա... քո կիներն է խնդրում:

Կ լ Ե Ղ Ղ (մոռյլ). Շատ բան կարող են խնդրել...

Ս ա տ ի ն. Գլուխս զղրդում է... Ա՛խ, և ինչո՞ւ են մարդիկ իրար գլխի խփում:

Բ ու Ր Ե Ն Ո Վ. Նրանք ոչ միայն գլխին են խփում, այլև մնացյալ բոլոր տեղերին: (Վեր կենալով). Գնամ, թեև գնեմ... Իսկ մեր տերերն այսօր ինչ-որ շեն երևում, կարծես սատկոտել են: (Գնում է):

Անճան հագում է: Սատիքը ձեռները գլխատակին, անշարժ պսակած է:

Դեբաւսան (տխուր նայելով շուրջը, մոտենում է Աննային):  
Ի՞նչ է, վա՛տ ես զգում:

Աննա. հեղդվում եմ:

Դեբաւսան. Ուզո՞ւմ ես, դուրս բերեմ միջանցք: Դե, վեր կաց (օգնում է կնոջը բարձրանալու, նրա ուսերին ինչ-որ ցնցոտի է գցում և բռնելով՝ դուրս է տանում նախասենյակ): Դե՛, դե՛... պինդ կաց: Ես ինքս էլ հիվանդ եմ... Թունավորված եմ արկոհոլով:

Կոստիլյով (դռների մեջ). Զբոսնելո՞ւ եք գնում: Սքանչելի զույգ, ոչխար և գառնուկ:

Դեբաւսան. Իսկ դու ճանապարհ տուր... Տեսնում ես, հիվանդներ են գալիս...

Կոստիլյով. Համեցի՛ր, անցի՛ր... (Քթի տակ ինչ-որ եկեղեցական երգ մոմողով, կասկածամտորեն զննում է կացարանը և գլուխը ձախ է թեփում, ասես ալկանջ է դնում Պեպելի սենյակին):

Կիշը կատաղիորեն բանալիներ է գրնգացնում և ճնշացնում խաբտոցը, աչքի տակով նետելով տանտիրոջը):

Ճոնշացնո՞ւմ ես:

Կլեշչ. Ի՞նչ:

Կոստիլյով. Ճոնշացնո՞ւմ ես, ասում եմ: (Իսպառ): Ա՛-ա՛... է՛ն... Ի՞նչ էի ուզում քեզանից հարցնել... (Արագ և ցածրաձայն). Կի՛նս էստեղ չի՞ եղել:

Կլեշչ. Զեմ տեսել:

Կոստիլյով (զգուշությամբ Պեպելի դռանը մոտենալով). Ամսեկան երկու ուրբով ինչքա՛ն տեղ ես զբաղեցնում դու իմ տանը: Մահճակալ... Ինքդ էլ նստած... Հա, աստված վկա, հինգ ուրբու տեղ ես զբաղեցնում: Պետք է մի հիսուն կոպեկ քեզ վրա ավելացնել:

Կլեշչ. Դու ավելի լավ է, վզիս օղակ զցիր ու խեղդիր: Շուտով սատկելու ես, բայց անվերջ հիսուն կոպեկների մասին ես մտածում:

Կոստիլյով. Ինչո՞ւ քեզ խեղդեմ, դրանից ո՞ւմ ինչ օգուտ: Տերը քեզ հետ, ապրիր քո հաճույքի համար, իսկ ես քեզանից հիսուն կոպեկ ավել կվերցնեմ ու դրանով ճրագի ձեթ կառնեմ... սրբապատկերի առաջ կվառնեմ: Դա իմ մեղքերին թողութուն կլինի, քո՞ մեղքերին էլ: Զէ որ ինքդ քո մեղքերի

մասին շեւ մտածում... Դե ահա... Ա՛խ, Անդրյուշկա, շար մարդ ես դու կի՛նդ շարությանդ պատճառով է հյուծվել... Ոչ ոք քեզ չի սիրում, չի հարգում... Արհեստդ էլ ճոճա՛ն է, ամենքին է անհանգստացնում:

Կլեշչ (բղավելով). Դու ի՞նչ է... Ինձ հալածելու համա՞ր ես եկել այստեղ: (Սատի՛ն բարձր մոնչում է):

Կոստիլյով (ցնցվելով). Ա՛խ, դու, տեր իմ...

Դեբաւսան (նեւս մտնելով). Կնոջդ նստացրի հաշտում, լավ փաթաթեցի:

Կոստիլյով. Դու ինչ բարի ես, եղբայր: Լա՛վ է... այդ ամենը հաշվի կառնվի...

Դեբաւսան. Ե՞րբ:

Կոստիլյով. Այն աշխարհում, եղբայր... այնտեղ ամեն ինչ, մեր բոլոր արարքները հաշվի են առնում...

Դեբաւսան. Իսկ դու, ավելի լավ է, այստեղ ինձ վարձատրիր բարությանս համար...

Կոստիլյով. Այդ ինչպե՞ս կարող եմ:

Դեբաւսան. Զնջիր պարտքիս կեսը:

Կոստիլյով. Հա՛, հա՛, հա՛... դու միշտ կատակում ես, սիրելիս, միշտ խաղում ես... Միթե սրտի բարությունը կարելի է փողի հետ հավասարեցնել: Բարությունը դա բոլոր բարեքնե-րից վեր է: Իսկ քո պարտքն ինձ՝ այնպես էլ մնում է պարտք: Կնշանակի, դու պետք է ինձ վճարես: Քո բարությունը պետք է անվարձահատույց տրվի ծերուկիս:

Դեբաւսան. Սատանա ես դու, ծերուկ... (Գնում է խոհա-նոց):

Կիշը վեր է կենում և գնում միջանցի:

Կոստիլյով (Սատի՛նին). Ճոճա՛նը փախավ, հա՛, հա՛, հա՛... Զի սիրում նա ինձ...

Սատի՛ն. Սատանայից զատ ո՞վ է քեզ սիրում...

Կոստիլյով (ծիծաղի տալով). Ուշու՛նց տվողն ես, հա՛... Իսկ ես ձեզ ամենքիդ սիրում եմ... Ես հասկանում եմ, որ դուք իմ եղբայրներն եք, թշվառ, անպիտան, կորած... (Քանկարձ արագ). Իսկ... Վասկան տա՞նն է:

Սատի՛ն. Նայիր...

Կոստիլյով (մոտենում է և ձեծում դուռը). Վա՛սյա:

Դեբաւսան երևում է խոհանոցի դռանը, նա ինչ-որ բան է ծամում:



Պ ե պ ե լ. Ո՞վ է:  
Կ ո ս տ ի լ յ ո վ. Ես եմ... Ե՛ս, Վասյա  
Պ ե պ ե լ. Ի՞նչ ես ուզում:  
Կ ո ս տ ի լ յ ո վ (ետ-ետ գնալով). Բա՛ց արա:  
Ս ա տ ի ն (չնայելով Կոստիլյովին). Կբացի, իսկ կհեն այն-  
տեղ է...

Իերասանը փոքկացնում է:

Կ ո ս տ ի լ յ ո վ (անհանգիստ, ցածրաձայն). Ի՞նչ: Ո՞վ է  
այնտեղ: Դու... Ի՞նչ...  
Ս ա տ ի ն. Ի՞նչ: Դու ինձ հե՛տ ես.  
Կ ո ս տ ի լ յ ո վ. Դու ի՞նչ ասացիր:  
Ս ա տ ի ն. Այդ ես այնպես... ինքս ինձ...  
Կ ո ս տ ի լ յ ո վ. Լսի՛ր, եղբայր, կատակ արա, բաց շափո  
իմացիր... Այո՛, (Ուժեղ բախում է դուռը) Վասիլի՛...  
Պ ե պ ե լ (բացելով դուռը). Դե, ի՞նչ ես անհանգստացնում:  
Կ ո ս տ ի լ յ ո վ (սենյակը դիտելով) Ես... գիտես ինչ...  
Պ ե պ ե լ. Փողը բերի՛ր:  
Կ ո ս տ ի լ յ ո վ. Գործ ունեմ քեզ հետ...  
Պ ե պ ե լ. Փողը բերի՛ր:  
Կ ո ս տ ի լ յ ո վ. Ի՞նչ փող: Սպասիր...  
Պ ե պ ե լ. Փողը, յոթ ուրբին, ժամացույցի փողը, դե՛...  
Կ ո ս տ ի լ յ ո վ. Ի՞նչ ժամացույց, Վասյա... Ախ, դու...  
Պ ե պ ե լ. Մի տես, է՛: Երեք վկաների ներկայությամբ ես  
քեզ ժամացույց ծախեցի տասը ուրբով, երեք ստացա, յոթը  
տուր: Ի՞նչ ես աչքերդ ճպճպացնում: Զվոնում է այստեղ, մարդ-  
կանց անհանգստացնում... Իսկ իր գործը չգիտի...  
Կ ո ս տ ի լ յ ո վ. Ե՛շ: Մի բարկանա, Վասյա... Այդ ժամա-  
ցույցը...  
Ս ա տ ի ն. Գողացված է...  
Կ ո ս տ ի լ յ ո վ (խիստ). Ես գողացված բան չեմ ընդու-  
նում... Այդ ի՞նչ ես ասում...  
Պ ե պ ե լ (բռնելով նրա ուտից). Դու ինչո՞ւ ինձ անհանգրս-  
տացրիր: Ի՞նչ ես ուզում ինձանից:  
Կ ո ս տ ի լ յ ո վ. Ծիշտն ասած՝ ոչինչ... ես կզնամ... եթե որ  
էդպիսին ես:  
Պ ե պ ե լ. Գեա, բե՛ր փողը:  
Կ ո ս տ ի լ յ ո վ (գնալով). Ա՛յ, ա՛յ, ինչ կոպիտ մարդիկ են:

Ի ե ր ա ս ա ն. Կատակներդ թշնամ:  
Ս ա տ ի ն. Լա՛վ է, ես այդ սիրում եմ:  
Պ ե պ ե լ. Ինչո՞ւ էր եկել:  
Ս ա տ ի ն (ծիծաղելով). Չե՛ս հասկանում, կնոջն է փընտ-  
րում... Եվ ինչո՞ւ նրան չես թրխկացնում, Վասիլի:  
Պ ե պ ե լ. Շատ հարկավոր է, որ մի էդպիսի անպետքի հա-  
մար կյանքս փշացնեմ:  
Ս ա տ ի ն. Իսկ դու խելքով արա ու հետո պսակվիր Վա-  
սիլիսայի հետ... Մեր տերը կդառնաս...  
Պ ե պ ե լ. Մե՛ծ բան է... Դուք ոչ միայն իմ ամբողջ ունեց-  
վածքը, ինձ էլ իմ բարությունն պատճառով օղու կտաք... (Նըս-  
տում է թախտին): Քավթառ սատանա... արթնացրեց... իսկ ես  
լավ երազ էի տեսնում, իբր թե ձուկ էի որսում, մի ահադին  
բրամ էր ընկել կարթս: Ի՞նչ բրամ. միայն երազում են լինում  
էդպիսի ձկնեք... և ահա ես քաշում եմ կարթով ու վախենում,  
որ թելը կկտրվի: Ու ցանցաթին առա... ահա, մտածում եմ,  
հիմա...  
Ս ա տ ի ն. Դա ձուկ չէր, Վասիլիսան էր...  
Ի ե ր ա ս ա ն. Վասիլիսային նա վաղուց է որսացել:  
Պ ե պ ե լ (բարկացած). Գրողի ծոցը կորեք, ու նա էլ ձեզ  
հետ:  
Կ լ ե շ շ (ճերձ գալով). Շահ ցարտ է:  
Ի ե ր ա ս ա ն. Այդ ի՞նչ է, Աննային չբերի՛ր հետդ: Կասո-  
չի...  
Կ լ ե շ շ. Նրան նատաշան իր մոտ, խոհանոց տարավ:  
Ի ե ր ա ս ա ն. Մերուկը դուրս կանի:  
Կ լ ե շ շ (նստում է, որ աշխատի). Դե... նատաշան կբերի...  
Ս ա տ ի ն. Վասիլի, հինգ կոպեկ տուր...  
Ի ե ր ա ս ա ն (Սատինին). Է՛հ, դու... հի՛նգ կոպեկ: Վասյա,  
քսա՛ն կոպեկ տուր մեզ...  
Պ ե պ ե լ. Վոազեմ... քանի դեռ մի ուրբի չեք դարձ-  
րել... Ան:  
Ս ա տ ի ն. Զիբլարթար: Աշխարհիս երեսին գողերից լավ  
մարդ չկա:  
Կ լ ե շ շ (մոռյլ). Նրանք հեշտ են փող ճարում... Նրանք չեն  
աշխատում...  
Ս ա տ ի ն. Շատերն են հեշտ փող ճարում, բայց շատերը  
չէ, որ հեշտությամբ են բաժանվում նրանից: Աշխատանք ես

տոտում: Այնպես արա, որ աշխատանքն ինձ դուր գա, գուցե ես էլ աշխատեմ, այո՛: Կարող է պատահել: Երբ աշխատանքը հաճույք է, կյանքը լավ է: Երբ աշխատանքը պարտականություն է, կյանքը ստրկություն է: (Գեորգիան) Սարդանապալ, գնանք...

Ի ե ռ ա ս ա ն. Գնանք, նարուզողոնոսոր, Կխմե՛մ, ինչպես... քառասուն հազար հարբեցողներ... (Գնում են):

Պ ե պ ե լ (Էռուանչելով). Ի՞նչ կա: Կինդ ինչպե՞ս է:

Կ լ ե շ շ. Երևի շուտով... (դադար):

Պ ե պ ե լ. Նայում եմ քեզ, դուր ես ճոճոացնում:

Կ լ ե շ շ. Բա ի՞նչ անեմ:

Պ ե պ ե լ. Ոչինչ:

Կ լ ե շ շ. Բա ի՞նչ ուտեմ:

Պ ե պ ե լ. Ապրում են, չէ՞, ուրիշները:

Կ լ ե շ շ. Սրա՞նք: Ի՞նչ մարդիկ են սրանք... Թափթփուկներ, մուրացկաններ... մարդի՛կ... ես բանվոր մարդ եմ... Ես ամաչում եմ սրանց նայել... Ես փոքրուց եմ աշխատում... դու կարծում ես, ես այստեղից չե՞մ պրծնի... Դուրս կպրծնեմ, կաշիս կքերթեմ, բայց դուրս կպրծնեմ... Ահա, սպասիր, կինս մեռնի... Ես այստեղ վեց ամիս եմ ապրում, բայց կարծես վեց տարի լինի...

Պ ե պ ե լ. Այստեղ ոչ ոք քեզանից վատը չէ... Ի դուր ես ասում...

Կ լ ե շ շ. Վատը չէ՞... Ապրում են անպատիվ, անխիղճ:

Պ ե պ ե լ (անտարբեր). Իսկ ինչների՞ն է պատիվն ու խիղճը: Սապոգի տեղ ոտքերիդ ոչ խիղճը կարող ես հագնել և ոչ էլ պատիվը: Պատիվն ու խիղճը նրանց է պետք, ովքեր իշխանություն և ուժ ունեն:

Բ ու թ ն ո վ (մտնելով). Ո՛ւտ... սառեցի:

Պ ե պ ե լ. Բուրնով, դու խի՞ղճ ունես:

Բ ու թ ն ո վ. Ի՞նչ... խի՞ղճ...

Պ ե պ ե լ. Հա:

Բ ու թ ն ո վ. Ինչի՞ս է պետք խիղճը: Ես հարուստ չեմ...

Պ ե պ ե լ. Ահա ես էլ նույնն եմ ասում, պատիվն ու խիղճը հարուստներին է պետք, այո՛: Իսկ Կլեշը հայհոյում է մեզ, խիղճ չունեք, ասում է...

Բ ու թ ն ո վ. Իսկ նա ի՞նչ է, ուզում է խի՞ղճ պարտք վերցնել:

Պ ե պ ե լ. Դրանից ինքն էլ շատ ունի...

Բ ու թ ն ո վ. Ուրեմն, ծախո՞ւմ ես: Այստեղ առնող շեռ գտնի: Այ, եթե կտրտած կարտոնի կտորներ լինեին, ուրախությամբ կառնեիր... պարտքով, իհարկե:

Պ ե պ ե լ (ուսուցողաբար). Հիմար ես դու, Անդրյուշկա: Խղճի հաշվով լավ կանեիր Սատինին լսելի... կամ Բարոնին...

Կ լ ե շ շ. Նրանց հետ խոսելու պետք չունեմ:

Պ ե պ ե լ. Նրանք քեզանից մի քիչ խելոք են... Թեև հարբեցողներ են...

Բ ու թ ն ո վ. Ով խելոք է ու հարբած, նա ունի երկու կալվածք...

Պ ե պ ե լ. Սատինն ասում է. ամեն մարդ ուզում է, որ իր հարևանը խիղճ ունենա, բայց ոչ ոքի ձեռնատու չէ խիղճ ունենալը... և դա ճիշտ է...

Մտնում է Նատաշան, նրա ետեից՝ Լուկան, փայտը ձեռքին, ասպրակը մեջին, կարսան ու քեյամանը գտկից կախ:

Լ ու կ ա. Բարի առողջություն, ազնիվ մարդիկ:

Պ ե պ ե լ (քեղեքը շոյելով). Ա, Նատաշա:

Բ ու թ ն ո վ (Լուկային). Ազնիվ էր նա, ազնվարյուն, բայց դա վաղ էր՝ անցյալ գարուն...

Ն ա տ ա շ ա. Ահա նոր կենվոր...

Լ ու կ ա. Ինձ համար միևնույն է, ես սրիկաներին էլ չեմ հարգում: Իմ կարծիքով ամեն լու արժանի է թռչելու, բոլորն էլ սև են, բոլորն էլ թող թռչկոտեն... այդպե՛ս է: Ո՛ւր տեղավորվեմ, սիրելիս:

Ն ա տ ա շ ա (ցույց տալով խոճանոցի դուռը). Այնտեղ գնա, պապիկ...

Լ ու կ ա. Շնորհակալություն, աղջիկս, այնտեղ է, թող այնտեղ լինի: Մերուկիս համար որտեղ տաք է, այնտեղ էլ հայրենիք է: (Գնում է):

Պ ե պ ե լ. Ի՞նչ հետաքրքիր ծերուկ եք բերել, Նատաշա:

Ն ա տ ա շ ա. Գոնե ձեզանից ավելի հետաքրքիր է... Անդրեյ, կինդ խոհանոցումն է, մեզ մոտ, քիչ հետո արի նրան տար:

Կ լ ե շ շ. Լավ... կգամ...

Ն ա տ ա շ ա. Դու հետը մի քիչ ավելի քաղցր վարվիր... չէ որ երկար չի ապրելու...

Կ լ ե շ շ. Գիտեմ:

Ն ա տ ա շ ա . Գ ի տ ե՛ս... Գ ի տ ե ն ա լ ը ք ի չ է , հ ս ս կ ա ց ի ր : Մ ե ու ն ե լ ը ս ա ր ս ա փ ե լ ի է ...

Պ ե պ ե լ . Ի ս կ ե ս ա ճ ա , շ ե մ վ ա խ ե ն ն ու մ ...

Ն ա տ ա շ ա . Ի ճ ա ՛ր կ ե : Ք ա ջ ու թ յ ո ն է ...

Բ ու ր ն ո վ ( շ վ ա ց ն ե լ ո վ ) . Ի ս կ թ ե լ ը փ տ ա ծ է ...

Պ ե պ ե լ . Ի ս կ ա պ ե ս շ ե մ վ ա խ ե ն ն ու մ : Թ ե կ ու զ հ ե ն ց ա յ ս ը ու պ ե ի ն կ մ ե ո ն ե մ : Վ ե ր ց ր ե ք դ ա ն ա կ ը , խ փ ե ք ս ր տ ի ս ... կ ը մ ե ո ն ե մ ... ձ ա յ ն է լ շ ե մ հ ա ն ի : Մ ի ն շ կ ա ն գ ա մ ու ր ա խ ու թ յ ա մ ք , որ ո վ հ ե տ ն մ ա ք ու ր ձ ե ո ք ի ց է ...

Ն ա տ ա շ ա ( գ ն ու մ է ) . Դ ե դ ու ք ու ր ի շ ն ե ր ի ա շ ք ի ն թ ո զ փ չ ե ք :

Բ ու ր ն ո վ ( ե ր կ ա ր ա ց ն ե լ ո վ ) . Ի ս կ թ ե լ ը փ տ ա ծ է ...

Ն ա տ ա շ ա ( դ ր ս ի դ ու ն մ ո տ ) . Ա ն դ ր ե՛յ , շ մ ո ռ ա ն ա ս կ ն ը ջ դ մ ա ս ի ն :

Կ լ ե շ շ . Լ ա վ :

Պ ե պ ե լ . Հ ի ա ն ա լ ի ա ղ ջ ի կ է :

Բ ու ր ն ո վ . Ո շ ի ն շ , լ ա վ ա ղ ջ ի կ է :

Պ ե պ ե լ . Ի ն շ ո՛ւ է ի ն ձ հ ե տ ա յ դ ա պ ե ս վ ա ր վ ու մ : Մ ե ր ծ ու մ է ...

Մ ի ն ն ու յ ն է , ա յ ս տ ե ղ պ ի տ ի կ որ շ ի ...

Բ ու ր ն ո վ . Ք ո պ ա տ ճ ա ո ղ է կ որ շ ե լ ու :

Պ ե պ ե լ . Ի ն շ ո՛ւ ի մ պ ա տ ճ ա ո ղ , ե ս ն ր ա ն խ զ ճ ու մ ե մ ...

Բ ու ր ն ո վ . Ի ն շ ա պ ե ս գ ա յ լ ը մ ա ք ու ն ...

Պ ե պ ե լ . Ս տ ո՛ւ մ ե ս : Ե ս շ ա՛տ ե մ խ զ ճ ու մ ն ր ա ն ... Ն ա ա յ ս տ ե ղ վ ա տ է ա պ ր ու մ ... ե ս տ ե ն ն ու մ ե մ ...

Կ լ ե շ շ . Ս պ ա ս ի ր , Վ ա ս ի լ ի ս ա ն մ ի ք ե ղ տ ե ն ն ի ն ր ա հ ե տ խ ո ս ե լ ի ս ...

Բ ու ր ն ո վ . Վ ա ս ի լ ի ս ա՛ն : Ա յ ո , ն ա ի ր ե ն ը ձ ե ո ք ի ց ձ ր ի բ ա ց շ ի թ ո ղ ն ու մ ... կ ա տ ա ղ ի կ ի ն է ...

Պ ե պ ե լ ( պ ա ո կ ե լ ո վ ) . Ե ր կ ու ս դ է լ կ որ ե ք գ ր ո ղ ի ծ ո ց ք ...

Մ ա ր գ ա ր ե ն ն ե՛ր :

Կ լ ե շ շ . Կ տ ե ն ն ե ս ... ս պ ա ս ի ր ...

Լ ու կ ա ( ե ր գ ու մ է խ ո հ ա ն ճ ու մ ) . Կ ե ս գ ի շ ե ը ր ի ն ... շ ի ե ր կ ու մ ու ղ ի ն ...

Կ լ ե շ շ . ( գ ն ա լ ո վ մ ի ք ա ն ց ) . Ը ճ ը՛... ո ո ն ո՛ւ մ է ... ս ա է ր պ ա կ ա ս ...

Պ ե պ ե լ . Բ ա յ ց տ ի ս ու ր է ... ի ն շ ո՛ւ է է դ ա պ ե տ ի ս ու ր : Ա պ ր ու մ ե ս , ա պ ր ու մ , ա մ ե ն ի ն շ լ ա վ է ... և հ ա ն կ ա ր ծ , կ ա ր ծ ե ս ս ա ո շ ու մ ե ս , տ ի ս ր ու մ :

Բ ու ր ն ո վ . Տ ի ր ո՛ւ մ ե ս : Հ ը մ ...

Պ ե պ ե լ . է դ ա պ ե՛ս է :  
Լ ու կ ա ( ե ր գ ու մ է ) . է ճ , և շ ի ե ր կ ու մ ու ղ ի ն ...

Պ ե պ ե լ . Մ ե ր ու կ , հ ե՛յ ...  
Լ ու կ ա ( ն ա յ ե լ ո վ դ ո ն ի ց ) . Ի ն ձ հ ե՛տ ե ս ...

Պ ե պ ե լ . Ք ե՛գ : Մ ի՛ ե ր գ ի ր :  
Լ ու կ ա ( դ ու ր ս գ ա լ ո վ ) . Չ ե՛ս ս ի ր ու մ :

Պ ե պ ե լ . Ե ր ք լ ա վ ե ն ե ր գ ու մ , ս ի ր ու մ ե մ :  
Լ ու կ ա . Ի ս կ ե ս , ու ր ե մ ն , վ ա՛տ ե մ ե ր գ ու մ :

Պ ե պ ե լ . Ու ր ե մ ն ...  
Լ ու կ ա . Ա յ թ ե ի՛ն շ ... Ի ս կ ե ս կ ա ր ծ ու մ է ի , լ ա վ ե մ ե ր գ ու մ : Ա ճ ա , մ ի շ տ ա յ դ ա պ ե ս է լ ի ն ու մ . մ ա ր դ ն ի ն ք ն ի ր ե ն մ տ ա ծ ու մ է՝ լ ա վ բ ա ն ե մ ա ն ու մ , բ ա յ ց հ ա ն կ ա ր ծ՝ մ ա ր դ ի կ դ ծ գ ո ճ ե ն ...

Պ ե պ ե լ ( ծ ի ծ ա ղ ե լ ո վ ) . Ա՛յ , դ ա ճ ի շ տ է ...  
Բ ու ր ն ո վ . Ա ս ու մ ե ս՝ տ ի ս ու ր է , ի ս կ ի ն ք դ հ ո ճ ու մ ե ս :

Պ ե պ ե լ . Ի ս կ ք ե՛ղ ի ն շ : Ա գ ո ա՛վ ...  
Լ ու կ ա . Ա յ դ ո՛վ է տ ի ս ու ր :

Պ ե պ ե լ . Ե ս , ա ճ ա :

Բ ա ր ո ն մ տ ո ն ու մ է :

Լ ու կ ա . Ն ա յ ի ր է՛... Ի ս կ ա յ ն տ ե ղ , խ ո հ ա ն ճ ու մ , օ թ ի ո ր դ ք ն ա տ ա ծ գ ի ր ք է կ ա ր դ ու մ ու լ ա ց լ ի ն ու մ : Ծ ի շ տ ե մ ա ս ու մ : Ա ր ց ու ն ք ն ե ր ք հ ո ս ու մ ե ն : Հ ա ր ց ն ու մ ե մ , ա յ դ ի՛ն շ է , ս ի ր ե լ ի ս , ի ն շ ո՛ւ ե ս լ ա լ ի ս , ի ս կ ն ա թ ե՛ մ ե ղ ք է : Ո՛վ է , հ ա ր ց ն ու մ ե մ , մ ե ղ ք : Ի ս կ ն ա թ ե՛ գ ր ք ի մ ե շ : Ա ճ ա թ ե ի ն շ ու վ է մ ա ր դ ք զ ր ա ղ վ ու մ . Ե ր կ ի է լ ի տ ի ր ու թ յ ու ն ի ց :

Բ ա ր ո ն . Ն ա հ ի մ ա ր է ...

Պ ե պ ե լ . Բ ա ր ո ն , թ ե յ խ մ ե՛լ ե ս :

Բ ա ր ո ն . Խ մ ե լ ե մ ... հ ե տ ո :

Պ ե պ ե լ . Ու զ ո՛ւ մ ե ս , կ ե ս շ ի շ օ ղ ի դ ն ե մ :

Բ ա ր ո ն . Հ ա յ տ ն ի բ ա ն է , ու զ ու մ ե մ ... հ ե տ ո՛ :

Պ ե պ ե լ . Կ ա ն գ ն ի ր շ ո ր ե ք թ ա թ , շ ա ն պ ե ս հ ա շ ի ր :

Բ ա ր ո ն . Հ ի մ ա՛ր , դ ու ի՛ն շ է , վ ա ճ ա ո ա կ ա՛ն ե ս , թ ե՛ հ ա ր ք ա ծ :

Պ ե պ ե լ . Դ ե հ ա շ ի ր : Ի ն ձ հ ա մ ա ր հ ե տ ա ք ր ք ի ր կ լ ի ն ի ... Չ է ո ր դ ու բ ա ր ո ն ե ս ... Ե ղ ե լ է ծ ա մ ա ն ա կ , ո ր մ ե ղ ն մ ա ն ն ե ր ի ն մ ա ր դ ա տ ե ղ շ ե ս դ ր ե լ ... և ն մ ա ն բ ա ն ե ր ...

Բ ա ր ո ն . Հ ե տ ո՛ :

Պ ե պ ե լ. էլ ի՞նչ հետո: Իսկ այժմ ես քեզ կստիպեմ շան նման հաշել, և կանես... կհաշես, չէ՞...

Բ ա ռ ո ն. Դե կհաշեմ, հիմար: Ինչ հաճույք կստանաս դու դրանից, երբ ես ինքս էլ շատ լավ գիտեմ, որ համարյա թե քեզանից էլ վատն եմ դարձել: Այ, դու այն ժամանակ ստիպեիր ինձ շորեթթաթ քայլել, երբ ես քո հատը չէի...

Բ ու բ ն ո վ. Ճի՛շտ է:

Լ ու կ ա. Ես էլ եմ ասում՝ լավ ասաց:

Բ ու բ ն ո վ. Ինչ եղել է, անցել է, միայն դատարկ բաներ են մնացել... Այստեղ տերեր չկան... բոլորն էլ խունացել են, մնացել է միայն մերկ մարդը:

Լ ու կ ա. Ասել է բոլորն էլ հավասար են: Իսկ դու, սիրելիս, բարո՞ն ես եղել:

Բ ա ռ ո ն. Իսկ սա ի՞նչ է: Դու ո՞վ ես, խեղկատակ:

Լ ու կ ա (ծիծաղելով). Կոմս տեսել եմ, իշխան տեսել եմ, բայց բարոն առաջին անգամ եմ տեսնում, այն էլ փշացած...

Պ ե պ ե լ (ծիծաղելով). Բարո՞ն, բայց դու ինձ ամաշեցրիր...

Բ ա ռ ո ն. Խեղոքանալու ժամանակն է, Վասիլի:

Լ ու կ ա. Էհե՛-հե՛, եղբայրներ, նայում եմ ձեզ, ձեր կյանքին, օ՛յ, օ՛յ, օ՛յ...

Բ ու բ ն ո վ. Այնպիսի կյանք է, որ առավոտը վեր կացար թե չէ, իսկույն ոռնալ ես սկսում:

Բ ա ռ ո ն. Եղել է, ավելի լավ ենք ապրել... Այո՛, Ես... պատահում էր... զարթնում էի առավոտյան ու անկողնիս մեջ պառկած սուրճ էի խմում, սուրճ, սերուցքով... այո՛:

Լ ու կ ա. Բոլորն էլ մարդ են... ինչքան էլ ձեռքներս, ինչքան էլ ծոմովես, մարդ ես ծնվել, մարդ էլ կմեռնես... Անվերջ նայում եմ ու տեսնում, որ գնալով մարդիկ ավելի խելոք են գառնում, ավելի հետաքրքիր, թեև ավելի վատ են ապրում, բայց ուզում են ավելի լավին հասնել... համառ են:

Բ ա ռ ո ն. Դու, ծերուկ, ո՞վ ես: Որտեղի՞ց լույս ընկար:

Լ ու կ ա. Ե՛ս:

Բ ա ռ ո ն. Շրջմուխի՞ ես:

Լ ու կ ա. Աշխարհիս երեսին բոլորս էլ շրջմուխիկ ենք, լսել եմ, ասում են՝ աշխարհս էլ երկնքում է շրջմուխիկ:

Բ ա ռ ո ն (խիստ). Դա այդպես է, իսկ անձնագիր ունե՞ս:

Լ ու կ ա (աչ իսկույն). Իսկ դու ո՞վ ես, լրտե՞ս ես:

Պ ե պ ե լ (ուրախ). Կեցցե՛ս, ծերուկ: Ի՞նչ է, բարոնիկ, քե՞զ էլ բաժին հասավ:

Բ ու բ ն ո վ. Այո՛, բարոնը կերավ...

Բ ա ռ ո ն (ամաչելով). Դե լավ, չէ որ կատակ եմ անում, ծերուկ: Ես, եղբայր, ինքս էլ ոչ մի թուղթ չունեմ:

Բ ու բ ն ո վ. Ստում ես:

Բ ա ռ ո ն. Այսինքն... ես թղթեր ունեմ... բայց դրանք բանի պետք չեն...

Լ ու կ ա. Դրանք, այդ թղթերը, բոլորն էլ էդպես են... բոլորն էլ բանի պետք չեն:

Պ ե պ ե լ. Բարո՞ն, գնանք գինետուն:

Բ ա ռ ո ն. Պատրաստ եմ: Դե, ցտեսություն ծերուկ... Համա թե սատանա՞ն ես:

Լ ու կ ա. Ամեն ինչ պատահում է, սիրելիս...

Պ ե պ ե լ (միջանցի դռան մոտ). Դե, գնո՞ւմ ենք, թե չէ՞ (Կնում է, Բարոնը արագորեն հետևում է նրան):

Լ ու կ ա. Իսկապե՞ս այդ մարդը բարոն է եղել:

Բ ու բ ն ո վ. Ո՞վ գիտե: Որ աղա է՝ ճիշտ է: Նա հիմա էլ, չէ-չէ ու հանկարծ իրեն աղա է ձևացնում... դեռ երևի չի մոռացել:

Լ ու կ ա. Դա, այդ աղայությունը, երևի ծաղիկ հիվանդության նման է... մարդն առողջանում է, բայց հետքերը մնում են...

Բ ու բ ն ո վ. Նա, համենայն դեպս, վատը չէ... Միայն այդպես մեկ էլ տեսար քացի տվեց... ոնց որ հիմա, անձնագրիդ հաշվով:

Ա լ յ ո շ կ ա (նեղ է մտնում խմած, հառմունք ձեռքին: Սուլում է). Չե՛յ, կենվորներ...

Բ ու բ ն ո վ. Ի՞նչ ես գոռում...

Ա լ յ ո շ կ ա. Ներեցեք... Ներեցեք: Ես քաղաքավարի մարդ եմ...

Բ ու բ ն ո վ. Նորի՞ց ես խմել...

Ա լ յ ո շ կ ա. Շա՛տ... Հիմա պրիստավի օգնական Մեդյակինը տեղամասից ինձ դուրս արավ ու ասում է, որ, ասում է, փողոցում հոտոք անգամ չգա... շտեսնեմ... ես կամքի տեր մարդ եմ: Իսկ տերը վրաս փնջացնում է... իսկ ինչ բան է տերը... Ֆե-ֆե... թյուրիմացություն... Հարբեցող է նա, այդ տեր կռվածը... իսկ ես այնպիսի մարդ եմ, որ ոչինչ չեմ ցանկանում...

Ոչինչ չեմ ուզում և՛ վերջը Փորձիր, գնիր ինձ մի մանեթով,  
քսանով: Իսկ ես ոչինչ չեմ ուզում: (Նաստյան խոհանոցից դուրս  
է գալիս): Տուր ինձ միլիոն, ու չեմ ուզի: Եվ որ ինձ, լավ մար-  
դուս, հրամայի իմ քնկերը... հարբեցողը, չեմ ցանկանում: Չեմ  
ուզում:

Դուք մոտ կանգնած, նաստյան, հայելով Ալյոշային, գլուխն է տարտի-  
բում:

Լ ու կ ա. (բարեհոգաբար). Ա՛խ, տղա, խճճվել ես դու...

Բ ու բ ն ո վ. Մարդկային հիմարություն...

Ա լ յ ո շ կ ա (պառկում է հատակին). Ա՛ն, կեր ինձ: Իսկ  
ես ոչինչ չեմ ուզում: Ես անվախ մարդ եմ: Բացատրեք ինձ, ես  
ումի՞ց եմ վատ: Ինչո՞ւ եմ ուրիշներից վատ: Ահա Մեղյակիին  
ասում է. փողոց դուրս մի գա, մոռոթիդ կտամ... Իսկ ես կգնամ,  
կգնամ ու կպառկեմ փողոցի մեջտեղը՝ ճզմիր ինձ: Ես ոչինչ չեմ  
ցանկանում:

Ն ա ս տ յ ա. Թշվառ: Ինչքան շահել է, բայց արդեն... կո-  
տրրվում է:

Ա լ յ ո շ կ ա (նրան տեսնելով ելնում է ծնկի). Օրիորդ, մամ-  
զել... Պարիս ֆրանսե... պրեյս-կուրանտ... Հարբե՛լ եմ ես...

Ն ա ս տ յ ա (բարձր շշնջում է). Վասիլիսան...

Վ ա ս ի լ ի ս ա (արագ բացելով դուռը՝ Ալյոշային). Դու  
նորի՞ց այստեղ ես...

Ա լ յ ո շ կ ա. Բարև ձեզ... համեցեք...

Վ ա ս ի լ ի ս ա. Ես քեզ, շան լակոտիդ, ասացի, որ շունչդ  
էլ այստեղ չլինի, իսկ դու նորից եկել ես:

Ա լ յ ո շ կ ա. Վասիլիսա կարպովնա... Ուզում ես, ես քեզ  
համար մահվան քայլերդ նվագեմ:

Վ ա ս ի լ ի ս ա (հրում է նրա ուտը). Դո՛ւրս...

Ա լ յ ո շ կ ա (շարժվելով դեպի դուռը). Սպասի՛ր... այդպես  
չի կարելի: Մահվան քայլերդ... նոր եմ սովորել... Թարմ երածը շ-  
տություն է... Սպասիր, այդպես չի կարելի:

Վ ա ս ի լ ի ս ա. Ես քեզ ցույց կտամ՝ չի կարելի... ես ամ-  
բողջ փողոցը վրադ քսի կտամ... Անիծյալ կռապաշտ... Վրաս  
հաշելու համար շատ ես շահել...

Ա լ յ ո շ կ ա (դուրս վազելով). Դե, ես գնամ...

Վ ա ս ի լ ի ս ա (Բուրբնովին). Որ նրա ոտքն այստեղ չլինի...  
լսո՞ւմ ես...

Բ ու բ ն ո վ. Ես քեզ համար պահակ չեմ այստեղ:  
Վ ա ս ի լ ի ս ա. Իսկ իմ ի՞նչ գործն է, թե ով ես դու: Մի՛  
մոռացիր, ողորմածությամբ ես ապրում: Ինչքա՞ն ես ինձ պարտք:  
Բ ու բ ն ո վ (հանգիստ). Չեմ հաշվեմ:

Վ ա ս ի լ ի ս ա. Նայիր, այնպես հաշվեմ ո՞ր...

Ա լ յ ո շ կ ա (դուռը բացելով, գոռում է). Վասիլիսա կար-  
պովնա, իսկ ես քեզանից չե՛մ վախենում, չե՛մ վախենում:  
(Թափնվում է):

Լուկան ծիծաղում է:

Վ ա ս ի լ ի ս ա. Դո՞ւ ով ես:

Լ ու կ ա. Անցորդ եմ... ճամփորդ...

Վ ա ս ի լ ի ս ա. Գիշերում ես, թե պիտի բնակվես:

Լ ու կ ա. Կնայեմ դեռ...

Վ ա ս ի լ ի ս ա. Անձնագի՛րդ:

Լ ու կ ա. Կարելի է...

Վ ա ս ի լ ի ս ա. Տո՛ւր...

Լ ու կ ա. Կբերեմ... քո բնակարանը քաշ կտամ:

Վ ա ս ի լ ի ս ա. Անցո՞րդ եմ... Սա՞ էլ... ասելի՛ր՝ թոկից փա-  
խած եմ, ճշմարտությանն ավելի մոտ կլինե՞ր...

Լ ու կ ա (հառաչելով). Ա՛խ, չէ, համա թե բարի չես դու,  
մերս...

Վասիլիսան գնում է դեպի Պեզելի սենյակի դուռ: Ալյոշան խոհանոցից  
դուրս գալով, շշնջում է. «Գնա՞ց, եր»:

Վ ա ս ի լ ի ս ա (շուռ է գալիս նրա կողմը). Դու դեռ այս-  
տե՞ղ ես:

Ալյոշան թափնվելով, աւուր է: Նաստյան և Լուկան ծիծաղում են:

Բ ու բ ն ո վ (Վասիլիսային). Չկա նա...

Վ ա ս ի լ ի ս ա. Ո՞վ...

Բ ու բ ն ո վ. Վասկան:

Վ ա ս ի լ ի ս ա. Ես քեզ նրա մասին հարցրի՞...

Բ ու բ ն ո վ. Տեսնում եմ... դեսուդեն նա նայում...

Վ ա ս ի լ ի ս ա. Ես կարգուկանոնին եմ նայում, հասկացա՞ր:  
Այդ ինչո՞ւ մինչև հիմա հատակը չի ավլած: Քանի անգամ եմ  
ես հրամայել, որ մաքուր լինի:

Բ ու բ ն ո վ. Դերասանը պիտի մաքրեր...

Վ ա ս ի լ ի ս ա. Իմ գործը չէ, թե ով պիտի մաքրեր: Ու եթե

սանիտարները գան տուգանեն, ես այն ժամանակ բոլորիդ դուրս կվճնդեմ...

**Բ ու ր ւ ն ո վ (հանգիստ).** Իսկ ինչո՞վ պիտի ապրես:

**Վ ա ս ի լ ի ս ա.** Որպեսզի աղբի նշույլ իսկ չլինի... (Գնում է խոհանոց, նաստասյային): Դո՞ւ ինչ ես այստեղ ցցվել: Մոռութդ ինչո՞ւ է ուռել: Ի՞նչ ես կոճղի պես ցցվել: Հատակն ավլիր: Նաստայային... տեսե՞լ ես: Այստեղ եղե՞լ է:

**Ն ա ս տ յ ա.** Չգիտեմ... չեմ տեսել...

**Վ ա ս ի լ ի ս ա.** Բուբնով, քույրս այստեղ եղե՞լ է...

**Բ ու ր ւ ն ո վ.** Ահա, սրան ինքը բերեց...

**Վ ա ս ի լ ի ս ա.** Էն մեկը... տա՞նն էր...

**Բ ու ր ւ ն ո վ.** Վասիլիին... Տա՞նն էր... Կլեշչի հետ էր զրուցում, իսկ նաստայան...

**Վ ա ս ի լ ի ս ա.** Ես քեզ չեմ հարցնում՝ ում հետ էր զրուցում... Աղբ է այստեղ... Աղբակույտ... Ախ, դուք խոզե՞ր... Որպեսզի մաքուր լինի... լսո՞ւմ եք... (Արագ գնում է):

**Բ ու ր ւ ն ո վ.** Ինչքա՞ն գազանություն կա այս կնկա մեջ:

**Լ ու կ ա.** Շա՛տ լուրջ կնիկ է...

**Ն ա ս տ յ ա.** Այսպիսի կյանքից գազան կկտրես... Կապիր ուզածդ կենդանի մարդուն այնպիսի ամուսնու հետ, ինչպիսին նրանն է...

**Բ ու ր ւ ն ո վ.** Դե, նա այնքան էլ ամուր չի կապված...

**Լ ու կ ա.** Նա միշտ այսպես... պայթո՞ւմ է...

**Բ ու ր ւ ն ո վ.** Մի՛շտ... Սիրեկանի մոտ էր եկել, իսկ նա չկա...

**Լ ու կ ա.** Վիրավորվեց, ուրեմն: Ամեն տեսակի ինչքա՞ն մարդ է այս երկրի վրա հրաման տալիս... ինչ տեսակ-տեսակ սարսափներով են մեկմեկու վախեցնում, բայց կյանքում էլի կարգուկանոն չկա... և մաքրություն չկա...

**Բ ու ր ւ ն ո վ.** Բոլորն են կարգուկանոն ուզում, բայց խելքն է պակասում... Այսպես թե այնպես, բայց հատակը պետք է ավլել... Նա՛ստյա, զբաղվիր դրանով:

**Ն ա ս տ յ ա.** Իհա՛րկե, ինչպե՞ս չէ... Հավաքարար եմ ձեզ համար, ինչ է... (Լոկուց հետո): Այսօր ես կիմեմ... այնպե՞ս կիմեմ:

**Բ ու ր ւ ն ո վ.** Դա էլ գործ է...

**Լ ու կ ա.** Այդ ինչի՞ց է, օրիորդ, որ դու խմել ես ուզում: Քիչ առաջ լաց էիր լինում, իսկ հիմա ասում ես՝ կիմեմ:

**Ն ա ս տ յ ա (հանդգնաբար).** Կիմեմ ու նորից կսկսեմ լալ...  
Հենց էդպես:

**Բ ու ր ւ ն ո վ.** Շատ չէ՞:

**Լ ու կ ա.** Բայց ի՞նչ պատճառով, ասա: Ախր, առանց պատճառի պզուկն անգամ դուրս չի գալիս...

Նաստյան զրույթ բափահարելով, լուս է:

**Լ ու կ ա.** Այդպե՛ս... Ա՛խ... ա՛խ... պարոնայք մարդիկ... ինչ կկատարվի ձեզ հետ: Գոնե ես այստեղ ավլեմ: Ավելն ո՞ւր է: **Բ ու ր ւ ն ո վ.** Դռան ետեր, հաշտում:

Լուկան գնում է միջանցք:

**Բ ու ր ւ ն ո վ.** Նաստենկա...

**Ն ա ս տ յ ա.** Ի՞նչ...

**Բ ու ր ւ ն ո վ.** Վասիլիսան այդ ինչո՞ւ հարձակվեց Ալյոշկայի վրա:

**Ն ա ս տ յ ա.** Նա վասիլիսային ասաց՝ վասկան քեզնից ձանձրացել է, կթողնի... ու նատաշային կառնի... Ես այստեղից կգնամ... ուրիշ բնակարան:

**Բ ու ր ւ ն ո վ.** Ի՞նչ: Ո՞ւր:

**Ն ա ս տ յ ա.** Չանձրացել եմ... Ես այստեղ ավելորդ եմ:

**Բ ու ր ւ ն ո վ (հանգիստ).** Դու ամեն տեղ ավելորդ ես... Եվ բոլոր մարդիկ էլ աշխարհի վրա ավելորդ են...

Նաստյան տարուբերում է զրույթ: Ելնում, կամաց գնում է միջանցք: Ներս է մտնում Մեդվեդևը: Նրա ետևից՝ Լուկան է, ավելը ձեռքին:

**Մ ե դ վ ե դ ե.** Ես կարծես թե քեզ չեմ ճանաչում:

**Լ ու կ ա.** Իսկ մնացյալ բոլոր մարդկանց ճանաչո՞ւմ ես:

**Մ ե դ վ ե դ ե.** Իմ տեղամասում ես բոլորին պարտավոր եմ ճանաչել, իսկ քեզ, ահա, չեմ ճանաչում:

**Լ ու կ ա.** Այդ նրանից է, քեռի, որ ամբողջ երկիրը քո տեղամասում չի տեղավորվել: Նրանից դուրս էլ մի փոքրիկ մնացել է... (Գնում է խոհանոց):

**Մ ե դ վ ե դ ե (մտտենալով Բուբնովին).** Ճիշտ է, իմ տեղամասը մեծ չէ, բայց բոլոր մեծերից վատթար է... Հիմա, հերթափոխությունից քիչ առաջ, կոշկակար Ալյոշկային տեղամաս տարա... Պառկել է, հասկանում ես, փողոցի մեջտեղը, հարմոն է նվազում ու գոռում է՝ ոչինչ չեմ ուզում, ոչինչ չեմ ցանկանում: Չիեր են այդտեղով անցնում, և բնդհանրապես շարժում

կա... կարող են անիվներով տրորել, և նման բաներ... Կատաղի տղա է... Դե, ես էլ անմիջապես նրան տարա: Անկարգութուն շատ է սիրում:

Բ ու թ ն ո վ. Երեկոյան շաշկի խաղալու կգաս...

Մ ե դ վ ե դ և. Կղամ: Հը՛մ... իսկ Վասկան... ո՞նց է...

Բ ու թ ն ո վ. Ոչինչ... առաջվա պես...

Մ ե դ վ ե դ և. Ուրեմն... ապրո՞ւմ է:

Բ ու թ ն ո վ. Իսկ ինչո՞ւ չապրի: Նրան կարելի է...

Մ ե դ վ ե դ և (կասկածանքով). Կարելի է... (Լուկան դույլը ձեռքին գնում է միջանցք): Ըմ... այստեղ խոսում են Վասկայի մասին... դու շե՞ս լսել:

Բ ու թ ն ո վ. Ես շատ բան եմ լսում...

Մ ե դ վ ե դ և. Վասիլխասյի հաշվով, իբր թե... շե՞ս նկատել:

Բ ու թ ն ո վ. Ի՞նչ...

Մ ե դ վ ե դ և. Այնպես... ընդհանրապես: Դու գուցե գիտես, բայց ստում ես: Ախր, բոլորը գիտեն... (խիստ) Ստել չի կարելի, եղբայր:

Բ ու թ ն ո վ. Ինչո՞ւ պիտի ստեմ:

Մ ե դ վ ե դ և. Ա՛յդ է... Ախ, շներ... խոսում են՝ Վասկան Վասիլխասյի հետ... իբր թե... իսկ ի՞նչ ինչ: Ես նրա հայրը չեմ, քեռին եմ... ինչո՞ւ են ինձ վրա ծիծաղում: (Մտնում է Կվաշեյան): Ի՞նչ է դարձել ժողովուրդը... ամեն ինչի վրա ծիծաղում է... Ա-ա՛... դու... եկա՞ր...

Կ վ ա շ ն յ ա. Միքելագուլյնդ իմ կայազոր... Բուքնով, սա շուկայում նորից կպել էր ինձ, թե պասկվենք...

Բ ու թ ն ո վ. Պասկվիր... ինչո՞ւ չէ: Փոզ ունի և դեռ պինդ տղամարդ է:

Մ ե դ վ ե դ և. Այդ ե՞ս... հո՛-հո՛...

Կ վ ա շ ն յ ա. Ախ, դու, գայլ: Չէ, դու իմ ցավոտ տեղին ձեռք մի տա: Դա, սիրելիս, ես արգեն փորձել եմ, կնկա համար մարդու գնալը նույնն է, ինչ ձմռանը սառցածակով գետն ընկնելը. մի անգամ արել եմ, ամբողջ կյանքումս հիշելու համար հերիք է:

Մ ե դ վ ե դ և. Համբերիր, ախր... ամուսինները տարբեր են լինում:

Կ վ ա շ ն յ ա. Բայց ես հո միշտ նո՞ւյնն եմ: Երբ իմ սիրելի ամուսնյակը սատկեց, թող գերեզմանում էլ տեղ-դադար չունենա, ես ուրախությունից ամբողջ օրը մեն մենակ նստեցի, նստել եմ ու էլի չեմ հավատում իմ երջանկությանը...

Մ ե դ վ ե դ և. Եթե մարդը քեզ անմեղ տեղն էր ծեծում, ուստիկանատուն պիտի դիմեիր...

Կ վ ա շ ն յ ա. Ես յոթը տարի աստծուն դիմեցի... չօգնեց...

Մ ե դ վ ե դ և. Հիմա կանանց ծեծելն արգելված է... հիմա ամեն ինչում խստութուն կա և օրենք՝ կարգուկանոն: Ոչ մեկին անմեղ տեղը ծեծել չի կարելի... ծեծում են կարգուկանոնի համար...

Լ ու կ ա (նեւս է բերում Աննային). Ահա և քարը գալով հասանք: Ախ, դու, միթե կարելի է այսպիսի թույլ կազմվածքով մենակ քայլել: Ո՞ւր է քո տեղը...

Ա ն ն ա (ցույց տալով). Շնորհակալ եմ, պապիկ...

Կ վ ա շ ն յ ա. Ահա նա, մարդ ունի... նայեցեք...

Լ ու կ ա. Բոլորովին թույլ կազմվածքի տեր կնիկ է... գնում է միջանցքով, կախվում է պատերից ու տնքում է... Ինչո՞ւ եք նրան մենակ բաց թողնում:

Կ վ ա շ ն յ ա. Չնկատեցինք, ներեցեք, հայրիկ: Իսկ նրա սպասուհին երևի ման գալու է գնացել...

Լ ու կ ա. Դու ծիծաղում ես ահա, բայց մի՞թե կարելի է մարդուն չղպես մենակ թողնել: Նա, ինչպիսին էլ լինի, բայց միշտ իր գինն ունի:

Մ ե դ վ ե դ և. Հսկողութուն է պետք: Հանկարծ ու մեռա՛վ: Գլխացավանք կլինի... Հետեւ է պետք...

Լ ու կ ա. Ծիշտ է, պարոն ունտեր...

Մ ե դ վ ե դ և. Հա... թեև ես... դեռ լրիվ ունտեր չեմ...

Լ ու կ ա. Ի՞նչ ես ասում... իսկ տեսքդ իսկը հերոսի է:

Միջանցքում ազմուկ է ու դափոց: Խուլ կանչեք եե լսվում:

Մ ե դ վ ե դ և. Երևի տուրուղմիսց է...

Բ ու թ ն ո վ. Նման է...

Կ վ ա շ ն յ ա. Գնամ, նայեմ...

Մ ե դ վ ե դ և. Ես էլ պետք է գնամ: Ախ, ծառայություն: Եվ ինչո՞ւ են մարդկանց բաժանում, երբ նրանք կովում են: Նրանք հենց իրենք կղաղարեցնեն... ախր, կովելուց հոգնում են... Պիտի թույլ տալ, որ նրանք իրար ազատորեն էնքան տան, ինչքան ամեն մեկին պետք է, կշտանալու համար... դրանից հետո ավելի քիչ կո՛րվ կանեին, քանի որ կերած քոթակը ավելի երկար կհիշեին:

Բ ու ը ն ո վ (տախտամածից իջնելով). Դու թո պետերի հետ  
խոսիր այդ հարցով...

Կ ո ս տ ի լ յ ո վ (դուրը բացելով, գոռում է). Աբրամ... Հա-  
սի՛ր, Վասիլիսան նատաշկային սպանում է, հասի՛ր...

Կվաշեյան, Մեղվեղեր, Բաբուլը նետվում են միջանցի:  
Լուկան, գուպը տառութեելով, նայում է նրանց ետևից:

Ա ն ն ա. Օ՛, տեր աստված... Նատաշենկան մեղք է:

Լ ու կ ա. Ո՞վ է կուլում այնտեղ...

Ա ն ն ա. Տանտիրուհիները... քույրերը...

Լ ու կ ա (մտտեկավ Աննային). Ի՞նչ են բաժանում:

Ա ն ն ա. Այնպես... երկուսն էլ կուշտ են... առողջ...

Լ ու կ ա. Անունդ ի՞նչ է...

Ա ն ն ա. Աննա... Նայում եմ քեզ... իմ հորն ես դու նման,  
հայրիկիս... ես էլ այդպես սիրալիր էր, փափուկ...

Լ ու կ ա. Շատ են տրորել, դրա համար էլ փափուկ եմ...  
(ծիծաղում է գրեզացող ծիծաղով):

Վ ա ռ ա գ ա լ յ ր

### ԵՐԿՐՈՐԳ ԳՈՐԾՈՂՈՒԹՅՈՒՆ

Նայն կանավորայունն է: Երեկ: Տախտամածի վրա, վառարանի  
մոտ Սատիենը, Բարոնը, Կրիվոյ Զորը և Քաբարը  
բուրբ են խաղում: Կլեշեն ու գերասանը նետում են խաղին: Բուր-  
նավը իր տախտամածի վրա Մեղվեղերի նետ շաշկի է խաղում:  
Լուկան նստած է արագին, Աննայի անկողնի մոտ: Օրևանը  
լուսավորված է երկու լամպով, մեկը կախված է պատին, բուրբ խաղա-  
ցողների մոտ, մյուսը՝ Բուրնավի տախտամածի վրա է:

Ք ա բ ա ռ. Մի անգամ էլ խաղում, էլ չեմ խաղում...

Բ ու ը ն ո վ. Զոր, երգիր: (Երգում է):

Արփին ծագում, մտնում է մայր...

Կ ռ ի վ ո յ Զ ո թ (ձայնակցելով).

Բայց խավար է իմ բանտում...

Ք ա բ ա ռ (Սատիենին). Թղթերը խառնիր. լավ խառնիր, գի-  
տենք, դու ինչ պտուղ...

Բ ու ը ն ո վ և Կ ռ ի վ ո յ Զ ո թ.

Պահակները զոր ու գիշեր

Լուսամուտս են պահպանում...

Ա ն ն ա. Սեծկտուր... վիրավորանք... դրանից բացի ես  
ոչինչ չեմ տեսել, չեմ տեսել:

Լ ու կ ա. Ախ, սիրունս, մի տխրիր.

Մ ե ղ վ ե ղ և. Այդ ինչպե՞ս ես խաղում, նայի՛ր...

Բ ու ը ն ո վ. Ա-ա՛, այդպես, այդպես, այդպես...

Ք ա բ ա ռ (բոունցճեերով Սատիենին սպառնալով). Ինչո՞ւ

թուղթ պահել ուզում ես: Ես տեսնում եմ... է՛, դու

Կ ի վ ո յ Զ ո թ. Թող, Հասան, մեկ է, նրանք մեզ կխաբեն...

Բուրնով, զլի՛ր...

Ա ն ն ա. Զեմ հիշում, թե երբ եմ կուշտ եղել... Հացի ամեն

կտորի վրա դողում էի... Ամբողջ կյանքումս դողում էի... Տանը-

վում... թե հանկարծ ուրիշից շատ շուտեմ... ամբողջ կյանքում

ցնցոտիներով եմ ման եկել... իմ ամբողջ անբախտ կյանքում:

Ինչի՞ համար:

Լ ու կ ա. Ախ, դու, զավակս! Հոգնել ես: Ոչինչ!

Դ ե ռ ա ս ա ն (Կրիվոյ Զորին). Զինվորը՝ խաղա... գրեզացող:

Սատանա՛:

Բ ա ռ ո ն. Իսկ մեզ մոտ թագավորն է:

Կ լ ե շ շ. Նրանք միշտ էլ կխփվեն:

Ս ա տ ի ն. Այդպես է մեր սովորույթը:

Մ ե ղ վ ե ղ և. Տամա՛...

Բ ու ը ն ո վ. Իմ ձեռքին էլ է... դե...

Ա ն ն ա. Մեռնում եմ ա՛հա...

Կ լ ե շ շ. Տես է, տես... խան, թող խաղը, թող, ապում եմ:

Դ ե ռ ա ս ա ն. Առանց քո ասելու չի՞ հասկանում, ինչ է:

Բ ա ռ ո ն. Ինձ նայիր, Անդրյուշկա, այնպես արա, որ քեզ

գրողի ծոցը շղրկեմ:

Ք ա բ ա ռ. Մեկ էլ բաժանիր... Կուժը գնում էր ջրի, իրեն

կոտրում էր... ես էլ...

Կ լ ե շ շ (զլուխը բափահարելով, մոտենում է Բուրնովին):

Ա ն ն ա. Անվերջ մտածում եմ, տեր աստված, մի՞թե այն

աշխարհում էլ պիտի տանջվեմ, մի՞թե այնտեղ էլ...

Լ ու կ ա. Այնտեղ ոչինչ էլ չի լինելու, իմացիր, ոչինչ...

Կհանգստանաս այնտեղ... Քիչ էլ համբերիր: Թոյրն են, սիրելիս,

համբերում... ամեն մեկն իր ձեռով է համբերում կյանքում: (Մլ-

նում է ու արագ ֆայլերով գնում է խոհանոց):

Բ ու ը ն ո վ (երգում է). Ոնց ուզում եք պահպանեք ինձ...



Կրիվոյ Զոբ. Ո՛ր կփախչեմ ես, ախր, ո՛ր...

Երգում են երկուսով:

Շատ կուզեի լինել ազատ,

Բայց շղթաներս են ամուր...

Թաքար (զոռում է). Ա՛, թուղթը թևքի մեջ խոթել...

Բարոն (շփոթված). Իսկ ի՞նչ է... քթիդ մե՞ջ պիտի խոթեի...

Դեռասան (համոզիչ կերպով). Խան, դու սխալվեցիր... ոչ ոք, երբեք...

Թաքար. Ես տեսա... Դու խարդախ ես... չե՛մ խաղա...

Սատին (թղթերը ճավափելով). Հասան, վազն արի... Որ մենք խարդախ ենք, քեզ հայտնի է: Ուրեմն ինչո՞ւ էիր խաղում...

Բարոն. Երկու քսան կոպեկանոց ես տարվել, բայց երեք ուրյու աղմուկ ես անում... ու դեռ խան ես...

Թաքար (տախտակ). Պետք է ազնիվ խաղալ...

Սատին. Իսկ ինչի՞ համար...

Թաքար. Ինչպե՞ս, ինչի համար...

Սատին. Այնպես... ինչի՞ համար...

Թաքար. Դու չգիտե՞ս...

Սատին. Չէ՛, իսկ դու գիտե՞ս...

Թաքար կատաղած բռն է: Բոլոր ետևում են վրան:

Կրիվոյ Զոբ (բարեհոգաբար). Զարմանալի մարդ ես, Հասան, հասկացիր: Եթե սրանք սկսեն ազնիվ խաղալ, երեք օրում սովից կսատկեն...

Թաքար. Իսկ իմ ի՞նչ գործ. պետք է ազնիվ խաղալ...

Կրիվոյ Զոբ. Լարե՛լ է... Ավելի լավ է գնանք թեյ խմենք... է՛հ, շղթաներ, իմ շղթաներ...

Բուրբնով. Պահապաններ երկաթե...

Կրիվոյ Զոբ. Գնանք, Հասանկա... (Գնում է երգելով): Չեք փշրվում, չեք կտրվում...

Թաքարը Բարոնին սպառնում է բռնեցնել ու դուրս է գալիս ընկերոջ ետևից:

Սատին (Բարոնին, ծիծաղելով). Դուք, ձերը ձերություն, նորից հանդիսավորապես հիմար վիճակի մեջ ընկաք: Ուսումնական մարդ եք, բայց թուղթը ծլլաքնել չեք կարողանում...

Բարոն (ձեռները տարածելով). Սատանան գիտե, թե ոնց եղավ...

Դեռասան. Տաղանդ չունի... իր նկատմամբ հավատ... իսկ քոանց դրանց երբեք ոչինչ չի ստացվում:

Մեղվեղև. Ես մի տամա ունեմ, իսկ քոնը երկուսն է... Հա:

Բուրբնով. Քիչ չէ մեկն էլ լուկ, եթե շատ է խելոք...

Կլեշչ. Տարվեցիք, Աբրամ Իվանիչ:

Մեղվեղև. Դա քո գործը չէ, հասկացա՞ր: Եվ լոիր...

Սատին. Շահույթը հիսուներեք կոպեկ է...

Դեռասան. Երեք կոպեկը ինձ... բայց, ասենք, ինչի՞ս է պետք երեք կոպեկը:

Լուկա (խոհանոցից դուրս գալով). Դե, թաթարին տարաք: Արաղ խմելո՞ւ պիտի գնաք:

Բարոն. Գնանք մեզ հետ:

Սատին. Տեսնե՞մ խմած ժամանակ ոնց ես:

Դեռասան. Գնանք, ծերուկ, ես քեզ համար քառյակներ կարտասանեմ:

Լուկա. Դա ի՞նչ է...

Դեռասան. Բանաստեղծություն, հասկանո՞ւմ ես:

Լուկա. Բանաստեղծություն, իսկ իմ ինչի՞ն է պետք բանաստեղծությունը:

Դեռասան. Դա զվարճալի է... իսկ երբեմն՝ տխուր...

Սատին. Հը, ամուսնորդ, գալի՞ս ես: (Գնում է Բարոնի հետ):

Դեռասան. Դալիս եմ... Ես կհասնեմ: Ահա, օրինակ, ծերուկ, մի բանաստեղծության մեջ այսպես է ասված... սկիզբը մոռացել եմ... մոռացել եմ (ճակատն է շփում):

Բուրբնով. Վե՛րջ: Քո տաման կորած է... Խաղա...

Մեղվեղև. Ծիշտ չխաղացի ես... ահա, կրակիր...

Դեռասան. Առաջ, երբ իմ օրգանիզմը ալկոհոլով թունավորված չէր, ես, ծերուկ, լավ հիշողություն ունեի: Իսկ հիմա, ախպերս, ամեն ինչ վերջացած է... ինձ համար ամեն ինչ վերջացած է... ես միշտ այդ բանաստեղծությունը հաջողությամբ էի արտասանում... ծափերը որոտում էին... դա, եղբայր, արաղի պես է... Պատահում էր, դուրս էի գալիս, կանգնում էի ահա այսպես... (Կեցվածք է ընդունում): Կանգնում էի և... (Լռում է): Ոչինչ չեմ հիշում... ոչ մի բան... չե՛մ հիշում: Միրածս բանաստեղծությունը... վատ է դա, ծերուկ...

Լ ու կ ա. Դե ոնց կարող է լավ լինել, երբ սիրածդ բանն ես մոռացել: Սիրած բանի մեջ է ամբողջ հոգիդ:

Գ ե ռ ա ս ա ն. Հոգիս գինուն ծախեցի, ծերուկ... Ես, եղբայրս, կործանվեցի... Իսկ ինչո՞ւ կործանվեցի: Որովհետև հասկատ չունեի... Ես վերջացած եմ...

Լ ու կ ա. Ինչո՞ւ այդպես... Դու բուժվիր: Հարբեցողութունը հիմա բուժում են, իմացար: Ձրի են, ախպերս, բուժում... Հարբեցողների համար այդպիսի հիվանդանոց է ստեղծված, ուրեմն, որ բուժեն, առանց փողի բուժեն... Խելքի են եկել, որ հարբեցողն էլ մարդ է... Եվ նույնիսկ, ուրախանում են, երբ նա ցանկանում է բուժվել: Վազիր, գնա՛...

Գ ե ռ ա ս ա ն. Ո՞ւր, որտե՞ղ է դա:

Լ ու կ ա. Իսկ դա... մի քաղաքում է... ո՞նց էր դրա... անունը մի տեսակ է... Հա, ես քեզ անունը կտամ: Իսկ դու, ահա թե ինչ, դու անայժմ պատրաստվիր: Մի խմիր: Ինքդ քեզ հավաքիր ու համբերիր... Իսկ հետո կբուժվես... և նորից կսկսես ապրել... Նորից ապրելը լավ է: Դե, որոշիր... Իսկույն...

Գ ե ռ ա ս ա ն (ծպտալով). Նորից... Սկզբից... Լավ է դա... Այո՞... Նորից (ծիծաղում է): Իհարկե: Ես կարող եմ կարող եմ, չէ՞...

Լ ու կ ա. Ինչո՞ւ չէ: Մարդը ամեն ինչ կարող է, միայն թե ցանկանա:

Գ ե ռ ա ս ա ն (կարծես հանկարծ արթնանալով). Գու զարմանալի մարդ ես: Առայժմ մնաս բարով (սուլում է), մնաս բարով, ծերուկ (զենում է):

Ա ն ն ա. Պապի՛կ...

Լ ու կ ա. Ի՞նչ է, հոգիս...

Ա ն ն ա. Խոսիր ինձ հետ...

Լ ու կ ա (մոտենալով նրան). Լավ, զրուցենք...

Կեչը շուրջ է նայում, լուս մոտենում է կեչը, նայում է նրան, ձեռքերով ինչ-որ շարժումներ է անում, ցանկանալով ասես ինչ-որ բան ասել:

Լ ու կ ա. Ի՞նչ է, ախպերս...

Կ յ է շ շ (ցածրաձայն). Ոչինչ...

Իսկապես շարժում է դեպի միջանցքի դուռը, մի բանի վայելյալ կանգնում է նրա դեմ և գնում է:

Լ ու կ ա (հայացելով համփու դնելով նրան). Դժվար է մարդուը համար:

Ա ն ն ա. Էլ նա չի իմ հոգսը:

Լ ու կ ա. Մեծո՞ւմ էր քեզ:  
Ա ն ն ա. Էն էլ ո՞նց... Դրանից, երևի, էսպես հալումաշ եղա:

Բ ու թ ն ո վ. Կինս սիրեկան ուներ. հիանալի շաշկի էր խազում սրիկան...

Մ ե դ վ ե դ և. Հը՛մ...

Ա ն ն ա. Պապիկ, սիրելիս, խոսիր ինձ հետ... սիրտս կառնում է...

Լ ու կ ա. Դա ոչինչ: Մեռնելուց առաջ էդպես է լինում, աղավնյակս: Ոչինչ, սիրունս: Դու հուսա... Ահա, ուրեմն, կմեռնես ու կհանգստանաս... էլ ոչնչի պետք չես ունենա, և վախենալ էլ պետք չէ: Լուսթյուն, խաղաղություն... պառկիր քեզ համար... Մահը ամեն ինչ հանգստացնում է... Մեզ համար ես սիրալիր է... Կմեռնես, ասում են, կհանգստանաս... Դա ճիշտ է, սիրունս, որովհետև այստեղ մարդը ո՞նց կհանգստանա:

Մտնում է Պեպելը: Ես մի էի խմած է, զգզված, մայր: Եստու՞մ է դուք մտ՝ տախտամածին, լում է ու անշարժանում:

Ա ն ն ա. Իսկ այնտեղ ի՞նչ է լինելու, նորի՞ց շարժարանք:  
Լ ու կ ա. Ոչինչ չի լինելու, ոչինչ: Հավատա: Հանգստություն և ուրիշ ոչինչ: Կկանչեն քեզ քաղժու մոտ ու կասեն. տե՛ր աստված, նայիր տես, ահա եկավ քո ծառա Աննան...

Մ ե դ վ ե դ և (խիստ). Իսկ դու ի՞նչ գիտես, թե այնտեղ ինչ կասեն: Է՛յ, դու...

Պեպելը Մեդվեդի ձայնի վրա բարձրացնում է գլուխն ու ականջ դնում:

Լ ու կ ա. Ուրեմն, գիտեմ, պարոն ունտեր...  
Մ ե դ վ ե դ և (հաշվողաբար). Հըմ... այո... դե քո գործն է... թեև ես դեռ լրիվ ունտեր չեմ...

Բ ու թ ն ո վ. Երկուսն եմ առնում:

Մ ե դ վ ե դ և. Ախ, դու... թող որ քեզ...

Լ ու կ ա. Իսկ աստված կնայի քեզ քաղցր ու անուշ ու կասի. Ճանաչում եմ ես այս Աննային: Դե, կասի, տարեք նրան՝ Աննային, դրախտ: Թող հանգստանա... գիտեմ, նա շատ դժվար է ապրել... շա՛տ է հոգնել... Հանգիստ տվեք Աննային...

Ա ն ն ա (ընչահատվելով). Պապիկ, սիրելի՛ս... երանի թե այդպես լինի... Երանի թե հանգիստ լինի... Երանի ոչինչ չզգամ...  
Լ ու կ ա. Չես զգա... ոչինչ չի լինի: Հավատա: Դու ուրախու-

Յայմբ մեռիր, առանց վախի... Մահը, ախր, ասում եմ, մեզ հա՛մար նույնն է, ինչ մայրն իր պատիկ երեսխայի համար...

Ա. Ա. Ա. Բայց... Գուցե... գուցե... առողջանամ:

Լուկա (Իմծիծաղում է). Ինչի՞ համար: Նորի՞ց տանջվելու...

Ա. Ա. Ա. Դե... էլի մի քիչ կուզեի ապրել... մի քիչ: Քանի որ այնտեղ տանջանք չի լինելու... այստեղ կարելի է համբերել... կարելի է:

Լուկա. Ոչինչ չի լինի այնտեղ: Պարզապես...

Պեպեյ (տեղից ելնելով). Ճիշտ է... բայց գուցե և ճիշտ չէ...

Ա. Ա. Ա. (վախեցած). Տեր ասոված...

Լուկա. Ա, սիրուն տղա, դո՞ւ ես...

Մեղվեղև. Ո՞վ է գոռում:

Պեպեյ (մտտեկալով նրան). Ծ՛ս: Իսկ ի՞նչ է:

Մեղվեղև. Ջուր ես գոռում, ահա թե ինչ: Մարդն իրեն պիտի լուրջ պահի:

Պեպեյ. Է՛... Դմբո՞... Եվ դեռ քեռի է...

Լուկա (Պեպեյին՝ ցածրածայն). Լսիր, մի գոռա: Կինը մահանում է... Շրթունքներն արդեն հողով են պատվում... մի խանգարիր:

Պեպեյ. Թույլ տուր քեզ, պապ, պատիվ անեմ: Դու, ախպերս, ապրես: Լա՛վ ես դու ստում... Հեքիաթներն անուշ ես պատմում: Ստիր, ոչինչ... աշխարհի վրա, ախպերս, հաճելի բաները քիչ են:

Բուբենով. Իսկապես որ կինը մեռնում է...

Լուկա. Չէ, կարծես կատակ չի անում...

Բուբենով. Էլ չի հազա, ուրեմն... Շատ անհանգիստ էր հազում... Երկուսն եմ առնում:

Մեղվեղև. Ախ, զարկվե՛ս դու, զարկվես...

Պեպեյ. Աբրամ:

Մեղվեղև. Ես քեզ համար Աբրամ չեմ:

Պեպեյ. Աբրաշկա: Նատաշան հիվանդ է:

Մեղվեղև. Իսկ քո՞ ինչ գործն է:

Պեպեյ. Չէ, դու ասա, Վասիլիսան նրան պի՞նդ է ծեծել:

Մեղվեղև. Դա էլ քո գործը չէ: Դա ընտանեկան գործ է, իսկ դու ո՞վ ես...

Պեպեյ. Ով եմ, ով չեմ, բայց... եթե ուզեմ... դուք Նատաշկային է՛լ չեք տեսնի...

Մեղվեղև (խաղը դադարեցնելով). Այդ ի՞նչ ես ասում: Այդ ո՞ւմ մասին ես ասում: Որ իմ զարմուհին... Ախ, դու գո՞ղ:

Պեպեյ. Գող եմ, բայց չես բռնել:

Մեղվեղև. Սպասի՛ր: Կբռնեմ... Եվ շատ շուտով...

Պեպեյ. Իսկ եթե բռնես էլ, ձեր ամբողջ բնի գլխին փորձանք կբերես: Դու կարծում ես ես քննչի առաջ կլռե՞մ: Եկ ու գայլից խիղճ հուսա: Կհարցնեն, չէ՞, ով է ինձ գողության դրող ու տեղը ցույց տվել: Կասեմ՝ Միշկա Կոստիլովը կնկա հետ: Ով է գողացած ապրանքները պարտկել: Միշկա Կոստիլովը կնկա հետ:

Մեղվեղև. Ստո՛ւմ ես: Չեն հավատա քեզ:

Պեպեյ. Կհավատան, որովհետև ճիշտ է: Ու հլա քեզ էլ հիստանեմ... հա: Կհորձանեմ բոլորիդ, սատանե՞ք, կտեսնես:

Մեղվեղև (իրեն կորցրած). Ստում ես... Հա ստում ես... Եվ ի՞նչ վատ բան եմ արել ես քեզ... Կատաղած շուն:

Պեպեյ. Իսկ ի՞նչ լավ բան ես արել դու ինձ:

Լուկա. Այդպես...

Մեղվեղև. Դո՞ւ ինչ ես կռավում: Քո՞ ինչ գործն է: Ընտանեկան գործ է սա:

Բուբենով (Լուկային). Ձեռ քաշի: Ինձ ու քեզ համար չեն պարանը հյուսում:

Լուկա (խոնարհաբար). Ես, ախր, էնպես... Միայն էն էի պնտում, որ եթե մեկը մեկին լավ բան չի արել, ուրեմն վատ է վարվել:

Մեղվեղև (չհասկանալով). Էդ է: Մենք էստեղ բոլորս իրար գիտենք... Իսկ դո՞ւ ով ես: (Չայրացած փնչացնելով, արագ հեռանում է):

Լուկա. Ջղայնացավ փեսացուն... օ՛խ-օ՛խ... Ձեր գործերն, ախպերս, ինչպես տեսնում եմ... խճճված գործեր են:

Պեպեյ. Վասիլիսայի մոտ վազեց, բողբոջելու...

Բուբենով. Խելառ բաներ ես ասում, Վասիլի: Ինչ-որ շափից ավելի շատ ես քաջացել... Նայիր, էդ քաջությունը պետք է, երբ անտառ՝ սունկի ես գնում, իսկ այստեղ դա բանի պետք չէ: Նրանք իսկույն վիզդ կլորեն:

Պեպեյ. Ո՞նց չէ: Մեզ է արոսլացիներին, պարապ ձեռքով էդքան հեշտ չես վերցնի... Եթե կոիվ է, կկովենք:

Լ ու կ ա. Եվ իսկապես, տղա, լավ կանհիր, որ այստեղից հեռանայիր:

Պ ե պ ե լ. Ո՛ւր, Դե, ասա տեսնեմ:

Լ ու կ ա. Գնա Սիրի:

Պ ե պ ե լ. Էհե, չէ՛, դեռ կսպասեմ, մինչև որ ինձ էդ Սիրի-րը տերության հաշվին ուղարկեն...

Լ ու կ ա. Իսկ դու արի ինձ լսիր: Էնտեղ դու քեզ համար կարող ես ճամփա գտնել... Քեզպեսները էնտեղ պետք են:

Պ ե պ ե լ. Իմ ճամփան ինձ համար որոշված է: Մնողս ամբողջ կյանքը բանտերում է նստել ու ինձ էլ է պատվիրել... Երբ ես փոքր էի, դեռ այն ժամանակ էլ ինձ ասում էին՝ գող, գողի տղա:

Լ ու կ ա. Բայց լավ երկիր է Սիրի: Ոսկե երկիր: Թվ ուժ ունի ու խելք: Էլ ունի, այնտեղ էնպես կզգա իրեն, ինչպես ձուկը ջրում:

Պ ե պ ե լ. Ահրուկ, ինչո՞ւ ես հա փչում...

Լ ու կ ա. Չը՞...

Պ ե պ ե լ. Խղցա՞ր... ինչո՞ւ ես փչում, ասում եմ:

Լ ու կ ա. Էդ ի՞նչն եմ փչում...

Պ ե պ ե լ. Ամեն ինչ... էստե՛ղ է լավ, էնտե՛ղ է լավ... Ախր, փչում ես... Ի՞նչի համար:

Լ ու կ ա. Իսկ դու ինձ հավատա ու գնա ինքդ տես: Շնորհակալություն կասես... Ի՞նչ ես այստեղ տրորվում: Եվ ինչո՞ւ է քեզ ճշմարտությունն էդքան պետք... Հապա մտածիր: Նա, էդ ճշմարտությունը, գուցե կացնի հարված է գլխիդ...

Պ ե պ ե լ. Իսկ ինձ համար մեկ է... թող կացնի հարված լինի...

Լ ու կ ա. Չարմանալի մարդ, ինչո՞ւ ինքդ քեզ սպանես:

Թ ու ր Ե ո վ. Եվ ի՞նչ եք երկուսդ էլ լեզու թակում: Չեմ հասկանում... Ի՞նչ ճշմարտություն է քեզ պետք, վասկա: Եվ ինչո՞ւ: Դու գիտես ճշմարտությունը քո մասին... Եվ բոլորն էլ դա գիտեն...

Պ ե պ ե լ. Սպասիր, մի կռավիր: Թող նա ինձ ասի... Լսիր, ծերուկ, աստված կա՞:

Լուկան ժպտալով, լուս է:

Թ ու ր Ե ո վ. Բոլոր մարդիկ ապրում են... Տաշեղների պես գետով հոսում են... Տուն են կառուցում, տաշեղը դեն են նետում:

Պ ե պ ե լ. Դե, կա՞: Խոսիր...

Լ ու կ ա (ցածրաձայն). Եթե հավատում ես, կա՞, չես հավատում՝ չկա: Ինչի հավատում ես, դա էլ կա...

Պ ե պ ե լ լուս, զարմացած և համեստեմ նայում է ծերունու:

Թ ու ր Ե ո վ. Գնամ, թեյ խմեմ: Գնանք գինետուն: Է՛ջ:

Լ ու կ ա (Պ ե պ ե լին). Ի՞նչ ես նայում:

Պ ե պ ե լ. Այդպես... Սպասիր... ուրեմն...

Թ ու ր Ե ո վ. Դե, մենակ կգամ... (Գնում է դեպի դուռը և հանդիպում է վասիլիսային):

Պ ե պ ե լ. Ուրեմն... Դու...

Վ ա ս ի լ ի ս ա (Թ ու ր Ե ո վին). Նաստյան տա՞նն է:

Թ ու ր Ե ո վ. Չէ... (գնում է):

Պ ե պ ե լ. Ա... Եկա՞ր...

Վ ա ս ի լ ի ս ա (մտածելով Աննային). Դեռ կենդանի՞ է...

Լ ու կ ա. Մի անհանգստացնի՛ր...

Վ ա ս ի լ ի ս ա. Իսկ դու... Ի՞նչ ես էստեղ ցցվել:

Լ ու կ ա. Կարող եմ գնալ... եթե պետք է...

Վ ա ս ի լ ի ս ա (ուղղվելով դեպի Պ ե պ ե լի սենյակի դուռը). Վասիլի, գործ ունե՞մ քեզ հետ...

Լուկան մտածում է միջոցների գտնել, բացում է և ամուր քրիպակներով փակում: Հետո զգուշորեն բարձրանում է տախտամածին և այնտեղից՝ վառարանի վրա:

Վ ա ս ի լ ի ս ա (Պ ե պ ե լի սենյակից). Վասյա... արի էստեղ...

Պ ե պ ե լ. Չեմ գա... չեմ ուզում...

Վ ա ս ի լ ի ս ա. Իսկ... Ի՞նչ է: Ի՞նչի վրա ես զայրանում...

Պ ե պ ե լ. Չանձրալի է... ինձ հոգնեցրել է էս ամբողջ քաշ-քըշուկը:

Վ ա ս ի լ ի ս ա. Ե՛ս էլ եմ... ձանձրացրել:

Պ ե պ ե լ. Դո՛ւ էլ...

Վասիլիսան ուտեին ցցած գլխաշորն ամուր ձգում է, ձեռները սեղմում և կրճիկ: Գնում է դեպի Աննայի անկողինը, զգուշորեն նայում է վառարանի ետևը և վերադառնում Պ ե պ ե լի մոտ:

Պ ե պ ե լ. Դե... խոսիր...

Վ ա ս ի լ ի ս ա. էլ ինչ խոսեմ... Չոռով սիրելի չես դառնա... Եվ բնավորությանս մեջ էլ ողորմություն խնդրել չկա... Շնորհակալ եմ ճշմարտության համար...

Պ ե պ ե լ. Ի՞նչ ճշմարտութիւն...  
Վ ա ս ի լ ի ս ա. է՛ն, որ ձանձրացրել եմ քեզ... Թե՞ դա ճիշտ  
չէ...

Պ ե պ ե լ լ ռ ա ն ա յ ու մ է ն ր ա ն:

Վ ա ս ի լ ի ս ա (մոտենալով նրան). Ի՞նչ ես նայում... Չե՞ս  
ճանաչում...

Պ ե պ ե լ (հնաշէլով). Գեղեցիկ ես դու, Վասկա... (Կի՞նը  
ձեռքերը դնում է նրա վզին, բայց նա ուսի շարժումով ձեռքը  
վայր է բերում): Բայց երբեք սրտիս մեջ տեղ չարիր... Եվ ապ-  
րել եմ քեզ հետ, և ամեն ինչ... Բայց երբեք դու ինձ դուր չես  
եկել...

Վ ա ս ի լ ի ս ա (ցածրաձայն). Այդպես... 2-հետո՞...

Պ ե պ ե լ. Դե հետո քեզ հետ խոսելիք չունեմ... չունե՛մ...  
հեռացի՛ր ինձանից:

Վ ա ս ի լ ի ս ա. Ուրի՞շն է դուր եկել...

Պ ե պ ե լ. Քո գործը չի... դուր է եկել, բայց քեզ խնամախոս  
չեմ ուղարկի:

Վ ա ս ի լ ի ս ա (նշանակալից). Եվ... իզուր... Գուցե հենց  
ես էլ պսակելի քեզ...

Պ ե պ ե լ (կասկածամտորեն). էդ ո՞ւմ հետ...

Վ ա ս ի լ ի ս ա. Դու գիտես... իզուր մի ձևացնի: Վասիլի,  
ես մարդ եմ... (ցածրաձայն): Չեմ թաքցնի, դու ինձ վիրավորել  
ես... Անմեղ տեղս՝ ասես մտրակով շրխկացրիր... Ասում էիր՝  
սիրում ես... Եվ հանկարծ...

Պ ե պ ե լ. Ոչ էլ հանկարծ է... Ես վաղուց էի... Ա՛յ կնիկ, դու  
հոգի չունես... Կի՞նը պիտի հոգի ունենա... Մենք գազան ենք,  
մենք պետք է... մեզ պետք է վարժեցնել... Իսկ դու ինձ ինչի՞ ես  
վարժեցրել...

Վ ա ս ի լ ի ս ա. Ինչ եղել է, անցել է... Ես գիտեմ, մարդն  
իր կամքի տերը չէ... էլ չես սիրում... Լավ: Թող այդպես լինի...

Պ ե պ ե լ. Դե, ուրեմն, վերջ: Խաղաղ, առանց գզվտոցի  
բաժանվեցի՛նք... ու լավ է:

Վ ա ս ի լ ի ս ա. Չէ, սպասիր: Համենայն դեպս... Երբ ես  
քեզ հետ ապրում էի, անվերջ սպասում էի, որ ինձ կօգնես՝ այս  
ջրփոսից դուրս գալու... կազատես ինձ մարդուցս, քեռուցս...  
ամբողջ այս կյանքից... Եվ գուցե ես քեզ չէի սիրում, Վասյա,

(ալլ... իմ հույսը, իմ էդ միտքն էի սիրում քո մեջ... Հասկանում  
ես: Սպասում էի, որ դու ինձ դուրս կքաշես...

Պ ե պ ե լ. Դու մեխ չես, ես էլ արքան չեմ: Ես ինքս էի կար-  
ծում, որ դու որպես խելացի կին... Ախր, դու խելացի ես... ոու  
ճարպիկ ես...

Վ ա ս ի լ ի ս ա (ավելի մոտիկ թեփվելով դեպի նա). Վասյա,  
արի... իրար օգնենք...

Պ ե պ ե լ. էդ ո՞նց...

Վ ա ս ի լ ի ս ա (ցածրաձայն, ուժեղ). Քույրս քեզ դուր է  
գալիս, գիտեմ...

Պ ե պ ե լ. Դրա համար էլ դու նրան գազանաբար ծեծում ես  
Եսայիր, Վասկա, նրան ձեռք մի տա...

Վ ա ս ի լ ի ս ա. Սպասիր, մի տաքանա: Ամեն ինչ կարելի է  
առել հանգիստ, լավ... Ուզո՞ւմ ես, պսակվիր հետը: Ու ես դեռ  
քեզ փող էլ կտամ... մի երեքհարյուր մանեթ: Ավելի շատ կհա-  
վաքեմ՝ ավելի շատ կտամ...

Պ ե պ ե լ (ետ ֆաշվելով). Սպասիր... այդ ինչպե՞ս... ինչի՞  
համար...

Վ ա ս ի լ ի ս ա. Ազատիր ինձ... մարդուցս... վզիցս հանիր  
էդ օղակը...

Պ ե պ ե լ (կամաց աւելում է). Ահա թե ինչ... օհո՞... դու  
էդ բանը սամթով ես մտածել... Մարդուդ, ուրեմն, գերեզման,  
սիրեկանիդ՝ աքսոր, իսկ ինքդ...

Վ ա ս ի լ ի ս ա. Վասյա, ինչո՞ւ աքսոր: Դա ինքդ չես անի...  
Ընկերներդ միջոցով: Ու եթե ինքդ էլ անես, ո՞վ կիմանա որ  
Մտածիր... Նատալյան: Փող կլինի... Կմեկնես մի տեղ... Ինձ  
մեկընդմիջտ կազատես... Եվ որ քույրս էլ կողքիս չլինի, իր հա-  
մար լավ է: Նրան տեսնելը ինձ համար դժվար է... Քո պատճա-  
ռով նրա վրա կատաղում եմ ու ինձ զսպել չեմ կարողանում...  
Տանջում եմ աղջկան, ծեծում եմ... Այնպես եմ ծեծում, որ  
խղճալուց ինքս էլ եմ լալիս... Բայց ծեծում եմ: Եվ պիտի ծեծեմ:

Պ ե պ ե լ. Գազա՛ն, պարծենում է իր գազանությամբ:

Վ ա ս ի լ ի ս ա. Չեմ պարծենում, ճիշտն եմ ասում: Մտածիր,  
Վասյա, դու մարդուս պատճառով երկու անգամ բանտ ես նըս-  
տել... նրա ազահության պատճառով: Նա փայտոջիլի նման  
կպել է ինձ... չորս տարի է, ծծում է: Իսկ նա ինձ համար ի՞նչ  
ամուսին է: Նատաշկային նեղում է, ծաղրում, մուրացկան ես,  
ասում է: Բոլորի համար էլ նա թույն է:

Պ ե պ ե լ. Խորամանկ ես հյուսում ցանցդ...  
Վ ա ս ի լ ի ս ա. Իմ խոսքերի մեջ ամեն ինչ պարզ է...  
Միայն հիմարը չի հասկանա, թե ինչ եմ ուզում...

Կաստիլյովը զգուշորեն մտնում ու բաժան առաջ է գալիս:

Պ ե պ ե լ (Վասիլիսային). Դե... հեռացիր:  
Վ ա ս ի լ ի ս ա. Մտածիր: (Տեսնում է ամուսնուն) Դու ի՞նչ  
է... Հետևի՞ցս ես եկել...

Պեպելը ցատկում է ու կատաղի նայում Կաստիլյովին:

Կ ո ս տ ի լ յ ո վ. էդ ե՛ս եմ, ես... Իսկ դուք էստեղ մենակ  
նք... Ա-ա՛, դուք զրուցում էիք... (Հանկարծ դոփում է ոտներով  
ու բարձր դժմում): Վասկա... կեղտոտի մեկը... Մուրացկան...  
Պի՛ղծ... (Վախենում է իր գոռոցից, որ լուսքյամբ ու անշար-  
ժուքյամբ է ընդունվում): Ների՛ր, տեր աստված... էլի դու, Վա-  
սիլիսա, ինձ մեղքի մեջ պցեցիր... Ես քեզ ամեն տեղ փնտրում  
եմ... (Ճշարով). Քնելու ժամանակ է: Ծրագնե՛րի մեջ մոռացել  
ես ձեթ լցնել... ո՛ւ, դու... մուրացկա՛ն, խո՛զ... (Դողացող ձեռ-  
ները քափ է տալիս Վասիլիսայի վրա, որ դանդաղ գնում է դե-  
պի միջանցքի դուռը, նայելով Պեպելին):

Պ ե պ ե լ (Կաստիլյովին). Դո՛ւ... հեռացիր... կորիր...  
Կ ո ս տ ի լ յ ո վ (գոռում է). Ես այս տան տերն եմ, Ի՛նքդ  
կորիր: Գո՛ղ:

Պ ե պ ե լ (խուզ ծայնով). Հեռացի՛ր, Միշկա...  
Կ ո ս տ ի լ յ ո վ. Չհամարձակվես... ես այստեղ... Ես քեզ...

Պեպելը բռնում է նրա օձիճից ու քափ է տալիս: Վառարանի վրա աղմուկ  
իջարանում է բարձրանում և լավում է առնաձայն, հորաբջի: Պեպելը բաց  
է բողնում Կաստիլյովին, ծեռունի գոռալով վազում է միջանցք:

Պ ե պ ե լ (քոչում է տախտամածին). էդ ո՞վ է... ո՞վ է վա-  
ռարանի վրա:

Լ ու կ ա. Ի՞նչ...

Պ ե պ ե լ. Դո՞ւ ես...

Լ ու կ ա (հանգիստ). Ես եմ... ես ինքս... Օ՛, տեր, Հիսուս  
Քրիստոս...

Պ ե պ ե լ (փակում է միջանցքի դուռը, փնտրում է փականք  
ու չի գտնում). Ա՛խ, սատանե՛ք... ծերուկ, ցա՛ծ արի...

Լ ու կ ա. Իսկույն, իջնում եմ...

Պ ե պ ե լ (կոպտորեն). Դու ինչո՞ւ ես վառարանի վրա ելել...

Լ ու կ ա. Իսկ ո՞ւր պիտի ելնեի...

Պ ե պ ե լ. Ախր... դու միջանցք գնացիր...

Լ ու կ ա. Միջանցքում, ախպերս, ինձ, ծերուկիս համար,  
ցուրտ է...

Պ ե պ ե լ. Դու... լսեցի՞ր...

Լ ու կ ա. Լսեցի... ինչպես չլսեի... խուլ հո չե՞մ... Ախ, տղա,  
բախտդ բանում է... այ թե բանում է բախտդ...

Պ ե պ ե լ. Ի՞նչ բախտ, ի՞նչ բանի մեջ...

Լ ու կ ա. Այ հենց էն, որ ես վառարանի վրա էի բարձրա-  
ցել:

Պ ե պ ե լ. Իսկ ինչո՞ւ էիր դու այնտեղ իրարով անցել...

Լ ու կ ա. Որովհետև, ուրեմն, սկսել էի շոգել... ու դա քո՛  
որբիդ բախտից: Ու մտածեցի, հանկարծ տղան չսխալվի... չխեղ-  
դի հանկարծ ծերուկին...

Պ ե պ ե լ. Հա՛-ա՛... Ես էդ կարող էի... ատո՛ւմ եմ...

Լ ու կ ա. Եվ զարմանալու չէ... ինչ մի դժվար բան է...  
Շատերն են հենց էդպես սխալվում...

Պ ե պ ե լ (ծպտալով). Դու՛ ինչ է, ինքդ էլ ես մի օր էդպես  
սխալվել...

Լ ու կ ա. Տղա՛, լսիր, թե քեզ ինչ կասեմ. այդ կնկան քե-  
զանից հեռու քշիր... Մոտ չթողնես... չէ՛, չէ՛... Իր մարդուն  
ինքն էլ կարող է էս աշխարհից դրկել, հլա դեռ քեզանից էլ ավե-  
լի սամթով, հա՛: Դու նրան, էդ շար ոգուն, շլսես... Նայի՛ր, ինչ-  
պիսին եմ ես... ճաղատ... Իսկ ինչի՞ց: Հենց էդ ամեն տեսակի  
կնանիքանցից... Ես դրանցից, էդ կնանիքանցից, կարող է ավելի  
շատ եմ տեսել, քան թե գլխիս մազ կար... Իսկ էդ Վասիլիսան  
չերեմիսից էլ վատ է:

Պ ե պ ե լ. Չեմ հասկանում... շնորհակալու՞թյուն ասեմ քեզ,  
թե՞ դու էլ...

Լ ու կ ա. Ոչինչ մի ասա: Ինձանից լավ չես ասի: Լսիր, որը  
քեզ այստեղ դուր է գալիս, ձեռքը բռնիր ու քայլով մարշ այս-  
տեղից: Գնա՛, հեռու գնա...

Պ ե պ ե լ (մտայլ). Չես հասկանում մարդկանց, ո՞րն է բա-  
րի, ո՞րն է շար... ոչի՛նչ չես հասկանում...

Լ ու կ ա. Հասկանալու ինչ կա: Մարդ ամեն ձեռի էլ ապրում  
է... այսօր՝ բարի, վաղը՝ շար... Իսկ եթե էդ աղջիկը սիրտդ  
պի՛նդ է մտել... հետք գնա ու վերջ... Իսկ թե չէ՛, մենակդ գնա,  
դեռ ջահել ես, կհասցնես կնիկ ճարել...

Պ ե պ ե լ (բռնում է նրա ուարը)։ Չէ, ասա, ինչի՞ համար ես անում էս բոլորը...

Լ ու կ ա. Սպասիր, թող... Աննային նայեմ, ինչ-որ շատ է խոխոացնում (գնում է դեպի Աննայի անկողինը, բարձրացնում է վարագույրը, նայում, ձեռք է տալիս։ Պ ե պ ե լ մտածկոտ ու շփոթված հետևում է նրան)։ Հիսուս Քրիստոս, գթառատ... Քո նոր վախճանված ծառա Աննայի հոգին խաղաղությանը ընդունիր...

Պ ե պ ե լ (ցածրաձայն)։ Մեռա՞վ... (Չմտածելով, ձգվում ու նայում է մահնակալին)։

Լ ու կ ա (ցածրաձայն)։ Չարչարվեց, պրծավ։ Իսկ դրա մարդն ո՞ւր է...

Պ ե պ ե լ. Գինետանն է, երեխ...

Լ ու կ ա. Պետք է ասել...

Պ ե պ ե լ (ցնցվում է)։ Չեմ սիրում հանգուցյալներին...

Լ ու կ ա (գնում է դեպի դուռը)։ Իսկ ինչու սիրել նրանց։ Ապրողներին պիտի սիրել, ապրողներին...

Պ ե պ ե լ. Ես էլ կգամ քեզ հետ...

Լ ու կ ա. Վախենում ես...

Պ ե պ ե լ. Չե՛մ սիրում...

Շտապ դուրս եմ գալիս։ Դատարկություն ու լուսություն։ Միջանցքի դռան հետև լսվում է խուլ աղմուկ՝ ահեղապատ, ահեղապատ։ Հետո մտնում է Կերասանը։

Դ ե ր ա ս ա ն (առանց դուռը փակելու կանգ է առնում շեմ-իին և ձեռքերով դռան շրջանակը բռնելով, գոռում է)։ Մերուկ, հե՛յ, ո՞ւր ես... Հիշեցի, լսի՛ր (օրոքվելով երկու քայլ առաջ է գալիս ու կեցվածք ընդունելով, արտասանում է)։

Պարոնա՛յք, եթե այս աշխարհն արար

Չկարողանա ճշմարտին հասնել,

Փա՛ռք այն խենթ մարդուն, որ մարդկությանը

Կրեքի ոսկե ու սուրբ երազները։

Կերասանի ետևում, դռների մեջ հայտնվում է Նատաշան։

Դ ե ր ա ս ա ն. Մերո՞ւկ...

Թե արեգակը վաղը մոռանա

Ու երկրի վրա լույսն իր շնետի,

Կլուսավորի աշխարհը արար

Հրավառ միտքը ինչ-որ մի խենթի...

Ն ա տ ա շ ա (ծիծաղում է)։ Խրտվիլա՛կ։ Լակել է...

Դ ե ր ա ս ա ն (շուռ է գալիս նրա կողմը)։ Ա-ա՛, դո՞ւ ես, իսկ ո՞ւր է ծերունին, սիրելի ծերուկը... Այստեղ, ինչպես երևում է, ոչ ոք չկա... Նատաշա, մնաս բարո՞ւկ։ Մնաս բարո՞ւկ։

Ն ա տ ա շ ա (նեւր գալով)։ Բարև չես ասել և մնաս բարով ես ասում...

Դ ե ր ա ս ա ն (փակելով նրա նանապահիր)։ Ես գնում եմ, հեռանում եմ, հեռանում եմ... Այ՛ո՛, գարուն կգա, ու ես այստեղ չեմ ընկի։

Ն ա տ ա շ ա. Թող անցնեմ... Դու այդ ո՞ւր ես գնալու...

Դ ե ր ա ս ա ն. Փնտրելու մի քաղաք... Բուժվելու... Դու էլ հեռացիր, Օֆելյա... Մտիր կուսանոց... Հասկանում ես, մի բուժարան կա օրգանիզմների համար... հարբեցողների համար... Հիասքանչ բուժարան է... Մարմար... Մարմարի հատակ... Լո՛ւյս է, մաքրություն, սնունդը... ամեն ինչը ձրի։ Եվ մարմարի հատակ, այ՛ո՛։ Ես դա կգտնեմ, կբուժվեմ և... նորից կլինեմ... ես վերածնության ճանապարհին եմ... ինչպես ասել է... Լիր արքան։ Նատաշա, իմ բեմական անունն է Սվեբրոկ-Չովոլոսկի... Ոչ ոք դա չգիտի, ոչ ոք։ Ես այստեղ անուն չունեմ... Հասկանո՞ւմ ես դու, թե դա ինչ վերավորական է... կորցնել անունդ։ Նույնիսկ շները մականուն ունեն...

Նատաշան զգուշորեն շրջանցում է Դերասանին, կանգ է առնում Աննայի մահնակալի մոտ, նայում է։

Դ ե ր ա ս ա ն. Առանց անունի մարդ չկա...

Ն ա տ ա շ ա. Նայիր... Աղավնյա՛կս... մեռել է, ախր...

Դ ե ր ա ս ա ն (տարուբերելով գլուխը)։ Չի՛ կարող պատահել...

Ն ա տ ա շ ա (ետ քաշվելով)։ Աստված վկա... Նայիր...

Բ ու ր ն ո վ (դռների մեջ)։ Ի՞նչ կա նայելու...

Ն ա տ ա շ ա. Աննան... մեռել է։

Բ ու ր ն ո վ. Դադարել է, ուրեմն, հազալուց (գնում է Աննայի անկողնի մոտ, նայում է, վերադառնում իր տեղը)։ Կլեշին պիտի ասել... Նրա գործն է...

Դ ե ր ա ս ա ն. Ես գնում եմ... կասեմ... Կորցրել է անունը... (գնում է)։

Ն ա տ ա շ ա (սենյակի մեջտեղում)։ Ահա ես էլ... մի օր էսպես... նկուղում... մոռացված...

Բ ու ր ն ո վ (իւ տախտամածի վրա ինչ-որ փալասներ փոս-  
լով). Ի՞նչ... դու այդ ի՞նչ ես մթմթմթում...

Ն ա տ ա շ ա. Այնպես... ինձ համար...

Բ ու ր ն ո վ. Վասյայի՞ն ես սպասում... Նայիր, գլուխդ  
կշարդի Վասյան...

Ն ա տ ա շ ա. Իսկ մեկ չէ՞, թե ով կշարդի... Ավելի լավ է,  
որեմն, նա շարդի:

Բ ու ր ն ո վ. Դե, թո՞ղ զործն է:

Ն ա տ ա շ ա. Ախր, լավ է, որ նա մեռավ... բայց մեղք է...

Տ եր աստված, ինչո՞ւ ապրեց մարդը...

Բ ու ր ն ո վ. Բոլորն էլ այդպես ծնվում են, ապրում են,  
մեռնում: Ծն էլ կմեռնեմ, դու էլ... ինչո՞ւ մեղքանալ...

Մտնում են լուկան, Քարաբը, Կրիվոյ Ջորը և Կլեշը:

Կլեշը գալիս է բալաբից հետո, զանգաղ, կծկված:

Ն ա տ ա շ ա. Ս-ս: Աննա՛ն...

Կ ր ի վ ո յ Ջ ո ր. Լսել ենք: Երկնային արքայություն նրան,  
քանի որ մեռել է:

Ք ա ր ա ր. Դուրս պիտի տանել... Հաշտը տանել պիտի...  
Այստեղ մեռած չի կարելի, այստեղ սաղ պիտի պառկի...

Կ լ ե շ շ (ցածրաձայն). Կտանենք...

Բալաբը մտնում են անկողնին: Կլեշը կեռչ է նայում մյուսների ուսերի  
վրայով:

Կ ր ի վ ո յ Ջ ո ր (Քարաբին). Դու կարծում ես հո՞տ կգցի...  
Նրանից ոչ մի հոտ էլ չի գա... նա դեռ կենդանի ժամանակ լրիվ  
չորացել էր...

Ն ա տ ա շ ա. Տեր աստված, գոնե խղճայիք նրան... Գոնե  
որևէ մեկդ մի ինչ-որ խոսք ասեիք... Ա՛խ, դո՛ւք...

Լ ու կ ա. Դու, աղջիկս, մի նեղանա... ոչինչ: Ի՞նչ անեն...

Ի՞նչ անենք, մեռածին խղճանք, է՞, սիրելիս, մենք ապրողներին  
չենք խղճում... ինքներս մեզ խղճալ չենք կարողանում... էլ ո՞ւր  
մնաց...

Բ ու ր ն ո վ (հորանջելով). Համենայն դեպս մահը խոսքից  
չի վախենում, հիվանդությունը վախենում է, բայց մահը չէ...

Ք ա ր ա ր (հեռանալով). Ոստիկանությունը պետք է...

Կ ր ի վ ո յ Ջ ո ր. Ոստիկանությունը՝ անպայման... Կլեշը,  
ոստիկանություն հայտնե՞լ ես...

Կ լ ե շ շ. Չէ... թաղել է պետք... իսկ ես ընդամենը քառա-  
սուն կոպեկ ունեմ...

Կ ր ի վ ո յ Ջ ո ր. Դե, էդպիսի դեպքի համար պարտք առ...  
կամ գուցե մենք հավաքենք... ով՞ հինգ կոպեկ, ով՞ ինչքան կա-  
րող է... իսկ ոստիկանություն հայտնիր, շտապ: Թե չէ, նա կա-  
րող է մտածել, որ դու կնկաղ սպանել ես... կամ, ո՞վ գիտե...  
(գնում է դեպի տախտամածը և պատրաստվում է պառկել Քա-  
րաբի կողքին):

Ն ա տ ա շ ա (հեռանալով դեպի Բուրևովի տախտամածը).  
Ահա... սրանից հետո նա պիտի երազումս գա... ես միշտ երազիս  
մեջ մեռել եմ տեսնում... Վախենում եմ մենակ գնալ... Հաշտով  
մոթ է...

Լ ու կ ա (հետևելով նրան). Դու ապրողներից վախեցիր...  
ահա թե ինչ կասեմ...

Ն ա տ ա շ ա. Ինձ ճամփուղիք, պապիկ...

Լ ու կ ա. Գնանք, գնանք... Ճամփուղին... (գնում են:  
Դադար):

Կ ր ի վ ո յ Ջ ո ր. Օխո՞ւ-խո՞ւ-ո... Հասա՛ն: Շուտով գարուն  
է, բարեկամներս... Կարգին կտաքանանք... Հիմա՝ գյուղերում  
գյուղացիք արոր: տափան են նորոգում... Պատրաստվում կեն  
վարի դուրս գալ... այո՞... իսկ մենք... Հասան... խոսվում է  
արդեն, անիծյալ Մուհամեդ...

Բ ու ր ն ո վ. Քաթարները սիրում են քնել:

Կ լ ե շ շ (կանգնած է օրևանի մեջտեղում և բուր հայացքով  
նայում է իր առջևը). Հիմա ես ի՞նչ պիտի անեմ...

Կ ր ի վ ո յ Ջ ո ր. Պառկիր տեղդ քնիր... էլ ի՞նչ պիտի  
անես...

Կ լ ե շ շ (կամաց). Իսկ... նա... ինչպե՞ս...

Ոչ ոք չի պատասխանում նրան: Մտնում են Ստիբեն ու Գեռասանը:

Ի ե ր ա ս ա ն (գոռում է). Մերուկ, այստե՛ղ եկ, իմ հավա-  
տարիմ Քենտ...

Ս ա տ ի ն. Միկուլիսա-Մակլայն է գալիս... հո՞-հո՞...

Ի ե ր ա ս ա ն. Վերջացած ու որոշված է: Մերուկ, որտեղ է  
այդ քաղաքը... Ո՞ւր ես...

Ս ա տ ի ն. Ֆատա-մորգանա... փչել է ծերուկը... ոչինչ չկա:  
Չկան քաղաքները, չկան մարդիկ... ոչի՛նչ չկա:

Ի ե ր ա ս ա ն. Ստո՛ւմ ես...

Ք ա ր ա ր. Տանտերն ո՞ւր է... Տանտիրոջ գնամ... Չի կա-



րելի քնել, չի կարելի փող առնել... մեռելներ... հարբածներ... (Արագ գնում է):

Սատիրը նրա ետևից սուլում է:

Ի ու ր ն ո վ (Բնաա ձայնով). *Տղե՛քք, պառկեք, միք աղմկի... Գիշերը քնել է պետք...*

Ի ե ր ա ս ա ն. Այո՛... այստեղ ահա... մեռել կա... «Ապի, ապի, եկ, մեր թողը մեռել հանեց գետի ափ»... Բանաստեղծու- թյուն:

Ս ա տ ի ն (զոռում է). Մեռյալները չեն լսում: Մեռյալները չեն զգում... Գոռա՛, ոռնա՛... մեռյալները չեն լսում:

Գոռերի մեջ երևում է Լուկան:

Վ ա ր ա գ ու յ ւ ը

### ԵՐՐՈՐԳ ԳՈՐԾՈՂՈՒԹՅՈՒՆ

«Պարագուա», գանգաճան անպետք իրերով ու մոլախոտով ծածկված բակահման մի տեղ: Խորհում աղյուսե բարձր ճեղքաբացարկաբ, որ փակում է երկինքը: Նրա մոտ՝ քանթրվեճու քփեր: Աջ կողմում ինչ-որ բակային շինություն՝ փայտատան կամ գոմի գերանակապ մուր պատն է: Իսկ ձախ կողմում՝ գորշ, ծեփի մնացորդներով ծածկված պատն է այն տան, որ տեղավորված է Կոստիլյովի օբևանը: Նա թե՛ է կանգնած, այնպես, որ նրա նետի անկյունը դուրս է գալիս պարագուստի համարյա մեջտեղը: Նրա և կարմիր պատի միջև մի փանի անցուղի կա: Գորշ պատի մեջ երկու լուսամուտ՝ մեկը գետնի բարձրությանն է, մյուսը մի երկու արշին վեր է և մոտ է ճեղքաբացարկին: Այդ պատի մոտ մի շուտ տված սահնակ կա և մի գերանի կտոր՝ չորս արշին երկարությամբ: Պատի աջ կողմում ճին փայտի, չարսունների կույտ է: Երեկո է, արևը մայր է մտնում, ճեղքա- պարիսպը լուսավորելով կարմրավուն լույսով: Վաղ գարուն է, ձյունը նոր է հալվել: Թանթրվեճու սև շյուղերը դեռ չեն բողբոջել: Գերանի վրա կող- կողփի նստած են Լատաշան և Նասոյան: Փայտերին՝ Լուկան ու Բարոնը: Կլեշը պռակած է փայտերի կույտի վրա, որ աջ պատի մոտ է: Գետնի բարձրության լուսամուտի մեջ Թարնովի մուրթն է:

Ն ա ս տ յ ա (Աչքերը փակած և գլուխը բառերի տակտով շարժելով, երգեցիկ ձայնով պատմում է). Ահա նա գիշերը գալիս է այգի, տաղավար, ինչպես մենք պայմանավորվել էինք... Իսկ ես նրան արդեն վաղուց եմ սպասում և դողում եմ վախից ու վշտից: Նա ոտից գլուխ դողում է ու կամփի պես ճերմակ է, իսկ ձեռքին ատրճանակ է...

Ն ա տ ա շ ա (արևածաղիկ է շրքում). Տես, է... երևում է, ճիշտ են ասում, որ ուսանողները քաջ են...

Ն ա ս տ յ ա. Ու նա ինձ մի վախենալիք ձայնով ասում է. իմ թանկագին սեր...

Ի ու ր ն ո վ. Հո՛-հո՛... թանկագին...

Բ ա ր ո ն. Համբերի՛ր: Հաճելի չէ, մի լսիր... բայց փշելուն մի խանգարիր... Շարունակի՛ր...

Ն ա ս տ յ ա. Աննամանս, ասում է, ի՛մ սեր... ծնողներս, ասում է, իրենց համաձայնությունը չեն տալիս, որ ես քեզ հետ պսակվեմ... Եվ սպառնում են հավիտյան անիծել ինձ քեզ սիրելուս համար: Ու ես, ասում է, էդ պատճառով պիտի ինձ կյանքից դրկեմ... Իսկ ատրճանակը հսկայական է ու մեջն էլ տասը փամփուշտ կա... «Մնաս բարով, ասում է, իմ սրտի սիրելի տիրուհի... անվերադարձ որոշել եմ... առանց քեզ ոչ մի կերպ ապրել չեմ կարող: Եվ պատասխանում էի ես նրան. «Իմ անմոռանալի ընկեր Ռաուլ...»

Ի ու ր ն ո վ (զարմացած). Ի-ի՛նչ... Ինչպե՛ս... Կրաո՛ւլ...

Բ ա ր ո ն (հրճում է). Նաստկա... Ախր... ախր... անցյալ անգամ Գաստոն էր...

Ն ա ս տ յ ա (տեղից ցատկելով). Լո՛՛ք, թշվառահաններ... Ախ, թափառական շներ: Միթե՛ս... միթե՛ս դուք կարո՞ղ եք սերը հասկանալ: Իսկական սերը: Իսկ ի՞ճը... Իսկապես էր: (Բարոնին) Դու, ոչնչություն... Կրթված մարդ ես դու... ասում ես անկողնիդ մեջ սուրճ ես խմել...

Լ ու կ ա. Իսկ դուք համբերեք... դուք մի խանգարեք... Հարգեք մարդուն... Բանը խոսքը չէ, այլ այն, թե ինչու է էդ խոսքը ասվում... Ահա թե բանն ինչ է... Պատմիր, աղջիկս, ոչինչ...

Ի ու ր ն ո վ. Ներկիր, ազոավս, փետուրներդ... դե՛հ...

Ն ա տ ա շ ա. Նրանց մի լսիր... Ի՛նչ են նրանք: Նախանձից են նրանք էդպես... Իրենց մասին պատմելու բան չունեն...

Ն ա ս տ յ ա (նստում է նորից). էլ չեմ ուզում, չեմ պատմի... Քանի որ չեն հավատում... ծիծաղում են... (Հանկարծ խոսքն փոխելով, մի փանի վայրկյան լուռ է և ետից աչքերը փակած, շարունակում է պատմել բարձրաձայն ու եռանդով, խոսքի տակտով բափանարելով ձեռքը և ասես ականջ դնելով հետավոր երաժշտությանը): Եվ ահա պատասխանում եմ ես նրան. «Իմ կյանքի ուրախություն, իմ պայծառ արեգակ... ես էլ առանց քեզ չեմ կարող ապրել աշխարհի վրա... որովհետև

խելագարի պես սիրում եմ և կսիրեմ, քանի դեռ կրծքիս տակ սիրտս բաբախում է: Բայց, ասում եմ, քեզ մի զրկիր քո երիտասարդ կյանքից... Նա այնքան պետք է քո թանկագին ծնողներին, որոնց ամբողջ ուրախությունը դու ես... Լսի՛ր ինձ: Ավելի լավ է, թող ես կործանվեմ քո սիրուց... միայն ես... այդպիսին եմ ես... Թող ես մեռնեմ, մեկ է... ես ոչ մի բանի պետք չեմ... ու ինձ համար ոչինչ չկա... ոչինչ չկա...» (Երեսք ծածկում է ձեռներով ու անձայն լալիս):

Ն ա տ ա շ ա. (մի կողմ շուռ գալով, ցածրաձայն). Լաց մի լինի... պետք չի:

Լուկան ծպտալով շոյում է Նաստյայի գլուխը:

Բ ու ր ն ո վ. (բեքում է). Ա՛խ, դու... սատանի պուպրեկ...

Բ ա ր ո ն. (նույնպես ծիծաղում է). Պապիկ, դու կարծում ես դա ճի՞շտ է... էդ բոլորը «Ճակատագրական սեր» գրքից է... էդ բոլորը դատարկ բան է...

Ն ա տ ա շ ա. Իսկ քե՞զ ինչ... Ավելի լավ է լռես, բանի որ աստծո զարկված ես...

Ն ա ս տ յ ա (կատաղած). Կորած հոգի, դատարկ մարդ... ո՞ր է քո հոգին:

Լ ու կ ա (բռնում է Նաստյայի ձեռքը). Գնանք, սիրունս... ոչինչ, մի բարկանա... ես գիտեմ, ես հավատում եմ: Ծշմարտությունը քոն է և ոչ նրանցը: Եթե դու հավատում ես, որ իսկական սեր ես ունեցել... ուրեմն, ունեցել ես: Ունեցել ես: Իսկ նրա վրա մի գայբանա... էդ կենվորի վրա... Նա... երևի իսկապես էլ նախանձից է ծիծաղում քեզ վրա... Նա երևի երբեք էլ ոչ մի իսկական բան չի ունեցել... ոչինչ... Հապա, գնանք...

Ն ա ս տ յ ա (ձեռները ամուր կրծքին սեղմելով). Պապիկ, աստված վկա... Դա եղել է: Ամեն ինչ եղել է... Ուսանող էր... Ֆրանսիացի... Գաստոշա էր անունը... Սև մորուստով... Լաքած կոշիկներով էր ման գալիս... Թող կայծակը ինձ հենց էստեղ խփի: Եվ էնպե՛ս էր ինձ սիրում... էնպե՛ս էր սիրում:

Լ ու կ ա. Ես գիտեմ: Ոչինչ: Են հավատում եմ: Լաքած կոշիկներով, ասում ես: Ա՛յ-ա՛յ-ա՛յ... Իսկ դու, դո՞ւ էլ նրան սիրում էիր...

Գնում է պատի ետև:

Բ ա ր ո ն. Համա թե հիմարն է այդ օրիորդը... Բարի է, բայց անտանելի հիմար...

Բ ու ր ն ո վ. Եվ ինչո՞ւ է էդպես... Ինչո՞ւ է մարդն էդքան սիրում փշել: Միշտ ոնց որ քննչի առաջ կանգնած լինի... Իսկապես...

Ն ա տ ա շ ա. Երևի փշոցը... ճշմարտությունից հաճելի է... Ես նույնպես...

Բ ա ր ո ն. Ի՞նչ նույնպես... Հետո՞:

Ն ա տ ա շ ա. Հնարում եմ, հնարում ու սպասում...

Բ ա ր ո ն. Ինչի՞ ես սպասում...

Ն ա տ ա շ ա (շփոթված ծպտալով). Այսպես ահա... մտածում եմ, որ վաղը կգա ինչ-որ մեկը... բացառիկ մի մարդ... Կամ ինչ-որ մի բան կպատահի... ու դա էլ շեղած-չլսված բան կլինի... Երկար եմ սպասում, միշտ սպասում եմ... Իսկ այնպես... ճիշտն ասած, ինչի՞ կարելի է սպասել:

Գազար:

Բ ա ր ո ն (բժիծաղով). Ոչնչի... ես ոչնչի չեմ սպասում: Ամեն ինչ արդեն եղել է... Անցել է... վերջացել է... Շարունակիր:

Ն ա տ ա շ ա. Եվ կամ... երևակայում եմ ինքս ինձ, որ վաղը ես... հանկածամահ կլինեմ... Եվ դրանից սարսափում եմ... Ամռանը լավ է մահը երևակայել... ամպրոպները ամռանն են լինում... Կայծակը միշտ կարող է սպանել...

Բ ա ր ո ն. Դու վատ ես ապրում... էդ բոլորի համար քույրդ է մեղավոր: Հրեշավոր բնավորություն ունի:

Ն ա տ ա շ ա. Իսկ ո՞վ է լավ ապրում: Բոլորն են վատ... տեսնում եմ:

Կ լ ե շ շ (Որ մինչ այդ անշարժ ու խոսակցությանն անմասնակից պառկած էր, հանկարծ ցատկում է տեղից). Բոլո՞րը... Ստո՞ւմ ես: Ոչ բոլորը: Եթե բոլորը լինեին... ոչինչ: Այն ժամանակ վիրավորական չէր լինի: Այո՞:

Բ ու ր ն ո վ. Ինչ է, սատանան քեզ պողահարեց: Մի տես է՞, ոնց ոռնաց...

Կիշը նորից է պառկում իր տեղում և փնթփնթում:

Բ ա ր ո ն. Հարկավոր է գնալ Նաստենկայի հետ հաշտվել... Զհաշտվեմ՝ խմելու փող չի տա...

Բ ու ր ն ո վ. Մարդիկ սիրում են փշել... Դե, Նաստեկան հասկանալի է... Նա սովոր է մոռոթը ներկել... հիմա էլ հոգին է

ուզում ներկել... կարմրացնել հողին: Իսկ ուրիշներն ինչո՞ւ են անում: Լուկան, օրինակ... շա՛տ է փշում... և իր համար առանց որևէ օգուտի... Արդեն ծեր է... Նրա ինչի՞ն է պետք:

**Բ ա Ր Ո Ն** (Լմծիծաղելով հեռանում է)։ Բոլոր մարդկանց հոգիները գորշ են, և բոլորն ուզում են կարմրացնել:

**Լ ու կ ա.** (պատի ետևից դուրս գալով)։ Դու, աղա, աղջկան ինչո՞ւ ես անհասկացանում... Լավ կլինեիր, որ նրան շխանգարեիր... Թող լաց լինի, զվարճանա... Ախր նա իր հաճույքի համար է արցունք թափում... Դա քեզ ի՞նչ վնաս է տալիս...

**Բ ա Ր Ո Ն.** Տխմարություն է, ծերուկ: Չանձրացրել է նա... այսօր Ռատու, վաղը՝ Գաստոն... բայց միշտ նույն բանը: Իմիջի-այլոց, գնում եմ հետը հաշտվեմ:

**Լ ու կ ա.** Հա, գնա էդպես... շոյիր: Մարդուն շոյելը երևի վնասակար չի:

**Ն ա տ ա շ ա.** Բարի ես դու, պապիկ... Ինչի՞ց է, որ դու էդպես բարի ես:

**Լ ու կ ա.** Բարի եմ, ասում ես: Դե լավ է, եթե էդպես է...

Կարմիր պատի ետևում կամաց հեռում է հարմոնը և եզրը:

Պետք է, աղջիկս, որ ինչ-որ մեկն էլ բարի լինի... Մարդկանց պիտի խղճալ: Քրիստոսը բուշրին էլ խղճում էր ու մեզ էդպես է պատվիրել... Ասեմ քեզ, երբ ժամանակին ես մարդուն խղճում, լավ է լինում: Ահա, օրինակ, ես մի ինժեների ամառանոցում, Տոմսկ քաղաքի մոտ, պահակ էի... Անտառում էր ամառանոցը, խոյ տեղում... Ձմեռ էր, ու ես ամառանոցում մենակ էի: Ամեն ինչ կարգին էր, լավ... Եվ ահա մի անգամ լսում եմ, մըտնում են...

**Ն ա տ ա շ ա.** Գողե՞րը...

**Լ ու կ ա.** Հա, դրանք: Ուրեմն մտնում են: Այո՛: Հրացանն առա ու դուրս եկա... Նայում եմ՝ երկուսով են... Պատահանն են բացում: Ես գոռում եմ՝ հե՛յ, դուք, հեռացե՛ք... Իսկ նրանք, ուրեմն, կացնով ինձ վրա են քշում... Ես նրանց զգուշացնում եմ՝ կանգնի՛ր, ասում եմ, թե չէ կկրակեմ... Հրացանով էլ մեկ մեկին եմ նշան բռնում, մեկ մյուսին... ծնկաչոք ընկան՝ թե բաց թող մեզ: Դե, ես էլ արդեն էն է, կատաղած եմ... կացնի համար, գիտես... Ասում եմ՝ ես ձեզ, սատանեք, փախցնում էի, չէիք գնում... Իսկ հիմա, ասում եմ, ձեզանից որևէ մեկը թող ճյուղեր կտորի... Կտորեցին: Հիմա, հրամայում եմ, թող մեկը պառկի,

մյուսը՝ ճիպոտահարի... Այդպես նրանք, իմ հրամանով, մեկը մյուսին ճիպոտահարեցին... Ու երբ ծեծվեցին, պրծան, ասում են՝ պապիկ, Քրիստոսի սիրուն, հաց տուր մեզ... ասում են, բան չենք կերել, անթի ենք... Ահա քեզ՝ գողեր, սիրունս, ահա քեզ՝ կացնով վրա քշել... Հա՛... Երկուսն էլ լավ տղերք էին... Ես նրանց ասում եմ, լավ չէր լինի, որ հենց սկզբից հաց ուղեիք: Իսկ նրանք՝ զզվել էինք, ասում են, ուզում ես, ուզում ու ոչ մեկը չի տալիս... Վիրավորական է... էդպես էլ նրանք ամբողջ ձմեռ ապրեցին ինձ մոտ: Մեկը, անունը Ստեպան էր, պատահում էր առնում էր հրացանը ու, հայդա, անտառ... Իսկ մյուսը, Յակով էր, անվերջ հիվանդ էր, հազում էր... Երեքով, ուրեմն, մենք ամառանոցում էինք ապրում: Գարունը եկավ թե չէ, մնաս բարով, պապիկ, ասացին ու գնացին... դեպի Ռուսաստան...

**Ն ա տ ա շ ա.** Փախստակա՞ն էին, աքսորակա՞ն:

**Լ ու կ ա.** էդպես էին, իրոք փախստական, աքսորավայրից էին փախել: Լավ տղերք էին: Եթե ես նրանց չխղճայի, նրանք երևի ինձ սպանեին... Կամ ով գիտե՛ ինչ... Իսկ հետո դատարան ու բանտ ու Սիբիր... Ի՞նչ օգուտ... Բանտը լավ բան չի սովորեցնի, Սիբիրն էլ չի սովորեցնի... Իսկ մարդը կսովորեցնի, այո՛: Մարդը կարող է բարություն սովորեցնել... շատ հասարակ ձևով:

Դադար:

**Բ ու Ր Ե Ո Վ.** Հը՛մ-հը՛մ... Իսկ ահա փշել շեմ կարողանում: Ինչո՞ւ իմ կարծիքով՝ պիտի ճակատին ասել ողջ ճշմարտությունը, ինչպիսին նա կա: Ինչո՞ւ քաշվել...

**Կ Ղ Ե Ղ Ղ** (Հանկարծ, այրվածի նման, նորից է ցատկում և գոռում)։ Ի՞նչ ճշմարտություն: Ո՞ր է ճշմարտությունը: (Ձեռքերով իր հագի ցնցոտիներն է քրքրում): Ահա ճշմարտությունը: Գործ չկա, ուժ չկա: Ահա ճշմարտությունը: Ապրելու տեղ... ապրելու տեղ չկա... Սատկել է պետք... ահա քեզ ճշմարտությունը: Սատանա: Իմ ինչի՞ն է պետք էդ ճշմարտությունը: Թող շունչ քաշեմ... շո՛ւնչ: Ես ինչո՞վ եմ մեղավոր: Ո՞ր մեղքիս համար է էդ ճշմարտությունը: Ապրել, ապրել չի լինում, գրողը տանի... ահա քեզ ճշմարտություն:

**Բ ու Ր Ե Ո Վ.** Համա՛ թե գլուխն է մտել...

**Լ ու կ ա.** Հիսուս Քրիստոս... Լսիր, է, սիրելիս: Դու...

**Կ Ղ Ե Ղ Ղ** (Վրդովմունքից դողում է)։ Ասում եք ճշմարտու-

Բյուռն... Դու, ծերուկ, մխիթարում ես բոլորին... կասեմ ես քեզ...  
ասում եմ բոլորին: Եվ էդ ճշմարտությունն էլ հետը... Թող դա,  
էդ գրողի տարածքը, անիծյալ լինի: Հասկացա՞ր: Հասկացի՞ր:  
Թող անիծյալ լինի: (Շուրջը նայելով, վազում է պատի ետև):

Լ ու կ ա. Ա՛յ-յա՛յ-ա՛յ... Ոնց գովեց մարդը... Եվ ո՞ւր վազ  
տվեց:

Ն ա տ ա շ ա. Ասեա՛ ջնդեց...

Բ ու ր ք ն ո վ. Ձոռ տվեց, հա՛... Ասես թատրոն խաղաց...  
էլ պես հաճախ է լինում... Դեռ չի վարժվել կյանքին...

Պ ե պ ե լ (Դանդաղ դուրս է գալիս պատի ետևից). Խաղա-  
գություն ազնիվ համբարությունը: Ի՞նչ է, Լուկա, խորամանկ  
ծերուկ, անվերջ պատմություններ ես անում:

Լ ու կ ա. Մի տեսեիր դու, թե մարդն էստեղ ոնց էր գո-  
ռում:

Պ ե պ ե լ. Կլեշը հո չէ՞ր: Ինչո՞ւ... Վազում էր, ոնց որ  
մտրակված լիներ...

Լ ու կ ա. Կվազես, Լթե էդպես սրտիդ դիպչեն...

Պ ե պ ե լ (նստում է). Ձեռ սիրում դրան... Չափից ավելի է  
շար ու գոռոզ: (Կլեշի տնագն է անում). «Ես աշխատավոր մարդ  
եմ»: Եվ բոլորն իրենից ցածր են, ատես... Աշխատի՞ր, Լթե դուր  
է գալիս... էլ ինչո՞ւ գոռոզանալ... Եթե մարդ է՛նց աշխատելով  
դատելու լինենք, ապա ձին բոլոր մարդկանցից լավ է... Քշում  
է ու լռում: Նատաշա, ձերոնք տա՞նն են:

Ն ա տ ա շ ա. Գերեզմանոց գնացին... Ուզում էին հետո էլ  
երեկոյան ժամերգության գնալ...

Պ ե պ ե լ. էդ է... Տեսնում եմ, ազատ ես... քիչ է պատա-  
հում:

Լ ու կ ա (Բուրնովին, մտախոհ). Ահա... ասում ես ճշմար-  
տություն: էդ ճշմարտությունը միշտ չէ, որ հարմար է մարդու  
ցավին... Միշտ չէ, որ կարող ես ճշմարտությամբ հոգիդ բուժել:  
Եղել է, օրինակ, մի էսպիսի դեպք. ծանոթ էի մի մարդու, որ  
հավատում էր արդար երկրի գոյությունը...

Բ ու ր ք ն ո վ. Ինչի՞ն էր հավատում...

Լ ու կ ա. Արդար երկրի գոյությունը... Պետք է որ, ասում  
էր, աշխարհի վրա լինի արդար երկիր... էդ երկրում, իբր թե,  
հատուկ մարդիկ են ապրում, լավ մարդիկ: Նրանք մեկը մյուսին  
հարգում են, մեկը մյուսին անվարձ-անհատույց օգնում են, և  
ամեն ինչ նրանց մոտ լավ է ու հրաշալի: Եվ ահա մարդն անվերջ

պատրաստվում էր գնալ փնտրելու այդ երկիրը: Աղքատ էր, վատ  
էր ապրում... ու երբ նրա համար էնքան էր դժվար լինում, որ  
պահպանուց ու տեղն ու տեղը մեռնելուց բացի ուրիշ բան չէր  
մնում, նա հույսը չէր կորցնում, քմծիծաղում էր ու ասում՝  
ոչի՛նչ, կհամբերեմ: Դեռ մի քիչ էլ կսպասեմ, իսկ հետո կթող-  
նեմ էս կյանքը ու կգնամ էդ արդար երկիրը: Մի ուրախություն  
ունեիր նա՛ էդ երկիրը...

Պ ե պ ե լ. Եվ գնա՞ց...

Բ ու ր ք ն ո վ. Ո՞ւր... Հո՞-հո՞...

Լ ու կ ա. Եվ ահա, էդտեղ, Սիբիրում էր էս դեպքը, մի աք-  
սորականի բերին... Գիտուն մարդ էր... դրքերով, գծագրերով և  
զանազան այլ բաներով... գիտնական էր... էդ մարդն էլ հենց  
ասում է գիտնականին. ցույց տուր ինձ, խնդրեմ, թե որտե՞ղ է  
էդ արդար երկիրը և ո՞նց է դրա ճամփան... Գիտնականն ան-  
միջապես գրքերը բացեց, գծագրերը փռեց, նայեց, նայեց՝ չկա,  
ոչ մի տեղ չկա, ոչ մի տեղ էդ արդար երկիրը չկա: Ամեն ինչ  
ճիշտ է, բոլոր երկրները ցույց են տրված, իսկ արդար երկիրը՝  
չկա...

Պ ե պ ե լ (ցածրաձայն). Ի՞նչ, Չկա՞...

Բուրնովը փրչում է:

Ն ա տ ա շ ա. Համբերիր... Հետո՞, պապիկ...

Լ ու կ ա. Մարդը չի հավատում: Պետք է, որ լինի, ասում է,  
լա՛վ փնտրիր... Եթե ասում է, արդար երկիր չկա, ուրեմն քո  
գրքերն ու գծագրերը բանի պետք չեն... Գիտնականը վիրավոր-  
վեց: Իմ գծագրերը, ասում է, ամենաճիշտն են, իսկ արդար եր-  
կիր ոչ մի տեղ էլ չկա... Դե, մարդն այստեղ կատաղեց, այդ  
ինչպե՞ս... Ապրել է, ապրել, համբերել է, համբերել և հավատա-  
ցած էր, որ կա: Իսկ գծագրերով դուրս է գալիս, որ չկա... Թա-  
լան է: Եվ ասում է նա գիտնականին՝ ա՛խ, դու, սրիկա, ստոր  
մարդ ես դու և ոչ գիտնական... ու շրթիկ՝ ականջին, մեկ, եր-  
կու... իսկ դրանից հետո գնաց տուն ու կախվեց...

Բոլորը լուռ են: Լուկան ժպտալով նայում է Պեպելին ու նատաշային:

Պ ե պ ե լ (ցածրաձայն). Սատանան տանի, ուրախ պատմու-  
թյուն չէ...

Ն ա տ ա շ ա. Չի դիմացել ստին...

Բ ու ր ք ն ո վ. Հեքիաթներ են...

Պ ե պ ե լ. Ահա և քեզ արդար երկիր... չկա՞, ուրեմն:  
Ն ա տ ա շ ա. Մեղք էր էն մարդը...

Ի ու ր ք ն ո վ. Հնարած բաներ են... բոլորը... Հո՞-հո՞... Ար-  
դար երկիր... դեպի էնտեղ... հո՞-հո՞-հո՞... (պատումների միջից  
անհետանում է):

Լ ու Վ ա (գլխով է անում դեպի Բուրնովի պատումները).  
Միծաղում է, հե՛, հե՛... (դադար): Դե, տղերք... Լավ կացեք:  
Շուտով կգնամ ձեր մոտից...

Պ ե պ ե լ. Հիմա՞ ուր...

Լ ու Վ ա. Խոխու կդառնամ... Լսել եմ, էնտեղ նոր հավատ  
են գտել... Տեսնել է պետք... Այո՞: Անվերջ փնտրում են մարդիկ,  
անվերջ մտածում են, թե ոնց անեն, որ լավ լինի... Համբերու-  
թյուն տուր նրանց, տեր աստված:

Պ ե պ ե լ. Ի՞նչ ես կարծում, կգտնեն...

Լ ու Վ ա. Մարդի՞կ... կգտնեն... ով փնտրում է՝ կգտնի...  
Ով պինդ է ուզում՝ կգտնի:

Ն ա տ ա շ ա. Գոնե ինչ-որ բան գտնեիր... ինչ-որ մի լավ  
բան հնարեիր:

Լ ու Վ ա. Կհնարեն... Միայն նրանց պիտի օգնել, աղջիկս...  
պիտի հարգել...

Ն ա տ ա շ ա. Ես ինչպե՞ս կարող եմ օգնել... Ես ինքս եմ  
անօգնական...

Պ ե պ ե լ (վնական). Ես էլի, ես նորից պիտի քեզ հետ խո-  
սեմ... Նատաշա... Ահա սրա ներկայությամբ... գնանք... ինձ  
հետ...

Ն ա տ ա շ ա. Ո՞ւր, բանտից բանտ...

Պ ե պ ե լ. Ես ասացի. գողությունը կթողնեմ: Աստված վկա,  
կթողնեմ: Որ ասացի, կանեմ: Ես գրագետ մարդ եմ, կաշխա-  
տեմ... Ահա սա ասում է, որ սեփական կամքով պիտի Միբիր  
գնալ... Գնանք էնտեղ, հը՞... Դու կարծում ես, իմ կյանքն ինձ  
չի զզվեցնում: Ա՛խ, Նատաշա, ես գիտեմ... տեսնում եմ: Ես  
ինձ մխիթարում եմ նրանով, որ ուրիշներն ինձանից ավելի են  
գողանում ու դեռ առոք ու փառք էլ ապրում են... Բայց դա ինձ  
չի օգնում: Դա էն չի: Ես չեմ զղում... Ես խղճիս չեմ հավա-  
տում... Բայց մի բան եմ զգում՝ պետք է ուրիշ ձևով ապրել:  
Ավելի լավ պիտի ապրել... Պետք է այնպես ապրել, որ կարո-  
ղանաս ինքդ քեզ հարգել...

Լ ու Վ ա. Ճիշտ է, սիրելիս, թող աստված քեզ տա, Քրիս-

տասը թող օգնական լինի: Ճիշտ է, մարդ պիտի ինքն իրեն  
հարգի...

Պ ե պ ե լ. Ես... փոքրուց եմ գող... բոլորը ինձ ասում էին,  
գող վասկա, գողի տղա վասկա: էդպե՞ս: Դե լա՛վ: Առեք, ուրեմն՝  
գող եմ... Հասկացի՞ր, ես կարող է, կատաղությունից եմ գող.  
գող եմ, որովհետև ոչ ոք ոչ մի անգամ գլխի չընկավ ինձ ուրիշ  
անուն տալ... Դու տուր, Նատաշա, հը՞...

Ն ա տ ա շ ա. Ոչ մի խոսքի... ինչ-որ... չեմ հավատում... Եվ  
անհանգիստ եմ այսօր... սիրտս ճմլվում է... ասես ինչ-որ բանի  
եմ սպասում: Դու, վասիլի, իզուր էսօր էդ խոսքը բացիր...

Պ ե պ ե լ. էլ ե՞րբ: Առաջին անգամ չէ, որ ասում եմ:

Ն ա տ ա շ ա. Եվ ինչո՞ւ պիտի ես քեզ հետ գամ: Ախր, թե  
սեր ասեմ, էնքան էլ չեմ սիրում քեզ... Մեկ-մեկ դուրս ես գա-  
լիս, մեկ էլ սիրտս խառնում է, երբ նայում եմ վրադ... Երևի ես  
քիչ եմ սիրում, երբ սիրում եմ՝ սիրածի մեջ վատը չեն տեսնում,  
իսկ ես... տեսնում եմ...

Պ ե պ ե լ. Կսիրես, մի վախենա... Այնպես կանեմ, որ ինձ  
վարժվես... դու միայն համաձայնիր... Մի տարուց ավել է նա-  
յում եմ վրադ... տեսնում եմ՝ դու խիստ աղջիկ ես... լավն ես...  
հուսալի մարդ ես... քեզ շատ սիրեցի:

Վասիլիսան, զուգված, երևում է լուսամտի մեջ ու շրջանակին հենված  
լսում է:

Ն ա տ ա շ ա. էդպես: Ինձ սիրեցիր: Իսկ քրո՞ջս...

Պ ե պ ե լ (շփոթված). Դե, ի՞նչ է նա: էդպիսիները քի՞չ են,  
ինչ է:

Լ ու Վ ա. Դու... ոչինչ, աղջիկս: Հաց չեղած տեղը, բանջար  
են ուտում...

Պ ե պ ե լ. Խղճա ինձ: Վատ եմ ապրում... շան կյանք է...  
ուրախ օր չունեմ... խեղդվում եմ ցեխի մեջ... ու մի բան չկա,  
որ ձեռքս պցեմ, բռնեմ... ամեն ինչ փտած է, չի պահում...  
Քույրդ... ես կարծեմ էի նա էն չի... Եթե նա փողի էդքան ազահ  
չլիներ, ես նրա սիրուն ամեն ինչ կանեի... միայն թե նա ամ-  
բողջովին իմը լիներ... բայց նրան ուրիշ բան է պետք... նրան  
փող է պետք և ազատություն: Իսկ ազատությունը պետք է, որ  
լրբություն անի: Նա ինձ օգնել չի կարող... իսկ դու ջահել եղևնու  
նման ես՝ թեթև ծակում ես, բայց կպահես...

Լ ու Վ ա. Ես էլ եմ ասում՝ գնա նրա հետ, աղջիկս, գնա:

Նա՛ ոչինչ, լավ տղա է: Միայն թե դու հաճախակի հիշեցրու նրան՝ որ լավ տղա է, որ նա, ուրեմն, էդ բանը չմոռանա... Նա քեզ կհավատա: Միայն թե դու նրան ասա՛ Վասյա, դու լավ մարդ ես... մի մոռացիր: Մտածիր, սիրելիս, ո՞ւր պիտի գնաս, գնալու տեղ չունես: Քույրդ կատաղած գազան է, նրա մարդու մասին խոսել էլ չարժի, էնքան գարշելի ծերուկ է, որ խոսքով չես ասի... ու էստեղի ամբողջ կյանքը... Ո՞ւր պիտի գնաս: Իսկ սա պինդ տղա է...

Ն ա տ ա շ ա. Գնալու տեղ չկա... գիտեմ, մտածել եմ... Միայն թե չեմ հավատում, ոչ ոքի՛... Իսկ գնալու տեղ՝ չունեմ...

Պ ե պ ե լ. Մի ճամփա կա... Չէ, թույլ չեմ տա, որ էդ ճամփան բռնես... Ավելի լավ է՝ սպասեմ...

Ն ա տ ա շ ա (ժպտալով). Տեսնո՞ւմ ես, դեռ քո կնիկն էլ չեմ, բայց արդեն ուզում ես սպանել...

Պ ե պ ե լ (Գրկում է նրան). Թող, Նատաշա: Մեկ է...

Ն ա տ ա շ ա (սեղմվելով նրան). Դե, մի բան կասեմ քեզ, Վասիլի... ահա, ոնց որ ասածու առաջ եմ ասում... Հենց որ առաջին անգամ դու ինձ խփես կամ ուրիշ ձևով նեղացնես... ես ինձ չեմ խնայի, կամ կկախվեմ, կամ...

Պ ե պ ե լ. Թող չորանան ձեռքերս, եթե քեզ դիպչեմ...

Լ ու կ ա. Մի փոշմանի, սիրելիս... Դու նրան ավելի շատ ես պետք, քան նա քեզ...

Վ ա ս ի լ ի ս ա (պատուհանից). Ահա և պսակվեցին: Սեր և միություն...

Ն ա տ ա շ ա. Եկան... ա՛խ, աստված... տեսան... Ա՛խ, Վասիլի...

Պ ե պ ե լ. Ինչի՞ց վախեցար: Հիմա ոչ ոք սիրտ չի անի դիպչել քեզ:

Վ ա ս ի լ ի ս ա. Մի վախենա, Նատալյա... նա քեզ չի ծեծի... նա ոչ ծեծել կարող է, ոչ սիրել... գիտե՛մ:

Լ ու կ ա (ցածրաձայն). Ա՛խ, կնիկ... թունավոր օձ...

Վ ա ս ի լ ի ս ա. Նա ավելի շատ խոսքով է քաջ...

Կ ո ս տ ի լ յ ո վ (նեղ է գալիս). Նատաշկա, դու այստեղ ի՞նչ ես անում, ձրիակե՛ր: Բամբասո՞ւմ ես: Հարազատների՞ցդ ես բողբոջում... Իսկ ինքնաեռը պատրաստ չէ, սեղանը հավաքած չէ...

Ն ա տ ա շ ա (հեռանալով). Ախր դուք ուզում էիք եկեղեցի գնալ:

Կ ո ս տ ի լ յ ո վ. Քո գործը չէ, թե մենք ինչ էինք ուզում: Դու պարտավոր էիր քո գործը անել... էն, ինչ որ քեզ հրամայված է:

Պ ե պ ե լ. Ձե՛նդ... նա էլ քո ծառան չէ... Նատալյա, չգնաս... ոչինչ չանես...

Ն ա տ ա շ ա. Դու մի հրամայիր... դեռ շուտ է... (գնում է):

Պ ե պ ե լ. Հերիք է: Մարդուն խաղբ արիք, պրծաք, ու բավական է: Հիմա նա իմն է:

Կ ո ս տ ի լ յ ո վ. Քո՛նն է: Ե՞րբ գնեցիր: Ինչքա՞ն տվիր:

Վ ա ս ի լ ի ս ա (հրճում է):

Լ ու կ ա. Վասյա, դու գնա...

Պ ե պ ե լ. Նայեք դուք, ծիծաղկոտներ... Չլացեք հանկարծ...

Վ ա ս ի լ ի ս ա. Օ, սարսափելի՛ է, օ, վախենո՞ւմ եմ...

Լ ու կ ա. Վասիլի, գնա... տեսնում ես, դրդում է քեզ, գրգռում, հասկանո՞ւմ ես:

Պ ե պ ե լ. Հա... էդ է: Չէ՛ մի... ո՞նց չէ... Ձի լինի էն, ինչ դու ես ուզում:

Վ ա ս ի լ ի ս ա. Ու էն էլ չի լինի, ինչ ես չուզեմ, Վասյա:

Պ ե պ ե լ (բռունցքներով սպառնում է նրան). Կտեսնենք... (գնում է):

Վ ա ս ի լ ի ս ա (պատուհանից անհետանալով). Գլխիդ մի էնպիսի հարսանիք սարքեմ, որ...

Կ ո ս տ ի լ յ ո վ (մոտենում է Լուկային). Ի՞նչ կա, ծերուկ:

Լ ու կ ա. Ոչինչ չկա, ծերուկ:

Կ ո ս տ ի լ յ ո վ. Ուրեմն, ասում են, գնո՞ւմ ես...

Լ ու կ ա. Ժամանակն է...

Կ ո ս տ ի լ յ ո վ. Ո՞ր որ ոտքերս տանեն...

Կ ո ս տ ի լ յ ո վ. Ուրեմն, ղվանելու... Երևում է, որ մի տեղ ապրելն էնքան էլ հարմար չի քեզ:

Լ ու կ ա. Անշարժ քարի տակ, ասում են, ջուր էլ չի հոսում:

Կ ո ս տ ի լ յ ո վ. Դա քար է: Իսկ մարդը պիտի ապրի մի տեղ... Ձի կարելի, որ մարդիկ բզկաների պես ապրեն... ով ուր ուզում է, այնտեղ էլ թռչում է... Մարդը պիտի իր տեղը որոշի, իզուր քարշ չգա աշխարհով...

Լ ու կ ա. Իսկ եթե մեկի համար ամեն տեղ տե՞ղ է...

Կ ո ս տ ի լ յ ո վ. Նշանակում է, նա շրջմոխիկ է... անօգուտ մարդ... Պետք է, որ մարդը օգուտ տա, աշխատի...

Լ ու կ ա. Հլա սրա՛ն...

Կ ո ս ա ի լ յ ո վ. Այո՛: Հապա ոնց... Ի՞նչ ասել է... շքմո-  
լիկ... դե, էնպիսի մարդ, որ տարօրինակ է, ուրիշների պես չէ,  
անվերջ շրջում է... ու եթե նա իսկականից տարօրինակ է ու ինչ-  
որ բան գիտի... էնպիսի մի բան է իմացել... ոչ ոքի պետք չե-  
կող... գուցե իսկապես էդպիսի մի բան իմացել է... գե, ամեն  
ճիշտ բան չէ, որ պետք է, այո՛: Նա էդ բանը իր մեջ է պահում  
ու լուռ է: Եթե նա իսկականից տարօրինակ է, լուռ է: Կամ  
էնպես է անում, որ ոչ ոք դրանից բան չհասկանա... Եվ նա ոչինչ  
չի ուզում, ոչ մի բանի չի խառնվում, մարդկանց զուր տեղը չի  
պղտորում... Նրա գործը չէ, թե մարդիկ ոնց են ապրում... Նա  
պետք է արդար կյանք վարի, պետք է ապրի անտառներում, խուլ  
անկյուններում... անտեսանելի: Եվ ոչ-ոքի չխանդարի, ոչ ոքի  
չմեղադրի... և բոլորի տեղակ ազոթի... երկրային բոլոր մեղքերի  
համար... իմ, թո, նրա... բոլորի մեղքերի... նա երկրային ունայ-  
նությունից հենց նրա համար է փախչում, որ ազոթի: էդպե՛ս...  
(դադար): Իսկ դու... Ի՞նչ շքմոլիկ ես դու. փաստաթուղթ չու-  
նես... Կա՞վ մարդը պիտի փաստաթուղթ ունենա... բոլոր լավ  
մարդիկ փաստաթուղթ ունեն, այո՛...

Լ ու կ ա. Կան մարդիկներ, այո, բայց կա և ուրիշ բան՝  
մարդ...

Կ ո ս ա ի լ յ ո վ. Դու խելքիդ զոռ մի տա... Հանելուկներ մի  
տախ... ես քեզանից դժբա չեմ: Ի՞նչ ասել է մարդիկներ ու մարդ...

Լ ու կ ա. Այստեղ ի՞նչն է հանելուկ: Ես ասում եմ, հող կա,  
որ ցանքի համար անհարմար է, և կա բերքառատ հող... ինչ էլ  
էնտեղ ցանես, բուսնում է... էդպես է...

Կ ո ս ա ի լ յ ո վ. էդ ինչի՞ համար ես ասում:

Լ ու կ ա. Ահա, օրինակ, դու... եթե քեզ հենց ինքը տեր  
աստված ասի՝ Միխայլո, մա՛րդ դարձիր... մեկ է, ոչինչ դուրս  
չի գա... Ոնց որ եղել ես, էնպես էլ կմնաս...

Կ ո ս ա ի լ յ ո վ. Իսկ դու գիտե՞ս, որ իմ կնկա քեռին ու-  
տիկան է... Ու եթե ես...

Վ ա ս ի լ ի ս ա (նեղս է գալիս). Միխայլա Իվանովիչ, արի՛,  
թեյ ենք խմում...

Կ ո ս ա ի լ յ ո վ. Գու, գիտե՞ս ինչ՝ դուրս բնակարանից,  
գնա կորիր...

Վ ա ս ի լ ի ս ա. Հա, փաստփուսեդ հավաքիր, ծեղուկ: Լե-

զուր շա՛տ է երկար... Ա, ով է իմանում, գուցե դու ինչ-որ  
փախստական ես...

Կ ո ս ա ի լ յ ո վ. Հենց էսօր քո շունը էստեղ չլիթի... Թե չէ  
ես... նայի՛ր...

Լ ու կ ա. Քեռո՞ւդ կկանչե՞ս... Կանչի՞ր քեռուդ... Տես,  
փախստական եմ բռնել... Գուցե քեռիդ ստանա... մի երեք կո-  
պեկ:

Ի ու բ ն ո վ (պատահանի մեջ). Ի՞նչ են էստեղ ծախում...  
էդ ի՞նչը երեք կոպեկ արժե:

Լ ու կ ա. Վախեցնում են, թե ինձ կծախեն...

Ի ու բ ն ո վ. Երեք կոպեկո՞ւմ... Զգուշ ծեղուկ, նրանք մի  
կոպեկով էլ կծախեն:

Կ ո ս ա ի լ յ ո վ. Դուրս ես ցցվել, ոնց որ շարքը վառարա-  
նի տակից...

Գնում է կնոջ հետ:

Վ ա ս ի լ ի ս ա. Աշխարհի վրա ինչքա՛ն մուլ մարդիկ կան...  
ու զանազան խաբեբաներ:

Լ ու կ ա. Բարի ախորժակ ձեզ...

Վ ա ս ի լ ի ս ա (շուր գալով). էեզուդ քեզ քաշիր, թունավո՞ր  
սունկ...

Ամուսնու հետ անցնում է պատի ետև:

Լ ու կ ա. Այս գիշեր հեռանամ...

Ի ու բ ն ո վ. Դա ալելի լավ է: Ժամանակին հեռանալն  
ավելի լավ է...

Լ ու կ ա. Ծիշտ ես ասում:

Ի ու բ ն ո վ. Ես գիտեմ: Ես, երեի, աքսորից էն պատճա-  
ռով փրկվեցի, որ ժամանակին հեռացա:

Լ ու կ ա. էդ ո՞նց...

Ի ու բ ն ո վ. Ծիշտ եմ ասում: Էսպես եղավ. կինս վարպե-  
տի հետ կասպվեց... Վարպետը, ճիշտն ասած, լավ վարպետ էր...  
Շան մորթին շատ սամթով ներկում, ջրարջի մորթի էր դարձ-  
նում... Կատու էլ էր ներկում, դարձնում կենդանուի մորթի,  
մշկամկան... ու էդպիսի բաներ: Ծարպիկ մարդ էր: էդպես,  
ուրեմն, կինս կասպվեց դրա հետ... Ու էնպես պինդ դրանք իրար  
կպան, որ ինձ կամ պիտի թունավորեին, կամ ուրիշ մի ձևով էն  
աշխարհն ուղարկեին: Ես, պատահում էր, սկսում էի կնկաս ծե-

ծել, վարպետն էլ՝ ինձ... Շա՛տ կատաղի էր կռիվ անում... Մի անգամ միրուքիս կեսը պոկեց ու կողիս ոսկորը ջարդեց... Դե ես էլ կատաղեցի... Երկաթե արշինով կնկաս գլխին հո չթըխկացրի... մի խոսքով մեծ կռիվ սկսվեց: Համա տեսնում եմ, որ էդպես բան դուրս չի գա... խեղճացնում են դրանք ինձ: Ու ես էդտեղ մտքիս դրի՝ կնկաս սպանել... Հաստատ դրի: Բայց ժամանակին ուշքի եկա՝ հեռացա...

Լ ու կ ա. էդպես ավելի լավ է: Թող նրանք էնտեղ շնից ջրորջ սարքեն...

Բ ու ր ք ն ո վ. Միայն թե... արհեստանոցը կնոջս վրա էր գրված, ու ես մնացի էսպես: Բայց եթե ճիշտն ասենք, մեկ է, ես էդ արհեստանոցը օդու կտալի... Հարբեցող եմ, բա՛...

Լ ու կ ա. Հարբեցող... Հա՛...

Բ ու ր ք ն ո վ. Կատաղի հարբեցող... Հենց որ սկսում եմ լակել, ամեն ինչս օդուն եմ տալիս, միայն կաշիս է մնում... Բացի էդ էլ, ծուլ եմ: Սարսափելի չեմ սիրում աշխատել:

Վիենյով մտնում եմ Սատինն ու Դերասանը:

Ս ա տ ի ն. Դատարկ բան է: Դու ոչ մի տեղ չես գնա... Այդ ամենը սուտուփուտ բան է: Ծերուկ, դու ի՞նչ ես լցրել էս լակոտի ականջը...

Դ ե ր ա ս ա ն. Խաբում ես: Պա՛պ, ասա նրան, որ խաբում է: Ես գնում եմ: Ես այսօր աշխատել եմ, փողոցն եմ ավելել... Իսկ օղի չեմ խմել: Ո՞նց է: Ահա երկու տասնհինգ կոպեկանոց, իսկ ես լուրջ եմ:

Ս ա տ ի ն. Անմտութուն է: Տո՛ւր, ես կխմեմ... կամ կտարվեմ...

Դ ե ր ա ս ա ն. Գնա կորիր, սա ճանապարհի համար է...

Լ ու կ ա (Սատինին). Իսկ դու ի՞նչ ես նրան ճամփից հանում...

Ս ա տ ի ն. Ասա դու ինձ, կախարդ, աստվածների սիրելին, կյանքում ի՞նչ կլինի ինձ հետ: Ես, եղբայր, մինչև վերջին թեղտանուլ եմ տվել: Դեռ ամեն ինչ կորած չէ, պապ, աշխարհում դեռ կան խաղանենգ սրիկաներ, որ ինձանից ավելի խելացի են:

Լ ու կ ա. Ուրախ տղա ես դու, Կոստանտին... Դուրեկան...

Բ ու ր ք ն ո վ. Դերասան, հապա այստեղ արի:

Դերասանը գնում է նրա մոտ ու պզգած նստում է նրա առաջ: Կիսածայն խոսում են:

Ս ա տ ի ն. Ես, եղբայր, ջահել ժամանակ հետաքրքիր էի: Հաճելի է հիշելը: Հոգի՛ տղա էի... Հրաշալի ապրում էի, խաղում էի բեմի վրա, մարդկանց ծիծաղեցնում... Հոյակա՛պ էր:

Լ ու կ ա. էդ ո՞նց եղավ, որ շեղվեցիր քո արահետից... Հը՞...

Ս ա տ ի ն. Ինչ հետաքրքրասերն ես, ծերուկ: Ամեն ինչ ուզում ես իմանալ, իսկ ինչո՞ւ:

Լ ու կ ա. Մարդկային գործերն եմ ուզում հասկանալ... բայց նայում եմ քեզ ու չեմ հասկանում: Դու էնպես կտրիճն ես, Կոստանտին, հիմար չես... ու հանկարծ...

Ս ա տ ի ն. Բանտն է արել, ծերուկ: Ես չորս տարի յոթ ամիս բանտում եմ նստել... Իսկ բանտից հետո՞ խելքի չեմ գալիս:

Լ ու կ ա. Օհո՛, էդ ինչի՞ ես նստել:

Ս ա տ ի ն. Մի սրիկայի պատճառով... տաքացած ու գրգռված վիճակում սպանեցի սրիկային... Բանտում էլ թուղթ խաղալ սովորեցի...

Լ ու կ ա. Կնկա պատճառով սպանեցիր...

Ս ա տ ի ն. Հարադատ բրոջս պատճառով... Բայց դու վազն արի... Ես չեմ սիրում, երբ ինձ հարցաքննում են: Եվ այդ ամենը վաղուց է եղել... Քույրս մեռել է... ինք տարի առաջ... անցավ... Մի հոյակապ մարդ էր, եղբայր, իմ քույրը...

Լ ու կ ա. Դու հեշտ ես կյանքը տանում: Իսկ քիչ առաջ էստեղ փականագործը էնպիսի ոռնոց ձգեց... ա՛յ, ա՛յ, ա՛յ...

Ս ա տ ի ն. Կլե՞շք...

Լ ու կ ա. Ինքը: Աշխատանք, գոռում է, չկա... ոչինչ չկա...

Ս ա տ ի ն. Կվարժվի... Մի գործ լիներ, ես էլ գրադվեի...

Լ ու կ ա (կամաց). Նայիր, գալիս է:

Կալիս է Կլեշքը. դանդաղ, գլուխը կախած:

Ս ա տ ի ն. Հե՛յ, որբեւայրի մարդ, ի՞նչ ես քիթդ կախել, ի՞նչ ես ուզում հնարել...

Կլեշք. Մտածում եմ, թե ի՞նչ պիտի անեմ: Գործիքներ չկան... բոլորը թաղման վրա գնաց...

Ս ա տ ի ն. Ես քեզ մի խորհուրդ կտամ. ոչինչ մի արա, պարզապես աշխարհի վրա ծանրացիր:

Կլեշք. Մի՛ ասա... ես մարդկանցից ամաչում եմ...

Ս ա տ ի ն. Թո՛ղ... մարդիկ չեն ամաչում, որ դու շնից էլ վատ ես ապրում... Հապա մտածիր՝ դու չես աշխատի, ես չեմ



աշխատի, էլի հարյուրներ, հազարներ... Բոլորը, հասկանո՞ւմ ես... Բոլորը թողնում են աշխատանքը: Ոչ ոք սշինչ չի արած անևի... Ի՞նչ կլինի հետո...

Կլեշչ. Բոլորը սովից կսաակեն...

Լուկա (Սատինին). Դու լավ կանես, էդպիսի ճառերով բեզուենների մոտ գնաս... Կան այդպիսի մարդիկ, բեզուեններ են կոչվում...

Սատին. Գիտեմ... Նրանք հիմարներ չեն, պապիկս:

Կոստիլովների պատմաճանից լավում է նատաշայի գոռոցը. «Ինչի՞ համար... կանգնիր, ինչի՞ համար»:

Լուկա (անհանգիստ). Նատաշա՞ն է... գոռում է... նա... Ա՛խ, դու...

Կոստիլովների բնակարանում աղմուկ է, իրարանցում, ջարդված ամանեզներ գունգոց և կոստիլովի ճշան գոռոցը. «Ա-ա՛... կոպակա՛շու... լի՛րբ»:

Վասիլիսա. Կանգնի՛ր... սպասի՛ր... ես դրան... ա՛ն քեզ, ա՛ն քեզ...

Նատաշա. Մեծում են: Սպանում են...

Սատին (գոռում է պատմաճանի մեջ). Է՛յ, դուք...

Լուկա (իրար անցած). Վասիլիին... Պիտի Վասյային կանչել... Ա՛խ, աստված իմ, եղբայրներ, տղե՛րք...

Ի երասան (վագ ապուով). Սա... հիմա նրան...

Բուրնով. Համա թե շուտ-շուտ են սկսել նրանք նատաշային ծեծել...

Սատին. Գնանք ծերուկ... վկա կլինենք...

Լուկա (գնում է Սատինի ետևից). Ես ի՞նչ վկա եմ...

Ինչի՞ս է... Վասիլին շուտ գար...

Նատաշա. Քո՛ւրս... քուրի՛կս... Վա՛-ա՛...

Բուրնով. Բերանը փակեցին... Գնամ, նայեմ...

Կոստիլովների բնակարանում աղմուկը հանդարտվում է, հավանաբար սենյակից հեռանալով միջանցի: Լսվում է ծերունու գոռոցը. «Կանգնի՛ր»: Պինգ բոխվում է դուռը, և այդ ձայնը, ասես կացնով, կտրում է ամբողջ աղմուկը: Բեմի վրա հանգիստ է: Իրիկնային կիսամութ:

Կլեշչ (Անտարբեր նստած է փայտերի վրա, ամուր շփում է ձեռները: Հետո սկսում է ինչ-որ բան մրմուրալ, սկզբում անհասկանալի, ապա՝ Ախր ոնց... Պետք է ապրել... (բարձր) Կացարան է պետք... չէ՛... Կացարան չկա... ոչինչ չկա: Մի հոգի եմ... Հնդամենը մի հոգի... օգնություն չկա...)

Դանդաղորեն, կորացած հետաճում է: Մի քանի վայելյան շարագուշակ լուսյուն է: Հետո ինչ-որ տեղ ներթափանցում ծեղում է խառնակ աղմուկ, ձայների փառ: Անում է դա, մտանում: Լսվում են առանձին ձայներ:

Վասիլիսա. Ես նրա քույրն եմ, թո՛ղ...

Կոստիլով. Դու ի՞նչ իրավունք ունես...

Վասիլիսա. Աքսորակա՛ն...

Սատին. Վասկային կանչիր... Շո՛ւտ... Զոք, տո՛ւր դրան...

Սատիկանի սուրբ:

Թաթար (նես է վագում: Աջ ձեռքը վիրակապած է). Էդ ինչպիսի՞ էդպիսի օրենք կա՞ ցերեկով սպանել:

Կրիվոյ Զոք (ետևից՝ Մեղվեզլը). Համա՛ թե ես դրան մի հատ հասցրի...

Մեղվեզլ. Դու... ի՞նչ իրավունքով ես կոչում...

Թաթար. Իսկ դո՞ւ: Ի՞նչ է քո պարտականությունը...

Մեղվեզլ (բեռնակրի ետևից է վագում). Կա՛նգ առ...

Տո՛ւր սուլիչը...

Կոստիլով (դուրս է վագում). Աբրամ, բռնի՛ր դրան... ճանկի՛ր... Սպանեց...

Պատի հետևից դուրս են գալիս Կլեշչյան և Նատաշան, հրանք քեների տակից բռնած բերում են զգգված նատաշային: Սատինը նետ-նետ է գալիս, հետևով ներքով վասիլիսային, սրբ ձեռները քափահարելով ուզում է խփել ֆոշը: Նրա մտ, խելագարի պես, քաշկոտում է Այոշկան, սուլում է ականջների մեջ, գոռում է, ուռնում: Հետո՛ էս մի քանի ցնցոտիավոր տղամարդկանց ու կանանց կերպարան:

Սատին (Վասիլիսային). Ո՛ւր, անիծյալ բու...

Վասիլիսա. Հեռո՛ւ, արքորական... Կմեռնեմ, բայց դրան բզիկ-բզիկ կանեմ...

Կվաշենյա (նատաշային ֆաշելով մի կողմ). Իսկ դու,

Կարպովնա, վերջ տուր... ամոթ ունեցիր... Ի՞նչ ես կատաղել...

Մեղվեզլ (բռնում է Սատինին). Ահա... ճանկս ընկա՞ր...

Սատին. Զոք, հասցրո՛ւ դրանց... Վասկա՛ն, Վասկա՛ն...

Բոլոր խոնկում ու կուտակվում են անցքի մաս, կարմիր պատի կողմին: Նատաշային տանում են աչ կողմը և նստեցնում են վայտերի կոյտի վրա:

Պեպել (դուրս պրծնելով նրբանցքից, լուռ, ուժեղ շարժումներով դես ու դեն է հրում բոլորին). Ո՛ւր է նատալյան... Դու...

Կ ո ս տ ի լ յ ո վ (թափնվելով անկյունում). Աբրահամ, Վաս-  
կային բռնիր... Եղբայրներ օգնեցեք բռնելու Վասկային... գո-  
ղին, ալիաղակին...

Պ ե պ ե լ. Ա՛խ, դու... քավթառ սրիկա...

Ուժեղ քափ առնելով, խփում է ծերունուն: Կաստիլյովն այնպես է ընկնում,  
որ պատի ետևից երևում է միայն նրա մարմնի վերին մասը: Պեպելը  
նետվում է դեպի նատաշան:

Վ ա ս ի լ ի ս ա. Խփե՛ք Վասկային, աղալնյակներս... Ժե-  
ծե՛ք գողին...

Մ ե դ վ ե դ ն (Սատինի վրա գոռալով). Չե՛ս կարող... այս-  
տեղ ընտանեկան գործ է, նրանք հարազատներ են... Դո՛ւ ով  
ես...

Պ ե պ ե լ. Ինչպե՛ս... Այդ ինչո՞վ է նա քեզ... Դանակո՞վ...

Վ վ ա շ ն յ ա. Նայիր հապա, ի՛նչ գազաններ են... եռացրած  
ջրով աղջկա ոտքերն են խաշել...

Ն ա ս տ յ ա. Ինքնաենն են շրջել...

Թ ա ր ա ր. Կարող է պատահական է եղել... Պետք է ճիշտը  
իմանալ... չի կարելի... իզուր խոսել...

Ն ա տ ա շ ա (համարյա ուշաքափ). Վասիլի... Վերցրու  
ինձ... Թաղիր ինձ...

Վ ա ս ի լ ի ս ա. Տե՛ր աստված, մի նայեք, տեսեք... Մե-  
ռել է... Սպանել են...

Բռնորը խոնկում են անցքի մոտ, Կաստիլյովի գլխին: Բազմաթյան միջից  
գուրս է գալիս Բուրնովը, գնում է դեպի Վասիլին:

Ի ու ր ն ո վ (ցածրաձայն). Վասկա, ծերուկը... էն իք է...  
պատրաստ է...

Պ ե պ ե լ (հայում է նրան, կարծես չհասկանալով). Գնա...  
կանչիր... Հիվանդանոց է պետք... Ես նրանց հաշիվը կտեսնեմ:

Ի ու ր ն ո վ. Ես ասում եմ, ծերունուն ինչ-որ մեկը փռել է...

Ազմուկը բեմի վրա հանգչում է, ինչպես խառնայի բացը, որի վրա ջուր են  
լցրել: Կիսաձայն հնչում են առանձին բացականություններ. «Իսկապես»,  
«Ա՛յ քեզ քան», «Չէ՛ մի, չէ», «Հեռանա՛նք, եղբայր», «Ա՛խ սատանա»,  
«Հի՛մա, զգուշացիք», «Հայդա՛, րո՛ր, քանի ոստիկանությունը չի եկել»:  
Բազմությունը նստանում է: Ցրվում են: Բուրնովը, Թարարը, Նաստյան և  
Կվաշելյան նետվում են դեպի Կաստիլյովի դիակը:

Վ ա ս ի լ ի ս ա (գետնից բարձրանալով, գոռում է հանդի-  
սավոր ձևով). Սպանե՛լ են ամուսնուս... ահա թե ով է սպանել:  
Վասկան է սպանել: Ես տեսա՛: Աղալնյակներս, ես տեսա: Ի՞նչ  
է, Վասյա: Ոստիկանություն:

Պ ե պ ե լ (հեռանում է նատաշայից). Թողե՛ք... Հեռու (նա-  
յում է ծերունուն: Վասիլիսային). Դե, ուրա՛խ ես... (Ուռնով շո-  
շափում է դիակը): Սատկեց... քավթառ շունը... Քո ուզածի պես  
եղավ... Հը՛... Քեզ էլ շատկացնե՛մ (նետվում է նրա վրա: Սա-  
տինն ու Կրիվոյ Զոբը բռնում են նրան: Վասիլիսան թափնվում է  
նրբանցում):

Ս ա տ ի ն. Ուշքի՛ եկ...

Կ ր ի վ ո յ Զ ո ք. Կա՛նդ առ, ո՛ւր ես արշավում...

Վ ա ս ի լ ի ս ա (հայտնվում է). Ի՛նչ է, Վասյա, սիրելիս:  
Ճակատագրից չես փախչի... Ոստիկանություն: Աբրահամ, սուլի՛ր...  
Մ ե դ վ ե դ ն. Սուլիշս պոկել են, սատանեք...

Ա լ յ ո շ կ ա. Ահա (Սուլում է: Մեղվեղեր վազում է նրա  
ետևից):

Ս ա տ ի ն (Պեպելին տանելով նատաշայի մոտ). Վասկա,  
մի վախենա: Կովի մեջ սպանությունը դատարկ բան է: Դա էն-  
քան էլ թանկ շարժես...

Վ ա ս ի լ ի ս ա. Բռնե՛ք Վասկային: Նա՛ սպանեց... ես  
տեսա...

Ս ա տ ի ն. Ես էլ մի երեք անգամ հասցրի ծերուկին... իսկ  
նրան շա՛տ էր պետք, ի՛նչ է... Ինձ վկա կանչիր, Վասկա...

Պ ե պ ե լ. Ես արդարանալու պետք չունեմ... Վասիլիսային  
պիտի մեջ քաշեմ... ու մեջ էլ կքաշեմ: Նա էդ բանն ուզում էր...  
նա ինձ համոզում էր սպանել իր մարդուն... համոզում էր...  
նա ինձ հանկարծ, բարձրաձայն). Ա-ա՛, ես հասկա-

նա տ ա շ ա (հանկարծ, բարձրաձայն). Բարի մարդիկ, նրանք իրար հետ  
ցա... այդպե՛ս է, Վասիլի... Բարի մարդիկ, նրանք իրար հետ  
են: Քույրս և նա... Խոսքները մեկ են արել... նրանք էս ամենը  
սարքել են... Այ, այդպե՛ս է, Վասիլի... Դու քիչ առաջ դրա հա-  
մա՛ր էիր ինձ հետ խոսում... որ նա ամեն ինչ լսի: Բարի մար-  
դիկ, նա նրա սիրուհին է... դուք գիտեք... դա բոլորը գիտեն...  
նրանք խոսքները մեկ են արել: Նա էր... էդ նա էր համոզում  
Վասյային, որ իր մարդուն սպանի... մարդը նրանց խանգարում  
էր... Ես էլ էի խանգարում... Ահա, հաշմանդամ դարձրին ինձ...

Պ ե պ ե լ. Նատալյա, այդ ի՞նչ... ի՞նչ ես ասում:

Ս ա տ ի ն. Ահա այսպես, սատանա...

Վ ա ս ի լ ի ս ա. Ստում ես: Նա ստում է... Ես... նա... Վաս-  
կան սպանեց...

Ն ա տ ա շ ա. Նրանք խոսքները մեկ են արել: Անիծյալ լի՛-  
նեք... Դուք, երկուսդ...

Ս ա տ ի ն. Համա թե խաղ է, հա... Պինդ կաց, Վասիլի,  
նրանք քեզ ջրահեղձ կանեն:

Կ ր ի վ ո յ Զ ո ք. Անհնար է հասկանալ... Ա՛խ, դուք... Հա-  
մա թե գո՛րծ է...

Պ ե ս յ ե լ. Նատալյա, մի՞թե դու իսկականից... Մի՞թե հա-  
վատում ես, որ ես... նրա հետ եմ...

Ս ա տ ի ն. Իսկապե՞ս, Նատաշա, դու... խելքի եկ...

Վ ա ս ի լ ի ս ա (նրբանցում). Սպանե՛լ են ամուսնուս, ձերդ  
բարեծնություն... Վասկա Պեպելը՝ գողը, նա սպանեց... պարոն  
պրիստավ... Ես տեսա, բոլորը տեսան...

Ն ա տ ա շ ա (համարյա ուղագնաց, դեռ ու դեռ է նետվում).  
Բարի մարդիկ... Քույրս և Վասկան են սպանել: Ոստիկանու-  
թյուն, լսիր... Ահա սա է, իմ քույրը, սովորեցրել, համոզել...  
Իր սիրեկանին... ահա նա, անիծյալը... նրանք են սպանել...  
Բռնե՛ք նրանց, դատեք... Ի՛նձ էլ բռնեք, բանտ դրեք... Քրիստոսի  
սիրուն, ինձ բանտ տարեք:

Վ ա ր ա գ ու յ ր

## ՉՈՐՐՈՐԳ ԳՈՐԾՈՂՈՒԹՅՈՒՆ

Սուաչին գործողության կանավորությունն է: Բայց Պեպելի սենյակը չկա,  
միջնորմներ հանված են: Եվ այն տեղում, ուր ճտած էր Կլեշչը, չկա գրե-  
ղանը: Անկյունում, ուր Պեպելի սենյակն էր, պտակած է Քաթարը, շուտու-  
մուս է գալիս ու երբեմն անում: Սեղանի մաս նստած է Կլեշչը, հարմոն է  
վերանորոգում, մեքենաներ փորձելով ստեղծներ: Սեղանի մյուս ծայրին  
Սատիրը, Բարոնը և Նատաշան են: Նրանց առաջ մի շիշ օղի է, երկու շիշ  
գաբեշուր ու մի մեծ կտոր սև հաց: Վառաճի վրա Դերասանը շուտով  
է գալիս ու տե՛նում: Գրչո՛ւ է: Բեմը լուսավորված է լամպով, որ դրված է  
սեղանի մեջտեղը: Դռան վանդակն է:

Կ լ ե շ շ. Հա, նա էր խառնակություն ժամանակ էլ կորավ:  
Բ ա ր ո ն. Ոստիկանություն աչքից չքվեց, ոնց որ ծուխը  
կրակի երեսից:

Ս ա տ ի ն. Այդպես մեղավորներն են չքվում արդարների  
աչքից:

Ն ա ս ա յ ա. Լավ ծերուկ էր: Իսկ դուք... մարդիկ չեք... այլ  
ժանգ...

Բ ա ր ո ն (խմում է). Ձեր կենացը, լեզի...

Ս ա տ ի ն. Հետաքրքիր ծերուկ էր, այո... Ահա նաստեն-  
կան սիրահարվեց նրան...

Ն ա ս ա յ ա. Եվ սիրահարվեցի, ճիշտ է: Նա ամեն ինչ տես-  
նում էր, ամեն ինչ հասկանում էր:

Ս ա տ ի ն (ծիծաղելով). Եվ ընդհանրապես շատերի համար  
այնպես էր, ոնց որ հացի փափուկը անատամի համար:

Բ ա ր ո ն (ծիծաղելով). Ոնց որ սպեղանին ուռուցքի հա-  
մար:

Կ լ ե շ շ. Նա խղճահարվել գիտեր, իսկ դուք ահա... խիղճ  
չունեք...

Ս ա տ ի ն. Քեզ ինչ օգուտ, եթե քեզ խղճամ...

Կ լ ե շ շ. Դու կարող ես... դու ոչ միայն խղճալ կարող ես...  
դու կարողանում ես մարդկանց շնեղացնել:

Ք ա թ ա ր (նստում է ասիտամածին և երեխայի պես օրո-  
ւում է իր հիվանդ ձեռքը). Մերուկը լավն էր, հոգու օրենք ուներ:  
Ով հոգու օրենք ունի՝ լավն է: Ով օրենք կորցրեց, կորավ...

Բ ա ր ո ն. Ի՞նչ օրենք, խան...

Ք ա թ ա ր. Այնպես... տարբեր տեսակ... գիտես, ինչպես...

Բ ա ր ո ն. Շարունակի՛ր...

Ք ա թ ա ր. Մարդուն մի նեղացնի՛ ահա օրենք...

Ս ա տ ի ն. Դա կոչվում է՝ «Օրենսգիրք քրեականների և  
ուղղման ենթակաների պատիժների մասին»:

Բ ա ր ո ն. Եվ էլի՛ «Կանոնադրություն հաշտարար դատա-  
վորների կողմից տրվող պատիժների մասին»:

Ք ա թ ա ր. Ղորան կոչվում է... Ձեր Ղորան պետք է լինի  
ձեր օրենք... Հողին Ղորան պետք է լինի...

Կ լ ե շ շ (փորձելով հարմոնը). Ֆլաշացնում է, անտերը: Իսկ  
խանը ճիշտ է ասում, պետք է օրենքով ապրել, Ավետարանի  
համաձայն...

Ս ա տ ի ն. Ապրի՛ր...

Բ ա ր ո ն. Փորձի՛ր...

Ք ա թ ա ր. Մուհամեդ Ղորան տվեց, ասաց՝ ահա օրենք...  
Արա, ինչպես այստեղ է գրված, Ղորան քիչ կլինի... ժամանակ  
կտա իր օրենք, նոր... ամեն ժամանակ կտա իր օրենք...

Ս ա տ ի ն. Այդպես է... Եկավ ժամանակը և տվեց պատիժ-  
ների օրենսգիրքը: Պինդ օրենք է, շուտ չես մաշի...  
Ն ա ս ա յ ա (բաժակով խփում է սեղանին). Եվ ինչո՞ւ...

ինչի՞ համար եմ ես ապրում այստեղ... ձեզ հետ: Կգնամ...

Կգնամ որևէ տեղ... աշխարհի ծայրը:

ՔաՐՈՆ. Առանց մաշի՛նների՞, լեղի...

ՆԱՍՏՅԱ. Տկլոր կգնամ... Չորեքթաթ սողալուվ...

ՔաՐՈՆ. Դա շատ գեղեցիկ կլինի, լեղի, եթե շորեքթաթ ես սողալու...

ՆԱՍՏՅԱ. Այո՛, ես կսողամ... միայն թե շտեմնեմ քո սիրտ... Ախ, զզվացրել է ինձ ամեն ինչ: Ամբողջ կյանքը, բոլոր մարդիկ...

ՍԱՏԻՆ. Թե գնալու լինես, Դերասանին էլ հետդ առ... նա էլ է պատրաստվում այնտեղ գնալու... Նրան հայտնի է դարձել, որ աշխարհի ծայրից ընդամենը կես վերստ այս կողմ կանգնած է օրգանոնների հիվանդանոցը...

ԴԵՐԱՍԱՆ (վառարանի վրայից դուրս ցցվելով). Օրգանիզմների... Տիմա՛ր...

ՍԱՏԻՆ. Ալկոհոլով թունավորված օրգանոնների...

ԴԵՐԱՍԱՆ. Այո՛, նա կգա... նա կգա, կտեսնեք:

ՔԱՐՈՆ. Ո՛վ՛ նա, սըր...

ԴԵՐԱՍԱՆ. Ե՛ս...

ՔԱՐՈՆ. Merci, աստվածուհու սպասավոր... Ի՞նչ էր անունը... Դրամայի, ողբերգության աստվածուհու անունը...

ԴԵՐԱՍԱՆ. Մուսա, տիմարի մեկը... Ոչ թե աստվածուհի, այլ մուսա...

ՍԱՏԻՆ. Լահեզա... Հերա... Աֆրոդիտե... Ատրոպա... սատանան էլ գլուխ չի հանի: Այդ բոլորը ծերունի արեց... նա է ֆոռացրել Դերասանի գլուխը... Հասկանո՞ւմ ես, Բարոն:

ՔԱՐՈՆ. Մերուկը հիմար էր...

ԴԵՐԱՍԱՆ. Տգետներ, վայրենիներ... Մեկումենա... Մարդիկ անսիրտ են: Դուք կտեսնեք՝ նա կգա: «Ճարպակալեք, մռայլ ուղեղներ»... Բերանձեի բանաստեղծությունն է, այո՛:

Նա կգտնի իր տեղը, ուր չկա... չկա...

ՔԱՐՈՆ. Ոչինչ չկա, սըր...

ԴԵՐԱՍԱՆ. Այո՛, ոչինչ: «Թող այս սև փոսն ինձ լինի գերեզման... Ես մեռնում եմ թույլ ու անօգնական»: Ինչո՞ւ եք դուք ապրում, ինչո՞ւ...

ՔԱՐՈՆ. Է՛յ դու, Քին կամ հանձար ու անառակություն, մի՛ գոռա...

ԴԵՐԱՍԱՆ. Ստում ես, պիտի գոռամ...

ՆԱՍՏՅԱ (գլուխը սեղանից բարձրացնելով, քափահա-ում է ձեռքերը). Գոռա՛, թող լսեն...

ՔԱՐՈՆ. Ի՞նչ միտք ունի, լեղի...

ՍԱՏԻՆ. Թո՛ղ դրանց, Բարոն... Թող գոռան... Թող գլուխները շարդեն... Այստեղ իմաստ կա... Մի խանգարի մարդուն, ինչպես ասում էր ծերուկը... Այո՛, նա էր, էն հին թթխմորը, որ մեր կենվորներին էսպես թթվացրեց...

ԿԼԵՂՇ. Հրապուրեց, որ ինչ-որ տեղ գնան, բայց ճանապարհը ցույց չտվեց...

ՔԱՐՈՆ. Մերուկը խաբեբա էր...

ՆԱՍՏՅԱ. Ստում ես, դու ինքդ ես խաբեբա:

ՔԱՐՈՆ. Ձե՛նդ, լեղի...

ԿԼԵՂՇ. Ճշմարտություն չէր սիրում էդ ծերունին... Շատ էր ըմբոստանում ճշմարտության դեմ... Այդպես էլ պետք է... խսկապես՝ էստեղ ինչ ճշմարտություն... Առանց այդ էլ էստեղ շքեղ չեղու օդ չկա... Հրեն խանը... աշխատանքի ժամանակ ձեռքն է ճզմել... Երևի էդ ձեռքը սղոցել, դեն ձգելու հարկ լինի... լսում ես... ահա և քեզ ճշմարտություն...

ՍԱՏԻՆ (բռունցքով խփելով սեղանին). Լո՛՛ք: Դուք բոլորդ անասուններ եք: Դղումներ... Ձենն՛րդ, ծերունու մասին բան չասեք: (Ավելի հանգիստ): Դու, Բարոն, բոլորից վատն ես... Դու ոչինչ չես հասկանում... և ստում ես: Մերունին խաբեբա չէր: Ի՞նչ բան է ճշմարտությունը: Մարդը — ահա քեզ ճշմարտություն: Նա հասկանում էր դա, դուք՝ ոչ: Դուք աղյուսի պես բուլի եք: Ես հասկանում եմ ծերունուն, այո՛: Նա փչում էր... բայց ձեզ խղճալուց, սատանան ձեզ տանի: Շատ մարդիկ կան, որ մերձավորի նկատմամբ ունեցած խղճահարությունից ստում են... Ես գիտեմ, ես կարդացել եմ: Ստում են գեղեցիկ, ներշնչված, ոգևորիչ... Կա սփոփիչ սուտ և հաշտեցնող սուտ... այդ սուտը արդարացնում է այն ծանրությունը, որ բանվորի ձեռքն է ճզմել... և մեղադրում է սովամահներին... ես գիտեմ այդ սուտը: Ով թույլ է հոգով և ուրիշների հյուսթերով է ապրում, սուտը պետք է նրանց... Ոմանց նա օժանդակում է, մյուսները ծածկվում են նրանով... Իսկ ով ինքն իր տեղն է, ով անկախ է և ուրիշինը չի խժոժում, նրա ինչի՞ն է պետք սուտը... Սուտը ստրուկների ու տերերի կրոնն է... Ճշմարտությունը ազատ մարդու աստվածն է:

Քառն. Կեցցե՛ս: Հիանալի է ասված: Ըս համաձայն եմ: Գու խոսում ես որպես կանոնավոր մարդ:

Սատիւ. Եվ ինչո՞ւ մեկ մեկ խաղանենգն էլ սուտ չխոսի, երբ կանոնավոր մարդիկ խոսում են որպես խաղանենգներ: Այո՞... Ես շատ բան եմ մոռացել, բայց ինչ-որ բաներ դեռ պիտեմ: Մերունին... նա խելքի ծով էր... նա ինձ վրա այնպես ազդեց, ինչպես թթուն հին և կեղտոտ մետաղադրամի վրա... եմենք նրա կենացը... Լցրո՞ւ...

Նաստյան մի բաժակ գառեջուր է լցնում և տալիս Սատիւին:

Սատիւ. Մերունին ինքնուրույն է ապրում... նա ամեն ինչի նայում է իր աչքերով: Մի անգամ ես նրան հարցրի. պապ, մարդիկ ինչի՞ համար են ապրում: (Աշխատելով խոսել Լուկայի ձևով և նրա ձևերն ընդօրինակելով): «Լավագույնի համար են մարդիկ ապրում, սիրելիս: Ահա, ասենք, ապրում են ատաղձագործներ, բոլորը՝ անպետք մարդիկ... Եվ ահա նրանց միջից ծնվում է մի ատաղձագործ, այնպիսի ատաղձագործ, որի նմանը աշխարհը չի տեսել, բոլորին գերազանցել է, ու ատաղձագործների մեջ չկա նրան հավասարը: Եվ նա ամբողջ ատաղձագործությունը իր կերպարանքն է առել, և գործն ամբիջապիս քսան տարով առաջ է մղում... Այդպես էլ բոլոր մյուսները... փակա՜նագործները, կոշկակարները և այլ աշխատավոր մարդիկ... և բոլոր գյուղացիները... և նույնիսկ աղաները... Լավագույնի համար են ապրում: Ամեն մեկը կարծում է, թե իր համար է ապրում, բայց դուրս է գալիս, որ ապրում է Լավագույնի համար... Հարյուր տարի, գուցե և ավելին, Լավագույն մարդու համար են ապրում»:

Նաստյան հարևորեն նայում է Սատիւի դեմքին: Կիչը դադարում է հարմոնի վեա աշխատանքից և եռյակա լուս է: Բարունը, գրպիք ցած խոնարհած, մատներով կամաց խփում է սեղանին: Դերասանը վառարանի վրայից ցզվել, աշխատում է զգույշ իջնել տախտամածին:

Սատիւ. «Բալորը, սիրելիս, բոլորն ինչքան կռն, Լավագույնի համար են ապրում: Դրա համար էլ ամեն տեսակի մարդու էլ հարկավոր է հարգել... Չէ որ մեզ համար հայտնի չէ, թե ով է նա, ինչու է ծնվել և ինչ կարող է անել... գուցե նա ծնվել է ի երջանկություն մեզ... մեզ մի մեծ օգուտ տալու... Հատկապես երեխաներին պիտի հարգել, մանուկներին: Երեխաներին լայն

տարածություն է պետք: Մի՛ խանգարեք երեխաներին ապրել... Հարգեք երեխաներին»:

Կարտ:

Քառն. (մտախոն). Էդպես... Լավագույնի համար: Դա ինձ հիշեցնում է մեր ընտանիքը... Հին գերդաստան... Եկատերինալի ժամանակների... ազնվականներ... ռազմիկներ... Ֆրանսիայից գաղթածներ... ծառայում էին, հա վեր էին բարձրանում... Նիկոլայ առաջինի օրոք պապս՝ Գուստավ Դերբիլը, բարձր պաշտոն էր զբաղեցնում... հարստություն... հարյուրավոր ճորտեր... ձիեր... խոհարարներ...

Նաստյան. Ստում ես: Դա չի եղել...  
Քառն (տեղից ցատկելով). Ի՞նչ... գե՛, շարունակի՛ր...  
Նաստյան. Դա չի եղել:  
Քառն (զոռում է). Տուն՝ Մոսկվայում: Տուն՝ Պետերբուրգում: Կառքեր... զինանշաններով կառքեր...

Կիչը վերցնում է հարմոնը, փե է կենում, քաշվում է մի կողմ և այնտեղից դիտում է տեսարանը:

Նաստյան. Չի՛ եղել...  
Քառն. Ձե՛նդ... ես ասում եմ՝ տասնյակ սպասավորներ...  
Նաստյան (բավականությամբ). Չի՛ եղել...  
Քառն. Կսպանե՛մ...  
Նաստյան (պատրաստվելով փախչել). Չեն եղել կառքեր...  
Սատիւ. Թող, նաստենկա, մի կատաղեցնի դրան...  
Քառն. Սպասիր դու... ոչինչ թի՛ն: Իմ պապը...

Նաստյան. Չի՛ եղել պապ, ոչինչ չի եղել...  
Քառն (զայրույթից հոգնած, նստում է աթոռին). Սատիւ, ասա դրան, էդ լրբին... Դու՞ն էլ ես ծիծաղում, դո՞ւ էլ չես հավատում... (զոռում է հուսահատ, բռունցքներ խփելով սեղանին): Եղել է, սատանան տանի ձեզ:

Նաստյան (հեմվանքով). Ա՛, ա՛, ոռնացի՛ր... Հասկացա՞ր, թե ինչպես է լինում, երբ մարդուն չեն հավատում:  
Կիչը շարունակում է (վերադառնալով սեղանի մոտ). Ըս կարծում էի, տուրուզմբոց կլինի...

Խաթար. Ախ, հիմար են մարդիկ: Շա՛տ վատ է:  
Քառն. Ես թույլ չեմ տա, որ ինձ ծագրուծանակի ենթարկեք, ես ապացույցներ ունեմ, փաստաթղթեր... Սատանա:

Ս ա տ ի ն. Դեն նետիր դրանք ու պապիդ կառքերը մոռա-  
ցիր... Անցյալի կառքով ոչ մի տեղ չես կարող գնալ...

Բ ա Ր Ո Ն. Բայց ինչպե՞ս է նա համարձակվում...

Ն ա ս տ յ ա. Ասա՛-ցե՛ք, խնդրեմ, ինչպե՞ս եմ համարձակ-  
վում...

Ս ա տ ի ն. Տեսնում ես, համարձակվում է... նա ինչո՞վ է  
քեզանից վատ... Թեև անցյալում հավանաբար չի ունեցել ոչ  
միայն պապ ու կառքեր, այլ նույնիսկ հայրիկ ու մայրիկ...

Բ ա Ր Ո Ն (հանգստանալով). Գրողը քեզ տանի, դու կարո-  
ղանում ես հանգիստ դատել... Իսկ ես երևի կամք չունեմ...

Ս ա տ ի ն. Ձեռք բեր: Օգտակար է... (դադար): Նաստյա,  
դու հիվանդանոց գնո՞ւմ ես...

Ն ա ս տ յ ա. Ինչո՞ւ...

Ս ա տ ի ն. Նատաշայի մոտ...

Ն ա ս տ յ ա. Նոր գլխի ընկար... նա վաղուց է հիվանդանո-  
ցից դուրս եկել... Դուրս է եկել ու կորել... ոչ մի տեղ չկա...

Ս ա տ ի ն. Ուրեմն, դուրս է եկել...

Կ Ղ Ե Ղ Ղ. Հետաքրքիր է, ով ում ավելի շատ կխրի... Վաս-  
կա՞ն՝ Վասիլիսային, թե՞ սա՛ նրան...

Ն ա ս տ յ ա. Վասիլիսային դուրս կպրծնի... նա խորամանկ  
է... Իսկ Վասկային կքշեն տաժանակիր աշխատանքի...

Ս ա տ ի ն. Կովի մեջ կատարված սպանություն համար  
միայն բանտ է հասնում...

Ն ա ս տ յ ա. Ափսոս: Ավելի լավ կլիներ տաժանակիր աշ-  
խատանքի ուղարկեին... Ձեզ բոլորիդ տաժանակիր աշխատանքի  
ուղարկեին: Ավելին, աղբի պես թափեին մի փոսի մեջ...

Ս ա տ ի ն (գարմացած). Ի՞նչ ես ասում: Կատաղեցի՞ր...

Բ ա Ր Ո Ն. Հիմա ես կհասցնեմ դրա ականջին... հանդգնու-  
թյան համար:

Ն ա ս տ յ ա. Փորձիր: Ձեռք տուր:

Բ ա Ր Ո Ն. Կփորձեմ:

Ս ա տ ի ն. Թո՛ղ, ձեռք մի տա... մի վիրավորիր մարդուն:  
Իմ մտքից դուրս չի գալիս այդ ծերուկը... (Քրեջում է): Մի վի-  
րավորիր մարդուն: Բայց եթե ինձ մի անգամ վիրավորե՞լ են...  
ամբողջ կյանքիս համար միանգամից: Ի՞նչ անել: Ներել... եր-  
բե՛ք: Ոչ մեկին...

Բ ա Ր Ո Ն (Նաստյային). Դու պարտավոր ես հասկանալ, որ  
ես քո հատը չեմ: Դու... զիբիլ ես...

Ն ա ս տ յ ա. Ա՛խ, դու, թշվառական: Ախր դու իմ հաշվին  
ես ապրում, ինչպես որդը՝ խնձորի...

Տղամարդկանց համերաշխ Բրեխի պայքրում:

Կ Ղ Ե Ղ Ղ. Ա՛խ... հիմար: Կա՛վ խնձոր ես:

Բ ա Ր Ո Ն. Չի կարելի... բարկանալ... տխմարիկս:

Ն ա ս տ յ ա. Ծիծաղո՞ւմ եք... Ստում եք... Ձեզ համար ծի-  
ծաղելի չէ:

Ի Ե Ր ա ս ա ն (մոռյլ). Շո՛ւա՛ տուր դրանց:

Ն ա ս տ յ ա. Եթե ես կարողանայի, ես ձեզ (սեղանից  
վերցնում է գավաթը և շարժում հատակին) ահա այսպես կանեի...

Թ ա Բ ա Ր. Ինչո՞ւ աման ջարդել: Է՛... հիմարի զլուխ...

Բ ա Ր Ո Ն (տեղից ելնելով). Չէ՛, ես հիմա դրան... կսովո-  
րեցնեմ էդ ձևերը...

Ն ա ս տ յ ա (փախչելով). Սատանան ձեզ տանի:

Ս ա տ ի ն (նրա ետևից). Է՛յ, բավական է: Ո՞ւմ ես վա-  
խեցնում: Բանն ինչ է, վերջապես...

Ն ա ս տ յ ա. Գայլեր: Երևեկ սատկերի: Գայլե՛ր...

Ի Ե Ր ա ս ա ն (մոռյլ). Ամե՛ն:

Թ ա Բ ա Ր. Ո՛ւ-ո՛ւ... Ջար կնիկ, ոռու կնիկ... կապը կըտ-  
րած... ազատ... Թաթար կնիկ՝ չէ... Թաթար կնիկ օրենք սի՛ոփ...

Կ Ղ Ե Ղ Ղ. Դրան քոթակ է պետք...

Բ ա Ր Ո Ն. Գարշելի կնիկ...

Կ Ղ Ե Ղ Ղ (հարմունք փորձելով). Պատրաստ է: Իսկ տերը չկա  
ու չկա... Վառվում է տղան...

Ս ա տ ի ն. Հիմա՛ խմիր...

Կ Ղ Ե Ղ Ղ. Շնորհակալ եմ: Ասենք, պառկելու էլ ժամա-  
նակն է...

Ս ա տ ի ն. Վարժվո՞ւմ ես մեզ...

Կ Ղ Ե Ղ Ղ (խմելով, գնում է դեպի անկյունի տախտամածը).  
Ոչինչ... Ամեն տեղ մարդիկ են... Սկզբում դա չես տեսնում...  
հետո նայում ես, ու դուրս է գալիս, որ բոլոր մարդիկ... ոչինչ...

Թաքար տախտամածի վրա ինչ-որ բան է փռում, ծնկի է գալիս և աղո-  
քում է:

Բ ա Ր Ո Ն (Սատինին, մատնացույց անելով Թաքարին).  
Նայի՛ր...

Ս ա տ ի ն. Թո՛ղ: Նա լավ տղա է... մի խանգարիր (Բրեջ-  
ղում է): Ես այսօր բարի եմ, սատանան գիտի, թե ինչու...

**Բ ա Ր Ո Ն.** Դու բարի ես միշտ, երբ խմում ես... և խելացի...

**Ս ա տ ի Ն.** Երբ ես հարբած եմ... ինձ ամեն ինչ դուր է գալիս: Հա՛, նա աղոթում է: Հիանալի է: Մարդը կարող է հավատալ և չհավատալ... Դա իր գործն է: Մարդը ազատ է... Ամեն ինչի համար նա ինքն է վճարում... հավատի համար ու անհավատության, սիրո համար, խելքի համար... Մարդը ամենի ինչի համար ինքն է վճարում և այդ պատճառով ազատ է: Մարդը՝ ահա ճշմարտությունը: Ինչ բան է մարդը: Դա ես չեմ, դու չես, նրանք չեն: Չէ... Դա դու ես, ես եմ, նրանք են, ծերունի է, նապոլեոնը, Մուհամեդը... Մի հոգու մեջ (մտովի օղի մեջ գծում է մադրու կերպարանք): Հասկանո՞ւմ ես: Դա սրամիտ է: Դրա մեջ են բոլոր սկիզբները և վերջերը: Ամեն ինչ մարդու մեջ է, ամեն ինչ մարդու համար է... Միայն մարդը գոյություն ունի, իսկ մնացյալը նրա ձեռքի և ուղեղի գործն է: Մա՛րդ... հոյակապ է դա: Դա հպարտ է հնչում: Մա՛րդ: Պետք է հարգել մարդուն: Չխղճալ... խղճահարությունը շատ քիչ է... Հարգել է պետք... Խմենք մարդու կենացը, Բարոն (կանգնում է): Լավ է, երբ քեզ մարդ ես զգում: Ես բանտարկյալ եմ, մարդասպան, խաղանենգ, այո՛: Երբ քայլում եմ փողոցով, մարդիկ նայում են ինձ իբրև սրիկայի... և մի կողմ են քաշվում և իրենց շուրջն են նայում... և հաճախ ինձ ասում են՝ սրիկա: Խաբեբա: Աշխատիր: Աշխատե՛մ: Ինչո՞ւ Որ կո՛ւշտ լինեմ (Քրեջում է): Ես միշտ ատել եմ այն մարդկանց, որոնք չափից ավելի են մտահոգվում, որ կուշտ լինեն: Բանը դա չէ, Բարոն: Բանը դա չէ: Մարդն ավելի բարձր է: Մարդը կշտությունից ավելի բարձր է:

**Բ ա Ր Ո Ն** (զուխն օրոհելով). Դու դատում ես... դա լավ է... դա, հավանաբար, տաքացնում է սիրտը... Ես դա շունեմ... ես չեմ կարողանում (շուրջն է նայում և ասում կամաց, զգույշ) ես, եղբայր, վախենում եմ... երբեմն: Հասկանո՞ւմ ես: Ահ եմ զգում... որովհետև չգիտեմ՝ ի՞նչ է ցինեյու հետո:

**Ս ա տ ի Ն** (հայտնում է). Դատարկ բաներ են: Մարդն ումի՛ց պիտի վախենա:

**Բ ա Ր Ո Ն.** Գիտե՞ս ինչ... Այն ժամանակից, ինչ ես հիշում եմ ինքս ինձ... իմ գլխի մեջ ինչ-որ մշուշ է: Երբեք և ոչինչ ես չեմ հասկացել: Ես միշտ անհարմար եմ զգացել... ինձ թվում է, թե ես ամբողջ կյանքում միայն շորերս եմ փոխում... Իսկ ինչո՞ւ: Չեմ հասկանում: Երբ սովորում էի, ազնվականական ինստիտուտի համալսարանում էի հագնում... Իսկ ի՞նչ էի սովորում: Չեմ հի-

շում... Ամուսնացա՛ Ֆրակ հագա, հետո՛ խալաթ... Իսկ կին առա գարշելի մեկին՝ ինչո՞ւ: Չեմ հասկանում... Մսխեցի ամենը, ինչ էար... ինչ-որ գորշ պիջակ էի հագնում ու հին շալվար... Իսկ ինչպե՞ս սնանկացա: Չհկատեցի: Մառայում էի պետական հիմնարկում: Համալսարան, կոկարդով գլխարկ... Վատնեցի պետական փողերը... բանտարկյալի խալաթ հագցրին... Հետո հագա ահա այս... Եվ այս ամենը՝ ոնց որ երազում... Հը՛: Միծաղելի՞ է...

**Ս ա տ ի Ն.** Ոչ այնքան, ավելի շուտ՝ անմիտ է...

**Բ ա Ր Ո Ն.** Այո... Ես էլ եմ կարծում, որ անմիտ է... Բայց, ախր, ինչ-որ մի բանի համար ես ծնվել եմ... չէ՞:

**Ս ա տ ի Ն** (ծիծաղելով). Հավանաբար... Մարդը ծնվում է լավագույնի համար (զլխով անելով): Այդպես... լավ է:

**Բ ա Ր Ո Ն.** Դա... Նաստական էր... Փախավ... Ո՛ւր... Գնամ, նայեմ... Որտե՞ղ է նա: Համենայն դեպս... նա... (զննում է: Դա-դար):

**Ի ե Ր ա ս ա Ն.** Թաթա՛ր: (դադար) Խա՛ն...  
Թաթարը շուտ է տալիս գուխը:

**Ի ե Ր ա ս ա Ն.** Ինձ համար... աղոթիր...

**Թ ա ք ա Ր.** Ի՞նչ...

**Ի ե Ր ա ս ա Ն** (ավելի կամաց). Աղոթիր... ինձ համար...

**Թ ա ք ա Ր** (լուելուց հետո). Ինքդ աղոթիր...

**Դ ե Ր ա ս ա Ն** (Արագ իջնում է վառարանի վրայից, մոտենում է սեղանին, դադարող ձեռքերով օղի է լցնում, խմում է ու համարյա թե վագելով, զննում է միջանցի): Գնացի:

**Ս ա տ ի Ն.** է՛յ, դու սիկամբը, ո՛ւր...

**Ս ա Վ Ն:** Երես եմ մտնում կանացի բամբակե բաճեռ հագած Մեղվեղեր և Բարեճվը, երկուսն էլ խմած, բայց ոչ շատ: Բուքնովի մի ձեռքին մի շաճաճ փաղցրահաց է, իսկ մյուս ձեռքին՝ մի ֆանի վորլա, րեի տակ՝ մի շիշ օղի: պիջակի գրպանում՝ մեկ ուրիշ շիշ:

**Մ ե Ղ Վ ե Ղ Կ.** Ուղտը էշի նման է, բայց առանց ականջ-ների...

**Ի ո Ւ ր Ն Ո Վ.** Ձեռ քաշի, դու ինքդ էլ ես էշի նման...

**Մ ե Ղ Վ ե Ղ Կ.** Ուղտը բուրբուրովին ականջ շունի, նա քթածակերով է լսում...

**Ի ո Ւ ր Ն Ո Վ** (Սատիկին). Բարեկամ, ես քեզ փնտրել եմ բոլոր գինետուն-պանդոկներում: Միշտ վերցրու, իմ ձեռքերը զբաղված են...

Ս ա տ ի ն. Իսկ դու քաղցրահասցը դիր սեղանին, մի ձեռքդ կազատվի...

Բ ու ր ն ո վ. Ճիշտ է: Ախ, դու... նայիր, է՛... խելքի ծով է...

Մ ե դ վ ե դ և. Բոլոր խաբեբաները խելացի են, ես գիտեմ: Նրանք առանց խելքի չեն կարող յուր գնալ: Լավ մարդը, եթե նա նույնիսկ հիմար է, լավ է, իսկ վատը անպայման պիտի խելք ունենա: Բայց ուղտի վերաբերյալ դու ճիշտ չես, նա երթևեկության համար պիտանի կենդանի է... նա պողեր շունի... ատամներ էլ չունի...

Բ ու ր ն ո վ. Ո՛ւր է ժողովուրդը: Ինչո՞ւ այստեղ մարդ չկա: Հե՛յ, դուրս եկեք... հյուրասիրում եմ... Ո՞վ է անկյունում...

Ս ա տ ի ն. Դու ունեցածդ շուտով կլսես, կպրծնես, խըրտվիլավ՛կ...

Բ ու ր ն ո վ. Շուտով: Այս անգամ ես մի շատ պատիվ կպիտալ էի կուտակել: Զո՛ր... ո՞ւր է Զորբ...

Կ լ ե շ շ (մոտենալով սեղանին). Այստեղ չի...

Բ ու ր ն ո վ. Ո՛ւ-ո՛ւ-ոռո... Բարբոս... բոյա, բույու, բրույու... Հնդկահավ... Մի հաչիր, մի գումոա... խմիր, քեֆ արա... քիթդ մի կախիր... Ես բոլորին հյուրասիրում եմ... Ես, ախպերս, սիրում եմ հյուրասիրել... Թե որ ես հարուստ լինեի, մի ձրի գինետուն կբացեի... Աստված վկա... երածշտությամբ, և որ երգիչների խումբ լինեի... Արի, կեր, խմիր, երգ լիր... հոգիդ թեթևացրու... Աղքատ մարդ, հայդա՛, իմ ձրի գինետունը եկ... Սատին, ես քեզ. ես քեզ կասեի... վերցրու իմ բոլոր կապիտալների կեսը... էդպես կասեի...

Ս ա տ ի ն. Դու հիմա ամբողջը տուր ինձ:

Բ ու ր ն ո վ. Ամբողջ կապիտալս... Հիմա... Ա՛ն... Ահա մեկ ուրիշ, ահա էլի մի քսան կոպեկանոց... հինգ կոպեկանոցներ... երկու կոպեկանոցներ... բոլորը:

Ս ա տ ի ն. Եվ լավ է: Ինձ մոտ ավելի ապահով կլինի: Կխաղամ այս փողերով:

Մ ե դ վ ե դ և. Ես վկա եմ: Փողերը հանձնված են պահպանության... Գումարն ինչքա՞ն է:

Բ ու ր ն ո վ. Դու... դու ուղտ ես... մենք վկայի պետք չունենք:

Ա լ յ ո շ կ ա (մտնում է ոտաբորիկ). Եղբայրներ, ես ոտքերս եմ թրջել...

Բ ու ր ն ո վ. Գնա կոկորդդ թրջիր... Միայն էդպես... Դու

լավն ես... Դու երգում ես ու նվագում... Դա շատ լավ է: Բայց իդուր ես խմում: Դա, եղբայր, վնասակար է... խմելը վնասակար է...

Ա լ յ ո շ կ ա. Քեզանով եմ դատում... Դու միայն հարբած ժամանակ ես մարդ նման... Կլե՛շշ, հարմոնը նորոգեցի՞ր... (Պարելով երգում է):

Ախ, ախ, թե իմ ուխտը  
էսքան սիրուն չլինեի,  
Ասա տեսե՛մ՝ սանամբս  
Ինչո՞ւ պիտի ինձ սիրեր...

Ս ա տ ի ն եմ եղբայրներ, ցուրտ է...

Մ ե դ վ ե դ և. Հըմ... ամոթ չլինի հարցնելը, ո՞վ է սանամբերդ...

Բ ու ր ն ո վ. Ձեռ քաշի... Դու հիմա, եղբայրս, ոչինչ ես... պրծավ... էլ քեռի չես...

Ա լ յ ո շ կ ա. Այլ պարզապես մորաքրոջ ամուսին...

Բ ու ր ն ո վ. Քրոջդ մի աղջիկը բանտում է, մյուսը՝ մեռնում է...

Մ ե դ վ ե դ և (կպարտորեն). Ստում ես... նա չի մեռնում, նա անհայտ կորել է:

Ս ա տ ի ն եմ եմ:

Բ ու ր ն ո վ. Մեկ է եղբայր, մարդն առանց քրոջ վավակների՝ քեռի չէ...

Ա լ յ ո շ կ ա. Ձերդ գերազանցություն... Պաշտոնաթող այժմ թմբկահար...

Սանահերս շատ փող ունի,  
Քոռ գրոջ խկ ես չունեմ,  
Բայց մի ուրախ տղա եմ ես,  
Կիտի խմեմ, քեֆ անեմ...

Ց ու ր տ է:

Մտնում է Զորբ, հետո, միևնույն գործադրության վերջը, դարձյալ մի քանի տղամարդկանց ու կանանց կերպարաններ են երևում: Նրանք հանգում են, տեղավորվում տախտամածներին, քրքրում են:

Կ ր ի վ ո յ Վ ո ր Բ ու ր ն ո վ, դու ինչո՞ւ փախար...

Բ ու ր ն ո վ. Եկ այստեղ, նստիր... Արի երգենք, եղբայր, իմ սիրելի երգը... հը՛...

Խ ա ր ա ր. Գիշեր է, քնել պետք է: Երգ պետք է ցերեկ երգել...

Ս ա տ ի ն. Դե, ոչինչ, խան... դու այստեղ արի...

Խ ա ր ա ր. Ինչպես՝ ոչինչ... Աղմուկ կլինի... երբ երգ երգում ես... աղմուկ լինում է...

Բ ու ր ն ո վ (զգնում է դեպի նա). Խան... Ի՞նչ է ձեռք: Կըտրե՞լ են ձեռքդ...



Թ ա ք ա ր . Ինչո՞ւ... կսպասենք... կարող է՝ կտրել պետք չէ... Ձեռք երկաթ չէ... դժվար չէ կտրել...

Կ ր ի վ ո յ Ջ ո ր . Քո գործը յաման է, Հասանկա: Առանց ձեռքի դու բանի պետք չես: Մեղպեսների գինը ձեռքի ու կոնակի մեջ է... Չկա ձեռք, չկա և մարդ... Գործդ խարաբ է: Արի արող խմիր... Ուրիշ ոչինչ...

Կ վ ա շ ն յ ա (մտնում է). Ա՛խ, դուք իմ սիրելի հարևաններ... Ի՞նչ է դրսում... էն Ի՞նչ է դրսում... ցո՛ւրտ, ցե՛խ... իմ կենվորն էստե՞ղ է... իմ կենվորը...

Մ ե դ վ ե դ և . էստեղ եմ...  
Կ վ ա շ ն յ ա . էլի՞ իմ բաճկոնն ես հագել... Եվ կարծես թե մի քիչ էնպես ես... Հը՞... էդ Ի՞նչ է, ասա տեսնեմ...

Մ ե դ վ ե դ և . Անվանակոչության առիթով... Բուբնովը... և ցուրտ է, ցեխ...

Կ վ ա շ ն յ ա . Ինձ նայիր, հա՛, ցե՛խ, խելոք մնա... գնա քնիր տեսնեմ:

Մ ե դ վ ե դ և (գնում է խոհանոց). Քնել կարող եմ... Ուզում եմ... Ժամանակն է...

Ս ա տ ի ն . Դու Ի՞նչ է... այդքան խի՞ստ ես նրա հետ:

Կ վ ա շ ն յ ա . Ուրիշ ձևով, բարեկամս, չի կարելի... էդպիսի տղամարդուն պիտի խստության մեջ պահել: Ես նրան իմ կենակիցը դարձրի, կարծելով, որ նրանից օգուտ կլինի... քանի որ զինվորական է... Իսկ դուք անզուսպ մարդիկ եք... իմ գործն էլ կնկա գործ է... բայց նա՛ խմել է: Դա իմ ինչի՞ն է պետք...

Ս ա տ ի ն . Օգնականիդ ընտրությունը վատ արիր...

Կ վ ա շ ն յ ա . Չէ՛, վատ չեմ ընտրել... Դու ինձ հետ չես ուզի ապրել... էդպիսին ես դու: Ու եթե ապրես էլ, մի շաբաթից ավել չի քաշի... թղթախաղում ինձ տանուլ կտաս՝ իմ ամբողջ փալասամալասի հետ...

Ս ա տ ի ն (բռնում է). Ճիշտ է, տիրուհի, տանուլ կտամ:

Կ վ ա շ ն յ ա . Մի տես, Ալյոշկան է:

Ա լ յ ո շ կ ա . Ես եմ ահա:

Կ վ ա շ ն յ ա . Դու էդ Ի՞նչ ես իմ մասին դուրս տալիս...

Ա լ յ ո շ կ ա . Ես... ամեն ինչ խղճով եմ ասում: Համա թե, ասում եմ, կնիկ է, հա՛... Չարմանալի... Միսը, ճարպը, ոսկորը տասը փութ է, իսկ խելքը մի մսխալ էլ չի...

Կ վ ա շ ն յ ա . Դե, էդ մեկը դու ստում ես... Չէ, դու ինչո՞ւ ես ասում, որ ես իմ կենակցին ծեծում եմ...

Ա լ յ ո շ կ ա . Ես կարծում էի, թե երբ նրա մազերից քաշ էիր տալիս, ծեծում էիր...

Կ վ ա շ ն յ ա (ծիծաղելով). Հիմա՛ր: Իսկ դու էնպես ցույց տուր, իբր թե չես տեսնում: Աղբը խրճիթից ինչո՞ւ դուրս հանել: Ինչքան շլինի, նրա համար վիրավորական է... Նա քո էդ խոսքերի համար է խմել սկսել...

Ա լ յ ո շ կ ա . Ուրեմն, ճիշտ են ասում, թե կատուն էլ է քացախ խմում...

Սատիեր, Կլեշը բռնում են:

Կ վ ա շ ն յ ա . Մեծաբերան... Եվ Ի՞նչ մարդ ես դու, Ալյոշկա...

Ա լ յ ո շ կ ա . Ամենաառաջին տեսակի... Ամեն ինչ ձեռքիցս գալիս է... Եվ ուր աչքս աշում է, էնտեղ էլ ինձ քաշում է...

Բ ու բ ն ո վ (թաթարի տախտամածի մոտ). Գնանք: Մեկ է, չենք թողնի, որ քնես: Պիտի երգենք... ամբողջ գիշերը: Չոբ...  
Կ ր ի վ ո յ Ջ ո ր . Երգել... կարելի է...

Ա լ յ ո շ կ ա . Իսկ ես կնվագեմ...

Ս ա տ ի ն . Կլսենք...

Թ ա ք ա ր (ժպտալով). Շեյթան ես դու, Բուբնա... գինի տուր... հմենք պիտի. քեֆ անենք պիտի, մահ եկավ, մեռնենք պիտի...

Բ ու բ ն ո վ . Լցրու դրա բաժակը, Սատին: Չոբ, նստիր: Ա՛խ, եղբայրներ, շա՛տ բան է մարդուն պետք... Ես խմել եմ ահա և ուրախ եմ... Չոբ, զլի՛ր... էն մեր սիրածը: Երգեմ, լաց ըլնեմ...

Կ ր ի վ ո յ Ջ ո ր (երգում է). Արփին ծագում, մտնում է մայր...

Բ ու բ ն ո վ (ձայնակցում է). Բայց խավար է իմ բանտում...

Իստե արագ բացվում է:

Բ ա ր ո ն (շեմին կանգնած, գոռում է). Հե՛յ, դուք... եկեք, այստեղ, եկեք... դրսում... այնտեղ... Դերասանը... կախվել է...

Լուսյուն. բութը նայում են Բարոնին. նրա ետևից նայեցում է Նաստյան և դանդաղ, աչքեր լայն բացած, գնում է դեպի սեղանը:

Ս ա տ ի ն (ցածրաձայն). Ա՛խ... փշաքրի բրգը... հիմա՛ր...

Վ ա ր ա գ ու յ ր .

ՔՈՎԱՆԿԱԳՈՒԹՅՈՒՆ

Քանաստեղծություններ, լեզունդներ

Մրրկահավի երգը — բարգմ. Ե. Չարենց	5
Բազեի երգը — բարգմ. Ե. Չարենց	7
Աղջիկը և մահը — բարգմ. Ե. Չարենց	14

Պատմվածքներ

Պառավ իգերգիչը — բարգմ. Հ. Մազմանյան	23
Մակար Չուրա — բարգմ. Հ. Հարությունյան	47
Զելիաշը — բարգմ. Հ. Հարությունյան	61
Մի անգամ աշնանը — բարգմ. Ստ. Շահումյան	98
Քսանվեց տղամարդ և մի աղջիկ (պոեմ) — բարգմ. Ա. Խոնդկարյան	107
Իմ ողևկիցը — բարգմ. Ա. Խոնդկարյան	124
Բոլես — բարգմ. Ա. Խոնդկարյան	157
Մարդու ծնունդը — բարգմ. Վ. Մխիթարյան	163
Մայրը (վեպ) — բարգմ. Ա. Արայան	173
Հատակում (պիես) — բարգմ. Վ. Գալթյան	549

Ալեքսեյ Մաքսիմովիչ Գորկի  
ԸՆՏԻՐ ԵՐԿԵՐ

Алексей Максимович Горький ИЗБРАННЫЕ ПРОИЗВЕДЕНИЯ  
(На армянском языке) Издательство «Советакан грох» Ереван, 1983

Խմբագիր՝ Գ. Գ. Խաչատրյան Նկարիչ՝ Ռ. Ս. Զովինյան  
Գեղ. խմբագիր՝ Վ. Ա. Հարությունյան Տեխ. խմբագիր՝ Ա. Ց. Կովկասյան  
Վերստուգող սրբագրիչներ՝ Ս. Ղ. Քերզյան, Ա. Ա. Հովսեփյան

ИБ 4102

Հանձնված է շարվածքի 13. 04. 83: Ստորագրված է տպագրության 5. 08. 83:  
Ֆորմատ 84×108<sup>1</sup>/<sub>32</sub>: Թուղթ՝ տպագր. № 1: Տառատեսակը՝ «Գրքի սովորական»:  
Տպագրություն բարձր, 32,76 պայմ. տպ. մամ., 31,15 հրատ. մամ.:  
Տպարանակը՝ 50 000: Պատվեր 701: Գինը՝ 3 ռ.:

«Սովետական գրող» հրատարակչություն, Երևան—9, Տերյան 91:

Издательство «Советакан грох», Ереван-9, ул. Теряна, 91.

ՀՍՍՀ հրատարակչությունների, պոլիգրաֆիայի և գրքի առևտրի գործերի պետական կոմիտեի Հակոբ Մեղապարտի անվան պոլիգրաֆկոմբինատ, Երևան—9, Տերյան 91:

Полиграфкомбинат им. Акопа Мегарта Госкомитета по делам издательства, полиграфии и книжной торговли Арм. ССР, Ереван-9, ул. Теряна, 91.